





R H E T O R U M
COLLEGII PORCENSIS
O R A T I O N E S .

Il 2 febbraio del 1

R H E T O R V M
COLLEGII PORCENSIS
IN CLYTÆ ACADEMIÆ
LOVANIENSIS
O R A T I O N E S

*In tres Partes secundum tria causarum
seu Orationum genera distributa.*

Sub NICOLAO VERNVLÆO Col-
legii PORCENSIS, & publico E-
loquentiæ Professore.

Accessit Orationum Sacrarum Volumen singulare
in Festa Deiparæ Virginis & aliquorum
Divorum.

*Editio Sexta aucta aliquot Orationibus, & nova for-
ma in gratiam Eloquentia studiosioribus
illustrata.*

Adiectum est in margine Artificium Rhetoricum.

COLONIÆ,

Apud IOHANNEM KALCOVIVM,
ANNO M. DC. XLIX.

Cum Consensu Authoris & Privilegio.





PRÆNOBILI, STRENVO,

ac

Generoso Domino, Dn.

FRIDERICO

A

FVRSTENBERG,

IN

WATERLAP, SCHNELLENBERG, FVR-
STENBERG & HERDRINGHAVSEN
HÆREDITARIO,

SERENISSIMORVM

PRINCIPVM ET ELECTORVM

Moguntinensis & Colonienfis

Confiliario intimo,

DOMINO IN BILSTEIN,

SATRAPÆ IN FREDEBURG,

& per Westphaliam Ar-

chi-satrapæ,

H 3

Nec

Nec non
P A T E R N I A N I M I
Filiis

THEODORO CASPARO
Cathedralium Eccle-
siarum Moguntiae &
Spirae, Collegiatæque
ad S. Albanum.

FRIDERICO Herbipo- { Cano-
lensis } nico,

WILHELMO Treviren-
sis & Monasteriensis.

FERDINANDO, Pader-
bornensis, Hildesheimensis
& Halberstadiensis }

FRANCISCO WILHELMO,
IOANNI ADOLPHO,

D. Dominisq; suis
Amplissimis.

PRÆNOBILIS AC AD-
MODUM GENEROSE
DOMINE, rectè inquit Ovi-
dius, dum ait :

Nescio qua natale solum dulcedine
cunctos

Ducit, & immemores non finit ef-
se sui.

*Quod mihi etiamnum, postquam ades
paternas unà cum patria reliqui, post an-
nos viginti evenire sentio, quam post tot
annorum intervallo eò magis amo & su-
spicio, quò clariore atque illustriore, per
Te, sidere illustratur; Tua namque
claritate & protectione erigit sese, & al-
tior assurgit, dum in Te zelum ac pieta-
tem Theodosii, Caesaris prudentiam, equi-
tatem Augusti, Titi benevolentiam, ma-
xima sua voluptate commendat. Tibi er-
go patria mea Domino dicam an Patri,
Pluribus nominibus obligor. Primò,
quòd licet urbis huius Coloniensis in-
quilinus sim, nihilominus tamen inter*

populares concives meos subditos tuos cen-
seri velim, mea non minus patria gestiens,
quàm sua Ithacæ Vlysses. Deinde quod
parentes, fratres, sorores, nepotesque, &c.
Re ipsa subditi eo vinculo obstricti ma-
nent, quo subditi Domino suo. Quo
proinde ego quoque teneor ex coniunctio-
ne fraterna & consanguinitatis, cùm
æquius de amicis, quod Zeno amico tri-
buebat, dici possit, quod sint, alter ego.
Taceo virtutes Tuas, atque imprimis hu-
manitatem, qua mea, amicorum atque
subditorum omnium servitia, merito sibi
devincit. Huius ergo obligationis atque
officii mei me nunc potissimum hoc anni
vertentis initium commune facit, quod id
tempus sit usu & consuetudine, quasi lege
veterum more præscriptum, quo Clientes
Patronis suis Apophoreta, strenas, sportu-
las vario Xeniorum ac munerum genere
insignes offerant, suumque erga eos subie-
ctionis ac gratitudinis affectum restentur.
Habui equidem alium neminem, quàm
Præ-

Prænobilem ac Generosam Dominationem
Tuam, & paterni animi Tui Liberos, cui &
quibus mea offerre vellem. En igitur spor-
tellam meam, hoc Rhetorum Porcensium
Orationum syntagma, parvum quidē vo-
lumen est (maiora suo tempore sequentur)
sed prudentiæ atq; eloquentiæ omnis epito-
me, quæ cum utrâq; in Te diuturno Consi-
liorum atque legationum usu emineant,
nihil aptius hoc libro offerre potui. Eum
itaque Tuo & Filiorum Tuorum nomini
submissem confesco, ac simul felicissimum
ineuntis Anni auspiciū, cum felicissimo
quoq; eius ac plurimorum insequentium
decursu, à Deo precor. Quod dum facio,
submissero, hoc Xenium leuidentse æ-
qui boniq; consultum, & me cum Civitate
nostra Varstensi, cæterisq; commendatum
haberi. Dat. Colonia 14. Ianuarii A. 1640.
Iterum 1645. et iam denuo 1649.

Prænob. ac Generosæ D. Vestræ

Humilis Client

IODOCVS KALCOVIUS
Civis & Bibliopola
Coloniæ



MAGNIFICO DOMINO
R E C T O R I,

*Eximiis, Clarissimis, Expertissimis,
Venerabilibus Dominis,*

DOMINIS

INCLYTI SENATVS
ACADEMICI ALMÆ V-
niversitatis LOVANIENSIS,

NICOLAUS VERNVLÆVS.



ORNELIA Grac-
chorum mater, cū
Matrona quædam
Campana apud il-
lam hospita lapi-
los, aurum, pretiosam vestem
ostentaret, rogaretq;, vt sibi or-
namen-

namenta sua ostenderet, verbis
eam protraxit, quousque è ludo
Litterario filii reverterentur. Ac
tum filios indigitans: Respice,
inquit; En habes lautam supelle-
ctilem meam, omniaque orna-
menta ac delitias meas. Nimirū
præ filiis ornamenta illo sæculo
pulcherrima contemnebat, & in
spe liberorum muliebrem mun-
dum prudens matrona colloca-
bat. Quòd si ergo parentum lau-
ta supellex & delitiæ sunt liberi,
utiq; Præceptorum erunt orna-
menta Discipuli. Et eccetibi,
Magnifice D. Rector; vobis,
Ornatissimi Viri, ornamenta
mea, Discipulos meos è ludo

Litterario & ab umbra prodeun-
tes, in lucem sisto ac præsentō ;
Nimirum, ut quibus officii mei
rationem debeo, iisdem vivum
industriæ ac laboris testimoniū
adducam ; deinde verò, ut
quam Discipuli mei in umbrati-
bus Scholæ nostræ Exercitiis à
me vocem acceperunt præceptis
imbutā, declamationibus con-
firmatam, eandem Vobis, Do-
minis suis ac Rectoribus pro-
bandā offerant. Ea quippe mens
mea ac propositum semper fuit,
ut cū eos placere Vobis maxi-
mè non ignorarē, qui suis labo-
ribus optimè mereri de Iuventu-
te contēderent, nullos unquam
labo-

labores reformidavi, ut iuven-
tutis utilitatem procurarem, &
aliquam, quantulamcunq; pos-
sem, Academiæ laudem ac glori-
am ambirem. Stat illa quidem vi-
sua ac virtute, suiq; nominis ac
famæ claritate, dum supremæ
Disciplinæ lucem eximiā emit-
tunt, Invidiæ ipsius aciem per-
stringit. Sed tamen cū minima
livor carpat, posset in inferi-
oribus Litterarū disciplinis no-
tare, quod toti, obiceret Acade-
miæ, nisi etiam palā in luce fru-
ctum suum litterarū disciplinæ
testaretur. Quod ut fieret, liben-
ter publicè privatimq; hætenus
adlaboravi, nec defuerūtingenui

Adolescentes, qui conatui huic
meo responderunt, ac materias
nudè à me ac simpliciter Rhetor-
icis in Scholis propositas, tracta-
runt, ornarunt, recitarunt : ita
nimirum præparantes sese, ut ab
hoc scholastico pulvere hone-
stissimisq; exercitiis comodiùs a-
liquando in Ecclesia ac Republ.
ferias actiones aggrederentur.
Atq; hæ sunt Orationes, quas Ti-
bi, Magnifice Domine, univer-
soq; Senatui Academico, inscri-
bo; ut, quia illæ ab Eloquentia
(quæ in hoc Iuvenû conatu non-
dû maturâ esse fatemur) præsidium
habere nõ possunt, à prima Aca-
demię authoritate mutuentur, si
illi

illi probentur. Quamquam displicere non possunt iis, qui cum Sapientissimi sint, Sapientiæ comitem Eloquentiam, vel eos, qui illi aut docendo operam suam, aut discendo industriam cōsecrant, odisse non possunt. Quam in spē libenter omnem laborem meum Academiae præsentō, Iuventuti addico. Interim floreat Illustris Academia, & quæ crescere magna solent, Invidiam æternū vincat, Voveo & opto.
Cal. Febr. Anno M.DC, XXX.

CEN-

C E N S U R A

Publicent typi *variā eruditionem, pietatem & facundiam disertis sermonis eloquentiam, quam in fecundo hoc Rhetorum Porcensium & Sacrarum Orationum Volumine, R. & Eruditiss. D. VERNVLÆVS propinavit; Act. Lovani XI. Kale. Aug. M. DC. XXX.*

MART. LVNÆCENIVS
S. Theol. L. & Prof. Ord.
Apostolicus ac Regius
Libr. Censor.

AV-

AUTHORIS DISPOSITIO

circa Privilegium.

NICOLAUS VERNULÆUS Historiographus Regius, & Publicus Eloquentiæ Professor in Academia Louaniensi è Privilegio sibi à Rege Catholico Principe nostro concessō, potestatem facit BERNARDO GUALTHERI Typographo Coloniensi, Orationes Porcenses & Sacrarum suarum Volumen excudendi ac divulgandi, Lovanii Idib. Julii, MD. LXXII.

IN-



INDEX ORATIONUM

I. PARTIS.

GENERIS DEMONSTRATIVI.

- | | | |
|-------|---|---------------|
| I. | <i>O Ratio de dignitate studiosorum humaniorum.</i> | <i>pag. 1</i> |
| II. | <i>Applausus Gratulatorius Illustrissimo & Magnifico D. Nicolao Sapieha Palatino Minscensi.</i> | <i>12</i> |
| III. | <i>Panegyricus Sereniss. Alberti Archiducis Austria, Belgarum Principis.</i> | <i>20</i> |
| IV. | <i>Vituperatio saltationis seu tripudii.</i> | <i>29</i> |
| V. | <i>Laudatio D. Antonii Collegii Porcensis Patroni.</i> | <i>38</i> |
| VI. | <i>Laudatio Auri.</i> | <i>45</i> |
| VII. | <i>Vituperatio Auri seu Pecunia.</i> | <i>54</i> |
| VIII. | <i>Oratio in Sponsalia Augustissimorum</i> | <i>Re-</i> |

Regum ac Principum Francia & Hispania. 66

IX. Laudatio M. T. Ciceronis. 76

X. Laudatio D. Lamberti. 90

XI. Laudatio D. Nicolai. 101

XII. Vituperatio ebrietatis. 108

XIII. Panegyricus Sigismundo III. Polonia & Suecia Regi scriptus. 115

XIV. Oratio in laudem D. Anna. 132

XV. Panegyricus Illustr. D. Valentini Alexandri de Husyatin Kalinovvski Generalis totius Podolia, &c.



IN.

INDEX ORATIONVM

II. PARTIS,

GENERIS DELIBERATIVI.

- I. **C**onsultatio, ad quorum similitudinem sit stylus orationis conformandus, constans Orationibus novem. 156
- II. Consultatio, utrum huius temporis Hæretici ad fidem suscipiendam cogi possint, constans Suasione & Dissuasione. 176
- III. Dissertatio de Nobilitate, constans Orationibus septem. 190
- IV. Cohortatio ad Rhetores & Poetas Porcenses. 204
- V. Dissertatio, quanam liberalium Artium in Republica Principatum debeat obtinere, constans Orationibus septem. 211
- VI. Oratio suasoria, viro docto privatum potius, quàm publicum vite genus amplectendum esse. 232

VII

- VII. *Oratio suasiua pro more Bacchanalium
retinendo.* 240
- VIII. *Oratio dissuasoria contra eundem mo-
rem.* 244
- IX. *Consultatio, an belli Dux litteratus esse
debeat, constans Suasione & Dissuasio-
ne.* 249
- X. *Consultatio, utrum vir fortis in necessitate
sibi manus inferre possit, constans Suasione
& Dissuasione.* 263
- XI. *Deliberatio de Peregrinatione, constans
octo Oratiunculis.* 278
- XII. *Oratio de Imperatore, seu Belli Duce.* 291
- XIII. *Oratio de Consiliario seu perfecto Senato-
re.* 305
- XIV. *Oratio de Legato.* 320



I N D E X ORATIONVM

III. PARTIS.

GENERIS IV DICIA- LIS.

- I. **A**ctio Iudicialis, in qua coram Magnifico
D. Rectore Academia ficto argumento
studiosus homicida accusatur & defendi-
tur constans Accusatione & Defensione 334
 - II. Oratio adversus M.T.Ciceronis Oratorũ
Principis interfectores, mixta ex accusa-
tione & vituperio. 348
 - III. Actio Iudicialis, in qua Dux perduellionis
reus coram Rege convenitur, constans Ac-
cusatione & defensione. 358
 - IV. Oratio in cruentum Christi Salvatoris obi-
tum, continens Conquestionem cum Ac-
cusatione. 372
 - V. Actio Iudicialis de Homicidio, constans Ac-
cusatione, Defensione, & Deliberatione
Iudicum. 182
 - VI. Accusatio filiorum Herodis apud Casarem
Augustum, & eorum reconciliatio, per
modum Dramatis. 294
- IN-



INDEX

ORATIONUM

SACRARUM.

I. <i>In Conceptionem Virginis Deipara.</i>	405
II. <i>In eandem Conceptionem.</i>	418
III. <i>In Purificationem B. Mariae Virginis.</i>	430
IV. <i>In Annunciationem B. Mariae Virginis.</i>	442
V. <i>In Visitationem B. Mariae Virginis.</i>	457
VI. <i>In Assumptionem B. Mariae Virginis.</i>	470
VII. <i>In laudem Sodalitatis SS. Rosarii.</i>	483
VIII. <i>De Triumpho Venerabilis Eucharistiae</i>	493
IX. <i>De laudibus S. Crucis.</i>	503
X. <i>De Conversione D. Pauli.</i>	511
XI. <i>De eadem Conversione.</i>	521
XII. <i>In laudem S. Annae.</i>	533
XIII. <i>De laudibus D. Benedicti.</i>	540
XIV. <i>De laudibus eiusdem D. Benedicti.</i>	551
XV. <i>In laudem D. Thome Aquinatis.</i>	560
XVI. <i>De laudibus D. Francisci.</i>	572
XVII. <i>De laudibus Sanctorum Omnium.</i>	584
XVIII. <i>De Pretiosa Margarita.</i>	595
XIX. <i>De Thesauris Absconditis.</i>	604
XX. <i>De</i>	

XX. <i>De Lumbis pracingendis & Lucernis ar-</i> <i>dentibus.</i>	614
XXI. <i>De Ambitione cœlesti</i>	624
XXII. <i>De Thesauro cœlesti.</i>	636
XXIII. <i>De Perfectione Christiana.</i>	647
XXIV. <i>De Negotiatore Evangelico.</i>	659
XXV. <i>Panegyricus Ioannis Duns Scoti.</i>	672

Quibus accessit Certamen Oratorium.

Typographus ad Lectorem.

Scriptis Clarissimus D. Nicolaus Vernulaus, præter has, Orationes diversas, quæ hætenus separatim editæ fuerunt, & publicè in Academia Lovaniensi dictæ, quas omnes collectas habeo, & singulari volumine secundum Tria Causarum genera distributas proximo anno in lucem dabo, quando insuper omnium hætenus à Clarissimo D. Vernulao editorum Opusculorum addam designationem, ut tanti viri & tanta Eloquentia conscripta Opuscula omni statui convenientia innotescant, in Germania.

BAL-



BALDVINI BOLLEN
LEEVVENSIS
ORATIO

*De dignitate Studiorum humanio-
rum.*



MAGNA vis est, ac incredibilis *Exordium à*
propemodum potestas amoris, ut *vi amoris, &*
qui scilicet naturam evincit, & in *historia filii*
quo desperationem humana ra- *Cræsi.*
tio constituebat, spem non modo

certissimum, sed eventum spe
maïorem, præsentissimumque

reducit. Ita quondam Cræsi filius, magni illius
Lydorum Regis, & fortunæ filii, cum venisset in
hanc orbis communis auram, silentio perpetuo
multatus à natura, suam hanc tamen naturam
evicit amore fortiori, cum in pugna videret mili-
tem quendam gladio assurgentem in parentem.
Monebat tum quippe filium fortuna patris, & ex-
citarus vigilantia timore affectus, naturam impulit,
ut moram iniiciens dexteræ militis, gladiū præve-
niret hac voce: *Noli Regem ferire miles.* Sic enim puer
ille mutus, soluta subito lingua ad proximum pa-
rentis occasum exclamavit. Planè, AUDITORES,
eodem modo vis illa incredibilis amoris affectum

*Applicatio
ad proposi-
tum & occa-
sio orationis.*

*Ratio iusta
commotionis
à simili.*

*Ab Autho-
ritate.*

Propositio.

*Conciliatio
per optatio-
nē & excu-
sationem.*

meum excitat hodierna die, & impellit quodam-
modo naturam, ut qui plane sum rudis & infans,
non obmutescam hoc tempore tamen, sed quic-
quid est in me vocis emitram, cum studiorum hu-
maniorum dignitatem ludibriis cuiusdam nescio
gentis impetitæ violari cernam: ut si potuit im-
pedimento linguam amor in Cræsi filio liberare,
silentium idem in me tollat, & corroboret imbe-
cillitatem. Ecquis enim continere vocem posset,
si obscurari videret solem à nonnullis, cuius om-
nes aura vivunt, & claritate fruuntur? quis irasci
tandem nollet, si præcipuum humanæ mentis or-
namentum cerneret conculcari? Cernimus hoc
ipsum, cernimus, inquam, nobile jubar Littera-
rum, nobilem gemmam humanæ vitæ passim ita
despici contempnque, ut cum Ammiano Marcel-
lino vere dicere possimus: *Paucas domos studiorum
feriis cultib. celebrari, ludibriis ignavia torrentis exunda-
re*: imo vero timere debeamus, ne retro in tempus
illud abeamus, quo neq; Musarum scopulos quis-
quam superarat, nec dicti studiosus, erat. Quoni-
am vero studiorum horum vituperatores ii tan-
tum esse solent hac ætate, qui ignorantia tenebris
obcæcari clarissimā eorum dignitatem non agno-
scunt, si quid est in me vocis, illud impendam lu-
bens omne, ut tantæ dignitatis splendorem ali-
quem hac oratione vobis ostendam. Atque uti-
nam dum imparibus arduam hanc molem hume-
ris impono, aut Ciceronis uti voce possim, aut ala-
crite Demosthenis excitari: Utinam fulgurare,
tonare, permiscere omnia cum Pericle valerem:
Sed vana spe delector, & voto prorsus feror inani,
vestrum est, AUDITORES, infantiam hanc meam
& imbecillitatem eo maiori silentio sublevare, &
adjuvare favore, quo iustiori impulsus amore hanc
aggredior provinciam orandi. Et quoniam nefas
esset omnino, dicere me volentem de vestra bene-
volentia dubitare, utar hac apud vos libertate, ut
quic-

quicquid conceperim animo, promere non reformidem.

Et in primis ita mecum iudicabitis, opinor, omnes, nihil esse hac in tota Naturæ Univerſitate aut præſtantius genere ſuo, aut admirabilius dignitate, quam illud ſit unum, quod hominum animos ad priſtinum divini luminis ſplendorem adducit, à quo reſceſſimus per obſcuritatem errorum, & ad quem ruruſus anhelare natura noſtra debet. Cum enim ſit animus noſter hoc in corpore tanquam in carcere per vim incluſus, quid dignius excogitari, aut præſtantius eſſe poteſt, quam illud, quod eum liberat, & velut in aerem clariffimum liberrimumque, id eſt, in humanarum divinarumque rerum cognitionem adducit? Profecto ſi ita comparatum eſt à natura, qui eſt carceris obſcuritate, vinculorumque tormentis liberati ſuam in patriam reducuntur, rebus omnibus liberatorem ſuum anteponant, eius nomen æterna celebrent recordatione, vultumque amoris penicillo ſuis in animis depingant; quo tandem erit in loco apud animos noſtros illud, quod in libertatem eos aſſerit? quod hunc carcerem corporis effringens, & detracto ſenſibus noſtris velamento nos ipſos nobis reddit? Atqui vero ſingularis eſt, & præſtantiffima Litterarum cognitio, quæ nos ab ergaſtulo corporis educit, & priſtino divini luminis illuſtrat ardore. Per eam in maiorum ætates redimus, & quod geſtum eſt aliquando, recordamur: per eam in ſæcula poſteriorum abimus, & quæ futura ſunt aliquando, prævidemus; per eam in orbis huius medio, tanquam in theatro conſtituimur, ut res omnes actione mentis repræſentemus. Cælum inuadit illa, & per elementorum acta moles, Divinæ Maiestatis arcanum, & naturæ ſecretum inveſtigat. Et quis eam non ſolem eſſe dicat, cuius radiis humanæ mentes illuſtrantur? Quis non Sybillam merito

Confirmatio.

Primum argumentum

ab honeſto.

Propoſitio.

Ratio propoſitionis.

Illustratio

per ſimilitudinem.

Assumptio.

Ratio aſſumptionis & amplificatio

ab effectibus.

Repetitio

Illustratio

per ſimilitudinem.

nomi-

nominet, qua duce noster animus per universa spacia mundi deducatur? quis non velut Aquilam suspiciat, cuius alis mens hominum sublata rapiatur in cœlum, illius patriæ suæ deliciis fruatur, & in finem sese Omnipotentis insinuet?

Complexio. Video vos, AUDITORES, ita iam animos composuisse, ut vere mecum affirmare non dubitetis, nihil omnino Litterarum cognitione præstantius nihil earundem præstantia magis admirandum reperiri. Sed illud tamen adhuc inquirō, an non rerum omnium longe dignissimam Litterarum esse cognitionem iudicaretis, si eam munus Omnipotentis & primum & præstantissimum esse declararem? Neque in hoc vado hærebit ingenii meæ cymba, si Iosephum grauiissimi scriptoris auctoritatem, quæ omnium sæculorum fide corroborata est, admittatis. Testis est ille, Sethum, Adami filium Litterarum usum habuisse, quas à parente didicerat Adamo, eundemque nobilem illarum cognitionem duabus in columnis conscripsisse, ne cum Orbe conflagrarent aliquando, aut Oceani delerentur inundatione. Quis est vero tandem, qui cognitionem hanc non infusam fuisse dicat Adamo, & è cælis haustam velut nectar æternum, quo mens hominum inebriata, patriæ cælestis affectum retineret, & caducis terræ bonis commisceri dedignaretur? Non audiatur superstitiosa gens Ægyptiorum, quæ Æthiopibus Litterarum inventionem adscribit. Nulla fides mendacibus sit Græcis, qui Cadmum eas primo tum repertas in Græciam reportasse dicunt. Obsecro vos enim, cum Omnipotens ille cæli rector mentem homini cælestem indidisset, quid prius aut præstantius superaddere potuisset eidem, quam Litterarum cognitionem, quæ rerum est omnium pulcherriimarum velut quidam pretiosissimus thesaurus? O vere iubat orbis, Litterarum cognitio: O admiranda claritas, & incredibilis mentis humanæ perfectio. Quid esse

tan-

tandem sine te vita, aut quid omnino possideret *Apostrophe*
 homo, si te nunquam possideret; quis erigere si *ad litterarū*
 ne te posset è tenebris oculos ad lucem: quis se *cognitionem*
 noscere valeret, si te prius non ignosceret nostræ
 decus humanitatis: Et tu homo, multum equidem
 obligatus es Maieitati sempiternæ, quod spiritu
 cælitus hausto sis afflatus, & impressam Divinita-
 tis imaginem animo tuo circumferas in hoc orbe; *Apostrophe*
 sed amplius tamen (audebo dicere) vel hin tan- *ad hominem*
 tum devinctus es Creatori tuo, quod Litterarum
 cognitione sis donatus, sine qua misera prorsus es-
 set vita tua, sine qua tuam humanitatem ignora-
 res; per quam vero cælum renisis, & in terra non
 secus ac Deus aliquis versaris: Et hac esse quic-
 quam existimares aut amabilius, aut excellentius:
 Quamquam reclamitantes videor audire Zoilos no-
 stros, qui voce magna nostræ cursum sistant ora-
 tionis. Fatemur, inquiunt, aliquod est Litterarum
 ornamentum, sed inutile, sed vanum. Quid hic di-
 cam, AVDITORES: Audio reclamitantes, nec in-
 telligo clamores. Dicant enim, si conferre mecum
 audeant in arena pedem, quodnam tandem Litter-
 arum ornamentum; an in purpura fortasse co-
 lor: stultum est id opinari. An in galea cristarum
 apex: ridiculum omnino. Quid est ergo: Si mihi
 liceat non amantes eos arbitrari, ignorare nunquā
 possunt, Litterarum cognitionem eximium animi
 ornamentum esse. Sed pro Dii boni: (color enim
 retexere sermonem) quæ tandem ista demētia est,
 labore summo, contentoque studio corpori decus
 comparare, animi vero laudem omnem & orna-
 menta repudiare: Inutilis eorum est honor. Quid:
 hic rursus. Pudet dicere, sed indignitas vocem ex-
 torquet, & audaciam addit orationi: Indignum est,
 AVDITORES, eo vilitatis hac tempestate scientias
 devenisse, ut mercenariæ sint omnes, & non nisi ab
 utilitate commendentur, præstantissimæque iudice-
 tur illa, quæ magis est dare veniam, ut communi

Complexio
Obiecti per
occupationē
Dubitatio

Subiecta
Alia obiectio

Exclamatio

verbo loquar) quæ magis est, inquam *de pane lo-
crando*. Et non tecum hic exclamem MARCE
TVLLI, ô tempora, ô mores? Olim Anaxagoras
patrimonium amplissimum largitus est amicis, ut
scientiis liberius vacaret: quid nunc? conquiren-
dorum patrimoniorum scientiæ sunt instrumen-
ta. Democritus Abderites maximas patris deseruit
opes, ut discendi gratia orbem universum peregrina-
retur: quid nunc? nisi fronte speciosa & opulenta
scientiæ inuitent, nullus amor est scientiarum.
Tot alii, quos toties audivistis & legistis, vel au-
rum suum in mare proiecerunt, ut ad sapientiæ lit-
tus gemmas colligerent pulcherrimas; vel oculis
se privarunt, ut in arce doctrinæ vigilarent: quid
nunc? Piscantur in scientiis aurum, & oculati dor-
miunt in fanore scientiarum, nec intelligunt, quod
prudentissime nescio quis olim dixit, vilis pro-
sus esse, quæ pretium haberent.

*Transitio.**Tertium ar-
gumentum
ab utili.*

Veruntamen inquiramus tandem, an in egestate
semper & obscuritate delitescant ii, qui Litterarum
cognitionem habent; nisi tamen id inquirere, sit
in meridie clarissimam solis lucem desiderare. A-
gite, loquatur hic fama nobis, & quos immortalia-
tati consecravimus obscurioris fortunæ filios, sed eru-
ditionis alumnos representet. Quis Socratis omnium
hominum & Apollinis ipsius iudicio sapientissimi,

*Probatio ab
exemplis An-
tiquorum.*

vel famam unquam vel gloriam superabit? Patre
natus marmorario fuit. Quæ non ætas Euripidis
ingenium admirabitur? huius mater olera vendi-
tabat: Nunquid Demosthenes gloriæ quoddam do-
micilium fuit? sed filius quoque fuit cultorum
venditoris. Prædicas Æschynem? tympanistrix fi-
lius fuit. Laudas Epictetum? servum quondam.
Miraris Demadem? utiq; piscatorem. Etiam Lu-
cranum? & hunc quoque iapidam. Exhaustire co-
ner Oceanum, si exemplorum quæram in antiqui-
tate finem; & hæc nostra quoque tempora mate-
riam suppeditant orationi, si vel aulas Principum
vel

*Disimula-
tio.*

vel curias Rerum publicarum dictiones perlustrare cursu vellem: sed illud tantum hoc in campo festinantes intueamur & retineamus, non in origine præclara, non in fumosis majorum imaginibus, nō in multitudine titulorum; sed in virtute, in scientia, in anima præcellentibus hisce dotibus ornata consistere nobilitatem. Consule priscorum ætatē, *Repetitio.* & si placet, in hac ipsa Romam, quos illa vidit aut Consules honorificentiores, aut Imperatores generosiores, quam quos euexerat ad hunc gradum honoris doctrina? Consule rursus ætatem hanc nostram, qui sunt, qui Pontificū cathedras adornant: qui cognitione multā sunt adornati. Qui sunt, qui subsellia Curiarum implent: quorum melle suo Sapiencia pectus implevit. Qui sunt, qui loquendo principum hauriunt admirationem: quos admiranda spectabiles eloquentia fecit. Qui sunt, qui pulpita premendo multitudinis animose vincunt: quorū in animis sedem viatrix doctrina collocavit.

Sed nimis hastenus fortasse multa, & adhuc est ramentum dicendum aliquid. Excitate vestros animos; **AVDITORES**, dicam ea, quæ vel solā Litterarum dignitatem evincunt, ut tanquam probavisse me nihil hætenus affirmem, audeam nunc tamen certo mihi victoriam polliceri. Et esset adhuc aliquis, qui nullam dignitatem esse studiorum nostrorum arbitraretur: Dico ego, nullum unquam nominis alicuius in eruditione virum existuisse, qui non Litterarum cognitione fuerit commendatus. Agedum, quisquis hæres, & audaciam sermonis huius admiraris, perlustra Græciæ lumina, doctrinæ numina Platonem, Aristotelem, Socratem, Homerum. Demosthenem, sexcentos alios, nunquid in iis tanta Litterarū cognitio fuit, ut earum non immerito principes nominentur? Percurre Romani nominis æternitatem, & in hac immortalitatis gloria sublimes, Ciceronem, Cæsarem, Senecam, alios infinitos intueare, unde tantus

*Transitio
per renovationem attentionis.
Quartum argumentum ab exemplis.
Consequencia Antecedens.*

Exempla Gentilium.

*Exempla
Christiano-
rum Theolo-
gorum.*

*Investiva
per Digressi-
onem in con-
temptores
litterarum.*

*Exempla
causa.*

*Aditus &
adhortatio
ad Audito-
res.*

horum gloriæ flos exsurrexit, nisi è fecundissimâ Litterarum cognitionis radice: Et si lubeat Christianorum ævum recordari, & Theologorum sacrû ordinem considerare, quis non obstupescat ad Gregorii nomen & Basilii; ad Augustini famam & Ambrosii; ad Cypriani gloriam & Hieronymi; hos tantos talesque viros Litterarum cognitio ceteris spectabiliores effecit. Inter vero Iurisperitos, quæ nomina Dii boni: sunt Papinianus, Ulpianus, Cuiacius Duarenus, Cum hos nomino, ipsam videor Iustitiam aut Prudentiam nominare, & tamen ab his nostris studiis aliquando tantæ gloriæ suæ partem & immortalitatem acceperunt. Vbi sunt blaterones illi nostri: Vbi sunt isti Zoili, nostræ laudis invidi; veræ sapientiæ contemptores: Non murmurent, sed si audent, sermonem opponant orationi; dicantque tandem, an ergo nulla sit laus eorum omnium, quorum nomina in posteritatis memoriâ vivunt: Equis esse tam fatuus posset, & amens, qui paucos, aliquos de fæce vulgi ineptos, quam tot excellētissimos viros & ad virtutem & ad gloriâ mallet imitari: Desinant, desinant aliquando gravi supercilio minitari nobis, humeros torquere, & tumido pectore sapientiam, simulare, quam nullam habent. Non inflent amplius buccas suas, ut se solos prædicent immortales; non attollent cristas suas, ut sublimi feriant sydera vertice terrarum domini: etiam à nostris studiis iter est ad immortalitatem, & flatibus invidorum longam in posteritatem deportamur. Vos vero, Benevoli AUDITORES, ab his hominibus & oculos & cogitationem avertentes, CÆSAREM Augustum, orbis amore & Monarcham suspicite: ille quotidie vel legebat aliquid vel componebat. Imitemini Scipionem Africanum, ille inter difficillimi belli apparatus bonarum artium studia non prætermittens, crepidatus in Sicilia scholas adibat. Emulemini Catonis Uticensis diligentiam, ille dum

dum curia cogeretur, libros expectando lectitabat. *Oratio.*
 O utinam hic ardor animos quoque nostros inflā-
 maret? O utinam virorum talium recordatio boni
 sui memorem excitaret!

Sed video vos expectare, ni fallor, omnes: ut *Transitio.*
 Litteras quas tantopere laudo, laudatas ab aliis
 fuisse declarem: & quanquam fecerim id ipsum
 habere, vestra tamen morem geram voluntati,
 ut quod ego facere possum, videar nunquam dene-
 gare; hoc vos mihi non denegare, ut quod oratio *Quintum*
 ne longa possem amplificare, verbo uno perstrin- *argumentis*
 gam. Illud tantum dico, & honores semper maxi- *ab honoribus*
 mos & præmia magnificentissima litteratis con- *& premiis*
 cessa fuisse: illud, inquam, tantum dico, sed sæcu- *decretis.*
 lis præclamantibus, & contestantibus dico. Hono- *Probatio per*
 ravit & in Callisthene & Aristotele. Litteras Ale- *inductionem*
 xander Magnus, qui illum famæ suæ propagatorem *eorum qui*
 circumduxit; huic octingenta talenta, id est, qua- *litteras ho-*
 dringenta, & octingenta millia Philippicorum pro *norant.*
 animalium historia dedit. Honoravit illas Hiero.
 Syracusanus in Archimelo poeta, cui pro octode-
 cim versibus mille tritici modios misit Athenas,
 Honoravit easdem Antonius Caracalla, qui Oppia-
 no in versus singulos aureos donavit. Quid de
 Cæsare dicam, qui liberalium artium doctores ci-
 vitate donavit? de Scipione, qui effigiem Ennio
 posuit in suo monumento? de Augusto Impera-
 tore, qui Horatii familiaritatem tantopere de-
 sideravit? Quid commemorem Vespasianum,
 qui Latinis Græcisque Rhetoribus annua centena
 constituit? Quid Antoninum Pium adducam, qui
 per universi regiones orbis Rhetoribus stipendia
 derulit & honores? Nota sunt hæc omnia; & *Præteritio.*
 quanta sunt tamen? Nec inferiora sunt, quæ vi-
 dit ætas nostra, & quia vidit præteribo liben-
 ter, neque hic aut magni LIPSII cultum Regi-
 bus nomen, aut TVRNEBI gloriam, aut SI-
 CONII præclarissimum decus, aut MVRETI

*Repetitio**compar.**Precatio.**Transitio per**disimula-**tionem.**Allegoria.**Dubitatio.**Excusatio.**Optatio.**Philosophia**litterarum**doctrina.**Repetitio**et figurata.*

vocem Principibus exoptatam prædicare tentabo. Adhuc ipsa recens fama nominibus illis mūdum implet; adhuc ipsi memoriæ nostræ sacrarium tenent: adhuc in manibus nostris & oculis versantur: Etiam mihi latera deficiunt, voxque viribus destituta suis omnem amittit eloquentiā, & in silentium tota cadit. Non inficior. AUDITORES, & quanquam in hoc esse laus mea nō possit, dicam tamen, & ingenue confitebor; impar sum Orationi tantæ, in qua quo plura dico, plura video testare dicenda; & quo vehementius in portum ago remos, eo longius à portu recedo. Quid agam ergo, aut quo tandem me vertram: Non illis nubem aliquam opponam, qui clarissimum Litterarum solem maledictorum & invidiæ nebulis conantur obscurare: Non faciam, non opponam, rumpantur invidia sua, summa claritate litterarum excæcentur. Nunquam astra latratibus suis canes deiiciunt, nec ad impetum pedis unitis montes cadunt: An vero ita desinam, ut litterarum dignitatem illam, quam animo meo longe ampliorem concipio, vestris animis non repræsentem: Excusate, si placet, AUDITORES, hanc imbecillitatem meam non possum, & me omnis eloquentia fugit. Utinam vero, utinam ipsa litterarum adesset doctrina, quæ vultus sui maiestate pertraheret unumquemque, & ad verum decus aliquando suauissima hac voce sua inuitaret: O Iuvenes, o quicumque magno estis, & excelso animo; qui præpotentem gloriosæ felicitatis viam sequimini, & excellere pulcherrimum iudicatis: huc aciem mentis obvertite; huc ad me omni cura studioque properate. Ego illa sum diuina Pallas, litterarum doctrina, quæ pristinum divini luminis splendorem animis reduco; quæ vestros animos honestatis inflammans amore, verissimis eisdem & preciosissimis bonis exorno. Me quondam Deus immortalis immortalibus primum &

maxi-

maximum munus in orbis nascentis origine donavit; me eximium animorum ornamentum sapientes, & quicumque benè nati coluerunt: illis ego honores maximos, divitias, immortalitatem peperì, & invidentibus hodie fati memoriam occupant posteritatis. Illa sum ego, quæ spectabiles in Principum aulis cultores meos constituo, ut positi supra vulgi conditionem digito cælum tangerent. Et adhuc quisquam esset, O Iuvenes: O generosæ animæ: adhuc esset quisquam, qui non omni labore desiderioque properaret ad me: Nec vos, ju-
venes, in hunc amplexum meum opulentissimum & honorificentissimum advolaretis: Hanc vocem jucundissimam si litterarum doctrina apud vos usurparet, non audiretis: non accurreretur: imo jam audire; vocat illa: accurrite & expandit amplexum, offert osculum, unde dignitas omnis & immortalitas emanabit. Ite, Iuvenes, ad Gloriam, ad Virtutem, ad Dignitatem & si ætas efflorescit, cur desiderium langueret: Sera vox hæc nimis:

O mihi prateritos referat si Iupiter annos!

Prudentiam vero hoc consilium, occasionem arripere, in tempore gloriam veram nunquam repudiare. DIXI.



APPLAVSVS GRA- TULATORIUS.

*Illustrissimo & Magnifico
Domino,*

D. NICOLAO SAPIEHA,
Palatino Mincensi, Guberna-
tori Niemovoiecen. & Haynen-
si, Tutori suo observan-
dissimo;

Quem offerunt:

FRIDERICUS & ALEXANDER
SAPIEHA.

Palatinidæ Witepsenses.

*Exordium
à sententia
Tertulliani.
Ratio.
Anisotitas,*

Bonorum & simul malorum intolerabilis est
magnitudo, ut magnus inquit Tertullianus,
Illustrissime Domine: Quemadmodum enim
ingens aliqua tristitia vehementiori metu sensus
nostros labefactat, ita sensum & animum exce-
dens lætitia, sensum & animum evincit. Vere
Poeta:

*Attoniti stupuere animi, nec opinaq, secum
Mecum librantes inter & spem gaudia.
Vixq, sibi credunt, veluti qui noctis opaca.
Sopore pulso mane versat somnia.*

Sed tamen cedit tandem hic sensuum ac mentis
stupor, nec amplius ad solem caligant oculi: abie-

tandem nubes illa, quæ non mœroris obscuritate,
fœdæ lætitiæ radiis animum impediēbat.

Ergo alacres læto testemur gaudia plausu:

Omnis exulset locus, omnis ætas

Gestiat plausu, & fremitu secundo.

*Excitatio ad
læticiam.*

Fatemur enim, cum te in Palatinum evectum à *Causa læti-*
Rege intelleximus, & audita novæ dignitatis est *tia & ma-*
fama, adeo insolita lætitiæ elatus est animus, ut in *gnitudo*
summa voluptate propemodum bæccaretur, & in
seipsum velut impar tantæ jucunditati concideret.
Sed revixit tandem ab hoc somno delectabili, &
qui libenter jacebat, sustulit caput, & in illam se
vocem erexit lætitiæ, quam lubenter hac gratula-
tione profiteretur. Et cur non gaudiis ingentibus ex-
ultaremus: Cur non immortaliter gauderemus, cū
illâ jucundissimi nuncii fama, velut exortus sol a-
liquis novus, non in his orbis remoti provinciis,

Apostrophe.

insolita hilaritate serenat. Tua causa, Illustrissime
Domine, lætatur & si pateris, etiam nostra Palati-
natus enim maximè hic Miniscensis, cuius splendor
& amplitudo nomen suum simul ac familiæ nostræ
famam exornat, tibi delatus, familiæ nostræ relatus
est: tibi datus, familiæ redditus: & brevi quidem
intervallo. Postquam enim (ut ulteriores prætere-

*Annomi-
natio.*

am) longævus ille, & multo, quam à nobis satis
laudari possit, dignior senex, PAVLVS SAPIEHA,
Palatinus Novogroden, tuus ac noster avus, illu-
stem illum familiæ nostræ Triumviratum feliciter
instituens tres filios, omnes eodem tempore:
Palatinos, & summa in Senatu autoritate præ-

*Laus fami-
liæ Sapien-
ab Avo.*

stantes, speciosas nostri generis imagines reliquis-
set; NICOLAVS quidem Palatinus VVitebscen-
s, Parens noster amantissimus, quem tu nobis & a-
more & cura repræsentas, jam vixit: at vivit adhuc,
& utinam quam diutissime vigeat Solamen nostrū;
ANDREAS Palatinus Polocensis, tuus ac noster pa-

Parentes.

Patruus.

noſter deſideratiſſimus, DEO DATVS, Palatinus Minſcenſis. Cumque Prolocen. Palatinus in hodiernum uſque diem ſedulam Reip. gerat curam, ſuamque in Senatu ſedem laudabiliter occuper, ceteri vero ſatis conceſſerint; *en pro patribus nati ſunt filii.* Dum enim Illuſtriſſimus parens tuus mortalitatis onus depoſuit, ac Palatinatum Minſcenſem reliquit, vix unus eſt alienæ familiæ interpoſitus, & tu tandem virtutis tuæ ſecutus omen Minſcenſis es Palatinus declaratus, ut ſcilicet agnoſcant & profiteantur omnes, ipſam quodammodo dignitatem *in tuis penatibus larem poſuiſſe, & domesticum factum eſſe publicum decus,* ut inquam, *currat honorum gratia per parentes, & paternis honoribus ſucceſſio clara lateatur.* Sed ſentio quam hæc glorioſè dicantur à nobis ad memoriam poſteritatis æternam; ſentio, quantam ad gloriam leſe nobis campus aperiri, ſi ad originem familiæ *SAPIEHARVM* fauorabili hoc ac ſecundo congratulationis huius vento procederem, in quā tot illuſtres. Viri ac Senatores, quorum conſiliis longo ſæculorum decurſu Patriæ Principes ac Reges ſunt uſi, reperirentur, atque, ut ſic dicam, *ingentis huius fluminis navigabiles quoque fontes,* de quibus quicquid dixerō, minus erit: ſed apageſis extrema iſta.

*Et genus & proavos, & qua non fecimus ipſi.
Vix ea noſtra puto.*

*Apprecatio
fauſta.*

Vivant illi, tot tui ac noſtri conſanguinei in luce clariffima, fidelem Regiæ Maieltati præſtent operam, admirationem omnium concitent, & demereantur amorem; tantum hic à nobis non nominentur, ubi tuæ virtutis admiratio ſola ſatis noſtros animos evincit, & dignitatis partæ lætitia iure ſuo gratulationem expoſcit. Ite ergo *Sublime anima pulchrumque in nomen iſura.* Tu vero Il-

Conciliatio.

luſtriſ-

Illustris. D. per sacra Deosq; omnes, per sp̄m sur-
gentis Iuli, permittē, antequam extremū illud
plaudite dicamus, hunc pulchrum nobis furere *Exclamatio*
ante ferorem. O quanta illa nunc tuæ virtutis est

amplitudo! quam ampla gloriosaq; dignitatis ex-
cellentia? Tu iam inter eos beneficio Regis; meri-
tisq; tuis existis, quibus & Regiæ Maiestatis autho- *Repetitio*

ritas, & Regni salus innititur. Tu iam inter eos,
quos patres patriæ Polonia colit, & quorum volun-
tas in amore Regis sibi omnium amorem obligat;
& debitum facit honorem. Tu iam, inter eos, quo-
rum humeris, velut Atlantum quorundam univer-
sæ patriæ moles recumbit, ut vere vobis summus
ille honos, summum quoq; sitonus. Vnde profecto
non omnes hunc solem aspicere possunt, vel in lu-
ce caligabunt oculi; non ad hoc tantæ dignitatis fa-
stigium aspirare possunt, aut imbecillis illos spiri-
tus relinquet. Possunt illi tantum, qui sapientes rerū *Quales esse
debeant sena-
tores.*

intelligentes, ac quorum probata cōversatio est,
ut scriptura testatur, Possunt inquam, illi, qui te-
stimonia probitatis singulas per aetates habent,
ut cum Platone dicam, aut si tecum, Vir Illustrissi-
me, me loqui permittis, quorū virt^{us} egregia, doctri-
na admiranda, nobilitas & autoritas eximia, pro-
bitas & integritas spectata; ut vere dici de illis ve-
tus illa Romana lex possit *hic ordo vitiis caret*, *Laus à vir-
tutibus sena-
torū.*

ceteris specimen esto, Agedum vero quis in te ista
requirat, quæ perfectissima in te admiratur & ob-
stupescit? quorū dico consciū habes nobiliū Or-
dinem universum, testem Regem invictissimū, præ-
torem Famam æternam? Si virtutē quis requirat, *Repetitio;
Compar.*

tuo generis ac familiæ est innata, & hæreditariam à
maioribus occupasti; si doctrina quærat, ætas pri-
ma ex decursu tot regionū, & laboribus tot exhau-
stis in otio litterarum hanc collegit; si Nobilitas
desideretur: duplicē habes. Sanguinis anā à maio-
ribus; virtutis alteram à te; si probitas deſideretur,

Articulus:

de te mentiri fama veretur. Quæ omnia cum in te præclarissima admirandaque id effecerunt, ut statim adpectus à Rege statim quoque sis probatus, statim omnes omnium oculos, omnia omniū ora ad tui admirationem erexeris. Sed si idem tibi ac tuis est dignitatis, quod viri à principium. Saeculis suis producit nobilis hæc tua familia primarios, nescit inde aliquid nasci mediocre. Tot probati quod geniti. Sed scilicet non crescenti tibi ordo, qui multis est, saltu quodam se tendit tua prosperitas, solaque perfectio à te quaritur.

Transitio.

*Candidatio
per gradus
ætatū.*

*Aperitio
& primis
studiis.*

Quanquam non hunc solem tantum adoremus, etiam singulas ætatis tuæ faces atque ignis, quibus emicuiſti in hoc non regno dicam, sed orbe veneremur; te ipsum inquam à puero consideremus. Cum animadvertisset. Illustrissimus parens tuus singulares quasdam & raras ingenii in te dotes, quæ satis indicarent, quicquid ingenio tuo in adificatum esset facile ferret, statuit eum te efficere, quem regnum universum admiraretur, & amaret; neque eorum consuetudinem est secutus qui filios suos delegat ad gregarios & proletarios magistros quibus rem adeo pretiosam veluti noxa dedunt, sed apud novos quidem, hoc tamen sæculo ingeniorum iuvenilium custodes optimos, pietatis in Ecclesia litterarum in Scholis promotores vigilantissimos, Patres Societ. IESV Palatinus ipse filium te suum Palatinum aliquando futurum instruendum in Patria curavit. In eius quasi oculis adolescentibus humanioribus litteris invigilasti, quin & ab eius ore monita salubria ac virtutem hausisti. Sicque tam alta virtutis saburra, tanquam Philosophia statumine firmato tuo ingenio, ut nihil te posset à recto mentis ac rationis statu deicere aut deturbare tandem te ex oculis suis & manu remouit. Scilicet

excrefcens iam in te virtus non latere intra dome-
sticos parietes, sed in orbis theatrum prodire ge-
stiebat, & quasi satis in patria didicerat, orbem u-
niversum scholam habere cupiebat. Vldisti adole-
fcens tulus Italiam, peragrasti Galliam, lustrasti Ger-
maniam, & inde tanquam ex mercatu litterarum,
linguarum, morum, tandem ad tuos literis optimis
imbutus; plurimarum linguarum peritus, probis
moribus instructus rediisti. Bone Deus, quæ tunc
omnium voces eram: *Celsus pater, Celsus filius, Titydes
melior pater.*

*Epiphan.
Sententia.*

*Ab Adole-
fcens &
peregrinati-
one.*

Ita:

*Multa viri virtus animo; multi usq; recur sat Exclamatione
Gentis honos; hærent infixi pectore vultus,
verbaq;.*

Obsecro.

*Quam patri blandam hæc verba faciebant Applausus.
iniuriam.*

Ita, dico, speculum quoddam orbis, & cœli de-
licium apparebas.

*Non sibi quem generum Thetys emat omni-
bus undis.*

Sed quem sibi Rex invictissimus domi ornamen-
tum aulæ, foris legatum adiungeret. Possumus, illu-
strissime Domine, te quidem admirari sed virtutes
tuas, & torres à te præclarè gestas non possumus e-
numerare. Quis dicat, quæ in Aula & in oculis Re-
gis admirantis summa industria peregisti? quis e-
narret, quæ in Sueciam ultra mare legatus à Rege
missus negotia summa dexteris te gessisti? Quis
exponat, quoties in Comitibus universi Regni Reip:
rotius nomine legationibus es summa tua cū lau-
de ac cæterorum admiratione perfunctus? Quis
concipiat satis unquam, quanta æquitate, quanta
denique subtilitate lites intricatissimas enodaris,
cum in supremo nunc regni Poloniæ, nunc M. D.
Lithuanix Tribunali summa cum authoritate res
et magnificentiissimū nobilitatis universæ con-
f-

Præteritio.

*A rebus
præclare
gestis.*

*A legatio-
nibus.*

A Instituta.

festum in tui unius admirationem pertrahebas
Vere vere

Pauci quos aquas amavit.

Iupiter, aut ardens evexit ab aethera virtus,
Et omnino cum hæc de te dico.

Avia Pieridum peragro loca nullius ante
Tritapede.

Similitudo.

*Transitio
cum excusa-
tione*

*Latus à Pa-
latini honore
obtenso.*

*Dubitatio.
Repetitio.
Subiectio.
Precatio
continens
applausum*

Neque enim hominum omnium est ea summa
virtute patrare, quæ facis; hominum autem om-
nium est te amare. Et quemadmodum Sol in om-
nes orbis partes suos radios effundens, & cuncta se-
renans, inanimantibus omnibus ac rebus etiam a-
liis sui excitat amorem, solus tamen serenare po-
test & illuminare: ita virtus tua lucem suam in re-
motissimas orbis oras diffundens, tuis inprimis te
charum efficit, & externis amicitia tua desiderium
iniicit, sed tamen à te solo lux tanta procedit.
Sed conamur tenues grandia, & vereor ne laudes egre-
gias culpa deteram ingenii. Hoc tantum ergo di-
cam. Cum Regi tuo ac toti Reipub. toties effectus
probatum; cum apicem attigisset tua virtus, &
quantum patriæ prodesse posses, nemo ignoraret.
illud restabat, ut in luce parentis videreris, quem
referebat; & in majorum tuorum vestigiis stares;
qui à te jam tum mortui illustrarentur. Itaque
Deo ac Rege statuentibus, virtute tua postulan-
te, cunctis in universo Regno applaudentibus,
senatorio ordini es adjunctus, & Palatinus Min-
ister renunciatus. Quid hic dicemus? Felicemne Regem?
Illi salutaria suggesturus es con-
silia deinceps. Felicemne Patriam? Futurus es
praesidium ac dulce decus ejus. Felicemne te Pa-
latinum? avitum familiaritatis tuae ac tibi promeritum
jam pridem decus obtinuisti. Omnia vere per te
gaudent, & felicia sunt per te Agedum Sic itur ad
astra. Sic per istos virtutum gradus Patet ascen-
sus

Sus ad honores. Sic tibi Domitius dedit sedem Patris & gratulatus. Sic Palatini Minscensis filius, patriæ virtutis imitationem imitator. Minscensis Palatinus esse debuisti:

Aggredere & patrio rursum te redde labori,

Nec tibi sufficiat transmissa gloria vite.

Humanum carare genus, quis terminus unquam

Præscripsit? nullas recipit Prudentia metas.

Crescite virtutes, fœcundaq; floreat ætas,

Ingeniis patuit campus, certusq; merenti

Stat fauor, ornatur propriis Industria donis.

Nec plus sperari potuit, nec spei responderi felicius. Liceat ergo tibi *Annare & perennare*. Et si veteres.

Imperatoribus suis apprecabantur vitam prolixam, imperium securum domum tutam, exercitus fortes, populum probum, Provinciam quietam, ita tibi nos aprecamur. Vive Senator dignissime, Vir Illustrissime, Viue Deo, Regi, Patriæ. Viue

familiæ tuæ, viue suauissimis Filiolis, CASIMIRO,

& THOMÆ, fratribus nostris amantissimis. Viue *Bona appro- catio.*

nobis patruelibus & pupillis tuis, quibus dignitate & amore es Pater, tutelâ patronus, auctoritate propugnator, ornamentum in prosperitate, auxilium in adversitate: & hinc quoque nostra causa, in hac tanta tuæ dignitatis exultatione lætamur.

Viue lumen & columen nostrum, viue

quam felicissime, quam diu-

rissime DIXI.

* *

IACOBI le CONTE
ATREBATENSIS
PANEGRICVS,
Serenissimi ALBERTI ARCHIDUCIS BELGARVM PRINCIPIS.

*Exordium
per compa-
rationem cū
principibus
aliis.*

*Omnes Al-
bertum lau-
dare nolunt,
non omnes
possunt.*

*Occasio sus-
cepra lauda-
tionis.*

QUod si ulla unquam ætate, *Humanissimi Auditores*, aut veteri malorum ævo, aut hac nostra tempestate gloriosæ Principis alicuius maiestas reperta fuit, quam eloquentia sua velut quoddam æui miraculum. Illustres Oratores in cælum efferrent, talis est profecto Potentissimus Belgarum Princeps ALBERTVS, in quo tanta virtutum omnium decorumque reperitur amplitudo, ut non huius ætatis suæ tantum, sed omnium quasi temporum iure quoddam miraculum existat. Unde etiam vix aut historicum aut Oratorem aliquem nostra tempora produxerunt, qui non omnem laborem atque operam in eo ponat, ut vel aliquam dignitatis ipsius & amplitudinis virtutem, vel nomen duntaxat eius admirandum suo stylo possit ad umbrare; tamen si (fatendum est enim quod obscurari non potest) nullus hætenus existat, qui aut dicendo aut scribendo possit eius perfectionem adæquare. Quæ res ita meum hunc animum impellit ut cum inter tot eruditos. Illustresque viros piæ voluntatis in Principem affectum aliqua cuiuspiam laudatione declarare, nequaquam erubescam tantum opus aggredi, in quo si deficiam, non minus consequar, quam qui hætenus idem onus suis humeris imponentes Principem hunc tantum celebra-

beant, quos impar ingenii facultas omnem orationis copiam Principis virtutū magnitudini submittere coegit. Et quanquam illud esset optandum mihi, ut dum in hanc laudationem tanquam in sacrarum imaginibus innumeris, & raris exornatum, ingreditor, parem ingenii verbitatem, dicendique facultatem adferrem; super sedebam tamen gestientis animi desiderio, & hanc inopiam meam rerum copia dicendarum sublevabo, orationis autem humilitatem sublimitate virtutum attollam.

Equidem non ignoro splendorem persape verborum rebus ipsis dignitatem adferre, sed sunt ita magnæ & illustres Principis huius virtutes, ut solæ non tantum splendescant, verum orationi ipsæ dignitatem apportent, ut profecto satius sit omnino eas admirari, quàm verbis exornare conari. Unde vos quoque, H. Aud. non quod pro more facere possem, expectabitis, ut vestrum illum honesta verborum adulatione favorem exposcam, sed audito tanti Principis nostri nomine cogitationes ultro vestras mihi concedetis, quas, cum universa complecti non possimus, per singula virtutum ornamenta, ita circumducam, ut Pietatem eius primum, deinde Temperantiam, actum vero Prudentiam, Fortitudinemque una mecum cognoscatis;

quibus ille virtutibus ita excellens & mirabilis vivit, ut si hominem esse fateamur, hominum tamen maximum, aut divinum appellare debeamus. Et quomodo non admirationē orbis universi concitaret ille, & cæterorum conditionem superando divinitatem hic quandam participaret in terris, cuius ortum felicissimum domus Austriaca produxit vere enim ea domus illius est fortunata felicitas, ut plures orbi dederit heroas, quam ulla unquam optare potuisset; ex qua decem Imperatores trecentorum annorum intervallo prodierunt; atque ita prodierunt, ut quemadmodum, cum ab Oriente supra terras sol ascendit, omnem noctis obscuritatem

*Exultatio
Oratorum.*

*Magnitudo
virtutum
Principis.*

*Conciliatio
Orationis.*

*Excursus in
laudem fami-
liae Au-
striacæ.*

tem

*Comparatur
familia Au-
striaca cum
antiquis Ca-
sarum fa-
miliis.*

*Austriaca ;
familia Ec-
clesia colu-
mna. Transi-
tio & redi-
tus ad pro-
positum.*

*Datus à pie-
tate.*

*Probatio pie-
tatis à refla-
tione reli-
gionis.*

sem illustrat, & mortalium in se oculos grata luce
conuertit; ita ipsi suo in lucem communem ortu
multorum regnorum atq; ipsius Imperii difficul-
tates remouerunt, & administratione placidissima
fortunatissimaque recrearunt: Quis nunc fami-
liam illam Iuliam admiretur, ex qua sex quidem
sed per adoptionem Cæsares exstiterunt? Quis al-
ias attollat, vel duos vel tres Augustos edide-
runt? magnæ illæ & admirandæ, sed hæc maior
& admirabilior, in qua non adoptione raro fortu-
nata, sed continuata sanguinis hæreditate impe-
ria creverunt; ut omnino non ita in terris nata, ve-
rum è cœlo demissa familia Austriaca ad Imperia
terrarum esse videatur. Taceo illud, quod quan-
quam non sciret orbis, sentiret tamen, ita hodie
familiam illam Austriacam in orbe vigere, ut uni-
ca sit ac firmissima religionis Romanæ columna;
ut inquam in eius stirpis umbra duntaxat securos
hodie spiritus Ecclesia reducat. Quanquam non
ego hic immorari, & his tantæ familiæ laudibus
iusistere decreui, qui ad unum heroem eius pro di-
gnitate celebrandum par esse non possum: qua-
propter ad institutum laudationis accedo, & pie-
tatem, quam vitæ suæ voluit esse fundamentum
ALBERTVS, nostræ fundamentum constituam
orationis. Profecto si ita Principes, Reges, & Mo-
narchæ cæteri terrarum imperia frænans, & ex al-
to sublimiq; solio populis iura distant, ut vicarii,
quidam in terris sint Dei, merito pietatis ardore
succensi ad illum regum Regem sese rursus at-
tollunt, & quo possunt in terris amore studioque
honorem eius procurant. Atque hoc ego pietatis
ardore ita Principem nostrum semper inflamma-
tum fuisse dico, ut una pietatis in eius animo cu-
ra, curas cæteras aut post posuerit, aut amoverit o-
mnino: Agedum enim cum in Belgium hoc no-
strum ex Hispania transmissus intravit, quid cogi-
tauit; quid aggressus est, quid aliud perfecit pri-
mo,

me, quam ut religio depressa erigeretur, derelicta
 resumeretur, male culta coleretur? Deronabant
 undique bellorum tempestates, sed inter has pieta-
 tis ardor feruebat, cuius ipse melius vocem, quam
 tubam audiebat. Exsurgebat virus illud hæretico-
 rum, & late per Belgium-universum tenebras ef-
 fundebat, sed inter has tanquam astrum quoddam
 pietatis ejus nativæ splendor emicabat, pacis indi-
 cium, novæ spei certissimum argumentum. Ita me-
 ritissimos Ecclesiis præsules præfecit, latentes pa-
 stores revocavit, dubios ac tepidos suo exemplo
 confirmavit & inflammavit. Ita quidquid sacrile-
 ga impietas devastarat, magna liberalitate restau-
 ravit; quicquid insolentia belli tacentibus legi-
 bus oppresserat, insigni pietatis & justitiæ ardore
 reduxit. Gestiebant ejus justitiâ Civitates, pieta-
 tem sensu quodam ædes sacræ percipiebant, uni-
 versa patria, quem admirari Principem suum tan-
 tum poterat, totum tamen conabatur amplecti. At-
 que hæc quidem sunt illa, quæ tamen Principis
 virtus palam in luce stupentibus omnibus osten-
 debat: nunc vero si ea vobis AUDITORES, aperi-
 re possem, quæ remotis arbitris ac teste Deo tan-
 tum, tacente circum aula facere consuevit, quid
 esset animi vobis, cum Principem vestrum luden-
 tibus aliis aut aliud agentibus orantem, cæteris nō
 rare insolescentibus, depressum humi divina om-
 nia meditantem, videretis? Occultare quidem pie-
 ratem illam suam Princeps solet, sed lucem tamen
 abicit, erumpit quia imo ipse. ut ubi populi pietas
 apparet, ibi Principis virtus elucescat & exemplo
 præcedat. Scio, ANTONIVM Imperatorem
 PIVM appellavit Vetustas, & Astræ mystam:
 summæ æquitatis & Religiosum, MARCVM Im-
 peratorem est admirata, sed ipsa cæca: nunc vero
 quantum est illud, quod in clarissima fidei luce
 tempora nostra, Pium, Religiosum, Iustum Alber-
 tum proclamant? Non ignoro etiam, quam
 ad-

*Dissolutio
 Amplifica-
 tio ab effecti-
 bus.*

Contentio.

Transitio.

*A domesti-
 cis pietatis
 officiis.*

*Comparatio
 cum aliis
 piis principi-
 bus.
 Cum Vestali-
 bus virgini-
 bus.*

Contentio.

admiranda Vestalium virginum vita fuerit olim; quid si vero Principis huius vitam eam esse dicam, quæ & castitatis, & religionis cultu illam Vestalium disciplinam superaret? Illæ flammam aliquam custodiebant; hic veræ pietatis ignem: Illæ castitatem servabant; hic vitæ totius integritate san-
ctimoniamque: illæ Vestæ cultum; hic veri Dei ac totius Religionis honorem ac fidem. Com-

Illustratio.

primat proinde vocem Satyricus, nec illud occinat in Belgio: *Exeat aula qui vult esse pius*: potius vero acclamet: *Hæc petat aulam qui vult esse pius*. Hæc enim est pietas schola quædam ubi iuvenes & vi-

*Descriptio**Aula Al-
berti.*

ros ALBERTVS, virgines & matronas ISABELLA suis exemplis informant: hæc est Religionis Palæstra, in qua Bravium honoris ambiunt certando virtutes: hæc est castitatis domus, atq;

Similitudo.

pudicitæ, templum honoris, cura virtutis. Verum quemadmodum Sol ortus latere non potest, ita quanquam sub illustri tecto nunquam potuit tanta pietas integritasque latere: erupit in lucem vero, atque ita Romam ipsam commovit, ut amplissimum purpurei patres ALBERTO testimo-

*Communica-
tio cum au-
ditorib.*

nium ederint, piissimumq; renuntiarent. O quanta illa vis pietatis! O quam admirabilis divini cultus splendor! Sed vos obsecro, AVDITORES, qualem igitur, & quam admirabilem Principis huius vitam esse putatis, cuius pietas præclarissimum extiterit fundamentum? Profecto si egregium ædi-

*Similitudo
& Transitio.*

ficiam ab insigni fundamento confurgit, non potest non admirabilis videri reliqua Principis vita, cuius initium omnem vincit admirationem. Qua-

*Laus à Tem-
perantia.*

propter minora illa relinquantur, quæ de singulâ-
ri victus ipsius temperantiâ amplificare possemus:

*Præteritio
Amplifica-
tio ex con-
trario ad*

illud vero fatente veritate fateamur, nunquam illud Principum istorum probavisse vitam, qui aut in ebrietate gloriam, aut in conviviis intempesti-
vis maiestatem ponere consueverunt. Non ignorat quippe Princeps prudentissimus, quanta mala se-

cum

cum crapula apportet, quæ & animi & corporis vi- *effectibus*
res extinguit, privatas opes exhaurit, honorem *abicitatis.*
debilitat, & famam labefactat. Sed si hanc quoque
latere laudem tantam patiamur, nunquam tamen
illa poteris obliterari, quam ex conjugii continen-
tia, & inviolato thoro reportat.

Quod enim obsecro non exemplum continen-
tiæ huius, quam non legem sua vita Princeps edit?
longum esset universa declarare, sed illud tamen *Laus casti-*
dicam audacter, ita semper eum conjugii, proprii *tatis eius.*
que thalami legem inviolatam tenuisse, ut ne su-
spicionem incontinentiæ ullam malis etiam & ob-
trectatoribus relinquat; ut inquam de ipso men-
tiri fama vereatur. Laudetur Alexander Magnus:
etenim meruit; quem ad violandas Darii devicti *Comparatio*
filias, nec libido, nec insolentia victoriæ pertraxit. *cum castis*
Miraculum dixerim in hoc homine. Consecret *Principib.*
immortalitati Scipionem continentia; omnem
enim laudem evincit, qui victor Celtiberorum
Principis sponsam, ne quid oculis de castitate ejus
delibasse videretur, ad aspectum non admisit. Ex-
collantur quicunque alii, quorum vitam aut fa-
mam nunquam potuit luxuria labefactare; sed ita
tamen extollantur, ut tuum hic decus eximium sit
ALBERTE, tua laus prima, tuus in honore tanto
principatus.

Tu enim quas alii libidinis occasiones ultro
quærent, superare gloriosum arbitraris: Tum
non sequendam cupiditatem, sed putas refranan-
dam: Tu non Neronibus, Caligulis, cæteris Im-
perii monstris, sub quorum libidine gemuit pu-
dicitia, similem esse te voluisti, sed superiorem,
ut quod illi summa cum infamia sectati fuerunt,
tu summa cum gloria vitares. Veruntamen ani-
madverto, non quod ventis, sed quod flumini-
bus accidere solet, nobis evenire. Quemadmo-
dum enim venti ad longinqua loca fracti debili-
tatiq; perveniunt, flumina vero, quo à fontibus

Apostrophe
Repetitio.
Contentio.

Comparatio
à dissimili.

Transitio
per similitu-
dinem à
flumini-
bz ducta.

*Laus à Prudentia.
Præteritio.*

*Probatur.
Prudentia
ab administratione negotiorum maximo-
rum.
Apacificatione & gubernatione Lusitanie.
Repetitio.
Contentio.
Transitio.*

Demonstratio Rhetor.

longius recedunt, capacioribus feruntur alueis, & maiores volunt undas; ita quo longius ab harum fonte laudem oratio nostra procedit, in altiores fluctus intrat, & in ipsum prius Oceanum expandere vela videtur. Omnino AUDITORES, multa mihi consulto sunt prætereunda, ut ad finem tandem aliquando pertingamus: & nunc quoque ad Prudentiam Principis declarandam accedo. Taceamus vero studia illa Principis, quæ in multis ac magnis artibus summa industria coluisse fertur: non dicamus, quid iam sciat, qui ne quid Principe dignum ignoraret, adolescens patefecit: illam tantum Prudentiam eius admiremur, quæ quanta sit, vivendo magis experimur, quam dicendo declarare possimus. Obsecro quæ consiliorum altitudo deesse posset illi, quem ad imperia semper maxima Hispaniarum ille Monarcha potentissimus admovit? Sileat orbis universus, & unica tantum, si possit, Lusitania loquatur. Quid dicet? Multis antea se coruscant armis, Hispaniæ tandem per ALBERTVM pacatam adhæsisse. In hac enim eius prudentia cum in veterato armorum amore decertavit; in hac consilium spirantes adhuc seditionum reliquias extinxit; in hac amor incredibilis, odium antiquum, & impacatum furorem, superavit; ut profecto minime sit mirandum, si parentem illum suum Lusitania vocarit, quem postea discedentem tanto amore retinere certavit. Quanquam, quid in Provinciis illis remotis Principis prudentiam, admiror, quam tu Belgium satis nunquam poteris prædicare? Opus est, Benevoli AUDITORES, ut si agnoscere prudentiam hanc tantam velitis, recordemini paulisper mecum veterem Belgii nostri statum, & tempora illa odiis incitatissima, bellis feruentissima, calamitosissima cogitatione comprehendatis. Distingebat in nos arma nobilif-

bilissimum Franciæ Regnum, odiis insurgebat An- *Enumeratio*
 glia ipsum in se Belgium armatum erat. Quid ec- *incommodo-*
 go? quali tandem opus Principe fuit qui arma illa *rum.*
 compesceret, odia sedaret, intestinos componeret *Dissolutio.*
 tumultus; Profecto tali, cuius virtus & prudentia *Compar.*
 omnibus armis odiisque maior esset; quam cum
 ALBERTI Principis talem esse reducta serenitate
 & alius respirante patria Belgium agnouisset, a-
 gnouit simul eum se Principem habere, qui subdi-
 torum vinceret amorem, ceterorum benevolen-
 tiam extorqueret. Agedum vero circumspice qua
 lubet, ut vel Ecclesiæ templo ingrediaris, vel Rei- *Prosopopæia*
 publicæ curias ac theatra conscendas, quid est *Belgii.*
 tandem, quod huius Principis prudentiam non ta-
 cito sensu experiatur, vultu vero sereniore lo-
 quatur? Et quid aliud loquatur, quam hoc ip-
 sum, quod audire iam mihi videor? Tu mihi
 iustitiæ tribunal ALBERTE, tu Religionis ara, *Repetitio.*
 tu consilii oraculum, prudentiæ delubrum; mo-
 derationis domicilium. Tu humanitatis penu,
 mansuetudinis sacrarium, fortitudinis sedes, u- *Metaphora.*
 no verbo, virtutum thesaurus. O egregia laus
 egregii Principis! O felici Principe felix Bel-
 gium! optare potuisti ruinam, ut tanto authore
 restaurareris; desiderare potuisti ab aliis rideri
 quondam, ut iam ab omnibus propter hunc Prin- *Exclamatio*
 cipem amareris: imo velle potuisti penitus perire, *Contentio.*
 ut hic tibi princeps novus conditor ac parens fo-
 ret. Veruntamen dum tantæ prudentiæ monumen- *Transitio.*
 ta colligo, oberrant oculis innumera fortitudinis *Lauis à forti-*
 monumenta, & se ultro inserunt orationi nostræ *tudine*
 sed admitto, imo sequor, nec invitatus; quocumque *Disimula-*
 trahunt. Ecquis enim exitum speret, ubi tanta vir- *tio oratoris*
 tutum ac laudum copia obruitur. Orator? aut
 quis immorari tandem vellet, ubi exitum reperi-
 re desperet: Credite vos intueri, B. AUDITORES *Demonstra-*
 duo maxima regni Franciæ decora, Ambianum *tio.*

& Caietum ; putatore , vos in planitie subiecta
 videre Ardeam & Hustum ; constituite vos in
 littore maris nostri , & Ostendam circumspicio-
Repetitio. te : penetrare etiam cogitationibus ad Rhenum
Metaphora. usque , & Bergam aliasque civitates considerate.
 Hæc sunt illa propugnacula , quæ Principis nostri
 fulmen perhorruerunt : hæc sunt illa monumen-
 ta fortitudinis & gloriæ eius , ubi virtus immor-
Comparatio talitatem illi iam invidia cessante parat. Multa
cum aliis multi Principes in hoc Belgio sunt conati , sed
Belgii Prafe- quam interim parum effecerunt , aut quam mul-
lis. tum qui bellum semper asperius reddiderunt ?
 Sedavit bellum ALBERTVS , & pene plus effe-
 cit , quam fuerat conatus. Defuit animus non
Pervoratio. paucis , ubi periculorum magnitudo magnitudi-
Transitio cū nem animi superabat : superavit ALBERTVS pe-
disimulatio ricula , & quia ipse vinci non poterat , victa tan-
ne, dem illa fuerunt , Non est , AVDITORES, vi-
 rium nostrarum , non est huius infantiz nostræ &
 imbecillitatis , quæ cogitatione & ingenio com-
 prehendo , pari pro dignitate sermone mani-
 festare. Et iam in me (fatebor enim) exhausta
Apostrophe. dicendi facultas , tot ac tantarum laudum uberta-
 tem copiamque reformidat. Quid ergo ? ubi exul-
 tare corroborata voce deberem , nunquid retice-
 bo ? Sed est tuarum , Invisite PRINCEPS, magni-
Concessio. tudo laudum , quæ ut ingenium superat , ita om-
 nem vocem exhaurit. Sed non possum amplius ,
 sum victus ; certe tamen divinam in te virtutis
 excellentiam reticendo fatebor , quam assequi ne-
 mo dicendi possit. Quamquam ô utinam aut hic
Optatio. omnes Belgii Oratores , aut ipsum à sedibus suis
 commotum Belgium adesset , & coram illa sui
 Principis maiestate , serenissimoque vultu confi-
Prosopopœia stens , aliquam sui vocem amoris aperiret ? Ita di-
Belgii conti- ceret opinor : O me felicem ac beatam Provin-
nens ciam ? ô me Belgium fortunatissimum ? quid
 est tandem in quo mihi felicitatem maiorem
 ero-

exoptem? Habeant alia Regna Reges suos hos o-^{figurata} ^{rationes} ^{petitiones}
 mnes pietate vincit ALBERTVS: iactet Cæsares ^{rationes} ^{petitiones}
 vetusta maiorum ætas; hos longo post se intervallo ^{petitiones}
 prudentissimus ALBERTVS relinquit. Glorientur
 Regionales in suorum Principum manu belli-
 cola; illæ tamen ALBERTVM meum admirari
 coguntur. Obstupeat orbis, si quem Principem vi-^{Repetitio.}
 deat insigniter continentem, obstupebit in hoc ^{Compar.}
 ALBERTO meo. Ille mihi conditor est, & pa-
 rens, ille publicæ salutis procurator, virtutum o-
 mnium restaurator; ille, quem Imperium amat &
 optat, quo carere sine luctu non possum. Da igitur ^{Votum pro}
 æternæ Deus, ut tantum Principem nulla iniuria à ^{Principe Al-}
 communi bono latitiaque depellat, & dum orbis ^{berto ad}
 ornamentum, diu ac incolumem superesse velis in ^{Dum.}
 orbe. DIXI.

IOANNIS OVDINI

DVGNIENSIS.

Vituperatio saltationis seu tripudii.

PRæclare quondam Horatius delictum illud Me-^{Exordium à}
 cæznatis, & Romanæ fidicem lyrae, qui inter lyri-^{sententia}
 cos sublimi vertice vates sydera summa ferit, cum ^{Horati.}
 in longa tot annorum ac sæculorum revolutione
 hunc inesse naturæ defectum animadverteret, ut
 dies insequens elapsum malitia quadam superaret,
 commoto immortalis illius lyrae suæ plectro ita
 cecinit:

Damnosa quid non imminuit dies?

Ætas parentum peior avis tulit

Nos nequiores, mox daturos

Progeniem vitiosorem.

Equidem sonus iste concitatae lyrae fuit, sed
 quem profecto si oraculum edidisset, non maio-
 rive-

*Probat
sententia in
ductione per
se: singulas.*

si veritate corroborasset, contestante ac procla-
mante saeculorum omnium experiētiā, quam
magistram rerum omnium sapientes profitentur.
Nec abire longius est opus, tantummodo cogita-
tione, quicquid esse potest circumspiciamus. De-
crevit ætas hominum & læthi tarda necessitas cor-
ripuit gradum. Effœta tellus est, & vix animalia
parva creat, ut inquit Lucretius, quæ cuncta crea-
vit sæcla, deditque ferarum ingentia corpora par-
tu: fortuna mutata est, nec ita fecundis hodie ven-
ris vela conatum nostrorum impellit, quemad-
modum maiorum vota laboresque grato in portu
collocavit. Ipsa forma pulchritudinis suæ flo-
rem amisit; vires ingenium destituerunt excel-
lentiores; nomen & gloriam fama reliquit; &
ut altius cum Virgilio loquar, omnia fert ætas,
animum quoque. Auream ætatem argentea exce-
pit ætas, argenteam ænea commutavit, æneam
ferrea peruvici, & in ferro consistens scelus, pудо-
rem ac modestiam proscripsit. Vere damnosa dies
imminuit omnia: Sed tamen temperandum
adhuc lachrymis & querelis nostris foret si nos
etiam ea mutatio mores immutaret, relictaque
modestia passim ad ea iuventus se conferrer, quæ
maxima cum turpitudine sunt coniuncta, quæque
studio summo maiores evitarunt. Etenim ut di-
ctionem hanc nostram ceterorum malorum enu-
meratione non patiar onerari, quanto ardore co-
natuque iuventus hac tempestate studium ample-
ctitur saltationis? huius in scholis nescio qui-
bus, leges addiscit & præcepta; huic brachia, ma-
nus, pedes consecrat & inservire facit; pro hac
non modo temporis iacturam non curat, sed nec
sumptibus & labori parcit. Itaque fit ut dum tur-
pitudinem exæcata non agnoscit, amore summo
complectantur, quod odio VATICINIANO prosequi
deberet, in eoque sibi placeat, quod displicere pos-
set.

*Accedit ad
propositum.*

set ipsi, nisi lumen extinctum rationis foret, & iam amplius non palparet, quod videre facillimum esset. Sed ego cecitati huic tantisque tenebris lucem aliquam adferre conabor, si dictionem meam favore vestro iuvare. A. AVD. velitis, efficiamq; ut quam homines illi saltationem honestissimam arbitrantur & deprædicant, vos audita oratione nostra indignissimam hominem judicetis. Ac in primis lubet vobiscum hominem ipsum altius, & finem eius considerare. Creatus ab omnipotenti reum omnium conditore imperator orbis homo, talem ipsum agnoscunt universi, nec imperium eius animantia recusant; cælum erecto vultu spectat, & animo suo stellarum claritatem æmulat. Ita conformare se contendit, quantum quidem fas esse potest, ad excellentiam maiestatis conditoris sui: abhorret ab eo, quod aspectum turpitudine lædit, & animam offensione quadam percellit; sic ad honestatem dumtaxat illum Deus excitavit, & quadam præditum illi gravitate corpus est elargitus. Nemo est, quin hanc in luce palam veritatem exosculetur. Quid ergo tandem decere minus hominem potest, quam saltationis studium illud, quod omnis est incontinentiæ & improbitatis argumentum? Non ego hoc dico, tametsi dicam, & Marci Tullii dumtaxat auctoritatem amplector. Nemo, inquit, sobrius saltat, nisi forte insanit, neque in solitudine, neque in convivio moderato atque honesto. Ita si saltatorem hominem aliquem appellem, dicam eundem necesse esse insanum; & si sobrium honestumve proclamem, saltavisse prorsus negem.

Probrum est quoddam studium hoc saltandi, ut Gabinio viro Consulari idem Orator obiecit; nunquam hominem decere potest, ut in Muræna Cato quondam accusavit, probitatem tollit, honestatem expellit, famam lædit, sobrietatem

Propositio.

*Conciliatio
favoris &
attentionis.*

*Primum
Argumentum
ab in-
honesto.*

*Antecedens
de fine homi-
nis.*

Consequens.

*Probatio
consequentis
ab auctori-
tate & ex-
emplo.*

*A minori
ad maius.*

extinguit, infaniam inducit. Vnde non libere minus quam vere Demades olim, cum Philippum Macedonum Regem largius fortasse potum saltare videret cum amicis, in hanc vocem libertate quadam sermonis erupit: Cum, ô Rex, fortuna tibi Agamemnonis personam imposuerit, non pudet te factis agere Thersitem? Profecto, si saltare turpe esse potest in regibus, quorum vitia larvato sæpe vultu speciem induunt virtutum; quorum inquam, maiestas id omne sua luce obfuscat, quod reprehendere & criminari fama non mendax aliquando posset; quam erit illud idem in hominibus aliis vituperandum & detestandum? Non ignoro præclarissimam olim laudem reportasse virginitatis suæ Minyadem, Leucippem, Aristippem, Lacedæmoniensis pudicitia lumina quædam; sed si tamen laus ipsis aliqua maior tribui potest, nonne hinc maximum illis conferemus, quod virginibus ac matronis aliis saltantibus choros ipsæ detraxerunt? Es cur obsecro detraxerunt? Superbius, inquiet aliquis, se gerebant, sed in pudicas superbia nulla cadit: nullum erat desiderium in illis; sed ætas tamen impellebat: Occasio nulla requirebar; imo vero sociæ provocabant, & festivitas postulabat. Cur igitur detraxerunt? ne minus cominantes viderentur, quæ maritos ambirent. O si talis cogitatio Virginum nostrarum animos occuparet! ô si tantum honestatis amorem earum in animis continentia suscitaret! Sed non est earum illa conditio beata; non in hanc se virtutis societatem adiungunt, quæ tantis intervallis ab earum modestia recedunt. Illæ aspectum suum intra domesticos parietes concludebant, nostræ in publicum, in lucem, in aspectum aliorum sese effundunt: illæ saltationem ignorare volebant, nostræ eandem perdiscere laborant: illæ maritos modestia sua mereri desiderabant; nostræ mari-

*Digestio in
mores virgi-
num nostri
temporis.*

*Comparatio
ex dissimili.*

rose effusa petulantia sollicitant: illæ cum æqualibus saltare recusabant, nostræ in virorum choros sese ac turbas iniiciunt. Ita hæc invalescens infania mores immutavit, & quod vitium fuit olim, nunc virtutem (si esse tamen virtus potest) depravata consuetudine, facere contendit. Quamquam vero non ita disputo, ut inhonestam esse saltationem duntaxat affirmem, credite mihi, nihil est quod homine magis indignum esse possit, nisi humanitatem omnem exuerit, & conditionis immemor suæ suam vitam non agnoscat. Intellexit hoc Tiberius Imperator, & expellens civitate Romana saltatores, vetuit, ne suam artem tanquam hominibus indignissimam usquam unquam exercerent. Intellexit Domitianus itidem Imperator, & Coelium Rufum Senatu movit, quod saltasse diceretur, quoniam saltationem hominibus honestis indecoram, & studium chorearum viro optimo indignum iudicabit. Intellexit Clysthenes, Syracusanus ille Tyrannus, qui cum Hippoclidem Tisandri filium supra mensam Laconicos Atticosque modos saltasse, cruribusque ac brachiis modulatum fuisse intellexisset, tametsi dignissimum illum inter procos iudicaret, nihilominus filiam illi suam brevi hoc, sed acuto sermone recusavit: Tisandri filii, desaltasti matrimonium, Reges & Imperatores saltationis studium improbant; nunquid erunt qui laudandum illud existimabunt? Principes omnes civitatibus suis saltatores pellunt; nunquid erunt qui reducere audebunt; Cultores eius dignitatibus suis exuuntur, & civium honestorem societate privantur; nunquid erunt, qui in eorum se societatem adiungent? Fuit hoc olim, sed cum esset in honore virtus, in pretio modestia; in votis continentia? fuit, inquam, cum non essemus, sed utinam tamen cum simus idem nos amor virtutis inflammaret: Verantamen ne dissimu-

*Secundum
argumentum
ab indigna
Transitio.
Probatio ab
exemplis et
varia auto-
ritate.*

Amplificatio ex authoritate dufta

*Tertium argumentum
ab inutili.
Dubitatio.
Subiectio.*

lare quicquam videamur, inquiramus tandem quodnam commodum ex saltatione reportent, qui saltationis se cultores profitentur. Dicamne sapientiam hinc illis reportare? O non ita sum insipiens, ut quod mentis est insanientis argumentum, idem esse putem sapientiæ fundamentum. Dicamne ditiores hinc redire? Negabunt ipsi, & alium esse divitiarum conquirendarum laborem proclamabunt. Dicamne ad honores hinc aditum illis aperiri? Nimium videat levis, qui levitatem istam gradum esse cogitem ad honores. Dicam tamen, non frustra laborant saltatores, & sui laboris fructum aliquem reportant. Quaritis & quem tandem? defatigationem illam in pedibus trahunt, in brachiis circumferunt, in capite detergunt, toto corpore sentiunt & ostendunt. Obsecro vos enim, quid aliud est saltatio, quam gesticulatio quædam ad tibiarum modos, defatigationem inducens? Nemini prorsus dubium erit, Benevoli AUDITORES si parumper cogitatione vestra vos in eo loco constituatis, unde cernere saltatorum turbam aliquam possitis. Longa nescitur hominum catena: consistit velut in procinctu, qui tibias instat, aut tympanum pulsat, virgines adolescentibus, stultæ mulierculæ viris iunguntur; manus manum tenet, pes pedem sequitur, brachium brachio affurgit; nunc eunt, nunc redeunt; nunc in aerem sese tollunt, nunc descendunt: nunc ad dextram se vertunt, nunc ad sinistram se proiciunt; in silentio circumferuntur omnes, urgent sese, stringunt, ineptiunt, & quamdiu vel lyra vel tibiarum sonant, tamdiu manus trahunt, pedes saltant, totum corpus circumferunt. Quid, quaeso, unquam absurdius aut dementius vidistis? quid aliud est quam amentiam unam amentia nova regi? Sed aiunt, voluptatem hinc se summam haurire. Lepida profecto capita, quibus

*Quid sit saltatio. Amplificatio ab adiunctis & circumstantiis per descriptionem.
Tripudium oculis subiectum.*

Obiectio per occupationem.

Bus tedium voluptas esse potest. Dicant tamen ipsi nobis: nunquid saltare nihil aliud est, quam in gyrum volui, vertiginem excitare, sine termino viam aliquam currere? nihil aliud dico, sed est indignum prorsus, hominem divina præditum mente, ira vanam quærere voluptatem, ut levi corporis agitatione recreari concupiscat. Profecto si exercitio comparanda sit voluptas, quis è tripudio quæret illam, ubi Veneris præludium, & omnis est turpitudinis auspiciū quoddam? Videte quam periculosa plenum opus alex tractent; videte quam incedant per ignes suppositos cineri dolofo. Illic specie quadam urbanitatis virgines atteruntur: illic liberæ manus, liberi oculi, liberæ volant voces & strepitus: illic, quæ sæpe ludis additur, hostis pudicitia, & amica scelerum nox ipsa. Hæc omnia quid aliud esse possunt, quam libidinum stimuli, laxamenta licentia, impudicitia faces? Nolim inquirere, quæ tum eorum sint cogitationes, cum inter mulierculas istas ita ludunt, ut nihil timeant; ita loquuntur, ut pudorem relinquunt; ita se gerunt ut sese non agnoscant. Nolim investigare, quid reliqui sensus agant, ubi oculos cæcus amor ducit, ubi vultum Venus inclinat, ubi manus libido regit. Utinam falsissimum esset, quod pro dolor, nimis est verum; sæpe matronam in choreis diu servatum frustra decus perdidisse! Utinam affirmare non possem, sæpe virgunculam infelicem ipso die nuptiali didicisse quod melius ignorasset! Sed est illud certum nimis, chorearum ludum turpitudinis ludum esse; sed est illud certius adhuc, quod Scripturarum veritas ait. In circuitu ambulat impii. Quanquam nondum hæc oratio saltatorum nostrorum animos percellit; obstrepunt rursus, & in umbra virorum illustrum rationis huius æstum vitare præsumunt. Quid ergo dicunt? Viros olim clarissimos sanctissimosq;

*Quartum
argumen-
tum à pericu-
loso.*

*Repetitio.
Compar.
Traductio.*

*Metaph.
Præteritio.*

Optatio.

Obiectio.

*Responsio
prima ad
personam.*

saltavisse. Illudne tantum? Non satis esse putant gestare telum, nisi vibres; Scipionem faciunt saltatorem & in chorea secum ponunt. Non dum illis respondeo, sed vellem intelligerent illi, quod quemadmodum non omne pennatum animal aquilam sequi potest, ita non omnes effingere ad plenum posse, quod imitantur. Modico vinousus est aliquando Cato, hunc homines ebriosi imitari se dicunt: multos olim suæ dextere fulmine prostravit Annibal, huic se parem arbitrat, qui prostratum jugulat latronem. Ita summorum virorum imitatio non omnibus est tuta: nec Ciceronem illum esse crediderim, qui mihi aures plaustris impleveris verborum: aut magnum Aristotelem, qui supercilium contrahendo gravique voce Sophisma conterserit. Sed ipse vocem premam, & nominibus illis pro me Seneca respondit. Scipio, inquit, triumphale illud & militare corpus movit ad numeros, non molliter se infringens, ut nunc mos est, etiam in incessu ipso ultra muliebre[m] molliem fluentibus, sed ut antiqui illi viri solebant, inter lulum ac festa tempora virilem in modum tripudiare non facturi detrimentum, etiam si ab hostibus suis spectarentur. Quod si ita est, quidni melius erit sic instituere vitam, ut abstinenciam & gravitatem stupeant potius inimici, quam ut amici lasciviam excusent? Suadere quidem saltandum, ut Scipio, Seneca, sed nunquid salva tanti viri autoritate dicere audebo, melius ac potius saltandum omnino non esse? Nisi vos B. AUDITORES, eos esse scirem, quorum animos non eloquentiæ potestas, sed rationis dignitas occuparet, novam ingrederer arenam, & solutis eloquentiæ strans in levitatem illam excurrerem, quæ salutationis individua comes esse solet. Sed indigitare satis erit, quod amplificare nimium foret: & quanquā reticerem omnino, re-

*Secundum
authoritate
Seneca.*

*Transitio.
Quintum
argumen-
tum à Levi-
tate.*

Antecedens.

use.

riceri tamen vox non potest Imperatoris Alber-
 si, qui saltationem muliebre[m] esse semper dixit: *Probatio*
 reticeri non potest Alphonsi Regis Aragonum *Antecedenti*
 de Galliz populis testimonium, qui leves eos *ab auctoritate*
 potissimum esse dicebat, qui quo magis ætate
 provecti essent, eo magis saltationibus se oble-
 ctarent. Atque idem cum mulierem impuden-
 tius saltantem aliquando vidisset; Exspectate,
 inquit, mox Sibylla oraculum edet. Ita sentie-
 bas, saltationem insaniz genus esse, quoniam Si-
 bylla nonnisi furore correpta oraculum edebat.
 Et profecto si insania quidam est saltatio, quam
 bene dixit aliquando Fridericus tertius, Roma-
 norum Imperator; Malle se febris teneri, quam *Peroratio*
 operam dari saltationi! Viderer aut de vobis du-
 bitare, aut tantorum Principum auctoritatem in
 dubium vocare, si cursum hic orationis pede fixo
 non sustinerem. Quapropter dum ego supersedeo
 plura dicere, & diutius in re vanissima perdere
 sermonem pudet, cogitare si non Catonem ali-
 quem, ut aliquem e primis nascentis Ecclesie
 temporibus, de hac re verba apud vos habere,
 quibus aliis quam his vocibus uteretur? Vbi sum,
 & in qua tandem terra versor? Inter quos ago,
 aut quibus loqui debeo? Terram video, in qua
 vixi; posteros cerno sed an posteros nostros? Si
 temporis consulam ætates, sunt nostri; si mores,
 non agnoscunt nos majores, & modestiam no-
 stram degeneres ipsi in lasciviam converterunt,
 Vbi nunc honestatis amor? Illum amor turpitu-
 dinis exinxit: ubi dignitatis Christianæ recor-
 datio? illam memoria vanitatis oblitteravit: ubi
 composita morum gravitas? illa levitas corpori-
 bus ademit: ubi nobile robur animi virtus: illam
 voluptas enervatrix superavit. O si majorum re-
 cordari liceret! o si meminisse status sui & ori-
 ginis non pigeret! Non ita saltationis studium
 amplecterentur, quo nihil turpius & indignius;

*Prosopopæia
 continetur
 figuratam
 confirmationis
 repetitionem*

*Subiectis
 Repetitis
 Similiter
 desinens
 Optativa*

non in cæci in Veneris laqueos incurrent, quos illa
 medilis in choreis tendit: non ita levitatem ama-
 rent & insaniam, quam unica saltatio producit.
 Viveremus maiores in nepotibus nostris, dum in
 illis nostra modestia vigeret; nostra rursus esset
 ætas, dum nostri rursus mores regnarent: nostri
 essent posteri, atque utinam esse vellent? Plura di-
 cerem, si dicentem fas audire talem esset: plura ve-
 ro nequeo referre; sed in hoc tantum concludo
 dictionem omnem. Virtutum est custos omnium
 modestia, quam exornat verecundia, gravitas mo-
 rum. Ita igitur vitæ nostræ rationes institutamur,
 ut modesti simus, ut graves, ut quam virtutis ini-
 micam saltationem esse non ignoramus, nunquam
 amemus. DIXI.

Clausula

Prosepopaia.

Dehortatio.

JOAN. FRANCISCI GODIEM. Mechliniensis.

L A V D A T I O

D I V I A N T O N I.

Collegii Porcensis Patroni.

*Exordium &
 secretum na-
 turæ mira-
 culi in ma-
 gnetis.
 In Ad-
 mante.
 In Sole se-
 men in her-*

Admirandas magnetis vires nunquam orbis
 satis obstupefeit, cum illam rerum omnium
 domitricem materiam, ferrum dico, velut
 suam destitutum gravitate, & immensi ponderis
 immemor attolli cernit; & leviter magnetis at-
 tactu percussam subsequi per auras animadver-
 tit. Neque minori percussus admiratione stu-
 pefactisque sensibus hæret, cum invictum ada-
 mantem superato flammantis ignis ardore,
 fracto ferri impetu, & alterius cuiuscunque mo-
 lis vi repulsa; tandem hircino sanguine vincē
 videt

videt & immolari. Illud quoque miraculi magnitudine pervincit admirationem, quod calefactum in visceribus terræ semen sua virtute sol educit in herbam, & eandem in luce palam pubescentem benigno radiorum aspectu, & protegente nonnunquam umbra producit ad maturitatem. Adeo profecto, ut secretam esse vim quandam in sole non immerito. Natura fateatur, quam cum ipse in herbam suam, Heliotropion, infundit, eius ad se quaquaversus orbis ambitum perlustrat illustrando, faciem attrahit ac convertit. Atque hæc ita naturam hærentem evincunt, ut vincantur & hæreant ipsa, cum mentem divinæ recordatio vocis occupavit; cuius ea vis ac potestas est tanta, ut non ferrum sursum trahat, non emolliat adamantem, non emortuum in terra semen ad frugem educat, (hæc est enim, quanquam admiranda, naturæ potestas) sed invictum hominis animum, hominem, inquam, ipsum, alterum mundi DEVUM trahat, emolliat, in seipsum convertat. Intonuit vox illa, cum rudem illum & imbecillum piscatorem Petrum, terræ Principem, Dei Vicarium ac Quæstorem effecit. Transverberavit vox illa medullitus furem Saulum, cum illum Paulum reddidit, mirissimum agnum, vas electionis & orbis Doctorem. Sauciavit vox illa adolescentem Antonium beatissimo vulnere, unde non sanguis, sed salus, & in salute sanctitas admiranda promanavit. Quamobrem cum ab hac tantæ potestatis voce & Evangelii resonante tuba succedentis vitæ cursum incoeperit Patronus ille, cuius hodie dignitati prædicandæ servire vox nostra debet, ab hac quoque dictionis nostræ cursum inchoemus, cuius exitum fortunatam arbitror futurum, si tua Venerabilis Domine Regens humanitas, vestra Honorandi Domini Professores ac Magistri benevolentia hæc

ham educens
ss.

In Heliotropio.

*Major tamen
 vis divina
 vocis.*

*Ratio: quia
 vincit hominem
 ipsum.*
*Vicit D.
 Petrum.*
Vicit D. Paulum.
Vicit D. Antonium.

Proposita.

Captatio benevolentiae & attentionis. mihi veniam concedat, & ut in vestra attentione Rhetorum officium hodierna die tennitate dictionis huius absolvam, quam ingredior, ut attentione vestra, Bene nati Iuvenes non parum sentiam: & alacritatis mihi & facultatis ad dicendum evenire. Anaxagoras vir olim prudentissimus cum hominem terræ dominum erecto vultu & ore sublimi formatum intueretur, narum se gloriabatur ut cælum non terram spectaret, & intendens cælo digitum hanc se patriam curare proclamabat. Egregia profecto superbia, si non digitum sed animum cælo intendisset, quem acceperat è cælo, Glorietur vero & superbiat meliori iure Beatissimus Antonius, qui non spectare cælum, sed intrare, non curare tantum, sed occupare contendit; neque ita missionem obtinuit à seipso, ut aut illum Magni Alexandei imago visa permoveret ingemiscentem, aut erecta Miltiadis trophæa noctu vigilantem ad æmulationem virtutis excitarent: neque enim qui æternitatis studium est ingressus, aut inani blandientis rumoris aura, aut caduco brevissimæ virtutis brachio recreatur; sed illum dignitatis humanæ naturæ cogitatio, cælestis originis recordatio, divinæ vocis imperus in arenam pertraxit, non quietis, sed molestiæ, non voluptatis, sed certaminis, ubi non adulantes amici, sed dæmones insultantes, non Venus ad amplexum invitans, non in floribus rosisque voluptas otiosa iacens, non erectis crispata comis, superbia, non ad mensas, gula decumbens, non sordida thesauris indormiens avaritia: quid ergo? dura austeritas, sed quæ vinci posset; languens & exhausta fames, sed quæ nunquam animum exhauriret; sitis arida, sed ex qua mens effloresceret; continentia, sed quæ voluptatibus iucundissimis impleret; paupertas, sed quæ redderet opulentum, contemptus & abiectio, sed quæ nobilem efficeret & in regem exaltaret

aret. In hanc ergo descendit arenam, non.

Cum tuba terribilem sonitum dedit aro canoro. Sed *Conversio*
 cum illa vox Evangelii curiosis auribus insonu- *D. Antonii*
 risset: *Si perfectus esse, vade vende omnia quæ habes*
& da pauperibus, O generosum bellatorem! ô vere
Cælestem Herculem! Quid non ille candidatus
 animi feror, quid non illa animosa vo- *Exclamatio*
 luntas potuit perpetrare? quas non addidit vox
 illa virtutis vires, quas non gloriæ faces succendit? *Dialogismus*
 Vnde, inquit, vox divina; vadit, evolat, erumpit *seu interrup-*
 è mundo, nec oculos retorquens usquam sequitur *ta prosopopa-*
 vocantem: Vnde omnia quæ habes, vox ingeni- *ia laus à con-*
 nat diuina: jam illi omnia displicebant, & radio- *tempus,*
 sam satietatem cœlos animus anhelans respuebat: *mundi.*
 vendit omnia, & omnia elargitur. Da pauperi-
 bus, vox ait illos in fratres & amicos jam ample-
 ctēbatur, jam exosculabatur. O intrepidum & *Exclamatio*
 constantem adolescentem! Itane vero nulla con-
 silia sumis. Antoni, & unius vocis, excitatus an- *Apostrophe*
 ticipat te tuis exuis opibus, & in desertam de-
 sertus ipse contendis eremum? Hoc opus, hic la-
 bor erit; ecce Antoni abblanditur voluptas, & te *Iterum Dia-*
 revocat abeuntem, voluptatem, inquit, dolore re- *logismus.*
 pellem: retrahit cupiditate sua in opes avaritia; *Contentio.*
 avaritiam, inquit, paupertate compescam: retar-
 dat splendore generis & nominis claritate super-
 bia: superbiam, inquit, nemorum obscuritate &
 antroꝝ austeritate calcabo. Illud scio. Magna
 cadunt, inflata crepant, immesacta premuntur. At bene *Articulus.*
 qui latuit, bene vixit. Nihil est quod abeuntem
 aut avocare, aut retardare, aut detertere queat.
 Et quanquam suavissimum, soror aspectum
 oporteret discedenti, sparsis etiam in hume-
 ros capillis, turbato & aperto pectore, fluen-
 tibus in vultum lachrymis, voce singultibus
 crebris impedita fractaque rogaret, instaret.

Prosopopeia ciret; vicit tamen vincientem, & expediens his af-
qua D. An- festibus voluntatem, iam iamque ingressus iter,
tonius vale- Valeant inquit, valeant opes, valeat mundus, &
dicat mundo quæ sinu fovent blandimenta voluptatum, quos
& sorori sua nutrit splendoribus honores, quam fucatam pro-
 ponit felicitatem suis donet alumniis; tuos ego se-
 quor hortatus immortalis cæli Princeps, & avaram
 vocantis orbis opulentiam aspernor. Quid vero
Apostrophe defles ô soror, non est deflenda salus sed perditio;
ad sororem. non est retinendus in morte, qui ad vitam conten-
 dit abire. Qui urges? si lacrymaris, imperat De-
 us; si fratrem appellas, servum; imo filium vocat
 Deus; & nunquid est major sorore Deus? O quan-
Contentio. ta B. AVDITORES, quanta hic sunt & quam
Exclamatio. præclara futuræ sanctitatis rudimenta? quam fir-
 ma & quam excellenter jacta futuræ quondam im-
 mortalitatis & gloriæ fundamenta? Et quas obse-
 cro non victorias sibi polliceri, quos non sperare
Compar. à triumphos potuisset ille, qui de seipso jam in ani-
simili. mo suo trophæum crexerat, braviūque reporta-
 rat; Revocare si lubet in memoriam quod vel au-
 divistis, vel ipsi legistis aliquando de Postumio dī-
 ctatore, qui ut eo ferventius militum animos in-
 flammaret ad pugnam, te quanquam desperata pe-
 ne, in medios hostes signa jaculatus est, & detra-
 ctis equorum frænis, ita militem in hostem ani-
applicatio. mavit, ut non signa modo sed victoriam prostrato
 reportaret hoste. Eodem plane modo hic Athle-
 ta Christi generosissimus, dum mundi repudiariis
 opibus, frænatoque carnis appetitu perardua vir-
 tutis arma in se bella moveret, plenus animo
 forti, plenus erecta spe in medias sese coniecit
Transitio. austeritates, unde victoriam prostratis mundo,
 dæmone, carne reportavit. Et nunquam jam in
 eam sim orationis partem procedente sermone
 delapsus, in qua mihi tanti bellatoris exponen-
 dæ pugnæ forent, victoriæque; prædicandæ, quis

est tamen quid affecuturum se speret orando; quis ille divinus Heros non nisi caelesti corroboratus auxilio ad omnem posteritatis admittationem memoriamque perpetravit? Si vitam eius ieiunium fuisse quoddam affirmem austerum & perpetuum; parum adhuc eius laudem attingam sed quæ tamen id ipsum oratio pro dignitate satis explicabit? Si humilitatem eius non humili sed elato sermone proponam; quantam obsecro rem dicam? maximam certe, atque illam, quæ cum omnes nefariorum spirituum artes infringat, & per obstantes dæmonum cuneos laqueosque penetret in cælum, nulla potest humana voce satis aperiri: & tamen illam aperiendo, adhuc in tantæ gloriæ fundamento sermonem omnem consumam. Nunc vero si gravissimas cum dæmonibus pugnas sæpius intas, semper confectas aggrediar, qua tandem uti voce me decebit? Sed quemadmodum pictores unius corpus dumtaxat integrum ostendunt, cæterorum capita tantum adumbrant; ita ego pugnam unam dabo, cæteras vobiscum cogitabo. Irruerant vice quadam dæmones in illum, ut insanam suam in eo lacerando crudelitatem defatigarent: jacebat ille media in sylva, prostratus erat in terram facies turgabant verberibus membra, ex oculis, invito tamen animo, lacrymas dolor eliciebat, & ex multis fœde laceratis partibus sanctissima eruant membra commaculabat. Vix respirabant cruciando lassari dæmones, ipse etiam vix anhelitum trahebat laceratus, & quæ supererat in sanguine turbato anima vix parvas vitæ reliquias fovebat, immota tamen & invicta. Obsecro quis illum ita iacentem si adfuisset, sine lacrymis; ita laceratum sine eiulato; ita pene mortuum sine conqueſtione siccus ipse conspexisset? Aderat spectaculo tanto Christus, & si lacrymari fas adhuc Deum esset, lacrymatus credo fuisset: & nunquid hominum animos dolor exhaustisse? nunquid

Latius ab abstinentia.

Ab humilitate.

Subiectio.

A pugnis cæ dæmonibus.
Similitudo.

Descriptio pugnae cum dæmonibus.

Communicatio.

*Sententia.**Simile.**Aliud.**Transitio.**Præteritio.*

Optimè pro septus : & v're, *Elic murus ahenus est, Nil cō-*
pugnaculum scire sibi nulla pallefcere culpa. Quid dicam

*innocentia.**Contentio**Disiunctio**Compar.**Repetitio.**Antonius**vulgo vir**divinus.**Digressio**brevi.*

terrorem imprimens crudelitas animos immu-
 tasset? Antonius ipse non queritur, dolere se non
 vult, corona premit vulnera, palma sanguinem
 obscurat, quod plus victoriarum est, quàm iniu-
 riarum. Ita scilicet magnanimi Athlethæ est, cædi
 & vincere. Ita non est arbor solida nec fortis ni-
 si in quam virtus incurfat, ipsæ enim vexatione
 constringitur, & radices altius figit, Ita multum
 sibi adiicit virtus laceffita: quo sæpius canduit
 ferrum, durius est; nec radices agit altas seges,
 nisi quam alta quoque nix oppressit. Atque hæc
 dum ita extollo maxima, propriæ conscius im-
 becillitatis maiora relinquo. Quid enim hic di-
 cam dæmones in omnem ~~ita hominem transmu-~~
~~tasse~~, i.e. pardos factos, leones, tauros, lupos, ser-
 pentes, urfos, scorpiones, ut nobilem hunc Athle-
 tam ab arena virtutis auocarent aut deterrerent?
 Sed erat ille firmissimo sanctitatis muro circum-

Optimè pro
 Contentio
 Disiunctio
 Compar.
 Repetitio.
 Antonius
 vulgo vir
 divinus.
 Digressio
 brevis.
 septus : & v're, Elic murus ahenus est, Nil cō-
 pugnaculum scire sibi nulla pallefcere culpa. Quid dicam
 cum ita vixisse, ut ab omnibus quæreretur, ipse
 omnibus prodesse; ut undique vexaretur, ipse
 cresceret vexatione; ut apud omnes honoraretur,
 ipse honores aspernaretur? Quid dicam
 sermone consolabatur, opere iuvabat, exemplo
 convertebat, doctrina erudiebat, precibus defen-
 debat. Illum quæritabant Imperatores, & eius
 litteris erudiebantur, ut maior Imperatoribus vi-
 deretur, qui sibi soli posset imperare. Illum in-
 tueri, sequi, compellare gloriosum erat & saluta-
 re, ut vere visum divinum vulgo nominarent,
 qui relictis omnibus ac seipso maior Deum to-
 tum possideret. Et quomodo Deum totum possi-
 deret? qui scilicet seipsum superarat, ut iam nihil
 nisi Deum ipsum occupare restaret. Quam multi
 sunt, qui equum agitare norunt, cohibere iam
 ignorans? quam multi sunt, qui gladios expedi-
 unt, rotant,

rotant, ab unica victi cupiditate rotantur? quam multi sunt, qui natando flumina superant? in luxuriz submersi pelago superantur: Ita non in robore corporis aut nationibus subiugandis, sed in affectibus animi domandis vera fortitudo, vera victoria, veræ gloria virtutis consistit. Quam victoriam cum reportarit E. Antonius, & iam in hominum admiratione, in Angelorum applausu, in Divinæ Maiestatis amplexu triumphet & exultet ita illi congratulemur, B. AUDITORES, ut si muli imitemur. Si alacritatem adferre solet generositas & præstantia Ducis, Ducem illum habemus, quem cum orbis universus admiraretur, demones omnes reformidabant. Si imbecillitas naturæ debilitare solet animum, corroborare possumus illum cognitione viri illius confirmati, qui cum nobis per naturam similis esset, per virtutem Divis omnibus est adæquatus. Si generosæ cogitationis impetu nos efferre supra cœlos, & in patriam illam nostram redire anhelemus; eius vitam imitemur, qui cum esset corpore in terris, animo vivebat in cœlis, atque idcirco nunc quoque triumphat in cœlis. Sed ego triumphum. Illum poeta decantandum relinquo, & in hoc tantum oratoris officium concludo. Pulchre Antonii festum celebraverimus, si vitam eius imitati fuerimus. DIXI.

Peroratio.

Excitatio ad imitationem

D. Antonii.

Causa imi-

tationis Re-

motio impe-

dimentorum

Bene Divi

festum cele-

brat, qui De-

um imita-

tur.

PETRI PANGRÆT LOVANIENSIS.

Laudatio Auri.

Quam varii hominum omnium sint sensus ac voluntates, quibus animi nunc variis hominibus oblectantur, nunc torquentur, satis hominum votum. minimum omni ætate degentium vota declarant.

Exordium ad

varios homi-

num vota.

Ca-

Augusti.

Cæsar Augustus, ille omnium Imperatorum vere
 decus, quem aliquando Roma aut non natum, aut
 non mortuum optavit, magno excelsæ mentis ar-
 dore, quo ad Augustam summi Imperatoris perfe-
 ctionem adspirabat, tria à Diis immortalibus pre-
 cari solebat, Scipionis fortitudinem, Pompeii be-
 nevolentiam, Cæsaris fortunam. Huius in impe-

Tiberii.

rio, non in gloria aut fama successor Tiberius am-
 plius aliquid fortasse voto, quàm animo comple-
 ctens, vivere tantisper optabat, dum Reipublicæ
 prodesset. Ille vero ex omnium colluvione scele-

Caligula.

rum conflatus Imperator Caligula, quoniam ho-
 minum odiis alebatur, cadaverum odore pasceba-
 tur, sola crudelitate delectabatur, incendia, stra-
 gem sanguinem effusum, & publicam semper ali-
 quam calamitatem optabat. Ita diversi hominum
 affectus diversas animos in vota compellunt. Et
 quoniam longum esset singulos evocare, in omni-

*Midam hoc
probat.*

bus etiam immorari velle dicam quod omnibus
 non alienum à vero videri potest, hominum om-
 nium vota Regem aliquando Phrygum Midam
 suo voto superasse qui cum hospitis Bacchum ex-
 cepisset, precatus est à Diis immortalibus & opta-

Ratio.

vit, ut quicquid corpore contigisset, in aurum con-
 verteretur. Nam si qui aurum possidet, possidere om-
 nia credatur, profecto iam omnia optasse videtur,
 qui nō hominis alicui⁹ vires, aut benevolentiam,
 aut fortunam non imperia, non opes ingentes, non
 admirabilem in hominum admiratione pruden-
 tiam, sed aurum tantum optavit. Ita prudentissi-
 mus & alta quadam mente præditus Rex ille, quic-
 quid homines cogitatione comminisci, voluntate
 appetere, votis optare possunt, quicquid in ops ho-
 minum vita desiderare, largiri Deus, fortuna in-
 dulgere potest, uno illo voto suo ac vix uno est cō-
 plexus. Siquidē & fateri nos necessitas nostra cogit
 & veritas proclamare, auro nihil utilius ad omnem

vitz

vitz occasionem reperiri. Quæ res quoque hodie-
na die nostrum eo affectum impellit, ut quoniam
mihi in hoc vestro concessu provinciam aliquam
oratoriam ingredi demandatum est, auri laudibus
stylum omnem & velim & debeam consecrare.
Atque utinam ea mihi felix fortuna contigisset, ut
dum auri laudes prosequor oratione, aurea qua-
dam apud vos eloquentia, aureo verborum flumi-
ne ac sententiarum uti possem! sed quoniam in
hac infantia nostra & eloquentiæ tyrocinio facilius
optare quid vis licet quam assequi, nec sperare pos-
sumus in hac imbecillitate, quod vix ulli post ex-
antlatos labores innumeros est concessum, ve-
strum erit. *Ornatissimi Domini Humanissimi Iuvenes,*
eo maiori benevolentia attentioneque mihi iam
adesse, de ea re dicenti apud vos quam vos ipsi
nunquam odisse potestis. Quid ergo, laudandum
aurum dico: quam obrem vero? quia nihil auro po-
tentius, nihil honestius, nihil utilius, nihil in omni
vita iucundius, qui respirare, vivere, ac omnino
esse sine auro non possumus. Inter res illas, qua-
rum exhorrescere vim ac potentiam homines so-
lent, arma imprimis recensemus, quorum fulgor
oculos perstringit; fulmen animos exhaurit, vis
horrenda non raro prostrat: quæ munitissimas
urbes evertunt, regna & provincias potentissimas
vastant ac depopulantur, Reges orbis & Monar-
chas concutiunt, vinciunt, premunt: Nunquid

*Aditus ad
hanc oratio-
nem.*

*Optatio &
Conciliatio
auditoria.*

*Propositio
cum parti-
tione.*

*Confirma-
tio.*

*1. Argumen-
tum à vi &
potentia au-
ri.*

*Probatnr
comparatio-
ne 1. cum*

*armis quia
vincit ar-
ma.*

*Compar.
Disiunctio.*

Subiectio.

Vicit bella.

Testimoni-

um oraculi.

*Aurum bella gerit, mucronibus imperat
aurum?*

Ingruitne tempestas horrenda belli & armatus
hostis ad pugnam, ad stragem, ad incendia, ad
mortes innumeras provocat? Audi oraculum,
Argenteis hastis configito, & omnia vinctes: ita
quondam Philippo Macedoni respondit Apollo,
cum

Vincit Vrbes
coniunxisti-
mas.

cum expugnare Græciam meditaretur. Posita fortassis arx in rupe tuas minas irridet, tuas copias illudit, imo etiam gravibus armis & velut fulmine quodam desuper intonat? Quæstus auro in arcem Asellus ascendat, & expugnabis. Ita factus est Philippus ille expugnati castra omnia posse, in qua Asellus onustus auro posset ascendere. Scilicet.

Testimoni-
um Horatii.

*Aurum per medios ire satellites,
Et perfrumpere amat saxa potentius
Ictu fulmineo.*

2. Cum Diis,
quos vicit.

Scio eam omnium ætatum religionem fuisse, ut Diis immortalibus omnipotentiam homines mortales attribuerent; quod ipsum fateri pietatis est, differt impudentiæ. Quid deinde? Nunquid

Præteritis.
Vincit homi-
num animas

*Superi flectuntur ab auro,
Gaudet & aurato Iuppiter ipsa thoro?*

Similiter
desinens.
Conclusio &
Transitio.

Quanquam nihil dixerò, non arma, non urbes, non saxa, non res alias maximas durissimasque superet aurum, at hominum animos evincit, corda subiicit, mentes frænat & regit. Ita quos expugnare ferrum non potest, aurum expugnat: qui nullo frangi cruciatu possunt, auro flectuntur quorum fides nullis armis concurritur, eorum animus auro quassatur. Iam ergo nihil est in hoc ambitu rerum omnium, quod potentia certet cum auro: quid si nihil quoque, quod cum eodem certet honestate? videre templa, considerare etiam templorum ornamenta, unde illa nisi ab auro? verissime Poeta:

1. Templa
ornantur
auro.

*Templa micant auro, radiatq; altaribus au-
rum.*

2. Capitoli-
um olim.

*Auro certa fides, perpetuumq; decus.
Auro Romæ ire dimunt Capitolia Patres,
Parent, victa auro sidera, terra, fretum.*

Et

Et obsecro quis templorum religionem ven-
 raretur, quis sanctitatem in iis profiteretur, quis
 nullo pietatis affectu excitaretur, si nullum in tem-
 plis parietes aurum ostentarent? si divorum effi-
 gies non auro vestirentur? si altaria, si sacra vasa,
 si cætera sanctissimæ religionis instrumenta non
 auro constarent? Ille, ille, radians ab auro fulgor
 divinitatem quandam indicat præsentem, & dum
 oculos illustri lumine perstringit, animos evocat,
 atque erigit in Deum. *3. Palatio.* Videte nunc palatia Re-
 gum, sceptræ, diademata, conclavia, thronum, au-
 læ, quid est hic, quod non aurum sit totum?
 Rideremus Cæsarum solia, nisi auro suo Cæsares
 suos complecterentur, vilescerent apud nos diade-
 mata, nisi auream in nos lucem ab excelsis illis
 verticibus reverberarent: omnino sceptræ non
 rimeremus, nisi illis aurum adderet auctoritatem.
 Omnia aurum illustrat, omnia aurum amare facit,
 omnia aurum serenat. Et quemadmodum cum
 suis radiis sol terram ab alto illustrat, propius ad
 nos accedens, omnia lætari & quodammodo ride-
 re videntur, virentes apparent herbæ, redolent
 amœnissimi flores, suavissimi fructus emergunt
 & ostenduntur; cum occidit vero cœlestis ille
 fulgor, aut intra nubem vultum abscondit, suis
 omnibus ornamentis spoliari terra, herbæ exa-
 rescere, omnia quodammodo statim exanimari
 videntur: ita omnino cum abest aurum, pal-
 lent omnia & vilescunt; at ubi splendor eius
 affulsit, & propius vilibus etiam rebus adhæ-
 ret, Dii boni! ut aspicientium in se oculos re-
 flectit? ut admirantium animos exhaurit? ut
 maiestatem rebus addit, & quandam conci-
 liat venerationem! Nolo cogitationibus ve-
 stris aburi, honorandi AUDITORES, sed tamen
 si mirari forte nonnunquam soletis, unde tantus
 tam variis in rebus splendor passim effulgeat,
 credite totum est ab auro. Ut sese vel in nodulo

*Repetitio.**Disiunctio**similiter de-**finiens.**3. Palatio.**Disiunctio**Compar.**Repetitio.**Illustratio**per similitu-**dinem.**Propositio.**Redditio.**Admiratio.**Similiter**desinens.*

Amplificatio ab adiunctu & enumeratione.

Repetitio,

Transitio.

3. Argumentum ab utili.

Probat per comparationem cum rebus aliis utilibus.

Aurum anima mortaliū est.

Testimonium Casarii.

Repetitio.

Conductio.

Subiectio.

Auri commodā.

Aurum dat uxorem.

tantum aureo jactitat puer; ut in sertis & redimiculis, in cingulis etiam aliquo auro vestitis exultant adulescentes; ut sibi matronæ nobiles applaudunt, cum vel monile vel auream catenam, vel annulos aureos efferre possunt in lucem! propter aurum specula petuntur: propter aurum loca publica coetusque hominum amantur: quia ab auro omnis elegantia omnis splendor, omnis apparatus. Veruntamen sit mihi jam cum iis sermo, qui cum ament quidem honestatem, amplius tamen aliquem fructum quærunt & utilitatem. Ac in primis ab illis ita quæro, quidquamne in hac omnium abundantia rerum utilius esse possit, quam vel sanguis, quo constamus & augemus; vel anima qua vigemus, sentimus, intelligimus? Timotheus pecunias atque aurum sanguinem animamque mortalibus esse dicebat, quibus qui careat, mortuus inter vivos agat. Et verè id Iulius Cæsar agnovit, qui potentiam non fundorum possessione, non amicorum copia, non iteratis Magistratibus, sed auro militibusque parari dixit. Est, est omnino vitæ nostræ sanguis aurum, est anima illa, sine qua non respiramus, est ille thesaurus ingens, quo efficere omnia, teste Tullio, valemus. Quid obsecro desiderare in primis in hac vita debemus? Credo ut amicos habeamus, quorum consuetudine nihil in vita iucundius esse potest; at si Sophoclem audiamus, conciliat hominibus amicos aurum. Desideratne uxorem aliquis nobilem, divitem, formosam? cum Euripide dicam:

*Uxorem cum dote, fidemq; & amicos,
Et genus & formam regina pecunia donat.*

Ambit aliquis honores & Magistratus? ecce
Dat honores. illi suffragabitur aurum; auro venduntur honores. Non in Reipublicæ subselliis sedent egeni,

ni, sed opulenti; non tribunalia premunt; quibus in arca nullum æs quiescit, sed quorum aurum alios deterret; non imperant aliis angustioris fortunæ homines, sed quos aurum supra ceteros attollit. Quid dicam amplius, nisi cum Euripide exclamem: O aurum quam ingens generis humani bonum es! sine te culina friget, per te vero laute epulamur, sine te sordescimus nobis, per te vero magnifice vestimur; cum te non habemus, supplices aduolumur genibus aliorum; at te cum possimus, lacrymas aliorum lædi videmus: cum oculos nostros deseruisti, deserunt nos simul amici; sed te cum recepto turgescunt, stipamur undique, & salutamur. Te persequuntur sagacinare mercatores, tibi laborant opifices, tibi famulantur serui, tibi milites arma ferunt, tibi remis ac velis maria nautæ sollicitat tibi pulpita ingenti voce allatrant Sapientes tibi custodias agunt & solliciti sunt avari, tu misericordiam ludicibus infundis tu diligentiam Advocatis & industriam acuis; tu pedibus nuntiorum alas addis. Quid omnia dico? tu omnia facis, & es omnia. Credite mihi **AVDITORES**, difficillimum est laudare quod laudari satis nunquam potest, nihil tamen videor adhuc dixisse, nisi vobis non invitis affirmem, nihil auri possessione iucundius reperiri. Non hic quicquam confingo, nec abblandior auro. Nunquid enim illa iucunditatem adferre summam & voluptatem in vita solent, quæ cum à nobis recesserunt aut perierunt, perturbamur, & ingenti luctu confundimur? nemo siccus parentum funera conspicit, qui iucunda sine iis esse vita non potest, nemo nisi plorans dimittit amicos, quia grata est nobis consuetudo amicorum. Quid si vero profusis lacrymis ingentique dolore ploratur aurum? nolite hic simulationem aliquam suspicari, namque non mentiente Poeta;

Amplificatio per contentionem.

Exclamatio

Apostrophe ad aurum

& amplificatio ab effectibus.

Traductio

Compar.

Subiectio.

Similiter

desinens.

Testimoniū. Ploratur lacrymis amissa pecunia veris.

Imo

Et maiore domus gemitu, maiore tumultu

Optatio.

Plorantur nummi, quam funera.

Hypotyposis.

*Optatio cū
dissimulati-
one.*

*Sustentatio.
Subiectio.
Repetitio.
Similiter
cadens.*

*Comparatio
repetita per
contentior ē.*

O si videre hic possetis mercatorem aliquem, cuius ex arca profunde sepulta nocturni fures surripuerunt aurum! cerneretis perennes ex oculis lacrymas abire, audiretis aliquando eiulantē ingenti voce, aliquando suspiriis vocem abrumpi: videretis tunc fiones mille pectoris, lacerationes vultus capitis concussiones: miraremini nunc ardescentem ira ac furore, nunc desperantem, pallidoque vultu in mortem concidentem. Quam obrem vero? nisi quia rem sibi uxore, liberis, vita sua iucundio rem, aurum suum amisisset: o si etiam conspiceretis, quem dicam? Midamne aliquem qui omnia suo attactu in aurum convertebat? nimia est voluptas illa. Divitemne aliquem loculis suis & cistis incubantem? sed ille lætitiā animo sinuque concludit. Caligulamne Imperatorem? utinam illum nudis pedibus supra auri acervos ambulantem cerneretis, quanta suavitas in attactu? quanta iucunditas in aspectu? non se capiebat Imperator, ac tum prius se Casarem Romanum agnoscebat, cum pedibus aurum calcaret. Illa est ab auro voluptas, quæ manum ipsam titillat, cum ostensum ab aliis aurum vel attingere tantum desideramus, quæ oculos nostros aut erigit aut flectit, ut videre cupiamus, quicquid auri tinnitum, vel auri fulgorem emittit; quæ tacitis sensibus nostris animos in amabile votum impellit, ut aurum sæpenumero possidere optemus, & eos dumtaxat felices, qui auro potiuntur, exclamemus. Sint ergo grati Parentes, gratius est aurum: sint amici iucundi, iucundius est aurum, illi ut simus & vivamus efficiunt; at ut laute & splendide vivamus efficit au-

aurum, illi in prima duntaxat ætate adsunt, at vero usque ad mortem remanet aurum. Quamquam esto, nulla vis sit auri, nulla honestas, nulla utilitas, nulla iucunditas, quid si ita necessarium est, ut sine eo non tantum non bene vivere, sed ne vivere possimus? erigite animos, & quæ dicam, altiori mente percipite. Quid est quod ingeniis alas addit? aurum opinor. Quod est præcipuum instrumentum ac materies virtutum? aurum omnes affirmant. Nemo liberalis, nemo magnificus sine auro. Et vere Poeta:

*Transitio per concessionem
5 Argumētum a necessario. Renovatio assentionis Subiectio.
Complexio.*

— omnis enim res,

Virtus, fama, decus, divina, humanaq; pulchris

*Divitiis parent, quas qui contraxerit, ille
Clarus erit, iustus, fortis, sapiens, etiam Rex,
Et quicquid volet.*

Testimoniū.

Sileant nunc, & fatui lateant in obscuritate sæculorum, qui aurum Imprudentes aliquando contempserunt. Per me licet, assiet & comedat ad forum rapas Curius ille Romanus, dum aurum suum Samnites reportant. Remittat sua talenta Polykratæ Samio Anatreon, abiciat suum aurum in mare Democritus. Rideant divitias omnes atque aurum torum illius antiquitatis Philosophi: melius hodie sapientes nostri sapiunt, illi ejectum aurum excipiunt, apud illos habitat secure, per illud ipsi volitant pōposi, in eo supercilia ponunt, & ne nugas agere ac voluere videantur, Sapientiam auro vendunt. Et cur non obsecro cum nihil sit quod auro non vendatur? *Auro venalia auri ad omnia: aurum lux sequitur.* Si respices æger lenia Ampli-
etumque premas, voca medicum, auro sanaberis; *ficatio per enumerationem.*
si litiges, inunge manus auro Advocatis, litem vin-
ces; si lauream ambas Doctorem, aurum ostend-
de, alibi Doctor eris. Vis vinum præstantissimum,

Permissio cū quadam resectione.

Transductio.

Necessitas

Amplificatio

Enumeratio

nem.

*Transitio.**Peroratio.**Repetitio**Confirmatio-
nis figurata
per Apostro-
phen.**Reditus ad**Auditeres**quibus aurum
precatum.*

vis Indica aromata, vis gemmas, vis delicias omnes; cellas & officinas aperit aurum. Quanquam exhaurire conor Oceanum, dum singulas auri laudes referre contendo, & quis Oceanum exhaurire, quis eius arenas numerare se posse confidat? impare est. AUDITORES ornatissimi, tantis laudibus oratio nostra, & iam me pudet atq; indignor, quod non humana tantum, sed imbecilli fractaque voce rem illam tam præstantem, tam divinam, unicum mundi decus coner exornare. Tu enim es aurum, quod omnia vincis & exsuperas; tu rebus omnibus honestatem addis & splendorem; per te fruimur voluptatibus, & sine te nulla omnino est vita nostra. Tu inhabitas cælos, & aurea facis diuorum palatia. Tu Iouis solium ac sceptrum. Solis currum ac radios Iunonis coronam, Cupidinis sagittas, Apollinis arcum exornas. Tu in te Sanctissimum Christi Corpus concludis, Diuorum reliquias asservas; pretiosa quæque complecteris. Tu solum es in votis hominum, & qui te tolleretur è mundo, sustulisse solem è cælo videretur. Sed ad vos redeo AUDITORES honorandi, & quoniam gratior est auri possessio quam laudatio, nec ista vestra vota possum ignorare, quod aurum vobis audientibus & fauentibus laudavi, illud vobis omnibus ex animo precor & exopto. DIXI.

GVILIELMI VAN HÆCHT LOVANIENSIS.

Vituperatio auri seu pecunie.

*Exordium à
depravato
quorundam
iudicio.*

Purimis in rebus depravatum quorundam hominum iudicium ac mentis excitatem licet intueri, Ornatissimi & humanissimi AUDITORES, qui tam temere & præcipiti quodam

scie

sensu de rebus fere omnibus judicare solent, ut quas maxime vituperare deberent, eas nunquam satis laudare possint. Ita quæ iucunditate quadam voluptatem apportant, aut magnificentiam splendoremq; aurata fronte jactitant & ostentant, laudantur ab iis potius, quam ipsi discernant an sint mala perniciosaque. Satis est iucundum aliquid esse ut illud ipsi extollunt: satis est oculis iniicere splendorem auri, ut rem ipsi dignissimam appellent. Atque cum ita homines illi cogitationibus suis permoveantur, ac trahantur, ut iudicio sæpe nullo utantur, mirum est nequaquam, si quandoque reiiciantur & explodantur orationes illæ, quæ *Aditus ad præsentem orationem.* contra multitudinis imperitæ sunt opinionem. Nunc vero quoniam tales vos esse non ignoto, qui vulgi iudicium inconstantis temerariique non miremini, nequaquam etiam apud vos hodie caminare dictionis huius rationem reformidabo, ut declarem nihil auro turpius, aut perniciosius reperi, cuius nuper phalerata magis quam vera oratione laudes audivistis: & quod apud illos vulgares & plebeios tantam habere videtur & honestatem & utilitatem, ut satis non sit rem maximam & præstantissimam credere, numen esse propemodum arbitrentur. Et si mihi illud de vestro isto favore ac benevolentia polliceri possum, ut attentis erectisque animis tota mihi oratione adesse velitis conabor efficere, ut omnino statuatis, omnem illum splendorem auri quandam esse ad perniciem invitationem. Quamquam de vestris animis nunquam diffidam, quorum oculos non sine favore magno video in me esse conversos; & *Confirmatio.* ecce continere me hoc in limine orationis non possum, quin cum Principe Poetarum exclamem:

— quid non mortalia pectora cogi
Auri sacra fames?

Exclamatio.

*1. Argumen-
tum.*

*Quod omni-
um scelerum
causa sit au-
rum.*

*Amplifica-
tio per Indu-
ctionem.*

*Est causa
iniustitia.*

Repetitio.

Distributio.

Quid inquam non cogis? nullum est, libere di-
cā in & vere, nullum est omnino scelus aut flagitiū
quod aurum non inveniat ac producat. Cogitate
nefandissima quæq; scelera, & iniustitiam in pri-
mis: Quid nunquid aurum fas omne abrumpit?

Aura pulsa fides; auro venalia iura,

Aurum lex sequitur, innox sive lege pudor.

Et obsecro, quid futurum tandem erit, si sepul-
ta iustitia iudex aurum sequatur, nulla sit æquitas
in tribunalibus, nulla severitas in poenis, nulla
fides in testibus, nulla ratio in judiciis, nulla gra-
vitas in confessibus? concipite duella, tumultus,
bella, & auro simul acclamabitis!

Compar.

*Est causa
bellorum.*

Repetitio.

*Amplifica-
tio ab effe-
ctibus.*

Disiunctio.

Te propter pugna fiunt & bella moventur,

Ad prædā & cades corpora nostra trahis.

Vere enim aurum est, quod miserorum hominum
sanguine gladios & arma cætera cruentat, aurum
est quod agros depopulatur & vastat, aurum est
quod civium ædibus, templis deorum, oppidis
& civitatibus flammæ subicit & evertit; aurum
est quod copulæres exacta ætate senes trahit in fer-
vitutem, matronas & virgines libidini parere co-
git, infantes & pueros ab amplexu matrum abdu-
cit. Fingite vobis cogitationem discordiarum om-
nium & odiorum inter parentes & liberos, inter
fratres, inter agnatos & affines, rursus exclama-
bitis:

Tu facis ingratus quod Filius odit,

Inter & agnatos iurgia sæpe moventes.

Alii effectus

Repetitio.

Compar.

Igitur aurum actissimum illud naturæ vinculum
dissolvit: alienat à patre filium; à filio patrem;
in visceribus & animis fratrum fraternum amo-
rem exstinguit; consanguinitatem eripit & in
se ipsos armat propinquos. Quod esse majus sce-
lus, quæ pestis detestabilior, quæ labe contagio-
ne perniciosior esse potest? Illud est quod falsos
inter

inter se amicos coniungit & ad flagitia nefandissi- *Similiter*
 ma coire multos facit: illud est quod in pudendam *desinens.*
 castitatis suæ prostitutionem virgines adducit, &
 viris viam aperit ad libidinem; propter ipsum ne-
 mora & silvas fures infestant, & omnium vitæ in-
 fidiantur, propter ipsum tot homicidia in silvis, in
 agris, in domibus, in urbibus committuntur, *Præteritis*
 propter ipsum fides violatur, religio mutatur, sa- *per similitu-*
 lus venditur. Quamquam quid innumera conse- *dinem.*
 ctor, ubi omnia dicere non possum: tamen si nihil
 aliud, hoc saltem cum Poeta dicamus?

Prosternis gentes & totum destruis orbem.

Nulla fides hominis te duce stare potest.

Fœdera tu Regum, tu falsos iungis amicos,

Imperio servit & genus omne tuo.

Quid amplius?

Tolle aurum, nulla viriuntur in orbe puella.

Tolle aurum, nullus peccat in orbe puer.

Verum tamen insusurrant aliqui mihi, Et ho- *Obiectio præ-*
 mores, inquit, nunquid auro parantur? venio *occupata.*
 quo me vocant: Profecto male res se tunc habet. *Responsio.*
 cum quod effici virtute deberet, id auro tenta-
 tur: nec immerito doctissimus Valerius Maxi-
 mus existimavit, nihil eorum, quæ virtuti debent
 remere pecunia licere. Agite enim si nullis *Interrogatio.*
 nisi aurum possidentibus concedendus est honor,
 quis non potius negotiator aliquis, quam exerci-
 tus Imperator fiet? si decernenda est omnis auro
 gloria, quis amplius laborare pro Republica,
 quis pro patria perditorum odia civium appete-
 re, caput, fortunas, vitam pro eadem in discrimen *Disiunctio.*
 offerre volet? iacebit industria, languebit patriæ *Compar.*
 amor, exulabit alacritas, sepelietur virtus, nulla *Similiter*
 erit aut facata tantum gloria. Neque enim nisi *desinens.*
 gloriæ stimulus excitat ad præclara, & qui glo- *Sententia.*
 riam sunt adepri, fortes & illustres viri gloria sua

Transitio.

*2. Argumē-
tum à turpi-
tudine. Quid sit au-
rum.*

*Investitiua
per amplifi-
cationem ab
indigno.
Repetitio.
Licentia.*

*Simulatio.
Renovatio.
attentionis.*

*Amplifica-
tio per com-
parationem
cum veneno.*

contenti conquiescunt. Quanquam dum vos in-
tueor AUDITORES optimi, scientiarum oblivī-
sci non possum; & quis tamen eas sequi desidera-
bit? quis se Musis consecrare volet? quis op-
timis & honestissimis artibus mentem illustra-
re, animum ornare, seipsum perficere: per eas
vero patriæ succurrere & æternam posteritatis am-
bire famam optabit, si tantummodo laudetur au-
rum? si non amplius hedetæ doctarum frontium
sint præmia, nec Apollinem suum laurus, sed
Cræsum aliquem coronet? Et quoniam hæc tur-
pissima esse iudicatis, videor eo delapsus, ut nihil
auro turpius esse demonstrarem. Quid est igitur
aurum obsecro? terra scilicet in ruborem calore
solis concocta. Ergone virtutem terra illa supe-
rabit, & hoc homines iudicabunt? Ergone terra
illa honores ementur, & ab hominibus? ergone
terram illam homo, quis homo? mundi Rector,
alter in terris quasi Deus; quis homo? non im-
peru, non necessitate, sed consilio rationis agens,
terram, inquam, illam homo colet & propemo-
dum adorabit? Quid? lutum illud adorabit,
quod attingere reformidat, quod calcare sæpenu-
mero pudet? Date veniam, ut dum veritatem
profiteor apud vos, dicam audacter. Circumspici-
te, quicquid est cæli ambitu conclusum, terras,
maria, omnia tandem uno cogitationis unius in-
ritu perlustrare, nihil est omnino, quod sua tur-
pitudine non aurum evincat. Video commotos
esse nonnullos, & hanc nostram oculis ac vultu
audaciam notari. Quid est? nondum ergo assen-
sum, nondum animos datis? erigite tamen il-
los, & parumper vestras mihi ac meæ orationi
cogitationes accommodare, veritatem ipsam fa-
tebimini mecum esse, quod tam procul à veritate
remotum existimatis. Obsecro turpiusne quic-
quam esse veneno potest? omnino nihil, cum ea
sit viscius, tam pestilenta tam exitiabilis, tam
abo-

abominanda, ut quicquid infecerit & occupaverit, prosterнат & evertat, animam nostram expellat, corpus tabidum efficiat, vitam omnem abripiat. Sit ita, adhuc omni veneno nocentius est aurum, cuius fulgor cum placet oculis, pestifer est animo. Quemadmodum enim serpens dum squamas radiantes ac lucidas ostentat, placet non parum & oblectat, interim mulcendo oculos animū veneno ferit: ita prorsus aurum suo illo fulgore flectit oculos, ac munus sollicitat, deinde vero occupatis quasi muris trahit animum, sui amore languere facit, eneruat atque enecat. Rursum obsecro, quid turpius eo esse potest, quod assequi sine flagitio nemo, aut certe vix ullus potest? Audite Sapientem, & tale aurum esse dicetis: *Qui festinat, inquit, auro ditari, non erit innocens.* Audite Satyricum:

Qui metus aut pudor est, unquam properantis avari?

Ita qui ad aurum anhelat, valedicere pudori, iustitiae oblivisci, timorem omnem calcare, relinquere amicitiam, non agnoscere consanguineos, conscientiam aut nullam habere, aut non audire, de Deo ac salute parum omnino cogitare debet: Ita cum Poeta dicendum est omnino:

*Detestabilius nil terra creavit avaro,
Et nimio lucri peius amore nihil.*

Scio vos omni mente atque animo spurcæ libidinis sordiditatem averfari, qua homines non aliter quam infami luto contaminantur; detestari etiam insatiabilem opum aviditatem, qua misere hominum animi distorquentur; nolle prorsus audire tabidam homicidiarum insolentiam, qua mentes efferatæ ad humanum cruorem

5. Cum su-
perbia.

6. Cum qui-
buscunque
vitiis.

Omnia tur-
pitudinis
causa au-
rum.
Testimoni-
um.

Præteritio-
nis diffi-
cultatione.

Testimonium
Diog.

Exclamatio.

Præteritio.

hautiendum exercebantur & concitantur: re-
gere fastum insolentem superbiorum, quo illi o-
mnia despiciunt & aspernantur. Quid dicam am-
plius? abhorrere turpitudine foedissima lupana-
rium, ab obscœnitate adulteriorum, ab insania si-
cariorum, à perfidia testamentariorum, ab obse-
quio lenonum, ab omni denique scelerum omnium
turpitudine: Et quæ illa vero tandem si non auri
turpitudine est? Nunquid sine auro nullum est sce-
lus?

Aurum destructor vite, Princepsq; malorum

O quam difficiles neclis ubique dolos!

O utinam natum nunquam mortalibus esses,

Dulcia suppeditas quot nocumenta viris.

Quid illa minora reperam, homines turpes &
infames auro reddi; curis per auro & anxietati-
bus repleti, tristes ab auro & pallidos existere;
sui propter auro ac Dei non recordari? nimis ista
sunt nota, & fortassis dum ad id illa pericula, quæ
mortalibus inferre solet auro descendo satis ex
his illa quoque intelligetis, quæ quia sunt minora
remorari, non debent orationem. Interrogatus
aliquando Diogenes, ille discipulus & æmulus
naturæ, cur auro palleret? quoniam, in-
quit, multi auro insidias struunt: sed ego si qui-
spiam illud à me quæreret, cur divites ac potissi-
mum expallēscant avari, non ad auro, sed ad
ipsos me convertendo, quoniam ipsis, responde-
rem, multi insidias moliantur. Et quæ harum,
nisi auro, insidiarum omnium est causa? O qu-
melius cantat vacuus coram latrone viator! Ni-
hil hic de furibus loquor, quos in suis latenter
disponit auro, & à quibus omni ætate propter
auro misere sunt contruciati. Non recorda-
bor hic insanæ illius, in quam emota mente
propter auro non pauci præcipitantur, dum cir-

cumb.

cumspicere semper, nunquam non timere, undi-
 que angī solent ac perturbari. Quantum est illud
 vero, quod propter aurum casu fortassis nonnun-
 quam amissum multi violentas in se manus ex-
 serant, suo se cruore conspergant, perditī ac de-
 speratī moriantur? nimium est, & nondum est
 satis. Quantum est ergo rursus eo dementiæ ve-
 saniaque homines prolabi, ut extincta rationis
 omnis luce, iudicio atque consilio reiecto, tan-
 quam Deum & numen maximum aurum ado-
 rent? Sunt, sunt, (credite AUDITORES; neque
 enim audacia feror orationis) sunt qui furis istis
 vexentur, ut non aliud quam aurum suum nu-
 men agnoscant, illi suos consecrent labores; suos
 dedicerint cogitationes, suos offerant amplexus;
 illi dies & noctes insomnes ducant; pro illo vivere
 tantum exoptent; ab illo petere salutem om-
 nem anhelent. O miseri mortales; o detestan-
 dum vitæ malum! excæcat aurum homines,
 spoliatur ratione ac iudicio, privat anima utraque.
 Exstinguit aurum religionem, cœli oblivionem
 inducit. Deum esse negat ut sit Deus. Quan-
 quam non hæc ira disputantur à nobis, ut nul-
 lum auri fructum esse velimus, cuius in tam
 varia humanæ vitæ necessitate usum ingentem es-
 se videmus. Non illam adhuc censoriam fron-
 tem indui, ut aurum omne repellam; illud ta-
 men in hoc vestro confesso, honorandi A V D I-
 T O R E S, sustineo, nimium illud auri studium
 utilitate sua fructuque carere. Dicant enim &
 loquantur hic si possint avari, quid est quod ab
 auro suo, cum loculis stertentes incubuerunt, re-
 portant? Credo palliorem in vultu, curas in ani-
 mo, vigilias in oculis, timorem in membris om-
 nibus, sitim ardentiozem in voluntate, parsimo-
 niam in manibus. Quid dico parsimoniam?
 defraudationem genii sui, turpem vitæ rationem,
 omnem omnino miseriam. Ea enim est homi-
 num

Repetitio.

Disiunctio.

Similiter

desinens.)

Conductio.

Disiunctio.

Transductio.

Amplifica-

tio ab asse-

ribus

Transitio.

Tertium ar-

gumentum

ab inutili.

Interrogatio.

Fructus au-

ri.

Amplifica-

tio per enu-

merationem.

Correctio.

num istorum insipientia (melius insaniam dicerem) ut turpiter vivere malint, quam minus Irabere, cum tamen ita aurum ad nullum usum possidere, quid est aliud, quam omnino nihil habere? Audite non minus lepidum, quam miserum infelicis avari exemplum; jam novam, non antequam produco.

*Exemplum lepidum & novum.**Repetitio.**Amplificatio ab adiunctis & circumstantiis.**Cura avari varia.*

Erat apud Italos vir nobilis & egregius nuper, possessionum antiquarum dives satis; sed ditior virtutum. Huius filius natu maximus cum plurimis in foro laboribus, vigili cura, & parsimonia multum auri comparavisset, senilem in illa aetate juvenili tenacitatem induens, hoc tantum agebat, ut pietatis oblivisceretur, famam negligeret, genium suum defraudaret; nihil patri decrepito, nihil matri annosæ, nihil fratribus aut consanguineis, nihil egenis largiretur. Si admonere quandoque pater filium velle, surdo canebat. Contigit ut pro Reipublica Pontificem Legatus adiret: quid deinde? quid Pater? novis arculæ clavibus thesaurum ingressus, aurum eruit, familiam induit, suppellectilem pretiosam emit, domum auget & adornat, miseris atque egenis multa distribuit; loculos interea flumineis plenos lapillis, omnia obstruata atque obserata, ut erant antea, reliquit. Aderat ab urbe filius, hæret intuitus fratres elegantes & splendidos in occurso, miratur in limine & vix agnoscit, Parentes non capit instauratæ domus magnificentiam: raptim ad arculam festinat, loculos solito more turgentibus salutat, mox in thalamo se concludens sacculis apertis in arenam versum aurum animadvertit, ô

Quæ tunc lacryma, quæ tunc suspiria?

Personabant gemitu parietes, implebatur ululatu domus, omnia tumultu permiscebantur, donec advolans Pater de gemitu ac dolore perquirat; sed ille faucium & exulceratum animum depro-

depromens, Tuis, inquit, in ædibus o pater, tot laboribus ac vigiliis quaesitum aurum amisi: vi-
des loculos equidem turgentes, at non aurum est sed arena. Audite prudentissimum hic parentem. Nihil fronte commota senex. Quid hoc refert o fili, arena apud te loculi, an pecunia sint pleni? otiosa pecunia tibi instar erit arena. Prudenter profecto, nam insanum est prorsus id tot curis ac vigiliis seipere, unde nulla sit utilitas & fructus, Sed

Prosopopæia

Nimirum ingenti congesta pecunia cura

Testimoniū.

Est deus, humanas nunc regit ipsa vires.

Dicam cum Menandro:

Felix qui simul opes ac mentem habet,

His enim opibus ubi convenit recte utitur.

Verum quorū quisque est qui non infanīat cum auro? qui cum aurum habet, iudiciū non amittit? qui cum aurum novit, seipsum non ignoret? Retexerem sermonem hunc totum, & iam apud vos alia vterer oratione, si vel minimam auri necessitatem in hominum vita viderem. Olim cum adhuc esset Aurum irreperitum, & sic melius situm, aurea ætas erat, quæ ut loquitur Poeta:

Aurum adimit hominē

iudiciū.

Transitio.

4. Argumē-

tum à neces-

sario.

— vindice nullo,

Sponte sua sine lege fidem rectumq; docebat.

Nunc cum imus in viscera terræ, & in sede Martium opes quaerimus, cum inquam, (verbis utar Ovidii:)

Testimoniū.

Effodiuntur opes irritamenta malorum,

Iamque nocens ferrum, ferroq; nocentius aurum,

Prodierat, prodit bellum, quod pugnat utroque.

Sanguineaq; manu crepantia concutit arma.

Vini-

*Vivitur ex rapto, non hospes ab hospite tutus,
Non socer à genero, fratrum quoque gratia
rara est.*

Non pollit Verbo dicam & absoltam, ferrea sunt sæcula, nec
morbo aurū unquam vitiorum feraciora, quam cum aurum
protulerunt. Vbi nunc sunt illi, qui cum morbo
conflictantur, non nisi ab auro sanitatem sperant,
& quærent ?

—— non aris acervus & auri.

Ægroto domini deducit corpore febres

Non animo curas

Vbi sunt qui sine auro mori suaviter non possunt ?
Credunt ipsi.

Interrogatio *Felix ille tamen medico qui vivit in agro,
Vincula nam mortis hunc leviora manēt
Et linquit post se nullas in funere lites.*

Dat mentem superis, ossaq; condit humo.

Exclamatio. Vbi rursus sunt illi, qui sine auro vitam, ut aiunt,

Repetitio. non habent ? O si ad naturam attenderent ! non

Disiunctio. illa in cibum aurum requirit, non illa sitim auro

Subiectio. depellit, & melius lana vestimur, quam auro ubi

Exclamatio. denique sunt illi, qui dum incubant auro, vel

aurum intuentur, suavissima voluptate replen-

tur ? O si se homines cogitarent, si in se oculos

ira reflecterent, ut suam animam, illam divinæ

particulam auræ, face rationis illustratam divinæ

maiestatis effigie signatam agnoscerent, non ab

auro, non ab illa vili terra voluptatem aliquam

optarent; crederent vero inde petendam mentis

esse oblectationem, è cælo inquā, unde ipsa mens

Transitio. esse hausta. Sed frustra fortassis immoror hæc apud

vos exaggerando, quæ iam estis cogitationibus

præteructi. Assequar vos AUDITORES, & ut

Peroratio. assequar facilius, relinquam ea quæ per vos ipsi

cogitabitis, omnemque huius rei sermonem ab-

sumpendo non ista me Rhetorum illustrium

con-

consuetudine remorabor, quam cum orationem longam in auditorum silentio deduxerunt, nova rursus oratione seu repetitione audientium favorem sustinent, ac attentionem defatigant. Quid enim hic repetere vellem? nihil esse hoc in orbem perniciosius auro? quid eius turpitudinem rursus oculis vestris offerrem, quam animis pati amplius non potestis? Quid optare amplius aut conarer persuadere vobis, nullum ab auro fructum esse, nullam oblationem adesse, imo ipsum huiusce vitæ nostræ usibus necessarium omnino non esse? Dubitare viderer de vestra prudentiâ, tacitoque consensu, quem oratione totâ rationibus meis attulistis. Utinam vero vestra pace ac venia, Ornamentissimi Auditores, facere mihi hic liceret, quod vel longa navigatione defuncti nautæ, vel victoriæ potiti milites consueverunt, quia vota confugiunt, sed annuitis. Utinam ergo nostræ ætatis homines & quicumque nostrum hoc ævum Postea sequentur, Curiis, Fabriciis, Democratis, Anacreontibus, sexcentis aliis venerandæ illius antiquitatis præclarissimis heroibus similes exstarent! quam innocens, quam beata, imo vero quam delicata esset vita; si nullum cum iis aurum concupiscerent mortales; si non amplius vox illa detestabilis audiretur:

*Repetitio
confirmatio-
nis figurata
per prateri-
tionem.*

*Optatio.
Similitudo.*

*O cives, cives, querenda pecunia primum, Correctio
Virtus post nummos.*

Quamquam quid Ethnicis Christi nos homines similes exopto? Utinam (hoc tantum dicam) utinam & virtutem homines amarent, & suam agnoscerent dignitatem! Est, est virtus verissimum animi nostræ vitæ totius aurum; illud inquam aurum, quo augeri dignitas homines exornarique tantum potest. Quod cum ipsi ignorare non possitis, orationem omnem hoc in voto concludo:

*Conduplica-
tio.*

JODOCI BACHELER
TORNACENSIS
ORATIO,

*In sponsalia Augustissimorum Regum,
& Principum;*

LUDOVICI XIII. Franciæ Regis,
cum Serenissima Hispaniarum
Infante.

ET

PRINCIPIS Hispaniarum PHIL-
LIPPI III. Filii; cum Sere-
niss. LUDOVICI XIII.
Sorore.

*Exordium à
gaudio ex
sponsalibus
parto per
comparatio-
nem cum
gaudio ex
iniuriis orto.*

*Magnitu-
do gaudii.*

Quiescentis fortuna Belgii, & partarum
nuper induciarum vix ab illo sperata
conditio, quanto gaudio singulorum a-
mos recrearit, magis est omnium mani-
festare, quam unius communem patriæ sensum
aperire: dicere tamen illud ausim, tantam ad
hoc gaudium novæ lætitiæ factum esse accessio-
nem, dum hoc sacro regalis connubii foedere
nobilissima Franciæ Hispaniæque Regna junxere
manus, ut impares omnino sensus gaudii magni-
tudine corruant & opprimantur. Etenim si tot
annorum decursu gravissimis bellorum motibus
agitata Patria, ita pacis suavitate recreata fuit,
cum

eum illam pacis Auroram Induciarum promulga- *Comparatio*
tionem audis simul & attentis auribus hausit, *utrumque*
ut à morte redire videretur in vitam; quo *gaudium.*
modo nunc recentem illam & inopinatam, sed
obortam tamen Regum affinitatem, & coniu-
ctionem, à qua diffunditur in orbem universum
lætitia, & quæ bellorum est omnium æterna
quædam extinctio futura, animo moderato perci-
peret? Nam si oborto manè sole recreari pas- *Illustratio à*
sim homines videmus; si vero coniiciant in il- *simili.*
lum oculos, & obtutu velut immoto radios in-
tueri, patì aspectum non posse; satendum est il-
lud quoque, per inducias recreari patriam po-
tuisse non hanc vero posse Regum percipere con-
iunctionem, à qua diffusi gaudii magnitudine in- *Causa gau-*
solentiaque opprimeretur. Quantum est illud *dii maxima.*
obsecro, Franciam, Hispaniamque coluisse? Quan-
tum est affinitatis fœdera Reges illos percussis-
se, qui cum sint totius Europæ nostræ potentis-
simi, eorum amicitia totius est felicitas & tran-
quillitas Europæ? Tantum est profecto, ut qui
audit, vix intelligat, qui intelligit, nequeat sa-
tis admirari, qui admiratur hæreat potius desi- *Gradatio.*
xus, quam assequatur, Tantum est inquam, ut *Repetitio.*
cum videas, sentias, intelligas, vix adhuc tamen
credas, cum affluentem undique lætitiâ vix ad-
mittas, evenisse fateri debeas, quod sperari vix
potuisset. Quanquam vero ea sit huius gaudii
magnitudo, quæ obmutescere potius faciat *Accedit ad*
quam dictionis copiam suggerat oratori, vinca- *propositum.*
mustamen exultationem illam, aut certe po-
rius illam, qua possumus voce declarem. Et
Ecce in hoc vestro favore, Ornatissimi Huma-
nissimique AUDITORES; non quod debeo, *Propositio.*
sed quod possum ordior, & tanquam publicæ
gratulationis Orator in lætitiâ communem ir-
rumpo, pietatis affectu potentior, quam oratio- *Conciliatio.*
nis effectû, Dare animos vestros, & erecta mecum *Auditorum.*
men.

*Quadam
qua instar
transitionis
est.*

*A magnitu-
dine & pra-
stantia rei.*

*Declaratur
magnitudo
coniugii.*

*Nihil fuisse
optabilius
iste coniugio.*

*Similiter
desinens.
Subiectio.*

Interrogatio.

mente Augustissimorum Regum ac Principum Sponsalia celebrate. Atque ut hinc nondum tanta lætitiæ penetralia peruadam, nondum festiuus illas acclamationes nimio affectu interturbem. HYMEN ò HYMENE, subsisto adhuc in media luce, & ut animum testor, patriæq; gestientis affectum; illud libere ac libenter proclamo, nihil præstantius, nihil orbi universo optabilius, nihil diuinius quam hoc matrimonium accidere unquam potuisse. Ille invictus & Cristianissimus Regis titulo Monarchia superbus, Catholici Monarchæ Hispaniarum Regis & Indiarum filiam, Hispaniarum Infantem accipit in uxorem. Et præstantiorem ullam coniunctionem videre posset Orbis? sed astringunt amplius sese Principes, & nodo fortiori, sese ligant, quorum amor modum evicit. Serenissimus Hispaniarum Princeps, tot & tam ingentium regnorum, nostri huius pene totius, & noui hæres Orbis, Cristianissimus Regis Sorori, coniunx coniugi copulatur. Et optare posset amplius Mundus, aut amplius largiri Mundo Deus? Cessant hic animi vota, & dum evenit quod spem omnem superabat, superest tantum admirari, nisi tamen insolentis huius gaudii magnitudo deterreret admirationem. Optare poteramus, ut quæ nobilissimæ sunt in orbe toto familiæ, coniungerentur aliquando? optata tenemus. Sperare poteramus, iuncturos aliquando dexteræ reges illos, quorum in tutela ac protectione respirat Ecclesia? sperata videmus. Quid enim rebus humanis contingere potuit nobilitas ad gloriam, quam ut Austriaca Bourbonicaq; domus coalescerent? Quid certius ad salutem, quam ut duo potentissimi Cristianissimique Reges summorum nominum ætissima coniunctione manus & animos coniungerent? Dixerunt multa plurimi, & multi plurima dicent, audientibus posteris maximarum virtutum merita, quibus

bus hæ nobilissimæ totius orbis familiz non in admirationem tantum rapuerunt gentes omnes, sed Mundum sibi devinxerunt, mihi tamen certissimum est hanc præcipuam esse familiarum harum laudem, quod tantarum & vere cœlestium *Gloriatur,* nuptiarum fœdus festumque celebrarint. Et ne *Orator quod* scio an non mei quoque sit aliqua gloria sermō- *de hoc con-* nis, quod hac nostra potissimum ætate illud di- *ingio discere* cere & oratione prosequi possim, unde cuncto- *possit.* rum studia nunc toto orbe gaudiis florescunt, & quacunque volucres mutuata fortuna discursus nunciavit, nationum omnium festa dies gratulationibus consecratur. Eat, eat in sæcula, & ven- *Conduplica-* turi credant posterī, Austriacos Bourboniosque *tio.* affines esse celebrent æterna memoria, quod acclamationibus extollimus. Christianissimum Catholicumque Regem arctissima affinitate iu- *Repetitio.* ratam amicitiam confirmasse. Hoc est, quod cum satis nequeamus admirari, gaudiis nihilominus *Laus sponsi* retentis ad posteros transmittimus admirationem *& sponsa.* Hoc est quod cum satis non percipiat ætas nostra, omnes invitat ad venerationem ætates. Dicant illæ, extitisse aliquando PHILIPPVM tertium Hispaniarum Monarcham, cuius cum Augustissima filii adolescentiam nondum esset ingresa, fama & forma iam flexerat crescentem adhuc LVDOVICVM decimum tertium Franciæ Monarcham, Dicant, Hispaniarum Principem citius meruisse alteram Franciæ gemmam, quam se pene cognovisse. Sed est, est illa tua virtus ingens, PHILIPPE Monarcha, quæ cum omnis dignitatis fastigium occupavit, nobilissimi illius rami nisi in altero mundi culmine conquiescere non potuerunt. Est, est illa tua feliciter fortuna crescens, LVDOVICE REX invicte, quæ cum attingere nisi summa non possit, eo primum penetravit, unde altius ascendere non posset. Credo equidem, nam est aliquis post mortem sensus,

sus, sentiunt immortales malorum vestrorum
 cineres, quoad lætitiā nimium pene persenti-
 mus: gaudent etiā gloriōsæ illæ & omni æ-
 uo dignissimæ animæ, quod à sua stirpe vincan-
 tur: imo vero, si in hac tanta exultatione non
 est nefas secreta fatorum aperire, congratulantur
 sibi in nepotibus suis, & in eorum sponsalibus
 sese amplexantur post mortem affines. Sed ta-
 men si adesse possent è Mausoleis illis suis, &
 hanc lucem intueri, quam armorum fulmine
 terruerunt; si illos inter homines versari, quos
 virtutis admiratione stupefactos reddiderunt;
 quis illis sensus esset, cum hos suos nepotes, Re-
 ges & Principes augustissimos, non dexteras tan-
 tum, sed omnes etiā sensus ac mentes suas ita
 vinxisse, ut si fieri posset, transire invicem in
 pectora sua desiderarent, contemplerentur? Quid
 cogitarent, cum hinc inde suauissimum coniun-
 gis nomen audirent? Quid dicerent cum Hispa-
 niæ Franciæque vires suas aliquando & nonnun-
 quam iniquo nimium fato inimicas, coniunctas
 intelligerent: Gauderent in ea se familia stir-
 pem aliquam potuisse, unde tam nobiles, tam
 coniuncti rami pullulassent. Nec opinor pani-
 ter eos adversus aliquando armis concurrisse,
 ut hodie esset coniunctio tam fidelis armorum
 & animorum. Gaudete ergo venerandi manes,
 & tu imprimis invictissime Monarcha PHI-
 LIPPE II. tui nepotes nova gloria tuam
 stirpem auxerunt. Gaude HENRICE IV. in
 filio obtinuisse quod optare potuisti. Sentimus,
 quid mens rite, quid indoles, nutrita faustis sub
 penetralibus possit. Sentimus novam in orbe
 lucem exortam, cum ille Franciæ Sol Hispania-
 rum se Lunæ coniunxit: cum ille rursus Sol
 Hispaniæ, Franciæ Lunam illustravit. Fabulen-
 tur ingentiosi Poetæ, & in Deorum Dearumque
 nuptiis vocali cythara fluvios & terras impel-
 lant,

*Obliqua
 prosopopœia.*

Repetitio

*Apostropha
 ad Reges de-
 functos.*

Repetitio.

lant, quis non applaudat errori, ubi jucundum *Transitio ab*
 est errare ? Sed nos tamen non fabulemur, & *latitiam de-*
 cum palam in luce veritatis exultationem, im- *clarandam.*
 pari sensu metiamur, Regum Sponsalia, Regum
 fœdera cantemus & celebremus. Atque ut lœti- *Expositio*
 tia copiosior consurgat, præteritas animorum *præterita ca-*
 angustias discutiamus. Ignorare Europa non po- *lamitatis.*
 test, quos & quantas discordias gravissima suspi-
 cione nobilissima ac potentissima duo regna con-
 citarint, easdem vero postmodum infestissimis *Traductio.*
 armis ita agitarint, ut sua mole regiones non pau- *Compar.*
 cas attraherent, suo motu universum pene mun- *Disiunctio.*
 dum concuterent : sed obsecro quis tum erat uni-
 versi sensus orbis ? quæ trepidantium ubique ho-
 minum vota ? quod Ecclesiæ plurimis in locis
 vacillantis desiderium ? una omnium vota, *Disiunctio.*
 Hispanos affinitate Francis conjungi, unum o- *Dissolutio.*
 mnium desiderium, sub illa tandem affinitate
 respirare. Sed habet sensus quod aucupabatur,
 tenent vota, quod gerebant ; assequutum est
 desiderium, quod optabat dum nimirum jam
 unus est summorum Regum ac Principum sen- *Coniugium.*
 sus, & quæ pectora coaluerunt, diversa in vota *Hoc utile.*
 abire non possunt. Attulerunt Mundo hæc
 Sponsalia, quod Mundus cum tenet, exulat tri-
 stitia, fides animatur, Ecclesia respirat. Non
 jam mediis in fluctibus ac procellis naufragi-
 um ? Fides reformidabit, sed vento secundissi- *Allegoria.*
 mo, velis plenissimis Oceanum nauigabit. Non
 jam crudelis animorum terror fugientium ani- *Repetitio.*
 mos hominum sauciabit, sed ad pacem omnes
 amplectendam accurrent. Pacem ab Hispania,
 pacem à Francia nuncii clamabunt ; & cum
 idem nunciare cogentur, unicum Regem duo-
 bus in Regnis ac duobus in corporibus vivere
 regnareque testabuntur. Sed cohibere neces-
 sum est rursus affectum, ut quæ admirari hoc
 in fœdere jam subit, non oblivisca-
 mur,

*Elaudatur
consilium
initorum
sponsalium
in prima
etate.*

*Ne regnum
in aliam fa-
miliam tran-
seat.*

*Ut in matri-
monio conti-
nentiam ser-
uet nondum
alium de
corrupti.*

*Obiectio
praoccupata.
Sententia.*

*Ab exemplo
Alexandri.*

*Scipionis.
Sententia.*

mur. Est admirabilis illa ac omnino divina sum-
morum Regum ac Monarcharum prudentia, qui
cum non ignorarent, quanto detrimento guber-
nacula regnorum ad manus alienas soleant per-
venire, de suscipiendis liberis ac propaganda
generis augustissimi serie tempestive curam sus-
ceperunt. Ab hac vera pietate, ab hac generis hu-
mani conservandi voluptate gentes omnes ex-
emplum accipient matrimoniorum studiose
expetendorum, ut successoribus hoc modo sub-
stitutis nihil obsit posteritati. Nec immerito pa-
rentes praemiis honorandos esse Leges ac jura san-
civerunt, utpote qui fundamenta sunt ac semina-
ria quaedam rerum publicarum. Quamquam aliud
quoque singularis alia prudentia prospexit. Ut
nimirum, quae proles in ipsa adhuc pueritia, ma-
trimonii futuri legibus traderentur, eo magis
continentiam parentum Regum adaequarent, &
primo adolescentiae ingressu jam tum animum
formare maritalem inciperent, nec quicquam
voluptatum earum, quas nescio qua libertate
plerumque reges arripiunt, in sacrum pectus ad-
mitterent. Miraculum est, pueros uxorios esse,
sed ut res est, hac observatione verecundiam im-
bibere, religiosum est. Quis mihi nunc murmu-
re tantummodo constantem occinat rumorem,
parum huic aetati tenerae nuptiarum foedus con-
venire: Profecto aetatis annos expectare, ubi
matura virtutis est aetas, indignissimum est; an-
norum adhibere supputationem, ubi virtus cur-
sum incœpit, nunquam est ferendum. Non tu
PHILIPPE Macedo in Alexandro tu multos an-
nos desiderabas, in quo adhuc puero nimis mul-
tam pene virtutem esse videbas. Non tu Ro-
ma aut in Scipione aut Pompeio cursum aetatis
attendeabas, quos prima virtutis impetu cetero-
rum excurrisse laudes animadvertebas. Turpe
est hominem aliquem ac praesertim Regem annis
me-

metiri. Nec sane, quemadmodum ceteri homines, sero Regum filii in viros evadunt; habent illi hæreditariam in cunis virtutem, & dum alii pueritiam vitæ non adiiciunt, in hac ipsi virtutem explicantes, viri fiunt. Bene est, Augusti Reges, consilium vestrum non hæc ætas retardabit, imo vero lætitiæ vestram tenera hæc ætas augebit, cum in parvis vivorum animorum simulacris vos totos ac vestram virtutem omnem spiraretam cito cernetis. Bene est invicte PHILIPPE : tuam tibi filiam nimio amore Rex Francorum extorquet. Quis ille ? Bourbonicæ flos stirpis, & Medicæ gloriæ familiæ ; quem si à parente cupias æstimare, miraculi miraculum est ; si ab ætate, proditum est ætatis admirandum & cæleste. Bene est invicte LUDOVICE, tuam tibi Sororem nimio amore Hispaniarum Princeps extorquet. Quis ille ? Austriacæ gemma domus ; Cæsareæ Regiæque propaginis germen : cui si laudem à Magno patre mutuari velis, divinus est, si ab avo, incomparabilis ; si ab ipsomet, vincit ætatem ; si à Fama, optandus est & desiderandus. Quid de vobis dicam, Regiæ Nymphæ ? videor mihi picturam illam intueri, in qua olim in Aquiliensi Palatio venerabilis puella Imperatori Constantino, qui uxorem adulescens ducebat, galeam auro gemmisque radiantem, & pennis pulchræ alitiis eminentem offerebat. Quid dico ? Non galeam maritis suis regibus, sed cor ardens purissimi amoris auro conclusum apportant ; non superbi pavonis pennas ostentant, sed Naturæ dotes & Virtutis prærogativas non sine regio pudore præsentant. In utraque maternus decor venustate juvenili nitet, & qui ora vividus color depingit, interiorem animum simul adumbrat. Placent decoro vultu, sed amplius animo virtutibus primis ornato : magnæ sunt genere, domo, parente, sed maiores in-

D

*Apostrophe
ad Reges.*

*Ad Philip-
pum Regem
Elogium
Ludovici.*

*Ad Ludo-
vicum Re-
gem.
Elogium
Principis
Hispania.
Repetitio.*

*Apostrophe
ad sponsas
regias.*

*Laus sponsa-
rum regia-
rum.*

*Optatio.**Præfagium.**Ex hoc coniugio in omnes se gaudium transfundit.**Ratio gaudii communis assequentibus.**Allegoria.*

dole, pudore, virtute. Sunt matiti principum ac Regum Optimi Maximi; ipsæ Principum fœminarum ac Reginarum Optimæ Maximæ. O quis non ita in venturam ætatem anhelet; ut nasciturus ex tam Augusto connubio proles vel audire possit vel inutere? Ignoscite mihi Reges, (dicam enim audacter) superabunt illæ parentes, & quicquid est in Patre dignitatis & excellentiæ, in matre virtutis & pudoris, totum uno animo complectentur: Nimirum hoc est, quod præfaga jam mente mortales omnes futurum animadvertunt, ideoque in his Sponsalibus imparia sunt obortis gaudiis pectora cunctorum. Quis enim ulla vi copiaque dictionis assequatur utriusque regni concitatos amores, & gestientibus agitaram animis lætitiā? Male hodie, aut non omnino Pyrenæi montes à Francis separant Hispanos: evolant & transvolant animi, dumque Reges affinitate conjunguntur, affectu populi coalescunt. Nec Hispani tantum & Franciæ gaudium hoc habent; in societatem sese tot nationes aliæ adiungunt factæ gaudii participes, quot ab Ecclesiâ nondum recesserunt, & hos Ecclesiæ Regios filios semper amant. Et obsecro quæ tandem provincia non exultaret, cum per hoc connubium futurum odiorum omnium extinctio, mutua concorsque dilectio, commerciorum libera conditio, Catholicæ fidei coniuncta propugnatio, hæresum pestiferarum exterminatio sit futura? Iam ille conceptus hæreticorum in animis timor omnem adfert; fringunt, frendent, furore & indignatione rumpuntur, amplius etiam, si impedire possent ac remorari, laborarent, ita capita movent, ubi cauda conteritur, & dum imminere capiti perniciem animadvertunt, totum corpus inusitato timore concutiunt, Omnino plurimum est, Christianum Catholicumque Regem animos affe-

affectu, mentes consilio, manus ope iunxisse. Hoc restat, ut exclamemus :

*Ultima Cumai venit iam carminis aetas ,
Magnus ab integro saeculorum nascitur ordo.
Iam redit & virgo, redeunt Saturnia regna,
Iam nova progenies caelo demittitur alto.*

Tantumne? — Iam ferrea primum

Desinet, actoto surget gens aurea mundo.

O Ecclesia, pande animum, & sereno vultu, si quis haftenus dolor sollicitam occupavit, felicitatem tuam agnosce. Hi sunt Reges filii tui: qui ut te defendant coniunguntur; hi sunt Reges protectores tui, qui ut de tuis hostibus triumphes, in hostes tuos arma coniungent. Ut nam: utinam adsit successus, ubi affectus non deest: Tu omnipotens Mundi Deus, qui sceptras donas, & regum animos regam Rex moderaris, caelesti nutu rebus humanis fata decerne. Tui Numinis inspirationem Reges animis hauserunt, & eadem mente affinitatis sacramento mentes iunxerunt; tu mentes erige consilio, & ubi manus vires sociabunt, prospero eventu fortunam rege. Et vos, o Reges inclyti, si tacitam orbis vestri vocem audire lubet, ambo consilium pectoris unius habere, & uterque vires duorum. Ita felices in

*Peroratio
Apostrophe
ad Ecclesiam*

*Optatio.
Precatio ad
Deum pro
successu huius
conjugii.*

*Apostrophe
ad Reges.*

Ecclesia vivetis, & per vos Ecclesia
felicior respirabit DIXI.



GVILIELMI de VLEES-
CHOVVVER LOVA-
NIENSIS.
LAVDATIO.
M. T. Ciceronis.

*Exordium
per optationem.*

*Varia elo-
quentia ima-
go & repre-
sentatio.
Repetitio.*

*Disiunctio
Similiter
desinens.
Dissolutio,
Demonstra-
tio & descri-
ptio,*

VTinam, Ornatissimi Domini **AVDITO**
RES humanissimi, ea mihi ab omnipo-
tente rerum omnium molitore concessa fa-
cultas esset, ut Eloquentiam admirabilem il-
lam scientiarum omnium reginam aliqua in ta-
bula viuis coloribus adumbratam, numeris om-
nibus absolutam, vi sua gratiaque præcellentem,
vobis quicunq; hic adestis, repræsentare hodie-
na die valerem: videretis potentissimam illam
animorum dominam, quam usque adeo Iudices
Areopagitæ pertimuerunt, ut illam exordio & e-
piloquo, quæ maxima sunt animorum pertractan-
dorum instrumenta, truncarint: videretis illam
artium reginam, quæ reliquas scientias omnes in
lucem publicam, & in ipsius gloriæ theatrum e-
ducit; videretis illam regnorum gubernatri-
cem, quæ respublicas persuasis legibus stabilie,
& easdem vigente iustitia florere facit; videretis
illam amorum imperatricem, quæ ignavis a-
nimos addit, seditiosis imperum & audaciam de-
trahit, gladiatorum aciem suavitate sua retundit,
hostium ardorem & contumaciam extinguit ac
flectit. Sed quoniam tantum hoc voto inani ani-
mo deludo, vos ipsi repræsentate vobis, quam in-
tueri possitis, nympham aliquam naturæ dotibus
omnibus exornatam, gemmis, monilibus, annu-
lis, armillis decoratam, corporis decore venustam,
faciei

faciei splendore amabilem, gratiosam, affabilem, diuinam, non Helenam tamen aliquam, in qua fucus, sed Aspasiam in qua nitor naturalis elucescat; ac tum eloquentiam vos intueri existimate. Quanquam quid opus aut matronam aliquam grauem, aut nympham faciei dignitate commendatam optare? Fingite potius vos intueri Herculem aliquem Gallicum, annis plenum, dignitatis maiestate venerandum, cuius ex ore catenulæ tenues auro electroque confectæ pendeant, & multitudinis circumfusæ auribus alligatæ per aures animos attrahant, adeo ut de fuga nemo cogitet, pedibus aduersus trahentem nemo obnitatur, omnes laxatis vinculis ducentem antevertere lati conentur, fortassis vos tum viuz eloquentiæ effigiem intueri crederis. Verum quid ita demens aberro, ut aliquam præstantissimæ eloquentiæ tabulam producere me posse sperem? non possum, AVDITORES, non possum, nisi forsitan ex antiquo illo ævo M. Tullium Ciceronem, Romani imperii primam gloriam, eloquentiæ miraculum, prudentiæ prodigium, omnis æui ad omnem eruditionem exemplum, quem non hominem in terris egisse, sed ipsam inter homines animatam eloquentiam fuisse puto, vobis omnibus repræsentem. Inveni igitur aliquem, atque hic est, in quem dum mentem admiratione concitatam, oculos stupore conversos coniicietis, ego in eius laudibus ita omnem orationem occupabo, ut eum ab incunabilis in lucem publicam educam, in luce per honorum gradus dignitate plenum circumducam, ac tum glorioso triumphantis immortalitatis curru ad immortalitatis sepulchrum deducam. Fauete tanti viri dignitati gloriæque, AVDITORES, & imparem tantis laudibus conatum nostrum humanitatis vestræ subsidio adiuvate. At vero quoniam tandem è portu solvam? quibus ventis laudatio

Correctio.

Demonstratio continua
119.Constitutio
& propositio
orationis per
certos atatis
gradus. Ca-
pitatio bene-
volentia.Allgoria.
Confirmati-
onis pri-

mus locus à parentibus dationis huius nauem in immensum Ciceronia-
Ciceronis, & maioribus ni honoris Oceanum impellam? quid primum
 dicam aut admirabor? an quod Tullio patre, vi-
 ro honestissimo, equite Romano; Olbia vero ma-
Dubitatio. tre matrona optima atque generis anti qua nobi-
 litate insigni sit natus? an quod regio sangui-
 ne oriundus suos inter proavos & maiores
 Tullum Volscorum regem numeravit? verum hu-

Metaphora.

*Comparatio
cum aliis
nobilibus.*

*Permissio
Allegoria,*

*Laus ab in-
somnia.*

Compar.

*Transitio ad
pueritiam.*

*Laus ab in-
finitivo.*

ius laudis non ita est cupidus Cicero noster, ut
 maiorum suorum luce nobilitatis suæ facem ac-
 cendat, quin imo maioribus se suis virtute præ-
 luxisse, & latitantem in obscuritate familiam in-
 eximii splendoris lucem revocavisse gloriatur.
 Iactitent, alii stirpis illustis antiquitatem, at-
 tollant maiorum virtutes & facta, non vult Cice-
 ro noster alienæ laudis plumis ornari, non vult
 in tantarum meridie laudum aliunde splendo-
 rem mutuari. Non ignoro deos aliquando vel
 Iulii Ascanii, vel Servii Tullii futuram in orbe
 claritatem non ambiguo prodigio declaravisse,
 cum circa eorum recens natorum capita flam-
 mam aliquam innoxiam apparere voluerunt.
 Quantum est autem illud, quod Ciceronis nutri-
 ci phantasma, nescio quod, sed phantasma tamen
 verum in somnis apparuerit, ab eaque Reipubli-
 cæ salutem nutrirî denunciarit? Scio mel ali-
 quando in os Platonis, cum in cunis infans iace-
 ret, ut futuram eius eloquentiam declararent, a-
 pes intulisse. At vero nunquid omnibus creden-
 dum est, Musas omnes & Apollinem mel omne
 suum, opes omnes suas huius pueri labris, cuius
 tanta postmodum facundia regionibus omnibus
 & ætatibus apparuit, instillasse? Sed nec in cu-
 nis illis tantum gloriosis, nec in brachiis nutri-
 cis, puerum hunc eximium contemplemur: con-
 sistat in luce & ingenii sui claritate percellat:
 quid dicam? scholamne? nimis erat angusta,
 & tantum tam illustis iuvenis iubar illustre non
 capie-

capiebat. Urbemne? urbem urbium Romam, *ne & studiu*
 in qua cum iam in scholis æquales omnes suos in- *primis.*
 genii magnitudine superaret, viros ita sui ad-
 miratione complebat, ut non raro Principes ur- *Concursus*
 bis ac Senatores ad eum visendum cognoscen- *ad Cicero-*
 dumque ludum adirent, è ludo vero discedentem, *nem adole-*
 solemni quasi pompa ac faustissimis acclamatio- *scientem vi-*
 nibus condiscipuli stiparent & comitarentur. lu- *dendum.*
 cundum erat illum videre, gloriosum comitari,
 loquentem audire summæ oblectationis, alloqui
 familiariter summæ felicitatis. Quæritisne qui- *Compar.*
 bus studiis atque artibus primam illam ætatem *Disiunctio.*
 suam consecrarit? non potuit summum inge-
 nium nisi viros summos imitari. Vnde quemad- *Ordo studio-*
 modum à poeticæ studio studiorum cursum Ari- *rum Cicero -*
 stoteles virorum omnium maximus incepit, ita *nis.*
 Cicero noster primis annis Poeticam degustavit, *Primo à*
 ut illo musarum melle nutritus, Gratiarum ma- *Poeticæ.*
 nibus formatus, Apollinis numine plenus sua-
 vissimum eloquentiæ nectar in omnem posterita-
 tem eructaret. An non etiam ex illis Musarum
 fontibus haustum aliquem ætati suæ propinavit? *Repetitio.*
 Testes sunt libri illi quos suavitatis, elegantiz,
 ardoris plenissimos conscripsit. Testes sunt super-
 stites illi versus, quos nondum præteritarum æ-
 tatum tenebris invidia potuit obscurare. Quan-
 quam qui ad eloquentiam factus erat à natura
 crescentibus paulatim annis eloquentiam est
 amplexus Invitabat generosum adolescentem Ro- *Secundo ad*
 mani fori gloria, quam eloquentia media in lu- *eloquentia*
 ce occupabat. Impellebat eum innatus patriæ a- *Synonima.*
 mor, cum eos in Republ. tantum utiles esse ac *Dissolutio.*
 florere videret, quorum in pretio vox esset. Incl-
 inabat ipsa eum natura, quæ cum in illo vires om-
 nes suas vellet experiri, illi vultum, latera, vires,
 animum, geniumque ad eloquentiam accommo-
 darat. Enimvero nondum in hac Ciceronis ætate
 prima summam eius eloquentiam deprædicabo,

*Similitudo
ducta à rosa.*

puerum adhuc illum contemplamur, sed in quo tamen singulari quotidie incremento laus eximia, amor civium omnium, eruditio admiranda crescebat. Et quemadmodum cum effusa luce sol irradiat horis singulis rosa nascens aperitur amplius & apparet pulchrior; ita illustris hic juvenis secundis quasi naturæ ac fortunæ vêtis usus, expansis ingenii velis quotidie amplius ad immortalem gloriam contendebat, & Oceanum laudis ingressus, propius ad sempiternæ famæ portum accedebat. Nulla erat omnino scientia tam difficilis, tam ardua, tam admirabilis, quam non ejus ingenium tanquam rupem præruptam superaret. Nulla virtus erat tam excelsa arduoque in loco posita, quo non ejus animus generositatis sublatus alis anheleret ac perveniret. Vnde delibata primum, ac primis duntaxat labris eloquentia, in Academiam Lycæumq; prorumpens, Philosophos sapientissimos audivit, Iuri speritis prudentissimis operam dedit. Tunc Philonem Philosophiæ Doctorem egregium doctorem habuit, ut ignorare nihil posset, qui Philosophiam scientiarum omnium instrumentum haberet. Tunc Mucium Scævolam juris ac legum interpretem frequentavit, ut qui in foro ac mediis civitatis occupationibus versari laborareque desiderabat, fori dominam jurisprudentiam possideret. O te puerum Marce Tulli non humanum, sed divinum, qua tandem admiratione complectar? aut qua de te summam admirationem cogitatione concludam? si in te puero extollendo jam deficio, quo voce te virum prædicando sufficiam? Nondum eras per ætatem par labori scientiarum, & jam tamen virorum maximorum ornamenta possidebas, in te virtus non expectabat ætatem, & annos præveniens tua gloria, quos in aliis ætatis ultimæ fructus videmus, primæ tuæ ætatis esse faciebat. Sed quem puerum cognovimus,

Tertio à philosophia & jurisprudentia.

Apostrophe & dissimulatio Oratoris.

Similiter desinens.

vimus.

nimus, AVDITORES, adolescentem non ignoremus: crescat oratio eum aetate, admiratio cum laude. Non ignoro multos esse, qui cum pleno in Ciceronem ore debacchari concupiscunt, meticulosum hominem appellant, militem irrident, quibus opinior, os illud occluderem, atque illam calumniandi licentiam coercerem, si vel eius tyrrecinium in bello referrem; atque egregiam Marfico bello, Sullaque dulce operam navasse commemorarem. Lateant tamen eius arma & bella, neque enim hic ab illis splendorem expectabat; non explicetur militaris eius ardor, neque enim illo tantam ad gloriam ferebatur, quam illi in immortalitate partam esse contendimus declarare: ad studia atque artes revertamur, quas adolescens positis armis resumpsit. Et obsecro, videte quam iniquis saepe fatis summa ingenia agitentur, nunquam tamen vincantur. Sextum Roscium à Sullanis oppugnatum tanta omnium admiratione defenderat adolescens, ut amorem universi populi mereretur & occuparet, solus Sullae odium indignationemque concitaret. Qua de causa in Græciam atque Athenas proficiscens, oratoriae se rursus facultati commisit, atque in ea brevissimo tempore tantos fecit progressus, ut Græcos in Græcia superaret, eamque cum aliis omnibus, tum Apollonio potissimum sui iniiceret admirationem, ut cum vice quadam Ciceronem Græce declamantem audivisset, suspirans gerneret primo, deinde vero rupto silentio gemituque dolere se profiteretur, quod cum antea Romani decus armorum Græcis eripuissent, nunc eloquentiam per Ciceronem Romani auferrent. Quid illustrius dici potest ad gloriam nominis eius sempiternam? quid divinius ad amorem gentium omnium illi conciliandum? Sed erat admirabilis eius indoles & excitatus naturæ feruor, qui ut illum ad laudem

*Transitio ad
adoleſcentiã.*

*Obiectio per
occupationẽ.*

*Responsio
per præteriti
onem.*

*Testimoniũ
Apollonis.*

- Ardor & peregrinatio Ciceronis.* omnem ambiendam trahebat, ita per omnes Rhetorum Philosophorumque scholas in Asia, Rhodo, Græcia circumducebat. Illic Apollonium Molonem, illic Xenoclem, illic Dionysium Magnetem, illic Manippum Charem, Antiochum Assaniletem, alios plurimos illustres & famulos audivit, quorum tamen omnium egregius discipulus laudem ac gloriam sua fama claritateque propediem obfuscavit. Ita peregrinatione varia ac difficili eloquentiam quæsit, laboribus infinitis inventam eruit, plurimorum assultatione doctorum probavit, longo ac multiplici exercitio suam effecit, variarum cognitione disciplinarum adornavit. Næ illi mihi nemo oratoris non ferunt nec merentur, qui quia melitas, ac, ut ita dicam, saccharatas quasdam voces delicatis quorundam auribus vendunt, eloquentiam sese ructare contendunt. Næ illi quoque nunquam dicentur oratores, qui cum iterum atque iterum pulpita vel ingenti mole presserunt, vel audaci voce impulerunt, Cicerones sese novos arbitrantur. O non ille domi eloquentiam in otio quærebat, quam alibi laboribus venalem esse sciebat. O non ita ambitioni vanæ animum suum mancipabat, ut pro sapientia sumum, pro eloquentia inanem iactaret linguæ volubilitatem. Utinam Principem hunc oratoris imitarentur, qui cum doctissimorum Rhetorum præceptis linguam suam formauisset, nequaquam hac gloria contentus Roscium comædiarum, Aesopum tragicædiarum actores, ut vocem guttumque componeret, frequentavit. Quanquã ne in singulis hæreamus, qui omnia nunquã oratione decurrere valemus, & si ad honores à studiis Cicero, noster processit, his illum ornatum florentemque conspiciamus.
- Repetitio.*
- Disiunctio.* Obsecro vos AUDITORES, quæ tandem ingenio illius par dignitas potuit inveniri, qui omnes potuit eodem pæne tempore mereri? Factu
- Similiter desinens.*
- Brevi digressio in reprehensionem inanum oratorum.*
- Exclamatio.*
- Contraposita Optatio.*
- Transitio ad l. nov. vi. vili etiam*
- Communicatio*

in Sicilia Quæstor; Quæsturam summa fide, diligencia integritate administravit. Retinere voluisset. Sicularum amor, sed in urbem pop. Rom. conditio revocavit, qui præsentium potius virtutem, quam absentium famam intuebatur. Hic ergo suæ virtutis theatrum elegit, hic in oculis omnium habitare voluit, hic ab omnibus frequentari desideravit. Et erat domus eius iuxta palatium posita, scientiarum omnium emporium, miserorum asylum, afflictorum refugium domus consilii, auxilii, honoris, domus authoritatis & dignitatis, domus virtutis & gloriæ. Hanc assidue circumfluentis multitudinis frequentia stipabat: in hac reges virique senatorii pro salute sua fortunarumque conservatione Ciceronem conveniebant: ab hac quotidie plurimi recreati lætique discedebant. Aperiam vestrum omnium cogitationem. Nunquid omnes existimatis tanto viro nunquam ullos deesse potuisse honores? omnino, qui debuerant deesse nunquam potuerunt. Factus est ædilis, factus est primus Prætor, & in urbe summa integritate jus dixit. Quid amplius? petiit consulatum. Quando? cum Catilina, cum Caius Antonius, cum Q. Cornificius patricii & nobilissimi homines essent candidati. Quid deinde vero? factus est Consul Cicero, & quod erat tum in urbe summi honoris fastigium, cursu quodam contentissimo, pæne dixerim volatu celerrimo, conscendit. O quid non indolis excitata virtus animosa potest! Imo vero quid tandem eloquentia non potest? Ecce Rhetor è foro Romano omnibus honoribus tanquam gradibus quibusdam in immortalitatem transcendit. Ne quisquam hic mihi exclamet, hoc opus, hic labor est. Nulla invidia cursum hunc honorum retardavit, nulla cuiusquam virtus viam interclusit; patebant illi candidato honores, & pæne prius obtinebat, quam petebat.

Repetitio.

Cum similiter desinere.

Periphrasin & Allegoriam.

am.

Traductio.

Laus ab ad-

litate &

Prætura.

Subiectio.

Laus Consu-

latu.

Admiratio.

Occupatio.

Disiunctio.

Compar.

Incrementum.

*Renovatio
attentionis
cum excusa-
tione.*

*Illustratio
per similitu-
dinem.*

*Laus & testi-
monio
Seneca.*

*I. Caesaris.
Repetitio.*

*Silius Italicus
per Apostro-
pham.*

Non poterat in minoribus subsistere virtus, quæ majora merebatur. Meruit Quæstor ædilitatem; meruit Ædilis Præturam, meruit Prætor Consulatum. Date veniam AUDITORES, & permittite, ut ubi me copia maximarum pulcherrimarumque rerum obruit, ab arte recedam, & quod possum, nullo ordine, ac lege quicquid occurrere producam. Quemadmodum enim cum ab Oriente Sol in Meridiem ascendit, aliquas tantum & non omnes terræ partes illustrat, ubi vero in Meridie est, clarissima luce radios suos in orbem universum diffundit; ita cum Ciceroniani meridiem honoris attigerim, inque fastigio dignitatis & ætatis ejus consistam, necessario mihi omnis est oratio diffundenda. Quis igitur est ille tandem, quem tantopere laudandum suscepimus? Ille est, cuius ingenium par imperio Romano fuisse Seneca Romanorum sapientissimus est attestatus. Ille est, quem lauream tanto triumphis omnibus majorem adeptum fuisse Iulius Cæsar est professus, quanto plus est ingenii Romani terminos in tantum promovisse, quam imperium. Ille est, quem ad Vespasianum scribens Plinius Latine facundiam linguæ appellet. Ille est, quem dono quodam providentiæ genitum Quintilianus affirmat, in quo vires omnes suas eloquentia experiatur. Sed dic tu nobis Sili. Italice, quis est iste tantum Marcus Cicerone?

*Regia progenies & Tullo sanguis ab alto,
Indole pro quantæ juvenis, quantumque da-
turus*

*Ausonia populi ventura in secula civem?
Ille super Gangem, super exauditus & Indos,
Implebit terras voce, & furialia bella
Fulmine cōpescet lingua, nec deinde relinquit
Par decus eloqui cuiquam sperare nepotum.*

Die

Dic tu terribilissime Catulle, tuæ enim causæ patrocinatus est Cicero, cui gratias his verbis amplissimas egisti:

Disertissime Romuli nepotum,

Quot sunt, quotq; fuere, Marce Tulli,

Quotq; post aliis erunt in annis.

Attollat igitur Gallia Herculem suum cuius ex ore pendentes aureæ catenæ hominum animos trahebant. Iactet Thracia Orpheum suum, cuius cantu saxa, montes, maria, feræ, silvæ commovebantur; Laudent Periclem Athenæ, qui dicendo fulgurare, tonare, omnia permiscere solebat; Glorietur in Platone Græcia, cuius lingua loquutum Iovem existimavit, si Græce unquam loqueretur; Appellet Oetesum Aristoteles Euphrastum, eundem alii Theophrastum appellent, quod non bonum tantum, sed divinum sermonem usurparet. Floreat Demosthenes subtilitate, ornetur Isocrates jucunditate sua, laudetur Thyrtamus vi eloquentiæ inusitata; unus instar omnium Cicero, unus omnium dux est Cicero. Non aureis tantum verbis hominum animos trahebat, etiam efferratos in humanosque non aliter, quam saxa quædam permovebat: non eius tantummodo sermonem homines improbi perhorrescebant, sed potentissimi quicumque tanquam optimum & divinum imitabantur: suavis erat & mellitus, concitatus & vehemens, concisus & copiosus, denique quicquid unquam Oratores quicumque, hoc unus ac solus, imo etiam amplius erat Cicero. Videre videor hanc in vobis cogitationē: O quam erat homo iste divinus, quam verum gratumq; naturæ delictum, speculum omnis excellentiæ ac dignitatis, miraculum ac cœleste quoddam prodigium, hominum omnium excellentissimorum illustre compendiū, viva scientiarū omnium & eloquentiæ delictiarū

Compar-
cum Hercu-
le.
Gallia.
Orpheo.
Articulus.
Pericle.
Disunctio.
Platone.
Oeteso.
Demosth.
Isocrate.
Thyrtamo.
Vu eloquen-
tia.
Cicero.

Obliqua pro-
popaia.

Allegoria
descriptio.

- Cōduplicatio.* arca! ô quanta, quam suavis, quam potens in eo eloquentia! vere, vere Aud. si non nisi ex montibus majora illa flumina promanant, quæ regiones terrarum orbis irrigant & foecundant, non potuit ex tanto viro nisi eloquentia summa uberissimaque oriri. Fuit admirabilis in oratore Cinea vis sermonis, quo tanquam machina quadam bellica Græcorum urbes in deditionem egebat; sed tamen, quam nihil omnino vis illa fuit, si Ciceronis vim omnem perpendamus?
- Similitudo.* Fuit inusitata Menenii Agrippæ oratio, qua rebellem adversus magistratum urbem in urbem reduxit: Fuit Marci Antonii Oratoris eloquentia potens, qua percussores ad se missos ita perterrituit, at vaginis gladios suos recondere, & illum fugerent quem occidero meditabantur. Verum non gladios vulgarium hominum ac sicariorum, sed animos ac mentes potentissimorum hominum crudelitate quadam efferatas M. Tullius lenitate mansuetudineque involuebat.
- Comparatio cum Cynea.* Fuit in Tyrtæo secreta quædam animandi potestas, qua exercitum quondam Spartanorum in fugam conversum ac desperatum suæ vocis auxilio restituit ac victorem fecit. Quid deinde vero? isne Ciceronis eloquentiam adæquavit? imo vero ne quidem adumbravit, nisi forte rivulum cum Oceano, facem cum Sole, globum cum mundi machina, herbam cum arbore, formicam cum elephante comparemus. Sed amplius non moror vos verbis, AUDITORES. Ille erat Marcus Cicero, cuius eloquentiæ fama tanquam magnes non trahebat, sed impellebat homines & ad quam audiendum omnes omnium ordinum, atque ex omnibus urbis partibus, clausis officinis, depositis instrumentis, negotiis, occupationibusque relictis, sprete mensis ac convivii in forum cives concurrebant. Hic ab ore ejus verbis ejus alligati pendebant, hic Deum ali-

aliquem loquentem in terris audire videbantur, hic illum eloquentiæ torrentem quodam impetu suo ferri videbant, quo rogatus armatas Antonii cohortes proscripserat & eiecerat; quo obmutescere Catilinam in Senatu fecerat, è manibus illi arma excusserat, abire coegerat, tandem oppresserat; quo Clodium vexauerat, quo Verrem accusauerat, quo plurimos ciues alios improbos & sceleratos persecutus fuerat, bonos autem tutatus; quo denique vir omni admiratione maior effecerat, ut domus eius tanquam arx quædam esset civium oppressorum, perfugium exterorum, ara salutis communis, domus libertatis, curia authoritatis publicæ, palatium omnium fortunatum. Et vere quemadmodum cum ex alto monte torrens dilabitur, secum suo omnia impetu rapit, ita Cicero eloquentiæ suæ torrente omnia percellēbat, curiam impellebat, Capitolium concutiebat, urbem trahebat, quicquid volebat, efficiebat, & gloriosam hanc vocem non im merito iactabat:

Cedant arma toga, concedat laurea lingua.

Vsq̃ue adeo nulla virtus in eo desiderabatur, in quo erat copia Platonis, iucunditas Illocratis, subtilitas Demosthenis. Enimvero prævaricator Tullianarum laudum esse videar, si unam hanc in ipso eloquentiam admirarer. Erat, erāt in eo magnanimitas incredibilis, qua ad felicem exitum ea omnia perduxit, quæ attentare Patricii omnes reformidabant, dum urbem ab incendio, patriam à devastatione, templa à direptione, bonos omnes à cæde suo consilio, industria, vigiliantia, fortitudine liberavit. O vere Marce Tullii fortunatam natam te Consule Romam! Quis Scipio hanc se in gloriam inducat? Quis hanc illi Marius palmam præcipiat? Quis Pompeius triumphum maiorem exspectet? Quis Marcellus gloriosius depulsum hostem gloriatur? Testor

te,

Metaphora.
Vu eiusdem eloquentiæ.
Repetitio.
Similiter desinens.

Allegorica descriptio.

Similitudo.

Similiter desinens.

Distributio.

Transitio.
Conduplicatio.

Laus à viris.

Amagnanimitate.

Adiunctio.
Exclamatio.

Comparatio cum vitiis.

*triumphato-
ribus aliis.*

*Ab amore
in patriam.*

*Humanita-
te.*

Industria.

Frateritio.

*Mors Cice-
ronis.*

*Affectus pro
morte Cice-
ronis.*

Apoptrophe

Peroratio.

te, o veritas, Testor te fides: tu Marci Catonis os
impulisti. ut Cicerohem nulla adulatione patrem
patriæ appellaret: tu Senatuum universum permo-
visti, tu supplicationes Ciceroni rogato decerne-
ret, ut Pompeium Magnū excitasti, ut ex Asia scrip-
tis literis Ciceroni gratias ageret, & se eius bene-
ficio patriam visurū attestaretur. Num vero de-
precem ardentissimum eius in patriam amorem
laudem incredibilem in omnes humanitatē? extol-
lā animi magnitudinem? glorier in eius industria?
triumphem in eius singulari apud omnes gratia?
O utinam par ætas esset? sed sum infans, utinam
hic eloquentiæ torrens esset? sed deficerem. Vti-
nam omnium in meo ore voces personarent ora-
torum, omnium in me spiritus respiraret eloquen-
tium? sed languerem, hærerem, obmutescerem,
& iam quoque languidus & hærens obmutesco.
Date veniam AUDITORES, vereor enim ne in-
genii mei culpa laudem deteram immortalem.
Latebit proinde sub hoc silentio nostro libertas
eius, non aperietur comitas illa, qua fuit omni-
bus admirabilis & amabilis, unum filere non pos-
sum; & quod non voce, dicam affectu: mortem
obiit Cicero pro patria, & in patria toties à se
servata. O doloris æterni vulnus! O fatum elo-
quentiæ, & virtutis ipsius fatum! Quid? hereo
rursus, AUDITORES, & perturbor, & ubi tan-
quam in immortalium capitolio laudum exulta-
re triumphareque deberem, lachrymis & dolori
me trado. Imo vero vinco affectum meum, vin-
co dolorem, & tibi Marce Tulli gratulor: Tu pro
patria tua occubuisti, ut cervicem præbuisi, tu
hostes tuos moriendo vicisti, ut laudem omnem
& immortalitatem, qua apud nos adhuc viges, in-
trasti. Quanquam quid ago? quid sermone ani-
mum, quid voce sermonem defatigo? Vtinam
(iam enim verbis agere me tædet) utinam non
de Cicerone verba facerem, sed illum, illum vo-
bis

bis hic præsentem, hic virum omni laude famaq;
 summa conspicuum & illustrem cerneretis! vide-
 retis puerum cœli quendam & naturæ alumnus;
 intueremini adolescentem omnis virtutis, hono-
 ris & gloriæ candidatum; cognosceretis virum per-
 fectionis omnis exemplar & speculum. At vero si
 immortalem eius spiritum contemplari, si divi-
 num illud ingenium vel oculis vel animo usurpa-
 re fas esset, illum dico spiritum temporum omni-
 um & hostium domitorem, tot voluminum æter-
 norum auctorem ac parentem: an non esse dicere-
 tis sapientiæ ipsius delubrum, prudentiæ sacrari-
 um, scientiarum omnium domicilium, eloquen-
 tiæ palatium, virtutum immensarum ætarium?
 Non licet, A V D I T O R E S, & hanc fœlicitatem
 temporum invidia nobis ademit. Utinam, saltem,
 utinam vocem eius, divinam vocem sapientiæ, vo-
 cem eloquentiæ audiretis! Quid dico audiretis?
 nunquid auditis? nunquid his verbis scholam hanc
 nostram impellit? Ite, ite ad gloriam Rhetores mei,
 sed per laborem; penetrare in immortalitatem,
 sed per hos, quibus ascendi, vigiliæ, industriæ, la-
 boris gradus. Nihil animo generoso impervium,
 nihil industriæ diligentique arduum aut clau-
 sum: illam nostram, illam vestram eloquentiam
 amate, qua in foro famam, in curia gloriam, in
 posteritate immortalitatē acquisivi, & vos acqui-
 retis. Semper erecta indole vestram ætatem non
 ad sepulchri angustias, & humanæ terminos vitæ,
 sed ad immensa gloriæ spatia & infinitos famæ
 cursus dirigite. O amabilem, o admirabilem vo-
 cem? sed reticet, non auditur, in silentio est Agite
 tamen, agite. A V D I T O R E S, si tacet, nos istam
 tacitam vocem habemus in libris ejus, hinc illam
 loquentem vocem nostram legendo faciamus, hinc
 illam lectione resuscitatam suspensis auribus hau-
 riamus; hinc, dico & finio, Ciceronis mel & ne-
 ctar hauriamus DLXI.

*Repetitio
confirmatio-
nis signata*

Optatio.

Prosopœia.

*Adhortatio
ad Cicero-
nem imitan-
dum.*

F. BERNARDINI GERIN
DIONANTENSIS,
Ord. S. Francisci.

LAUDATIO

D. LAMBERTI.

*Exordium à
dicto Davi-
dis.*

Allegoria.

Correctio.

Allegoria.

Cum aliquando Rex ille magnanimus Iudzo-
rum, & sanctissimus Propheta David divinæ
maiestatis immensitatem, & omnipotentiz
abyssum paruo ingenii sui remigio pertentare de-
sideraret, atque illud in infinitz sapientiz pelagus
vela suæ considerationis expanderet : perterritus
tandem rei ipsius tanquam maris cuiusdam im-
mensitate, cum nec vadum nec fundum speraret,
iamque quadam desperatione cogitationes eius
involverentur, erupit in hanc vocem : Confitebor
tibi Domine, quoniam terribiliter magnificatus
es. Plane mihi idem evenire non modo animad-
verto, verum etiam sentio. Humanissimi AUDI-
TORES, dum in immensum illud laudationis san-
ctissimi Lamberti Oceanum parvam huius oratio-
nis cymbam ducere contendo. Quis enim hic fun-
dum speret ubi nullius est finis ? quis ad portum
aspiret, ubi laudum immensitas in immensum dif-
funditur ? nam, si eius humilitatem intuear, abyf-
sus est : si castitatem, prodigium est si animi celsi-
tudinem, vadum est sine fundo : si patientiam &
iusticiam, miraculum. Adeo ut si vela dem, in re-
meritatis scopum incurram : si hæream, timoris &
pusillanimitatis charybdim videar pertimuisse.
Veruntamen cum non omnis spes absit ; & hone-
stus ubiq; conatus extollatur, audeamus aliquid, &
magno

magno ac fidenti animo quod inceperimus obeamus. Nam ut ait Poeta quidam, si deficiant vires audacia certe

Laus erit, in magnis, & voluisse sat est.

Itaque ergo omnem hanc navigationem institutam, ut excedens è portu per omnem sanctissimi vitam tanquam per mare quoddam excurram: sic tamen ut eius pueritiæ littus attingam, deinde adolescentiæ iuventutisque promontoria legam, ac tandem in ipsum extremæ vitæ altum alio usque descendam. Quod si fortasse tempestas quædam exorta naufragii periculum attulerit, vela contraham, & victus hoc tantum exclamabo: Confitebor tibi sanctissime Lamberte, quoniam terribiliter magnificatus es. Fauete vos, Humanissimi AUDITORES, & isto vestri fauoris & attentionis vento conatibus aspirate. Iaciam vestro in favore anchoram, si opuserit, & nullum inde periculum reformidabo.

*Propositio:
cum pariter
ona.*

*Consiliatio
audis.*

Solent qui laudationum argumenta verbis amplificanti, cum virum aliquem illustrem, pro dignitate exornandum susceperint: longam maiorum seriem enarrare, fumosas parentum imagines proferre, rerum præclare gestarum ab avis & atavis Catalogum explicare, imo ut verius loquar, plumis alienis vestes suas exornant, & aliena luce solem suum fulgere splendescereque faciunt: non ego hos hodierna die imitabor, si quidem.

Argumentum à pueritia.

*Et genus & proavos & qua non fecimus ipsi,
Vix ea nostra puto.*

Non eget aliena luce Lambertus noster, qui sua luce orbem universum cælumque replevit. Non eget plumis alienis Lambertus noster, qui sua ornamenta in tantam amplitudinem religionis per omnes terras diffudit. Non eget alienis odoribus B. Lambertus: ad cuius virtutis odorem tot hominibus

*Repetitio cū
allegoria.*

*Expositio
parentum
D. Lamb.
per prateri-
tionem.*

*Laus à pie-
tate pueri
D. Lamb.*

*disimulatio
Dubitatio.*

hominum religiosissimorum millia tot ætatibus ac sæculis concurrerunt, & nunc etiam cursu indefesso currunt, Equidem filius fuit Apii viri probi & nobilissimi, natus in oppido Traiectensi. Sed lateat ille & à filii face facem suam pater accendat. Matrem habuit Heusplindem matronam integerrimam, & antiquitate familiæ, & generis nobilitate splendidissimam; sed lateat illa quoque, & à filii lumine suum lumen mutuetur. Hodie puerum deferamus sanctissimum, lateant omnia quæ eius esse non possunt. Ipse vero puer se totum, quantum quidem pro ea ætate poterat, ad divinæ maiestatis voluntatem conformavit; cuius vitæ fundamentum cum summa animi voluptate parentes eius animadvertissent, eum vix adolescentiæ spatia ingressum, quo litteris iisque optimis informaretur, B Landoaldo V Vintersho- uio viro ea tempestate & doctrina & integritate clarissimo tradiderunt; qui eum ita diuinis litte- ris instruxit, ut reversus ad Parentes egregia pie- tatis & sanctitatis argumenta præbuerit, doctrinæ & eruditionis monumenta reliquerit. Fa- teor, vix excessimus è portu. Humanissimi AVDI- TORES, & iam sistitur cursus navigationis. Quid hic dicam, ubi rei magnitudo silentium deposcit? Erat puer, aut certe vix adolescens: sed animum virilem supra ætatem, ac plane divi- num gerebat. Luxum suum ei fortuna ostenta- bat? Luxus insolentiam pariebat? insolentia hone- statem excludebat? hæc irridens fumum esse asseribat. Deliciæ, voluptates sensus sollicita- bant? orationibus & ieiuniis comprimebat. Di- vitiarum apparatus voluntatem pertentabant? hic eos paupertate reiiciebat. Pompa splendorque oculos sollicitabant? hos tanquam larvas irride- bat: videbat honorum insignia; sed inania pu- tabat: videbat ridentem Venerem, sed fletus in- strumenta esse iudicabat; videbat fastum in fastu.

aurum in auro, mundum in mundo: & alta quada- *Prosepepasia*
 dam mente præditus valeat inquit, fastus mun-
 di, valeat pompa. Quid mihi cum mundo, si cœ-
 lum adest? Quid cum divitiis, si inopia succe-
 dat? Quid cum honoribus si cum iis sim repro- *Locus com-*
 bandus? Quid cum voluptatibus, si desinant in *munu delati*
 dolores? Tu una humilitas places, una arrides: *dib. humili-*
 te unam amo, te unam ambabus ulnis amplector: *tatis.*
 te unam exosculor: quam dæmones verentur,
 quem cœlites amplectuntur: quam custodem om-
 nium virtutum, & fundamentum una animi
 sententia sapientes profitentur. Ita sanctissimus *Repetitio.*
 adolescens sentiebat, ita cogitabat, ita hæc ani-
 mo vix adolescens mente revolvebat. O admi-
 randa futuræ incredibilis Sanctitatis rudimen-
 ta! O foelix principium! O foelix suspicium!
 O vere foelix & beatus adolescens? Dicebas ô
 sanctissime Adolescens, tutelam & initium omniû
 virtutum esse humilitatem: sciebas eum spar-
 gere, qui sine humilitate colligit; non ignora-
 bas eum destruere, qui non supra humilitatem
 ædificat: iudicabas eum, qui à se repellit humi-
 litatem, etiamsi in cælo domicilium haberet,
 à Domino esse repellendum: cogitabas eum qui
 in sinu suo collocat humilitatem, etiamsi in cæ-
 no peccatorum iaceret, in sinu Dei esse collo-
 candum. O foelicem iterum ac tertio te feli-
 cem Adolescentem, qui tuæ vitæ fundamentum *Exclamatio.*
 talem virtutem, quæ est fundamentum & cu- *Laus à divi-*
 stos (ut antea diximus) omnium virtutum, esse *tiarum con-*
 voluisti! O dulce nomen humilitatis! O virtus *temptu & be-*
 præclarissima, mundi sapientibus minime nota: *nignitate in*
 sed ab ipsa Dei sapientia mirifice commendata! *pauperes.*
 O virtus admiranda, dilecta paucis mortalibus,
 Diuo Lamberto unice grata! Sed huic virtuti a- *Exclamatio.*
 liam præstantia non inferiorem adiunxit. Nun-
 tium divitiis remittebat, eas temnebas: quid-
 quid habebat in pauperes erogabat. O charita-
 tem

Exclamatio. tem omni sæculo deprædicandam ! Et quid obsecro non expectandum ab hoc initio fuit , in quo victoria sui difficillima triumphus de mundo gloriosissimus , perfectionis & æternitatis amor ardentissimus effulgebat ? nimirum amore divino & afflatu tanquam magnete tactus , animus ascendit ; terrena despexit : nimirum amore divino , & afflatu tanquam sole quodam calefactum eius pectus , uberrimam omnium virtutum segetem emisit , ut omnino nihil aliud esset Lambertus in terris quam lucerna virtutis ardens , & virtus potens : ut inquam nihil aliud esset Lambertus quam lucerna ardens in Corde suo per charitatem , suis in manibus per bonorum operum exercitationem , in orbe universo per exempla virtutum . Sed memorandi Adolescentis sanctum ad Theodardum Traiectenses tum temporis apud populos Pontificiam obtinentem dignitatem usque pervenit rumor Sanctitatis . Cur ut honestatis cursum teneret , ut dignitatis atq; gloriæ portum caperet , ut cum nutricis lacte moribus quam optimis imbueretur ; ut instar lapidis (dico) pretiosissimi in Regia aula multis modis exposceretur , traditur educandus . At fortassis de eo triumphum sperare potuit caro ? qui in aula Regia , ubi pompa , honor , luxus mentem animumq; sollicitare titillare , & sensus subintrare solent versabatur imbellis sane & teticulus hostis in eum exitit caro , qui carnis blandimenta repudiavit , de carne ipsa iam triumphavit , illa in divitiis , in conviviis , in lectis suas insidias struit : hic eas paupertate ieiunio , cilicio effregit .

Admiratio. *Compar.* Christe bone , quot in vitæ nubibus atque procellis reperiuntur , qui flammantem rotant ensem , ipsi ab una cogitatione rotantur ? quod sunt qui feroces frangunt equos ipsi ab una carnis titillatione franguntur ? quot sunt qui tanquam Hercules lucem hanc suavisissimam aspiciunt , com-

mu-

munemque spiritum hauriunt, sed & tanquam Hercules ardoribus impurissimæ carnis comburuntur? quot sunt, qui tanquam Alexandri, imperia auctoritate, jure legibus per belle administrant ac moderantur: sed ut tanquam Alexandri uno impuro mulieris aspectu servituti mancipantur? quot sunt qui tanquam Sampsonis fortitudinem, vires, robur iactitant: sed & tanquam Sampson ab una muliere superantur? Verum abducamus ab his sermonem aliquando: ut ad alia nescio an maiora perveniamus. Quis vestrum existimat latere posse Solem, cum in fastigio meridiei pontus iacentes infra terras undequaque illustrat: non potest Humanissimi AVDITORES: nec potuit latere Divus Lambertus, cuius virtutis splendor humanam aciem perstringebat. Posteaquam autem Divus Theodardus Traiectensis Episcopus huius adolescentis director, relictis huius vitæ (quæ potius mors est appellanda) meritis in illam sempiternam domum triumphans, ubi ævo sempiterno perfrueretur, evolasset: rogatur Divus Lambertus venire. Quid ille? an huic vel illi gratias immortales tanto de honore sibi congratulans egit an cibos exquisitissimos adferre? an mensas Articas, quibus animum suum erga Elemosinas tantæ dignitatis testificaretur, iussit extrui? nolite usquequaque AVDITORES cogitare. Quod egit igitur? Respuit: quid respuit tantum? reiecit: quid reiecit tantum? imo urgentibus sese invitum ostendit; & quibus verbis se invitum ostenderit petitis AVDITORES? se tanto munere, tanta functione indignum esse dicebat. O virum pium! & in vera humanitate fundatum! Quid vero plebs egerit cum hæc audiret fortasse rogatis: attendite obsecro, & videte quibus votis, quo desiderio, quam inaudita cupiditate plebs

*Transitio.**Similitudo.**Interrogatio.**Metaphora:**Interrogatio cum dubitatione.**Subiectio.**Correctio.**Exclamatio.**Renovatio.**Audit.**Tra-*

*Prosopopeia.**Exclamatio.**Studiose di-**cta repetitio.**Incremen-
tum.**Laud à pie-
tatu ardore.**Disimula-
tio ad excu-
sationem or-
nata Epizeu-
xi & prae-
tensione.*

Traiectensis prosequeretur, in eum plebeio im-
petu irruens has in voces irrupit: Lambertus civis
noster operum bonorum copia celebris Episco-
pus noster erit, velit nolit. O infiniti amoris ar-
gumentum, ô præclarissimum admirandæ sancti-
tatis signum! ô virum non Episcopali tantum, sed
Pontificali dignitate dignissimum! nimirum fu-
gientem studiose sequuntur honores ambitiosum
derelinquunt, nimirum hos ad sacra munera ap-
pellat Deus quos honoribus animum non apposi-
turos haud ignorat; nimirum is moderatoris uni-
versi voluntate atque providentia, qui religionis
gubernacula teneret electus est is; qui Christia-
nam pietatem tueri, religionem amplificare, divi-
na atque humana rectissime tractare noverat crea-
tus est. Qui cum ad hanc humanæ dignitatis ar-
cem toto, quod ajunt corpore atque omnibus un-
guiculis ascendisset D. Lambertus: quantopere
pietatis opera amplificare & propagare studuerit,
quis vel stylo vel voce exprimat? Hic, hic non Iso-
cratis jucunditate, non Lysiae subtilitate, non Hy-
peridis, non Æschinis sonitu, non Demosthenis,
non Ciceronis; sed divina potius opus esset elo-
quentia (& flumine dicendi) quæ nunquam ante
hac audita, nunquam elata, nunquam excogitata
fuiſſet. Singulis diebus in templo summa qua va-
lebat eloquentia populum ad coelestia meditanda
provocabat: plurima in egenos & pauperes eroga-
bat, omnes admonebat sui officii: universos do-
ctrina salutari atq; exemplis informabat, plurima
miracula in lucem edebat: cujus virtutis & san-
ctitatis fama sese & longe & late diffundens: ut
nullus esset tam ab omni hominum consortio re-
motus in terris locus, quo non hujus præstantissi-
mi Viri peruasisset; ad Childericum Galliarum Regem
pervenit, atq; ita pervenit, ut Rex Divum Lamber-
tum summo honore affecerit, & suis omnibus a-
mi-

micis eum præposuerit. O vere fortunatus & foelix fuisti Rex Childerice, quod tanti Præfulis iussis parueris! O vere fortunatus & foelix tuus exercitus, qui à tanto Præsule dirigebatur! sed ignor, imo commoveor AUDITORES: nunquam magni sine invidis, nunquam boni sine insidiis. Ecce Rex contrucidatur, ecce eo contrucidato, maxima invidiæ pestis nefandissima subito in piissimum Iesu Christi, mortis domitoris, orbis reparatoris, servum Lambertum concitatur. Ecce invidia invidorum inimicorum magis ac magis grassante, tandem summa injuria & iustitiæ & publicæ libertatis defensor sua à sede, prohi dolor, exturbatur. O pestem post hominum memoriam inauditam! O intolerabilem! exturbatus est Præsul? & quis? Præsul? nonne Christianorum naufragorum portus? consilii pontus? pietatis promontorium? Doctrinæ litus? virtutum omnium oceanus: & à quo exturbatus est? non ne ab Eburonio homine omnium scelerum ex colluvione nato? nonne tyranno immanissimo? ô dolor! expellitur Divus Lambertus: quam ob causam? an quia continuis concionibus dissentus erat? an quia obstupescente natura miracula edebat? an quia sanctissimam vitam traducebat? Cur igitur ô Invidia tu, Divum Lambertum expulisti, ubi eos quorum animos invaseras ac occuparas, hominum generis inimicissimus hostis suis laqueis & expansis retibus decepisset? Quid tu bellua tandem effecisti? Divum Lambertum expuli. Quid inde? arbitraris eum ense, quo injuriam ulcisceretur, insolitumque apparatus instructurum? plus in eo patientia valebat, existimabas eum nonnullos subornaturum, ut in statum pristinum rediret? plus bonorum contemptus, & cœlestiū memoria in eo requirebat. At in illud cœnobium tetendit, in quo extremus ordine fuit, & hoc eius humilitas postulabat.

*Apostrophe
ad Regem.
Sententiosè
dicta.*

*Subiectio
oculis mortis
regia.*

*Admiratio
cum exclamazione.*

Interrogatio.

*Apostrophe
ad invidiam*

*Interrupta
protopopaiia.*

Subiectio.

Exclamatio. labat. O hostis imbellis, & parum erga sanctum
 vaser! in eo cœnobio moderator universi D. Lam-
 berti sanctitatem manifestavit. Quomodo ma-
 nifestavit peritis AUDITORES. Cum quadam
 nocte Divus Lambertus cum fratribus in eodem
 conclavi dormiret visum ei fuit è strato proflire,
 quo attentius Deum diuturnè veneraretur: Ve-
 rum calceorum alter fortuito casu è manibus la-
 psus fratrum quietem interturbavit: nec mora.
 Pater Cœnobii delicti patrati expiandi gratia eum
 ad crucem sub dio collocatam, quanquam frigi-
 dissima æura foret, orare jubet. Quid D. Lam-
 bertus? an patris nutum observare recusavit?
 plus apud eum obedientia valebat. An latui,
 vel dissimulavit? plaris veritatis partis ipse facie-
 bat. Quid egit igitur? indutus unico cilicio nocte
 illa frigidissima, & multa glacie & gelu asperissima
 patris voluntati morem gerens sub cruce stetit,
 & stante sacrosanctæ Trinitatis hostia divinitus
 subito importuni gallorum cantus tempus soli-
 tum anteverterunt. Surrexere fratres itaque, &
 perfecto officio ignem, quo frigoris acerrimi in-
 juriam propulsarent, instruere voluere: quos cum
 singulos Cœnobii Abbas contemplaretur, anim-
 advertit Divum Lambertum abesse, cui interro-
 ganti ubinam esset, respondere fratres eum esse
 iussum se sub crucem recipere. Tum Abbas ad-
 miratione percussus una cum fratribus singulis
 ad pedes D. Lamberti prostratus, ignoscere, inquit,
 ignosce. Venerabilis Præses, miserere turbe do-
 lentis, ei que venia dare ne dedigneris, quibus D.
 Episcopus ait: ne quæso fratres charissimi sic lo-
 quamini, surgite, ocyus, surgite, & meis potius
 erratis ignoscite. Quid obstupescitis B. A U D I-
 T O R E S? Fratremne cœnobii ad pedes D. Lam-
 berti abiectum? viderat, viderat beati beatam
 sole fulgentius resplendere faciem. O virtutem
 omni laude condecorandam! quam ad explo-
 ran-

Epizexis.

randam permotus fuit moderator universi. Sed *Exclamatio.*
ad te redeo, ô Dæmon omnium incendiorum *Apostrophe*
fax, eiecisse te iactitas Divum Lambertum sua è *addamōnem*
sede? sed in eam Deo fauente tanta, tanta omni- *Metaphora.*
um lætitia, quanto cum Ictu solum verterat,
redivit. Itaque pristina dignitate ornatus, mul-
to magis sanctitatis suæ opera auxit, suos inde-
fesso studio erudiuit: nec satis, neque eius in-
gens fervor ad Taxandos profectus est, quos par-
tim ita eloquentia, partim patientia ad Catholi-
corum fidem convertit; nec satis, neque arden-
tissimus iustitiæ fervor eius, Pipinum Regem
Franciæ, quod repudiata uxor pellicem comple-
cteretur, dissimulantibus fere cæteris Episcopis, *Repetitio.*
pro zelo domus Dei ferre non potuit: sed cum
opportune & importune arguere & increpare
cœpit, atque ita increpavit, ut Regem à pelli-
cis amore revocarit. Quod cum animadverteret
maligna mulier, fratrem suum, qui afflatu diabo-
lico actus nil cogitabat, nil moliebatur, nil mi-
nabatur nisi mortem D. Lamberti, ad communem
spiritum ei eripiendum concitavit. Quo instituto,
tyrannus ille sceleratissimus, ac quasi bestia
quædam immanissima, quæ odio religionis sem-
per exarsit, D. Lambertum expansis instar cruci-
fixi brachiis ante altare SS. martyrum Cosmæ &
Damiani gladio traiecit. O facinus execrandum? *Martirium.*
O audaciam intolerandam! Itane hic, qui à puero, *D. Lamber-*
vitæ candorem amplexus. Vir sapientissimus, hu- *ti.*
millimus, piissimus, (omnia uno ut verbo absol-
vam) virtutem thesaurus manibus sceleratissimi
hominis expirare debuit? quanquam quid homi-
nem appello? qui si homo fuisset, non ita summa
tyrannide, & sine causa hominis vitam petisset!
O monstrum! ita omnem humanitatem exue- *Correctio.*
ras, ita belluarum quædam feritas totum ani- *Traductio*
mum occuparat: ita sine sensu, sine animo, totus *Exclamatio.*
inquam serceuseras, ut innocentissimi sanguine

*Conquestio
ad Deum.*

manus tuas coinquinare, imo salutare non reformidares? O Deus! quomodo servum tuum, altare fidei, pœnitentiæ domicilium, humilitati sacrarium, pietatis sedem à perversissima bellu

Incrementum.

interimì ferre potuisti? cur flammæ, fulgura, tonitrua non immisisti? & tu sanctissima Ara sanctissimorum martyrum belluam illam cur non

Exclamatio.

obrusti? Heu periit sceleratissima belluæ manibus, amor & deliciæ generis humani! O dolor!

Excusatio.

iam mihi vocem indignitatis eripit, fauces dolor occludit. Vos vero (BEHEVOLI A V D I T O R E S)

Pervasio.

tantum orationi meæ concedite, quantum iusto & pio dolori tribuendum esse putatis; ex magna iactatione terram videre peropto, neque enim laudibus istius par esse possum ego infans, qui nulla iniuria potuit commoveri, nullo labore defatigari, nullis minis perterrerì. Et certe debebatur tibi Sanctissime Lamberte, sancti alicuius & eloquentis oratio, alter Augustinus, alter

*Apostrophe
ad Divum
Lambert.*

Ambrosius virtutibustuis: alter Chrysostomus, alter Nazianzenus tuis laudibus debebatur. Quod si tamen infantum ex ore laudem suam perficit Deus: non dedignaberis hodie infantis vocem.

*Preces ad
auxilium
Collegio offerendum.*

& orationem, quam hæc imbecillitas ingenii mei exorsa est. Tu Collegium hoc, in quo, tanquam in theatro quodam totius orbis terrarum amplissimo, clarissimoque, omnium virtutum immortalium splendor elucet, hætenus tuo patrocinio gubernatum semper visita & conserva. Tu splendidissimum tantorum virorum confessum,

quorum doctrinam spectare si lubet, eruditissimos, si usum, peritissimos, si ingenia perspicacissimos, si conditionem, nobilissimos, si pietatem, religiosissimos comperimus (animo pœne consternatus hæreo,) eadem charitate qua homines in terris agens prosequere, nunc complere beatus in cœlo. DIXI.

BARTHOLOMÆI BACHVSI

LOVANIENSIS.

ORATIO.

In Laudem D. NICOLAI.

Recptum est apud Oratores illos è schola *Exordium.*
 politos. *Ornatissimi Domini, Iuvenes bene amore ora-*
nati, ut cum gravem aliquam dicendi *totum.*
 provinciam, cui impares sese arbitrantur,
 susceperunt, nuncupatis mox votis oratio-
 nem aliquam vel Ciceronis floribus conspersam,
 vel Isocratis suavitate iucundam, vel Demosthe-
 nis robore nervisque invictam, cum ad aures au-
 dientium deliniendas, tum ad animos vi quadam
 percellendos à Deo ter Optimo, maximo concedi
 precentur. Quam quidem consuetudinem ho-
 dierna die libenter apud vos, & ex hoc loco ad
 dicendum ornatissimo persecutus fuisssem, si il-
 lum cui vocem hanc promptæ voluntatis, & hunc
 affectum concitata pietatis consecravi, ullo po-
 litæ orationis officio potius quam decora famu-
 lantis affectus modestia delectari, putavisssem.
 Dicendum est de beatissimi gloriosissimique Ni-
 colai laudibus, cuius vitam cum humilitatis sta-
 bilierit, modestia conformavit, virginitas deco-
 rarit, si fucatos pictæ cuiusdam eloquentiæ colo-
 res adhibuero, non placebo; si fulminantis di-
 ctionis tonitrua vibrauero, parum agere decore
 videbor, qui tanti Divi virtutem omni eloquen-
 tia maiorem augere vel illustrare saltem oratio-
 ne contendam. Non, non faciam, neque unquam
 accensa face solem vobis ostendam, sed protenso
 tantum digito demonstrabo; solem, inquam,
 illum Sanctorum Nicolaum, electum ab voto,

E. 2.

fan-

Proposito.

*Cconciliatio.**Cum excusa
zione.**Oratoru.**Confirmatio.**Primus locus**a pueritia.**Allegoria.**Puer singu-**lari gratia**divinitus il-**lustratus.**Sustentatio.**Puer fletit**in balneo.*

sanctum à puero, iuvenum gloriam, senum reve-
rentiam, sacerdotum honorem, Pontificū splen-
dorem. Date vos mihi veniam AUDITORES, si
titillantiis verbis vestris aurib. non adblandiar;
non vult Nicolaus, qui nos suæ pueritiæ vir-
tute delectabit. Ignoscite si non ad motis elo-
quentiæ machinis vestros animos oppugnem;
prohibet Nicolaus, qui nos adolescentiæ suæ
splendore attonitos percellit: excusare, si tanto
sub onere deficiam, & his laudibus nequaquam
par existam; in causa est Nicolai vita, quam ad-
mirari licet, exornare dicendo nemo potest. In-
cipiamus igitur à puero puerum ipsum cognosce-
re, & primas pueritiæ cunas evoluamus. Christe
bone! quid assecuturum dicendo me sperem,
aut quomodo laudationis huius navim in portu
sistam, cuius vela cum vix explicarim, teneræ hu-
ius ætatis virtutibus tanquam scopulis quibus-
dam deterreor? Nam contineo vocem quin at-
tonitus exclamem: *Domine pervenisti cum in
benedictionibus dulcedinis.* Fuit Nicolaus hic no-
ster gemituum filius & orationum, quem cum
pater producere per ætatem, mater concipere
per sterilitatem non posset, utriusque sanctita-
ti, dum assiduis precibus divinæ maiestatis Beni-
gnitatem sollicitant, benignissimus Deus illum
indulset. Vere, vere quemcunque elegerit Domi-
nus, hic sanctus erit. Vix dum communem hanc
auram spiritumque vitæ teneris faucibus respi-
rabat; vix dum è matris sinu in ubera eius atque
oscula pedibus manibusq; reptabat, illum Deus
singulari sanctitatis privilegio donavit, & cœle-
stium gratiarum thesauris replevit; Etenim cum
illum primo natum ut lavaretur in balneum de-
tulissent, quid exspectatis AUDITORES, vagitum
aliquem & ad aquæ contactum horrorem? Non
erat ita imbellis infantulus Nicolaus, Risumne
ali-

aliquem & gestientis infantis exultationem? nimis parum id fuisset, stetit in balneo, & qui non dum per ætatem figere passus didicerat, firmitatis suæ prælagium & sanctitatis futuræ signum fixis in balneo pedibus confirmatoque corpore demonstravit. O pulcherrimum naturæ prodigium! ô miraculum sed admirandum! Credo iam dum infantulus medio in balneo consistens, cæteris, qui adstabant, hærentibus & attonitis calum intuens, si non voce, saltem affectu dicebat: *Spes mea ab uberibus matris meæ, in te confirmatus sum ex utero.* Nimirum qui stetit in vitæ principio per gratiam, non erat in vitæ decursu casurus à gratia. Nimirum qui ab uberibus matris suæ sanctitatis donum acceperat, non poterat quin esset in vita sanctorum omnium miraculum. Et quemadmodum ita surgentem ab oriente solem videmus, ut postea lux eius non augeatur, sed in plures atque adeo in omnes mundi partes diffundatur; ita quam recens natus sanctitatis lucem à Deo sortitus erat Nicolaus, retinuit & conservavit in vita, & qualis pueritia talis adolescentia: qualis iuventus talis senectus ipsius fuit, duntaxat autem radii illi virtutis eximie in orbem universum postea sunt diffusi, qui angustiis paternæ domus, natalisque provinciæ limitibus nequaquam continebantur. Non poterat crescere in adolescentia, qui summus erat in pueritia. Non poterat sanctior evadere, decurrente vita; qui vita incunte sanctitatis apicem attigerat. Obsecro quantus erat ille puer, qui cum de temperantia nihil adhuc audivisset, iam temperantiam colebat; abstinentiæ nomen nondum intellexerat, & iam tamen abstinens erat; jejunii rationem nondum perceperat, & iam mercurii Venerisque diebus quibus semel, idque vesperi duntaxat nutritis lac sugebat, jejunio corpus suum macerabat

Similitudo.

Latus à temperantia in pueris.

Exclamatio. O te felicem ! ô te beatam (quæcunque tandem exstitisti) tanti pueri nutricem ! Dic, amabo, quæ tibi mens tum erat, cum sanctissimum illum puerum Mercurii Venerisque diebus mane ad ubera tua invitabas, ille recusabat ? Vlnis tuis involutum retro admovebas, ille reluctabatur, risu, blanditiis & osculis sollicitabas, ille manibus ac pedibus resilliebat : quid cogitabas cum paulo post ad puerulum tuum redibas, & nihil obtinebas ? Cum medio die prudentibus omnibus nihil ipse sumebat, cum ad ubera paulo post rursus invitatus, nihil desiderabat. Quis erat autem tibi tum animus & sensus, cum expleto integri diei jejunio ineunte jam nocte puer exultans ad ubera recurrebat ? Quanto gaudio gestiebas, ô nutritrix ! quanta admiratione desigebaris, cum inauditam hanc pueri consuetudinem parentibus enarrabas ! Quas non lacrymas ipsi parentes suo gaudio permiscebant cum quod stupentes audierant in filio cernebant ; quod ignorabant pene senes, ab infantulo filioso suo discebant ? Non sunt hæc pueri, *AVDITORES*, quæ homines ipsi non possunt, vincebatur hæc Natura : non sunt hæc viri, quæ in puero adhuc tam tenello contingebant. Immo tamen sunt pueri, sed pueri ante ætatem virilis, sunt hominis, sed hominis sine virtute per gratiam divini. Profecto singulari prorsus non hominis alicuius dicam, sed ipsius Dei iudicio providentiaque factum fuit, ut tam admirabilis hic puer, quo maiorem nulla post ætas aspexit. Nicolaus, id est, populi victor, appellaretur. Vicit populos Nicolaus, sed seipsum vicit prius : Vicit populos splendore virtutis, vicit seipsum maceratione carnis : alii ipsum admirabantur & extollebant, ipse seipsū deprimebat. Sufficere posset sola Nicol. pueritia, sanctitate delibuta, divinitate plena, ut ejus admiratione percussi aliquæ ex ejus splendore

*Repetitio.**Correctio.**Laus à nomine.**Secundus locus ab a.*

scin

cincinnam comparare nobis optaremus; adole-^{dolescentia}
 scentiam tamen eius, & iuventutem, si lubet, sed ^{& iuventute}
 strictim percurramus. Nihil hic esse nimium po-
 test, ubi nulla satietas reperitur; nihil tadium
 aut fastidium excitabit. ubi admirationem con-
 tinua voluptas produxit. Quæritis igitur qualis
 adolescens Nicolaus extiterit? Omnino qualis
 puer, sanctus & divinus; quem adolescentes cum
 sanctum appellarent, virtutum omnium exem-
 plar esse fatebantur; cum divinum admirarentur ^{Lauda à sa-}
 non hominem, sed quendam in terris Deum esse ^{pietia}
 dicebant. Nullum erat sapientiæ genus, quod in-^{doctrina.}
 genii magnitudine non superaret, nulla erat sa-
 ne mentis doctrina quam non admirabili iudi-
 cio penetraret; subtilissimus in rebus arduis,
 prudentissimus in dubiis, fortissimus in pericu-^{Similiter}
 losis. Illi artes omnes & scientiæ familiares e-^{cadens:}
 rant, illi docti omnes & sapientes adolescenti ^{Distributio.}
 palmam concedebant. Agite vero, quomodo tan-
 dem tantam ad scientiam adolescens tam cito
 pervenit? Nimirum quæ res alios ad ignorantiam
 & inscitiam scopulos ruptis quasi venis impel-
 lunt, hæ Nicolaum ab incerto cursu non retar-
 darunt. Non illum cæcus hominum inutilium à
 labore ad otium revocabant; non convivia ad ^{Adinectio}
 hilaritatem, non spectacula ad voluptatem, non ^{Constrapsia}
 ludi ad delectationem; non labores ad quietem:
 postremo ieiuniis, precibus, lucubrationibus, & ^{Incrementum.}
 vigiliis quibus alii deterrentur, & exanimantur,
 ipse confirmabatur, crescebat, animabatur. Ecce
 an non illum, plusquam virum animadvertistis:
 Videte tamen virum. Profecto si à virtute virum ^{Tertius locus}
 appellamus; nescio an virum aliquem, ad virtu-^{à virili aate}
 tem ipsam Nicolaum appellem. Iudicate vos ipsi ^{Dubitatio.}
 AUDITORES, quæro enim illud à vobis, homi-^{Commun-}
 nisne esse putatis Oceano legem imponere, & ^{catio.}
 ventis imperare? Cum aliquando in Ægyptum
 sanctissimus Nicolaus nauigaret, & iam quasi ci-
 tatis

*Laus à mi-
raculis.*

*Synonima.
Disiunctio.*

Exclamatio.

tatis in pugnam ventis, gravissima tempestas excitata esset, in mari fulmina ab astris, ab imo fluctus dimicarent, omnia obscura nocte naufragium minitarentur? ille præmissis in cælum præcibus mari, ut quiesceret: ventis, ut cessarent imperavit. Quid hic dicetis? Si virum appelleris, illi tanquam cuidam in terris Deo venti obsecundabant, maria obediebant; fulmina & imbres obtemperabant. Certe plusquam vir est, cuius legem elementa audiunt, plusquam vir est, cui natura patere non recusat. An non illi tunc rursus obtemperavit, cum è palæstina in Lyciam abiens nulla pene voce concitatam in Oceano medio tempestatem sedavit? An non illum; illum non natura sed mors ipsa, divina quadam virtute potentem agnovit, cum Alexandria multi, plures alibi vita functi manus eius sanctissimæ signo, quasi quodam cælesti plectro percussi ad vitam communemque lucem redierunt? An non illi necessitas ipsa se submisit, cum eo ante templum Hierosolymitanum noctu orante clausæ ante & obseratæ fores subito patuerunt? O sanctissimum hominem, cur paruisse latantur elementa! O divinum cælestemque virum, cuius legem libenter accipit Natura, necessitas ipsa non recusat! O immortalem Nicolaum, cui mors quod abripuit, ut coacta restituit! & non talem ecclesia tam sanctum, tam admirabilem, tam divinum Antistitem optavisset? quid dico optavisset? Non optavit tantum, sed etiam quasi de cælo demissum complexa, virtutum omnium exemplar coluit, & in omni necessitate Patronum observavit. Non quærebat Nicolaus honores, sed Nicolaum honores sequebantur: latere humilitas eius cupiebat; sed latebras virtus eius nesciebat. Bone Deus quanta vis est non fictæ sanctitatis! Scio vos non ignorare, dicam tamen: Quærebat Myrrhenses Antistitem: quid dein-

deinde convenerant vicini Præfules, ut de Antistitis electione consultarent, ecce divina vox monet, ut qui primus cuius quidem nomen esset Nicolaus, mane templum ingrederetur, urbis Antistes renunciaretur. Venit ad Templum mane Nicolaus, sistitur nomen inquitur. Antistes saluta-
Creatus Antistites Myrrhufis.
 tur, & omnium applausu consecratur. Neque tamen Nicolaus hic mutatur, remanet in eo modestia cum humilitate, neque tunc quicquam sanctissimum pectus arrogantia percellit, remanet abstinentia, neque sæpius quam semel in die cibum
Honores non mutaverunt Nicolai mores.
 vesperi sumit, carnesque nunquam ad mensam admittit, remanet liberalitas, & qui antea prostituendas tres puellas dote data liberarat, plures postea iuvat, & omnium factus pater, omnia sua omnibus elargitur. O sanctissime Antistes gloriosissime Nicolae, cogor te admirari, quem eloqui digne non possum; cogor tuis in laudibus humanam
Conversio.
 vocem reprimere: qui humanam naturam tua virtute superasti. Te, cum fulgura corruscant, cum tonitrua terrent, cum tempestates desaviunt, homines invocant, & in ore nomen tuum tenetur, in corde requiescit. At te medio in mari nautæ, in iudicio innocentes, in adversitatæ miseri, opem & auxilium exspectant. Te pueri puerum jejunantem laudant, juvenes juveni divino congratulantur, virgines virginem, & virginum liberatorem extollunt. Age ergo gloria sexus omnis & ætatis Nicolæ, cape hanc infantis Oratoris vocem; & qui omnes dignatus ex auxilio in terris,
Laus à liberalitate.
Peroratio per Apostrophas.
 dignare patrociniò in cœlis?

DIXI.

*Expositio
parentum
D. Lamb.
per prateri-
tionem.*

*Laus à pie-
tate pueri
D. Lamb.*

*disimulatio
Dubitatio.*

hominum religiosissimorum millia tot ætatibus ac sæculis concurrerunt, & nunc etiam cursu indefesso currunt, Equidem filius fuit Apii viri probi & nobilissimi, natus in oppido Traiectensi. Sed lateat ille & à filii face facem suam pater accendat. Matrem habuit Heusplindem matronam integerrimam, & antiquitate familiæ, & generis nobilitate splendidissimam; sed lateat illa quoque, & à filii lumine suum lumen mutuetur. Hodie puerum deferamus sanctissimum, lateant omnia quæ eius esse non possunt. Ipse vero puer se totum, quantum quidem pro ea ætate poterat, ad divinæ maiestatis voluntatem conformavit: cuius vitæ fundamentum cum summa animi voluptate parentes eius animadvertissent, eum vix adolescentiæ spatia ingressum, quo litteris iisque optimis informaretur, B Landoaldo V Vintersho- uio viro ea tempestate & doctrina & integritate clarissimo tradiderunt; qui eum ita divinis litteris instruxit, ut reversus ad Parentes egregia pietatis & sanctitatis argumenta præbuerit, doctrinæ & eruditionis monumenta reliquerit. Fa- teor, vix excessimus è portu. Humanissimi AVDI- TORES, & iam sistitur cursus navigationis. Quid hic dicam, ubi rei magnitudo silentium deposcit? Erat puer, aut certe vix adolescens: sed animum virilem supra ætatem, ac plane divi- num gerebat. Luxum suum ei fortuna ostenta- bat? Luxus insolentiam pariebat? insolentia ho- nestatem excludebat? hæc irridens fumum esse afferebat. Deliciæ, voluptates sensus sollicita- bant? orationibus & ieiuniis comprimebat. Di- vitiarum apparatus voluntatem pertentabant? hic eos paupertate reiciebat. Pompa splendorque oculos sollicitabant? hos tanquam larvas irride- bat: videbat honorum insignia; sed inania pu- tabat: videbat ridentem Venerem, sed fletus in- strumenta esse iudicabat; videbat fastum in fastu.

au-

aurum in auro, mundum in mundo: & alta qua- *Prosopopæia*
 dam mente præditus valeat inquit, fastus mun-
 di, valeat pompa. Quid mihi cum mundo, si cœ-
 lum adest? Quid cum divitiis, si inopia succe-
 dat? Quid cum honoribus si cum iis sim repro- *Locus com-*
 bandus? Quid cum voluptatibus, si desinant in *muni de laus*
 dolores? Tu una humilitas places, una arrides: *dib. humili-*
 te unam amo, te unam ambabus ulnis amplector: *tatis.*
 te unam exosculor: quam dæmones verentur,
 quam cœlites amplectuntur: quam custodem om-
 nium virtutum, & fundamentum una animi
 sententia sapientes profitentur. Ita sanctissimus *Repetitio.*
 adolescens sentiebat, ita cogitabat, ita hæc ani-
 mo vix adolescens mente revolvebat. O admi-
 randa futuræ incredibilis Sanctitatis rudimen-
 ta! O fœlix principium! O fœlix auspiciū!
 O vere fœlix & beatus adolescens? Dicebas ô
 sanctissime Adolescens, tutelam & initium omniū
 virtutum esse humilitatem: sciebas eum spar-
 gere, qui sine humilitate colligit; non ignora-
 bas eum destruere, qui non supra humilitatem
 ædificat: iudicabas eum, qui à se repellit humi-
 litatem, etiamsi in cælo domicilium haberet,
 à Domino esse repellendum: cogitabas eum qui
 in sinu suo collocat humilitatem, etiamsi in cœ-
 no peccatorum iaceret, in sinu Dei esse collo-
 candum. O fœlicem iterum ac tertio te feli-
 cem Adolescentem, qui tuæ vitæ fundamentum
 talem virtutem, quæ est fundamentum & cu- *Exclamatio.*
 stos (ut antea diximus) omnium virtutum, esse *Laus à divi-*
 voluisti! O dulce nomen humilitatis! O virtus *tiarum con-*
 præclarissima, mundi sapientibus minime nota: *templi & be-*
 sed ab ipsa Dei sapientia mirifice commendata: *nignitate in*
 O virtus admiranda, dilecta paucis mortalibus, *pauperes.*
 Diuo Lamberto unice grata! Sed huic virtuti a- *Exclamatio.*
 liam præstantia non inferiorem adiunxit. Nun-
 tium divitiis remittebat, eas temnebas: quid-
 quid habebat in pauperes erogabat. O charita-
 tem

- Exclamatio.* tem omni sæculo deprædicandam ! Et quid obsecro non expectandum ab hoc initio fuit , in quo victoria sui difficillima triumphus de mundo gloriosissimus , perfectionis & æternitatis amor ardentissimus effulgebat ? nimirum amore divino & afflatu tanquam magnete tactus , animus ascendit ; terrena despexit ; nimirum amore divino , & afflatu tanquam sole quodam calefactum eius pectus , uberrimam omnium virtutum segetem emisit , ut omnino nihil aliud esset Lambertus in terris quam lucerna virtutis ardens , & virtus potens : ut inquam nihil aliud esset Lambertus quam lucerna ardens in Corde suo per charitatem , suis in manibus per bonorum operum exercitationem , in orbe universo per exempla virtutum . Sed memorandi Adolescentis sanctum ad Theodardum Traiectenses tum temporis apud populos Pontificiam obtinentem dignitatem usque pervenit rumor Sanctitatis . Cur ut honestatis cursum teneret , ut dignitatis atque gloriæ portum caperet , ut cum nutricis lacte moribus quam optimis imbueretur ; ut instar lapidis (dico) pretiosissimi in Regia aula multis modis expoliretur , traditur educandus . At fortassis de eo triumphum sperare potuit caro ? qui in aula Regia , ubi pompa , honor , luxus mentem animumque sollicitare titillare , & sensus subintrare solent versabatur imbellis sane & reticulus hostis in eum extitit caro , qui carnis blandimenta repudiavit , de carne ipsa iam triumphavit , illa in divitiis , in conviviiis , in lectis suas insidias struit : hic eas paupertate ieiunio , cilicio effregit , Christe bone , quot in vitæ nubibus atque procellis reperiuntur , qui flammantem rotant ensem , ipsi ab una cogitatione rotantur ? quod sunt qui ferocientes frangunt equos ipsi ab una carnis titillatione franguntur ? quot sunt qui tanquam Hercules lucem hanc suavisissimam aspiciunt , com-
- Repetitio.*
simili desinente.
- Gradatio.*
- Laus adveniens a carne & mundo.*
- Admiratio.*
Compar.
- mu-

munemque spiritum hauriunt, sed & tanquam Hercules ardoribus impurissimæ carnis comburuntur? quot sunt, qui tanquam Alexandri, imperia auctoritate, jure legibus per belle administrant ac moderantur: sed ut tanquam Alexandri uno impuro mulieris aspectu servituti mancipantur? quot sunt qui tanquam Sampsonis fortitudinem, vires, robur iactitant: sed & tanquam Sampson ab una muliere superantur? Verum abducamus ab his sermonem aliquando: ut ad alia nescio an maiora perveniamus. Quis vestrum existimat latere posse Solem, cum in fastigio meridiei pontus iacentes infra terras undequaque illustrat: non potest Humanissimi AVDITORES: nec potuit latere Divus Lambertus, cuius virtutis splendor humanam aciem perstringebat. Posteaquam autem Divus Theodericus Traiectensis Episcopus huius adolescentis director, relictis huius vitæ (quæ potius mors est appellanda) miseriis in illam sempiternam domum triumphans, ubi ævo sempiterno perfrueretur, evolasset: rogatur Divus Lambertus venire. Quid ille? an huic vel illi gratias immortales tanto de honore sibi congratulans egit an cibos exquisitissimos adferre? an mensas Articas, quibus animum suum erga Elemosinas tantæ dignitatis testificaretur, iussit extrui? nolite usquequaque AVDITORES cogitare. Quod egit igitur? Respuit: quid respuit tantum? reiecit: quid reiecit tantum? imo urgentibus sese invitum ostendit; & quibus verbis se invitum ostenderit petitis AVDITORES? se tanto munere, tanta functione indignum esse dicebat. O virum pium! & in vera humanitate fundatum! Quid vero plebs egerit cum hæc audiret fortasse rogatis: attendite obsecro, & videte quibus votis, quo desiderio, quam inaudita cupiditate plebs

*Transitio.**Similitud.**Interrogatio.**Metaphora:**Interrogatio cum dubitatione.**Subiectio.**Correctio.**Exclamatio.**Renovatio.**Audit.**Tra-*

*Prosopopæia.**Exclamatio.**Studiose di-**cta repetitio.**Incremen-
tum.**Laut à pie-
tati ardore.**Disimula-
tio ad excu-
sationem or-
nata Epizeu-
xi & prae-
ritione.*

Traiectensis prosequabatur, in eum plebeio im-
petu irruens has in voces irrupit: Lambertus civis
noster operum bonorum copia celebris Episco-
pus noster erit, velit nolit. O infiniti amoris ar-
gumentum, ô præclarissimum admirandæ sancti-
tatis signum! ô virum non Episcopali tantum, sed
Pontificali dignitate dignissimum? nimirum fu-
gentem studiosè sequuntur honores: ambitiosum
derelinquunt, nimirum hos ad sacra munera ap-
pellat Deus quos honoribus animum non apposi-
turos haud ignorat; nimirum is moderatoris uni-
versi voluntate atque providentia, qui religionis
gubernacula teneret electus est is; qui Christia-
nam pietatem tueri, religionem amplificare, divi-
na atque humana rectissime tractare noverat crea-
tus est. Qui cum ad hanc humanæ dignitatis ar-
cem toto, quod ajunt corpore atque omnibus un-
guiculis ascendisset D. Lambertus: quantopere
pietatis opera amplificare & propagare studuerit,
quis vel stylo vel voce exprimat? Hic, hic non Iso-
cratis jucunditate, non Lyfiæ subtilitate, non Hy-
peridis, non Æschinis sonitu, non Demosthenis,
non Ciceronis; sed divina potius opus esset elo-
quentia (& flumine dicendi) quæ nunquam ante
hac audita, nunquam elata, nunquam excogitata
fuiſſet. Singulis diebus in templo summa qua va-
lebat eloquentia populum ad cœlestia meditanda
provocabat: plurima in egenos & pauperes eroga-
bat, omnes admonebat sui officii: universos do-
ctrina salutari atq; exemplis informabat, plurima
miracula in lucem edebat: cujus virtutis & san-
ctitatis fama sese & longe & late diffundens: ut
nullus esset tam ab omni hominum consortio re-
motus in terris locus, quo non hujus præstantissi-
mi Viri peruasisset; ad Childericum Galliæ Regem
pervenit, atq; ita pervenit, ut Rex Divum Lamber-
tum summo honore affecerit, & suis omnibus a-
mi-

amicis eum præposuerit. O vere fortunatus & fœ- *Apostrophe*
 lix fuisti Rex Childerice, quod tanti Præsulis ius- *ad Regem.*
 sis parueris! O vere fortunatus & fœlix tuus exer- *Sententiosè*
 citus, qui à tanto Præsule dirigebatur! sed indi- *dicta.*
 gnor, imo commoveor AUDITORES: nunquam
 magni sine invidis, nunquam boni sine insidiis. *Subiectio*
 Ecce Rex contrucidatur, ecce eo contrucidato, *oculis mortis*
 maxima invidiæ pestis nefandissimæ subito in piis- *regia.*
 simum Iesu Christi, mortis domitoris, orbis re-
 paratoris, servum Lambertum concitatur. Ecce
 invidia invidorum inimicorum magis ac magis
 grassante, tandem summa injuria & justitiæ & pu- *Admiratio*
 blicæ libertatis defensor sua à sede, proh dolor, ex- *cum exclamazione,*
 turbatur. O pestem post hominum memoriam in-
 auditam! O intolerabilem! exturbatus est Præsul?
 & quis? Præsul? nonne Christianorum naufrago-
 rum portus? consilii pontus? pietatis promonto-
 rium? Doctrinæ litus? virtutum omnium ocea- *Interrogatio.*
 nus: & à quo exturbatus est? nonne ab Eburonio
 homine omnium scelerum ex colluvione nato?
 nonne tyranno immanissimo? ô dolor! expelli-
 tur Divus Lambertus: quam ob causam? an quia
 continuis concionibus distentus erat? an quia ob-
 stupefcente natura miracula edebat? an quia san-
 ctissimam vitam traducebat? Cur igitur ô Invidia *Apostrophe*
 tu, Divum Lambertum expulisti, ubi eos quorum *ad invidiam*
 animos invaferas ac occuparas, hominum generis
 inimicissimus hostis suis laqueis & expansis reti-
 bus decepisset? Quid tu bellua tandem effecisti?
 Divum Lambertum expuli. Quid inde? arbitra- *Interrupta*
 baris eum ense, quo injuriam ulcisceretur, in- *protopopæia.*
 solitumque apparatus instructurum? plus in eo
 patientia valebat, existimabas eum nonnullos sub *Subiectio.*
 ornaturum; ut in statum pristinum rediret? plus
 bonorum contemptus, & cœlestiū memoria in eo
 requirebat. At in illud cœnobium tetendit, in quo
 extremus ordine fuit, & hoc eius humilitas postu-
 labat.

Exclamatio. labat. O hostis imbellis, & parum erga sanctum
 vaser! in eo cœnobio moderator universi D. Lam-
 bertii sanctitatem manifestavit. Quomodo ma-
 nifestarit peritis **AVDITORES**. Cum quadam
 nocte Divus Lambertus cum fratribus in eodem
 conclavi dormiret visum ei fuit è strato proflire,
 quo attentius Deum diuturnè veneraretur: Ve-
 rum calceorum alter fortuito casu è manibus la-
 psus fratrum quietem intesturbavit: nec mora.
 Pater Cœnobii delicti patrati expiandi gratia eum
 ad crucem sub dio collocatam, quanquam frigi-
 dissima æra foret, orare jubet. Quid D. Lam-
 bertus: an patris nutum observare recusavit?
Subiectio. plus apud eum obedientia valebat. An latui,
 vel dissimulavit? pluris veritatis partis ipse facie-
 bat. Quid egit igitur: indutus unico cilicio nocte
 illa frigidissima, & multa glacie & gelu asperrima
 patris voluntati morem gerens sub cruce stetit,
 & stante sacrosanctæ Trinitatis hostia divinitus
 subito importuni gallorum cantus tempus soli-
 tum anteverterunt. Surrexere fratres itaque, &
 perfecto officio ignem, quo frigoris acerrimi in-
 juriâ propulsarent, instruere voluere: quos cum
 singulos Cœnobii Abbas contemplaretur, anim-
 advertit Divum Lambertum abesse, cui interro-
 ganti ubinam esset, respondere fratres eum esse
 iussum se sub crucem recipere. Tum Abbas ad-
 miratione perculsus una cum fratribus singulis
 ad pedes D. Lambertii prostratus, ignosce, inquit,
 ignosce. Venerabilis Præses, miserere turbe do-
 lentis, eique venia dare ne dedigneris, quibus D.
 Episcopus ait: ne quæso fratres charissimi sic lo-
 quamini, surgite, ocyus, surgite, & meis potius
 erratis ignoscite. Quid obstupescitis **B. A V D I-
 T O R E S**? Fratremne cœnobii ad pedes D. Lam-
 bertii abiectum? viderat, viderat beati beatam
Epizeuxis. sole fulgentius resplendere faciem. O virtutem
 omni laude condecorandam! quam ad explo-

randam permotus fuit moderator universi. Sed *Exclamatio.*
ad te redeo, ô Dæmon omnium incendiorum *Apostrophe*
fax, eiecisse te iactitas Divum Lambertum sua è *addemonem*
sede? sed in eam Deo fauente tanta, tanta omni- *Metaphora.*
um lætitia, quanto cum luctu solum verterat,
redivit. Itaque pristina dignitate ornatus, mul-
to magis sanctitatis suæ opera auxit, suos inde-
fesso studio erudiit: nec satis, neque eius in-
gens fervor ad Thaxandros profectus est, quos par-
tim ita eloquentia, partim patientia ad Catholi-
corum fidem convertit; nec satis, neque arden-
tissimus iustitiæ fervor eius, Pipinum Regem
Franciæ, quod repudiata uxor pellicem comple-
cteretur, dissimulantibus fere cæteris Episcopis, *Repetitio.*
pro zelo domus Dei ferre non potuit: sed cum
opportune & importune arguere & increpare
cœpit, atque ita increpavit, ut Regem à pel-
licis amore revocarit. Quod cum animadverteret
maligna mulier, fratrem suum, qui afflatu diabo-
lico actus nil cogitabat, nil moliebatur, nil mi-
nabatur nisi mortem D. Lamberti, ad communem
spiritum ei eripiendum concitavit. Quo institu-
to, tyrannus ille sceleratissimus, ac quasi bestia
quædam immanissima, quæ odio religionis sem-
per exarsit, D. Lambertum expansis instar cruci-
fixi brachiis ante altare SS. martyrum Cosmæ &
Damiani gladio traiecit. O facinus execrandum? *Martirium.*
O audaciam intolerandam! Itane hic, qui à puero, *D. Lambert.*
vitæ candorem amplexus. Vir sapientissimus, hu-
millimus, piissimus, (omnia uno ut verbo absol-
vam) virtutem thesaurus manibus sceleratissimi
hominis expirare debuit? quanquam quid homi-
nem appello? qui si homo fuisset, non ita summa
tyrannide, & sine causa hominis vitam petisset!
O monstrum! ita omnem humanitatem exue- *Correctio.*
ras, ita belluarum quædam feritas totum ani- *Traductio*
mum occuparat: ita sine sensu, sine animo, totus *Exclamatio.*
inquam ferreuseras, ut innocentissimi sanguine

BARTHOLOMÆI BACHVSII

LOVANIENSIS.

ORATIO.

In Laudem D. NICOLAI.

R Eceptum est apud Oratores illos è schola *Exordium*
 politos. *Ornatissimi Domini, iuvenes bene amore ora-*
nati, ut cum gravem aliquam dicendi *torum.*
 provinciam, cui impares sese arbitrantur,
 susceperunt, nuncupatis mox votis oratio-
 nem aliquam vel Ciceronis floribus conspersam,
 vel Isocratis suavitatem iucundam, vel Demosthe-
 nis robore nervisque invictam, cum ad aures au-
 dientium deliniendas, tum ad animos vi quadam
 percellendos à Deo ter Optimo, maximo concedi
 precentur. Quam quidem consuetudinem ho-
 dierna die libenter apud vos, & ex hoc loco ad
 dicendum ornatissimo persecutus fuisssem, si il-
 lum cui vocem hanc promptæ voluntatis, & hunc
 effectum concitata pietatis consecravi, ullo po-
 litæ orationis officio potius quam decora famu-
 lantis affectus modestia delectari, putavisssem.
 Dicendum est de beatissimi gloriosissimique Ni-
 colai laudibus, cuius vitam cum humilitatis sta-
 bilierit, modestia conformavit, virginitas deco-
 rarit, si fucatos pictæ cuiusdam eloquentiæ colo-
 res adhibuero, non placebo; si fulminantis di-
 ctionis tonitrua vibrauero, parum agere decore
 videbor, qui tanti Divi virtutem omni eloquen-
 tia maiorem augere vel illustrare saltem oratio-
 ne contendam. Non, non faciam, neque unquam
 accensa face solem vobis ostendam, sed protenso
 tantum digito demonstrabo; solem, inquam,
 illum Sanctorum Nicolaum, electum ab voto,

Proposito.

E. 3.

san-

Censilatio.

sanctum à puero, iuvenum gloriam, senum reverentiam, sacerdotum honorem, Pontificū splendorem. Date vos mihi veniam AUDITORES, si titillantibus verbis vestris aurib. non adblandiar; non vult Nicolaus, qui nos suæ pueritiæ virtute delectabit. Ignoscite si non ad motis elo-

*Cum excusa
tione.**Oratorii.*

quentiæ machinis vestros animos oppugnem; prohibet Nicolaus, qui nos adolescentiæ suæ splendore attonitos percellit: excusare, si tanto sub onere deficiam, & his laudibus nequaquam par existam; in causa est Nicolai vita, quam admirari licet, exornare dicendo nemo potest. Incipiamus igitur à puero puerum ipsum cognoscere, & primas pueritiæ cunas evoluamus. Christe bone! quid assecuturum dicendo me sperem, aut quomodo laudationis huius navim in portu sistam, cuius vela cum vix explicarim, teneræ huius ætatis virtutibus tanquam scopulis quibusdam deterreor? Nam contineo vocem quin at-

*Confirmatio.**Primus locus**apertus.*

tonitus exclamem: Domine pervenisti cum in benedictionibus dulcedinis. Fuit Nicolaus hic noster gemituum filius & orationum, quem cum pater producere per ætatem, mater concipere per sterilitatem non posset, utriusque sanctitati, dum assiduis precibus divinæ maiestatis Beni-

Allegoria.

gnitatem sollicitant, benignissimus Deus illum indulgit. Vere, vere quemcunque elegerit Dominus, hic sanctus erit. Vix dum communem hanc auram spiritumque vitæ teneris faucibus respirabat: vix dum è matris sinu in ubera eius atque oscula pedibus manibusq; reptabat, illum Deus singulari sanctitatis privilegio donavit, & cœlestium gratiarum thesauris replevit; Etenim cum illum primo natum ut lavaretur in balneum detulissent, quid exspectatis AUDITORES, vagitum

*Puer singu-**lari gratia**divinitus il-**lustratus.*

aliquem & ad aquæ contactum horrorem? Non erat ita imbellis infantulus Nicolaus, Rixumne

*Sustentatio.**Puer stetit**in balneo.*

ali-

aliquem & gestientis infantia exultationem? nimis parum id fuisset, stetit in balneo, & qui non dum per aetatem figere passus didicerat, firmitatis suae praesagium & sanctitatis futurae signum fixis in balneo pedibus confirmatoque corpore demonstravit. O pulcherrimum naturae prodigium! ô miraculum sed admirandum! Credo iam dum infantulus medio in balneo consistens, cæteris, qui adstabant, hærentibus & attonitis cælum intuens, si non voce, saltem affectu dicebat: *Spes mea ab uberibus matris meae, in te confirmatus sum ex utero.* Nimirum qui stetit in vitæ principio per gratiam, non erat in vitæ decursu casurus à gratia. Nimirum qui ab uberibus matris suae sanctitatis donum acceperat, non poterat quin esset in vita sanctorum omnium miraculum. Et quemadmodum ita surgentem ab oriente solem videmus, ut postea lux eius non augeatur, sed in plures atque adeo in omnes mundi partes diffundatur; ita quam recens natus sanctitatis lucem à Deo sortitus erat Nicolaus, retinuit & conservavit in vita, & qualis pueritia talis adolescentia: qualis iuventus talis senectus ipsius fuit, duntaxat autem radii illi virtutis eximia in orbem universum postea sunt diffusi, qui angustiis paternae domus, natalisque provinciae limitibus nequaquam continebantur. Non poterat crescere in adolescentia, qui summus erat in pueritia. Non poterat sanctior evadere, decurrente vita; qui vita ineunte sanctitatis apicem attigerat. Obsecro quantus erat ille puer, qui cum de temperantia nihil adhuc audivisset, iam temperantiam colebat; abstinentiae nomen nondum intellexerat, & iam tamen abstinens erat; jejunii rationem nondum perceperat, & iam mercurii Venerisque diebus quibus semel, idque vespere duntaxat nutricis lac sugebat, jejunio corpus suum macerabat.

Similitudo.

Laus à temperantia in pueris.

Exclamatio. O te felicem! ô te beatam (quæcunque tandem exstitisti) tanti pueri nutricem! Dic, amabo, quæ

Apostrophè. tibi mens tum erat, cum sanctissimum illum puerum Mercurii Venerisque diebus mane ad ubera tua invitabas, ille recusabat? Vinis tuis involutum retto admovebas, ille reluctabatur, risu, blanditiis & osculis sollicitabas, ille manibus ac pedibus resilliebat: quid cogitabas cum paulo post ad puerulum tuum redibas, & nihil obtinebas? Cum medio die prandentibus omnibus nihil ipse sumebat, cum ad ubera paulo post rursus invitatus, nihil desiderabat. Quis erat autem tibi tum animus & sensus, cum expleto integri diei jejunio ineunte jam nocte puer exulans ad ubera recurrebat? Quanto gaudio gestiebas, ô nutrix! quanta admiratione defigebaris, cum inauditam hanc pueri consuetudinem parentibus enarrabas! Quas non lacrymas ipsi parentes suo gaudio permiscebant cum quod stupentes audierant in filio cernebant; quod ignorabant pene senes, ab infantulo filioso suo discebant? Non sunt hæc pueri, AUDITORES, quæ homines ipsi non possunt, vincebatur hæc Natura: non sunt hæc viri, quæ in puero adhuc tam tenello contingebant. Immo tamen sunt pueri, sed pueri ante ætatem virilis, sunt hominis, sed hominis sine virtute per gratiam divini: Profecto singulari prorsus non hominis alicuius dicam, sed ipsius Dei iudicio providentiaque factum fuit, ut tam admirabilis hic puer, quo maiorem nulla post ætas aspexit. Nicolaus, id est, populi victor, appellaretur. Vicit populos Nicolaus, sed seipsum vicit prius: Vicit populos splendore virtutis, vicit seipsum maceratione carnis: alii ipsum admirabantur & extollebant, ipse seipsū deprimebat. Sufficere posset sola Nicol. pueritia. sanctitate delibuta, divinitate plena; ut ejus admiratione percussus aliquæ ex ejus splendore

Repetitio.

Correctio.

Laus à nomine.

Secundus locus ab a.

scin

cintillam comparare nobis optaremus; adole-^{dolescentia}
 scentiam tamen eius, & iuventutem, si lubet, sed ^{& iuventute}
 strictim percurramus. Nihil hic esse nimium po-
 test, ubi nulla satietas reperitur; nihil tedium
 aut fastidium excitabit. ubi admirationem con-
 tinuè voluptas produxit. Quæritis igitur qualis
 adolescens Nicolaus extiterit? Omnino qualis
 puer, sanctus & divinus; quem adolescentes cum
 sanctum appellarent, virtutum omnium exem-
 plar esse fatebantur; cum divinum admirarentur ^{Laud à sa-}
 non hominem, sed quendam in terris Deum esse ^{pietia} &
 dicebant. Nullum erat sapientiæ genus, quod in-^{doctrina}
 genii magnitudine non superaret, nulla erat sa-
 ne mentis doctrina quam non admirabili iudi-
 cio penetraret; subtilissimus in rebus arduis,
 prudentissimus in dubiis, fortissimus in pericu-^{Similiter}
 losis. Illi artes omnes & scientiæ familiares e-^{cadens}
 rant, illi docti omnes & sapientes adolescenti ^{Distributio}
 palmam concedebant. Agite vero, quomodo tan-
 dem tantam ad scientiam adolescens tam cito
 pervenit? Nimirum quæ res alios ad ignorantiam
 & incitiæ scopulos ruptis quasi venis impel-
 lunt, hæ Nicolaum à incæpto cursu non retar-
 darunt. Non illum cæcus hominum inutilium à
 labore ad otium revocabant; non convivia ad ^{Adinfectio}
 hilaritatem, non spectacula ad voluptatem, non ^{Contrapositio}
 ludi ad delectationem; non labores ad quietem:
 postremo ieiuniis, precibus, lucubrationibus, & ^{Incrementum}
 vigiliis quibus alii deterrentur, & exanimantur,
 ipse confirmabatur, crescebat, animabatur. Ecce
 an non illum, plusquam virum animadvertistis:
 Videte tamen virum. Profecto si à virtute virum ^{Tertius locus}
 appellamus; nescio an virum aliquem, ad virtu-^{à virili aetate}
 tem ipsam Nicolaum appellem. Iudicate vos ipsi ^{Dubitatio}
 AUDITORES, quæro enim illud à vobis, homi-^{Communio}
 nisne esse putatis Oceano legem imponere, & ^{catio}
 ventis imperare? Cum aliquando in Ægyptum
 sanctissimus Nicolaus nauigaret, & iam quasi ci-
 tatis

*Laus à mi-
raculis.*

*Synonima.
Dissimulatio.*

Exclamatio.

tatis in pugnam ventis, gravissima tempestas excitata esset, in mari fulmina ab astris, ab imo fluctus dimicarent, omnia obscura nocte naufragium minitarentur? ille præmissis in cœlum præcibus mari, ut quiesceret: ventis, ut cessarent imperavit. Quid hic dicetis? Si virum appelleretis, illi tanquam cuidam in terris Deo venti obsecundabant, maria obediebant; fulmina & imbres obtemperabant. Certe plusquam vir est, cuius legem elementa audiunt, plusquam vir est, cui natura patere non recusat. An non illi tunc rursus obtemperavit, cum è palæstina in Lyciam abiens nulla pene voce concitatam in Oceano medio tempestatem sedavit? An non illum, illum non natura sed mors ipsa, divina quadam virtute potentem agnovit, cum Alexandria multi, plures alibi vitæ functi manus eius sanctissimæ signo, quasi quodam cælesti plectro percussi ad vitam communemque lucem redierunt? An non illi necessitas ipsa se submisit, cum eo ante templum Hierosolymitanum noctu orante clausæ ante & obseratæ fores subito patuerunt? O sanctissimum hominem, cur paruisse latantur elementa! O divinum cœlestemque virum, cuius legem libenter accipit Natura, necessitas ipsa non recusat! O immortalem Nicolaum, cui mors quod abripuit, ut coacta restituit! & non talem ecclesia tam sanctum, tam admirabilem, tam divinum Antistitem optavisset? quid dico optavisset? Non optavit tantum, sed etiam quasi de cœlo demissum complexa, virtutum omnium exemplar coluit, & in omni necessitate Patronum observavit. Non quærebat Nicolaus honores, sed Nicolaum honores sequebantur: latere humilitas eius cupiebat; sed latebras virtus eius nesciebat. Bone Deus quanta vis est non fictæ sanctitatis! Scio vos non ignorare, dicam tamen: Quærebat Myrrhenses Antistitem: quid dein-

deinde convenerant vicini Præsules, ut de Anti-
 stitis electione consultarent, ecce divina vox mo-
 net, ut qui primus cuius quidem nomen esset Ni-
 colaus, mane templum ingrederetur, urbis Anti-
 stites renunciaretur. Venit ad Templum mane Ni-
 colaus, sistitur nomen inquitur, Antistites saluta-
 tur, & omnium applausu consecratur. Neque ta-
 men Nicolaus hic mutatur, remanet in eo mode-
 stia cum humilitate, neque tunc quicquam san-
 ctissimum pectus arrogantia percellit, remanet ab-
 stinentia, neque sapius quam semel in die cibum
 vesperi sumit, carnesque nunquam ad mensam
 admittit, remanet liberalitas, & qui antea prosti-
 tuendas tres puellas dote data liberarat, plures po-
 stea iuvat, & omnium factus pater, omnia sua om-
 nibus elargitur. O sanctissime Antistites gloriosissi-
 me Nicolae, cogor te admirari, quem eloqui digne
 non possum; cogor tuis in laudibus humanam
 vocem reprimere; qui humanam naturam tua vir-
 tute superasti. Te, cum fulgura corruscant, cum
 tonitrua terrent, cum tempestates desaviunt, ho-
 mines invocant, & in ore nomen tuum tenetur, in
 corde requiescit. At te medio in mari nauta, in ju-
 dicio innocentes, in adversitate miseri, opem &
 auxilium exspectant. Te pueri puerum jejunan-
 tem laudant, juvenes juveni divino congratulan-
 tur, virgines virginem, & virginum liberatorem
 extollunt. Age ergo gloria sexus omnis & ætatis
 Nicolæ, cape hanc infantis Oratoris vocem; &
 qui omnes dignatus ex auxilio in terris,
 dignare patrocinio in cœlis?

DIXI.

egam, si mecum vestrum illum in attentione summa favorem sensero ad laborare. Ita vero cursum omnem instituiam, ut tres ad metas decurram, doceam imprimis corporibus ebrietatem nocere deinde mores evertere ac pessumdare, postremo religione omnem ac fidem labefactare. Nolo tamen expectetis, AUDITORES ut hominem vino plenum ac ebriosum vobis tanquam in theatro representem; quid enim attinet oris illum foetorem, incessus titubationem, gestus improbitatem, quidvis loquendi temeritatem, importunas corporis sordes, ceteram illuviem oculis subiicere, à qua vel auribus abhorremus? lateant ista in illis bacchantium hominum ingurgitationibus adeo portentosis, ut corpora instar utrius aut canalium potius perennium potu fluant. Illud dico, plures ac difficiliore animi corporisque morbos ebrietas, & illa immoderata potatio hominibus inducit, quam quisquam unquam medicorum excogitavit. Hinc phrenesis periculosissima, hinc calculi poena gravissima, hinc eruditae exitiales, hinc viscerum inflammatio intolerabilis; hinc concreti terracesque vapores cerebrum obidentes, hinc partium in corpore vitalium obstructions; per eam lippitudo, narium coriza, foeditus halitus; per eam capitis distillationes, foedis creatus ac tussis, morbi articulares & apoplexia, per eam oculorum caligo, vertigo, suffusio. Illa robur, & virtutem naturalem enervat, infirmitatem generat, mortem inducit, & ut omnia verbo uno complectar; corpus humanum foedissimam turpissimum humorum cloacam & abominandam nefandissimorum vitiorum sentinam facit. Etenim quemadmodum fieri videmus, ut post grandem diurnamque pluviarum tempestatem qua terra confunditur & in lutum resolvitur, vermes in agris ac serpentes enascantur, tota ipsa terra

Paralel.

*Descriptio
morum &
sordium
ebriosi per
præteritionem.*

*Prima pars
de nocu-
mentis qua ebrietas affert
corpori.*

*Amplificatio
per enumerationem
nocu-
mentorum.*

Repetitio.

*Illustratio
per similitudinem.*

quædam esse palus videatur : ita cum abundantiori potu inebriata sunt humana corpora, & per illas vastissimas ardentium faucium cloacas commestationes; inundarunt, lutum quoddam fit caro, & in sentinam conversa foetores exhalat, culturam non admittit vermes ac serpentes vitiorum producit. Usque adeo non satis est subvertisse sensus & valetudinem submersisse, non satis est calicibus epotandis mentis aciem graviter hebetasse, rerum omnium oblivionem, memoriæ mortem invexisse, vires omnes ac robur corporis labefactavisse; sed etiam obsidet hoc monstrum atque infestat animam, inque ipso computationes furore moribus antea sublatis contrucidat. Est vere, est ebrietas flagitiorum omnium mater, radix criminum, origo vitiorum, tempestas linguæ, procella corporis, naufragium castitatis, amissio temporis, insania voluntaria, languor ignominiosus, turpitudine morum, dedecus vitæ, honestatis infamia, animæ corruptela. Est, est, inquam, ebrietas voluntaria rabies, & ultro hostis invitatus, honestatis omnis illecebra, & pudoris iniuria, per quam non peccatum facit homo, sed ipse totus est peccatum. Videtis Auditores, eo iam sermonem nostrum decurrisse, ut cum ebrietatem docuerim gravissimis morbis humana corpora infestare, accedam ad mores, quos aut optimos pervertit, aut perversissimos inducit. Atque ut quo contendo, perveniam, non quæ ebrietatem sequuntur commemoro, familiarium afflictiones, liberorum neglectus, creditorum fraudationes, furta latrocinia, vastitates; non dico quam multos hodie videamus, amplissimarum familiarum opes magno parentum amicorumque labore comparatas, ut suæ tantum iniurgitationi satisfaciant, nec illud cesser diluvium computationum vilissimo precio divendere, & ut cum Diogene dicam Cynico, ex crapula-

do-

Amplificatio à definitionibus conglabatis.

Transitio.

Secunda pars à corruptione morum.

Amplificatio à consequentibus per præteritionem.

domos, fundos, patrimonia evomere. Parum esset tametsi deplorandum vilium facultatum iacturam facere, si non etiam morum accederet detrimentum.

Vides ut pallidus omnis

Cœna desurgat dubiacum corpus onustum

*Hesternis vitiis animum quoque pragrauat
una*

Atq; affigit humo diuina particulam ara?

Omnino nullum est vitium, quod in mores non ebrietas inducat: fortem, ignauum reddit; temperantem lascivum facit; prudentem fatuum nec relinquit; iustum, iniquum constituit. Nescit ebrietas modestia, pudorem ignorat, castitatem extinguit. Illa promptitudinem ad iram & querelas, celerem ac repentinam animi ad omnia mutationem, strepitum & tumultum, facilem ad dolos fraudesque deductionem apportat. Illa præceps ad omnem impuritatem atque intemperantiam ruit, naturæ leges in sexu non obseruat, & in mare foeminam, in foemina marem perquirat. Vnde Divus Hieronymus; Nunquam ego, Castum, inquit, ebrium putabo. Et bene Tertullianus ebrietatem scortationis comitem appellat, Augustinus naufragium castitatis, Horatius Craterem Veneris sodalem, Apuleius lagenam Veneris gladiatoris ante cenam. Vinum lac Veneris & incendium esse Poetæ dicunt. In hoc ebrietatis lacu desideriorum impurissimorum venti Iuventutis, imo etiam senectutis extremæ cymbam consurgentibus cogitationum Veneriarum undis miserrime demergunt. In hac ebrietatis cloaca foedissimis luxuriæ sordibus modestia cum pudore suffocatur. O monstrum! O portentum ebrietas! ô non amabilis, sed abominabilis insania! per te adolescentiæ pudor in lasciuiam commutatur, per te iuventutis

*Similiter
desinens.*

*Amplificatio
ab enumeratione
vitiis
quibus ebrietas
mores
corrumpit.*

Testimonia.

Allegoria.

*Exclamatio
Agnominatio.*

*Contentio &
apostrophe.*

*Ebrietas ho-
mines immu-
tat.*

Distributio.

*Probatio
ab exemplis.*

Præteritio.

robur in mollitiem convertitur, per te senectutis
virtus in luxuriæ languorem transformatur.
Quam multi sæpe sunt adolescentes modesti, ve-
recundi, sanctitate quadam integri? at ubi re de-
gustauerunt impendentes, dissoluti, luxuriosi
fiunt. Quam multi natura mites sunt & conti-
nentes? at ubi illos invasisti, & in animos per
fauces eorum intravisti, efferati fiunt, ac crude-
les. Tu oculos aut impudicitiam, aut crudelita-
tem inflectis; tu linguam obscænis verbis ar-
mas, tu manus armis instruis, tu animum scele-
rum omnium cogitatione reple. Omnium fla-
gitiorum vere mater ebrietas! perfectus vir erat
Noë, per ebrietatem nudatus in tabernaculo suo
procubuit. Permanerat Lothi illæsus inter Sodo-
mitas facinorosissimos: per ebrietatem gemino
se conscclerauit incestu. Mille Philistæis fortior
Sampson erat: per ebrietatem meretricio palpe
inter hostium manus est revinctus. Temulentus
erat Holofernes; una mulier, una vidua Iudith ei
caput à ceruice resecurit. Conuiuabantur filii Iob,
& comportabant, ecce tandem ruina domus op-
pressi fuerunt. Finem nunquam inveniam, si per-
sequi singula contendam. Si dicam de Philagen-
sibus, quos temulentia timidos & imbecilles ef-
fecit. Si Tyrinthios & Argiuos producam, qui
inter pocula pugnaces & strenui, in campis &
præliis fortiter fugitivi fuerunt. Si Arietorum
meminero, qui indies singulos inebriari epula-
rique soliti, Celtarum effecti sunt vestigales.
Si Alexandrum Magnum exhibeam, qui Clytium
charissimum sibi ac fidelissimum inter epulas
transfodit, & intellecto facinore mori voluit,
certe debuit. Nimirum quem tot itinera, tot præ-
lia, tot hyemes, per quas iuxta temporum, loco-
rumque difficultates transfierat, tot flumina ex
ignoto cadentia, tot maria tutum dimiserunt, in-
temperantia bibendi, & ille Herculæus ac fara-
lis

lis Scyphus sepelivit. Sed obstupeſcite & alius ſenſibus imprimite quod dicam, & quod olim, cum diceret qui refert Auguſtinus, ſæminas & infantes congregari præcepit. Erat Cyrillus quidam civis præclariffimus, & ab omnibus fere dilectus, cum die quadam ſeſe nimio potu ingurgitaſſet, ut ebrius & ameneſſet, matrem prægnantem nequiter oppreſſit, ſororem violare voluit, patrem occidit, ſorores alias duas ad mortem vulneravit. O quam vere dixiſti beatiffime Chryſoſtome, ubi ebrietas, ibi diabolus. Vere, vere hic non homo, ſed dæmon quidam erat, quem in talem tam atrocem, tam horrendam ſtragem ebrietas armavit. Quid de illis dicam, quos ita de mentis ac iudicii ſtatu deturbat ebrietas, ut ſuas animas ac ſe totos dæmoni conſecrent ac devoveant, imo etiam vendant? quid illos hic ſtaruam, qui ſurgentes à potu ſis furente libidine in maſculos, in beſtias turpitudinem ſuam effundunt? quid eorum recordabor, qui poſteaquam ſeſe ingurgitaverunt in mutua vulnera ruunt, & ebrii miſere miſeriores animam exhalant? Non ſo recordari tantæ turpitudinis, & jam pudet, ad tantorum ſcelerum commemorationem non ſatis erubere, videte nunc **AVDITORES**, an non etiam, quod poſtremum dicendum erat, religionem ac fidem ebrietas labefactet, neque enim ſine ratione celeberrimus Eccleſiæ Antiſtes Ambroſius ebrietatem perfidiæ matrem appellat. Quid eſt obſecro, quod Iſraelitas reſiſto Deo tam amante tam munifico ad vituli adorationem adduxit? ſi patrum auctoritati credamus, ebrietas. Quid eſt quod Baltazar illum Regem Babyloniæ concitavit, ut inter pocula ſacris è Iudæorum templo vaſis impiiffime nefandiſſimeque abuteretur? Nimirum monſtrum hoc tam horrendum ebrietas. Ita ſubdolus, verſutusque Dæmon cultum ſuum ebrietate condit, & de cultu ſuo ſem.

Exemplum in audito crudelitatis per ebrietatem.

Amplificatio ab effectibus aliis.

Tertia pars de everſione religionis & fidei per ebrietatem.

Probatio & amplificatio ab exemplis.

Complexio.

Amor Indotum.

Peroratio.

Repetitio figurata.

Adhortatio.

semper aliquid addit ebrietati, ut verissimum sit, quod verissime Sapiens affirmavit : Vinum & mulieres apostatare faciunt etiam sapientes. Experientissimi morum Indicorum pro certo confirmant, nullam esse paulo celebriorem computationem, nullas vigilias statas, quin peculiari superstitionis & sacrilegii genere imbuantur, huiusque sceleris observata tanta calliditas est, ut non aliter iam antiquum suum errorem tueantur, quam per solemniū computationum occasionem. Quamquam quem prosequi sine horrore sermonem non possum, abrumpo : & vos, AUDITORES, extrema hac oratione compello. Amare monstrum illud possētis, quod tantā perniciē corpus vestrum infestat ? bene renuitis. Illam pestem morum, & omnis honestatis expugnatricem amplecti velle- tis ? satis est, exhorruistis, non vultis. Illum fidei hostem, religionis everforem, illud, illud porten- tum, quod abducit à Deo, & apostatare prudentes facit, ore vestro, stomacho, exciperetis ? rectissime statuitis ; nunquam, nunquam sint Bacchana- lia, sint Orgia, sint Cybelia, sint Lupercalia, pro- fecto nullum est peccandi tempus : volitent, bacchentur, insaniant, qui perire volunt ; certe qui honesti sunt, nunquam ad insaniam illam li- bertatem & liberam insaniam descendent. Sonet in auribus perpetuo vox illa Sapientis : Noli esse in conviviis potatorum, nec in comestationibus eorum. Sonet iterum in auribus vox illa, sed alia Sapientis minitantis : Vae, vae, qui potentes estis ad bibendum vinum, & viri fortes ad mi- scendam ebrietatem. Nempe est hoc efficacis- simum antidotum, tragicos exitus ebriosorum per horrescere, & increpantis Dei tubam feriatīs auribus audire, venturum aliquando iudiciū animo suo repraesentare. Dicam cum Hierony- mo & concludam, difficile imo impossibile est, ut

præ-

presentibus quis & futuris fruatur bonis, ut hic mentem & illic impleat, & de delitiis transeat ad delitias, DIXI.

ALEXANDRI LAHODOVSKI
Equitis Poloni,
PANEGRICVS

SIGISMUNDO III. POLONIÆ
Sueciæq; Regi potentissimo
scriptus.

Maiestatem aliquam & Augustam Regii Nominis Celsitudinem styli officio designare, facundiaque tanquam publico Præconæ Monarchæ alicuius virtutes in illustri hominum omnium Theatro ad sempiternam Posteritatis memoriam commendare, si quis arduum esse non putet, is omnium recte sentientium iudicio & temerarius, & impudens & stultus est existimandus. Nam si ita comparatum est, ut fulgentissimum solem intuentes cæcutiamus, dum ipsa oculorum acies nimia claritate perstringitur; & de Divina Maiestate cogitantes, animo confundamur, dum ipsa intelligendi vis susceptæ considerationis sublimitate percellitur; profecto fieri non potest, quin debilitari nimio quodam pondere conatum suum is intelligat, qui Regis alicuius ac vere laudari Regis gloriosum Nomen ac virtutem sæculo suo suspiciendam stylo suo subilcere contendit: Quid enim obsecro sunt Reges aliud, quam Dei quidam in terris & Hominum Arbitri hominibus omnibus maiores, Deo solo minores? In his Divina illa Maiestas quendam suæ sublimitatis radium

*Exordium
à difficultate
argumenti.*

Similitudo,

*Dignitas
Regum.*

*Conciliatio
per apostro-
phen.*

voluit elucere, ut populorum veneratio iam tum in terris per eos sibi repræsentaret, quod in Cœlo adoraret. A Deo ipsi sunt beneficio, gubernant auxilio, incolumes persistunt favore: Vnde si sancti sint, Deoque, quantum fas est, simillimi, præstantissimum ac pulcherrimum Dei munus existunt. Atque hinc est, SIGISMVNDE REX INVICTISSIME, quod dum ego has styli primitias Maiestati Tuæ consecrare, atque eam ipsam Maiestatem Tuam in dictionis nostræ argumentum trahere verecundo conatu præsumo, concutiar animo, perstringat, confundat. Concutit animi argumenti difficultas, perstringit Maiestatis obiectæ radius, confundit Virtutis inusitatæ sublimitas. Ita fit, ut te amare & admirari possimus, de te loqui aut scribere non possumus; quod amor & admiratio silentio quodam arcano gaudeant, locutio vero & scriptio cum silentio esse non possint, ac cum ornatu prodire gestiant. Vincam tamen me ipsum & Amori loquelam, & Admirationi scriptionem addam, ut non ignorare aut celare Reipublicæ nostræ felicitatem videar, quæ te Regem complexa tam integrum, tam pium, tam omni virtute adornatum, nihil te maius exoptat. Neque vero in hoc officio vocem ullam metus extorquebit, aut adulatio quicquam suggeret; quippe hanc odisti, ille vero à te incuti non potest tuis, quos amas. De Rege loqui volo, non de Tyranno, de Parente, non de Domino: Quo fit, ut iam animo paulatim timor omnis abscedat, & conatus orationem, etsi Regiæ dignitati non parem, certe Humanitati Regii Parentis gratam exordiri præsumat. Permite igitur SIGISMVNDE REX, ut à Cliente Subditoque tuo, qui triumphalem Gloriæ Tuæ currum sequi non sine plausu concupiscit, lauderis: per mitte, inquam, ut inter tot virtutis tuæ Præcones etiam balbutiente Eloquentia hisce re ali-

*Propositio &
captatio be-
nevolentia.*

Apostrophe

quid

quid possim, & vocem edere, qui vitam tuæ Maiestatis obsequio consecravi: atque eam sane vocem quam Pietas, Beneficentia, & insignis fortitudo tua etiam à mutis pectoribus suo quodammodo iure reposcere viderur. O beatum illum ac salutarem Polonis diem, quo te tua Virtus non ambientem vltro præsentavit! vix est, ut parum ambitione regnum sit fœlix; vix ut omnibus placeat ac gratus esse possit, qui sese ingerit, Nimirum querendi sunt Reges, non accipiendi, & ibi plus Maiestatis esse debet ubi plus est Virtutis, non ubi plus cupidæ voluntatis. Ac sane ita fas est existimare, eos à Deo Reges esse, non qui sollicito hominum suffragantium calculo sese insinuant, sed qui virtutis fama notantur, adeoque Reges esse merentur, qui Reges esse nolunt. Ea fuit Virtus tua SIGISMVNDE REX, quæ Fortunam nostram fecit. Anxia erant multorum Regni Procerum studia, ut Stephano Regi sæculorum omnium memoria dignissimo successorem, & Regno Dominum darent. Multi adspirabant virtute, meritis, fauore: nonnulli potentia, aliqui etiam ambitu pene ridiculo; & illè è Tartaria sua quidvis esse voluisset, ut Rex esset; Nihil cuiusquam virtuti detractum velim, nihil Cæsari Rudolpho, nihil Maximiliano Archiduci, nihil Alexandro Farnesio, nihil aliis Principibus quorum singulares Virtutes, Procerum aliquorum calculos mereri potuerunt: debebatur tamen, debebatur Virtuti Tuæ SIGISMVNDE, hoc Regnum, & candidatus ille animi tui vigor, cum Comitibus non interesset, deliberantium animis obuersabatur. Equidem tum apud Inuictissimum Ioannem III. Suecorum Regem parentem tuum agebas, sed crescentis virtutis tuæ fama, singularem de tua indole spem conceptam apud Polonos euulgabat. Fœliciter illa sane, ut fortunatissima stirps la-

Laus ab electione inter tot sollicitantes.

Sollicitantes pro regno Polonia.

*Causa electi-
onis propter
familiam.*

gel-

gellonica, ex qua Illustrissimam Catharinam. Matrem eam pullulatas, iterum Polonico Regno redderetur, quod ab ea tantum potentia & virtutum omnium incrementum acceperat. Ita una electione bis foelices facti sumus, ut & Regem sceptro dignissimum nullo ambitu haberemus, & Iagellonicum reductis quasi veteris avi auspiciis reciperemus: quin imo ad hanc foelicitatem ea accessio facta fuit, ut dignum Stephano successorem videremus. Videor audire advenientium tibi applaudentium clamores, quibus non tam voces, quam animos tibi effundebant, & licet quadam mentes tristitia cladis obiectæ spectaculo occuparentur, tanta tamen viso te Rege exorta fuit omnium serenitas, ut doloris argumentum in læticia trophæum erigerent, non aliter quam exoriens sol pluviosam nostris caliginem in clarissimum serenissimumq; diem commutat. Adeo non sine munere quodam divino Rex esse videbaris, quem nemo satis cito se Dominum habiturum putabat. Neque tamen in te corporis dignitatem, vel capitis & oris maiestatem admirabantur, quam hodie adhuc tanquam miraculum suscipiunt, sed virtutem, quæ festinatis quibusdam insignibus sese prodebat, suscipiebant. At vero ubi eam non videre tantum, sed sentire contingit, quanta fuit omnium in te animorum effusio? quantæ preces pro regia incolumitate factæ? quam grati iucundique de benignissimo animo tuo ubique habiti celebratique sermones? Quippe virtutum prima tuarum Benignitas Clementiaque Poloniam universam recreavit, cum iis, qui Maximiliano Archiduci contra te adhæserant, rerum potius non tantum pepercisti, sed eos etiam præter eorum: ac omnium aliorum spem ac expectationem beneficiis cumulasti, dignitatibus adornasti. Dicam vere, SIGISMUNDE REX, una hac virtute

Similitudo.

Eius à clementia.

te & illos vicisti : te quidem cum animum regno & victoria præcellsum, ne insolesceret, cohibuisti; illos vero, cum id quod nunquam speravissent, dedisti. Voluisti hoc beneficio potius quam alio duriori remedio Polonorum ingenia experiri; nec ignorabas, quam novum imperium inchoantibus utilis sit Clementiæ fama, cum nihil sit, quod magis Principem Gentibus commendet, quam Clementia, illa Maiestatis ornamentum, Divinitatis imago Amoris fomentum, Sciebas in libero Regno liberas debere esse mentes; & si forsitan exceßerant, restabat tuæ Virtutis materia, ut præsens eorum animos vinceret & vinceres, quos absens non habueras. Non erat ita reor, nisi ingens eorum moeror cum te Regem viderent, qui alium voluissent; at ubi tua illos Benignitas superavit, Beneficentia convicit, Humanitas complexa est, non alium voluissent. Ita plane te Regem animorum eorum tua Benevolentia fecisti, qui antea Rex eras coporum electione. Quamquam nec subditos tantum Polonos tuos hac Virtute conciliaisti, verum etiam eos, quos habere hostes potuisses, qui ubi tuæ Virtutis radios clarissima in luce viderunt, & suavissimam Naturæ tuæ Prædicationem audiverunt, amicum habere voluerunt, quem fecisse hostem potuissent. Non unum aliquem nomino, testes sunt, quotquot Poloniæ vicini sunt Principes ac Reges: testis vero vel inprimis Augusta Austriacorum Domus, cuius Amorem ita tum tui regni initio meruisti; ut non satis se foelicem putaret, nisi amicitiam (quid dico amicitiam?) nisi affinitatem tecum, strictissimo vinculo iniret. Discat nunc Orbis non armorum fulmine fieri Reges, sed, amore; non amorem potentia comparare sed Benignitate. Evenit profecto, ut & SIGISMUNDVS Regnum obtineret, qui ele-

*Probatio
clementiæ.*

*Laus à con-
iuge prima.*

*Laus coniu-
gi Regina.*

electus potissimo Nobilitatis suffragio erat, & Au-
striaci non repellerentur, à quibus Regno Regi-
nam, Regi uxorem accepimus. Et si dicere cum
omine liceat, feliciter SIGISMUNDE & MA-
XIMILIANE, pro Regno concurristis, ut nimi-
rum tu Rex esses, hic ex familia sua Illustrissima
Reginam daret. Dedit, vidimus, accepimus sere-
nissimam Annam Austriacum Caroli Archiducis
filiam. O decus mulierum! ô Regina Reginarum!
Erat illa Arx quædam Pietatis, Sanctitatis Delu-
brum, Virtutis Domicilium: adeo non ipsa à regio
sceptro, sed ab ipsa sceptrum decoris ac splendoris
plurimum accepit. Fœlix Regina, quæ pio Regi;
fœlix Rex, qui Regina tam pia junctus; ut cum
ipse sis Polonorum Delitium, ipsa fuerit Amor Po-
lonorum. Quid dicam? An hanc cœlum nobis in-
vidisse? Ad hanc terram indignam fuisse? Certe
vixit, cum vitam ei immortalem optaremus; cer-
te occidit, cum ne unquam moreretur, precaba-
mur: ita occumbere cum ea Pietas, perire Beni-
gnitas, mori Humanitas videbatur. Indoluisti SI-
GISMUNDE REX, & ejus fatum ingenti percul-
sa dolore Respublica nostra tecum luxit, perpetuo
luctura, nisi in tuo atque ejus filio Principe Vla-
dislao recrearetur, in quo cum paternam ac vere
Regiam Maiestatem omni virtute decoratam cer-
nit, tum maternam Pietatem Humanitatemque
admiratur & amat. Ita in filio matrem habemus.
Sed non potuit tamen, non potuit Mors contra-
ctam cum Austriacis amicitiam dirimere, quæ af-
finitatem sustulerat: corroboratus est altera affi-
nitate Amor, & concedente Summo Religionis
Romana Antistite in demortuæ sororis locum soror
altera successit, & Polonia Diademate exornata lu-
ctum omnem deterfit. Favere nunc Cœlum, non
invidere Polonis jam dicā. In sorore sororem habe-
mus, nec tam amisisse Reginā videmur, quam post
bre-

*Laus à con-
iuge secunda
Regina.*

breve[m] discessum recepisse. Eadem Pietas, eadem Benignitas, eadem Humanitas est, ut omnino omnis Virtus innata Austriacis videatur, in quorum familia nasci neminem videmus, qui non ad regnorum administrationem, ad sceptrum, ad Diademata certis quibusdam fati[s] à Deo destinetur. Scio adhuc esse in omnium pectoribus, latitiam illam ingentem quæ tum non Poloniam tantum, sed universum terrarum Orbem pervasit, cum primum Reipubl. nostræ Regina velut sydus quoddam illuxit. Quantus tunc erat splendor comitantium Serenissimorum Archiducum Regi[n]æ fratrum, atque ejus potissimum Ferdinandi II. cujus hodie purpura in fastigio Romani Imperii resplendet? Quantus tum excipientium Procerum favor? quam admirabilis cum magnificentissimo apparatu concursus è Turcia, Moscovia, Persia, Tartaria, Italia, Germania, Gallia & Hispania Legatorum? Ita in nostræ foelicitatis societatem venire Provinciæ omnes videbantur, ut cum una foelix esset Polonia, foelix totus Orbis judicaretur. Hodie sane CONSTANTIÆ REGINÆ auspiciis constans est Poloniæ foelicitas. Ne vero tuæ illius benignitatis vestigia omnia, SIGISMUNDE REX, persequi non videar, patere id à me dici neminem unquam In tuam Maiestatem injuriosum fuisse, qui tuæ Clementiæ suavitatem non senserit: vel enim benigne indulxisti, vel patienter tolerasti: utrumque Clementiæ est opus; nec minus indulget, qui cum ulcisci potest, patienter fert, quam qui offensam benigne remittit. Senserunt non illi tantum, qui Maximiliani partes aliquando sunt secuti, sed tuus ille in Suecia Patruus, tui Agnati, & quotquot, ut te regno illo exuerent, nefario consilio & ausu vim armorum objecerunt. Senserunt Confoederati in Moschovia rebelles, qui per Reipubl. latus Regis caput impetebant, & per

*Declaratio
publica la-
titia.*

*Benignitas
explicata.*

Laus à pietate.

per Regni vulnera Victoriâ Triumphumque sperabant : sed illorum imprudentes impetus tua Prudentia sedavit , & culpam tua Clementia deleuit ; adeo pene oprandum fuit peccavisse , ut tu tam clementer condonares , scilicet hac virtute Polonorum pectora & animos tibi aperuisti , cui iuncta Pietas velut altera quadam ala in Immortalitatis Delubrum nomen tuum deportavit. Vnde cum liberi populi simus , libet vero animi sinceri affectu exclamare :

— *Nusquam libertas gratior extat
Quam sub Rege pio.*

Et sane Regem sceptrum qui à Deo suscepit , cogitare debet quibusnam modis ei placeat , qui id illi dedit ; cumq; omnibus hominibus ab eo sit prælatus , præ omnibus eum honorare festinet. Suavis hæc virtus est , & animorum conciliatrix : nam , ut ait Romanus ille , Cæteræ Virtutes admirationis tantummodo inultum Pietas vero etiam amoris meretur plurimum. Ita quippe comparatum est , ut minime subditi sperent aliquid injustum ab eo Principe pati , quem Religiosum , Deiq; verentem arbitrantur : minusq; in eum insurgent , qui Deum etiam habeat adiutorē , Neq; vero SIGISMUNDE REX , hæc à tuo pectore abesse virtus potuit , quam tibi innatam facile credimus , tu experimento docuisti. Si enim primæ tuæ ætatis annos discutiamus , cum adhuc septennis esses , & ab illustri quadam Matrona redarguereris , quod ad Catholicam fidem pietatemq; propenderes , teq; Stephani Regis Patruui minis , quibus terreti ea ætas solet , ad id impelli cavillaretur , in prudentem hunc sermonem erupisti : *Non ita est , fidem veram , & unicam salutis anchorā amplector : neq; enim pecco , imitando Regem , quem utpote virum , certū est plus habere cerebri , quam fœminam qualem te scio .*

*Refert L.
Beyerlink
in suo
Chronico.*

Egre-

Egregium sane ac vere Regium responsum, quo satis declaravisti, nihil à tali indole expectandum, nisi quod maximum in omnibus & summum esset. Atque hinc cum ex hac vita mortali in immortalem migravisset IOANNES III. Sueciz Rex Parens tuus, tuque filius unicus & hæres ad paterni regni successionem accederes, gratissimus Catholicis omnibus fuit adventus tuus, quippe qui in semen religionis suæ hætenus permanerant, & tunc fore plane confidebant, ut errantibus à via veritatis, & iam de Lutherana rupe in profundum pendentibus amissus redderetur visus, cœlestiumq; mandatorum purior repararetur auditus. Nostra vero Polonia quaqua versus patet unicum est, sed maximum & augustissimum tua pietatis ac religionis monumentum. Quæ profecto si loqui posset, libera & alta voce protestaretur omnem se à te religionis ornatum accepisse. Tot ubiq; templa crexisti, tot monasteria ædificavisti, tot Xenodochia condidisti, tot proventibus auxisti, tot beneficiis cumulasti, tot ornamentis decoravisti. Et quoniam subditis tuis placuit pii Regis exemplum & zelum æmulari, ideo hodie nostra Polonia sub auspiciis foelicissimi regni tui viginti quinque & amplius Patrum Societ. IESV Collegia accepit, aliorum vero ac diversissimorum Religiosorum ultra centum septuaginta cenobia magno sumptu, incredibili munificentia, admirabili religione constructa. Adeo ut Polonia iam omnis sit literatissima, & tota iam transferit in Athenarum: adeo inquam, ut Polonia iam pene supra Romam ipsam & Italiam sit pia & religiosa. Et nunquid Deus Religionem Christianam singulari quodam totius Europæ bono in Clientelam Polonorum tradidisse videtur? Quippe illi sunt, qui invictis & fulminatricibus imperii sui legionibus Barbarorum ex omni parte eminentium immanitate propulsant, & in illo

Probatio pietatis regis.

Commendatio Polonorum

*Regis vita
censura est.*

Similitudo.

Transitio.

*Laus ab Au-
la bene ordi-
nata.*

*Ab affabi-
litate.*

Religionis confinio, tanquam in communi salu-
tis publicæ propugnaculo cōstituti, populos alios
defendunt. Neque tamen tantopere hæc extol-
lerem, nisi idcirco in regno essent suspicienda,
quia in Rege sunt admiranda. Tua vita SIGIS-
MVNDE REX, censura est, ad eam dirigun-
tur & convertuntur subditi, nec tam tuo impe-
rio illis opus est, quam exemplo: tuum quip-
pe ad exemplum componuntur, & vitam potius
quam edicta sequuntur: quanquam boni Regis
vita probitatis quædam præscriptio est, & per u-
niuersos viuendi forma. Ac quemadmodum ad
solis motum hæc ima, ita populares vertuntur
semper & conformantur ad Principum mores.
Virtutum tuarum semitam securo pede ingres-
sus nuper fuit (ut alios sileam) magnus ille Polo-
niæ Cancellarius Ioannes Sarius Zamovski, to-
ga sagoque ubique terrarum celeberrimus, qui in
urbe sua hæreditaria Zamoscy Vniuersitatem con-
didit, proventibus ditavit, privilegiis à Pontifi-
ce Maximo, Cæsare, Regibus impetratis muni-
vit & condecorauit. Ita pulchrum est, iucundum
& gloriosum subditis benefacere, cum in Regis
vita exemplum elucet. Enimvero si propius O-
rationem ad Aulam tuam admoveamus, mura
hærebit oratio, & admiratione defixa, non Aulam
esse credet, sed templum, ubi tantum virtutum
omnium consensum animadverteret. Nullus hic
luxus, nulla petulans libido, non immoderata
licentia, non intemperantia, non superbia odio-
susque fastus; sed frugalitas, temperantia, mo-
destia, affabilitas, comitas, humilitas. Emines &
excellis, verum ita ut par cæteris simul esse vi-
dearis, & quædam æqualitatis ratione, cum om-
nibus agis, etsi omnes dignitatis maiestate præ-
cedas. Neminem repellis aut deprimis; qui con-
venire te cupit: imo vel cum Rege vel cum Re-
gina iucundum est agere subditis, qui nunquam
nisi

nisi contenti recedunt. Ad te accedentibus ver-
cundia suboritur, sed recedentibus lætitia exo-
ritur: & nemo Aulam ingreditur, qui non vitam
suam exemplo accensus conformare contendat.
Scholam potius, quam Aulam appellarim, in qua
qui ordinem & officiorum rationem, & vitæ in-
stituenda modum intueretur, melior ipse factus
recedit. Exemplum pietatis & modestiæ frugali-
tatis Rex est & Regina. Cuius rei testimonium
& vivum documentum, ipsa liberorum institutio
est, quam indole & vitæ & virtute VLADIS-
LAVS Princeps designat. Quis in eo Majestatem
requirat, quam animo corporeque spirat? quis
prudentiam, quam actionibus ad miraculum stu-
pendis testatur? quis animi fortitudinem, quam
in bello tot egregiis facinoribus toti orbi testa-
tam fecit? quis Clementiam & insignem Augu-
stæ indolis benignitatem, quam Moschovitarum
rebelles experti laudant? Talem illum Aulæ ve-
stræ educatio fecit, & augustis in Penetralibus
Regionum Parentum exemplum, ut omnino &
sanguinis excommunicatione, & virtutis exempla
sit Princeps, quem quævis terrarum orbis pro-
vinciæ exoptent. Vereor sane ne tuis laudibus
officiam, dum extollere contendo, & ne plus fa-
cendo patria universa dicat, quam ego loquen-
do. Continere vocem ipsa non potest, quæ se or-
natam tuo beneficio miratur. Novas urbes, no-
vas arces accepit, & ne parum esset, munitas esse,
splendida sunt & magnificæ, imo etiam splen-
dere certent & vincant, quotquot ferè ubique
terrarum esse possunt. Illa Varsaviensis sua pul-
chritudine spectantium admirationem detinet;
Cracoviensis sua magnificentia vincit, & orbis
miraculis contemplantium iudicio adiicienda
venit. Sic tibi pulchritudinem suam nostra Po-
lonia debet, ut non tantum per te sit felix, sed
etiam pulchra. Regum quippe ea quoque laus

*A filio Prin-
cipe.*

*A cultu ur-
bium & to-
tius patriæ.*

est, Provincias suas arcibus & urbibus decoravisse ut tot idē ipsi quasi erectis ad sempiternam memoriam monumentis apud posteros laudentur. Sed quoniam minor est laus ista, quam ut à tua Maiestate quaratur, ad maiorem cursum dignitatis flectamus. Humanissimum te & benignissimum omnes admirantur, sed eundem bellicosissimum & invictissimum hostes reformidant.

Transilio.

Laus à fortitudine bellica.

Exorta seditio.

Admiremur ergo te etiam in sago, & armis, & ubique tuam prudentiam suspiciamus. Nihil est Reipublicæ alicui perniciosius, quam intestinis seditionibus agitari: pestes illæ sunt in visceribus Regnorum, & earum contagio in interitum serpit, omnemque Legum & Regum auctoritatem evertit. Foelix Polonia nostra hac in foelicitate carere non potuit, & extitit tempus illud, quo Nobilitas nostra sese opprimi, Rempublicamque iam in perniciem vergere proclamaret. Ad arma ire placebat, arma sumebantur, quo fato, quo consilio, quo iudicio, vixerat, qui sciret: & qui iam arma volebant, armis se ac continuis bellis gravari, vestigalibusque nimis onerari protestabantur. Ita nunquam mali causa deest, qua fingi semper potest. Nec deerant tanti mali Principes, qui ut auctoritate Senatoria pollebant, ita magno nomine auctoritatem seditioni addebant. Sic invidia plerumque magna ingenia propellit, ut raro quieta esse possint; sic arrogantia inquietos animos turbat, ut suam foelicitatem non agnoscant: malintque turbata Rep. turbari, quam tranquilla quiescere. Sed permanebat tamen in officio & amore Nobilitatis pars maior, ut deseruisse Regem cum culpa nunquam videretur, quem sequi semper est gloriosum. Quamquam quid in hac Reipubl. tempestate, SIGISMUNDE REX, egisti? Rebellabant ipsi, tu pacato animo revocabas; detrectabant imperium, tu alliciebas; obiciebant arma, tu gratiam proponebas.

Contentio.

Nec

Nec vinci illi tua humanitate volebant, nec armis vincere poterunt. Restabat ut tu Rex, arma sumeres, sumpsisisti, opposuisti, victi illi sunt, & ad officium redierunt; ut cum tuam humanitatem contempnissent, vim tuam & iustissimam iram vereri discerent. O victoriam plane singularem, sed in qua plus Clementiæ video, quam vindictæ: plus humanitatis, quam effusi sanguinis. Dicam audeat SIGISMUNDE REX, nihil agere potes, quin clementer agas; & cum Iustitia non raro à te vindictam poscat, semper tamen Benignitas gratiam extorquet. Victi illi erant, & pauci Marte adverso ceciderant, qui tamen victi erant, tuam Clementiam vicerunt, qui Maiestatem non potuerant. Offensam omnibus benignissime condonasti; & ne quid iracundiæ residere in animo tuo quisquam suspicaretur publicis in Comitibus regni totius Græcorum Romanorumque more omnem injuriam, adeoque omnem injuriarum, ac discordiarum memoriam amnistia sempiterna nimirum oblivione delendam clementissime statuisti. I Fama, dic SIGISMUNDVM. Regem armis invictum esse, & plus tamen Clementia, quam armis posse. Protecto nemo unquam illum exhorruit, qui non exhorrendo amaverit; tam suaviter horror (etsi potenter) in animos delabitur, ut in amorem desinat. Vulnera regni non acris medicina, sed mulcendo tantum sanat. Venio ad alia, si vim respicias, majora: si prudentiam tuam æque admiranda. Naturæ concesserat Magnus ille Moschorum Imperator Odo, & in defuncti principatum surrogati Demetrius Carevitz, quod è stirpe ac sanguine Magnorum Moschoviæ Ducum esset, volebat. Deerant opes, deerat vis, qua negata plerumque imperia occupantur. Igitur tuam opem & tua arma Implorat, etiam impetrat. Tua namq; authoritate, Illustrissimus Sendomiriensis Pala-

Exclamatio.

Lamentum
à clementia.Occasio belli
Moschovitici

magnitudine potentiaque certet. Equidem iterum perfidi a Moschorum vim amorum urfit, sed iterum perfidiam illam tua arma oppreſſerunt. Campuserat nimirum, in quo tuis auspiciis filii tui Principis Vladislai virtus excurreret, & paternæ Gloriæ, suæque surgenti famæ, trophæa erigeret. Exexit cum Smolenscum egregie tutatus propugnauit. Exexit cum Moschouia metropolim unde innumeros antea thesauros Poloni exulerant, singulari Illustrissimi Stanislai Zolkievsky Ducis exercituum & Magni Poloniæ Cancellarii virtute occupauit. Exexit cum eo Moschouitas adegit, Vt Maximum opulentissimumque Seueriæ Ducatum iure quodam hæditarario Poloniæ nostræ adscriberent, ac tot ipsi arces tot propugnacula ultro, velut in fœderis ac pacis pretium perpetuo donarent. Tantum eius potuit una virtus, tantum prudentia armis fulta, tantum augusta Indoles inimicis horrorem incutiens, amicis amorem propinans. Sed nimirum tua hic virtus illustrissime Zolkievsky adlaborabat, cum belli nostri fulmen hostium immanitatem perstringens, cum ad Principis Vladislai obedientiam cogeres, cum ipse iuramentum & fidem eorum pro Principe exciperes tanquam spes altera regni. Enimuero singula persequi nec opus huius est meæ, nec dictionis quaquaversus Polonia respicit in tuarum laudum monumenta incidit. Vix Regni nostri diademate coronatus eras, & celeberrimis Tartarorum incursionibus vexabamur, compescuisti: imminabat toti Poloniæ Turcarum Imperator, pacauisti: Dux Moschorum expirante inito cum Stephano Rege fœderis tempore insultabat, per tuos belli Duces fregisti, & ad aquas pacis condiciones perduxisti, Hæc historiarum monumenta & Annales loquuntur, hæc in temporum memoria sunt, & sacula Posterorum impellent, ut tua

*Laud. Prin-
cipis Vladis-
lai a fortitu-
dine bellica.*

Transitio.

*Alia forte
tudinis signa*

*Commenda-
tio amoris
dei Catholica*

laudis pradicatio nunquam intermoriatur. Ne-
que eorum hic opus est memoriam excitare, quæ
tuo imperio & auspiciis Zamovsky in Liuvonia,
in Valachia, aliis in locis per multis summa sua
cum laude gessit, cum Carolum Sueciæ in vaso-
rem repressit, profligavit, Livonia eiecit: cum
in Valachia Tartarorum Ducem ita cecidit, ut cla-
dis nuntius non superfuerit, in huius Gloriæ so-
cietatem alii veniunt, & cum fortuna aliorum
manus dirigeret, à te Gloriæ suæ incrementum
sumpserunt. Illa vero illa æterno Nomini tuo ad-
scripta Gloria est, nullis inter moritura sæculis,
quod cum Natura iure sanguinis, Leges iure hæ-
reditatis tuæ Maiestati Suecorum Regnum of-
ferrent, cumq; manere apud eos aliquam diu po-
tuisses, nunquam tamen ibi manendum tibi esse
statueris. Vbi Gentì non bene cum Deo conve-
niret, & quæ hæreseos erroribus implicata veri-
tatis Catholicæ lumen ingrata respueret. Am-
biant alii Regna se totos & animum mutant, ut
regnent, Deo & Religioni nuntium mittant, ut
subditis imperent: SI GISMVNDVS exemplo Io-
anniani Imperatoris nisi Christianis imperare non
cupit: imo SIGISMVNDVS exemplo Vladislai I.
Poloniæ Regis, qui Bohemis hæreticis imperare
rogatus recusavit, suo imperio ac ditione frana-
re hæreticos refusat. Ita nimirum non se Regem
tantum sed Christianum Regem ostendit, cuius
est in terris omni authoritate & potentia æternæ
Maiestatis cultum promovere, virtutum exem-
plis lucere, inimicos & hostes Christiani Nomi-
nis, quantum potest, odio persequi armisque
profligare. Et sane tuum hunc animum & Chri-
stianam vere voluntatem SIGISMVNDE REX,
etiam nostra tempora, quibus hodie vivimus,
loquuntur & laudant. Vident amplissimum Re-
gni tui Senatum tanta Virtute ac Religione se-
ptum esse, ut hæreticis patere aditus ad illum
faci-

facile non possit. Vident in eum finem tua negotia omnia ordinari ut Catholica ubique Religio cum splendore subsistat aut post liminio revertatur. Vident & sentiunt etiam, quanta Ferdinando II. Imperatori auxilia præstes, ut in Bohemia vicinisque provinciis ab hostium injuriis Christiana Romanaque Religio vendicetur. Quæ omnia si statuissem, imo si possem, so totum describere, eloquentiæ penicillo subiicere oculis conaret: Sed tamen nondum hominum memoriam effugerunt, quæ in omnium adhuc oculis sunt. In eo supersedeat oratio, ut te eum esse *Peroratio* Regem fateamur, quem inter perfectissimos nostra ætas numerare potest. Neque hæc blandientis assentationis vox est, sed tuæ virtutis meritum, & vitæ splendore obtenta veræ laudis prædicatio. Novisti enim in magna fortuna nihil rectum, nihil occultum esse, ideoque talem te domi facis, qualem foris exhibes, ut nihil sit fictum in vultu, nihil in oculis fallax. Neq; quod multi, simulatam virtutem amas, sed veram: & quod in te magnificentissimum est, ab omni non modo vitiorum, sed quod vitii insuper cujusque speciem habeat contagione te reprimis ac revocas, ut non tantum cæteris imperio præstes, sed etiam virtutum ornamento; & cum sis primus, idem quoque sis optimus. Ex quo efficitur, ut te propter potestatem & Maiestatem tui subditi venerentur, ament vero propter virtutem. Et certe non primum est dicere, utrum ames, an ameris amplius; utrinque maximus est ardor; patere tamen ut cum ardentissime ameris, ardentius nihileminus tuos amare te dicam. Vincere te amore non possumus, à te amore & beneficio vincimur. Atque hoc est omne punctum tulisse, & supremam laudem invasisse, cum suis amore certare & vincere; cum omnibus gloria contendere, & omnes post se longo intervallo relin-

quere. Talis cum sis, SIGISMUNDE REX, super-
est, ut Reipubl. nostræ gratuler, quæ te Regem na-
cta, omnium Nationum invidiam mereri potest.
Gratulor vero ex animo, & eo libentius, quod tan-
tæ felicitatis cōmunione felix quoque mihi
videar. Atque inde est animus mihi, ut quem Re-
gem laudavi, obsequio demereri possim. Si qui-
dem nihil iucundius in vita esse potest, quam pro
eo vivere, quem tuæ vitæ Principem agnoscis iusto
imperio, & honore virtutis. Reliquum sane est:
etsi beneficio vincamur à te, & tua gloria lætemur,
ut tali ac tanto Rege dignos nos subditos Regis
ipsius exemplo præstemus.

V O T V M

Pro

SIGISMUNDO III. POLONIÆ,
SUECIAE, GOTHIAE,
VANDALIAEQUE.
Rege Potentissimo.

INclyte Rex, Magni Stirps Maxima Iagello-
nis,
Et veterum Decus Heroum, quos inserit
Astris,

Et Patulum latè decantat Fama per Orbem
Æternis celsos meritis, & Laude potentes.
O me si niveo scandentem Sydera currus,
Qua virtus meritos tenet immortalis honores,
Penna ferat! Si me superantem fulmina Pindi.

Im-

Impleat haud unquam morituri carminis ausu
 Musarum Praeses! Non te, non fortia bello
 Facta, vel excelsos canerem virtutis honores,
 Phaebeos namque ista modos, Musaq; labores
 Exsuperant, iamq; aeternis subvectat triumphis
 Attonito pulsant superi Capitolia celsi
 Calicolum catu: neclunt tibiserta cohortes
 Aetherea, Divinumq; favor respondet oranti
 Iam pro Te mando, Lausq; uno spargitur ore
 Calicolum Hominumq; simul, Me cura fatigat
 Altiore ut nostro vivas longaevis in orbe
 Delitium humani generis, nostraq; voluptas
 Sarmatia, Decus & Laus & Lex una Polonis,
 Praesidiumq; tuis. Vigeat sub iure Tribunal
 Hic praelustra tuo, tua celsior insonet Astris
 Iustitia, & facilis vincat Clementia mentes
 Augusta q; favor Dextera, dum militat omnis
 Pro Te Rege polus, dum Te tuaq; incluta bella
 Tartarus & Moscus formidatusq; propinquus
 Turca timet. Felixq; tuum prudentia Regnum
 Efficit, o Superi date iam, date vota, vovemus
 Longa SIGISMUNDVS moderetur sacula Mo-
 narcha
 Vivat, & humanos excelsa mente labores
 Vingat, & aeternos intret post fata triumphos.

E I N I S

RE MIGII LVCÆ
TONGRENSIS
ORATIO.

In Laudem D. ANNÆ, Collegii
Porcensis Patronæ.

*Exordium à
fabula poeti-
ca.*

Phaeton, ille Solis Filius, ut ingeniosissimi Poe-
tæ fabulantur, Ornatissimi & Humanissimi
AUDITORES, cum ad sui Patris regiam olim
accessisset, & in radiantem multiplici splendore
vultum ejus conicere oculos voluisset, protinus
constituit purpureaque veste, quod divinum ejus
ferre lumen non posset, faciem suam contexis,
donec

———— Genitor circum caput omne micantes
Deposuit radios, propiusq; accedere iussit.

Applicatio.

Idem vero evenire mihi hodie animadverto Nam
dum accedere ad Divæ Annæ laudationem, quam
ex Rhetorum officio suscepi, contendo, animumq;
& stylum erumpentem admoveo subducto quasi
animo hæere cogor, quod & nimia claritas oculos
perstringat, & argumenti magnitudo animum per-
cellat. Tu igitur Sanctissima Patrona nostra, ne ca-
ligantibus tantum oculis te hodie aspiciam, depo-
ne parum permicantes illas æternitatis tuæ radios,
& propius me, tuos, ad pedes laudationis huius
corollam depositurum, accedere permitte. Non
ignoro mortalis nequaquam ingenii esse divinam
virtutum tuarum magnitudinem attingere, atque
idcirco, quod verecundæ dictionis est, earum tan-
tummodo flores aliquos delibabo. Vos vero, Orna-
tissimi & Humanissimi AUDITORES, si, ut opinor,

*Invocatio
per apostro-
phen.*

*Conciliatio
auditorum.*

tar-

tantarum virtutum fragrantia excitati admove-
re ad eas animum desideratis, dum oratione præce-
do, sequimini me favore. Pietatis est Divorum
laudes promptogestientique animo audire, huma-
nitatis, dicentibus benigne favere.

Sæculorum omnium memoriam dum ab ipsis
mundi incunabulis animo complector, & ad præ-
sciti ætates cogitatione recurro videor mihi ho-
minum tum viventium animi sensus intueri, &
sermones audire. Cogitabant illi, & mœsto a-
pud se animo revolvebant. Itane spe longa sem-
per atteremur? duro iugo semper fatigabimur?
libertatem anxii semper expectabimus? Si na-
sciturus est aliquando nobis Servator, quænam
illum digno utero mater producet? Si futura
est eius aliqua mater, quænam illam paritura
mulier invenietur? An esse Dei mater aliqua
potest, quæ Dea non sit? an vero Deam gignere
mulier ulla potest, quæ conditionem humanam
excedens non ipsa sit Dea? Quanquam inveniet
ipse sibi matrem Deus, quæ si Dea non sit, pro-
ximæ tamen ad divinitatem accedet; inveniet
sibi aviam Deus, quæ etsi futura mulier sit, na-
turæ tamen dignitate, & conditionis excellen-
tia mulieres omnes longe superabit. Ita illi co-
gitabant, ita dicebant. Et sane invenit tandem
aliquando & præparavit aviam sibi Divina Ma-
iestas; invenit Annam quæ incredibili sancti-
tate circumdata DEI matrem, cœli terraque
reginam stupentibus terris omnibus generaret.
Quemadmodum autem, ut ille Theologorum
Phoenix Aquinas ait, ita in Genetricem suam
infinitos, cœlestium gratiarum thesauros effun-
dit, ita omnem bonitatis suæ oceanum in illam
derivavit, ita sapientiam suam, providentiam, o-
mnipotentiam circa illam pene exhaustit, ut me-
liorem formare, digniorem præstantioremq; pro-
ducere ne dicam excogitare non posset; sic in avia
sibi

*Confirmatio.
Prosopopæia
Obliqua.*

*Ut perfectis-
sima mater,
ita avia per-
fecta.*

*Laud quod
fuerit mater
matri Dei.*

*In ea coniun-
ta omnes
virtutes fu-
erunt.*

*Obliqua
Prosopopæia
Repetitio.*

sibi præparanda id effecit, ut excellentiorem ma-
tri suæ matrem præparare non posset quippe
tanta naturæ dignitate, tanta diuinatum gratia-
rum copia, tam admiranda conditionis felicitate
præstare illam cæteris omnibus omnium ætatum
matronis voluit, ut uni ac soli Mariæ filiæ suæ
cederet. Et vero quid excellentius ad dignita-
tem esse potest, quam Dei Matris matrem esse?
quid dignius ad excellentiam quam diuinæ Ma-
iestatis auiam effici? quid admirabilius ad vitæ
conditionem, quam Dei filium, nepotem suum
appellare? Cogitare quidquid vultis, & animo
quantamcunque dignitatem comprehendite.
Si dicatis, non potuisse nisi ex Maria nasci De-
um, hoc dico, non potuit nisi ex Anna Maria
procreari: Si dicatis illam terminum Omnipoten-
tiæ diuinæ quodammodo fuisse, hoc dico, fuit
Anna opus admirandum, & diuinæ providentiæ
singulare prorsus exemplum. Quod si illam in-
uens oculis, etiam cum viveret, potuissetis,
coniungerat in se, quæ coniungi in aliis non pos-
sunt dignitatem cum abiectione, excellentiam
cum humilitate, præstantiam cum simplicitate,
summam gloriam cum summa modestia. Eius
vitam ita omnes admirabantur ut cum imitari
vellent, assequi non possent. Videbant in ea hinc
frugalitatis violas, inde verecundiæ rolas; cer-
nebant hinc pacis olivam, illinc affectuum su-
peratorum laurum; intuebantur hinc constan-
tiæ palmam, illinc virentium desideriorum he-
deram. Hæc est illa, inquiebant omnes, quæ non
sumptuosam magnificentiam, sed humilem fru-
galitatem amat hæc est illa, quæ non fastuo-
sam superbiam, sed verecundam modestiam præ-
se fert, hæc est illa, quæ non contentiosam vi-
ram, sed amicissimam pacem, & pacificam cum
omnibus amicitiam desiderat; hæc est illa, quæ
affectuum suorum impetum non sequitur, sed
repi-

reprimis, non levitate effertur, sed constantiam
 seipsam sistit, non in hac terrena obstipo capite &
 animo, sed in illa caelestia & aeterna bona consur-
 git. Talis cum esset sui apud omnes desiderium
 relinquebat, sui in omnium animis amorem im-
 primebat, suae vitae exemplum apud omnes pro-
 ponebat. Talis, inquam, cum esset, primam
 reparandae salutis spem mortalibus omnibus ap-
 portavit. Quod si mihi verbo uno liceat, quic-
 quid in sanctissima Anna admiramur, complecti,
 fuit ipsa ceterorum omnium, quae vereri illo aeo
 laudem aliquam promeruerunt, matronarum
 compendium, & virtutum omnium quoddam sa-
 crarium. Vnde quemadmodum Helenam suam
 formaturus Zeuxis pulcherrimas quinque ex toto
 Agrigentinarum choro puellas selegit, quarum
 singularem & admirandam venustatem sua in ima-
 gine exprimeret; ita magnus ille rerum Arbiter
 Deus Sanctissimas omnes antiqui ævi matronas, ut
 Annam unam numeris omnibus absolutam pro-
 duceret, sibi proposuit, & omnia earum ornamen-
 ta, omnem morum gravitatem, omnem virtutum
 dignitatem in hanc unam transtulisse videtur.
 Quis nescit in Anna Samuelis matre patientem
 modestiam, & modestam patientiam fuisse? At in
 Anna patrona nostra modestiae laus cum pati-
 laude certavit. Quis non extollit in Anna Tobiae
 matre plenissimam tenerrimo affectu benignita-
 tem? At in Anna nostra omnem amorem benigni-
 tas sibi conciliavit. Quis non deprædicat Annam
 Phanuelis filiam, cuius singularis animi Sanctitas
 narum Deum intueri & amplecti meruit? At hæc
 Anna nostra ea fuit animi sanctitate, ut Dei ma-
 trem genuerit, & Deum natum, nepotulum suum
 summo ac incredibili amore sæpius amplexata
 fuerit. Opponite mihi si placet Saræ sincerita-
 tem & amorem, vincet Anna nostra, qua nihil un-
 quam

*Compar.
cum aliis
matronis.*

*Illustratio
per simile.*

*Vincit alias
matronas
Anna.*

*Subiectio.
Repetitio.*

*Lauda à vir-
tutibus reli-
gione.*

Sapientia.

Humanitate

*Figura qua
illam repre-
sentarunt.*

quam mansuetius fuit. Producite Rebeccæ man-
suetudinem; vincet iterum Anna nostra, qua ni-
hil unquam mansuetius est visum. Date quamcun-
que vultis in aliis quibuscunque virtutem, illam
in hac Anna nostra designabo, & cum singulas in
singulas ostenderitis, in hac una simul omnes
commonstrabo. Patisne religionem? erat Annæ
religiosissima, & ad D E V M per religionem ita
tendebat, ut in Deo fixa videretur. Patisne sapi-
entiam? Erat Anna sapientissima, & omnes vitæ
sue rationes ita per sapientiam ordinabat, ut Dea
potius quam mulier in terris crederetur. Datisne
humanitatem? Erat anna humanissima, & per hu-
militatem ita omnibus placebat, ut cum ea iucun-
dissima vita putaretur. Quanquam quanta, ob-
specto, illa esse debuit, quæ singularibus, & prope
divinis expressa olim figuris præsci aut mortalibus
innotuit? Fuit ipsa radix illa Iesseæ, ex qua virga,
virgo nimirum Deipara, est egressa, & è virga flos
Christus ascendit. Fuit terra illa sancta, quam
Moyse contingere nisi solutis pedum calceamen-
tis non poterat, ex qua rubus ille mediis in flam-
mis incombustus Deipara virgo pullulavit. Fuit
cælum illud ex quo electa ut sol processit, & in
quo pulchra ut luna apparuit. Arque ut figura-
rum istarum tenebras amoveamus, fuit ipsa, quæ
non umbratilem aliquam & ligneam, sed veram
DEI arcam Dei matrem novem mensibus non
recto, sed utero castissimo conclusit. Vnde si glo-
riari jure potest Obededon, quod quoniam sua
in domo Dei arcam receperat, divina quadam
benedictione rerum omnium prosperitatem, ac
felicitatem est consecutus, qui non tandem cœ-
lestium charissimatum imbres divinitus è cœlo
missi in Sanctissimam Annam redundaverunt?
quæ non plena perfectaque felicitas, non dico
Dominum ejus, quanquam domum etiam, sed

animum eius, ac totam ipsam occupavit? Glorietur Hecuba, quod Hectorem fortissimum Heroem filium habuerit; Glorietur Olympias, quod Alexandrum nomine neque magnum & orbis domitorem in lucem produxerit; maior tamen est Annæ laus & maior gloria, quod ex eius utero cæli terræque regina, Dei ac hominis Genitrix communem hanc auram aspezerit. Quæ profecto si fuit nardus quædam pretiosissima nardi huius pixis Anna extitit; si fuit præstantissima quædam Margarita, Margaritæ huius concha Anna extitit; si fuit pulcherrimus flos quidam floris huius ramus Anna extitit; si fuit gemma quædam fulgentissima, gemmæ huius annulus Anna extitit. Ita quæcunque gloriam filiæ attribuamus, in gloriæ societatem mater venit; quicunque matris est honor, hunc à filia mater potissimum desumit. Quanta vero ea Annæ gloria est, quod Dei matris magistra fuit? quod illi cum lacte modestiam propinarit? quod illius mores suo in sinu formaverit? quod eius actionibus ac desideriis sua in domo modum præscripserit? Quæ beneficia cum à matre Anna, Diva illa Dei Genitrix acceperit, non potuit non matri omnem gratiam, omnem excellentiam, omnem virtutum abundantiam impetrare. Sed quoniam cum hæc dico, nihil dicendum relinquo, & omnem, quæ quidem esse potest gloriam attingo, tuum est, ô Sanctissima Anna, patrona nostra debitum tibi & exhibitum hodie promptæ pietatis cultum gratum habere. Hanc autem, quam ad pedes tuos humillimæ orationis corollam depono, pietatis nostræ pignus libenter admitte, Vovemus & deducamus, DIXI.

*Laus à filia
per compa-
rationem.*

*Filia laus in
matrem de-
rivatur.*

*Laus quod
Maria ma-
gistra fuit.*

*Peroratio
per apostro-
phen.*

P A N E G Y R I C V S

Illustrissimo Domino

VALENTINO ALEXANDRO
de Husiatyn Kalinowski, Gene-
rali totius Podoliæ, Camene-
censi, Latyczouienfi, Beacla-
uiensi & Capitaneo.

Scriptus

Ab ALEXANDRO KRZYWIECHI
Nobili Polono.

*Exordium à
difficultate
argumenti
& Oratoris
perturbatio-
ne.*

Quam arduum sit, aut de re loqui, aut de
te scribere, Illustrissime Domine, (te e-
nim quem non video, præsentem sen-
tio) vehementissimis & diversissimis agitata
perturbationibus prorsus experior. Etenim,
dum mentem excito, ut te, qua potest cogitatio-
ne tantum, quantum es, complectatur, inardescit
ipsa, & desiderio protinus ferventissimo elata
non satis habet tuam gloriam admirari, nisi et-
iam de prædicare conetur; at vero cum eloqui
nondum satis robustæ facundiæ subsidio, aut
chartæ calami officio consignare laudes aliquas
tuas tentet, concidit omnino, & quod aggredi a-
mor vellet, formido detrectat. Nimirum ita com-
paratum est, ut excelsos Heroas laudare omnes
velint, nemo possit; quod eorum virtus com-
munes Naturæ vias supergressa Gloriam nullo o-
re humano prædicandam, solisque Æternitatis
insignibus decorandam sibi compararit. Quid
igi-

*Ratio diffi-
cultatis.*

*Dubitatio:
Oratoris.*

igitur inter hos amoris & formidinis fluctibus
 agam? imo vero quid agam dum volo, & non
 possum? dum admiror & deterreor? dum detre- *Resolutio*
 cto & idem conor? Imitabor debitores illos, qui *consilii per*
 cum inopia angustiis pressi solvendo non sunt, *familitudine.*
 obligatos sese tamen, & solvendi voluntatem
 ostendunt Si enim Gloriam illam tuam, ILLV-
 STRISSIME DOMINE, quam in publico Põ-
 loniæ & Europæ fere totius theatro Virtus tua
 applaudente fama reportat, pro dignitate eloqui,
 & stylo consignare non possum, amoris & desi-
 derii vehementissimi signum famulantis obse-
 quii conatu declarabo. Qua in re, nec ab institu-
 to moreque pictorum recedam, qui cum inge-
 res & innumeras heroici alicuius animi dores
 exprimere & subicere oculis in tabula non pos-
 sunt, arte singulari, & coloribus ea corporis line-
 amenta trahunt, ex quibus animi magnitudine
 facilis est coniectura. Permitte igitur, Illustriss. *Propositio*
 Domine, ut te huius Orationis meæ Argumen- *per apostro-*
 tum constituam, itaque complectar, ut bello in- *phen.*
 primis clarum, tum pace inclytum proponam.
 Non exprimam, (fateor ingenue) tuam illam men-
 tem Aternitatis Candidatam, aut Virtutem, du-
 cam tamen ea lineamenta obsequiosa facundiz
 coloribus, ut ex iis facilem de te Coniecturam
 relinquam. Debitum est hoc meæ erga Illustrissi- *Conciliatio,*
 mam Dominationem tuam observantiæ, quod
 ut mente submissa libenter persoluo, ita gratam
 futuram Humanitati tuæ solutionem confido. Fa-
 ue, ILLVSTRISSIME DOMINE, de te dicere
 conanti, & ancillantem Clientis tui Eloquentiam,
 etsi rudem & incultam, pro tua benignitate, di-
 gnare aspectu.

Quia alienæ gloriæ numerosis titulis, & floren-
 tis prosapiæ splendore exornare quempiam con-
 tendunt, cumulas maiorum laudes, & vetu- *Confirmatio.*
 stam familiæ nobilitatem ob antiqua præci ævi
 me-

*Laus à ma-
ioribus per
præteritionē.*

*Præteritio
Pueritiæ &
nobilitatis.*

*Laus ab a-
dolescentia
& inventu-
re.*

*Repetitio.
Similiter
desinens.*

memoria in lucem reducunt, Ego vero, ILLV-
STRISSE DOMINE, Te, non tuos Maio-
res, tuam Virtutem, non tuam Familiam; De-
cus tuum, non tuum genus; tuis, inquam, te Vir-
tutibus, non alienis plumis & floribus exornan-
dum suscepi. Non commemorentur proinde
Maiores illi tui, quorum Virtutem silentio ve-
neror, Famam posteritas colit & admiratur:
non res illorum bello paceque inclytæ ab hoc de-
misso eloquentiæ officio laudem mutuentur,
quæ in Æternitatis theatro Gloriam sempiter-
nam invaserunt: lateat quicquid est Generis
tui, à quo etsi in te magni nominis splendor
detinetur, tuo tamen, non alieno fulgore splen-
dere concupiscis. Neque etiam tua illa incuna-
bula, in quibus infans vagiisti, aut terram, in qua
puer reptasti, adulantium more Poetarum, præ-
dicabo. Nasci Nobilem & Illustrem fortunæ est,
bene vivere, & gloriam mereri, Virtutis: tua
vero laus tota Virtutis est, nec quicquam in ea
sibi Fortuna vendicat, quam semper vero Ho-
nori velificatus animo generoso contempsisti.
Neque tamen est, quin Gloriosam illam Polo-
niam nostram exclamem, quæ te protulit; Feli-
cem, quæ te Virum gremio complexa magnum
habet decus suum & propugnatorem. Sed ut ad
Te ipsum propius accedam, & maturescens ævi
crescentes laudes attingam, equidem, quem ad
magna natum patria benignissimo sinu excepe-
rat, adolescentem, ac primo robore iam ætatis
spatia superantem Indolem aliquamdiu, dum i-
terum Virtuti campus. In quo excurrat, aperit-
tur, continuit. Non tunc otium magnis & he-
roicis Mentibus ignotum masculam indolem
suo situ torpere fecit; non animi robur langu-
da voluptas emollit; non virilem iam ante
annos fortitudinem molles blanditiæ frege-
runt; sed exercitio militari tuis victoriis præ-
lude-

Iudebas, & inter æquales magno ausu futuros aliquando tuos triumphos mensurabas. Tandem tamen, tandem è patria excessistis, & ludicrum excutiens iuvenilibus pedibus pulverem, hostiles terras calcare magna bellicæ gloriæ cupiditate desideravisti. Vnum erat animi vere Martialis votum hyemes agere sub pellibus, æstates inter bella sudare, dies noctesque præliando aut vigilando consumere, gravissimas pugnas quacunque terra subire. Igitur in Moldaviam abivisti, non ut militiæ rudimenta tolerares, sed virtutis tuæ documenta dares; nec tam ut miles esses, quam ut imperares; siquidem uni militum cohorti præfectus jam tum magno Samoscio, belli, & totius Poloniæ exercitus Imperatori junctus, quantum ab egregia & illustri Indole sperandum esset, ostendisti. Ita è ludo ad bellum maximum; è pueritiæ disciplina ad hostes acerrimos transivisti. Glorietur Africanus, quod sub Paulo Patre militaris disciplinæ rudimenta didicerit; jactet se non inferiori indole Hannibal, quod pene puer in tentoria Hispania successerit; Laudetur Alexander nondum magnus, quod Philippæ castra futurarum spe certissima Virtutum impleverit; quos omnes etsi amplificatrix veri Vetustas plurimis & æternis laudibus dotare soleat, non plus tamen blandita præstat, quam ut eos maximorum Regum & fortissimorum Imperatorum castra sequutos fuisse manifestet. Tu vero ita ad castra venisti, & gloriosissimi Zamoscii laudem es æmulatus, ut ipse te admiraretur, milites omnes laudarent, hostes reformidarent. Si loqui ipse magnus imperator posset, & ab illo suo immortalitatis sepulchro vocem edere, tuam Virtutem sæculis omnibus faventis vocis suffragio commendaret. Si iterum præsto esset Milites illi, uno ore tua initia maximorum Imperatorum incrementa fuisse

*Exercitia
adoleſcentiæ.*

*Comparatio
cum genera-
lis adolescen-
tibus.*

*Testimonium
Zamoscii.*

atte-

Transitio.

est, Provincias suas arcibus & urbibus decoravisse ut tot idē ipsi quasi erectis ad sempiternam memoriam monumentis apud posteros laudentur. Sed quoniam minor est laus ista, quam ut à tua Maiestate quærat, ad maiorem cursum dignitatis flectamus. Humanissimum te & benignissimum omnes admirantur, sed eundem belliosissimum & invictissimum hostes reformidant.

*Laus à fortitudine bellica.**Exorta seditio.*

Admiremur ergo te etiam in sago, & armis, & ubique tuam prudentiam suspiciamus. Nihil est Reipublicæ alicui perniciosius, quam intestinis seditionibus agitari: pestes illæ sunt in visceribus Regnorum, & earum contagio in interitum serpit, omnemque Legum & Regum auctoritatem evertit. Fœlix Polonia nostra hac in fœlicitate carere non potuit, & extitit tempus illud, quo Nobilitas nostra sese opprimi, Rempublicamque iam in perniciem vergere proclamaret. Ad arma ire placebat, arma sumebantur, quo fato, quo consilio, quo iudicio, vixerat, qui sciret: & qui iam arma volebant, armis se ac continuis bellis gravari, vestigalibusque nimis onerari protestabantur. Ita nunquam mali causa deest, qua fingi semper potest. Nec deerant tantī mali Principes, qui ut auctoritate Senatoria pollebant, ita magno nomine auctoritatem seditioni addebant. Sic invidia plerumque magna ingenia propellit, ut raro quieta esse possint; sic arrogantia inquietos animos turbat, ut suam fœlicitatem non agnoscant: malintque turbata Rep. turbari, quam tranquilla quiescere. Sed permanebat tamen in officio & amore Nobilitatis pars maior, ut deseruisse Regem cum culpa nunquam videretur, quem sequi semper est gloriosum. Quamquam quid in hac Reipubl. tempestate, SIGISMUNDE REX, egisti? Rebellabant ipsi, tu pacato animo revocabas; detrectabant imperium, tu alliciebas; obiciebant arma, tu gratiam proponebas.

Contentio.

Nec

Nec vinci illi tua humanitate volebant, nec armis vincere poterunt. Restabat ut tu Rex, arma sumeres, sumpſisti, opposuisti, victi illi sunt, & ad officium redierunt; ut cum tuam humanitatem contempſissent, vim tuam & justissimam iram vereri discerent. O victoriam plane singularem, sed in qua plus Clementiæ video, quam vindictæ; plus humanitatis, quam effusi sanguinis. Dicam audacter SIGISMUNDE REX, nihil agere potes, quin clementer agas; & cum Iustitia non raro à te vindictam poscat, semper tamen Benignitas gratiam extorquet. Victi illi erant, & pauci Marte adverso ceciderant, qui tamen victi erant, tuam Clementiam vicerunt, qui Maiestatem non potuerant. Offensam omnibus benignissime condonasti; & ne quid iracundiæ residere in animo tuo quisquam suspicaretur publicis in Comitibus regni totius Græcorum Romanorumque more omnem injuriam, adeoque omnem injuriarum, ac discordiarum memoriam amnistiâ sempiterna nimirum oblivione delendam clementissime statuisti. I Fama, dic SIGISMUNDVM. Regem armis invictum esse, & plus tamen Clementia, quam armis posse. Profecto nemo unquam illum exhorruit, qui non exhorrendo amaverit; tam suaviter horror (etsi potenter) in animos delabitur, ut in amorem desinat. Vulnera regni non acri medicina, sed mulcendo tantum sanat. Venio ad alia, si vim respicias, majora: si prudentiam tuam æque admiranda. Naturæ concesserat Magnus ille Moschorum Imperator Odo, & in defuncti principatum surrogati Demetrius Carevvez; quod è stirpe ac sanguine Magnorum Moschoviæ Ducum esset, volebat. Deerant opes, deerat vis, qua negata plerumque imperia occupantur. Igitur tuam opem & tua arma Implorat, etiam impetrat. Tua namq; authoritate, Illustrissimus Sendomiriensis Pala-

Exclamatio.

*Lauditer de
à clementia.*

*Occasio belli
Moschovici*

magnitudine potentiaque certet. Equidem ite-
 rum perfidia Moschorum vim amorum urfit, sed *Laus Prin-*
 iterum perfidiam illam tua arma oppresserunt. *cipis Vladis-*
 Campuserat nimirum, in quo tuis auspiciis fi- *lai à fortitu-*
 lili tui Principis Vladislai virtus excurreret, & *dine bellica.*
 paternæ Gloriæ, suæque surgenti famæ trophæa
 erigeret. Exexit cum Smolenscum egregie tutatus
 propugnauit. Exexit cum Moschouia metropo-
 lim unde innumeros antea thesauros Poloni ex-
 rulerant, singulari Illustrissimi Stanislai Zol-
 kievvsky Ducis exercituum & Magni Poloniae
 Cancellarii virtute occupauit. Exexit cum eo
 Moschouitas adegit, Vt Maximum opulentissi-
 mumque Seueriæ Ducatum iure quodam hæredi-
 tario Poloniae nostræ adscriberent, ac tot ipsi ar-
 ces tot propugnacula ultro, velut in fœderis ac pa-
 cis pretium perpetuo donarent. Tantum eius po-
 tuit una virtus, tantum prudentia armis fulta,
 tantum augusta Indoles inimicis horrorem inca-
 riens, amicis amorem propinans. Sed nimirum
 tua hic virtus illustrissime Zolkievvsky ad labo-
 rabat, cum belli nostri fulmen hostium immani-
 ratem perstringens, cum ad Principis Vladislai
 obedientiam cogeres, cum ipse iuramentum &
 fidem eorum pro Principe exciperes tanquam *Transitio.*
 spes altera regni. Enimuero singula persequi
 nec opus huius est meæ, nec dictionis quaquā
 versus Polonia respicit in tuarum laudum mo-
 numenta incidit. Vix Regni nostri diademate
 coronatus eras, & celeberrimis Tartarorum in-
 cursionibus vexabamur, compescuisti: immine-
 bat toti Poloniae Turcarum Imperator, pacauisti:
 Dux Moschorum expirante iniri cum Stephano
 Rege fœderis tempore insultabat, per tuos belli *Alia fortis*
 Duces fregisti, & ad aquas pacis conditiones *indinis signa*
 perduxisti, Hæc historiarum monumenta & An-
 nales loquuntur, hæc in temporum memoria
 sunt, & sacula Posterorum impellent, ut tua
 lau-

*Commenda-
tio amoris
des Catholicæ*

laudis prædicatio nunquam intermoriatur. Neque eorum hic opus est memoriam excitare, quæ tuo imperio & auspiciis Zamovskij in Liuvonia, in Valachia, aliis in locis per multis summa sua cum laude gessit, cum Carolum Sueciæ inuasorem repressit, profligavit, Livonia eiecit: cum in Valachia Tartarorum Ducem ita cecidit, ut cladis nuntius non superfuerit, in huius Gloriæ societatem alii veniunt, & cum fortuna aliorum manus dirigeret, à te Gloriæ suæ incrementum sumpserunt. Illa vero illa æterno Nomini tuo adscripta Gloria est, nullis inter moritura sæculis, quod cum Natura iure sanguinis, Leges iure hæreditatis tuæ Maiestati Suecorum Regnum offerrent, cumq; manere apud eos aliquamdiu potuisses, nunquam tamen ibi manendum tibi esse statueris. Vbi Genti non bene cum Deo conveniret, & quæ hæreseos erroribus implicata veritatis Catholicæ lumen ingrata respueret. Ambianthalii Regna se totos & animum mutant, ut regnent, Deo & Religioni nuntium mittant, ut subditis imperent: SIGISMUNDVS exemplo Ioviniani Imperatoris nisi Christianis imperare non cupit: imo SIGISMUNDVS exemplo Vladislai I. Poloniae Regis, qui Bohemis hæreticis imperare rogatus recusavit, suo imperio ac ditione frangere hæreticos recusat. Ita nimirum non se Regem tantum sed Christianum Regem ostendit, cuius est in terris omni autoritate & potentia æternæ Maiestatis cultum promovere, virtutum exemplis lucere, inimicos & hostes Christiani Nominis, quantum potest, odio persequi armisque profligare. Et sane tuum hunc animum & Christianam vere voluntatem SIGISMUNDE REX, etiam nostra tempora, quibus hodie vivimus, loquuntur & laudant. Vident amplissimum Regni tui Senatum tanta Virtute ac Religione septum esse, ut hæreticis patere aditus ad illum faci-

facile non possit. Vident in eum finem tua negotia omnia ordinari ut Catholica ubique Religio cum splendore subsistat aut post liminio revertatur. Vident & sentiunt etiam, quanta Ferdinando II. Imperatori auxilia præstes, ut in Bohemia vicinisque provinciis ab hostium injuriis Christiana Romanaque Religio vendicetur. Quæ omnia si statuissem, imo si possem, so totum describere, eloquentiæ penicillo subiicere oculis conaret: Sed tamen nondum hominum memoriam effugerunt, quæ in omnium adhuc oculis sunt. In eo superseadeat oratio, ut te eum esse Regem fateamur, quem inter perfectissimos nostræ ætas numerare potest. Neque hæc blandientis assentationis vox est, sed tuæ virtutis meritum, & vitæ splendore obtenta veræ laudis prædicatio. Novisti enim in magna fortuna nihil rectum, nihil occultum esse, ideoque talem te domi facis, qualem foris exhibes, ut nihil sit fictum in vultu, nihil in oculis fallax. Neq; quod multi, simulatam virtutem amas, sed veram: & quod in te magnificentissimum est, ab omni non modo vitiorum, sed quod vitii insuper cujusque speciem habeat contagione te reprimis ac revocas, ut non tantum cæteris imperio præstes, sed etiam virtutum ornamento; & cum sis primus, idem queque sis optimus. Ex quo efficitur, ut te propter potestatem & Maiestatem tui subditi venerentur, ament vero propter virtutem. Et certe non primum est dicere, utrum ames, an ameris amplius; utrinque maximus est ardor; patere tamen ut cum ardentissime ameris, ardentius nihilominus tuos amare te dicam. Vincere te amore non possumus, à te amore & beneficio vincimur. Atque hoc est omne punctum tulisse, & supremam laudem invasisse, cum suis amore certare & vincere; cum omnibus gloria contendere, & omnes post se longo intervallo relin-

Peroratio

quere. Talis cum sis, SIGISMUNDE REX, super-
est, ut Reipubl. nostræ gratuler, quæ te Regem na-
cta, omnium Nationum invidiam mereri potest.
Gratulor vero ex animo, & eo libentius, quod tan-
tæ foelicitatis communione foelix quoque mihi
videar. Atque inde est animus mihi, ut quem Re-
gem laudavi, obsequio demereri possim. Si qui-
dem nihil iucundius in vita esse potest, quam pro
eo vivere, quem tuæ vitæ Principem agnoscis iusto
imperio, & honore virtutis. Reliquum sane est:
etsi beneficio vincamur à te, & tua gloria lætemur,
ut tali ac tanto Rege dignos nos subditos Regis
ipsius exemplo præstemus.

V O T V M

Pro

SIGISMUNDO III. POLONIÆ,
SUECIÆ, GOTHIÆ,
VANDALIÆQUE.
Rege Potentissimo.

Inclyle Rex, Magni Stirps Maxima Iagello-
nis,
Et veterum Decus Heroum, quos inserit
Astris,

Et Patulum latè decantat Fama per Orbem
Æternis celsos meritis, & Laude potentes.
O me si niveo scandentem Sydera curru,
Qua virtus meritos tenet immortalis honores,
Penna ferat! Si me superantem fulmina Pindi.

Im-

Impleat haud unquam morituri carminis ausu
 Musarum Praeses! Non te, non fortia bello
 Facta, vel excelsos canerem virtutis honores,
 Phabeos namque ista modos, Musaq; labores
 Exsuperant, iamq; aeternis sub vecta triumphis
 Attonito pulsant superi Capitolia cali
 Calicolum cetu: neclunt tibi ferta cohortes
 Aetherea, Divinumq; favor respondet oranti
 Iam pro Te mando, Lausq; uno spargitur ore
 Calicolum Hominumq; simul, Me cura fatigat
 Aliorut nostro vivas longavus in orbe
 Delitium humani generis, nostraq; voluptas
 Sarmatia, Decus & Laus & Lex una Polonis,
 Praesidiumq; tuis. Vigeat sub iure Tribunal
 Hic praelustra tuo, tua celsior insonet Astris
 Iustitia, & facilis vincat Clementia mentes
 Augusta q; favor Dextra, dum militat omnis
 Pro Te Rege polus, dum Te tuaq; inclyta bella
 Tartarus & Moscus formidatusq; propinquus
 Turca timet. Felixq; tuum prudentia Regnum
 Efficit, o Superi date iam, date vota, vovemus
 Longa SIGISMUNDVS moderetur sacula Mo-
 narcha
 Vivat, & humanos excelsa mente labores
 Vingat, & aeternos intret post fata triumphos.

E I N I S.

F 7

RE

R E M I G I I L V C Æ
T O N G R E N S I S
O R A T I O .

In Laudem D. ANNÆ, Collegii
Porcensis Patronæ.

*Exordium d
fabula poeti-
ca.*

Phaeton, ille Solis Filius, ut ingeniosissimi Poe-
tæ fabulantur, Ornatissimi & Humanissimi
AUDITORES, cum ad sui Patris regiam olim
accessisset, & in radiantem multiplici splendore
vultum ejus conicere oculos voluisset, protinus
constituit purpureaque veste, quod divinum ejus
ferre lumen non posset, faciem suam contexis,
donec

— Genitor circum caput omne micantes
Deposuit radios, propiusq; accedere iussit.

Applicatio.

Idem vero evenire mihi hodie animadverto. Nam
dum accedere ad Divæ Annæ laudationem, quam
ex Rhetorum officio suscepi, contendo, animumq;
& stylum erumpentem admoveo subducto quasi
animo hæere cogor, quod & nimia claritas oculos
perstringat, & argumenti magnitudo animum per-
cellat. Tu igitur Sanctissima Patrona nostra, ne ca-
ligantibus tantum oculis te hodie aspiciam, depo-
ne parum permicantes illas æternitatis tuæ radios,
& propius me, tuos, ad pedes laudationis huius
corollam depositurum, accedere permitte. Non
ignoro mortalis nequaquam ingenii esse divinam
virtutum tuarum magnitudinem attingere, atque
idcirco, quod verecundæ dictionis est, earum tan-
tummodo flores aliquos delibabo. Vos vero, Orna-
tissimi & Humanissimi AUDITORES, si, ut opinor,

*Invocatio
per apostro-
phen.*

*Conciliatio
auditorum.*

tan-

tantarum virtutum fragrantia excitati admove-
re ad eas animum desideratis, dum oratione præce-
do, sequimini me favore. Pietatis est Divorum
laudes promptogestientique animo audire, huma-
nitatis, dicentibus benigne favere.

Sæculorum omnium memoriam dum ab ipsis
mundi incunabulis animo complector, & ad prisci
zui ætates cogitatione recurro videor mihi ho-
minum tum viventium animi sensus intueri, &
sermones audire. Cogitabant illi, & moesto a-
pud se animo revolvebant. Itane spe longa sem-
per atteremur? duro iugo semper fatigabimur?
libertatem anxii semper expectabimus? Si na-
sciturus est aliquando nobis Servator, quænam
illum digno utero mater producat? Si futura
est eius aliqua mater, quænam illam paritura
mulier invenietur? An esse Dei mater aliqua
potest, quæ Dea non sit? an vero Deam gignere
mulierulla potest, quæ conditionem humanam
excedens non ipsa sit Dea? Quanquam inveniet
ipse sibi matrem Deus, quæ si Dea non sit, pro-
ximæ tamen ad divinitatem accedet; inveniet
sibi aviam Deus, quæ etsi futura mulier sit, na-
turæ tamen dignitate, & conditionis excellen-
tia mulieres omnes longe superabit. Ita illi co-
gitabant, ita dicebant. Et sane invenit tandem
aliquando & præparavit aviam sibi Divina Ma-
iestas; invenit Annam quæ incredibili sancti-
tate circumdata DEI matrem, cœli terraque
reginam stupentibus terris omnibus generaret.
Quemadmodum autem, ut ille Theologorum
Phoenix Aquinas ait, ita in Genetricem suam
infinitos, cœlestium gratiarum thesauros effun-
dit, ita omnem bonitatis suæ oceanum in illam
derivavit, ita sapientiam suam, providentiam, o-
mnipotentiam circa illam pene exhaustit, ut me-
liorem formare, digniorem præstantioremq; pro-
ducere ne dicam excogitare non posset; sic in avia
sibi

*Confirmatio.
Προφωπαιας
Οβlique.*

*Ue perfectis-
sima mater,
ita avia per-
fecta.*

reprimis; non levitate effertur, sed constantiam
 seipsam sistit, non in hæc terrena obstipo capite &
 animo, sed in illa caelestia & æterna bona confur-
 git. Talis cum esset sui apud omnes desiderium
 relinquebat, sui in omnium animis amorem im-
 primebat, suæ vitæ exemplum apud omnes pro-
 ponebat. Talis, inquam, cum esset, primam
 reparandæ salutis spem mortalibus omnibus ap-
 portavit. Quod si mihi verbo uno liceat, quic-
 quid in sanctissima Anna admiramur, complecti,
 fuit ipsa cæterorum omnium, quæ vereri illo ævo
 laudem aliquam promeruerunt, matronarum
 compendium, & virtutum omnium quoddam sa-
 crarium. Vnde quemadmodum Helenam suam
 formaturus Zeuxis pulcherrimas quinque ex toto
 Agrigentinarum choro puellas selegit, quarum
 singularem & admirandam venustatem sua in ima-
 gine exprimeret; ita magnus ille rerum Arbitrator
 Deus Sanctissimas omnes antiqui ævi matronas, ut
 Annam unam numeris omnibus absolutam pro-
 duceret, sibi proposuit, & omnia earum ornamen-
 ta, omnem morum gravitatem, omnem virtutum
 dignitatem in hanc unam transulisse videtur.
 Quis nescit in Anna Samuelis matre patientem
 modestiam, & modestam patientiam fuisse? At in
 Anna patrona nostra modestiæ laus cum patientiæ
 laude certavit. Quis non extollit in Anna Tobia
 matre plenissimam tenerrimo affectu benignita-
 tem? At in Anna nostra omnem amorem benigni-
 tas sibi conciliavit. Quis non deprædicat Annam
 Phanuelis filiam, cuius singularis animi Sanctitas
 natum Deum intueri & amplecti meruit? At hæc
 Anna nostra ea fuit animi sanctitate, ut Dei ma-
 trem genuerit, & Deum natum, nepotulum suum
 summo ac incredibili amore sæpius amplexata
 fuerit. Opponite mihi si placet Saræ sincerita-
 tem & amorem, vincet Anna nostra, qua nihil un-
 quam

*Compar.
cum aliis
matronis.*

*Illustratio
per simile.*

*Vincit alias
matronas
Anna.*

*Subiectio.
Repetitio.*

*Lam à vir-
tutibus reli-
gione.*

Sapientia.

Humanitate

*Figura qua
illam repre-
sentarunt.*

quam mansuetius fuit. Producite Rebeccæ man-
fuetudinem; vincet iterum Anna nostra, qua ni-
hil unquam mansuetius est visum. Date quamcun-
que vultis in aliis quibuscunque virtutem, illam
in hac Anna nostra designabo, & cum singulas in
singulas ostenderitis, in hac una simul omnes
commonstrabo. Patisne religionem? erat Anna
religiosissima, & ad D E V M per religionem ita
tendebat, ut in Deo fixa videretur. Patisne sapi-
entiam? Erat Anna sapientissima, & omnes vitæ
suz rationes ita per sapientiam ordinabat, ut Dea
potius quam mulier in terris crederetur. Datisne
humanitatem? Erat anna humanissima, & per hu-
militatem ita omnibus placebat, ut cum ea iucun-
dissima vita putaretur. Quamquam quanta, ob-
secro, illa esse debuit, quæ singularibus, & prope
divinis expressa olim figuris prisce aut mortalibus
innotuit? Fuit ipsa radix illa Iesseæ, ex qua virga,
virgo nimirum Deipara, est egressa, & è virga flos
Christus ascendit. Fuit terra illa sancta, quam
Moyses contingere nisi solutis pedum calceamen-
tis non poterat, ex qua rubus ille medijs in flam-
mis incombustus Deipara virgo pullulavit. Fuit
cælum illud ex quo electa ut sol processit, & in
quo pulchra ut luna apparuit. Atque ut figura-
rum istarum tenebras amoveamus, fuit ipsa, quæ
non umbratilem aliquam & ligneam, sed veram
DEI arcam Dei matrem novem mensibus non
recto, sed utero castissimo conclusit. Vnde si glo-
riari jure potest Obededon, quod quoniam sua
in domo Dei arcam receperat, divina quadam
benedictione rerum omnium prosperitatem ac
felicitatem est consecutus, qui non tandem cœ-
lestium charissimum imbres divinitus è cœlo
missi in Sanctissimam Annam redundaverunt?
quæ non plena perfectaque felicitas, non dico
Dominum ejus, quamquam domum etiam, sed

animum eius, ac totam ipsam occupavit? Glorietur Hecuba, quod Hectorem fortissimum Heroem filium habuerit; Glorietur Olympias, quod Alexandrum nomine neque magnum & orbis domitorem in lucem produxerit; maior tamen est Annae laus & maior gloria, quod ex eius utero cæli terræque regina, Dei ac hominis Genitrix communem hanc auram aspererit. Quæ profecto si fuit nardus quædam pretiosissima nardi huius pixis Anna extitit; si fuit præstantissima quædam Margarita, Margaritæ huius concha Anna extitit; si fuit pulcherrimus flos quidam floris huius rarus Anna extitit; si fuit gemma quædam fulgentissima, gemmæ huius annulus Anna extitit. Ita quamcunque gloriam filię attribuamus, in gloriæ societatem mater venit; quicumque matris est honor, hunc à filia mater potissimum desumit. Quanta vero ea Annae gloria est, quod Dei matris magistra fuit? quod illi cum lacte modestiam propinarit? quod illius mores suo in sinu formaverit? quod eius actionibus ac desideriis sua in domo modum præscripserit? Quæ beneficia cum à matre Anna. Diva illa Dei Genitrix accepit, non potuit non matri omnem gratiam, omnem excellentiam, omnem virtutum abundantiam impetrare. Sed quoniam cum hæc dico, nihil dicendum relinquo, & omnem, quæ quidem esse potest gloriam attingo, tuum est, ô Sanctissima Anna, patrona nostra debitum tibi & exhibitum hodie promptæ pietatis cultum gratum habere. Hanc autem, quam ad pedes tuos humillimæ orationis corollam depono, pietatis nostræ pignus libenter admitte, Vovemus & de dicamus, DIXI.

*Laus à filia
per compa-
rationem.*

*Filia laus in
matrem de-
rnatut.*

*Laus quod
Maria ma-
gistra fuit.*

*Peroratio
per apostro-
phen.*

P A N E G Y R I C V S

Illustrissimo Domino

V A L E N T I N O A L E X A N D R O
de Hufiatyn Kalinowski, Gene-
rali totius Podoliæ, Camene-
censi, Latyczouienfi, Beacla-
uiensi & Capitaneo.

Scriptus

Ab A L E X A N D R O K R Z Y W I E C H T
Nobili Polono.

*Exordium à
difficultate
argumenti
& Oratoris
perturbatio-
ne.*

Quam arduum sit, aut de re loqui, aut de
te scribere, Illustrissime Domine, (te e-
nim quem non video, præsentem sen-
tio) vehementissimis & diversissimis agitated
perturbationibus prorsus experior. Etenim,
dum mentem excito, ut te, qua potest cogitatio-
ne tantum, quantum es, complectatur, inardescit
ipsa, & desiderio protinus ferventissimo elata
non satis habet tuam gloriam admirari, nisi et-
iam deprædicare conetur; at vero cum eloqui
nondum satis robustæ facundiæ subsidio, aut
chartæ calami officio consignare laudes aliquas
tuas tentet, concidit omnino, & quod aggredi a-
mor vellet, formido detrectat. Nimirum ita com-
paratum est, ut excelsos Heroas laudare omnes
velint, nemo possit; quod eorum virtus com-
munes Naturæ vias supergressa Gloriam nullo o-
re humano prædicandam, solisque Æternitatis
insignibus decorandam sibi comparat. Quid

*Ratio diffi-
cultatis.*

*Dubitatio:
Oratoris.*

igi

igitur inter hos amoris & formidinis fluctibus
 agam? imo vero quid agam dum volo, & non
 possum? dum admiror & deterreor? dum detre- *Resolutio*
 cto & idem conor? Imitabor debitores illos, qui *consilii per*
 cum inopia angustiis pressi solvendo non sunt, *similitudinē.*
 obligatos sese tamen, & solvendi voluntatem
 ostendunt Si enim Gloriam illam tuam, ILLV-
 STRISSIME DOMINE, quam in publico Pō-
 loniæ & Europæ fere totius theatro Virtus tua
 applaudente fama reportat, pro dignitate eloqui,
 & stylo consignare non possum, amoris & desi-
 derii vehementissimi signum famulantis obse-
 quii conatu declarabo. Qua in re, nec ab institu-
 to moreque pictorum recedam, qui cum ingen-
 tes & innumeras heroici alicuius animi dotes
 exprimere & subiicere oculis in tabula non pos-
 sunt, arte singulari, & coloribus ea corporis line-
 amenta trahunt, ex quibus animi magnitudine
 facilis est coniectura. Permitte igitur, Illustriss. *Propositio*
 Domine, ut te huius Orationis meæ Argumen- *per apostro-*
 tum constituam, itaque complectar, ut bello in- *phen.*
 primis clarum, tum pace inclytum proponam.
 Non exprimam, (fateor ingenue) tuam illam men-
 tem Aternitatis Candidatam, aut Virtutem, du-
 cam tamen ea lineamenta obsequiosa facundia
 coloribus, ut ex iis facilem de te Coniecturam
 relinquam. Debitum est hoc meæ erga Illustrissi-
 mam Dominationem tuam observantiæ, quod *Conciliatio,*
 ut mente submissa libenter persoluo, ita gratam
 futuram Humanitati tuæ solutionem confido. Fa-
 ue, ILLVSTRISSIME DOMINE, de te dicere
 conanti, & ancillantem Clientis tui Eloquentiam,
 etsi rudem & incultam, pro tua benignitate, di-
 gnare aspectu.

Qui alienæ gloriæ numerosis titulis, & floren-
 tis prosapiæ splendore exornare quempiam con-
 tendunt, cumulas maiorum laudes, & veru- *Confirmatio.*
 stam familiæ nobilitatem ob antiqua prisce avi
 me-

Laus à maioribus per prateritionē.

*Prateritio
Pueritia &
nobilitatis.*

*Laus ab adolescentia & inventu-
te.*

*Repetitio.
Similiter
desinens.*

memoria in lucem reducunt, Ego vero, ILLV-
STRISSE DOMINE, Te, non tuos Maiores, tuam Virtutem, non tuam Familiam; Decus tuum, non tuum genus; tuis, inquam, te Virtutibus, non alienis plumis & floribus exornandum suscepi. Non commemorantur proinde Maiores illi tui, quorum Virtutem silentio veneror; Famam posteritas colit & admiratur: non res illorum bello paceque inclytæ ab hoc demisso eloquentiæ officio laudem mutuuntur, quæ in Æternitatis theatro Gloriam sempiternam invaserunt: lateat quicquid est Generis tui, à quo etsi in te magni nominis splendor detinetur, tuo tamen, non alieno fulgore splendere concupiscis. Neque etiam tua illa incunabula, in quibus infans vagiisti, aur terram, in qua puer reptasti, adulantium more Poetarum, prædicabo. Nasci Nobilem & Illustrem fortunæ est, bene vivere, & gloriam mereri, Virtutis: tua vero laus tota Virtutis est, nec quicquam in ea sibi Fortuna vendicat, quam semper vero Honori velificatus animo generoso contempsisti. Neque tamen est, quin Gloriosam illam Poloniam nostram exclamem, quæ te protulit; Felicem, quæ te Virum gremio complexa magnum habet decus suum & propugnatorem. Sed ut ad Te ipsum propius accedam, & maturescens ævi crescentes laudes attingam, equidem, quem ad magna natum patria benignissimo sinu excep-
rat, adolescentem, ac primo robore iam ætatis spatia superantem Indolem aliquamdiu, dum iterum Virtuti campus. In quo excurrat, aperitur, continuit. Non tunc otium magnis & heroicis Mentibus ignotum masculam indolem suo situ torpere fecit; non animi robur languida voluptas emollit; non virilem iam ante annos fortitudinem molles blanditiæ fregerunt; sed exercitio militari tuis victoriis præ-
lude-

ludebas, & inter æquales magno ausu futuros aliquando tuos triumphos mensurabas. Tandem tamen, tandem è patria excessistis, & ludicrum excutiens iuvenilibus pedibus pulverem, hostiles terras calcare magna bellicæ gloriæ cupiditate desideravisti. Vnum erat animi vere Martialis votum hyemes agere sub pellibus, æstates inter bella sudare, dies noctesque præliando aut vigilando consumere, gravissimas pugnas quacunque terra subire. Igitur in Moldaviam abivisti, non ut militiæ rudimenta tolerares, sed virtutis tuæ documenta dares; nec tam ut miles esses, quam ut imperares; siquidem uni militum cohorti præfectus jam tum magno Samoscio, belli, & totius Poloniæ exercitus Imperatori junctus, quantum ab egrègia & illustri Indole sperandum esset, ostendisti. Ita è ludo ad bellum maximum; è pueritiæ disciplina ad hostes acerrimos transivisti. Glorietur Africanus, quod sub Paulo Patre militaris disciplinæ rudimenta didicerit: jactet se non inferiori indole Hannibal, quod pene puer in tentoria Hispania successerit; Laudetur Alexander nondum magnus, quod Philippæ castra futurarum spectatissima Virtutum impleverit: quos omnes etsi amplificatrix veri Vetustas plurimis & æternis laudibus dotare soleat, non plus tamen blandita præstat, quam ut eos maximorum Regum & fortissimorum Imperatorum castra sequutos fuisse manifestet. Tu vero ita ad castra venisti, & gloriosissimi Zamoscii laudem es æmulatus, ut ipse te admiraretur, milites omnes laudarent, hostes reformidarent. Si loqui ipse magnus imperator posset, & ab illo suo immortalitatis sepulchro vocem edere, tuam Virtutem sæculis omnibus faventis vocis suffragio commendaret. Si iterum præsto esset Milites illi, uno ore tua initia maximorum Imperatorum incrementa fuisse

*Exercitia
adolescentiæ.*

*Comparatio
cum genero-
sis adolescen-
tibus.*

*Testimonium
Zamoscii.*

atte-

Hofium.

attestarentur: Si viverent, imo si non inviderent hostes. (quanquam invidant) si fateri verum vellent, in te adhuc pene adolescente suum terrorem fuisse faterentur. Fateretur ille vere terribilis Turcarum Dux Michael; qui cum Polonici exercitus insidias & insultus audaci ac fastuoso furore aspernaretur, tum militaris dextera tua vim, & inclyta mentis virtutem non admiratus est tantum, sed etiam in agro Thelez uno non exigua clade accepta sensit. Fateretur idem iterum, qui cum Polonorum alii in Patriam rediissent, alii in Livoniam secessissent, tum cum Porocio magni illius Imperatoris Legato reman-

*Ducis.**Turcarum.*

sis, copias suas insigni fortitudinis exemplo à te in HARDZICIS campis fugatas fusasque vidit, & indoluit. Nimirum gaudet heroica virtus perpetuo quodam motu, & jugi agitatione æternæ famæ gloriam ambit; quicquid nos laborem & defatigationem appellamus, tua natura est, quæ, ut cælum, indefessa vertigine rotatur, ut maria æstibus suis inquieta sunt, ut stare sol ille dici Pater non potest, ita continuatis pugnis, tanquam negotiis orbe quodam in se redeuntibus, ad Victoriæ, hoc est, ad Gloriæ currum properabat. Reversus in patriam eras factis admirandus, gloria plenus, omnium admiratione magnus, an hic otium ut cessaret, quietem ut reficeretur, tua virtus invenit? Sane nunquam generosæ virtuti deest hostis, quem invadat; nunquam Mens Illustris occasione caret, qua gloriam partam augeat. Vix aderas cum ecce Kantimirus Murfa fortissimus, & potentissimus Scytharum ductor, qui iam Polonorum omnium bona ac fortunas spe ipsa & aviditate devorabat. Poloniam maximo cum exercitu ingressus longe lateque in omnium animos sui terrorem diffudit. Quid ageret Patria universa, & cuius manum imploraret? Omnes in te oculos coniciebant, omnes per te dispellendum

Similitudines conglab-
14.

dum hoc ab omnibus periculum aiebant; omnes in te suam salutem collocatam esse affirmabant. Obviam eum exercitu nostro iuisti. hosti ferocissimo, copiis eius innumeris tuarum adventu, ac nominis Polonici rumore, territis moram iniecasti, mox ad manus & arma procedendo speraram ab illo gloriam, summam in ignominiam tua ac ceterorum virtute convertisti, quique Polonorum sanguine satiatus, & ingentibus onustus spoliis redire cogitabat, per vos in agro Hudycio casus maxima suorum accepta clade recessit. O quid non virtus animosa potest? Vocabat afflicta Patria fortissimum adversus hostes Imperatorem, venisti; aderant in Patria potentissimis instructi copiis hostes, vidisti; manus conferere, & arma armis opponere ausi sunt, vicisti. Ita Patriæ succurrere velle, pietatis; hostes aggredi audere, fortitudinis, pugnando victorem evadere, æternæ gloriæ est. Neque tamen substitit hic Virtus tua: & non una aut altera contenta Lauro multiplicem sibi sempiternæ gloriæ coronam contexuit. Quot hostes fuerunt, tot victoriæ. quot pugna, tot triumphi. Quanta illa victoria fuit cum aliquando tuo tantum satellite cinctus innumeræ Tartarorum irrumpentium multitudini occurristi, impetum sustinuisti, fregisti? Testis est Vkrainensis provinciæ civitas; (quam Bukl appellant) quæ gloriosissimis vestigiis tuis pressa, æternis victoriæ tuæ monumentis & trophæis ornata virtutis tuæ subsidio ab hostibus liberata, te suum patrem ac servatorem appellat, tibi suorum fortunas, incolumitatem ac salutem, deniq; se totam debere profitetur. At non tunc Horatii Coclitis gloriam superavisti? Ille cum instantes hostes submovere solus nō posset, ponte reciso sese in amnē deiecit: tu pressio vestigio aut mori aut vincere voluisti, An nō Themistoclis & Leonidæ famā æquavisti? Illi parva manu

Exclamatio.

Articulus.

Comparatio
cum fortissimis.

Contentio.

Gradatio.

hostem ingentem summa gloria represserunt; tu vix quadringentis adiutus militibus, qui comitari te solent, hostes multitudine innumerabiles, natura & immanitate barbaros, præter tuam & omnium spem maximo impetu irrumpentes tui inprimis lateris & corporis oppositu tum tuorum tua voce animatorum egregia virtute repressisti, repressos profligasti, profligatos tibi æternæ gloriæ monumentum erexisti. Tot enim tunc cæsa barbarorum hostium corpora eo prælio iacuerunt, ut ex iis erecti postmodum aggeres luculentissimum tuæ virtutis testimonium universæ Patriæ dederint. Invideat sane tibi prisca illa Vetus, iam non dico veterum gloriam æquavisti, nimis parum est, superavisti, qui tot millibus pene unus satis fuisti; qui ex ipsis hostium corporibus gloriosissimum de hostibus trophæum erexisti.

Digressiuncula ad laudem.

I Fama peruade terras, & esse hunc Heroem, qui quocunque se vertat, victoriam inueniat, depredica. Non numero militum pugnât, sed virtute, & plus virtus potest, quam militum turba. Non ambitiosus Gloriam quærit, aut temerarius Fortunam sollicitat; ultro tamen sese Gloria offert, & Fortuna faver. Non pro se, sed pro Rege venalem morte vitam circumfert, & potius quam iurata illi Fidem violet, sanguinem ac vitam effundere generosissimus ac fidelissimus exoptat. Quid dico, exoptat? Reticere egregiæ ac constantis virtutis tuæ laudem, ILLVSTRIS SIMÉ DOMINE, piaculum est. Te ipsum appello, nunquid tumultuantibus cæteris adversus Regem Nobilibus, usque adeo mentem integram & inviolatam Fidem servavisti, ut stans prima in acie cum ictum gravissimum accepisses, & hianti vulnere, tuo sanguine ubertim defluente, mox animam efflaturus omnium opinione putareris? O Nobilis & generosa anima, quæ evolare è corporis domicilio

*Laus ex periculo & vulnere.**Exclamatio.*

cilio parata, modo non fidei violata rea; quæ non mortem illam esse reputabat, etsi sanguine suo purpurata deficeret, sed triumphalem honoris curru, quia pro Regis sui salute occumbere continebat. Equidem iam satis Gloriæ vixeras, sed Regi, Patriæ, tuis nondum satis: Tua Gloria te iam immortalitati consecraverat, sed tuæ patriæ, universi Poloniæ regni utilitas pluribus in occasionibus tuam virtutem requirebat. Itaque fato servatus, & Gloriam augere debuisti, & merita; ut cum summum Gloriæ fastigium sua Virtus attigisset, tuis meritis omnium utilitatem, plurimorum salutem, Regis tui amantissimi honorem complectereris. Et sane nec occasio defuit, nec hostis; quin imo quemadmodum olim Herculi renascentia Hydræ capita nihil aliud, quam succrescentes laudibus laudes erant; ita occurrentes tibi quotidie labores & pugnæ præclarissimarum semina laudum extiterunt. Viceras ante fulmen illud belli Turci Michaellem; successit Kanrimirus, ut cum tibi Turcæ herbam proiecissent, palmam Scythæ concederent: hunc ubi singulari fortitudine dispulisti, quasi aliud ex eius strage hostis renascere, Schangyreus Tartarorum fortissimus ductor nec audacia nec exercitu minore exsurrexit. Sed nimirum qui velut monstrum quoddam ac portentum salutem omnium & libertatem opprimere contendebat, te Herculem invenit. Intrusit ille in Poloniæ regnum; tibi Polonicum exercitum Rex invictissimus Sigismundus commendarat; ille rapta iam ingenti præda nobiles viros quamplurimos, matronas honestissimas ac puellas in miserrimam servitutem abducebat; tu illi occurrens captivos omnes à servitute liberavisti, plurimos ex eius copiis in servitutem pertraxisti, non paucos magna strage in exitium mortemque depressisti, prædam omnem è manibus

*Desiderata
eius vita.*

Similitudo.

*Cumulata
victoria.*

Contentio.

Comparatio ac faucibus eripuisti. Ita tua Virtus, tanquam altera Herculis clava, omnia concundit, prostermit, conterit. Extollatur Scytharum illa, qua plurimum in oppugnando valent, celeritas; at tua velocior Virtus est, qua vincendo Scytharum celeritatem superavit. Atque ut eo gloriosior esset virtus tua, qua non assenationibus, sed meritis Gloriam qua sivit, ipsius hostis non vi extorta, sed sponte facta confessione laudata est. Victus enim fugatus ac spoliatus à te Schangyreus, cum esse te Ducem dixit (audi Posteritas) in quo omnes boni Ducis virtutes reperirentur. Credetne tamen hoc olim ventura Posteritas? Imo vero gloriosam omnibus de te fidem præstabit, & nostro demum sæculo atque in te annuet factum esse, quod tantis infra supraque temporibus vix invenerit æmulum, vix habuerit exemplum. Multi victos à te hostes laudaverunt, ut alienam de victorum hostium virtutem extollendo suam gloriam augerent; tu ab hoste à te victo laudatus es, ut tuæ Gloriæ nihil favor alienus tribuere videretur. Adulari me tibi hac laudatione suspicaretur non nemo fortasse, sed adulationis suspicionem iam me hostis liberavit. Adulari certe illi laudando possumus, quem hostis laudavit; atque ego dum splendorem tuarum laudum propono, nihil adiicio; vereor ne ingenii culpa, & orationis incultæ ruditate detraham. Etiamnum silentio susceptum hoc tuæ Gloriæ præconium libenter obsignarem, quod oneri par esse non possum, sed hanc voluntatem intra debiti officii conscientiam coercere non possum. Illumne tacerem egregium tuum erga Regem ac Patriam animum quem, cum de Moschovitica expeditione ageretur, ostendisti? Agebatur Regis honor; Regi te ultro obrulisti; agebatur Patriæ utilitas & Gloria, Patriæ obsequio te sponte consecravisti: opus erat militibus; septingentos à te conscriptos, & splen-

*Contentio.**Excusatio.
Oratorib.**Amor erga
Regem.*

splendidissime ornatos Regis honori & Patriæ utilitati devovisti: requirebantur impensæ; tuo sumptum milites tuos aluisti, & longissimo tempore constantissimos detinuisti. Ita te ipsum non æstimas nisi tuus non sis, sed Regis & Patriæ: ita te vivere non arbitraris, nisi ad Reipubl. obsequium tuum corpus tot iam antea exanthlatis belli difficultatibus mutilatum, par tamen adhuc laboribus, & ad perferendas durioris fortunæ molestias prodigo quodam amoris affectu impendas; ita possidere nullas opes concupiscis, nisi quas pro Regis ac Reipubl. salute cum vita ipsa offeras, & cum opus est, profundas. Vis uno me verbo laudes tuas complecti? Vivis Regi & Reipub. Sed ita vivis, ut pro Rege ac Reipub. vitam deponere sis paratus Et Honoribus & facultatibus multum potes, sed ita potes, ut iis exute re libenter velis modo Regis honor & patriæ utilitas augeatur. Permite ILLVSTRISIME DOMINE, ut Respublicæ nostræ verbis tecum agam hoc loco, quæ in summa Gloria tua, in summo splendore suo, talia aliqua te profecto, sed quam omnes audiunt, voce compellat. Multum hactenus, mi, KALINOVI, tua virtute de me meritus es, dum me nec consumi pateris, nec decrescere. Quod te produxerim, lator, quod per te sæpe sim servata, mihi congratulor. Iactet Roma Decios suos, qui se semel pro ipsa devoverunt; ego te mi KALINOVI, iacto, qui te pro me iam toties devovisti. Extollat illa Camillum suum, cuius virtute Senonum imperium desperata propemodum salute effugit, ego te, mi KALINOVI, exrollo, cuius singulari fortitudine toties Turcarum furorem, toties Tartarorum insanos impetus effugi. Amet illa suum illum Cunctatorem Fabium, & qui vinci Hannibalem posse docuit, Marcellum, quæ illius clypeo protecta seipsum ab hostium devastatione servavit, huius indu-

*Contentio.**Prosopopæia**Comparatio per contentionem.*

*Lau. alia a
fortitudine.*

Transitio.

Alia Transf.

stria ac robore amissam antea Italiam magna ex parte recuperaverit; ego te amo, mi KALINOV, cuius virtute propugnata multoties insensissimorum Scytharum rabiem evasi, cuius pugnis adiuta victoriisque ornata, multa passim erepta mihi recuperavi. Quid dicam quod adversus ferocissimos illos Tartaros, & asiluos hostes nostros mihi murus sis, & propugnaculum? Quid dicam, quod nullus mihi exoriri merus possit, quem non tollas? nulla calamitas impendere, ad quam amovendam non statim summo fere semper cum vitæ discrimine, non raro cū magna tuorum bonorum attenuazione procurras? Disfiteri beneficium acceptum non volo, cuius obligationem non ingrata libenter agnosco, gratiam referre parata concupisco. Sed tuis erga me meritis poni modus non potest. Non satis tibi fuit toties pro me in hostes meos pugnasse, & Patriam tuā protexisse, nisi etiam Pietatis tuæ monumentis me exornares; ut cum te fortem laudarem, pium amarem; cum à bellicosa manu tua multa beneficia acciperem, à tua caelesti mente Pacis ornamenta reportarem. Ita profecto, mi KALINOV, hætenus vixisti & hodie, vivis, ut cum totus sis meus, totam me tuam tuis meritis effeceris. HAS ILLUSTRISSE DOMINE, Reipu. nostræ ad Te voces ut libenter audio, ita iisdem admoneor, ut qui te hætenus bello Clarum consideravi, deinceps Pace inclytum designem. Dedit tibi Mars sagum, quo triumphas; certe etiam Pallas Togam imposuit, qua fulges. Ab armis igitur, & bellorum strepitu, ad pacis ornamenta orationem deflectamus. Quanquam quid ab armis discedere conor, quæ deponere nunquam potes? quid ad Pacem hostium trahere te contendo, qui mediis in armis pro Patria semper excubas, & numquam cessantes hostium Tartarorum incursiones repellis? Sed tamen ita militari illa virtute tua de Patria bene

Bene mereri quotidie non cessas, ut Religionem simul quantum in te est, magno Reip. bono aug-
 geas & exornes. Ecce illa Pietas tua, digna cælo
 Pietas orationi sese præsentat, quam profecto cla-
 rissimis indiciis tum omnes agnoverunt, quando
 singulari Religionis amore, ut in Camenecensem
 districtum Societ. IESV Religiosissimi Patres
 advocarentur, atque ibi populū omnem erudi-
 rent, cum paucis auctor exististi. Sed adiunxit
 se tantæ Pietati eximia prorsus munificentia, qua
 liberalissimo animo Religiosis illis Patribus Col-
 legium erectum magnifica dotē auxisti, ut te
 sane non immerito fundatorem suum & optimum
 Mæcenatem possint ac debeant appellare. Dedi-
 sti tu illis Religionis iis in partibus clavem,
 quam cum eius Provinciæ gubernationem susce-
 pisti, tua in tutela ac patrocinio esse voluisti.
 Stare hic ad pedem figere tua Pietas, & arden-
 tissimus Religionis Zelus non potuit, cumque
 Patrum Societatis industria, labore Religionis &
 Pietatis incrementa in dies maiora animadver-
 teres, eosdem Vinniciam, quæ totius Ucrainæ
 commune territorium est, consentientibus bo-
 nis omnibus advocasti. Quid hic dicam, aut
 quam parem tantæ Pietati laudem adscribam?
 Te appello Camenecum: in te antea Religio
 iacebat, iam floret; debeo hoc, inquis, KALI-
 NOVIO: in te antea rudis & inculta Iuventus
 mores tantum agrestes præferebat, iam doctri-
 nis exculcra moribusque polita humanissimos ani-
 mos ostentat; acceptum hoc, inquis, refero KA-
 LINO VIO: antea propter Tartarorum vici-
 nitatem pessimorum errorum contagionem per-
 timescebas, iam singulari Patrum istorum erudi-
 tione confirmata ita Religioni adhærescis, ut
 ab ea removeri nunquam reformides, & hoc
 quoque inquis, mihi præstitit eximia piete-
 te singularique cura KALINOVIVS. O egre-

*Lauda piete-
tate.*

*Item a libe-
ralitate.*

Apostrophe.

Exclamatio. gium meritum? Sed te etiam, hic, Vinnicia, compello. Tu in ipsis Tartarorum finibus (quid dico finibus?) tu in ipsis Tartarorum faucibus es sita; hoc sane quanquam miserum, sit tamen parum: ante schismate nefandissimo perniciosissimoque plena, Iudaismo detestando polluta, erroribus innumeris aliis infecta exitium ac perniciem anhelabas; hoc vero miserrimum. Sed o felicem mutationem! jam in te homines ad humanitatem & civilem rationem formati ad pietatem instituuntur; jam Catholicam Religionem, cum paucissimi antea ac pene nulli Catholici reperirentur, summa alacritate, & ferventissimo pietatis ardore amplexantur; jam Deus, vix de nomine tibi antea cognit^{us}, publico & celeberrimo in te cultu adoratur; jam fidei sacratissima Doctrina, tanquam sol quidam fulgentissimus, tota provincia suos radios exeret & clarissimam ubique lucem magno cum Pietatis ardore diffundit; jam Delubra surgunt insigni structura, Aræ fumant multa religione urbes reformantur nova eruditione, tota Provincia gessit sancta exultatione. At hoc, inquis, tantum tamque divinum beneficium, quod de Cœlo demissum agnosco, KALINOVIVS mihi sua pietate, suo ardentissimo pro Religione Zelo, suo humanissimo in me amore, procuravit. Maeste ista pietate tua, ILLVSTRIS DOMINE, in ista dignitate tua atque officio pium appellati, summa tandem laudis est. Atque hanc laudem tuam, quamdiu vivere respirareque concessum erit, gratissimo animo fovebunt & ore latissimo depradicabunt Religiosissimi Patres Ordinis S. Francisci (quos Minores appellamus) quibus in hæreditaria ditione tua Husyatin summa cura sumptuque liberalissimo Cœnobium erexisti, erectum ornavisti, ornatum singulari amore complecteris & foves. Ita nimirum cessare aut desse tua Pietas non potest,

*In Patres
Francisca-
nos,*

Gradatio.

rest, ubi Dei honor. Religionis cultus, Populi salus accipere incrementum potest, ac statim Pietati munificentia sese adiungit ut omnino te sapis pium esse non putes, nisi munificus quoque, & magnificus existas. Maeste iterum ista tua pietate magnifica, & pia Magnificentia. Prof.cto vere Pius, & vere Magnificus est, qui auctor pietatis cultu, exornataque Religione Dei Divorumq; honorem promovet. Quid nunc dicam de Iustitia (ô pulchra Pietatis comes! quam ira exerces, ut per te Æquitas vigeat, Iniquitas exulet, Tranquillitas regnet? Testis est Vinnicia, quæ iustissimo illi tribunali, in quo olim sedebas, suam se debere tranquillitatem affirmat. Testis est Camenecum, cuius quies tua æquitate, quam adhuc hodie in illo tuo Iustitiæ solo moderaris, parra est Testis est Latyczouia, quæ quia te Iudicem habet, non tranquilla tantum respirat, sed etiam summa in Libertate quietem suam admiratur. Ignosce vero, ILLUSTRIS-SIME DOMINE, si imparem stylum tuæ magnitudini submittam: quod si ex ungue Leo, si ex pollice Gygas, si ex umbra corpus cognosci potest, forte aliquam tui umbram adumbravi. Non illa dixi consilia, non illos labores quos pro libertate tuenda, quam sibi multo sanguine hæreditariam Poloni fecerunt, & cuius semper retinenda nunquam non Auctor & princeps exististi, exanthlas. Non eorum omnium memini negotiorum, quæ pro incolumitate commissarum tibi regionum, pro publico Regni totius bono quotidie agitas, & ad exitum felicissimum perducis. Admiror hæc libenter, eloqui non possum. Illam vero tam piam ac tam sollicitam educandorum liberorum tuorum curam quis non admiretur? quis non eloquatur? Habet Rex, quod ex iis speret; habet Respubl. quod in iis confidat, habet Religio, quo se in iis reficiat. Tui

*Epiphonema
Lauda Iu-
stitia.*

Peroratio

*Præteritio
cum excusa-
tione.*

Lauda filios.

Sunt, sed quia ita vis, Regi, Religioni, Reipubl. nati.
 Tui sunt, nec tam quod ex te nati, quam quod
 tuis vestigiis insistant. Quorum indolem, & ge-
 nerosum ad omnia animum si quis intueatur, vi-
 debit; *Quid mens rite, quid indoles nutrita faustis
 sub penetratibus possit.* Videbit, inquam Fortes,
creari fortius & bonis, verissimumque esse dicet,
quod nec imbellem feroces. Progenerent aquila colum-
 bam. Illa indoles à te est, ILLVSTRIS SIME
 DOMINE, *Doctrina sed vim promo vet insitam, Recti-
 que cultus pectora roborant:* adeo dum iussu tuo in
 exteris Regionibus Sapientiae ac Prudentiae com-
 parandae labores suos consecrant, foeliciter quam
 à te acceperunt generosam Indolem, ut aliquando
 Regi ac Patriae profint, exornant. Ille tuus A-
 DAMVS, verum omnino, sed quod adhuc for-
 matur, tui ipsius simulachrum. Ille tuus GE-
 ORGIVS, cuius animus ad omnem prudentiam
 factus nescio quid non iam Patriae promittit. Ille
 tuus MARTINVS, quem cum videas, omnia sum-
 ma speres. In illis profecto etiam ubi morti (dent
 sero Fata) concesseris, ter adhuc renasceris, & tot
 Patriae ac Regi animi tui obsides relinques. Foelix
 Respublica nostra, quae illos accipiet, foelicior
 quae te iam habet; & licet tuis tot ac tantis meri-
 tis nondum satisfecerit, meminit tamen, pollice-
 tur tamen, satisfaciet tandem, quae multis tibi si-
 miles quotidie cives exoptat. Cuius voto ut fa-
 veam, ILLVSTRIS SIME DOMINE, faxit Deus
 Ter. Opt. Max. ut tecum ac per te diu fa-

lices annemus & perennemus.

DIXI.

F I N I S.

RHE.

RHETORUM
COLLEGII
PORCENSIS
INCLYTÆ ACADEMIÆ
LOVANIENSIS,
Orationum

P A R S II.

CONTINENS ORATIONES
Generis Deliberativi.



COLONIÆ,
Apud JODOCUM KALCOVEN,

ANNO M. DC. XLVIII.

CONSULTATIO,

*Ad quorum similitudinem sit stylus
Oratoris conformandus.*

DEDICATA

Amplissimo & Clarissimo Viro,
ERYCIO PUTEANO, Sereniss.
PRINCIP. BELGII Consiliario,
& Publico Litterarum Pro-
fessori LOVANI.

ORATIO I.

CAROLI de MARESCHAL,
NAMURCENSIS.

*Qui rei summam ad difficultatem
proponens, ceterorum sententias
exquirat.*

Exordium à
necessitate
styli.

Probatio ab
authoritate.

Non est obscurum, non dico inter eos, qui
scientiarum Antistites fugienti tempori
velut manus iniiciendo, suam ætatem
in posterorum annos fœlici quodam ingenii par-
tu diffuderunt; sed inter eos etiam, quorum ani-
mos memoria posteritatis, & candidatus gloriæ
feruor jam primum ad Apollinis aras & Mu-
sarum delubra trahit, quanta sit styli necessitas,
& elegantis utilitas scriptionis. Etenim, si Craf-
si vo-

si vocem, quæ gravitatem oraculi sub platano Ciceronis accepit audiamus, *Stylus est optimus ac præstantissimus dicendi effector ac magister*: si famam virtutis præconem consulamus, ac in eam sempiternæ gloriæ recordationem, in qua hodie propemodum innumeri vivunt Authores, animum excitamus, fatebimur omnino, nullum esse sermonem, nullam orationem, nullam prorsus doctrinæ genus, quod à stylo non accipiat commendationem. Ita quorum in scriptis styli maiestas elucescit, amplissimo gloriæ fructu in immortalitate recreantur: quorum vero styli facies ita languet destituta colore, ut expallescat, eorum scripta quoque perpetuo in situ jacent invisa atque despecta. Ita non satis est assidua lectione & auscultatione longa pulcherrimarum rerum, ac sapientiæ ipsius sub pellectilem comparuisse, non satis est, latissimos Rhetoricæ vapores Philosophorum fontibus irrigavisse: sed descriptionis ad ornata illuminationis, stylique maiestas nitorem adferre, dignitatem conciliare debet. Etenim quid præclaras Apellis aut Antiphili formas iuvat inspexisse, si penicillo manus instructa nullam imaginem valeat adumbrare? quid iuvat auri massas circumferre, si nullam in eo formam manus artificis elaborarit? Sic omnino styli necessitas est per magna, & utilis prorsus amplectenda.

Enim vero cum in tanta tot excellentissimo Authorum multitudine tanta quoque styli diversitas reperiatur, ut eruditionis propemodum, ac multo minus sermonis affinitas nulla cognoscatur; quis Oratori stylum aliquem præscribet, & præcellentis alicuius similitudine formam eius orationi inducet? Ita sunt nonnulli, qui quadam ingenii ac sermonis ubertate flumina quædam orationis profundunt, & dum sibi

A publico testimonio & commendatione.

Sola scientia sine elegantia styli parum prodest.

A simili.

Accedit ad præsentem Consultationem.

Varia styli formam Authorib.

videntur opulenti, aliis redundant. Quidam sermonis avaritia duci videntur, & dum verborum affluentiam oderunt, Laconicis limitibus sermonem includunt, tantaque brevitate utuntur, ut absolverint citius, quam potuerint audiri. Sunt alii, qui indignantes pene se nostra ætate natos, qua lingua proavorum exolevit, Actium, Lucilium, Plautum, aliosque veteris ævi Patres è sepulchris excitant, cumque iis duriores sermonis dapes, quam mella cum MARCO TVLLIO gustare malunt; iraque loquuntur, ut ab ævo Saturni venire, & à Carmenta Evandri matre videantur edocti. Sunt denique non pauci, quibus auræ novitas ut est grata, ita gaudent verbis uti novis, qui, ut opinor. *Ingeniorum Gratia flatibus impelluntur, equique sunt magis ad pompam, quam fortes.* Nihil de illis dico. qui Apuleianum, aut Sidonianum dicendi genus sectantur: nec eos iam adduco, qui varie è Poeticis, Historicis, Oratoriisque vocibus orationem rancidam & antiquatam comminiscuntur. Scio multos esse, qui se solos adorent, & naturæ suæ duntaxat inclinatione librentur: sed alii sunt quoque, qui unum è numero suspiciant, & exosculentur; nec pauci, qui in eadem se mita plurium vestigia premant. Nos vero quid hic dicemus? Gravis est omnino difficultatis huius mōles, & quæ Atlantum quorundam humeros requirat. Reformidanda propemodum arena, in qua Paulus Cortesius cum Angelo Politiano confligit, Bembus cum Francisco Pico decertavit, Iulius Scaliger cum Erasmo Roterodamo digladiatus est: in qua Camerarius, Sambucus, Omphalius, Bartholomæus Riccius, Foxius Morsillus ita sudarunt, ut victoriam reportasse iudicari possint: in qua Fabius Quintilianus non pugnam imperavit, sed pro sua auctoritate jus dixit, illique velut Imperatori non pauci assurgunt.

Præteritio.

*Difficultas
presens
consultatio-
nis.*

Sed tamen ne magnitudine tantæ rei debilita- *Adhortatio*
 ri, non solum conatum, sed spem imbecilli vi- *ad sententias*
 deamur abiecisse, ingrediamur hanc arenam, *dicendas.*
 EGREGII IUVENES, & ubi tot excelsa ingenia
 sudarunt, non dubitemus defatigari. Agite ergo,
 sumite libertatem illam dicendi, qua in hoc
 Rhetoricæ nostræ exitu specimen ingenii vestri
 edentes statuatis, an quisquam Oratori, & quis
 inter tot Authores sit imitandus; ut dum è Rhe-
 torico pulvere viam ingredimur Eloquentiæ, iam
 in hac via ducem aliquem eligamus.

Tu vero, Clarissime vir, PVTEANE, si has an- *Apostrophe*
 gustias Scholæ nostræ hodierna die non reformi- *ad Cl. V. Pu-*
 dasti, & illa tua præsentia, ac vultus claritate co- *teanum ut*
 natus nostros animare voluisti, exhibe nobis *favens.*
 favorem illum tuum, quo adiuti, parvulas inge-
 nii nostri vires in tanta tot Authorum contentio-
 ne exercere audeamus. Sed iam annuis, & ab
 illo vultu tuo animum sumentes ingredimur a-
 renam. DIXI.

ORATIO II.

IACOBI EDELHER
 LOVANIENSIS.

*Qui contendit, in stylo conformando non
 unum aliquem sed omnes ex equo
 bonos authores imitandos
 esse.*

CVM in omni consultatione deliberanti *Exordium*
 um animos veritas, non vulgaris permo- *per excusa-*
 vere debeat opinio, dabitur hæc mihi ve- *tionem.*
 nia,

Propositio.

nia, ut dum ad gravissimam quæstæ rei difficultatem ingenii nostri censuram apporto, veritatis impulsus amore, non vulgari permotus opinione mentem meam exponam. Ita sentio, in stylo conformando non unum aliquem, sed omnes ex æquo bonos authores imitandos esse. Nec in hac arena laborandum multum puto: vos considerate naturam, nunquid ab ea propensionem habet unusquisque, qua ad earum rerum ambitum, ad quas natura sit factus, impellatur? nunquid genium mens uniuscuiusque est sortita, ut instinctum eius non repellat, sed sequatur? Nunquid sua cuique est idea impressa, cuius celeribus moribus ad aliud voluntate feratur, ab alio vero abducatur? Perduellis eris, si naturam frangas ac violes, genioque resistas, itaque non unius certi

*Confirmatio.**Prima ratio**confirmatio-**nis ab incli-**natione Na-**turæ.*

vestigium premere, sed viam ingredi liberam Natura duce debemus. Audi Fabium, audi Ciceronem; Ad Oratores omnes, ad Historicos, ad Poetas etiam ducunt. Et cur ni ad omnes? Quasi vero benigna natura fecunditas uni omnia, non sua cunctis præclara munera distribuisset. Nihil ipsa (ut cum Tullio dicam) in simplici genere omni ex parte perfectum atque beatum expoliuit, tanquam ceteris non sit habitura quod largiatur. Vnde tametsi Demosthenes, magnus ille & admirabilis totius Græciæ Orator, palmam omnibus eripuisse iudicaretur, satisfacere tamen non potuit Ciceroni, qui cogitatione ac mente tota ad æffingendum illum se referebat. Non potuit naturæ suæ habitum proprium dissimulare? non

*Ab exemplis**& auctoritatibus*

potuit, quin ab huius magni Magistri vestigiis ad naturæ vocantis cursum deflecteret. Tanta scilicet vis est atque maiestas impressæ animis ideæ, tanta naturæ potestas, ut abreptus ab illa, nequeas reluctari.

*Demosthe-**nes Ciceroni**non satisfac-**cit.**Epiphonema*

Animadvertitis quid contendam, non unum aliquem, sed omnes imitandos, sequendamq; naturam

*Repetitio.**propositionis*

Animadvertitis quid contendam, non unum aliquem, sed omnes imitandos, sequendamq; naturam

turam. Non unum aliquem? Equis esset, ob- *Secunda*
 secro, eo donatus felicitate naturæ, ingeniique *ratio.*
 præclari, qui alteri similis esse per omnia posset,
 cum nec idem sibi homo similis esse per omnia
 possit? Ita Plato; ita Aristoteles, ita Peripatetici
 senserunt. Et tot sunt animorum in homine per- *Ab Autho-*
 motiones, ut idem genus argumenti sicut affir- *ritate.*
 mant, quod quis oratione fuerit complexus, non *A simili.*
 eadem omnino verborum rerumque dispositione,
 stylo possit explicare. Videmus id ipsum in cera,
 in quam tametsi signum idem imprimatur, pro-
 prium tamen quiddam apparet, ut aliud signum
 gravius, aliud altius, aliud vero lenius impressum
 videatur.

Quaquam quid urgeo rationem istam, cum *Apostrophe.*
 me firmissimæ autoritatis invitet umbra? Tua
 est, Clarissime Vir, Puteane, autoritas, quæ me
 ad se trahit, & sententiæ meæ patrocinium offert.
 Nunquid cum Promulsidis tuæ vina ac mella gu- *A testimonio*
 stasset magnus ille Litterarum Princeps, & eru- *Iusti Lipsii.*
 ditionis oraçulum, Iustus Lipsius, ad te rescripsit,
 stuporem propemodum esse, nos ad unius imita-
 tionem vocari quod nemo veterum aut prio-
 rum somniavit? Nihil est hoc imitari, si te nihil
 inspiras; imo si omnia tua non facis: servire est,
 mendicare est. Nunquid idem admonuit, ut lacu-
 nas illas relinquens, quæ non nisi ab imbre im-
 plentur, à se arentes, tu inter vivos ac perennes
 fontes esses?

Audivisti magni magistri vocem, & nunc ho- *Conclusio.*
 die vivi illi tui fontes, ô quam liquore dulci
Belgica inventutis animos perfundunt? quam
 è verbis tuis suave melle *Bona mens* nutri-
 tur? sed excitatum contineo affectum, & in illa
 ruz autoritatis umbra securus recumbens, repeto *Repetitio*
 mentem meam audacius: Non Vnum unum ali- *Sententia.*
 quem, sed plures, imo omnes imitandos Ora-
 tori.

tori Scriptores esse indolemque Naturæ sequendam. DIXI.

ORATIO III.
ARNOLDI de BEECK
HAGENSIS.

*Qui eandem sententiã amplectens,
rationibus aliis confirmat
illam.*

*Exordium
per appro-
bationem su-
perioris sen-
tentia.*

Egone à te discederem? Egone tuum istud iudicium non ambabus ulnis amplecterer? Non ita me respiciat Apollo, & quicumque Bonæ Mentis præses. Si non illam tuæ sententiæ lucem intuear, abeam in tenebras, & qui non a mem rationem, somnia dormiendo quæram. Non unum, ais, aliquem imitandum: istud volo. Pluribus insistendum suades: insisto. Naturam sequendam urges hæc mihi Dux una.

*Propositio.
Confirmatio.*

Et quanquam tu multa rationis luce mentem tuam aperuisti, faculam tamen eiusdem rationis unam ostendam. Vetus ævum evoluamus, quis authorum in ea turba non te turber; cum uniuscuiusque suam styli moderationem ac phræsim placere videas? Floridam vinctam, carne & nervis vestitam; jejunam inflatam, siccam reperias. Fidem petis? ab exemplis hanc cape. Julius Cæsar vehementi dictionis acumine & concitatione forenses causas impellebat. Petulans Cælius, ardens in accusationibus, sed tamen non inurbanus Calui an Calua fortassis oratio? imo sancta, gravis & expolita. Trachallus sublimis & apertus. Delectationi natus Vibius Crispus. Cornelius Celsus in brevitate celsus. Ita magna inge-

*Ratio I. ab
authoritate
antiquorum
Oratorum.*

*Probatio ab
exemplis.*

*Amplifica-
tio per enu-
merationem.*

nio-

niorum fuit diffimilitudo? sed ab indole cuiusque diffimilis oratio, sed à propensione. Nunquam ergo intra septa claudemur, ut semiram teneamus, non in campos excurramus? placet famelico in carcerato cibus à custode datus, sed *A similiti* gratior esset nonnunquam ab alio? imo gratissimus, si non in carcere acceptus, sed propemodum ostiatim collectus.

Sed altius iam loquar, si me audiant qui non audiunt. An excitata gloriæ quædam incessit cupiditas? Cave, ne servus fias, & in vestigio duntaxat unius pedem tuum figas. Imitatio authoris unius, infelix est & abiecta servitus; excitandum est ad ingenii libertatem ingenium; sequenda voluntas quo sapit, non cogenda & dum ardent multæ facies, non ab una tæda mendicanda lux est. *Ratio I. à turpi.* Dii boni! Conscientiam vel in ore habent, vel in calamo homines illi. Mira est ubique religio: nefas est verbum loqui, quod non dixerit author, quem adorant: capitale est vocem aliquam imprimere chartæ, quam non reperias in chartis authoris. Itaque fit, ut sterilis, manca, inanis, & profusa verborum volubilitas enascatur, quæ gratia, pondere rerum, & audientium careat admiratione. *Irrisio acerba.*

Iam vero si ipse M. Tullius non unum sibi ad informandum orationis filum proposuit, sed vim *Ratio III. ab exemplo Ciceronis.* Demosthenis, copiam Platonis, iucunditatem Isocratis rara ingenii felicitate consecutus fuit, cur huius temporis Orator ad unius se conferret imitationem?

Capite nunc ergo mentem meam Egregii iuvenes. Ita dico, sequenda naturæ propensio est, & ad varios suo in genere probatos auctores conformanda dictio est Oratoris. DIXI. *Conclusio. Repetitio. Sententia.*

ORATIO IV.
IOANNIS OVDINI
DVGNIENSIS.

Qui unum aliquem; qui præstantissimus sit, imitandum affirmat
Oratori.

*Exordium
per excusati-
onem quod à
sententiis di-
ctis recedat.
Accedit ad
refutationem
priorum sen-
tentiarum.
Melius est
summum
quam infim-
um orato-
rem imitari.
Dementis est
omnes imi-
tari velle.*

ANimadverto. Bene nati Iuvenes, quis opi-
nionum sit vestrarum scopus, à quo si sen-
tentia mea recedam, ita rogo, credite, nul-
lius me vel dignitatem violasse, vel debitum cui-
quam honorem detraxisse. Etenim fieri potest, ut
cum animi mei sensus dissentiant ab opinione ve-
stra, vos præclare nihilominus iudicetis. Sed ta-
men illud inquirò, cum sui cuiq; sine impressi mo-
tus, ut dicitis, quorum vi mens humana rei alicui-
us effingendæ studio potissimum flagrat; & cum
pro suo quisque genio certam Styli formam elige-
re possit, cur Orator non eius sibi potius dictione,
quæ laudatissima est, quam infimi cuiusdam ieiun-
ium, aridum squalidum, sine sanguine, sine carne,
sine nervis stylum proponeret imitandum? Nam
si naturam exprimere, quæ in unoquoque est, non
possumus perfecte, integrum tamen erit sequi con-
siliium, ac eam prudentiæ voluntatisq; rationem,
quæ proficiscitur à natura. Iam vero si unum ali-
quem propter naturæ diversitatem efformare non
valeamus, cuius erit dementiæ tandem, tanta la-
boris contentione, gravi etiam valerudinis pen-
culo authores omnes evoluerè conati? Profecto
angusti est animi, nulloque consilio prædidentis,
cum

cum in aliquo genere præstantissimum consequi *II. Ratio ab*
 possit imitando, illud inertia turpi ac iudicii *inutili.*
 quadam egestate negligere contemnereque. Vanæ etiam prorsus est, superstitiosa, & infelicis
 operæ, cum oratoris perfectissimi dicendo possis
 representare dictionem infinitos summo labore
 decoquere scriptores, ut elocutionem duntaxat
 pares. Quapropter maneat illud iam ostensum.
 ingenii naturæque vim universam ad illius imi- *Propositio.*
 tationem convertendam esse, qui optime omnium
 in dicendo exempla virtutum expresserit. In quo *Confirmatio.*
 cum sententiam meam in hac consultatione si *Ratio ab ex-*
 tam esse velim, tum illud simul affirmare non re- *emplis per sim-*
 formido, prorsus imitationem unius ac certi au- *ilitudinem*
 thoris Oratori necessariam esse. An non Phidias
 Minervæ simulacrum adumbraturus, proposita
 pulchritudinis eximie idea, in eaque animi rati-
 one defixus, ad illius similitudinem penicil-
 lum & manus dirigebat? An Apelles & Polycle-
 tus tam admirabilem venustatis gratiam suis
 imaginibus aspersissent, omniumque in se oculos
 artis ipsius miraculo convertissent, nisi hic Age-
 ladis, ille Pamphili lineamenta & monochro-
 mata fuisset secutus? An non Heracleotes ille
 Zeuxis, ut admirabilem Helenæ pulchritudinem
 efformaret, Crotoniatis virgines, magna corpo- *Zeuxis.*
 ris dignitate præditas, sibi proponi iussit? Ita o-
 mnis recte agendi ratio, ad propositum sibi præ-
 scriptum informatur. Quod ipsum animadvertit
 princeps orbis, terrarumque victor, populus Ro- *Populi Ro-*
 manus, qui præstantissimorum hominum, quibus *mani.*
 ætas illi affluebat, res præclare gestas triumph
 laude ac statuis erectis ob id maxime illustravit,
 ut exemplum iuventutis, traducta velut in memo-
 riam illustrium virorum imagine, quod in pu-
 blicis privatisque rebus imitaretur, haberet. Sci-
 licet omnis laus actionis, omnis ratio vitæ imi-
 tatione continetur. Scilicet alacritatem illa ma-
 gni-

*Ratio II à
Necessario.*

gnitudinemque nobis adfert, ut excellentium hominum cogitatione conformati, ad honoris ambitum cupiditatemque inflammemur. Et vero si in Barbariem ætatis vitio, & quasi abortientis naturæ iniuria deiectioni sumus: si duntaxat à mutis libris senescentem Eloquentiæ laudem restituere & vindicare debemus: si quædam recti sermonis inopia & optimorum Rhetorum est egestas, nunquid omnino necessarium est, ut ad præstantissimum aliquem Oratorem refugiamus, cuius ope inopie succurramus, & à quo dignitatem ac splendorem recipiat gloriosa illa civitatum gubernatrix, otii socia; pacis æmula, ac bene constitutæ Reipublicæ alumna Eloquentia? Sed memor ero temporis nostri, & rationem indigitasse contentus, si perfedeo: vos mentem meam accepistis. DIXI.

*Eloquentiæ
descriptio.*

Conclusio.

ORATIO V. LVDOVICI HVSSONII BASTONIENSIS.

*Qui præstantissimum Oratorem Oratori
imitandum esse, eumque M. T. Ci-
ceronem contendit.*

*Exordium à
laudatione
precedentis
oratoris.*

PRæclare tu quidem; & iam isti voluntati tuæ meam adiungo. Sed quis præstantissimus Orator, quem imitandum iudicas Oratori? Dubios animos relinquis, aut certe iam illud nomen ita notum arbitraris, ut universi MARCUM TVLLIUM designare sat possint. Ita prorsus sentio, iudicoque Humanissimi IVVENES,

Mar.

Marcum Tullium, & Præstantissimum Oratorem *Proposita,*
 esse, & Oratoribus omnibus imitandum Dii boni! *Solum Cice-*
 quem virum aio? quin exclamo cum Silio Poeta: *ronem imi-*

Regia progenies, & Tullo sanguis ab alto. *tandum.*

Indolo pro quanta iuvenis, quantumque da-
turus.

Confirmatio.

Ausonia populis ventura in sacula civem?

Ille super Gangem super exauditus & Indos *Ratio est elo-*

Implebit terras voce, & furialia bella *gium Cicero-*

Fulmine compestet lingua nec deinde relin- *quies a testimo-*
quet. *nio Solii.*

Par decus eloquio cuiquam sperare nepotum.

Ille est, (ut Fabius Quintilianus ait) qui dono
 quodam providentiæ genitus est, in quo totas vi-
 res suas Eloquentia experiretur, clarus, suavis, iu-
 cundus, gravis: qui divina ingenii felicitate, quic-
 quid in omnibus aliis admirabile, politum, inge-
 niosum, eximium reperitur, id suis in operibus
 totum effinxit. Ille est, in quo perfecta prorsus at-
 que absoluta dicendi ratio elucescit: in quo vis De-
 mosthenis, copia Platonis, iucunditas Isocratis u-
 niversa continetur. Subtilis est in probando, tem-
 peratus in delectando, vehemens in flectendo:
 gravis, copiosus, ornatus.

Quintilianus.

*Laus à per-
 fecta Elo-
 quentia.*

Iam vero si miraculum quoddam est Naturæ
 MARCVS TVLLIVS, in quem Eloquentia vim
 suam transtulit universam, & qui omnes omnium
 virtutes est consecutus, ut de seipso testatur in O-
 ratore; cur ad eius similitudinem contentione
 magna non se conformaret Orator? Desideratne
 quispiam certo aliquo in genere Orationis excel-
 lentiam adipisci? Nullum est dicendi genus aut
 doctrinæ tam abstrusum, tam reconditum, tam no-
 vum, cuius non aliqua sint in ipso vestigia non sa-
 ne leviter expressa. Thesauri sunt omnino scien-
 tiarum eius libri: & ut amplius dicam, nullum

*In Cicerone
 omnis virtus
 Eloquentia.*

inci-

*Conclusio.**Repetitio
sententia.*

incidere thema potest, cuius non exemplum apud summum illum civilium controversiarum disceptatorem prudentissimum reperiatur. Cicero est, de quo loquor: & quantum hoc est nomen? Non hominis est, sed Eloquentiæ nomen. Sed non ego par eius unquam laudi sum futurus, nisi quoque sim par ipsi: ac proinde si recte Quintilianus profecisse satis illum putat, cui Cicero placebit, omnino existimo atque ita sentio, Humanissimi IV-
V E N E S, unicum Ciceronem maxime esse imitandum, cuius excellenti cogitatione conformatus unusquisque gloriæ viam ingrediatur, æmulationeque & similitudine excitatus, in laudis theatrum pedem attollat, & in hominum oculis habitare versarique discat. DIXI.

O R A T I O VI.
MARTINI BERCKMANS
LOVANIENSIS.

*Qui solum CICERONEM imitan-
dum esse negat.*

*Exordium à
re ipsa seu
propositione
sententia.
Confirmatio.*

*Ratio I. à
dignitate
alterum.*

Non ego diu vocem premam: in luctam quasi vocor: & in quos? in eos scilicet qui Ciceronem non minus humeris suis sustentant, quam cœlum Atlas. Quid est? Si Alexandrum admiror, nihil Hannibal erit? nihil Pyrrhus, nihil Mythridentes? si in pulvere Troiano vicit Hectorem Achilles, nihil erat Hector? præclare sane, Magnus est Marcus Tullius. Testor invidiam ipsam testem. Sed solus est imitandus? Repugno, an enim spurius Cæsar? an nothus Quintilianus? an illegitimus Salustius?

Nau.

Nunquam Hero bus illis vir dignus indignissimam calumniam inusserit. Educ agetum in lucem Ciceronianos istos, Tullianas istas simias, loquantur in cathedris, disputent in scholis, aut si placet, volumina scribant. Quid dabunt? fucum oculis, & lenocidium ceteris artibus inspergent. Verbo dicam: non pectus implent; sed linguam onerant: quam linguam; à qua dictio pene elinguis, manca, inanis, Pudeat certe ætatem in uno Authore ponere, ac ita vestigium unum premere, ut nullam viam absolvas, nedum saltum unum audeas tentare. Quid sunt homines illi? scire vulgatis, & ego dicam cum Horatio: Imitatores & nihil aliud quam Imitatores. Laudarem si assequi possent unquam: sed ille ad eloquentiæ fastigium conscendit, & scalam post se traxit.

Ratio II. & fucum imitationis Ciceroniana.

Ab indigno.

Ratio III. quod inimitabilia sit Cicero.

Restat ut respiciamus tantum illum. Non ego respicere suadeam, sed scalas alias quærere. Utinam hic adesset Politianus, vir elegans & eloquens, qui nobis rursus occineret, longe honestiorem Tauri faciem vel Leonis, quam simiæ videri, quæ tamen hominî similior est. Idem vir doctus Ciceronianos istos nostros, pùttacos, & picas appellaret: Imo peram humeris iniiceret, ut stylum quasi panem frustulatim mendicarent, nec ex die solum viverent, sed & in diem: quorum proinde sermo, male curatus, male pastus, non fermentatus; lingua vacillans, infirma. Superbiunt illi, & ceteros ita contemnunt: Non sapitis Ciceronem, Non licet hic mentiri: sed quid tum? neque enim ipsi sunt Cicerones: seipsos tamen, & hoc satis exprimunt. An sceptrum geret, qui Rex non est? Ridebitur, elicietur. Concludo cum magno LIPSIO, iterum ad te Claris. Vir PVTEANE, non verba, sed pectus & vim mentis esse, quæ disertos facit. Non ergo quisquam Oratores ad Ciceronem solum vocet: hunc si contriverint & concoxerint, ad aliorum cibos appetitum appor-

Compar.

Obiectio.

Conclusio.

Repetita sententia & à simili illustrata.

tent, vires denique suas universas periclitentur. Hoc indubitatum; non bene currere eum, qui pedem in alieno tantum vestigio ponit. Sciendum etiam, infelicis prorsus esse ingenii, nihil à se promere, semper imitari. DIXI.

ORATIO VII.
BALDVINI BOLLEN
LEUWENSIS,

*Qui asserit, stylum illum Oratoris
præstantissimum esse, qui ad stylum
Ciceronis propius accesserit.*

*Exordium
ab oratione
adversarii.*

Dixisti equidem, & adversus MARCV M
TVLLIV M, cæterorum Authorum mihi
patrocinium suscepisse videris: sed ecce ut
nunc tecum agam, in te pugnabo pro Marco Tul-
lio, nec cæterorum tamen auctoritatem vel verbo
vulnerabo.

Propositio.

Refutatio ad l. rationem. Quid in hanc igitur arenam apportas? Si sequen-
tus Cicero solus, spurii iacebunt cæteri. Non ea
est Ciceronis nostri maiestas, ut nullius patiat in

*Legendi ani-
ad comparan-
dam scienti-
am.*

luce dignitatem. Imo vero propter rerum pul-
cherimarum cognitionem, propter fecundam
exemplorum ubertatem, devotis animis erunt le-
gendi, atterendi, perdiscendi, Non sunt spurii, sed
legitimi quoque naturæ partus. Non sunt inutiles,
sed balbutientis quoque linguæ lubricum liberali
orationis flexu cortigunt.

*Non omnes
pro stylo com-
parando
agendi.*

Sed ut studiose legendi sunt omnes, sic tamen
non omnes in paranda elocutione sunt imitandi.
Quæ enim per Deum immortalem, tanta bonitas
naturæ, & studii vehementia, quis tam inoffensus
cona-

conatus esse potest, qui exprimere, & imitari posset omnes, cum adæquare nunquam aut vix unum possimus? An non omnes imitamur, cum Ciceronem unum imitamur, qui perfectionē omnium in se convertit universam? & ut absurde ridiculum est, cum habeas domi hortum, qui florum omnium, herbarum, fructuum diffuat ubertate, omnia interim regionum loca peragrarē, ut inde, quod domi possides, asportes: ita insanīa prope modum est, frustra in omnib. Authoribus inquirere, quod unius lectione Ciceronis possis adipisci.

*Qui Cicero-
nem legit, om-
nes legit.
Similitudo.*

Sed fucum dant, inquis, Ciceroniani & lenocinium ceteris artibus inspergunt. O Marce Tulli, qui disciplinas omnes vel tradidisti vel illustrasti traditas à Græcis, illud audies? Audies equidem, sed non feres; non ferent Alumni tui, qui in publico orbis universi consensu protestantur, nullam omnino scientiam esse, quæ venerationem ab Eloquentia non desumat. Et nunquid Eloquentiæ Cicero parens? possidet ille gloriam, famamque sempiternam perfectione quadam eruditionis rara, nec est tamen inimitabilis, qui se ipsum summa nobis facilitate proposuit imitandum; & quanquam inimitabilis omnino foret, magnæ tamen esse gloriæ debet, gloriam eius adumbrare & æmulari. Iacent igitur rationes illæ tuæ: & si à me rationem aliam exquiris, fateare necessum est mecum, in omni arte, laude præcipua dignissimum illum esse, qui ad illius magistrum artis propius accedit. Quod cum omnino sit ita, cur in oratoria facultate non lauro dignum triumphali iudicemus illum, qui triumphantem in orbis luce Ciceronem candidatæ ditionis impetu assequi contendit? Non amplius urgeo, & hac una ratione, quod dixi, convinco. Audiant utinam, qui Oratoris nomen eximium amant, quod si decus inter astra luna refert, quia luce sua, quam participat à Sole, propius ad Solem

*Ad II. ratio-
nem.*

Exclamatio.

*Ad III. ra-
tionem.*

*Insultat ad-
versario.*

Confirmatio.

*Ratio à com-
muni iudicio*

Conclusio.

Simile.

accedit : ita, qui à Cicerone mutuabimur orationem, quia sese ad eius erigat imitationem, ut in oratione, ita sequetur Ciceronem in honore.
DIXI.

ORATIO VIII.

DIONYSII van den BERGE THENENSIS.

Qui unum aliquem imitandum, & cum Ciceronem esse declarat.

*Exordium
ab eventu
præter opini-
onem seu à
varietate
sententiarum.*

Propositio.

*Conciliatio
ceterorum
Confirmatio-
nis prima*

*pars unum
esse imitan-
dum.*

*Ratio ab ef-
fectu.*

*Experientia
implantat.*

Non ego contentionem istam expectaveram. Egregii IVVENES, sed omnino fore Putabam, ut animi consensu principem aliquem in eloquentia sequendum esse decerneretis : sed venit in discrimen res omnis, ut video, nec eadem omnes subsellia tenuistis, dum aliqui vel neminè, vel omnes imitandos esse censuerunt : alii vero Ciceronem unum proponendum Oratori iudicarunt. Quid ego inter has vestras opiniones? Nolite expectare decretum ; non dabo : sed dicam tamen aliquid, & illud in primis approbabo, quod iam aliqui nescio quam efficaci probatione animo meo impresserunt, omnino aliquem Oratori imitandum esse.

Non est animus noster cuiusquam animum exacerbare, sed tamen si à quorundam parte recedam, ignoscendum Orationi putent, quia compellor. Omnino Egregii IVVENES certo Authori est insistendum. Nunquid Authoris imitatio semina quædam in animo relinquit, quæ per se ipsa postmodum coalescant? nunquid omnis in hac ingenii libertate doctrina ex antecedenti cognitione paratur? Philosophorum est illa veritas, sed est quoque naturæ, quam experientia mani-
festat

festat in plantis, quæ nunquam sine semine con-
 surgunt. Considerare, si lubet, eos, qui sine imi-
 tatione sui ingenii præsidio nituntur, quam nihil
 roboris & virium in scribendo præ se ferunt? *Qui non imi-
 tantur nihil
 possunt & si-
 bi sunt dissi-
 miles.*
 Modo sordidi & inculti, modo splendidi & flo-
 rentes apparent? & dum ex omnibus aliquid ra-
 pere sit necessum fit, ut ex toto genere unum in
 agrum inmiscissima inter se semina spargant, fit
 inquam, ut tam varia ciborum genera crudo pror-
 sus & obruro stomacho male coquant Recte Pau-
 lus Cortesius hominum istorum orationem He-
 bræorum sibi domum videri dixit, in qua pen-
 deant oppignorata diversissimorum hominum
 bona, quæ si referat unusquisque, vacua maneat
 domus & inanis.

Sed à sensu populari non recedam. Nunquid *Alia ratio
 à simili.*
 illi, qui peregrini sunt expertes sermonis, male
 possunt sine duce regiones alienas peragrarè?
 Nunquid infantes aniculi non nisi in curriculo,
 aut nutrice præunte inambulant? Prorsus est
 necessum ut doceamur, cum ire non valemus, aut
 viam ignoramus. Prorsus, dico, necessum est, ut
 Ciceronis velut manum teneamus, qui ad Elo- *Simulatio
 transitio ad
 secundam
 partem.*
 quentiam fastigium properamus. Quid dico Cice-
 ronis? Vnum dixeram imitandum; elapsum est
 hoc verbum mihi, sed non est tamen revocandum.
 Etenim, credite mihi, Egregii IVVENES, ille est *Il Pars con-
 firmationis
 esse unum
 Ciceronem
 imitandum.*
 Cicero noster, cuius Oratione tanquam lactis nu-
 trimento educati sunt omnes eruditi. Ille est,
 quem ex omnium doctorum acie Principem om-
 nes abducunt, in quem omnium studia conse-
 runtur. Onutriamur eius melle! inebriemur
 imo potius eius liquore! Ille est, cuius non similes *Repetitio.
 Optatio.*
 esse debemus, ut deformitates imitemur, sed si-
 lli, filii, inquam, qui Ciceronis, & parentis Cice- *Obiectio.
 soluta.*
 ronis vultum, & incessum, vocem ac formam re-
 præsentemus Amplectantur suum pectus alii so-
 lo suo spiritu inflatum: ego certe asseda & simia
 H 3 Cice.

Conclusio.
Repetitio.
Sententia.

Ciceronis cum Cortesio esse malim, quam filius, & alumnus aliorum. Videtis quid contendam; si à paucis recedam, consentio cum multis. Ita credamus omnes, gloriosius esse Ciceronem imitari, quam in via multorum aberrare. DIXI.

ORATIO IX.
 CAROLI de MARESCHAL
 NAMVRCENSIS,

*Qui Clarissimo viro ERYCIO PVTEANO
 Questionis proposita Decisionem
 defert.*

*Exordium
 ab officio.*

AVdivisti Vir Clarissime, PVTEANE, opiniones nostras in ardua difficultate; vidisti conatus in aena nobili. Quid dicam, aut quid agam? Numerabone partes, & subsellia mutare iubebo? Non est illud muneris mei, eum de nostra Rhetorica capit: non est imo nostrum decernere hac in re quicquam, ubi vocem nobis tuam audire concessum. Agedum ergo iudicia nostra tibi submittimus, ut iudices: conatus presentamus, ut probes: voluntatem ostendimus, ut animes. Tuum est, Vir Magne, quem Belgium Eloquentiæ præsidem admiratur & colit Professore suum & interpretem Magni PRINCIPES honorant, Magistrum Juventutis auscultat: tuum est, inquam, autoritate tua difficultatem hanc nostram aperire, & in hac conatus egregii contentione, in hac de Eloquentia ac styli disputatione ius dicere, ponereq; nobis legem.

*Submittit
 iudicia.*

*Laudat ab
 officio & professione.*

*Exclamatio
 & Votum.*

O fortunata Rhetorica nostra! ô nos potius fortunati Rhetores, si in hac iam nobis umbra detur publicam illam tuam vocem audire, qua tot alumni BONÆ MENTIS PALÆSTRA recreatur
 & c.

& eruditur? sed erit, erit aliquando tempus, cum in illa BONÆ MENTIS adyta tuo favore producemur, & triumphalem illum tuæ Famae currum candidati lauretisque Clientes eum applausu prosequemur. Nunc tantum fave conatibus nostris; imo quia jam favisti, & clarissimum decus tuum Rhetorica nostra conclusit, ecce quem possumus referimus animum, & tibi MAGNO RHETORI Rhetores affectum, stylumque consecramus. DIXI.

Postulat favorem seq. & reliquos consecrat.

DECISIO CONTROVERSIAE.

ORATIUNCULAS hasce Ampliff. & Clariff. Vir D. ERYCIUS PUTEANUS ipse audiuit, & quia sententiam rogatus, eam in eodem loco deprompsit, quæ quia extemporalis fuit, haberi, quemadmodum facundissime dicta est, non potuit Summa vero hac fuit: primam scribentis ruditatē Ciceronis unius imitatione expugnandam: deinceps plures, imo omnes cultioris aui Scriptores voluendos esse, ut oratio perfectionem suam maiestatisq; pondus accipiat. Idq; illustravit variis rationibus, inter quas duæ similitudines, ab apibus & puero lactante. Quemadmodum enim infans uno nutritur lacte; puer deinde vario cibo alitur, donec in virum adolescat: sic primo unius Ciceroniana Suada lac, velut optima nutricis imbibendum; deinde alios aliosque melioris notæ Authores tanquam robustiores cibos, esse adhibendos. Permisit autem hanc varietatem, quia non omnes homines eiusdem ingenii sint, & sic nec ad unius formam componi debeant. &c.

CONSULTATIO,

Vtrum huius temporis heretici armis ad fidem suscipiendam cogi possint ?

ORATIO I.

DISSVASORIA.

MARTINI BERCKMANS
LOVANIENSIS.

Hereticos huius temporis armis ad fidem suscipiendam cogi nec possent debere.

*Exordium
per insinuationem à
Laudatione
eorum qui
veritatem
ubique pro
stentur.*

Similitud.

Ratio.

TAntus olim veritatis amor hominum animos iustissimos quodam inflammavit ardore, B. AUDITORES, ut singulari digni laude judicarentur, & inter ceteros virtute sua decori conspicerentur, qui trepidanti commotaque multitudine ita stantem & imperterritum animum servabant, ut eos à veritatis confessione nec tempus aut locus ullus avocaret, nec mentis perturbatio deterreteret: verum, quemadmodum & aere serenato & eodem nubibus impedito sol, ille lustrator orbis, luce sua perfundit Universum: ita illi periculis omnibus majores, & in prosperitate nequaquam simulari, quovis tempore veritatem profiterentur. Etenim si omnipotens moderator orbis ita vultum humanum efformavit, ut apertus ac nudus nullaque larva

larua celatus esset, si, inquam, rationem hominis oratione munivit, & in eius ore sermonem animi indicem ac interpretem effinxit, nunquam homo simulatione fucare vultum, aut vultu simulato animum mentiri debet. Ita prorsus cum ipso veritatis amore, veritatis dicendæ libertas mortalibus omnibus innata videtur. Vnde (neque enim aperire reformidabo, quod libere profiteri contendo) cum orbis Christiani Reges ac Imperatores in lute palam arma gestare, summaque vi bellorum hæreticos ad fidem hanc nostram impellere recorderer, quadamque iudicii censura examinandum arbitraret, subiit primo quidem turbatum animum non exigua formido, & temeritatis propemodum impudens effusio, Principum tantorum arma conatusque iudicare multoque magis condemnare, existimabam? recreavit tamen animum lux quædam veritatis oborta, quæ rationem ostendens potentius illum expugnavit, quam in oculis posita Regum arma perterruerunt. Et hanc ego rationem hodierna die B. AUDITORES, statui vobis representare: ut ab hac, velut è face lucem veritatem accipiat, cuius cum amantissimi semper esse velitis, mihi quoque libertatem istam favore vestro concederis, ut veritatem, quàm exosculari ratio me cogit, manifestare non erubescam apud vos: simul illud deprecor à vobis, ut non prius temeritatis mihi notam exulcerato quodam animo inuratis, quam me provinciam hanc ita deposuisse iudicetis, ut à suggestu non eiectus, sed sponte discedam. Ita enim vestrum illum favorem attestor, quod si non ostendero, Reipubl. Christianæ dignitatem omnino postulare, ut ad fidem nullis armis hæretici compellantur mutabo mentem & aliorum quorumcunque censura opinionem hanc nostram rescindam. Credite tantum veritatis me partes, non reprehensionis aut quæ-

*Applicatio
ad propositum.*

Propositio.

Conciliatio

Auditorum

Primum argumentum ab indigno. celz suscepisse, Ecclesiam unicam cæli filiam esse, sine macula decoram, divina luce perfusam, & in Sione sedentem; cuius non oculos crudelitas, non vultum truculentia, non manus furor attollat, sed in oris maiestate rideat benignitas, & in toto corpore modestia quzdam elucescat, notius est universis, quam ut à me lucem aliquam orationis exspectare queat. Illa scilicet calamitates & persecutiones velut hæreditatem suam habet; illa in patientiæ pulvere trophæum erigit, & in martyrum sanguine triumphat; illa laurum non pugnando, sed ferendo reportat. Et obsecro, quis Ecclesiam agnoscat, si cruentis accincta gladiis, si crucibus armata, patibulis onusta, cædes & incendia spirans, ita procedat, ut per sanguinem cadaverumque lucem duntaxat incedat? Non est, non est ille benignissimæ parentis vultus, quem hortor exacerbat: non est illa lenitatis aura, quam furoris crudelitatisque tempestas immutat. Et adhuc Principes ac Reges nostri, potentes illi Ecclesiæ filii cruentis manibus sanguinem quæ-
Consequens. rere aliorum, non indignissimum arbitrantur?
Probatio consequentis. Quasi vero cæcus ille furor testis esse fidei posset, & religionis immaculatæ signum esset manus suas multo sanguine maculare. Quasi vero non amor potius & charitas Principum animos commendare deberent. Atque utinam ita quandoque cælum intueri cogitarent, ut excitati ardore iusto cæli Regem ac Monarcham imitarentur? non strepitum armorum, non splendentem gladiorum aciem ostentarent, sed ut Deus blandissimæ vocis sonum, & rationis lumen adferrent.
Optatio. Recordamini parum si lubet, quomodo Paulum furentem audacia, ferrum Christianis illis novis minitantem, cunctorum exitium anhelantem omnipotentis benignitas Dei suam ad fidem ac amorem concitarit. Nunquid caligine cæca cælum obduxit nunquid fulminante manu inculatus est
 è cœ-

è cœlo flammam ? nunquid ipsum tonitru con- *Exemplum*
 cussit, aut evibratis in eum armis sanguinem ejus *D. Pauli*
 hausit ? Nolite id opinari. Auditores ; serena lu- *convexi.*
 ce vocem ab aere demisit, *Saule, Saule, quid*
me persequeris ? En fulgur Omnipotentis,
 lux est serena ; fulmen ejus, charitatis ardor ; toni- *Alia autho-*
 tru, vox blanda : non arma molitur, quia sangui- *ritas divina.*
 nem anhelat, quia amore salutaris inflammatur : Et
 idem ille fuit clementissimus orbis universi crea-
 tor, qui cum in omnes terras ablegaret, quos reli-
 gionis columnas & præcones elegerat, non armis
 illos, sed verbis voluit munitos : non inferre vim,
 sed ostendere virtutem. Quos certe si ut amare *Consequens.*
 Principes nostri, ita quoque debent imitari, cum
 tot arma, tot bella movent ut ad fidem hæreticos
 impellant ? An fortassis non divinæ gratiæ do-
 num quoddam singulare fides erit, sed horribi- *Secundum*
 lis armorum effectus ? An fortassis non hanc Deus *Argumen-*
 gratis animis infundit, sed inter arma strepi- *tum à causa*
 tusque crescit ? Non ita : à Deo fides est & auscul- *fidei.*
 tatione Verbi divini nascitur in nobis, dum illud *Antecedens.*
 velut ardens flamma quædam ita animos homi-
 num affectu cælesti plenos accendit, ut è terris in *Exornatio*
 cælos attollantur. Quid est enim aliud fides ista, *per varias*
 quem lumen, quo mentes hominum illustran- *similitudi-*
 tur ? quam calor, hominum corda succendens ? *nes.*
 quam Magnes nos ad Deum attrahens, cum eoq;
 conjungens ; iam vero si id fieri non ratio vide- *A maiori*
 mus, ut potentissimo verbo suo Deus hominum *ad minus.*
 animis fidem inferere non possit, quisquamne
 seminatorum hanc sese putabit, si aures strepitu
 armorum obtundat ? Adhuc tamen supersedebo, *Transitio.*
 & in Principum nostrorum subsellia migrabo, si *Tertium ar-*
 exemplo tueri possint, quem exercent severissi- *gumentum*
 mam auctoritatem. Producant ergo sapientes : *ab exemplo.*
 nunquid illi clangentibus tubis gladiisque distri-
 ctis agunt, ut opinionem doctrinamque suam per-
 suadere possint : rationibus, non ensibus alter-
 cantur.

cantur. Producant Iudæos, quoniam illis scientiæ veræ lux olim affulsit: nunquid illi Nationes cæteras impulerunt armis, ut religionem suam amplecterentur? Nec audivimus unquam nec legimus: cur id obsecro? quia fides ab armis, religio à tumultu libera esse debet. Quid ergo dicent Principes Christiani, nisi hoc ipsum, iure duntaxat suo, nullo maiorum exemplo, nulla auctoritate sæculorum, id arbitrari se iustum, quod iniustissimum omnis ætas repudiavit? Quanquam valeat auctoritas illorum: nunquid tamen per arma, per sanguinem, per incendia; per tot clades, per urbium everfiones, domorum direptiones, provinciarum vastationes destruunt fidem potius quam inducent? Vbi erit tandem fides, si gravissimis deleti cladibus iaceant homines? Vbi religio manebit, si incolis exhaustæ regiones solitudinem in se deslere videantur? Vbi Deus recipietur, si manentes sanguine fluvii, albescentes ossibus agri, sepultæ cineribus suis & ruinis urbes nihil aliud quam scelus furoremque tacitæ clament? Vellem id permissum foret mihi, ut à Principibus Christianis intelligere possem, quo tandem animo armis induantur, cum ad cogendos hæreticos insurgunt. Etenim si vi amici fidem apportant, cur violentiam ostendunt? sin vero ut inimici accedunt, cur tantum salutis alienæ desiderium præ se ferunt? Atque etiam si ad permovendos hominum animos efficax sit & potens per se ratio, cum explicata sermone lucet, nunquid frustra, nec dicam iniuste gladius adhibetur? Nec est quod rationes non auditas unquam in lucem educam experientia testimonium addere causæ possit. Quemadmodum enim illi, qui in tenebris aliquem & obscuro loco deducunt, non in caput coniciunt ipsi lucernæ, sed præferre laborant; ita qui fidei lucem adferre contendunt, non armis uti, sed præluere debent.

Præ-

*Consequens.**Transitio per concessione.**Quartum argumentum ab iniuriis.**Assumptio. Repetitio.**Dilemma.**Vs Rationis.**Assimili.*

Præluere dico, non armis uti. Qui enim fier ob- *Quintum*
 secto, ut armis cogantur, qui nec arma, nec impe- *argumen-*
 ria eurant? Distringē gladios & intenta mortem, *tum à diffi-*
 nullus hæreticos mortis timor invadit, & superio- *cili.*
 res satis ipsis animos gerunt. Ostende leges &
 Principum mandata; iridens, & sine Principe le- *Antecedens*
 gibusque libertatem amant. Commoye regnum *probatur à*
 universum Regumque vires; Provinciarum mo- *conditione*
 les opponent & foedus armatum. Credite mihi, *hæreticorum*
 non una clades aut fulmen unum Gigantes illos
 expugnabit; labore opus est & sudore, quem anni
 non pauci, sed plures; non vires aliquæ modicæ,
 sed ingens potentia sustentent. Et sicut percussus
 sed frustra potest aer, ita vexari sed frustra possunt *Exornatio à*
 Hæretici. Iam vero ut quod esse potuisset oratio- *simili.*
 nis initium, sit exitus ac terminus ejusdem, quan- *Sextum ar-*
 tum est illud, quod hominum ita libera sit volun- *gumentum*
 tas, ut nullis armis impelli possit? Audi quisquis *ab impossibi-*
 voles Theodosium Imperatorem, qui prudenter *li.*
 ac vere contestatus fuit, non terrenorum Regum
 sceptris hominum animos subesse non imperiis *Antecedens*
 aut sonitu tympanorum, sed doctrina fidem tradi. *probatur au-*
 Consule Lactantium gravissimum prudentissi- *thoritate*
 mumque doctorem, an non tantæ sunt hominum *Theodosii*
 animi libertatis, ut eos nequaquam cogere quis *Imperatoris.*
 possit, ut illud non credant quod credere volunt, *Ab autho-*
 aut existiment credibile, quod incredibile judi- *ritate La-*
 cant? Et adhuc quisquam esset, qui levissimam *ctantii.*
 rem arbitraretur hæreticos armis impellere, quod
 non difficile tantum, sed propemodum impossibi- *Consequens.*
 le hominum ipsorum natura testatur? Cogitent
 ergo potius Principes nostri, non decere mitissi- *Peroratio.*
 mam matrem Ecclesiam purpuratæ sanguine ma- *Repetitio.*
 nus ostentare Deo, non obliviscantur à Deo si- *Confirmatio-*
 dem esse, non ab armis: & si nullo exemplo sua *nā simplex*
 bella tueri possint, satis arbitrentur à bellis ab- *& aperta.*
 sinere, nec amplius extirpare conentur armis, *quod*

*Explicatio
sententia.*

*Excusatio
Oratoris.*

quod aliquando mutato tempore fides requirer. Illud etiam non parum perpendant, durum esse contra mortis ac legum contemptores movere bellum; imo vero frustra bellum intentari, ubi voluntas invicta resistit. Quæ cum ita sint, verissima, utar solita dicendi libertate, & audebo dicere nunquam hæreticos ad fidem armis cogi, aut posse, aut debere. Illud tantum à vobis peto Benevoli AUDITORES, ut hanc in me dicendi libertatem, non factum aliquem aut arrogantiam putetis: Testor enim Deum Opt. Max. me nec superbiz gloriam aliquam hac ratione quæsisse, nec hæreticorum favorem collegisse. Veritatem hanc esse quam dixi videbam; & hanc provinciam assumens idcirco dicendi libertate sum usus. DIXI.

ORATIO II.

SVASORIA,

DIONYSII van den BERGE THENENSIS.

Hæreticos huius temporis ad fidem suscipiendam cogi posse & debere.

*Exordium
per insinuationem à reprehensione
adversarii.*

Mirum est ac propemodum obstupescendum, B. AUDITORES, ita homines nonnullos in hac luce versari divinumque mentis suæ, ut arbitrantur, subtilitatem admirari & amplecti, ut quantumvis orbem universum, ac in eo tot hominum eruditissimorum cœtus videant à sententia sua discrepare, nihilominus usque adeo cerebrum suum fortassis helleboro repur-

purgatum, sequantur, ut se solos Socrates quosdam sapientissimos aut Apollines admirentur; ceteros vero tanquam noctis quosdam & oblivionis alumnos, tenebris ignorantiaq; nutriti arbitrentur. Ac tum profecto gradus quosdam hæc insolentia sibi sumit, cum illam rerum omnium Reginam Eloquentiam adiunctam habet, quia tum ipsi hominum animos perturbare, forum & Curias implere, clamoribus omnia permiscere consueverunt. Quod tamen ferendum adhuc foret, nisi eorum curiositas vana potius quam sapientia, eoque se efferret, ut Ecclesiam universam, quæ errare nunquam potest, in errore gravissimo versari proclamaret. Scilicet tu solus ita vives, ut sapientissimus habearis? tot Antistites ita Ecclesiam moderabuntur, ut stultissimi reiciantur? Scilicet tu hodie hac ætate tua tantam prudentiam collegisti, ut ad mentis tuæ iudicium homines omnes inflectas? tot Principes tot iam sæculis in gubernaculis positi Regnorum nondum erunt sequendi? Sed huic ergo sapientia tua vanæ obuiam ibo hodierna die: ac ne te victoriam aliquam hoc in congressu per sua audientium animis reportasse fortassis opineris, respondebo rationibus istis tuis, ac tum tandem ita totam hanc arenam institquam, ut argumentorum pondere facile vincam iure merito Principes Christianos ad fidem suscipiendam vim inferre hæreticis illis, quorum hodie patrocinium suscepisse videris. Erigite vestros animos, & ad hanc veritatis disputationem mentes vestras excitare, Benevoli AUDITORES, dabo operam, ut omnem quæstionis huius errorem in luce palam veritas evincat, & longioris temporis importunum aliquando fastidium brevitatis tollat orationis. Ac in primis illud à te requiro, quandoquidem certare præsumis, quisquamne unquam ita demen-

Accedit ad propositum.

Apostrophe in iunctiva in adversariū.

Propositio. proponens futuram orationis contrariam refutationem.

Postulatio attentionis.

Refutatio.

demen-

*Duo suppo-
nit: primum.*

Secundum.

*Ad primum
argumentū
Responsio.*

*Ratio: Ha-
reticorum
provincia
prius Christi-
anorum fu-
erunt.*

Indictio.

*Probatio &
exornatio fi-
niti.*

*Obiectio cū
Responsione.*

peinent a sua vexatus, & errore perturbatus in-
quo fuit, ut hæreticos ad fidem reducere cōpari
aut iniustum, aut indignum esse iudicaret? Hæ-
rendum est in hoc gradu tibi; sed rursus illud
inquirō, nunquid Principes & Reges, quorum fi-
dei potestatique subditorum commissā salus &
fortuna est, subditos suos voluntati subiicere
sua, & ad imperium revocare cogereq; possunt?
Iam ad scopulum te novam adegi, ut ad nostrum
te litus transire sit necessum. Quanquam iacta
sint ista orationis nostræ fundamenta; vide nunc
quā iniusta querela proclames, indignum esse
lacersse bellis hæreticos, ut ad fidem revertantur
Nunquid Ecclesiæ Principūq; nostrorum imperiis
ita subiecti vivunt hæretici, ut quanquam iugum
detrectent, provincias tamen invadant & occu-
pent alienas? Circumspice, & hanc nostram Eu-
ropam cogitatione perlustra. Germaniam ex
parte magna hæreticorum dominatus habet; at
hæc Aquilæ Cæsareæ prius dominium agnosce-
bat. Illi toto orbe divisi Britanni religionis & fi-
de nunc ab ea rursus per hæresim separari. Hol-
landiam Frisiam Zelandiam, Hispanorum fasces
sub Ecclesiæ sacro imperio continebant; at nunc
nascentes indies hæreses in Ecclesiæ perniciem
armant. Nullam ipsi aut in mari insulam, aut in
terris regionem adulterina potestate fruant,
quam legitima Christianorum purpura Regum
non occupavit. Ita prorsus si deturbare possessio-
nem iniustum leges ac iura permittunt, æquissi-
mo iure manus armant in hæreticos nostri Re-
ges, ut aut rursus subiiciant illos, aut suas illis
terras eripiendo cultoribus fidei nostræ permit-
tant. Ita si rebellantem sibi servum iure suo pa-
terfamilias punire potest, animadvertere possunt
Leges in illos, quos suo ab imperio discessisse
compererunt. Sed mississimam matrem Eccle-
siam exclamas. Non ego hic unquam repugna-
bo,

bo, sed tamen meminisse te vellem, hanc matrum
lenitatem esse, ut si verbis filios aberrantes non
possint, dura tandem animadversione reducant.
Mitissima mater Ecclesia doctrinam suam hære-
ticiis exponit, illi reiiciunt; blanda voce velut adu-
lando rursus invitat, aspernantur invitantem; *Amplifica-
tio, à rēpu-
gnantibus.*
obtestatur & urget, preces irrident, conatus illu-
dunt. Quid ergo restat? Profecto ut quemad-
modum horti cultor cum diu rigavit arborem,
ferrum addit & putat illam, mox etiam, si fructu
careat, rescindit: ita quos ad sanitatem reducere
mentis non potest, & in perniciem crescere videt
aliorum, extirper. Neque tantopere fuit opus, *Ad exem-
plum con-
versi Pauli
responsio,*
ut oratione phalerata vocem Omnipotentis, qua
Gentium Doctoris sauciavit affectum, adferres, *Exempla ira
divina.*
magna illa benignitas fuit Omnipotentis: sed
hanc non ille semper ostendit, & in iustissimas
nonnunquam iras assurgit. Sensit illas Pharo,
sensit Antiochus, sensit Iulianus Apostata. Quan-
quam quid hic est, quod admireris? Non vibra-
vit, fulmen Deus, sed Paulum tamen excæcavit,
prostravit, medullitus sauciavit ut à vulnere, sed
amabili, respirans suspiraret: *Domine quid me vis
facere?* Sed amplius urges & ictum novum inten-
tas. A Deo fidem esse, & per auscultationem
divini verbi nasci illam in nobis affirmas. Imo
vero tecum affirmo, Principes quoque nostri te-
cum affirmant, nec armis promulgant illam, sed
concionatorum voce diserta persuadent. Persua-
dent? Utinam quidem, sed erro; non admittunt,
non audiunt, reiiciunt hæretici. An vero hic Prin-
cipibus obmutescendum & hærendum putas? Cer-
te si agricolæ ferrum adhibent ut terram ad susci-
piendum semen cogant, quia illa spem illorū elu-
dit, nisi cogant; cur hæreticos non armis Principes
urgerent, cum pravis erroribus corroborati & ob-
stinatis indurati animis fidei semen nō admittunt?

Tu

*Correctio.**Similitudo.**Exagitatio
adversarii
per Apostro-
phen.*

Tu ipse tantæ rei coniecturam ab exemplo tuo sume, si subditos haberes, quorum depravata conditio talis, ut imperium tuum ac voluntatem omnem recusarent, tibi eversionem machinarentur, in exitium sponte sua præcipientes abirent; an fortassis imperasse satis haberes? an non etiam vim eam adhiberes, qua obstinatos rursus submitteres, & à sua calamitate deterres? Iudæi nunquam arma pro fide sumpserunt, ais. Cur obsecro sumpsisent, qui nationes externas imperio suo nunquam subiecerunt? Ademit illis tempus suum jus ad arma. Principibus nostris tempus nostrum concedit. Quid obstabit ergo? An quia fidem introducere nefas est per ea, quæ fidem evertunt. Concedo tamen illud, non nefas esse illos extirpare, qui non modo non prodesse, sed nocere contendunt. Si ab hæreticis emolumentum exspectas, ecquod illud? Si detrimentum inquiras, ecquod non erit? odium in nos maximum, invidia perniciosissima, contagio pestifera, direptionem favorum, incendia urbium, cædes bonorum omnium. Quanquam me circumvenisti, ut arbitraris, & ancipitem gladium ostentans effugium sustulisti. Quid est? Nec amicos Principes nostros nec inimicos hæreticorum audebo dicere? quocunque me vertam, in aciem tuæ rationis incurram: quid agam? Eva si tamen, tolle istas insidias tuas in luce palam: illud dico, & occultis dolis tuis veritatem apertam oppono. Amici sunt hæreticorum Principes nostri, & eorum hinc salutem anhelant. Domini sunt Hæreticorum Principes nostri, & eos hinc cogere contendunt armis. Nunquid ancipitem dilemmatis ictum elusi? illum vero de lucerna jocus tuum, cur nisi ioco quoque repellam sed in veritate nec lusum feram: nec risum: illud accipe, lucernam non præferre, cum debeas, in obscuro, inhumanum est,

*Ad tertium
argumen-
tum respon-
sio.*

*Ad quar-
tum argu-
mentum re-
sponso.
Concessio.*

*Transitio.
allegorica.*

*Ad dilem-
ma resp.*

Disimulatio

*Irridet illud
simile.*

est; in caput abicere, cum deducas, prorsus est *Retorquet in*
iniustum & crudele. Agedum vero, si praferam *adversariū.*
nec sequi cupias, nunquid respues humanitatem?
Si extinguere lucernam, cum deduco, contendas,
nunquid iustitiam extinguēs? Et adhuc cogere
non liceret? Frustra; inquis; nam nec legem *Ad 5. argu-*
timent, nec mortem. Non legem? cogantur ex- *mentum ro-*
go: non mortem? non erit ergo perire durum *sponsio.*
illis. Nec est satis tamen; sed si humanitatis ita
sensum exuerunt, ut quæ accidere solent acerbis- *Transitio.*
sima non reformident, vincant, potius Principes *Ad 6. argu-*
nostri, quam vincantur, nec malitiæ cedendum *mentum re-*
unquam esse proponant. Respirare iam possem; *sponsio.*
sed liberam hominum voluntatem esse, quæ cogi *Concessio.*
non possit, proclamasti, & velut propugnaculum
dictionis tuæ firmissimum extrema in oratione
constituisti. Vide tamen quomodo non reformi-
dem. Libera sit hominum voluntas, nec infitior: *Varia conse-*
quid deinde? An idcirco sceptrā Reges abiciant, *quentia.*
quia liberæ voluntatis hominum imperitare
debent? an idcirco doctrina relinquetur omnis,
quia libri sunt illi quos doctrina requirit. Au- *Retorquet*
ditores? Liberine sunt hæretici? ne libertas per- *argumentū.*
niciem illis ferat, vi cogantur. Liberos homi-
nes cogere dicis impossibile? cum ad alias res
quavis impellantur, non est hac in re desperan- *Transitio &*
dum. Iam ergo respiraui. AVDITORES, onere *refutatione*
magno sum liberatus, lætorq; vehementer, quod *ad confirma-*
ut opinor effecerim, ne orationis adversæ fucata *tionem.*
veritas aut oculos, aut animos vestros fecellerit. *Propositio.*
Restat nunc vero, ut ea producam, quæ Ecclesiæ *Renovatio*
Principumque in cogendis ad fidem hæreticis *attentionis.*
clarissime potestatem ostendant. Dignum est at-
tentione, vestra argumentum, Benevoli AVDI-
TORES, & quanquam me de vobis dubitare
sit nefas, tamen ita favore vestro delector, ut
illum mihi sæpius postulare sit iucundum. Ec-
ce quam rem vobis apertam propono, si alia
nul-

*1. argumen-
tum à neces-
sario.*

*Probatio &
amplificatio
per enume-
rationem
variorum
remediorum*

*A maiori
ad minus. Si-
cundum ar-
gumentum
à simili.*

*Tertium ar-
gumentum
ab authori-
tate.*

*1. Humana.
Reperitio.
Traductio.*

nulla possint ratione nisi fulmine quodam armorum Christiani Principes hæreticos ad fidem nostram revocare nunquid armandæ sunt manus & huic consulendum necessitati? Vere est Ecclesia benigna mater, nec in filios nisi contempta unquam animadvertit. Recēsserant ab Ecclesia primum hæretici: quid illa? nondum gladium ostendit, sed terruit excommunicando. Irridebant excommunicationem: quid illa? nondum exulcerata bellum movit, sed duntaxat multam irrogavit. Nulla multa deterrebateos: quid illa? nondum sanguinem aut mortem postulavit, sed obstinatos in exilium ablegavit. En benignitatem? En matris affectum? sed exilium errorem corroborabat, & obstinatos exacerbabat in matrem: quid illa? Nolebat equidem, sed equitas requirebat: tandem ergo gladium eduxit, bella movit cogere tentavit, sed ita tentavit tamen, ut simul cum armis concionatorum voce suæ affectum præsentaret; nondum vero matris affectum agnoverunt. Et si hæreticos excommunicare potest Ecclesia, cur ad mortem adigere non posset? Puniuntur iure falsarii, puniuntur iure foeminae, quæ marito fidem non servat, cur non hæretici puniuntur, qui Falsarii sunt verbi divini, nec fidem Deo servant? Neque est tamen quod in hoc Circo pugnam omnem concludam. Pro me certant universa Ecclesie concilia, quæ cogendos seueritate quadam hæreticos esse decreverunt. Omnes pro me leges & Imperatorum mandata pugnant. Testis est Constantius I. Imperator, qui Arium cum sociis in exilium ablegavit, supplicio Donatistas affecit, Testis est Michael itidem Imperator, qui capitalem in hæreticos poenam decrevit. Testes sunt Theodosius, Valentinus, Martianus, alii plurimi, qui in hæreticos de multis, de exilio, de bonorum publicationibus, de supplicio mortis extremo leges sanciverunt.

Quan-

Quamquam quid mortalium auctoritatem urgeo
 cum pro me sit omnipotentis aperta voluntas? *Divina.*
 Qui superbierit, (inquit Deus in scriptura) non *Transitio.*
 lens obedire Sacerdotis imperio; ex sententia iu-
 dicis moriatur. Dignumne tantum, an non etiam
 factum fuit? Imo vero Iosias, Helias, Iehu quot
 quot alii fuere duces Israelitarum, summa sem-
 perseveritate legem istam vindicaverunt. *Probatio & amplifcatio ab exemplis.*
 Quid quod Apostoli sua arma habuere? Elymas caci-
 tate percutitur à Paulo: Saphyra & Ananias oc-
 ciduntur à Petro; Simon magus precipitatur ab
 utroque. Quid quod Christus ipse negotiatores
 flagris eiecit è templo? quod hæreticos toties
 lupos appellat, ut ostendat ignibus & ferro re-
 pellendos? Sed iam illud prætereamus quod in
 Ecclesia tumulus excitent, & miserorum ani-
 mas hæretici contrucidant. Non dicamus quod
 supplicium illis inflictum ceteros ab infania si-
 mili deterret, taceamus quoque prodesse potius
 illis occidi, quam diutius communem hanc spi-
 ritum ducendo, maiorem sibi comparare dama-
 tionem. Et si iustissima sunt ista causa, quæ ho-
 minem unumquemque durissima morte tollant,
 cur Principes Christiani aut vacuas manus osten-
 tarent, aut è manibus arma sinerent elabi? Illud
 dico, extinguenda est scintilla, priusquam incen-
 dium producat; refecandum est putridum à cor-
 pore membrum, priusquam in cœtera contagio
 serpat. illud, inquam, dico, quod si arma Princi-
 pes Christiani deponant actum est, peractum est,
 exulabit fides, peribit religio, templa matrona-
 rum stupris, sanctorum cadaverum incendiis, vi-
 rorum cadibus profanabuntur, pueri pro liber-
 tate servitium, pro legibus Christianis supersti-
 tionem hæreticam addiscent, hæretici sine suo
 sanguine omnem Christianum sanguinem effun-
 dent. Et hæc omnia nondum animos Principum
 excitarent? non ira iustissima eos inflammarent?
 non

*Quartum
 argumētum
 à causis.*

*Præteritis.
 Antecedens.*

*Consequens.
 Quintum*

*argum. à si-
 mili.*

*Sextum arg.
 à consequen-
 tib.*

*Probatio &
 amplifcatio*

*per enume-
 rationem.*

- Peroratio.* non ad ultionem tandem aliquam illorum corda ferrent? Vides quo tandem in errore verseris?
- Optatio.* Atque utinam D. Augustini imitareris, qui cum tuam illam opinionem asseruisset aliquando, sanioris compos mentis retractavit eandem! Utinam iam agnosceres & fateri mecum velles, cum ratio dicat istud, suadiat omnis autoritas, iustissima causa convincat, iure optimo Hæreticos ad fidem hanc nostram cogi posse. Fateor, nunquā bella inter Christianos probavi, probo tamen & iustissima puto, qua suscipiuntur pro Christianis: & si mihi non sit nefas animi mei desiderium aperire, vellem hic animus Principibus nostris inesset ut tot ereptas Christo provincias recuperare, toties effusum Catholicorum sanguinem ulcisci peroptarent. Sed tu Deus Ter. Opt. Max. qui Principum in manu tua corda geris, da animum illum & infunde voluntatem; cumque bellorum sis Deus idem in hæreticos Principum arma secunda. DIXI.
- Brevi repetitione confirmationis.*
- Excusatio.*
- Optatio.*
- Apostrophe ad Deum per obtestationem.*

DISSERTATIO DE NOBILITATE.

ORATIO I.

Generosi D. ALBERTI DVNIN
MODLISZOVVRSKIEE SKRZIN
Equitis Poloni.

*Nobilitatem veram sine eruditione esse
non posse.*

*Exordium
à diversis.*

Natalium splendorem cum amplitudine
nominis, stirpis ac generis vetustatem
cum

eum familiarum claritate non pauci sunt, qui extol-
lunt, plurimi qui tanquam adventitium fortunae partum irrident. Quae in re sit tanquam arbit-
ter in dissentiente concessu iudicium hic meum, quod
qua exiguum sit, ingenii imbecillitas & huius aetatis
infantia declarat, proferre debeam, non ab aliis certe
calculum mutuabor, aut novae opinionis ostentatione
sapere voluisse videbor, sed in prudentissimam
sapientissimi Regis Antigonis sententiam abibo, qui
scripta ad Zenonem Philosophum epistola, longe se ab eo
& dignitate & perfecta felicitate praecelli fatetur. Unde si
tanti Regis tantum extitit de Regia fortuna iudicium,
nemo est, qui iam nobilitatem veram ullam esse sine
eruditione debeat arbitrari. Quod cum ita sit, sapienter
Macedonum Rex Philippus nato filio Alexandro illo Magno,
lætandum sibi potissimum est arbitratus, quod Aristotelis
Principis Philosophorum aetate natus esset à quo Regius
Adolescens informaretur. Etenim quid laudem esse possunt
generis amplitudo, familiarum splendor, & vetustas,
nominis claritas, si nullum ab eruditione lumen accedat?
aurea, ut ille ait, mancipia, inanes obsoniorum fumus,
Lampyrides non nisi noctu, locisque obscuris conspicuae,
statu plumbo intus refertae, extrinsecus heroicam prae se
formam ostentantes. Et quemadmodum Aegyptiorum
templa forinsecus splendidissima, intus hircum aut felem,
aut simiam concludebant, ita Nobiles imperiti
aspectum splendore movent, carent interim cerebro:
dumque fumos & pulveres maiorum industriae sulcitas
duntaxat attollunt, vero ipsi splendore destituuntur.
Quare cum nec mundum ipsum, mundum agnosceremus,
si sole careret; nec hominem, hominem esse fateremur,
quem anima non informaret: ita nec vera nobilitas
existimanda, quam eruditio non exornat.

de nobilitate
opinionibus.

Excusatio.
Oratoris ab
oratore.

Sententia in
qua Propositio,
Confirmatio.

Testimonium
Philippi
Regis.

Ratio ab ad-
iunctis.

Similitudo,
nec per allegoriam.

Alia similitudo.

Verum alia

Pro-

*Repetitio.**Sententia.**Disiunctio.**Conclusio**in qua repe-**titur senten-**tia.*

Profecto non satis est sesquipedali ventre tumere; turpis enim est non instructa disciplinis anima: non satis est, inquam, purpura, aut gemmis ornari: fœda enim sub formosis illis pellibus sæpenu-mero monstra latent. Et omnino si dum veritatem investigo non est veritas occultanda, ita dicamus & credamus, sine eruditione nobilitatem sine scientiarum lumine, stirpis nullam esse claritatem DIXI.

ORATIO II.

CAROLI MONZÆI
LEODIENSIS.

Virtutis nobilitatem sanguinis nobilitate petiorem esse.

*Exordium à**sententia**Invenalis.*

VERE Satyricus:

*Totaliter veteris exornent undiq; cera**Atria. Nobilitas sola est atq; unica virtus.*

Etenim si teste Marco Tullio (quem non minus sapientiz quam eloquentiz parentem omnis ætas semper est venerata) nihil aliud est nobilitas,

*Ratio à defi-**nitione**Nobilitatis.*

quam cognita virtus, quis in eo quem veterascientem videat ad gloriam, generis antiquitatem desideret? quis, inquam, est, qui non in communi sapientum concessu exclamet, nobilitatem solam atque unicam esse virtutem? Quod

*Sententia &**propositio.*

cum ita sit, sileant jam illi, & jactabundam arrogantiam comprimant, qui sanguinis fundamento nituntur, & lubricis familiarum gradibus ad gloriæ fastigium contendunt. Audiant potius Sapientes, aut si eorum vocem exaudire nequeant,

Confirmatio.

in

in omnium cogitatione assensuque verser, amare quidem parentes, illustrare non possunt: quin imo, infinitam suæ lucis eclipsim sæpenumero in filiis pati coguntur. Ita vilissimarum rerum est testamenti solemnitas, non nobilitatis: & obscurissimi clarissimorum sæpe virorum hæredes exsurgunt, nisi virtus adlaboret. Nunquid enim avorum merita plerumque degenerantium sunt notæ nepotum? ac cum de proprio sumens laudem ab illo non expectas, tua te ipsum claritate illustras? Iam vero quid dicam eandem omnium esse nascendi conditionem? Dixerit sane illud Plato, sed verissime, neminem Regem non ex servis oriundum, neminem servum non ex Regibus. Profecto qui Stoico supercilio, & fronte caperata nobilitatem adspiciunt, iam illam ad Adami rufum, ad Evæ colum reducere debebunt. Non etiam vel produxerim, vel urserim illud, senescere non modo familias, sed urbes: quin imo mundus ipse, nisi fallimur, vergit ad extremum. Age ergo quisquis voles, nunquid sanguinis pereuntis gloriam præstare putabis, ac non potius cum scientiæ dignitate virtutis æternitatem? O quam præclare & vere Solon Atheniensis conditor Reipublicæ, pulchrius multo parari, quam creari nobilem affirmavit! O quam eleganter Poeta:

Virtute decet non sanguine niti!

Atque ut nos etiam concludamus: si verus Nobilis non nascitur, sed fit, si claritas non à parente præcipua est, sed à vita, jam certe hac imbecillis nostri iudicii opinione veram de nobilitate opinionem videor attingisse, DIXI.

Ratio confirmationis.

A conditione parentum.

A conditione nascendi.

Ab interitu familiarum.

A Testimonio.

Conclusio, in qua repetitur sententia.



ORATIO III.

JOANNIS MERCATORIS
FLORIMONTANI.

Nobiles adolescentes publicis in Academia instituentos esse.

*Exordium à
communi o-
mnium con-
sensu in for-
manda stu-
diis nobilita-
te Diversitas
in modo.*

*Sententia
sua proposi-
tio.
Confirmatio.*

*Ratio con-
firmationis à
Natura &
condizione
virtutis.*

*Utilitas A-
cademia-
rum.*

Nobilium adolescentum animos ad virtutem, scientiamque informandos esse, ubi primum sese erigit ad lucem ætas. greffumque molitur, constans omnium sapientum opinio persuadet. Nonnulli sunt tamen, qui nobilis adolescentis institutionem privatis parietibus concludunt, quorum humanitas patientiaque si aliquem ingenio nostro libertatem concedit, & si apud vos, quorum favor alacritatem dicendi iam excitavit, ambitionis & arrogantiae crimen honesta conatus ingenii excusatione effugere possim, omnino in apertam Academiarum lucem nobiles educandos esse sustinebo. Atque ut animadvertatis quam omnino laborandum non sit, cum addenda est lux soli, & in ipsa veritatis arena luctandum, si latebras virtus odit, & in theatro gaudet apparere. si nobilitas inimica est obscuritati, & à luce maior animus hauritur; cur non in Academiarum lucem prodiret nobilis adolescens, ut dum imbibit cum scientia virtutem, iam incipiat obscuritatem evitare. Et si ab Academiis hauriunt Curia prudentiam, accipiunt tribunalia iustitiam, doctrinam Ecclesiae requirunt, utique non latere, sed in hoc publico Academiarum theatro, ita docet Nobilitas educari, ut Rem-
pub.

publicam inde magnum ornamentum accedat. Profecto non excreſcunt ſub teſto plantæ ſed in horro, ubi communi rore irrigantur, communi calore foventur. Non in umbra miles, ſed in pulvere ſi-
 ſit. Imperator. Non in ſpelunca Leo, ſed in campo
 cognoſcitur. Et quis ignorat robuſtum ſemper corpus ſaniores illos habere, qui in communi aura ſolis beneficium accipiunt, debiliores eſſe vero, qui lumen eius aliquod concluſi tantum reſpirant
 Cognoverunt id ipſum Spartani, & ſuorum puerorum luſus non à parentibus, ſed à natu maioribus ſpectari voluerunt. Cognoverunt & Indi, qui in-
 ſantes publico in concilio ſpectandos, ut publice inſtituerentur, exhibebant. Atq; ut, ubi pauca ſufficiunt, univerſa dixiſſe non videar, & ut ex hoc labore, quem in luce veritatis clariffima ſuſcepi,
 non re ipſa, ſed exercitio invitatus, orationem abducam omnino, ſi iudicium meum iudicio veſtro confirmetis, nobiles Adoleſcentes, in Academiis publicis inſtituendos eſſe & dico, & credo, ubi æ-
 mulatio eſt virtutis, & induſtriæ excicatrix, nulla vero aut mollis educatio, aut indulgentia corrumpens.

DIXI.

ORATIO IV.
 PETRI PANGAERT
 LOVANIENSIS.

*Nobili adolescenti in Rep. versaturo non
 sufficere dignitatis auctoritatem,
 sed insuper eruditionem re-
 quir.*

*Exordium à
 natura gene-
 rosi nobilis.*

*Sententia &
 propositio.*

Vegetii.

*Illustratio
 per similitu-
 dinem.*

QVem excitat generosæ mentis ardor, non in
 umbra vulgares inter coetus lucem admira-
 ri cæterorum, sed in ipsa luce versari at-
 que in eo theatro concupiscit apparere, unde
 in aliorum oculos suspiciendus incurrat. Pon-
 amus ergo generosum nobilem in hac luce, atque
 in medio Reipub. theatro iura legesque populis
 daturum, nunquid illi dignitatis auctoritas suf-
 ficiet, an insuper ad dignitatem eruditio requi-
 retur? hoc est quod inquirimus in hoc consessu,
 & si partiamini, AUDITORES, pro modulo ita
 aggredior, ut hanc vobis Platonis vocem remit-
 tam, Bene agi cum ea Rep. quam aut rexerint
 Philosophi, aut in qua Reges fuerint philosopha-
 ti. Quem plura aut meliora scire oportet, quam
 eum, cuius doctrina omnibus subditis profutura
 sit? Vegetii vox est Quis melius quam literatus
 imperat? Romana vox est. Et si multis gregi-
 bus (cum Seneca loquor) aut maxima corpora aut
 vehementissima præsumt; non armenta degener
 taurus præcedit, sed qui magnitudine ac toris
 cæteros omnes vincit. Elephantorum quoque
 gregem excelsissimus ducit: cur non eruditionis
 lau-

laude præstaret, qui ad imperii clavum nobilis *Repetitio.*
 admoveretur: Parum esset si excellentissimum orbem
 circumageret Sol in cælo; iubar adsit oportet, ut
 mundus illustretur. Parum esset si altis defixa ra- *Continuan-*
 dicibus arbor patulos in aere ramos effunderet; *tur similiter*
 floreat oportet, ut fructum ferat. Non officii di- *dines.*
 gnitas, sed eruditio consilium subministrat; non
 leges statuit, non iura conservat nobilitas, illu-
 striumque sanguis auorum sed eruditio modera-
 tur æquitatem, & sanctissimum iuris cultum sub-
 ditis proponit. Vixerunt Caracalla & Licinus *Ab exemplis*
 eruditionis osiores, sed & ipsi odiosi: vetuit nobiles *Principum*
 pueros erudiri Michael Balbus, & eos hoc tantum *idiotarum.*
 Latine loqui voluit; qui nescit simulare, nescit im- *Ab exemplis*
 pbari; sed ita vixerunt ut male rexerint. Suspici- *Principum*
 endus certe potius Magnus Alexander, sub cuius *doctorum,*
 dormientis cervice Ilias Homeri. Suspiciendus Sa-
 lomom & sequendus, qui regnaturus, cum gene-
 ris claritate sublimis esset, sapientiam à Deo po-
 stulavit. Quod cum ita dicam, ut dicentem nova
 autoritate corroboret vox divina: Nunc Reges in- *Concl. seq.*
 telligit, erudimini qui iudicatis terram, apprehendite
 disciplinam, super sedeo, & quod tenuitate iudicii
 apud vos AUDITORES, deduxi, ita vobis cogitan-
 dum relinquo, ut tamen vel unicum Sa-
 lomonem iudicem vobis imitan-
 dum, DIXI.

ORATIO V.
 GVILIELMI van HÆCHT
 LOVANIENSIS.

*Virum doctum ratione eruditionis suae
 nobilem esse.*

*Exordium
 ab opinione
 vulgi.*

FVmosas fortassis imagines, & spirantes in
 ære aut cera vultus admiraremur, si non
 ad hominum eruditorum, sed ad incon-
 stantem levissimamque vulgi opinionem abire-
 mus. Quid enim aliud vulgares homines ac im-
 perita multitudo solet admirari, quam in tabu-
 larum & insignium parenti campo vel arma, vel
 feras? Ita non ab eruditione aut virtute nobilita-
 tem, sed ab armis aut belluis, non ab excellentia
 mentis humanæ, sed à pictura deducunt? itaque
 stulto prorsus iudicio virtutem contemnunt. Sed
 ego quandoquidem ab hac nostra imbecillitate
 vires aliquas expectatis, & iam animadverto non
 notare defectum, sed conatum excusare parati es-

*Contestatio
 Auditoris.*

*Tropositio.
 Confirmatio.*

stis. vulgatum hominum istorum errorem cla-
 rissimo veritatis lumine discutiam. Ac imprimis
 illud à veritate ipsa mutuabor, cui reluctandum
 nunquam esse iudicabitis, eam virtutem personas
 claras reddere, & splendidistitulis insignes, quæ

*Ratio ab ef-
 fectu virtutis*

ad communem utilitatem relata, desidiaque ini-
 mica sese totam ad hominum catus colendos co-
 servandosque diffundit: ut omnino nobilitas eius
 ordinis dignitas existat, in quo maximæ virtutes
 vitæ communi salutare. Quod cum ita sit, & in o-
 mnium utilitatem diffusa eruditio salutarib. cul-
 torem imbuat disciplinis. nō est hic ambigendum,
 an hominem eruditum nobile esse pronuntiemus.
 Neque enim hic repeto, quod amplificare possem.

Sententia.

An.

Antigonum Macedonia regem dignitate & perfecta felicitate sibi Zenonem prætulisse : audientem vero vox illa Sigisinundi Imperatoris, qui eum à Principibus non nullis reprehenderetur, quod novos homines ob eruditionem & doctrinam magnos ad honores promoveret : Ege, inquit, illos ob-
serva, quos alii excellere voluit natura. Si non nobilibus fuisset Plato, ille sapientia filius, non eum Dionysius Syracusanus vittata navi, & quadrigis albis venientem excepisset. Si nobilis non fuisset Posidonius, non illum invisens Magnus Pompeius, Romanam aquilam, & militiæ vexilla falcesque deposuisset : quod cum fecit, palam est attestatus, scientiis minora imperia, & viris eruditis inferiores esse Imperatores. Iam vero si nascendi conditionem omnibus æqualem natura dedit, sique excellens, non nascitur, jure dignitas attribuenda est illis, qui naturæ conditionem ita extolunt, & exornant, ut positi supra homines esse videantur ; quique sublimitate doctrinæ vulgares coetus ita reliquerunt, ut iis rebus tranquilli fruantur, ad quas aspirare ceteri vix audent. Et certe si Magnus Alexander Diogenes esse voluit, si non fuisset Alexander, mirum est quantam in paupere homine, sed erudito nobilitatis excellentiam apprehenderit. Ita si non pictæ tabulæ, feris que & armis exornata insignia, sed arguit personæ dignitas nobilitatem ; si non illam vel stemmata donant vel palatia, sed virtus animi, & excellentia doctrinæ ; dicamus & libere pronuntiemus, virum omnem eruditum, & nobilem & illustrem esse : quod cum dico, jam illud apud vos obtinuisse videor AUDITORES, ut qui ad veram nobilitatem aspiratis, non minori alacritate ad excelsum doctrinæ culmen contendatis : quod ut omnino de vobis spero, ita vobis opto.

DIXI.

Ab auctoritate Antigoni.

Exempla Doctorum nobilium, quibus honores exhibuerunt Principes.

A conditione parum naturæ.

Auctoritas Alexandri M.

Consensio.

Conclusio & sententia.

ORATIO VI.
 PETRI IMPENS
 LOVANIENSIS.

Doctrina titulum potius quam Nobilitatis preferendum esse.

*Exordium à
 declaratione
 arrogantia
 quorundam
 nobilium.*

*Propositio &
 Sententia.
 Confirmatio.*

*Ratio Con-
 firmationis.*

Illustratio.

Simile.

*Compar.
 utriusq; no-
 bilitatis.*

Titulorum jactantia non paucos in arrogantiam illam effert, B. A. ut omnem omnino dignitatem suam magno aliquo nomine concludant: & si claritatem aliquam stirpis possideant, dominationis titulum attollunt; si nomen inter eruditos habeant, sapientis ambiunt appellationem: rur ut sit, nihil ego de jure titulorum inquiram, sed dum illud apud vos ita dicere audeo, ut sapientiæ studiosum nequaquam me profiteri erubescam, hoc quoque non reformidabo in hac disceptatione proferre, doctrinæ titulum nobilitatis titulo preferendum esse. Etenim si præferre potissimum illud quisque debet, non quod alienum, sed proprium ipsius, cur non potius nobilis adolescens eruditionis à se partæ titulum extollet, quam stirpis suæ nomen mutuata gloria prædicabit? Obscura nocte & inter tenebras faciem suam luna depromit, quia non sua sed aliena luce resplendet: at vero non claro die tantum sol fulget, sed ipsum diem lumine lustrat & facit. Et certe si alienis ornamentis superbum irridemus, admiramur verò quem suus ornatus commendat; neq; illum tantopere suspiciemus, quem non nisi aliena dignitas attollit. Agedū qui familiæ nobilitatisq; titulū proponit, nunquid stirpis suæ duntaxat notitiā adfert, ut nec parentē nec maiores ignoremus? At qui doctrinæ titulū nō invidiosa arrogā-
 tia

ria iactat, seipsum cognoscendum proponit, & in hoc vere nobilis est, quod non aliena luce splendescat. Vtrum obsecro Regis aut sapientis nomen maiorem Salomoni laudem adfert? Regem illum orbis agnoscit, sed sapientem colit & admiratur. Non familiarum nomen habent Scipiones, sed virtutis; & hinc Asiaticus ille, hic Africanus. Taceo sexcentos alios, qui posteaquam sibi nomen virtute pepererunt; familiarum suarum obliti videntur, & in proprio honore ambitiosi. Magna laus illa quidem si quem nobilem appellemus etiam Baronem, etiam Comitem: sed nescio an non illa maior, si doctum & eruditum esse dicamus. Sed cum illud iam sit in confessione sapientium omnium, quid attinet plura dicendo perdere sermonem? illud potius, ne dicamus tantum, agamus si in luce propria versari desideremus, ad eruditionem excurramus, & hinc laurum ac nomen arripientes, eruditores nos potius, quam nobiles praedicemus DIXIT.

*Exemplum
Salomonis.*

Præteritio.

*Conclusio &
sententia.*

ORATIO VII. PETRI DONIA FRISII,

*Nobili maxime eloquentiam con-
venire.*

Nolim existimare vos, AUDITORES, ea mente & consilio me eruditionem cum nobilitate, doctrinam cum claritate & dignitate requirere, ut ab eadem ceteras scientias repellam, qui in ea summam eloquentiam desiderem. Nam cum scientiarum ceterarum decus & ornamentum sit eloquentia, hanc in adole-

*Exordium
per amotionem
suspensionis.*

sciente

*Conciliatio.**Auditorii.**Sententia &**propositio.**Confirmatio.**Ratio à con-**ditione no-**bilium.**Sententia.**Vu eloquen-*
tia.

scente nobili dum requiro, sorores eius ceteras non repello: hanc inquam, dum extollo. ceteras eadem laudis sublimitate in gloriam aliquam perduco. Sed tamen permittite ut quod à veritate concessum est orationi nostræ, vestris animis nequaquam reluctantibus dicam, & promulgem eloquentiam & nobilitati maxime convenire, & eius præcipuum esse ornamentum. Quod quam tacito illo assensu vestro satis esse manifestum videatur, rationis tamen auxilium vestram illam ad benevolentiam adducam. Atque utinam loqui pro me ratio ipsa posset; cognoscere-
tis clarissimo eius radio percussi eam esse generosam nobilium indolem & naturam, ut attollere supra vulgus sese velint, & inde illustres putare, quia eminent. Quid est vero quod ceterorum in admiratione constituere nobilem excellentius possit, quam quæ Reges ipsos & imperatores admirandos facit Eloquentia? Et si illud iam omnem veritatis assensum evicit, in eo nobiles ceteris hominibus antecellere oportere, in quo homines ipsi ceteris animantibus sunt præstantiores, quis hanc excellentiam in Eloquentia non positam animadvertit? Profecto non hoc caput & erectus ille vultus, non excelsa proceri corporis maiestas, non tenerimus ille membrorum splendor, sed oratio, sed sermo, sed inquam, præclara illa vis mentis & oris, quam eloquentiam appellamus, hominem terræ dominum ceteris animantibus præstantiorem reddit, & in ea imperium ipsi concedit. Quamquam & illud videamus, in quo videri volunt, & ab omnibus velut in theatro conspici vixi nobiles, & adolescentes. Quid illud vero est nisi bellum, cuius cum innatum habeant ardorem, in eo quoque apparere generosiores, superare fortiores, triumphare excellentiores desiderant. Et quomodo tandem iam altæ mentis vota consequentur, si Elo-

quen-

quentia non adsit, quæ loquente Euripide omnia conficit, quæ etiam hostile ferrum neutiquam efficere valet? Et hanc non illi potius, quam gladios, quam arma cætera, quæ hostilis frangit impetus, compararent? Veruntamen taceam hic ego, & vocem uno ore efferant laudatissimi Veteres, qui eloquentiam rerum dominam esse dixerunt. Et hac destituti dominari se posse nobiles unquam confident? Audiant potius nobilissimum Poetam, credant etiam hanc esse virtutem unam, quæ furentem comprimat populum, quæ Reipub. conservet incolumitatem, quæ administrantibus auctoritatem addat, Quantum enim est illud:

*Transitua
Authoritas
veterum.*

*Eloquentia
effectus.*

*Ac veluti magno in populo cū saepe coorta est
Seditio, sevitq; animis ignobile vulgus;
Iamq; faces & saxa volant, furor arma mi-
nistrat:*

*Authoritas
Virgilii.*

*Tum pietate gravem ac meritis si forte vi-
rum quem*

*Conspexere silent, arrectisq; auribus adstant.
Ille regit dictis animos & pectora mulcet.*

Sed de Pyrrhe tacitus nunquam præteribo, cuius in hac causa vocem cur aliter quam rationem ipsam amplectar? Tu enim acceptum Eloquentiæ tulisti, quidquid in Græcia otiantibus armis superasti. Te quoque Magne Alexander cur hic non implorem, ubi tui nominis auctoritas, & magnitudo meæ orationis est veritas corroborata. Tu enim cum cæteris omnibus maior esses, Hercule te inferiorem iudicasti, quia Eloquentia te superabat: qua in voce tua ac præclarissimo dictationis nostræ testimonio, sicut lubens superse-
deo, ita eandem à nobilibus audiri libenter exopto. Sed ego, de vobis nunquam diffidam, AV-
DITORES, qui cum Nobilem scientiis omni-
bus ornatum esse debere credatis, jam illud etiam
serenatis animis, & placidiori vultu iudicare

*Authoritas
Pyrrhi per
apostrophe.
Alexandri
Magni.*

*Conclusio
cum senten-
tia.*

mihi videmini, Eloquentiam tamen præcipuum
nobilium esse ornamentum. DIXI.

CAROLI de MARESCHAL
NAMURCENSIS,
COHORTATIO
AD RHETORES ET POETAS
PORCENSES.

Exordium à
tempore ve-
ritatis.

Omnia nunc florent, nunc est nova temporis
ætas.

Et nova de gravido palmitæ gemma tumet,
Et modo formatæ operitur frondibus arbor.

Prodit & in summum seminis herba solum,
Et tepidum volucres concentibus aëra mulcent.

Ludit & in pratis, luxuriatq; pecus.

Nunc blandi soles, ignotaq; pradiit hirundo,

Et luteum celsa sub trabe figit opus.

Nunc patitur cultus ager, & renovatur aratro

Hac anni novitas iure vocanda venit.

Excitatio
ad studium.

Quid ergo Rhetor? nondum

Cætuq; vulgares, & udam

Spernis humum fugiente penna?

Quid ergo Poeta? Nondum

Avia Pieridum peragras loca nullius ante

Tritapede?

O egregii iuvenes, ô

Sublimes anima, pulchrumq; in nomen itura.

Iam tandem.

Æthe-

Æthereum sensum, atq; auræ simplicis ignē
 Haucite iam tandem vobis

— *Pieria tenero sub pectore cura*

Discendiq; vices & amor.

Invitat aura, alliciunt Musæ, sordescens impellit *Occasione*
 otium. & *temporis &*

Iam sylva, iamque antra loqui, iam vivere aura.
fontes,

Iam sacer horror aquis, adytisq; effunditur
Echo

Clarior, & fausta spirant præsagia rupes. *A fructu*
Præsagia? prorsus messis cuiusdam optimæ, & op- *spectato.*
tati fructus præsagia!

— *neque enim, ceu nescia falcis*

Sylva comam tollit, fructumque expirat in
auras.

Quin potius exclamem. Ad arma Rhetores, Ad *A tempore*
 arma Poetæ: Hoc est enim tempus, cum *quo ad arma*

Rediere viris animiq; minaq;

eum, *miles rede-*
unt.

Dispositi in turmas rursus legemq; Severi
Ordinis, ut cuique ante locus, ductorq; mo-
nentur

Instaurare vias: tellus iam pulvere primo
Crescit, & armorum transmittunt fulgura
sylva.

Quis obex generositati? quis alacritatem conti- *Amplifica-*
 nebit murus? an asperitas frigoris? *tiō à remo-*

Quid? quod hyems adperta gelu iam deniq; *tione impe-*
cessit, *dimentoriam*

Et pereunt victa solet repente nives.

Procedamus ergo: *In primis*
Neque iam stabulis gaudet pecus, aut arator *frigoris.*

Nec prata canis albicant pruinis. (igni.

Nunc

Nunc decet aut viridi nitidum caput impedire lauro.

At flore, terra quem ferunt soluta: (Lucis,
Nunc & in Ausoniis Phœbo decet immolare
Seu corde poscat, siue malit igne.

A tempore
astati.

Optatum studii tempus adest, Æstiva recreamur
aura, & spes operis resurgit, quando

Arboribus redeunt dentoſa frigore frondes

Vividaq; in gravidō palmitē gēma tūmet.

Quæq; diu latuit, nunc qua se tollat in auras

Fertilis occultas invenit herba vias.

Ab omnium
rerum ſe-
cunditate.

Parturiunt omnia, & fœcundo semine jam fructus
edunt.

Nunc fœcundus ager, pectoris nunc hora cre-
andi.

Et nos hoc tempore torperemus? O non Iuvenes,
Agnosce Rhetor honorem: Agnosce Poeta decus
non desunt exempla laboris, si consideremus ani-
mantia. Quid avis?

Ab exempla
avis, For-
micarum.

Nunc avis in ramo tecta laremq; parat

Quid formica?

Parvula (nam exemplo est) magni formica
laboris

Ore trahit, quodcunque potest, atque addit
aceruo.

Quem struit, haud ignara, ac non incanta
futuri

Qua simul inversum contristat Aquarius
annum.

Non usquam prorepit, & illis utitur ante

Quæsitis patiens.

Apes.

Quid apes?

Agmine factō.

Ignā-

*Ignarum fucus pecus à præsepibus arcent.
Fervet opus, redolentq; thymo fragrantia
mella.*

*Omnibus una quies operum, labor omnibus
unus.*

Mane ruunt portis; nusquam mora.

Obiectio.

Verum inquit Endymiones. sic est:

Labor improbus omnia vincit. &

Dii laboribus omnia vendunt:

sed vincit etiam somnus oculos, & aliquando
dormiendum; imo summo reparantur vires. Nec
ego naturam oppugno, sed

*Responsio eĩs
concessione
aliqua.*

Venator cum membra thoro defessa reponit,

Mens tamen ad sylvas & sua lustra redit

Iudicibus lites, aurigis somnia curvis.

Vanaq; nocturnis meta cavetur equis.

Itaque.

Cui nil dulcius est bene quam munita tenere

Edita doctrina sapientum templa serena.

ita dormiunt, ut somniando laborem urgeant.

*Studiosi dor-
mientes som-
niant laboris*

Sic vita pars nulla perit, quodcunq; recedit

Noctibus, accedit studiis, animusq; vicissim

Aut curam imponit libris, aut otia Musis.

*Et dubitamus adhuc serere atque impendere
suram?*

*Ad hoc (inquit Marius) & ex parente meo, viros labor
& ex aliis sanctis viris didici, viris laborem cõ-
venire, omnibusque bonis oportere plus gloria
quam divitiarum esse.*

*Hac scilicet itur ad astra, cum conatus est om-
nium talis,*

Qualis apes estate nova per florea rura

Similitudo.

Exercet sub sole labor, liquentia mella.

Ab antho- ritate. *Stipant, & dulci distendunt nectare cellas.*
Omnia la- borant. Ne illi falsi sunt (inquit Romanus quidam) qui res diversissimas pariter expectant, ignavia voluptatem ac præmia virtutis. Nemo ignavia Immortalis effectus est, nec quisquam patrum liberis opravit ut æterni forent, magis ut honorati clarique vitam exigerent. Quid si dicam nihil esse quod non laboret ?

Terra omni tempore. *Vere sinum tellus aperit floresq; ministrat*
Tempore solis ager messes fert pinguis opimas,
Fœcundos Autumne lacus de vitibus implet,
Vis hyemis glacie currentes alligat undas.
Quis nescit

Sol & Luna *Errantem lunam solisq; labores,*
Vnde hominum genus & pecudes, unde imber
& ignes ?

Iam vero
Ipsa virtus *Angustum collem, tenuis quo semita ducit,*
in arduo ha- *Ipsa colit virtus, magno stipata labore,*
bitat & la- *Sic voluere Dei. Sed summa in vertice môtis*
bore stipatur *Planities ignota iacet, tutiq; receptus*
Semper ubi fessa poterunt requiescere mères.
Audite ergo Condiscipuli, audite :

Gloriosum est & iucundum laborare. *O Fortunati quorum iam mœnia surgunt.*
Stipatur labore virtus supra collem, sed in summo
vertice fessæ mentes requiescunt, ubi Musarum
nutrix gloria animos exosculatur, & blanda volu-
ptate demulcet. *Vere*

Tu sola animos mentemq; perurvis gloria
Vere, cum tuo melle animus est inebriatus, simul
est labor diversus

Tum laborum memini- *Et non sentitur sedulitate labor.*
nisse. *Iucundi sunt acti labores, Suavis est præteritorum*
memoria. Imo

Quod fuit durum pati, meminisse dulce est.

Revocate animos, mœstumq; timorem
Mittite, forsã & hac olim meminisse iuvabit.

Et si

Æstas non semper fuerit, componite nidos.
Ita fiet, quisquis sistandem ut
Si paulũ paulo addideris, pergasq; frequenter
Hoc facere, exsurget magnus tibi forsã acer-
vus.

Non est ab incepto desistendum, aut resistendum. *Incitatione desistant.*
Olim Orpheus

Restitit, Euridicenq; suam iam luce sub ipsa
Immemor, heu victusq; animi respexit, ibi
omnis

Effusus labor, atq; immitis rupta tyranni.
Fœdera.

Ita qui subsistunt in cursu Studiorum, & in um-
bra desidii reclinant latus, gloriæ voluptatem, &
præteritum laborem amittunt. Qui vero genero-
so spiritu culmen virtutis & fastigium scientia-
rum attingunt,

Si fractus illabatur orbis,

Impavidos ferient ruina.

Vellem adesset hic Apollo, & implens Rhetori-
cam hæc suo numine, vos aut cythara sua, aut *Prosopopæia*
voce dignaretur! uteretur, ita confido, hac voce
Catonis: *Apollini.*

O quibus una salus placuit mea castra secutis
Indomita cervice pati, componite mentes
Ad magnum virtutis opus, summosq; labores.
Vaditis in campos virides, præruptaq; Pindi
Culmina, qua doctæ saliunt è fontibus unda.
Durum iter ad laudes; veniant, atque in via
tentent.

Se quibus in magno positi est clarescere voto.

He

Hi mihi sunt Comites, quos ipsa molestia ducet,
 Discrimenq; novū. studium, labor, ardor, arena
 Dulcia virtuti, crescit sapientia duris,
 Latius est quoties magno sibi constat honestum,
 Sit illa vox Apollinis audita vobis: sed ego vos
 Alloquor, ô Iuvenes,
 Mea quos spatium propioribus ætas
 Attingit.

*Peroratio in
 qua adhor-
 tatio per apo-
 thephen.*

Ego, inquam, te Rhetor, dux tuus & miles tecum
 in arena nobili compello.

Aggredere & digno rursus tere dde labori,
 Nec tibi sufficiat transmissæ gloria lucus.
 Præclarum curare decus, quis terminum un-
 quam.

Præscripsit & nullas recipit prudentia metas
 Crescite virtutes fœcundaq; floreat ætas
 Ingeniis patuit campus, certusq; metas
 Stat fævo, ornatur propriis industria donis,
 Concinnuit felix Helicon, fluxitq; Aganippe
 Largior, & docti riserunt floribus amnes.

*Correctio
 cum obiecti-
 one.*

Sed aberro, currentibus addere calcar dum labo-
 ro, ita enim vos tacita cogitatione loquentes au-
 sculto:

Nulla quies placet in nullo sunt omnia fructu
 Sed populum turbamq; petunt,
 Iam redeat linguaq; decus regnumq; loquedi,
 Ingenii redeant vires.

*Prosopœia
 Auditorum
 Exclamatio.*

O cogitatio generosa! ô excitati vigor animi! Vere
 Pauci quos æquus amavit
 Iuppiter, aut ardens enexit ad æthera virtus.

*Correctio.
 Obiectio.*

Et quidni vos isti pauci? Iam omnino non aber-
 ro, Et si currentibus addere calcar non possim,
 possum tamen incitare currentes, Sed inquietis,
 cur

Cur incitas, & non ad cursum te nobiscum accingis? Ecce supersedeo verbis & socium in arena me iungo vobis, dux, miles & idem, paratus ero. Si postulat officium meum ut præcedam, excusare interim imbecillitatem, conabor tamen; & si turpis est cum oriatur honor, vigilantia & labore recipiabo honorem. Ita votum meum audite, Condiscipuli Rhetores, & quem Scholæ vestræ patimini Ducem, socium laboris habete. Ita vos quoque Poetarum Rhetorum labori laborem iungite, ut iunctis viribus ad nobilem eruditionis metam properantes, ætatem nostram in fructu gloriæ coronemus.

Offert se socium laboris

Adhortatur ad laborem.

DIXI.

DISSERTATIO.

Quenam liberalium Artium in
Rep. Principatum debeat
obtinere.

ORATIO I.

Hanc in Rep. liberalium Artium Principem esse debere.

LAMBERTI VERREYCKEN
BRUXELLENSIS.

Prima fores Sophiæ recluso limine pando.

Scribere quæ puerum rite loqui, volo.

Qvod si aliquando perturbatis naturæ legibus & huius amplissimæ rerum omnium universitatis ordine confuso, cæcis illius machinæ stellas omnes ac planetas, quibus

Exordium à simili dicta à sole.

bus lumen suum ac splendorem lucidissima Mundi lampas sol impertitur, cum sole tamen in arenam descendere, proque principatu certare videremus; nemo opinor ita omnem aequitatem odisset, quin vehementer certaminis indignitate commotus, voto voce, calculo victoriam illi palmamque tribuendam esse censeret, à quo omnes coelorum ignes fulgorem suum mutuari videmus. Iam vero contentionis indignitatem in clarissima illustris huius Academiae luce licet intueri, dum nescio quā dicam generositate liberales artes impulsæ, suæque fortassis immemores ingenuitatis, de Principatu cum Grammatica certare contendunt, quæ non tantum lucidissima pulcherrimarum Artium fax effulget, sed omnes omnino suo è complexu educit, nutrit ac sustentat. Sed ego qui Grammaticæ non invitus ac perlubens partes suscepi, quoniam vester ille favor calculum polliceri videtur, ita agam, ut quem debeo Grammaticæ scientiarum omnium parenti affectum ostendam, ac tantam eius in Reipublicæ dignitatem utilitatemque demonstrem, ut ad pedes eius ceteræ artes palmam deponant, sceptrum concedant. Et ecce huic scientias omnes atque artes appello, quid est tandem quod sine ea certo sciri percipique possit: quid est quod ex omni studiorum genere proferatur, quod non huic uni totum acceptum referatur? Illa est benigna mater qui rudes puerorum animos ad humanitatem informat, quæ os tenerum ac balbum figurat, quæ mores instituit, quæ nisi tanquam nutrix cæteris opem suam contulerit, aut omnino non percipiuntur, aut squalida, ieiuna, inculta, omni denique lepore & elegantia spoliata languebant. Illa est quæ nisi cæteris scientiis fideliter fundamenta iecerit, quidquid superstruxeris, corruet, necessaria pueris, iucunda senibus, dulcis secretorum cômès; & quæ vel sola plus operis habet quem

Accommodatio ad propositum.

Propositio.

*Confirmatio.
Primum
argumentū
à necessitate.*

*Similiter
desinens.*

*Probatio &
amplificatio
ab effectibus.*

ostendit.

ostentationis. Et vero nisi illa Rhetoris in ore *Necessaria* verba formet latina, pura, selecta, quid aliud quam *ceteris artibus* inanes proiciet Ampullas, & tumultu quodam non animos vincet, sed terrebit? quid ceteræ tandem artes eloquentur, aut quomodo fructum suum Reipub. communicabunt, nisi prius in huius parentis sinu vocem hauriant & confirment? Nimirum ceteris artibus lumen quoddam Grammatica præluceat, ut cæcæ non aberrant. Nimirum in scientiarum ædificio, præclaraque substructione fundamentum est Grammatica, ne corruant de repente. Nimirum ceterarum condimentum est disciplinarum Grammatica, ut cum hoc sapore displicere non possint. Sed ego quam parum dico, qui quæ summa sunt non attingo? Versentur in Reipub. sublelliis quandoquidem in his principatum ambimus. Quis hic non litterarum cognitionem requirat? At vero hanc Grammatica subministrat. Quis scribendi rationem non exposcat? At Grammatica illam omnem exponit. Quis linguam excultam non desideret? At Grammatica illam excolit. Atque ut in eius amplitudine magnitudinem eius cognoscatis, Poetas Grammatica producit, omnis ætatis historias illustrat, veterum monumenta dispundit. Vnde arbitror factum esse aliquando, ut clarissimi præstantissimique viri Crates, Mallotes, Lælius Præconius, Aurelius Opilius, Orbilius, Pubillus, alii plurimi in principe orbis urbe Grammaticam summa cum laude profiterentur. Quantum, & Verreum Flaccum Grammaticum tantum, sed tamen tanquam alterum Imperatorem egregiam statuam in foro meruisse? Quantum est Iulium Cæsarem dictatorem sui temporis Grammaticos civitate donavisse? Quantum est Severum & Antoninum à publicis muneribus immunes ac liberos Grammaticos esse voluisse? Extollat Rhetorica Ciceronem suum, de Rhetore Consulem.

Nun-

*Allegoria.**Necessaria
omnibus in
rep. versan-
tibus.**Subiectio.**2 argumen-
tum ab am-
plitudine &
dignitate.**Veteres Græ-
matici.
Honores
Grammati-
cis decreti.**Interrogatio
cum repeti-
tione.*

Conclusio.

Nunquid Frontonem Grammaticum Antoninus Imperator qui Philosophus appellabatur, Consul-tem creavit? Nunquid eandem dignitatem Grati-
 anus Imperator Ausonio Grammatico est elargi-
 tus? Nolo ego temporum nostrorum meminisse, quibus gloriosissimæ quæq; Resp. vel Antistites vel Principes, Grammaticos extulerunt. Illud dico tantum, quod si Grammatici principatum in Repub. tenuerunt, ab eo Grammaticam nunquam esse removendam. Regnet illa sine qua ceteræ prorsus esse non possunt; imperet illa quæ scien-
 tiarum omnium est mater, dominetur illa, quæ ut omnia sint, omnia eruit è tenebris, & ut omnia fulgeant, suo fulgore cuncta illustrat: Nimirum

*Grammaticæ reliquis elementa viamq; mi-
 nistrat.*

Artibus, & solido cunctas fundamine fulcit.
 DIXI.

ORATIO II.

Pro Rhetorica.

*Hanc artium reginam in Repub.
 esse.*

NICOLAI MOVRMAN
 IASPERIENSIS.

*Siquid dicendum est dico, bene verba colorans
 Qualibet eloquio fit bona causa meo.*

*Exordium à
 necessitate
 Rhetorice*

Lector non parum, ô Clarissimi Viri, hono-
 randi AUDITORES, ita me hodie pro no-
 bilissima Rhetoricæ facultate in hac artium
 con-

concertantium arena versari ut principatum ceteras artes ambire sic animadvertam, ut sine Rhetoricæ supellectile, divina cœlestique voce ne quidem petere vel audiant, vel possint; hærent imo mutæ, & in hoc Circo gloriosissimo concitatum jam ambitionem desererent, nisi ad eloquentiæ nostræ adminicula tacito nostro consensu confugerent. Et esset quæ Rhetoricæ Principi suæ palmam auferre desideraret? Sed lætor adhuc amplius & gaudiis insolentibus incedo, illum hodie diem illuxisse, quo suas opes amplissimas ac præstantissimas explicare Rhetorica possit, & à petendo principatu, ceteras artes sola voce deterrere. Te enim, quem Grammatica suum Oratorem elegit, iam rogo, ne tuas voces Rhetoricæ fluminibus oppone: plus in Rep. viri quam pueri possunt. Vos vero cæterarum Artium Nobilissimi Patroni, quorum è vultu atque oculis iam ardor quidam erumpit, videre quam periculosum certaminis aleam moveatis; turpe non est suo in gradu atque ordine servire, at eo adspirare, quo attingere nunquam possitis probrosum est & infame. Non qui cœlos numerant aut stellas, qui altitudines aut profunditates metiuntur, qui Sophismatum argutias contortis enthymematum jaculis vibrant. Resp. prudenter administrant. Non in Curiis sedent Legum conditores, aut tribunalia iudiciorum quæritores implent, qui calculos numerando movent, aut linguam cantilando exercent. Hic sapiens pectus cogitationes profundissimas subministret; hic exercitata dicendo lingua Rhetoricæ gratiis roribusque perfusa legum vim & iudiciorum authoritatem propugnat. Vultis igitur Rhetoricæ utilitatem in Rep. certando producere? O mihi quis se campus orationis expandet? retinere dicentem, abripiat enim, & torrente me suo Rhetorica suas in utilitates effundet. Qui sunt obsecro, qui in Repub. seden-

*rica quam
alia artes
fatensura*

Proposito.

seden-

*Probatio ab
enumeratio-
ne commo-
dorum.*

*Necessaria
Antistitibus
eloquentia.*

*Agnomina-
tio.*

*Probatio ab
exemplis.*

sedentes orbem hunc nostrum suam tanquam urbem tenent, administrant, conservant. Credo Pontifices & Antistites, Reges & Principes. Magistratus, Iudices, belli duces, patroni. Iam vero quibus aut viribus aut armis Ecclesiarum Antistites religionem pietatem, concordiam, omnem denique virtutem hominum animis imprimunt ac persuadent? Non hic tubarum clangores audiuntur, sed eloquentiæ vox potens, qua qui armati, hominum animis imperitant, infulas in Ecclesiis & cathedris merentur. Nimirum qui concionum sacrarum impetu obstinatos hæreticorum animos expugnant, piorum vero hominum mentes eloquentiæ suavitare deliniunt, vitia proscribendo, virtutem excitando, hi sunt tandem quos in Ecclesia suffragiis universorum dignitates coronant. Tantum nominabo, sed vos in memoriam revocate fulmina fluminaque eloquentiæ, Ambrosios, Lactantios, Chrysostomos, Hieronymos, Augustinos, Cyprianos, quis eorum in administranda Rep. Christiana gloriam se speret adæquaturum, qui eorum eloquentiam non possideat? Versor in re notissima, sed utique verissima; & horum temporum perturbata conditio hanc vocem extorquet. Hodie hodie eloquentes Ecclesia requirit, ut dum omnia furor hæreticorum permiscet, fulgurent fulminentque Catholici, vincant animos eorum & seditiones componant. Venio ad Principes & Reges, quorum cum sit belli pacisque tempora administrare,

— *duo sunt quibus extulit ingens*

Roma caput, virtus belli & sapientia pacis.

*Necessaria
principibus
eloquentia.*

Illa pacis sapientia eloquentia est, quam dum Herculi Gallico Alexander invidit, necessariam Monarchis esse ostendit. Non est profecto satis diademate sceptroque terrere. Verò verius Seneca; qui ingenia sanare, & fidem in rebus humanis

nis retinere volunt, serio loquantur, & magnis viribus agant. Præclarissimum firmissimumque est linguæ purpuræque præsidium. Transeo ad Senatores ac magistratus, qui si in Curiis ac Regum consiliis non mentem duntaxat explicare, sed populos flectere, mulcere, suam in sententiam pertrahere debent, quam non illi facundiam requirunt? Verissimum est vetus illud verbum, lupum quidem auribus haud teneri posse, populum autem inde maxime duci oportere. Et nunquid olim Quintiliano teste quanto quisque plus dicendo poterat, tanto plus apud Principes gratiæ, plus authoritatis apud Patres, plus notitiæ, ac nominis apud plebem parabat? Super sedeo infinitis exemplis, turpissimum vero esse dico uno verbo (placet) atque uno capitis nutu in aliorum sententiam transire; dedecorosum etiam balbutiendo aut Regi aut Reipub. consilium suggerere. Affidet Themidi Minerva, ut in Republica cum justitia sedeat eloquentia. Quis nunc in foro legum authoritatem Iudex defendet, aut in exteris regionibus regum voluntatem legatus aperiet, qui eloquentia & rhetoricaque destituatur? Atque si conditores urbium elegantia oratoria & illico facundiæ dispalatos homines ad civitatem politicamque vivendi rationem pellexerunt, si legum Conditores eloquentiæ fulcris adminiculati, leges saluberrimas condiderunt, quomodo sine Rhetorica servabuntur urbes, aut iura custodientur? Dicamus & de Imperatoribus ducibusque belli, quomodo illi regere consiliis & moderari res magnas sine voce doctæ & Oratoris vi unquam poterunt? siquidem Imperatoris vehementi concione erecti, excitati in procinctu milites ardua quæque & formidolosa despiciunt, & propositam in laudem victoriamque acriter decertando conspirant. Non sic auribus percepti tubarum clangores animos ad pugnam acunt

*Necessaria
magistra-
tibus.*

*Authoritæ
Quintiliani.*

*Necessaria
belli ducibus.*

Compar.

aut irritant, quemadmodum hortatrix ad virtutem & gloriam oratio intrepitas expeditæ aciem mentes ad opposita pericula erigit stabilitque. Illa strages generose solatur, vulneribus medicinam addit, vires reparat, virtutem infundit. Idcirco Franciscus primus Rex Galliarum & bellis exercitatusissimus, nunquam prælium commisit, quin ante peroravit, mucronibus acumen, gladiis aciem, nervis, corporibus animisque vitam addendo, unde ardorem milites à concione gladiis elatis significabant. Idcirco Cæsar terribitos Germanorum aspectu Romanos, trepidantes ac desperantes sola voce victores effecit. Quid est igitur quod in Repub. restet nec Rhetoricæ præsidium requirat? O vere Repub. Reginam eloquentiam! Et vestra non Regina esset & artes ingenuæ? Illi stipendiariæ floretis, vocem ab illa cultumque recipientes; illi vitam vestram debetis, per quam in lucem abitis; sine illa latitandum vobis esset in scholarum Cathedris, sine illa hærendum esset vobis in pulvere vestro. O si auratum vultum ejus hoc in certamine intueri liceret! Sed non hodie illum expando, & si utilitate principatum mereri licet, vicit Rhetorica omnium utilitatem; & quæ olim Athenis, Romæ, in omni denique gloriosa Republica regnavit, regnum suum hodie per vos Clarissimi AUDITORES, retinere concupiscit: judicate & retinere. Nimirum

*Rhetorice varip delectat splendida cultu,
Ornatumq; adhibet dictis, vivosq; colores:*

DIXI.



ORA-

ORATIO III.

Pro Dialectica.

Eam ceteris artibus præstare.

IOANNIS à TVRRI

LUXEMBURGENSIS.

A falso verum, à curvo determino rectum:

Discenti dubia duxq; comesq; via.

SI quis est, qui à me Dialecticæ Patrono diffusam, phaleratam, lenociniis ac fucò pictam orationem expectet, is multum se falli sciat. Neque enim oratione, sed ratione certare Dialectica cupit; nec verborum ornamenta iactare, sed argumentum momenta ponderare, Quod cum dico, iam mihi tecum, ô Grammatica, nihil est, quæ vocum mater, vocabulorum stateram tenes ac iudicas. Nihil tecum, ô Rhetorica, quæ loquax & verbosa plus dicis, quam facis; plus ostentas, quam præstas; & dum orationem sequeris, sæpe rationem excludis. Nihil mihi vobiscum est, Nobilissimæ Artes cæteræ, sed vobis multum est mecum, quæ ut nihil vestris in rebus ac materiis sine ratione assequimini, ita sine Dialectica nihil potestis. Quid? nondum ceditis? nondum receditis? Si vinci gloriosius, quam arenam detrectare putatis, descendendo in arenam, & Dialecticæ principatum ratione evinco. Atque imprimis illud à vobis omnibus quero, nunquid nihil in homine præstantius est? *Exordium*
ab expectati-
one auditoris
& Dialecti-
ca conditione
Deprimit
ceteras artes
Propositio.
Confirmatio.
Argumentum à natu-
ra Dialecti-

Obliqua pro- Igitur Ars illa quæ directrix ac formatrix est ra-
posita. tionis, cæteris quoque præstat & antecellit. Et
 nunquid idcirco Ars Artium, scientia scientia-
 rum appellatur? Nunquid tota circa intellectum
 ita occupatur, ut illum tanquam magistra regat
 2. *Argumē-* & instruat? Quid obsecro, sine hac facies? Si ad
tum a ma- scientias alias contendis, hæc ianua est; si reclu-
teria. dere veritatem exoptas, hæc clavis est. Dicat De-
Subiectio. mocritus demersam in puteo, cui fundus non sit,
Repetitio. veritatem esse; hæc eruit. Dicat Anaxagoras ean-
Similitudo. dem tenebrarum caligine circumseptam esse;
 hæc in lucem producit. Atque quemadmodum
 sol perspicax ille mundi oculus serenato vultu
 mundum illustrat, ac recreat universum, ita per
 Dialecticam cæteræ artes illustrantur, fulgent ac
 splendescunt.

Est Pharos ardens, & periclitantibus in rerum
 cognitione collucens. Est Dux illa, quæ mon-
 strando terram ostendit, quæ ad portum dirigen-
 do perducit. Quanquam ne titulus tantum qui-
 busdam videar gloriari, penderemus utilitatem.
 1. *Transitio.* An non sine hac una cæteræ artes nudæ incul-
 2. *Ad 3. argu-* tæque iacerent? an non per hanc unam illustres
mentum ab fiunt, & in luce quodammodo volitare videntur?
utili. An non scientiarum omnium basis est & funda-
 mentum? Vtiles sunt artes alix ac scientia: imo,
 nec inficior, utilissimæ. Quid? an non istam à
 Dialectica hauriunt utilitatem, quæ sine ea, veri-
 tatis intueri solem non possent? Hæc est, quæ in-
 dagine quadam inveniendi Locos circumdat, &
 captam veritatem adducit. Nec est quæ iudican-
 di rationem tradit, ut omnino sine ea aberres.
 3. *Repetitio.* Definendum est aliquid? Huc accurras oportet.
 Dividendum est aliquid? Discere hinc modum
 oportet. Ratiocinandum est? Hæc tibi Enthyme-
 mata contorquet, Syllogismos instruit, Dilem-
 mata opponit. O me impudentem! parva conse-
 4. *Subiectio.* ctor, maiora relinquo. Quid ages ô Christiane?

quo-

quomodo tandem hæreticorum inimica tela rerundes, si hac arte non sis instructus? Nihil vis illa Theologorum possit, nisi armis Dialecticorum posset. Nihil auctoritas obtinere legum, nisi Dialecticorum potestas accederet. Verum enim vero frustra verba urgeo, ubi unica ratione victoriam licet obtinere Repeto & finio, vos Dialecticæ Artium reginæ palmam porrigite. Nimirum.

Conclusio.

De themate omnigeno Dialectica disputat,

Et qua

Quarendum in dubiis sit verum, indaginemonstrat.

DIXI.

ORATIO IV.

Pro Astrologia.

Hanc ceteris artibus antecellere.

IOANNIS CVLENS

WESEMALENSIS.

Aurea sublimis contemplans ætheris astra,

Sidereos motus mente visq; noto.

INDignum est prorsus, honorandi **AVDITOR**
ES, me Astrologiæ Oratorem in hoc Artium *Exordium:*
 certamine divinæ illius artis, & cælestis di- *ab indigni-*
 sciplinæ partes ac causam hodierna die in con- *tate præsen-*
 spectu vestro gravissimo defendere ac tueri debe- *tis certami-*
 re. Etenim non Astrologia terras, sed altissimum *nis.*
 cælorum culmen attingit; non hæc in terris ab-
 iecta languet, sed in superum illum mundum a-
 scendens, cælestium orbium globos & fulgen- *Conditio*
 tissimas stellatæ machinæ faces contemplatur. *Astrologia.*

K ;

Ergo

*Propositio.**Argumentū
de rebus &
materia.**II. Argumē-
tum ab uti-
litate Astro-
logia in sci-
entia.**Enumeratio
utilitatum.*

Ergone cœlum terræ, cœlestis Harmonia Musis ,
Lux solis exiguis cæterarum artium facibus ce-
det ? Sed quoniam veteri Regem homines non
solent, nisi multorum corona stipatam, sceptro ac
diademate adornatam maiestatem eius intuean-
tur, discant hodie nobilissimæ artes cætera quan-
tum cæteris sua maiestate Astrologia antecellat :
quæ ut ardua est & cæterarum artium excellen-
tissima, ita non in terris terrena tractat, sed in cæ-
lis cœlestibus occupationibus detinetur. Et ve-
ro quid præclarius esse potest in hominum vita,
quam ea disciplina, quæ in orbe illo cœlesti, reli-
cta sub lunarium corporum mole, quasi trium-
phat, & eos cognoscit orbes qui rerum omnium
causæ, res omnes suo quodam influxu ac splen-
dore producant ? Hæc est quæ altissimas alterius or-
bis & cœlorum regiones perambulat, ac DEO ter
Opt. Max. quasi vicina, per se cultores suos divi-
nos & immortales constituere videtur, ad ter-
ras redeamus, habitet Astrologia cum cæteris
artibus in hominum quotidiano cultu, an non in-
terris existens, divina tamen & cæterarum Ar-
tium Princeps esse videtur ? Etenim Theolo-
giam ad veram & sinceram Dei ter Opt. Max.
cognitionem per cœlorum contemplationem
deducit : Philosophiam per cœlorum motum ac
numeros ad veram ipsius sapientiæ finem pro-
mover. Nec ipse Philosophiæ parens Aristote-
les aliter quam per constantem & invariabilem
cæli motum Deum æternum & immortalem
investigavit. Medicinam in autoritate consti-
tuit, ut prudenter Galenus monuisse mihi videat-
ur, nesci quispiam medicorum manibus Astro-
logiam ignorantium committat. Quid dicam de
Poetis & historicis, quos intelligere in Acade-
miis nisi Astrologus nemo potest ? Quis priva-
tam debite rem administrare, quis publicam cum
utilitate honorifice gerere potest, qui siderum
ratio.

rationem ignoret? quantæ utilitatis sitars nau-
tica, cuius auxilio maria perambulamus, & di-
fſunctas orbis partes coniungimus, frustra in om-
nium notitia fortassis requiram, sed tamen quo-
modo illa tantam utilitatem Reip. conferret, si *Probatio ab*
non Astrologiam ducem haberet? Militari porro *exemplis.*
disciplina quidquamne utilius civitatibus & im-
periis esse potest? At illam infirmam quis nescit,
nisi Astrologiæ cognitione fulciatur. Ita aliquan-
do Sulpitius Gallus Tribunus militum explicata
Lunæ obscuritatis causa adversus Persem Mace-
doniæ Regem consternatum exercitum erexit.
Ita Rex Ferdinandus prædicta Barbaris solis ob- *Permissio.*
ſcuritate, quam æternam futuram illi putabant, *Transitio.*
commeatum à Barbaris exorsit. Sed non proſit
Astrologia, nihil ad cæteras scientias conducatur,
verum ita amabilis, ita delectabilis, ut non imme-
rito sapientissimus olim, & sapientiæ ipsius filius
divinus Plato Astrologiæ unius causa oculos no-
bis esse concessos affirmarit. Et certe nisi sum-
ma huius disciplinæ jucunditates esset; non tot
Reges & Imperatores maximi ea potissimum
fuissent delectati: non hanc coluissent Iulius
Cæsar, Adrianus Imperator, Alphonsus Rex Hi-
spaniæ, Carolus Quintus, Maximilianus Secun-
dus, Philippus Secundus Hispaniarum & India-
rum Monarcha. Non alii plurimi fuissent, qui *4. Argu-*
duodecim, qui 46. qui plures etiam annos consi- *mentum ab*
derandarum stellarum causa sub dio transegiſſent. *antiquitate*
Sed ne nimium videar urgere ubi meritum per se *per præteriti-*
ſatis evincit; non dicamus primam omnium & *onem.*
antiquissimam artem esse astrologiam, quam A-
damus, Noe, Abrahamus coluerunt, quam Ægy- *Conclusio.*
ptii Babylonii, Assyrii, Æthiopes tenuerunt. Ta-
ceamus, teste Iosepho, idcirco veteres illos vitam
tam longam duxisse, ut Astronomicis tam diu re-
bus vacarent. Quid vero? Artium omnium primâ,
Auditores honorandi, vestro calculo ne postremâ

efficitote, & quam divinam esse intellexistis, rebus publ. tamen utilissimam Principem omnium esse iudicatote. Nimirum.

*Cælorum varios motus scrutatur, & orbes
Astrologus, penetratq; polos atque astra
pererrat. DIXI.*

ORATIO V.

Pro Geometria.

Huic debitum inter artes Principatum esse.

WALTERI HOVEDENI
HYBERNI.

*Mensuras verum spatiis dimetior equis,
Quo cælo distet terra locusq; loco.*

*Exordium à
facto Platonis.*

Accommodatio.

Propositio.

*Optatio.
Argumentum.*

QUOD si olim, AUDITORES, humanissimi, divinus ille Plato vehementer admodum, Eudoxo & Achitæ succensuerit, quod ab arcanis Philosophiæ adytis Geometriam separassent; ita iure quoque merito indignari possem, cum eam artem hodie, quæ plebeios aspernata, homines cum Regibus in thronis sedet, à ceteris artibus in arenam provocari animadvertam; ut eas (si diis placet) quæ vere se illi submittere deberet excellentia & utilitate superiores agnoscat. At ne Geometriam inter humiles popularium parietes habitare, & à vulgaribus & plebeiis coli existimetis, illam vobis ex sublimibus principum sedibus, imo ex ipsis regum palatiis producam. Utinam vero Demetrius ille Antigonis filius in hoc Artium concertantium apparatu adesset,

esset, qui Helepolim, (ut alias faciant) belli ma- *tum ab ex-*
chinam ariete robustiorem, quam auxilio, & be- *emplo & u-*
neficio artis huius adinvenit, in medium profer- *tilitate,*
ret, qua Rhodum atque alias præterea non pau-
cas urbes expugnavit: neque ille rex tantus sibi
dedecori duxit unquam regias manus Geometri-
cis rebus & instrumentis amovere. Undenam
quæso, Epeus Boerius equum belli machinam
primus excogitasset, nisi Geometria modum
suppeditasset? Hæc est, cuius ope contra Sextum *Repetitio.*
Pompium nova harpagonum genera Agrippa
machinatus est. Hæc est, per quam oppugnatio-
nes foeliciter procedunt, per quam expugnatio-
nes peraguntur, per quam victoriæ obtinentur
Hæc est, quæ belliea tormenta, machinasque mili- *Enumeratio*
tares adinvenit, quæ campos disponendis arieti- *utilitatum.*
bus metitur ac præparat, murorum ac turrium al-
titudines, fluminum profunditates, camporum
latitudines cognoscit, & in victoriam convertit.
Testis est Syracusanus ille Archimedes, cuius
machinis fortitudo Marcelli tam diu cessit, cuius *Disiunctio.*
arti hoc est Geometriæ par esse Romanus exerci- *Probatio ab*
tus vix potuit aliquando. Testes non veteres Hi *exemplo Ar-*
tantum, sed ii quoque, quos quadam excellentia *chimedii.*
Ingeniosos appellamus, quinque dum Principum
favorem possident, cunctorum excitant admira-
tionem, illisque atque eorum arti ea debemus
accepta, quæ in armis admirabilia stupemus Ve-
runtamen pacis quoque tempora Geometria iu-
vat & exornat. Nunquid sine illa neque templa,
neque domus, neque arces ædificari possunt? Nū- *Argumentum*
quid illam statuaria necessariam & pictoria requi- *à necessariis.*
runt? Plura non dico. Geometria igitur, quoniam
etiam artes omnes nullam ea in probationibus *Conclusio.*
certiorem esse fatentur, regnet in terra, quam
mensurat, & principatum consequatur, quæ mere-
tur. Nimirum

*Terrarum spatia, & metas Geometria ponit
Distinguitq; plagas, montes ac flumina
lustrat. DIXI.*

ORATIO VI.

Pro Arithmetica.

*Hanc in Repub. artium omnium utilis-
simam esse.*

PETRI PARIZOTI
LUXEMBURGENSIS.

*Par impar numeris vestigo rite subactis,
Me pete, concinne si numerare cupis.*

*Exordium à
remotione
ambitionis.*

FAccessat ambitio, & insolentis procul hinc
fastus superbix recedat: neque enim, quan-
quam arenam non detrectet Arithmetica,
ambitionis eo fastu intumescit, ut principatum
superba quærat. & scientiarum Imperatrix cæte-
ris artibus ius dicat ac honores dispenfer. Satis
est, inquit illa, si prosum. Nimius est vero ac non
ferendus fortasse fastus, à quo fructus nullus un-
quam exspectatur. Miratur autem ac vehementer
etiam obstupescit, eam hodie cæterarum artium
in hoc certamine ambitionem apparere, ut non
iucunditatis, sed superbix certamen esse videatur.
Quis est qui non animadvertat, ac non etiam con-
tortis humeris aspernetur? Adestis spectatores,
Iudices sedetis, Ornatissimi Auditores, videte
non pulverem arenæ, sed certantium utilitatem;
ac serio tandem principatum illi deferre, quæ su-
perbiam cæteris relinquit, summam vero Reip.
utilitatem impertitur. Scilicet puerorum Gram-
ma-

Propositio.

ma-

matica nutrix Rempubl. administrabit ? Sylla. *Depressio*
 bas in ea junget, voces conficiet, orationes col- *caterarum*
 ligabit, & imperabit ? Scilicet Reipub. Thea- *artium.*
 trum Rhetorica occupabit, quam Arcopagitæ se-
 verissime præscriptam eiecerunt; Romani nimi- *Ironia.*
 um crudelem in Gracchis experti sunt ? Non est
 artis garrulæ curias implere, & profunda sapientis
 animi consilia moderari. Scilicet Dialectica fal- *Repetitio.*
 laciæ Magistra, cæterarum tantum instrumen-
 tum scientiarum ac ancilla, jus in cæteras obtine-
 bit ? Et Remp. tanquam Atlas cælum, sustine-
 bit ? Vetabunt dii superi. Non ibo jam per om- *Permissio.*
 nes, nec omniū ambitionem numerabo : per
 me licet, regnet in cælis Astrologia quos regit,
 & dum in terris ignara versatur, terrarum pal-
 mam terrenis artibus relinquat. An non Arith-
 meticam in Rep. Geometria præcedet, quæ dum
 terras tantummodo mensurat, nullas omnino
 procurat ? quam illa mihi esset ac jaceret, si Arith-
 meticæ destituta subsidio relinqueretur, An Mu-
 sicæ tandem & in subselliis Reip. palmam defe-
 remus ? Nimirum ut hominibus imperitent a-
 ves, à quibus homines Musicam didicerunt ; ni-
 mirum ut levissimam artem honoremus, & ple-
 nam periculorum, si diis placet, Reginam fovea-
 mus, Videris quis hanc ventus ambitionem pro-
 pellat, quo se fastus non ferendus effundat, ut ex
 dominantur in Rebusp. artes, quæ Respub. si non
 perdunt, certe deturpant ac diffamant. Sed fortas- *Confirmatio.*
 sis de Arithmetica quid dicturus sis expectatis : tio.
 nolite ambitionem expectare; non ambiciosa *Argumentum.*
 est Arithmetica, non fucum obicit; non fa- *ab utilitate*
 ctum ostentat, illud tantum dico, & pro ipsa di- *consequens.*
 co: Tolle Arithmeticam, confusio erit in orbe, *quantibus.*
 nullius in Rebuspublicis ordo, ubique perturba- *Necessaria*
 tio. Intueamur curias & in iis eos confidere *magistratus.*
 mus, qui Rerump. ordines constituunt ac regunt: *bus.*
 quoties illi dividere, quoties divisus addere ;

Gradatio.
Necessaria
Quasioribus

quoties addita detrahere necessum habent? Consideremus in iisdem Quæstores quorum est vestigalia Regum, Rerumque publicarum exercere, colligere, conservare, in usum ac necessitatem educere, distribuere. Quoties illi numeris numeros addere, numeris numeros detrahere, illos permiscere, hos variare debent? Quanquam & extra

Necessaria
belli ducibus.

Rempub: mediis in campis Imperatores ac belli duces constituamus: quam non illi Arithmeticam requirunt, ut ordines ac turmas instituant, aciem disponant, paribus viribus onera dispen-

Necessaria
mercatoribus.

sant, locorum intervalla ac temporum momenta iusto numero ponderent? Rursum in Rep. mercatorum officinas intremus quonam se vertent illi in tanta tot rerum variarum ac pecuniarum ratione, si Arithmeticam ignorent? Nunquid illi & digitos suos & calculos consecrant? Sapere nimirum fortasse videret, si Arithmeticam cælo acceptam proferrem, atque ipsam divinam maiestatem

Præteritis.

terno personarum numero comprehensam, spirituumque ordines novenario distinctos esse prædicarem. Lateant altissima illa, dum nihil ambimus: Lateant ea secreta, quæ Arithmeticis sæpe numeris continentur, dum palam certamen iniimus. Scitis omnes eos ab omnibus pueros appellari, qui numeros ignorent. Non obscurum est vobis, quantum sæpe iucunditatem intellectui Arithmetica subministrat Sed multo magis quantâ exercitatione illum acuat & expandat. Hæc iactent ambitiosi, hæc efferant superbi: Satis est Arithmeticæ de Repub. bene mereri, cuius meritum cum vobis audientibus produxerim, honorandi Auditores, de tota re merito vobis iudicium relinquo. Nimirum

Conclusio.

Tradit Arithmetice numeros, sparsimq; vagantes

Colligit, & certa in summas ratione coerces:

DIXI.

ORA-

ORATIO VII.

Pro Musica.

Hanc utilitate incunditateque ceteras artes superare.

LUDOVICI de RENESSE
VLTRAIECTENSIS.

*Carminibus nervos aptans, & carmina nervis,
Dulcibus exhilaro pectora mœsta modis.*

Vtinam, Honorandi **AVDITORES**, ipsa *Exordium*
apud vos pro se Musica loqui posset, vosq; *ab oratione*
eius præclarum, vel potius divinum spiri- *& simili.*
tum humanis auribus haurire possitis, nequa-
quam dubito quin sicut olim insignis ipsius alu-
minus Orpheus, bestias agrestes ac feras eius bene-
ficio pertraxit: ita non modo vos, qui omni hu-
manitate excolti atque expoliti hoc incertamine
spectatores sedetis, verum etiam certantes in hac
arena nobilissimas artes ad principatum sibi
deferendum inflammaret. Veruntamen quoni- *Propositio*
am id assequi per naturam est nefas, ut præsentem *per apostro-*
hic Musicam intueamur; dabis mihi ô Musica *phen ad*
sanctissima atque optima hanc veniam, ut tuas in *Musica.*
hac arena partes grata & egregia voluntate defen-
dam, illudq; verbis impetrare contendam, quod
tuo tu ipsa cantu hominibus, & artibus non inui- *Confirmatio.*
ris extorqueres. Ingredior igitur arenam: concedi-
te Nobilissimarum Artium Oratores, ut pro Musi- *Argumen-*
ca vobiscum sine invidia contendam. Vultisne igi- *tum ab utili-*
tur ut Regina Artium Ars sit illa & inter ceteras
prin-

*Effectus
Musica.*

Interrogatio.

*Autoritas.
Augustini.*

*Argumen-
tum à se-
cundo.
Complexio.*

Gradatio.

principatum obtineat, à qua in Repub. utilitas maior redundat? Sit ista Lex pugnae, sit scopus arenae. Atque cum in Repub. status aeterni fundamentum sit religio, praeceptum vero pacis ornamentum, honesta corporum animorumque relaxatio, hic Musicam utilitate disciplinis omnibus praestantiorē esse contendo, quae religionem promovet ac fovet, recreationem animorum sola in Repub. producit atque conservat. Etenim quis hic nobiscum hodie communem hanc auram respirans, qui non homines ad sanctissimum quoddam gaudium commoveri animadvertat, dum suavissimos Musicae sonos auribus hauriunt arrectis, & excipiunt attentis? quos sunt qui plerumque dum Musicae suavitatem vacuis animis amplectuntur, non in pios quosdam gemitus ac lachrymas resolvuntur? Ita per Musicam ardentior pietas surgit, ita per dulcissimam harmoniz illius modulationem, jam tum homines felicitatis aeternae suavitatem sibi quandam persentire videntur. Illa est suavitas amabilis, quae clarissimum Ecclesiae jubar Augustinum medullitus aliquando ita sauciavit, ut jucundissimi memor vulneris, postmodum exclamaret: O quantum fleui in canticis tuis, audiendo hymnos & psalmos, & quam interne vocibus dulciter cantantis Ecclesiae tuae permovebat! Illa est suavitas, quae Beatissimum Ambrosium Ecclesiae Doctorem eximium, & veram Christianae pietatis ambrosiam, ita vicit, ut in templis ac Sanctorum delubris deesse Musicam non pateretur. Iam vero cum vita hominum non tantum honesta esse debeat, sed & jucunda, quid est quod illum vitae jucunditatem apportat? Musica. Quid est quod animi habitum recte ad honestatem informat? Musica. Quid est quod mentes rapit, raptas constringit, constrictas alligat, alligatas retinet? Musica. Haec est illa quae graves & acerbos casus, quae turbulen-

lentis vitæ tempestates serenat, hæc est illa quæ
tristitia fortunæ vulnera mollioribus & delicatio-
ribus sanat cantilenis, hæc est illa quæ Senatori-
bus à curia defessis, nec illis tantum sed & civibus
omnibus, negotiorum mole antea depressis men-
tem erigit, vires reparat, animam relaxat, vere
dicam :

*Musica turbatos animos agrumq; dolorem
Sola levat, merito divumq; hominumque
voluptas,*

*Qua sine nil iucundum animis nec amabile
quicquam :*

*Ad cuius numerum superi vertuntur & or-
bes,*

*Et caloradians ignes quibus emicat ingens
Signifer, & leges præscripta q; tempora ser-
vat.*

Quamquam liceat, AUDITORES, Musicæ can-
tum si non vocem audire, quid ais aut quid fa-
cis Musica?

*Vinco, flecto, rego, cantu, dulcedine, plectro
Dira, cruenta, feros, tartara, mōstra, viros
Languentes relevo, morituros excitō mœstos
Erigo pallentes munio, vinco Deos.*

Vicisti ô Musica, cum tuus Orpheus suam Euri-
dicem ab inferis recepit; flexisti, cum immanes
ille feras, Barbaros inquam homines, cantu suo
ad Civilem societatem pertraxit; Rexisti, cum
Alexandrum Magnum cantante Timotheo suo
nunc ab armis ad mensas, nunc à mensis ad arma
revocasti. Languentem relevabas Achillem, cum
ab armis ad lyram reverteretur: & excitas om-
nes, cum per te animum sumant omnes; erigis
universos, cum per te moerorem pellant universi.
Munis, cum repidos & abiectos audacia corro-
boras;

*Apostrophe
Enumeratio
effectuum,
Similiter
desinent.*

boras? vincis, cum non homines cantu tantum,
sed & Deum capis. Nimirum

Musica multiplici mentes modulamine mulcet,

Cui præbent operam vox, fistula, tibia, chordæ:

Conclusio in- Enimvero pudet verbis pro Musica dicere, audi-
terrupta te, audite;

cantu.

Factus est concentus aliquis Musicus.

GVILIELMI IMPENS

LOVANIENSIS.

Oratio suasoria.

*Viro docto privatum potius, quam pu-
blicum vitæ genus esse amplecten-
dum.*

*Exordium à
diversa vi-
vendi ratio-
ne.*

*Aliqui popu-
lares.*

Allegoria.

*Aliqui am-
bitiosi.*

*Aliqui au-
lares.*

QUAM multæ sint ac diversæ hominum omnium in hoc orbe mortali vitæ instituendæ rationes, non ignoratis, ornatissimi humanissimi que Auditores, siquidem quocunque intueris atque oculorum aciem circumferre in hac rerum universitate vobis tandem libebit alios semper atque alios videre status est necessum. Sunt enim homines nonnulli, qui nescio quib humaniorum officiorum retibus popularem auram venantur, aut si mavultis plebeiorem hominum favori, levitatis cuiusdam vento velificantur: alii viliores turmam dedignant animum ac pedem simul ad subsellia Rerum publicarum attollunt, & in fortunæ dignioris amplex vitam omnem impendunt. Nec pauci sunt quos cum sublimis aularum apex invitavit, cæterorum turbas hominum fastu quodam derelinquunt, ac se Principis alicuius totos obsequio

quo mancipant : plurimi vero aut natura sua ferventes, aut inusitata gloria virtutis excitati bella sequi atque inter arma vivere laborareque concupiscunt. Denique quorundam animis ea opinio insedit, ut privatam vitæ rationem inire, intraque parietes suos latitare quodammodo, nec aliis sibi vivere duntaxat velint & exoptent. In quibus omnibus ac singulis, tametsi variis diversissimisque vitæ statibus cum plurimæ difficultates, maximaque pericula reperiantur, animadverto quam arduam hodie ac non idoneam ætati meæ provinciam sim ingressus, qui de eo vitæ genere, & ex hoc loco, & apud vos disserere sum ausus, quod eligere amplectique debeat vir aliqua eruditione sua doctrinaque ceteris antecellens. Undenam igitur dictioni auxilium requiram, aut ætati patrocinium comparabo ? si me respiciam, deterret infantia, & impositum humeris onus detrectat; si vero vos aspiciam, **AVDITOR ES.** recreor ac reficior non parum, iamque spes ætatis infirmitatem attollit. Audebo aliquid, atque ita omnem huius dictionis arenam instituam, ut excellentem doctrina virum primum ab Aulis abducam, deinde ab excelsis Rerum publicæ subsellis faciam abhorreere, ac multo amplius à bello. Quæritis autem quam ad vitam illum reducam ? Privatam cogitate, nihil dico tamen, nec vestrum illum assensum nisi ratio convincat requiro. Et ecce palatia principum atque aulas ingredior, in quibus quid obsecro tandem esse putatis, quod tot in se oculos ac corda convertit ? Equidem ita existimo nihil aliud aulam esse, quam pulchram turpitudinem, libertatem minime liberam, servitutem speciosam, ergastulum depictum & ornatum. Nam si libertatis iucundissimæ beneficio fruuntur, & animi sui tranquillitate veluti reges quidam vivunt ac regnant, quos nulla ambitio vexat impotenter, nulla invidia

*Aliqui bel-
licos.*

*Aliqui pri-
vatam vi-
tam amanti-*

*Accedit ad
hanc oratio-
nem.*

*Conciliatio
auditorum
à persona
Oratoris.*

*A persona
auditorum.
Constitutio
& partitio
Orationis.
Propositio.
Transitio.
Confirmatio
nisi pars præ-
ma de vita
Aulica.*

*Quid sit
Aula.
Allegoria:
Repositio.*

simu-

Disimulatio à maiori ad minus. Stimulat acerve, nulla libido inflamat arden-
Compar. ter? quæ tandem eorum in animis libertas erit,
Ab adiun- qui ambitionis jugum trahunt, invidia laqueis
ctis Auli- irretiuntur, libidinis immergi luto vix respirant?
corum. Scilicet ii sunt ac perpetui comites aulicorum, an-
Distributio. xietas qua torquentur, inquietudo, qua pereunt?
 in excelsa quæ posita sunt ambire, aliorum fortu-
 nis ac felicitati invidere, voluptates deperire, &
 voluptatibus nunquam satisfiari. Vnde tu pro-
Ab occupa- fecto sapientum omnium, Aristoteles, magister,
tionibus familiarem tuum & amicum Callisthenem mone-
Aulicorum. bas, nunquam aut raro regem Alexandrum allo-
Testimoni- queretur, cuius in manu esset mortis ac vitæ pote-
um Arist. stas. Nihil possum, nulla sit nostrarum auctoritas
per Apostro- rationum; habet in aula vir eruditus: securus
phen. tandem vivet? Fraus sublimi regnat in aula. Pius
 erit, ac in Deum religiosus?

Permissio à periculoso.
Subiectio.

Testimonium
Lucani.
Testimonium
Alciati.

———— exeat aula

Qui vult esse pius Virtus & summa pote-
Non cœunt. (stas,
 Liber erit, ac sui forsan iuris? audi Alciatum:
Vana Palatinos quos educat aula clientes,
Dicitur auratis neclere compedibus.

Similitudo. Mores conformabit & ingenium? imo quemad-
 modum appetitum, & robur amittunt febrici-
 tantes, ita mentem ac bonos mores perdunt, qui
Alia dñe. principum aulas sequuntur. Nunquid Luna quo
 propior est Soli, minus luceſcit? est apud Indos
 herba quædam sed odoris excellentis minutis re-
 ferta serpentibus, quorum ictu protinus est uni-
 cuique moriendum. Et nunquid ita Principum
 Applicatio. quorundam Aulæ, quod allicitat, habent, sed le-
 thale, nisi caveas, venenum occultant? Est apud
 Iterum alia. eosdem spinas quædam, cuius succus oculis in-
 spersas cœcitatem inducit. Et nunquid pulvis au-
 liens

licus oculis inspersus homines excæcat? Verum *Traductio.*
 si in speculis homines vultum suum melius in- *ad exemplū.*
 tuentur & agnoscunt; vivis in speculis vitam au- *1. Seiani.*
 licam contemplemur. Fuit aulicus Seianus & pa-
 ris propemodum cum Tiberio Imperatore autho-
 ritatis. Quid deinde? Mane triumphali in curiam
 pompa à Senatu deductus, ita vespere laniatus ac
 discerptus fuit, ut quod tractare posset in eo car-
 nifex non reperiret. Vixit in aula & in deliciis
 Iustiniani Imperatoris Belizarius, quis exitus de- *2. Belizarii.*
 inde? post triumphum de Gothis & Vandalis
 bonis omnibus exutus, erutis oculis in eam vitam
 miseriam est adactus, ut hac voce stipem collige-
 re mendicatum cogeretur: Date panem Beliza-
 rio, quem virtus extulit, invidia depressit. Egit
 aliquando cum Nerone Seneca, atque ita egit ut
 Imperatoris præceptor imperatoria liberalitate
 divitiis Romanos omnes superaret; sed quas
 postea cum sanguine venis apertis emitteret un-
 versas. Quid memorem Papinianum iuris asylum *Papiniani.*
 & clarissimum prudentiæ civilis iubar? ille quo- *Præteritio.*
 que vidit aulam, in aula vixit & cum defendere
 parricidam Imperatorem Caracallam eloquentia
 sua non vellet, mortuus est, quid dico? contru-
 cidatus est in aula, quamobrem prudentissime
 Poeta:

Vive tibi, quantumq; potes, pralustria vita, *Testimoniū.*

Suum pralustri fulmen ab arce venit. *Ovidii,*

Tempus est ut ab aulis palatiisque regnum in *Transitio.*
 Senatorum curias forumque Reipub. migremus, *2. Pari com-*
 ut hic quoq; (si Dīs placet) serenitatem aliquam *firmationis.*
 & animi tranquillitatem (hanc enim vir erudi *de vita in*
 tus expetit) investigemus. Quid? ipso in limine *Rep.*
 curiarum pereo, & dum Reip. forum intueor, o- *Disimula-*
 ratione repressa deficio? Perturbant me non pa- *tio.*
 rum ac pedem retro ferre propemodum cogunt
 præstantissimi olim Reipublicarum admini-
 stra-

Ab exemplo stratores Romani Imperii miraculum Cicero, u-
Ciceronis, & niversæque lumen Graciæ Demosthenes. Quid
Demosthenis ille? administrandæ Reip. conditiones deplora-
Subiectio. re sæpenumero solebat. Quid hic vero? si duæ
 inquit, mihi viæ proponerentur, quarum una ad
 Rempub. altera ad interitum duceret, illam re-
 linquerem, hanc amplexarer. Et in Rep. viveret
Testimoniū. vir eruditus, quam interitu ipso, ac morte dete-
Antisthenis. riorem quisquam unquam iudicavit? Hoc erat
Repetitio. quod Antisthenes manifestare desideravit cum
Heracliti. ad Rempub. non aliter quam ad ignem eundem
 esse respondit. Hoc erat cur Heraclitus Remp.
 ut deploratam contemneret ei; dare leges cum
 rogaretur recusaret. Secessit tum enim in tem-
 plum Dianæ, ibique puerorum lusibus, qui talos
 versabant, sese adiecit. Circumstabat & admira-
 batur illum populus. Perdit, inquit, an non præ-
 stat hoc agere, quam vobiscum Rempub. admini-
Transitio strare? Enimvero non ista audiant, qui non cre-
Ab effectib. dunt, cognoscant vero & oculis suis atque ani-
& miseriis mis representent ea præmia laborum, quæ à Re-
Reip. admi- publica reportarunt, qui non immorari in ea tan-
nistratorum. tum, sed immori quodammodo voluerunt. Et
 quæ obsecro sunt illi? exilium. Tantumne? ad-
Subiectio. damus & mortem. Exilium à Repub. parum esset.
Apostrophe Mortem à Repub. nihil ultra est, & extremum à
ad virum Repub. supplicium. Agedum vir erudite con-
sapientem. templatere Rempub. circumspice Senatorum sub-
 sellia, & animum infer in Rempub. elige tibi lo-
 cum, ut exilio postea commutes eundem: indue
 dignitatem, ut cum vita mox exuas eandem. Si
Repetitio. sedere & occupare subsellia concupiscis, surgen-
 dum est & abeundum in exilium; si rogare cæte-
 ros & administrare desideras, moriendum est.
Disiunctio Non credis & orationi meæ iocum inspergis? Re-
Iterum exē- cordemur, si sicis oculis tamen possimus, Marci
plum Cice- Tullii Principis Oratorum, nunquid qui à civi-
ronis. tate flammam averterat, servitutis iugum à cervi-
Disiunctio. cibus

cibus excusserat, libertatem plene oppressam e-
 rexerat, tandem iugulum securi supposuit secan-
 dum? Concipiamus animo Themistoclem, ma-
 gnum illum Græciæ totius propugnatorem, qui
 non semel è faucibus hostium patriam liberavit;
 quo pretio vero, ac qua tandem mercede? exilio.
 Addamus hinc eadem cogitatione Scipionem,
 quem cum nomino, Romanorum omnium ævo
 suo fortissimum excellentissimumque produco;
 qui non satis habuit suo quasi corpore Roma-
 num Imperium protegere, nisi illud quoque in
 Africam fulmine quodam armorum transporta-
 ret. Sed ô miseram virtutem! in Africam trans-
 portavit imperium, ut postea ab ingrata Repub.
 eiec-tus, seipsum in exilium transportaret. Me-
 minisse tui, ô Demosthenes, non possum; & ta-
 men cum mens ac consilium, imo os ipsum A-
 theniensium eîses, vertere solum debuisti. Vobis
 horum omnium cogitationem, AVDITORES,
 relinquo iudicate an in Republ. sedere vir possit
 eruditus, ego interim orationem ad vitam priva-
 tam deflectam, quoniam eo me vestra in audien-
 do benevolentia iam dudum invitat, & ego non
 invitatus accedo.

Hæc est Auditores optimi, vita illa, in qua li-
 bertas illa, quam ingenium requirit, illa tran-
 quillitas, in qua floret doctrina; illa securitas,
 sine qua Musæ nihil possunt. Hæc est vita illa
 qua felicitas est quædam; illa felicitas quæ co-
 mitem possidet opulentiam; quæ virtutem est
 ac scientiarum. In hac vita tanquam in portu
 tranquillissimo, respirans olim mortalium om-
 nium sapientissimus Socrates, Reipub. fluctus ac
 procellas irridebat. In hac tanquam sub lauro
 quiescens Philosophorum Deus Plato; fulmina
 Principum ab excelsis arcibus non pertimesce-
 bat. In hac tanquam in ipsopæcis conclavi secu-
 revixit Aristoteles, & ingenio immortalis sapien-
 tiam

*Similiter
desinens.
Themistoc.*

*Subiectio.
Scipionis.*

*Exclamatio.
Demosthenis
per Apostro-
phen. Com-
municatio
cum transi-
tione.*

*Renovatio
attentionis.*

*3. Pars con-
firmationis
de vita pri-
vata.*

*Ab adiun-
ctu vita pri-
vata.*

Repetitio.

Gradatio.

Ab exemplo

Socratis.

Platonis.

Aristotel.

- Transitio.* ciam sibi immortalem desponsavit. Ad hanc tanquam ad asylum, quos non numero, innumeri alii confugerunt; ut quiescentes peregrinarentur, peregrinantes non moverentur; ut ingenio negotiantes omnia emerent labore, ementes nihil perderent aut conferrent. Et in hanc non ab aulis sapiens oculos centorqueret? & in hanc non à rebus publicis sapiens pedem inferret? hic potens virtute sua popularis auræ mendicos irridebit; hic sibi rex factus & imperator aularum mancipia contemnet. Nulla hac fucata servitus, sed regnum. Nulla libertas insidiosa, sed status securus; nulla voluptas acerba, sed suavissimum vitæ condimentum contemplatio.
- Peroratio.* Quid amplius dicam? Viri, si assensum præbetis **AVDITORES**, decurri provinciam, si me estis assecuti; onus humeris, quanquam imparibus impositum, ad metam detuli, si animis vestris accepistis.
- Transitio.*
- Allegorica.*
- Dubitatio.* Quid? necdum excipis? adhuc assensum retinetis? adhuc ulterius cogitatione contenditis? quid est? nihil de bello fortasse dixi. Et in hoc
- cum dissimulatione*
- Exclamatio* vivere posse sapientem existimatis? ô me imprudentem! exciderat enim; ita me nimia vestra
- Præteritio de vita militari* benevolentia pæne fecit obliviosum. Non ista vestros animos opinio peruasit, ut cum Matre ac Bellona habitare posse putetis sapientem; & me iam pudor quidam occuparat, ut vererer ne imprudens vobis viderer, qui in re clarissima perderem sermonem. Non enim virum eruditum galea decet, non dexteram sapientis hasta, sed calamus exornat, non clangor recreat tubarum, sed dulcis reficit cantus Musarum. Vilescat igitur aula sapienti, sordeat eruditus **Respubl.** bellum doctis omnibus displiceat, privatam vitam, quisquis est doctus, amet, iterum dico, & iam antea sapius. **DIXI.**
- Contentio.*
- Dissunctio*
- Similiter desinens.*
- Brevi repetitione confirmationis.*

LAMBERTI VERREYCKEN

BRUXELLENSIS,

Oratio suatoria.

Pro more Bacchanalium in Respublicis Christianis retinendo.

Lætetur, Auditores, frontem exportigamus, ingenio ac genio p̄stientes indulgeamus, Adfunt ter optati dies illi, quos Minervæ curiosioris homines Geniales nuncupant, ergo nec ingrata voce Bacchanalia vobiscum appello. Illi dies Bacchanalium illuxerunt, quibus cum peccare libertas non possit, insolentiores se ident apparatu mensæ, omnia tumultu gratio à circumstantiis & effectibus. Amplificatio à circumstantiis & effectibus.

to permiscuntur, gula triumphat, venter exultat, culinæ laborant, penuaria vacuantur, cœnacula replentur, domus frequentantur, plateæ resonant, urbes confunduntur. Quid amplius? pueri, juvenes, viri, senes, virgines, matronæ, domini, servique festos dies agunt, ac deducunt; Scholæ tacent, vel odiosæ cogunt; nihil cum libris, sed cum cibis; nihil cum intellectu, sed cum poru negotiandum, & dum venter hoc tempore totius anni fructum examinat, diebus istis æstatis menses, & autumnus fructus in hanc usque metam delati, velut gratissimum naturæ vestigal intra ventrem reconduntur; imo ab horum humore dierum pinguique mensarum cultu novi veris flores exsurgunt. Non hic mihi capite demisso superciliisque contractis sedeant Theologi; nimis est angusta hominum istorum conscientia; facessant hinc Catones, non vero vultus istos severos, tetricamque censuram; fugiant & cito fugiant

Amplificatio à reme-

ratione impedi- mentorum giant gravitatis e mentis Philosophi, non istam hodie gravitatem, nisi istos toruos humeros ac pectus fumo laudis inflatum olebit oratio mea. Bacchanalia sunt, & pro Bacchanalium retinendo more, quem nescio cuius homines sanctitatis exterminare contendunt, in arenam descendendo. Et
Rei it Rhetorum leger. tu Rhetor, quid mihi leges istas tuas opponis, & meæ formæ limitesque præscribis orationi? sim fluxus, naturam enim sequor: sim solutus, etenim pro libertate retinenda surrexi; nec ego inanis exordii studiosus, vestram unquam benevolentiam Auditores emendicabo: novi vestrum ingenium, novi prudentiam; ut qui tenebras, carceres, ingenium non ametis; ametis vero vitæ licentiam, libertatem omnino liberam, voluptatem suavissimam & effusissimam. Adverte igitur, & quæ esse retinenda contendo oculis, auribus, animis retinere. Atque illam in primis
Confirmati- onis 1. Argumentum ab instituto. Maiorum nostrorum prudentiam sapientiamque divinam propono, qui hoc tempore dies quosdam sepositos esse voluerunt, ad cutem farciendam, corpus fulciendum, locum excitandum. Quorum dierum si mihi ab eorum mente rationem fas sit adferre, æquissimum profecto fuit, ut ad focum languidi sedentes, aliquos curandæ curi dies liberaliter indulgerent. Nimis est severa vita, bonum instar languidorum ad focum pœnas eorum mente contemplari, qui in purgatorio flammis
Repetitio. expiantur. Nimis est otiosa quies, vel in horto, vel in lecto, ubi vel odor excitat, vel calor afflat, de Cœli suavitate cogitare. Quod si ergo de hac
Consequens Probatio ab authoritate. vitæ severitate remittendum est aliquando, nec ad istam iustitiæ normam actiones hominum omni tempore sunt revocandæ; cur ni traditum à maioribus morem, nequaquam degeneres posteris servaremus? Ne quis trium annorum consuetudinem violaret capite quondam sanciverunt Athenienses. Omnes semper ætatum om-
2. Arg. à consuetudine. nium

nium nationes, consuetudinem, tanquam alteram naturam tenuerunt; ipsæ leges ac iura tamen si Caesarum auctoritatem ostendant consuetudini cedunt ac parent. Et nos Bacchanalium consuetudinem, quæ nihil antiquius repudiaremus? Et nos ita degeneres viveremus, ut quem à parentibus filii, parentes ab avis, avi à proavis, proavi ab avivis morem acceperunt, deserere, contemnere, exterminare desideraremus? Dicant senes, loquantur viri, vocem aliquam apportent adolescentes, usquamne quisquam vivit, ac ulla unquam ætate vixit, qui de Bacchanalibus non à senioribus intellexerit? Profecto non res ista cum pueris agenda, quos in oblivionem facile succedens ætas inducit, vivunt in orbe viri, & antiquarum consuetudinum tenaces; quas si unquam elabi, imo conculari permetterent, quæ non tandem perturbatio res universas occuparet? Quanquam vero ita mundus fato iniquo vexaretur, ut omnia passim interirent, retinenda tamen esset Bacchanalium consuetudo, in quibus ea conviviorum est libertas, ut non labris supremis, sed lateribus firmissimis, vinum hauriatur & exhauriatur, ut homines lautè epulentur in delitiis, ebrii cyathissent in conviviis, hilares jocentur in facetiis, lascivi debacchentur in insolentiis. O dulcis insipientia! O amabilis insania! hoc est quod prudenter inculcat Poeta:

Dum licet, in rebus incundis vive beatus.

Iam vero si nihil hominibus jucundius esse potest libertate, si liberos nos natura procreavit, si armis quærimus, & effuso sanguine defendimus libertatem: quid est quod hæc tempora tantopere repudiemus, quæ sunt humanæ tempora libertatis? Tunc grassari generositatis est; convivorum plaustra evomere, eloquentiæ, inebriare sese, & ingurgitare, magnæ omnino potentiæ. Tunc nullas plenissimus venter leges audit, nul-

Gradatio.

Distributio.

Transitio.

3. Argumentum ab utili & effectibus.

Exclamatio.

Testimonium.

4. Argumentum à temporis libertate.

Repetitio.

Comparatio.

Effectus libertatis.

*Similiter de-
finent.*

*Repetitio.
Comparatio
conditionis
ebriosi cum
conditione
sobrii.*

*s. Argum. a
iucundo.
Probatio
ab effectibus.*

Subiectio.

*Demonstra-
tio.*

Hypotiposis.

*Amplifica-
tio per enu-
merationem.*

*Certamen
conviviale*

lum corpora supplicium reformidant, nullos ani-
mus timores apprehendit. Quidquid cupis vo-
luisse licet; quidquid optas, assequi est permis-
sum: Verbo dicam, omnia tunc potest ebriosus.
Age vero quam leges supplicium sobriis in-
tentant? Si sobrius alienam contumelia famam
insecteris, supplicio coerceberis, nihil ebrius ti-
mebit; si sobrius versaris in popinis, parata est
infamia, si ebrius, adsunt qui te felicem admi-
rentur; si sobrius verberibus alium afficias, cer-
ta crux est, si ebrius, sperata semper impunitas.
Ita tunc reges vivunt se volitant ebrii, sobrii ve-
ro tunc servi contemnuntur. Quod si nondum
hæc libertas horum temporum animos inflammet
subeat illos ac permoueat tandem illa voluptas,
quam iucundissimam Bacchanalia secum ferunt.
Obsecro quid iucundius esse potest, quam curis
omnibus carere; curas eluunt Bacchanalia cutem
laxare cibus ventremque distendere? laxant &
distendunt Bacchanalia Vino immadere, imo u-
no se totos submergere? submergunt Bacchana-
lia. Nondum assequi voluptatem hanc tantam
potestis? mensas horum temporum introspicite,
ac simul ridete. Ventris ingenium qui non ad-
miretur? Insatiabilis gula elemento cuius
exitium minatur; quidquid in mari rete serva-
tur, quidquid in silvis indago obsidet, quidquid
in campis canes persequuntur; quidquid avium
volitat, quidquid ferarum discurrit, immensis
tunc apparet. Quid deinde? oculi per singula e-
pularum spectacula divagantur, & qua gula tu-
tius mensam impugnet, fercula invadat, ventrem
opimis cœnarum spoliis saginet, explorat. Inte-
rim gustus in deliciarum delectu oberrat, nares
odoriferis aromatum exhalationibus replentur,
venter tanquam amplissimum sepulcrum car-
nium ac piscium exuvias recondit. Nunquid am-
plius in conviviiis sane magna pars libertatis est
acce-

accedit inter pocula gloriæ certamen. Scyphi
 vallatim ad pugnam disponuntur, aliquando in
 orbem circumaguntur, & circuli coronam effor-
 mant. Longo halitu vitra protrahere, cyathum
 ex cyatho haurire, trifaucis oris hiatu linguam
 protendere, sorbere simul & flare, ad unguem ex-
 haurire, versi cyathi umbilicum exosculari,
 quantæ tandem voluptatis hæc solennes Baccha-
 nalia sunt cæmonia, hi ritus præclarissimi:
 hæc inclyti potatores observant, strenui Helluo-
 nes defendunt. Sed nondum attingi iucunditatem
 illam, quæ voluptatibus omnibus antecellit. Quæ
 est illa vero? quam vinolentus & ebriosus solus
 experitur. Reditne domum? omnes lacerat, tun-
 dit, prosternit, interim dominus salutatur, huma-
 nissime excipitur, omnes illi lenitate verborum
 adulantur. Conciditne crapula oppressus? statim
 in Cathedra tanquam in solio regio collocatur,
 ubi foede porcino more ructat, canino turpiter
 vomit, hircino teterrimum prædorem exhalat. Cir-
 cumstant omnes, & operam suam singuli navant.
 Hic os illi tergit, hic illi sordes abstergit, hic sco-
 pas tenet, ille patellam; hic caput sustentat, ille
 dorsum levi verberare impellit. Omnes animose,
 clamant: sic sanitas procuratur, sic stomachus pur-
 gatur, sic ad mensam rursus aptatur. O quanta il-
 la & quam amabilis libertas? hæc unica obleta-
 batur Heliogabalus, & eadem reges omnes supe-
 ravit, hanc summum bonum Novellius Tricongius
 habebat, hanc Promachus Deorum nectari & am-
 brosiæ præferebat, huic quotquot sunt potatores
 inclyti animum ac corpus sacrant. Non mihi iam
 occinant scrupulosi, instat S. Quadragesimæ tem-
 pus. Quid? nunquid per Bacchanalia melius ad
 ieiunium corpora præparantur? nunquid acerbis-
 us ac molestius ieiunium videtur cum ingurgita-
 tio præcessit? Muniunt se milites armis, cum ad
 pugnam contendunt, & cur non se cibis Christiani

6. Argumē-
 tum a volu-
 ptate ebriosi
 & consequē-
 tibus.

Demonstratio
 qua res
 oculis subii-
 citur.

Distributio.

Repetitio.

Probatio ab

exemplis.

Transductio.

Obiectio.

Responsio.

*Alia obie-
ctio.*

Responsio.

*Tertia obie-
ctio.*

Responsio.

Teroratio.

Repetitio.

Confirmatio.

farcirent, cum ieiunium aggrediuntur? Sed non onerant bruta naturam, obrues tu homo? Audi quidquid hic susurras, nunquid quæ omnium rerum dominus est homo, res inter inops erit? non se aliquando ingurgitabit, cuius in usum Deus omnia creavit? iterum aiunt, non ferendum est, faciebus larvas inducere. O te hominem imprudentem? nunquid prudentiæ cuiusdam est larvis uti, ut cum nonnulla liberius fiant, nulla interim naturæ turpitudinis nota inuratur? Videtis Auditores, quod obster, nihil; intelligitis quid invitet; maiorum institutum, consuetudo recepta, utilitas maxima, voluptas suavissima. Quid ergo? maiores imitemur, consuetudinem retineamus, genio indulgeamus. Nec verbis hic est opus. Igitur. DIXI.

NICOLAI MOVRMAN
IASPERIENSIS,
Oratio Dissuasoria.

*Bacchanalium morem in rebus publ.
Christianis retinendum non
esse.*

*Exordium
abruptum.
& patheticum*

DA vocem iuste dolor; succurre dolori indignatio, impelle indignationem iracundia. Itane ergo Orgiophantæ fœdissimi, ventris inertis mancipia, idololatræ facti sunt Christiani? Itane Christianorum venter est Deus, & ipsi bellui facti deteriores, liberi hominis naturam violant, & rationis præstantiam communi cū brutis commercio confundit? Itane iam ignorant quod Deus.

*Os homini sublime dedit, celumq; videre
Iussit, & erectos ad sidera tollere vultus.*

Bruta vero ad pasta abiecit, ventrique obedi- *Asine & di-*
tia finxit? ubinam pro Deum immortalem! vivi- *gnitate Chri-*
mus? ubi lux nostra? ubi nominis dignitas Chri- *stiani.*
stiani? O frugalitas quo recessisti? ô continentia *Exclamatio.*
quo tandem in exilium abiisti, ô modestia, cur
hoc tempore tam turpi licentia te lugant Chri-
stiani? usque adeo ne homines esse nos piget, ut
monstruosas inducere formas sit iucundum? usque
adeo ne Christianos esse nos tædet, ut vitæ turpi-
tudine religiosum nomen mentiamur, & pro
Christo Bacchum, pro cælo ventrem colamus? *Preparatio.*
Date veniam Auditores, & hanc voci nostræ con-
cedite libertatem, ut quo possum affectu quo
spiritu, ac voce valeo detestandum hunc Baccha-
nalem morem persequar, etiam si possum exter-
minem. Non facessere hinc ullos volo, sed eant ac
iudicent quicunque Christiani, imo vero qui ho-
mines sunt, qui frontem habent, qui nondum o-
mnem rationem amiserunt.

Agedum ergo, te hominem quisque es appel- *Confirmatio.*
lo, si naturam bruta animantia sequuntur, nun- *1. Argumen-*
quid indignissimum est, te nescio quo furentis *à brutis qua*
animi impetu, & degeneris consuetudinis impe- *naturam nō*
tio contra Naturam pugnare? Nunquid est in- *excedunt.*
honestissimum, illa modum servare, te passim si-
ne sexus discrimine adulterina quadam licentia
in luxum omnem ac petulantiam dissolvi? In-
tuere conditionem illorum, ac te ipsum postea
contemplant. Si satura sint & desiderium natura *Articulus.*
sedant, appone pabulum, abhorrent; abhorrent?
immo dissipant, reiiciunt, calcant, ac in mortem
ferro flagrisque citius cogentur quam obruant *Contentio.*
naturam, quia scilicet in animantibus illis natu-
ra prudens non ad desiderium, sed famem, non
ad oppressionem, sed ad virum restaurationem

*Comparatio
ex dissimili.*

Correctio.

*2. Argum.
ab inuili.*

Ab exemplo

*Enumeratio
incommodo-
rum.*

*Exempla
dissimilia
per ap. tropen.*

sumendam esse pabulum decernit. Quid tu homo? Ante naturam voluntas obruit; & cum cibo desiderium fames sedasti, sitis ardorem potu restinxisti, ultro, ultro sarcinatus & velut eructans mensam requiris. Illa pabulum satura repudiant, tu plenus aviditate maiori cuncta voras, illa mortem malunt, quam negante necessitate nutrimentum, tu obruta iam pene natura provolas ad cibum; illa necessitate metiuntur appetitum, tu oculis ventrem homo meritis. Quid oculis dico? non illi comprehendere satis multa possunt, quibus ventrem sarcire & ablucere fauces possis ardentissimas. Videtis quam non temporum, sed hominum iniquitatem ostendam, sed tamen si his illa temporibus impune regnat, adhucne Bacchanalia retinenda Christiani proclamabunt? Quid ita? nunquid forsitan Ingurgitatio liberabit à morte, & salutem Bacchanalia continebunt? O te imprudentem, quisquis putas! Nunquid non audebit te mors occupare, quia cibo potuque redundas? O te cæcum hominem, si in mentem hoc admittas? Affluebat delitiis omnibus Chrysoritus, quid illud: irritamenta mortis fuerunt. Mensa utebatur lauta & opipara; quid illa? invitatio mortis fuit; ingurgitaverunt se & oppletu ructabat; cur hoc vero? ut magnorum spirituum furore corripere, & astantium aspectu terribus inducias usque mane peteret, nec obtineret. O miseram, immo ô depravatam perditorum hominum conditionem! Et adhuc Bacchanalia placere possunt? ut nimirum morborum series quædam ab illis neſtatur, ut homines vasis ac dolis suum munus eripiunt; ut pleno ventre, pleno quasi alveo flumen superinducant, ac tandem submergantur. Sed hoc non intelligunt Christiani; Bacchanalia iudicium amiserunt. Non sentiunt Christiani, Bacchanalia sensum hebetarunt, non pudet Christianos pudorem ac verecundiam Baccha-

chanalia sustulerunt. Ergo Christianis sapientiores Ethnici vixerunt? ubi estis Curii, Fabricii, Coruncani qui lata vestris manibus olera ad mensam apportabitis? Vbi vos Quintii & Serrani qui lautiores cibum gustavistis? ubi tunc *Exempla* Censorie Cato qui tenuissimo ac plebeio semper *gulosorum* apparatu mensam tuam adornasti? Non istis *puniturum.* movebuntur? Quid si audiant Valentinianum Imperatorem cum legationi Quadorum responderet, voce impetu sanguinis amissa, sensum integrum expirasse, non movebuntur? Quid si intelligant Septimium Severum Imperatorem, cum incoctæ carnis crudelitatem pateretur, occidisse, non movebuntur. Quid si recordentur Audubundum Anglorum regem crapuli repente *Conversio.* suffocatum, non movebuntur? Quid si animis representem Saxonem Childericum cum se cibis *Effectus in* ad ambas usque aures ingurgitasset, in lecto animam efflavisse, non movebuntur? Hi sunt *ingurgitatione.* ingurgitationis effectus, opprimere miseros sine mente, vino sepultos sepelire, suaviter accedere, sed crudeliter occidere. Verum ne ego hic severus Cato Censoriam frontem induam, & temporis obliviscar, Bacchanalia sunt, insanire liceat. Quid ajo? Ergone modestiam pulchrum *Obiectio.* est aliquando calcare? Quod tempus obsecro *Malefactorum* aut continentiam jure repudiat, aut infamiam *nunquam* si *licet.* ne injuria permittit: scilicet hoc est tempus, quo jejunium olim Christus suscepit, & tu Christiane te ingurgitando laborabis? quo Christus famebat, tu plenus ructabis? quo Christus ad profundendam sanguinem properabat, tu comessationibus intempestivis diffluens? Quid si adesset? non abest tamen. Quid si videret? videt tamen qua voce Christianos corripere, nunquid hac? Non possum Auditores exprimere. Quoniam igitur affectu damnaver? nunquid hoc? Non possum iterum *Relincentia* nimiam patientiam oratione declarare. Quod possum *& affectus* tamen

*Prosopopœia.**Descriptio
ebrii.**Peroratio
cum reiectis
sine præce-
dentis ora-
tionis.*

tamen omni voce atque animo dico, ita diceret :
 Quid facitis o populi, cur cumnatus nuper vene-
 rim ut à scelere vos avocarem, ultro in scelus fla-
 gitiaque furentes ruitis? ecce ad jejunia & fa-
 mem me paro; vos ad pocula & ingurgitationes :
 festino pro salute vestra ad crucem, vos ad men-
 sam pro vestra pernicië curritis : corpus meum
 sanguine pro vobis exhaurio, vos corpora vestra
 potu repletis : fameo, vos saturi, plenique estis :
 sitio, vos vina saginati ructatis : vigilo orando,
 vos potando, cur mihi non inter vos est locus?
 Non erro, sic enim diceret. Non sermonem un-
 quam retexam; cogitate cætera quæ memorare
 pudor vetat, unum ebriosum tantum aspicere un-
 dique potu disfluentem, titubantem, cadentem.
 Ire nequit, loqui non potest, in quo jacet locum
 ignorat, non à mortuo nisi dolore distinguitur :
 & tamen qui rationem amisit non est homo :
 qui circumstanti naribus oclusis factorem exclu-
 dit, ipse in sordibus suis volutatur ructans & vo-
 mens. Oflagitiosam foeditatem! O pudendam
 conditionem? & idcirco Bacchanalia retinebun-
 tur, ut foeteas ac vomas? Et idcirco Bacchanalia
 celebrabuntur, ut tuam naturam obruas & fatore
 cuncta repleas? Ecce quam non severus sum tem-
 porum astimator; celebrentur convivia, quando
 petis? cum est opus, ac honestum. Sint animi re-
 laxationes; quo tempore, quocunque, quo tem-
 perantia modestiaque possunt adesse Liberalior
 etiam ero; tueamur, maiorum consuetudinem,
 sed non expellamus virtutem; libertatem ame-
 mus, sed turpissimam servire vitiis servitutem
 existimemus. Quid vero de voluptate dicam?
 Indignum est prorsus participem rationis homi-
 nem non mente sua, sed ventre delectari; illam
 negligere, hunc cibum sarcire, potuque ingurgi-
 tare. Larvas ad prudentiam revocasti, ego inter-
 pretor ignorantiam; & nunquid hominis labes
 & pec-

& peccata larvæ regent? Dicat Cicero, & audiamus, non ut edam vivo, sed ut vivam edo. Loquatur Ecclesiastes, & credamus in multis esse ferulas infirmitatem fateamur nos ac simul supersedeamus, in continentia modestiaq; virtutis omnem dignitatisq; gloriam residere. DIXI.

CONSULTATIO.

An Imperator sui belli Dux vir litteratus esse debeat.

ORATIO I.

Diffuasoria.

GEORGII FELICIS

NIEVVAROVSKI POLONI.

MIrabuntur non pauci fortassis, cur hodie, *Exordium* cum in publicam illustris Academiæ *luper præ-* *ceptionem,* non ad famam ambitiose laceffen- *cupationem,* dam, sed amorem suscepto honesto exercitio promerendum, prodeam, eoque in loco suggestum conscendam, ubi non strepitus tympanorum, non lituorum, aut tubarum clangor audiatur, sed modulata Musarum voces, & sapientiæ Antistitum authoritas informanda non ad pugnam sed doctrinam iuventute occupetur, de Imperatore ac belli duce differere præsumam, atque cum quodam armorum fulgore splendentem in scholasticam arenam deducere, quem melius fatalis aliquis pugnae campus exspectaret? Quid enim differat is de Imperatore, & orationis finibus, armorum arenam, pugnaeque campum circumscribat, qui

*Ratio cur
ad dicendū
surrexeris.*

qui non arma, sed calamos tractat; non ad aciem accinctus hostilem patitur aspectum, sed in Academia illustri ac tranquilla, in publico scholarum pulvere sapientiam perquirat, & ad voces doctorum excitatur? Quod si tandem considerent homines illi, quos hic stupor fortassis invaderet iudicio, decretoque sapientis illius Antiquitatis non Apollinem tantum Cythara sua ornatum, non Musas inermes scholis sapientiaque Ludis praesidere, verum etiam galeatam Minervam, cuius cum manum unam liber impleat, alteram armethasta; animadvertent, non alienum ab alumno sapientiae fore de armis Imperatoreque in scholis disputare, cum hoc aliud profecto non sit quam illam Minervae hastam explicare. Et vero quis existimet hoc tempore Adolefcentes omnes illos, qui sapientiae studiis operantur, vel ad Remp. tantum, vel ad Ecclesiam, non etiam ad bellum destinari? Non ego igitur hodierna die scholarum iura, aut leges infringam, sed alteram Minervae manum, quoniam ita sapientum decreta volunt, venerationem, si de Imperatore, quemadmodum iam apud vos aggredior, Humanissimi Auditores, ea dictionis audacia peroraro (celare animum, quem ratio propellit, non possum) ut eum nullo litteratum, quae militarem tollunt generositatem, praesidio munitum esse oportere declarem. Quia in re si egregio conatu amplissimum hunc locum impellam, & in silentio praeclarissimi, huius confessus vocem nondum forte satis firmam & instructam, educam, rogo vos omnes atque obtestor, ut quo favore praesentes esse voluistis eodem me prosequamini dicentem. Atque ut non tam verbis, quam rebus agam, prodeant in primis illi strenuissimi, & illustrissimi Héroes, qui ut armis suis & egregiis facinoribus, saeculorum immortalitatem impleverunt, ita nullis litteris imbuti vixerunt, Vixit aliquan-

*Constitutio
proposita o-
rationis.*

*Posulatio
benevolentiae*

*Confirmatio.
I. Argum.
ab exemplis.*

quando Imperii Romani parens, & moderator *Romuli.*
 Romulus; (Dii boni) qui vir, & quantus! Expo-
 situs fuerat, & in Tybrim abiectus, sed ut gentis
 gloriosissime author esset divino fato servatus, &
 educatus fuerat inter oves ac pastores, sed ut
 nullis litteris emasculatus, robore, ac virtute *Similiter*
 duces omnes superare. Quis ardentior illo fuit? *desinent.*
 quis animosior labantem unquam aciem erexit?
 quis fortior ullius Imperii, mediis in odiis
 consurgentium undique provinciarum, funda-
 menta jecit? Immortalis est singulari virtute,
 qui à litteris nullam unquam laudem ambivit?
 Floruit in eodem illo imperio barbarorum gen- *C. Narii.*
 tium terror, & Romanæ virtutis fulmen Caius *Metaphora.*
 Marius. O virum seculis omnibus admirandum,
 populis omnibus reformidandum! unicum ar- *Exclamatio.*
 motum decus ac vere deum! Loquantur Cymbri,
 Teuthones, Tygurini; Loquantur Numidæ ac *Enumeratio*
 Mauri, hi enim victorias ejus suo sanguine, trium- *populorum à*
 phos suis spoliis ornaverunt. Quid dicent aliud, *Mario vi-*
 quam hunc unum Romana Aquila dignum Im- *torum.*
 peratorem, triumphis omnibus sublimiorem ex-
 stitisse? Quid aliud testabuntur: quam cum Ma-
 trem quandam bellique deum, virtutis heredem,
 fortunæ domitorem ita mundum, fama terrore,
 gloria occupavisse, ut apud suos urbis conditor,
 apud exteros orbis terror salutaretur? Et tamen
 vir tantus, quem cum exilio, extremaque miseria *Præteritio.*
 fortuna multavisset, fortunam puniens, seipsum
 ab exilio revocavit, & miseriam in victoriam
 commutavit, vir, inquam, tantus sine litteris
 tanta perfecit quæ assequi nunquam satis admi-
 rando valemus. Non est quod hic illos, veteris
 Romæ Patres, quorum semper in pectoribus ab
 avo suo Marte, virtus & generositas derivata gloriæ
 faces ita accendit, ut omnem nationum omnium
 famam suis armis obtinerent, in hanc arenam pro-
 ducam. Nota sunt eorum bella ac trophæa, notæ

2. *Argum.
ab exemplo
populorum
Scytharum.*

Quingi.

Tamberlanus

Mogorum.

Tartarorum

Præteritio.

victoriæ ac triumphî; sed & illud notissimum est
ætatibus omnibus, non eos à libris, sed à stiva,
non è ludis litterarum, sed ex agris, ad solum, ad
arma, ad aciem prodîisse. Tunc nimirum ceteros
vicerunt Romani, cum stivam & aratrum consu-
les tenuerunt; tunc virtus illa principis, populi
jam tum orbis candidati lucem invasit, cum bel-
li duces non scientiam pacis tempore, sed ter-
ram coluerunt. Age vero non homines tantum
aliquos in exempla, sed populos ac provincias
adducamus. Quibus unquam inauditum Scytharum
nomen fuit? Rudes illi semper, & inculti
vixerunt, sed quorum ita robur comite fortuna
processit ut in inferiores Orientis regiones ad Da-
nubium usque Nilumque penetrarint. Quan-
tus fuit Rex illorum Quingus, qui Orientem uni-
versum peruasit armis, & devastavit? Quantus
fuit Magnus, ille Tamberlanus, qui gloriari solus
potestacie Turcam se visisse & prostravisse? quâ
Baiazetem Turcarum Imperatorem catenis au-
reis vinctum, & cavea ferrea inclusum ita secum
circumduxit, ut equum ascensures dorsum ejus
pede calcaret? Quid Mogores? quales unquam,
nisi ab omni eruditione alienissimi existerunt?
Illi sunt, qui egressi quondam Tartaria magnam
Indiæ partem occuparunt. Illi sunt, quorum Im-
perator, Magnus ille Chamus, barbarus & incultus
homo, ceterorum Monarcharum potentiam,
potentia sua deterret. Veniam ad notiora. Quid
Melueticorum crassius ingentiis? quid eorum o-
lim in ultius natura fuit? Horum amicitiam
non tantum expetunt Principes & Reges, verum
etiam largitionibus profusissimis emunt. Quod
cum ignorare nemo possit, lateant res ab ipsis for-
tissime ad Nanceium in Lotharingia gesta, non
memorentur ad Novariam & Marianum in Ita-
lia, ad Druidarum urbem in Gallia victoriæ cele-
berrimæ famosissimæq; Turcarum non auditum tan-

tantum est nomen ubique, sed etiam terror quidam diffusus ab illis omnium animos occupavit. Illi barbarie sua delectantur, artes ingenuas & elegantes contemnunt, litteras omnemque doctrinam stultitiam appellant, doctum aliquem & eruditum tanquam hominem vilissimum aspernantur. Nos ne ista fortassis ridebimus, & Turcas homines inertes, ad jugum natos, ab imperiis exclusos; esse dicemus? Qui sunt hodie, qui septuaginta regnorum fines suis praesidiis armorum & legum coercent? Turca, totius propemodum jam Reges orbis. Qui sunt in tribus imperiis instatam terris omnibus Caesaris Maiestatis gloriam ostentant? iidem soligentium omnium imperiosi Turca. Qui sunt quos à mille jam fere annis per Asia, Africa, Europae imperia ita fortuna circumduxit, ut quicquid attentarent, occuparent, quicquid desiderarent, obtinerent, quicquid displiceret, amoverent? Turca terrarum viatores. Qui sunt, quos reformidant potentissimi Monarchae, quos aggredi singuli non audent, separare nescio an omnes possint? Sunt Turca, Audaces, quorum usum ac industriam militarem si in tanta barbarie scientiarumque omnium contemptu videre possentis, ita credo diceretis: Nihil est tam arduum & difficile quod aggredi conficereque non possint; nullum est bellum tam laboriosum, quod facile Turcarum virtus non reddat. Illi sunt quorum industriam primum admirati sunt Itali; postmodum etiam Imitari coeperunt. Illi sunt, qui prodigi vitae mortisque contemptores, nulla fortunae pericula reformidant. Illi sunt, qui juga gentibus suo bello imponunt, qui Reges alios suo imperio aut terrent, aut frangunt. Quanquam ad principia nostra revertamur, & in clarissima Reip: Romanae luce clarissimam experientiam notemus. Cum è Graecia in Italiam Romamque studia litterarum importata fuissent,

*Turcarum.**Complexio.**Similiter
desinens.**Obliqua
Prosopopaea.**Virtus
Turcarum.
Repetitio.**Transitio.**3. Argu-
mentum ab
experientia.*

Studia Romanorum virtutem emasculant.

Repetitio.

Amplificatio ab enumeratione incommodorum à Romanis litteratis acceptorum.

4. Argum. à conditione & effectibus litterarum.

Amara Ciceronis irrisio.

Item Demosthenis auctoritas.

& jam in deliciis atque osculis suis Martius antea populus progladiis calamos, pro galeis libros, pro militibus Legionariis Græculos Philosophos & tabulas haberet, nunquid simul masculam illam virtutem suam amisit? Tunc Iugurtha venalem urbem habuit; Tunc Cimbri ad extrema vota Romanos compulerunt; tunc actum pene de imperio esse Mithridates ostendit; Tunc studiosi illi politi, & litterati Romanigentium exterarum rabiem perhorrescebant; Tunc molles & effoeminati, suis cladibus ingemiscebant; Tunc à Patthijs, sed invidiis ridebantur; à servis, sed rum dominis vexabantur; à sociis, sed jam hostibus misere devastabantur, ut suo tanto incommodo discere possent, eos omnium bellicosissimos populos esse, qui ab omni humanitatis cultu, ac deliciis quam maxime abhorrent. Enimvero ut in hac notissimarum rerum luce non magnopere tenebras videar oppugnare, percipite quæ dicam attentius. Quid si artes illæ & disciplinae liberales pacis affectæ sint, & ornamenta, non belli; Hic omnium consensus hæret. Quid si corda emolliunt, emasculant animos, timidos reddunt & effoeminatos? Quid si omnem ex animis belli Martisque vigorem tollunt? Quid si qui eruditi sunt, cum arma tractant, miticolosi, delicati, molles existant? Scilicet egregius Imperator multa bella confecit, multos hostes prostravit, multas hostium urbes accepit. Marcus Tullius, cujus in discrimine capitis fortunarumque omne præsidium in lachrymis positum fuit, & qui plus lingua, quam manu, plus calamo quam gladio, potuit. Scilicet reformidandus in Græcia miles fuit facundus ille Demosthenes, cujus nunquam frontem aut pectus hostes viderunt. Non ignoro vos aut sapius audivisse aut legisse, quod cum in Græciam Gothi torrentis instar omnia longe lateque depopulantes irruissent, non paucis

dixit.

direptis, plurimis etiam everſis oppidis, cæteras
inter prædas magnum omnis generis librorum
numerum eos inveniffe, quorum uſum cum
ignorarent, & iam uno igne coneremare univer-
ſos conſtituiſſent. Ne, inquit, non nemo ex iis,
neſacite, & populares, habent Græci hanc pe-
ſtem ſuam, quæ omnem in animis eorum gene-
roſitatem exinguet. Animadvertēbat quippe
nihil eſſe quod facilius animos ab armis aliena-
ret quam ſtudia litterarum, quibus qui dediti eſ-
ſent, pugnas odiſſent, acies perhorreſcerent, ſe-
ipſos ſuis hoſtibus prædas offerrent. Quod id non
obſcurum tunc fuit, cum Rex Francorum Caro-
lus Octavius parvo omnino exercitu totam Ita-
liam percurrit, Neapolim totumque regnum
eius occupavit, Hetruriam non minimam partem
invaſit. Mirabatur Rex tantam ſui exercitus ſol-
licitatem, ſtupeant Galli Duces tantam Italo-
rum Principum inertiam; ubique clades Italo-
rum & miſeria deplorabantur. Quid cauſæ fuiſſe
puratis, Auditores? Nimirum quia dediti litte-
rarum ſtudiis Itali cogitationem armorum de-
poſuerunt, & Muſis ſuis mancipati audacem avi-
ti Martis libertatem amiſerant. Hæc nunc, & di-
ſciplinæ in Imperatore deſiderate, Imperato-
rum omnium præſtantiffimi rudes exſtiterunt:
proclamare ad victorias, opus eſſe eruditione
cultuq; ſcientiarum; victorioſiſſimæ temporum
omnium nationes barbaræ fuerunt; dicite litte-
rarum ſtudiis adiuta bella triumphos occupa-
ti: clades tum bella Romana reporrarunt cum
ſtudiis claruerunt; affirmate omnem animi ge-
neroſitatem à libris & artibus eſſe, effaminant
artes generoſos & bellicoſiſſimum libri ſpiritum
enervant. Quid ergo? proſectoſi ducum eſt &
Imperatorum azma tractare, pericula intrare, ho-
ſtem videre nec ferre, togatorum vero hominum
ac ſapientum, forum ac curias perambulare,
nihil

*Ab exemplo
Caroli 8.
Similiter
deſinens.*

*Communica-
tio cum re-
ſolutione.*

*Peroratio.
Repetitio.
Confirmatio.*

nihil timere, & otiosis consilia suggerere: lateant in bibliothecis artes, ac libri; non videantur molles inter arma Musæ; urbiumque mœnibus concludantur mitissimi alumni tuba duros arma fortes, prælia invictos requirunt. DIXI.

ORATIO II.

Suasoria.

PAULI NIEVVAROVVSKI
NOBILIS POLONI,

*Exordium a
munere &
officio Im-
perator.*

*Similiter
desinens.*

MAGNUM est & arduum omnino munus Imperatoris, AUDITORES, Humaniss. utpote cuius est pro sanctissima religione nullum unquam discrimen reformidare, pro sociis atque aris insultantium hostium impetus sustinere, medias inter acies invicto semper erectoque animo stare, arbitrum ignavia omnium ac virtutis esse, turbatas acies restituere, fugientibus obsistere, voce & manu singulis adesse, consilio universis prodesse, hostem denique profigare, evertere, subingere. Vnde præclarissime Poeta quidam:

Res gerere ac captos ostendere ciuibus hostes

Attingit solium Iovis, & cœlestia tentat.

*Accedit ad
propositum.*

Quod cum animadvertissent illi omnes sapientiz parentes & priscorum miracula sæculorum, cum ipsam Minervæ manu hasta armavissent, librum hastæ in altera consociaverunt, ut quoniam tam ardua tamque difficilis est res militaris litterarum & eruditionis auxilio peragi illam posse declararent, Quæ causa est cur non parum nostri huius Oratoris nescio an impudentiam dicam, an astutiam admiret, qui cum audientibus vobis Hastam se Minervæ explicaturum promi-

misisset, tanquam immemor libriejus, nullam in Imperatore eruditionem requisivit, ut ignorasse prorsus videri possit, sedisse olim Alexandrum Magnum, docente Aristotele, Scipionem Pompeium, Casarem, sexcentos alios generosissimos & illustrissimos belli duces scholarum pulverem trivisse, ac forte etiam armorum jura cum ex ore doctorum, tum ex libris hausisse. A quo cum vehementissime dissentiam, ut facilius hanc omnem arduam disputationis arenam ingrediatur, nec quicquam sit quod incedentem valeat remorari, agam cum eo primum, qui Imperatorem bellicue ducem, rudem hominem, & ignarum esse debere contendit. Atque ne severiori quodam stylo ac hostili propemodum animo pugnare videar non inficior duces existisse nonnullos rudes homines, & imperitos. Quid inde verò? an hos imitari fas erit; ac non potius Alexandrum, non Cyrum, non Epaminondam, non alios innumeros sequi quorum parati in immortalitate gloriam pauci illi nunquam adæquabunt? Et vero quis singularem illam sibi, & vere Martiam naturam atque indolem promittat, qua rudes illi Imperatores donati fuerunt? Quis enim non excellentiores futuros illos fuisse dicat, si ad naturam, doctrinæ excellentiam adjunxissent? Sed in exteras barbarorum nationes illi placuit exspatiari ut non homines tantum aliquos, sed populos ac provincias sibi suffraganeas haberet, in quo profecto non tam aut virtutem aut peritiam rei militaris, quam fortunam, & fortunatum earum imperum, liceat admirari. Quanquam non illum gentium istarum calculum improbabo; fuerunt, imo etiam hodie sint victoriosi Schythæ, fortes Magores, strenui Sarmatæ; favit illis fortuna illa rerum humanarum domina, moderatrix armorum gubernatrix victoriarum. An vero excultos inquam Macedones superarunt? an erudi-

*Propositio
refutationis.*

*Ad primum
argumen-
tum facitur.*

*Ad secundum argu-
mentum re-
spondet ea
omnia for-
tuna tribu-
enda esse.*

Comparatio cum

*cultioribus
nationibus
Interrogatio.*

Correctio.

*Victoria du-
cibus doctis
attribuenda.*

*Comparatio.
Chami cum
aliis.
Similiter
cadens.*

*Ad tertium
Argumen-
tum negat.
Probatio ab
exemplis.*

*Collatio tem-
porum.*

tis jugum Græcis imposuerunt? an politos suo imperio Romanos frenaverunt? Nimirum torrentis instar aliquando exundarunt, & armorum quodam impetu nationes aliquas, quid dico nationes? Prædas, inquam, aliquas subegerunt, imperium vero nunquam aut firmum diuturnum tenuerunt. Verum si non omnia ignorare velimus, quoties obsecro, victoriosa illæ nationes subauspiciis, ac ductu doctissimorum Imperatorum militaverunt? Quoties ille furor earum eruditi capitis sapientia temperatus, militiæ leges accepit? quoties prudentissimi consilio ducis barbaries earum cessit? Helvetiorum meministis, quorum amicitiam tanto studio Principes ambire videmus, quid ais, propter armâ, an propter fidelitatem? Video sensum uniuscuiusque, nec interturbo, ad illum vero Tartarorum Chamum, quem tantopere reformidandum proposuisti, si respondere mens esset, quot, & quantos omnium ætatum Heroes uni illi opponerem virtute majores, gloria excellentiores, triumphis celebriores? Ille suam potentiam mari tuetur; alii bello; ille regionis suæ situm asperum opponit, alii arma: ille non vincitur, alii videntur. Quid vero? Cum studia litterarum in deliciis Romani habuerunt, clades acceperunt, virtutem amiserunt, effocminati sunt? Vbi ergo tunc Cæsar fuit omnium gloria Imperatorum; ubi Pompeius M. non de urbe una aut regione, sed orbe toto triumphans? ubi Sylla, Metelli, Scipiones, Luculli, quibus ex antiquiori illo ævo comparari nemo potest? Conferamus tempora cum temporibus: nunquid qui quingentis, & amplius annis vix Italiam antea rudes subegerant, ducentis postea universum orbem vicerunt? Nunquid tunc res illæ admirandæ sunt gestæ, quas posteritas nunquam satis poterit admirari? Sed ad illam Turcæ tui bellicosissimam potentiam nihil, inquis, adduco. E-

Ro.

flo, fac me prudentem aberrare, qui cæterarum
 illius barbariei nationum impetu fortunato,
 Turcarum fortunas metiri contendo: certe non
 provincias vincunt, sed prædas agunt. Non disci-
 plinam ostentant, sed rabiem, non generositatem
 habent, sed furorem, non virtute procedunt, sed
 fortuna. Quid sitamen etiam scientiarum auxi-
 lioprocedunt, vincunt, dominantur? Sed non-
 dum hac de re dico, nec usque adeo rationem o-
 disse me volo, ut litterarum disciplinis effœmi-
 nari quenkquam, possim arbitrari. Putaverunt Galli
 Gothique, Martium ex animis vigorem per il-
 brostolli; & nos horum iudicium vanamque
 duntaxat opinionem amplectemur: qui dum suis
 armis victoriam attribuere debuissent, hostium
 libris, ut non nisi victos vicisse viderentur, attri-
 buerunt. Iam ergo retudimus tela tua, qui in Im-
 peratore litteras odisti. Iaces, & libere iam hanc
 vocem resumo, insignem nunquam Imperato-
 rem nisi litteratum existare: quod dum amplius
 manifestare laboro, delector vestro illo favore
 & attentione, Benevoli AUDITORES, dumque
 vobis debere me multum intelligo, animosior
 reliquam omnem orationem ingredior, ut iam a-
 liqua vobis ex parte satisfaciam. Videte quam
 desperare omnino hac in causa non possim qui om-
 nem sapientum omnium auctoritatem pro me
 habeam? Cur obsecro prudentissimi homines ar-
 morum eandem & librorum præsidem esse Mi-
 nervam voluerunt, si à libris nulla esse iura de-
 beant armorum? Cur una hastam, altera librum
 manigestat, si non & armis & scientia simul mu-
 nitum oporteat esse Imperatorem! Ita nimi-
 rum constitutum est à Natura, quod ignorare
 sapientes illi non potuerant, ut qui ad arma sunt
 inclinati factique, disciplinarum cognitione ad
 perfectionem artis Imperatoris, & ad omnem o-
 mino gloriam disponantur, ac promoveantur.

*Responsio ad
 exemplum
 Turcarum.*

Contrapositione

*4. Argumen-
 tum respon-
 des eludendo*

*Transitio ad
 confirmatio-
 nem cum re-
 novatione
 attentionis.*

*1. Argumen-
 tum ab aucto-
 ritate.*

*Explicatio
 haste Mi-
 nervæ.*

Agi-

2. *Argumentum ab effectibus eruditionis.* Agite, in Imperatorum pectoribus scientiam ipsam videre, vires attendite, maiestatem considerate. Illa facit, ut pericula non reformidemus intrepidi hostem intueamur, mortem ipsam non

Amplificatio per enumerationem effectuum. horreamus. Illa facit, ut qui ea præditus est anxio animo non vacillet; qui eruditus est, timorem omnem expellat; qui ingenium suum litterarum cognitione confirmavit, non vecors sit, sed alacris, sed excitatus. Illa facit, ut cauti sint Imperatores, providi, solertes & astuti. Et hanc non illi sibi compararent, qui intrare pericula toties, & intrepidi spectare mortem non raro debent? Considerate duces illos, quos litterarum novistis expertes, ut trepidi pallent, cum ad pugnam tubæ vocant: ut vecordes arma induunt, equos agunt, hastas aut gladios educunt, cum hostium armorum fulgor oculos atque animos perfringit? ut incauti falluntur, cum ab insidiis securos illos hostes invadit? Quanquam quid in

Demonstratio.

Similiter desinens.

3. *Argumentum in Imperat* artibus ac bellis agere debet Imperator? Credo maturis consiliis de bello toto deliberare, aciem

ordinare, vitare insidias hostium, hostibus struere, milites animare, urbes & arces obsidere, cinctos ab hoste liberare patriam atque omnes, omniumque fortunas propugnare. Quid? Hæc efficere rudis poterit Imperator? hæc præstare barbarus poterit Imperator? Profecto plus in bello consilium quam arma valet, plus in armis eruditio, quam robur viresque possunt. Neque ita credendum est, Imperatoris esse in prælio miscere manus, & pugnare. Ille est vinculum (cum Seneca dicam) per quod Respub. coheret; ille spiritus vitalis, quem hæc tot millia trahunt, nihil per se futura nisi onus, & præda, si mens illa imperii subtrahatur. Quamobrem si imperare eius est ac percipere, si consilio suo omnia providere, multis scientiis imbutum animum & expeditum ingenium habere debet, aut omnino tantum no-

Non est Imperatoris pugnare.

Autoritas. Seneca,

men retinere, tantum officium præstare non valebit. Sed tamen si tanopere barbaros Imperatores nonnullis placet admirari, non repugnemus nos soli, sit rudis, sit barbarus, sit etiam incultus & inhumanius quisquis exercitui imperare præsumit. O scilicet terrorem hostium ingentem! O egregiam patriæ labantis columnam vultis illam historiam non novisse, quæ bonorum malorumque successuum exempla proponit, & admirabili peæus instruit varietate? at consiliorum ignarus erit, & in rebus nunquam omnibuseum procedere valebit. Vultis Mathematicas disciplinas ignoret, quæ ad excogitandas belli machinas aciemque disponendam iudicium acciunt, & erudiunt? at exercitus languebit, & instructa minus castra suis hostibus patebunt. Vultis eloquentia nulla sit munitus, quæ linguas excitat, metu depressos erigit, currentibus & audacibus calcar addit? at excidentem manibus arma, & sine animis milites frustra plerumque victoriam sperabunt. Etenim (si verissimus est Onosander) non ita auribus percepti tubarum clangores animos ad pugnam acuunt & irritant, ut horatrix ad gloriam & virtutem oratio increpidas expeditæ aciei mentes ad opposita pericula erigit, stabilitque, imo & metu conterritos, iacentesque penetrat & constanti roborat allocutione. Efficax est Imperatoris elocutio, exercitus Arages generose solari & lenire docta, utilior multo vulnerariorum agmine medicorum. Illa est quæ dolorem lenit, quæ sanguinem exsiccat, quæ vulnera premit, illa est quæ manibus aptat arma, generositatem animis addit, capitibus laurum imponit. O prudentissime Rex Aragonum Alphonsè, quam sapienter vereque & arma & armorum disciplinam è libris haberi dixisti. Crediderunt qui multis sæculis ante te vixerunt, Magnus Alexander; inuictusque Caesar, qui ut

*Concessio.**Ironia.**4. Argumentum à consequentibus & scientias ignoret.**Necessaria historia.**Subiectio.**Necessaria**Mathematica.**Necessaria**eloquentia.**Effectus eloquentie in Imperatore.**3. Argumentum ab exemplo eruditiorum**maxi-*

*Imperatorū
Alphonſi.
Alexandri
Caſaris.
Principum
Ottomanico-
rum.
Repetitio.*

maximi fuerunt omnium Imperatores, ita in omni ſcientiarum ac litterarum genere excelluerunt. Crediderunt principes illi Ottomannicæ familiæ præſtantiffimi Mahometus ſecundus, Selymus, & Solymanus, qui cum res geſſerunt omni admiratione maiores, in hiftoriis etiam ſtudiisque mathematicis verſatiffimi vixerunt, & inde virtuti militari non leue præſidium petierunt. Crediderunt quotquot aut Græcorum gloriæ proſpero bellorum ſucceſſu, aut Romanorū imperium fulminantibus armis ad exteras nationes tranſmiſerunt, qui certe nunquam niſi è pulvere ſcholarum, in Martium pulverem deſcenderunt, nec ad arma prius quam ad libros acceſſerunt. Nunquid etiam hæc tempora noſtra credunt?

*Ab experien-
tia hodierna*

Credunt utique, nec tantum hodie præparantur in ſcholis duces, ſed etiam mediis in armis, cum otium aliquod ſecurum adſpirare videtur, libri verſantur ac teruntur. Hinc conſilia petuntur, hinc ſolertiæ aſtutiæque deſumuntur; in his tanquam in pulvere præſtantiffimorum quorumque Ducum veſtigia apparent, in his ſcæliciſſimi quique ſucceſſus conſiderantur; hic ſe componere licet ad exemplum aliorum, hic conciliarii, ſed fideles & incorrupti audiuntur.

Peroratio.

Quamquam ſuperſedebo, dum ea omnia quæ dixi, vox animis veſtris impreſſa tenere animadverto, dum illam Minervæ haſtam, ſed cum libro conſideratis; dum ſcientiarum vim in pectoribus erigendis maximam eſſe videtis; dum à diſciplinis ſeparari officium Imperatoris non poteſt; dum in caſtris omnia iacebunt in iniuriis obnoxia fortunæ, ſi iaceant litterarum artes; dum præſtantiffimi quique duces ſcientiam cum armis iunxerunt; adeo reſtat hoc tantum, ut annuentibus vobis & credentibus à ſuggeſtu recedens affirmem eruditum ac litteratum Imperatorem eſſe oportere. Quod ſi mihi apud Imperatores, & in con-

*Repetitio.
Confirmatio
nū.*

fessu ducum aliquorum dicendum fuisset, convertissem ita ad illos orationem, ut ardorem aliquem scientiarum cum armis jungendarum eorum in animis fortasse reliquisset: nunc vero cum in scholis hodie dicam, atque in vestro. Humanissimi AUDITORES, conspectu, vestroque utar singulari prorsus favore, obsecro vos tantum atque obtestor, ut susceptum hunc conatum nostrum probetis, nisi forte addere vorum illud velitis, quo litteratos temporum nostrorum Duces omnes esse desideretis. Ita facite, atque utinam, utinam! DIXI.

CONSULTATIO,

Vtrum vir fortis in necessitate sibi manus possit inferre.

JOANNIS GERARDINI.

Oratio suasoria.

Virum fortem in necessitate sibi manus inferre posse.

Philosophorum olim, quorum omnis in aperienda rerum obscurarum veritate hominumque vita certis ac utilibus imbuenda præceptis labor insudabat, non paucæ magna singulaque cum laude Sæctæ scholæque ita viguerunt, ut in iis & admiratio doctorum alacritatem, & alacritas audientium æmulationem excitaret. Sed sitamen tribuenda sit uni laus illa, quæ cæterorum gloriam evincat, nescio an non affirmare de Stoicorum Sæctâ illud possimus, ita illam & doctrina præstantiâ, & doctorum hominum auctoritate ac famâ cæteris præstitisse, ut jure

Exordium
à laude an-
tiquorum
Philosopho-
rum.

Præfertur
Sæctâ Stoi-
corum.

me-

*Laus à do-
gmatibus.*

*A docteri-
bus.*

*Accedit ad
propositum.*

Propositio.

*Captatio be-
nevolen-*

merito schola veritatis, & hominum magistra dici possit. Etenim si doctrinam quæ tot hominum doctissimorum industria laboribusque in ea fuit explicata, consideremus: ita dogmata sunt in ea naturæ conformia, ut doctrinam hanc omnem non ab hominibus excogitatam, sed ab ipsa natura expressam haustamque arbitremur. Si vero Doctores quorum gloriam hæc aliquando Schola mater peperit ac nutrit, attendamus, ut Cæconem ac Senecam duntaxat producam, nihil vero de principe Stoicorum Zenone dicam, non aliunde præstantiores unquam prodierunt. Et quamquam hæc gloriosissime ita dicantur ad Stoicorum prædicationem sempiternam, sic tamen cum veritate extolluntur, ut nec ipsi Academici nec Peripatetici, quorum hodie tot ambabus manibus doctrinam amplectuntur, vel repugnare possint vel inficiari: qui dum temporis plurima præcipiunt accommodanda, nec semper virtuti parendum, ita agunt ut instabilem ac fluctuantem doctrinam eorum, certa vero & immutabilia Stoicorum dogmata iudicemus. Atque quoniam quidem non minima hæc inter sectas aliquando controversia & pro summa laude concertatio extitit, ego hodie, siquidem & hic forsitan locus exigit & vestra illa attentio expectare videtur, de præclaro Stoicorum dogmate quodam ita disputabo, ut illud injuria ab Academicis Peripateticisque impugnari, jure vero merito à Stoicis propugnari retinere contendam. Hoc inquam efficiam ut cum Stoicis ac mecum fateri velitis virum alioquin fortem & generosum, si honestior superesse vita non possit, præsentemque mortem dedecus morte gravius necessitas intentet, violentas sibi manus & inferre posse, & debere. Scio gravissimam esse difficultatem, quæque Oratoris exercitissimæ vocem desideret. Sed si jam vestra illa Ben. Aud. favoris aura nostræ hujus vela imbecillita-

tis impleverit, superabo scopulos omnes difficul-
tatis tantæ, & ingressus in portum veritati di-
ctionis hujus coronidem consecrabo. Certum est
etiam apud omnes haud obscurum, plurimas gra-
vissimasque causas esse, ob quas merito tædiosum
sit & odiosum vitam in hac communi luce respi-
rare, quod si tamen nondum esset res hæc tota
quibusdam explorata, considerent illi quam mi-
serum sit & deplorandum gravissimis aut animi
aut corporis cruciatibus torqueri, quibus certe
qui detinentur, ita miseri mortem expetunt, ut
ad illam votis omnibus in dies anhelent. Per-
pendant quam durum sit jugum illud quod im-
positum est liberæ cervici, & iis maxime, quorum
excellens in luce probata virtus omnem in im-
perio dignitatem occupare deberet. Cogitent
quantus in animo generoso dolor exsurgat cui
fastigio debitæ sibi dignitatis est impellente for-
tuna cadendum, cum inquam terminanda est ho-
nesta vita, & puncto temporis amittendum quod
longo fuerit ætatis cursu collectum. Et hæc om-
nia si omnem animum quantumvis alacrem, &
excelsum ita percellant, ut odisse communem
hunc spiritum vitamque cogant, nunquid animati
ita debent esse viri fortes quicunque, ut cum ali-
qua causa talis occurrit, vitam expediant & ex
hoc corporis domicilio sese liberent, in quo ita
miseram vitam anhelant ut crucientur, imo po-
tius ut moriantur? Nolim mihi, sed vestro judi-
cio credatis, Auditores, sed tamen si quod fa-
ctum est aliquando, comprobare potest quod a-
pud vos indicarum, nunquid honestius Hannibal
ex annulo suo mortem hausit quam à lictoribus
Romanis exspectasset? Nunquid pulchrius Mi-
thridates negatam veneno mortem ferro quasi-
vit, quam ad currum Pompeii magni relegari se
permisisset, aut crudelem filii sui manum exspe-
ctasset? Nunquid Cato generosius sibi vitam

*tie allego-
rica.*

Confirmatio.

*1. Argu-
mentum à
causis mor-
tis sibi infe-
rendæ.*

1. Cruciatu.

2. Servitu.

*3. Infortu-
magna for-
tuna.*

*Illustratio
amplificatio
ab exemplis.*

M

ade-

*Lauda do-
gmatibus.*

*A doctori-
bus.*

*Accedit ad
propositum.*

Propositio.

*Captatio be-
nevolen-*

merito schola veritatis, & hominum magistra dici possit. Etenim si doctrinam quæ tot hominum doctissimorum industria laboribusque in ea fuit explicata, consideremus: ita dogmata sunt in ea naturæ conformia, ut doctrinam hanc omnem non ab hominibus excogitatam, sed ab ipsa natura expressam haustamque arbitremur. Si vero Doctores quorum gloriam hæc aliquando Schola mater peperit ac nutrit, attendamus, ut Catonem ac Senecam duntaxat producam, nihil vero de principe Stoicorum Zenone dicam, non aliunde præstantiores unquam prodierunt. Et quamquam hæc gloriosissime ita dicantur ad Stoicorum prædicationem sempiternam, sic tamen cum veritate extolluntur, ut nec ipsi Academici nec Peripatetici, quorum hodie tot ambabus manibus doctrinam amplectuntur, vel repugnare possint vel inficiari: qui dum temporis plurima præcipiunt accommodanda, nec semper virtuti parendum, ita agunt ut instabilem ac fluctuantem doctrinam eorum, certa vero & immutabilia Stoicorum dogmata iudicemus. Atque quoniam quidem non minima hæc inter sectas aliquando controversia & pro summa laude concertatio extitit, ego hodie, siquidem & hic forsitan locus exigit & vestra illa attentio expectare videtur, de præclaro Stoicorum dogmate quodam ita disputabo, ut illud injuria ab Academicis Peripateticisque impugnari, jure vero merito à Stoicis propugnari retinere que contendam. Hoc inquam efficiam ut cum Stoicis ac mecum fateri velitis virum alioquin fortem & generosum, si honestior superesse vita non possit, præsentemque mortem dedecus morte gravius necessitas intentet, violentas sibi manus & inferre posse, & debere. Scio gravissimam esse difficultatem, quæque Oratoris exercitatissimi vocem desideret. Sed si jam vestra illa Ben. Aud. favoris aura nostræ hujus vela imbecillita-

tis impleverit, superabo scopulos omnes difficul-
 tatis tantæ, & ingressus in portum veritati di-
 ctionis hujus coronidem consecrabo. Certum est
 etiam apud omnes haud obscurum, plurimas gra-
 vissimasque causas esse, ob quas merito radosum
 sit & odiosum vitam in hac communi luce respi-
 rare, quod si tamen nondum esset res hæc tota
 quibusdam explorata, considerent illi quam mi-
 serum sit & deplorandum gravissimis aut animi
 aut corporis cruciatibus torqueri, quibus certe
 qui detinentur, ita miseri mortem expetunt, ut
 ad illam votis omnibus in dies anhelent. Per-
 pendant quam durum sit jugum illud quod im-
 positum est liberæ cervici, & iis maxime, quorum
 excellens in luce probata virtus omnem in im-
 perio dignitatem occupare deberet. Cogitent
 quantus in animo generoso dolor exsurgat cui è
 fastigio debita sibi dignitatis est impellente for-
 tuna cadendum, cum inquam terminanda est ho-
 nesti vita, & puncto temporis amittendum quod
 longo fuerit ætatis cursu collectum. Et hæc om-
 nia si omnem animum quantumvis alacrem &
 excelsum ita percellant, ut odisse communem
 hunc spiritum vitamque cogant, nunquid animati
 ita debent esse viri fortes quicunque, ut cum ali-
 qua causa talis occurrit, vitam expédiant & ex
 hoc corporis domicilio sese liberent, in quo ita
 miseram vitam anhelant ut crucientur, imo po-
 tius ut moriantur? Nolim mihi, sed vestro judi-
 cio credatis. Auditores, sed tamen si quod fa-
 ctum est aliquando, comprobare potest quod a-
 pud vos indicatum, nunquid honestius Hannibal
 ex annulo suo mortem hausit quam à lictoribus
 Romanis exspectasset? Nunquid pulchrius Mi-
 thridates negatam veneno mortem ferro quasi-
 vit, quam ad currum Pompeii magni relegari se
 permisisset, aut crudelem filii sui manum exspe-
 ctasset? Nunquid Cato generosius sibi vitam

tie allega-
 rica.

Confirmatio.

1. Argu-
 mentum à
 causis moy-
 sis sibi infe-
 renda.

1. Cruciatu.

2. Servitius.

3. Iactura
 magna for-
 tuna.

Illustratio &
 amplificatio
 ab exemplis.

M

ade-

*Similiter
desinens.
Repetitio.*

ademit, quam se Cæsari trophæum constituisset? Quid de Cassio dicam aut Bruto? victores esse sui maluerunt, quam cum servitus fœda superesset, turpissimis se dominis præbere vincendos. Quid de Nerone itidem Imperatore? vir ille detestandus in vita, sed nescio an non in morte gloriosus, qui ne turpiter ab alio interficeretur, interfici voluit à seipso. Fortassis in mentem vobis Calanus ille Indus Gymnosophista venit, quid fecit? torquebatur alui doloribus, quos cum ferre non posset, seipsum concremavit. Fortassis etiam Herculem cogitatis, sed nec ignoratis eodem illum ignis fato periisse. Longum esset cæteros omnes enumerare, quorum in morte mortem virtus evicit, nec degener animus sequi gloriam fato durissimo dubitavit, ubi infamiam vel ætas proponebat, vel miseriam necessitas apportabat. Sed est tamen fatendum illud honestissimum & eximie naturæ ac indolis argumentum esse, deserere male vitam quam degere turpiter illam. Agnoverunt hoc ipsum Massilienses, quorum in Civitate venenum cicuta temperatum publice asservabatur pro iis, qui senatui causis explicatis sapienter excedere, & celerem fati viam quærebant. Agnoverunt & Græci omni semper ætate sapientissimi, apud quos idem esse factitatum nemo non historicorum affirmat. Affirmant etiam illud, in Insula

*2. Argu-
mentum ab
honesto Pro-
batio ab au-
thoritate
Massilien-
sium.
Græcorum.*

Exemplum.

*Ab authori-
tate I. Cæsa-
ris.*

Ceo matronam quandam generosissimi spiritus extitisse, sed ultimæ senectutis, quæ cum redditu civibus ratione vita excedere desideraret, ne ut inquebat hilarem fortunæ vultum semper experta aviditate lucis tristem intueri cogeretur, distributo liberis suis patrimonio, Mercurio libamenti defusus invocato, præsentè Sexto Pompeio poculum in quo venenum erat temperatum constanti dextera arripuit & exhaustit. Agnovit I. Cæsar hanc quoque voluntariæ mortis gloriam esse tantam, ut cum Vticam victor properaret, ubi se-
ipsum

ipsum interemerat Cato, audita eius morte, non potuerit, quin doloris imperu victus exclamaret: Inuidisti meæ gloriæ Cato; sed ego tuz invideo. Et quidni Cæsar Catonis gloriæ invidisset, qui *Probatio & turpissimæ superesse illum servituti voluisset? Ec. illustratio en* quid enim tandem est in illa tantopere desiderata *disimilibus* vita, quæ nonnisi turpis esse potest? Quid vero in hac sponte suscepta morte quæ semper esse honesta solet? In illa dedecus, in hac gloria; in illa servitus, in hac libertas; in illa dolor sæpius animum excrucians, in hac animum lætitiæ sæpius exhilarans. Dum ita vivis, nunquid moreris? En ita moreris, nunquid vivis? Scio in cogitationibus me vestris hoc sermone versari, Humanis. Auditores, sed amplius vestros in animos descendam, *3. Argumen.* si quod ipsi certissimum esse iudicatis, orationi *ab incommo* nostræ robur adesse concedatis: ita videlicet cor- *do fracti cor-* pus hoc nostrum per dolores & adversos sæpe ca- *perit.* sus debilitari frangique, ut inutile sit prorsus, & si ita est, quis non inde liberandam animam dicet, ne labanti conclusa domicilio casuum spectatrix adversorum, & dolorum impatiens, inutilis quoque fiat? Audi Senecam quisquis huic no- *Confirmatio* stro sermoni repugnas. Si inutile, inquit, mini- *ab authori-* sterium est corporis: quidni oporteat educere a- *tate Seneca.* nimam laborantem? Audi iterum: Profiliam ex ædificio putrido ac ruenti. Audi experientiam: Nunquid eum domum aliquam putridam esse & ruinam minitari homines animadvertunt, ilico *Ab experi-* deferunt & aufugiunt? Ita quoque cum urgen- *entia & si-* te dolore aliquo vel impendente fortuna in rui- *mili.* nam tendit hoc corpus, abeundum est, & impetu generoso profilendum è ruina. At inquires, sine iussu Dei nunquam est è vita migrandum, Ita quidem, sed impellentes tolle causas, non adsit dolor patientiam evincens; removeatur *Obiectio.* servitus omnis vitam anteaquam deturpans, *Responsio.* nullum dedecus aut infamia gloriam omnem

Illustratio à simili.

4. Argumētum ab auctoritate & exemplis.

Dubitatio.

Exempla.

Repetitio.

extinguat. Equidem stationem servare miles debet, sed si ab hoste cogatur & imparibus armis discrimen exsurgat, salutem consulit fugiendo, veniamque meretur. Vt illud taceam, omnino Dei advocantis mandatum adesse videri, cum causis illis hominem urgeri permittit quæ nonnunquam etiam invitum ad mortem compellunt. Atque hæc à me in rationis ac veritatis luce ita disputari putetis ut à me tantum accipiant auctoritatem, credite Auditores, non hanc à me mihi mentem esse, sed ab eorum virorum opinione quorum apud homines & in pretio virtus, & in auctoritate doctrina semper fuit. Hæc est Catonis opinio: & quis illo morum integritate vitæque præstantior? Hæc est Senecæ sententia, & quis illum sapientiæ dignitate potuit unquam superare? Nescio quid de M. Tullio vel debeam vel audeam affirmare; certe si multum Seneca Catonis mortem extollit, multum eandem M. Tullius excusat. Quanquam quid in uno laborem ubi sexcenti facti suo rem universam determinarunt. Quis vel Nicia vel Demosthene eloquentior? Vterque sibi vitam sua sponte terminavit. Quis Cleanthe, Chrysippo, Zenone, Empedocle præstantissimis Philosophis sapientior esse potest? Hi omnes dum animæ immortalitatem agnoscunt, & illam anhelant, suam animam non pigra manu ex corporis mortali carcere eduxerunt. Interfecit seipsum Poeta Labienus propter librosexustos. Interfecit seipsum Cornelius Gallus, qui repetundarum accusabatur. Interfecit seipsum Silius Italicus, quoniam ita gravissimi morbo tadio afficiebatur, ut sola in morte curationem sanitatemque collocaret. Et hystantos talesque viros (neque enim nominare cunctos est necessarium) quis arguat erroris, aut imprudentis condemnet? Date veniam, Auditores, ut libere quod sentio non invitis vobis affirmem. Ita enim

enim existimo planeq; sentio sibi manus inferre *s. Argumen-
tum ab ad-*
fortitudinis eius esse, quæ omnia vitamq; ipsam *aspersum.*
aspernetur. Etenim si ultra modum deditus est

vino, qui amphoram non exsiccat tantum, sed
exsorbet quoque fecem, ita nimium vitam hanc
communem amat, qui extremos vitæ dolores vi- *Illustratio à*
tamque turpem pati mavult quam abrumpere vi- *similis.*

tæ cursum, & necessariam alioqui mortem non-
nihil maturare Vere, vere ille vitam aspernatur,
qui nec eam degere turpiter, nec eas reliquias cum
dolore respirare conquirir: non ignorat quippe ita
miseram esse divinæ mentis nostræ conditionem
in hac vita, ut sine iniuria & integri sensus ani-

mus nunquam esse possit in illa *Quamquam quis*
hic mihi quos fortes extollo, timidos appellat, *Obiectio.*

nunquid enim timiditatis est abiectæ non ea pati
posse quæ morte ipsa graviora esse contendis? Er-
rat hic meis in auribus sermo, sed nondum tamen

mentem immutat. Profecto non qui mortem sibi
consciscit, aut dolores suos aut instantia vitæ pe- *Responsio.*

ricula morte ipsa graviora credit, sed indigna ho-
mine libero, sed talia quæ propter turpitudinem

suam merito quis vitet, ne aut inutilis, otiosus,
aut infamis sit in vita. Et obsecro unde tantus ar-

dor & generositas inesset iis, qui se vita commu-
ni privant, si dolorem aliquem aut periculum re-

formidarent? Non à timore crescit animus, sed
ab honore. Sed cognoscite tantum istum ardorem

vel in uno Spartanorum Rege Cleomene, qui cū
sibi mortem Inferre cogitasset, à pedibus in lon-

gum se detruncavit usque ad abdomen, in quo
tandem expiravit. Cognoscite eundem, in Cato

ne Uticensi, qui cum sibi mucrone pectus perfo-

disset, addita vulnere à ministris fomenta detra-

xit, ne vita rediret. Nec ille defuit generosus foe-

minis ardor. Testis est Porcia nobilis & animosa
Bruti coniux, de qua non minus fortiter quam
venuste cecinit facetissimus Poeta:

*Fortes vidē-
tur qui sei-
pos occidunt.
Exemplum
inaudita
fortitudinis
Cleomenis.
Catonis Uti-
censis.
Porcia.*

*Coniugis audisset fatum cum Porcia Bruti
 Et subtrahita sibi querere arma dolor:
 Nondum scitis, ait, mortem non posse negari.
 Credideram satis hoc vos docuisse patrem:
 Dixit, & ardentes avido bibit ore fauillas
 I nunc & ferrum turba molesta nega.*

Arria.

Testis etiam est Arria pudicitiz matronalis exemplum & decus, quæ cum seipsam confodisset, & gladium è visceribus extractum castissima mulier marito traderet:

*Si qua fides, vulnus quod feci, non dolet, inquit.
 Sed quod tu facies hoc mihi Pate dolet.*

Desinant igitur sermonem illum suum imperitum iactitare, qui quos fortes admirari deberent, timidos appellant. Degener est ignavus timor non bene virtuti coniunctus comes & ad gloriam stimulus nunquam adfuturus, Quamquam dum longius ab eo & hinc omnem orationem sermo rapit, nimis fortasse parum iudicio vestro, Ben. Auditores, tribuere videor, ut mihi omnino necessum sit ad cogitationes vestras redire, quibus dum disputationem hanc universam comprehenditis, illud animadvertitis iustissimis sæpe de causis ad inferendam sibi mortem hominem impelli, nec illud ignoratis, honestius sibi esse mortem adferre, quam in vita turpiter illam expectare: hoc etiam statuitis apud vos, inutile corpus nunquam esse fovendum, ex quo cum impetu generoso tot excellentes olim viri suam animam eduxerunt, in eoque præstantissimæ suæ indolis manifestarunt argumentum. Quod cum ita sit & iam ratio veritatem ostendat, veritas autem animum impellat, statuamus, ita constitutum esse, virum fortem oportere, ut cum honeste superesse non possit in vita, communem hanc auram generosa morte vitare non re-

Peroratio.

Repetitio.

Confirmatio.

for-

formidet. Et illud est quod nobilis Stoicorum *Explicatio*
 Schola ac secta summa semper cum veritate pro *sententia.*
 bavit, summa vero cum imprudentia semper Aca-
 demici Peripateticique improbarunt, intelligen-
 tes mortem illam voluntariam non à viris optimis
 & generosissimis propter aliquem dolorem opta-
 ri & inferri, sed quoniam impedimento dolor est
 futurus quo minus in vita aut honeste aut cum
 aliquo emolumento degatur. DIXI.

GUILIELMIDE VLESCHOWER
 LOVANIENSIS.

Oratio dissuasoria.

*Virum fortem in necessitate sibi ma-
 nus inferre non posse.*

Macedonum Rex Philippus qui orbis uni- *Exordium*
 versi dominorem, magnum illum Alex- *ab historia*
 andrum pater ipse produxit, cum pro *Philippi re-*
 tribunali iudicaturus sederet, accusatori autem *gi Macedo-*
 nam concedebat, reo alteram reservabat: non *num.*
 ignorans ut erat prudentissimus, nunquam
 exercere quendam recte posse iudicium, nisi
 rationibus utrinque discussis, in eius animo ve-
 ritas eluceret. Quæ quidem consuetudo quem-
 admodum æquissima laudatissimaque fuit, ita
 vobis, Humanissimi AVDITORES, probari ean-
 dem opinor, ut in hac quoque difficultate nostra, *Accommo-*
 nec aurem utramque, nec illum vestrum ani- *datio ad pro-*
 mum totum ei qui me præcessit Oratori conces- *positum.*
 seritis, verum ita partem aliquam mihi reserva-
 veritis, ut & ad aures vestras, & animos vestros
 orationi nostræ aditus esse possit. Etenim cum

*Adducit
adversarium
in invidiam.*

*Propositio, &
transitio ad
refutationem.*

*Refutatio
ad primum
argumen-
tum fatetur.*

imprudens sit & temerarii in re aliqua controversa maximique momenti patrem unam ponderare duntaxat & judicare tamen velle, non ego in hanc de vobis opinionem unquam abibo, ut existimem, vos orationi meae omnem aditum iudicio jam efformato preclusisse. Profecto ita vos arbitror omnes hodierna die attenta quidem sed prudenti simul mente constitisse, ut facile vestris animis nostrum Oratorem insidiari senseritis, dum gravi quadam & pomposa verborum farragine Stoicorum documenta quaedam & nobiliores eorum Sectatores produxit apud vos. Quasi vero si documentum aliquod præclarum aut virum etiam aliquem insignem Stoici jactant & extollunt, in eorum nos verba doctrinamque jurare, & propter unius aut alterius auctoritatem à communi hominum doctissimorum opinione recedere, ac in eorum scholam migrare debeamus. Certe si vix aliqui reperti sunt olim Stoici, nescio an unus possit hodie inveniri, cum interim in maxima Sectatorum multitudine doctrina regnet Peripateticorum, quorum ut autoritas maior semper apud omnes fuit quam Stoicorum; ita doctrina semper laudabilior rectiorque remansit. Veruntamen eum sita sit in ratione veritas omnis, ita illam inquiramus, ut quibus hic Stoicorum Patronus orationem suam confirmavit, excutiamus, qua in re ita vestram illam humanitatem precor, Ben. Auditores, ut si rationes omnes eius longe aberrasse à veritate ostendam, nequaquam illi credendum esse putetis; si vero opinionem vobis meam comprobabo, tantum orationi meae quantum ipsi veritati tribuat. Atque ne quam attulit orationem omnino videat aspernari, fateor illud in primis & dolorem & infamiam & cruciatus & inhonestam servitutem gravissimas causas esse, sed an tales esse dicam, quæ ad mortem violenta manu perquirendam com-

compellant eum qui se non hominem modo, sed *Corrigendo*
 virum agnoscit? Imo vero si mihi retexere fas sit *se se causas*
 sermonem, nec illas omnino causas arbitror. Est, *mortis esse*
 est impatientia, non dolor, est furor, non cruciatus, *negat.*
 est sui ipsius oblivio, non infamia. Nunquid enim *Repetitio.*
 si quis etiam in his tantis malis sese hominem me-
 minisset, humana omnia æquo animo toleranda
 putaret? Nunquid ita cogitaret, nunquam cu-
 iusquam odio mali maximum sibi malum inferre
 oportere? Iterum dico, non dolor est aliquis, non
 dedecus aut cruciatus, sed desperatio, quæ cum re-
 medium nullum admittat, furorem convertit in
 mortem. An dolor etiam vehementissimus ullus *Probatio ab*
 in mortem viri manus armaret? Non ille Attiliū *exemplis eo-*
 Regulum, non Scævola adigere potuit in que- *rum qui in*
 relam: An alias diversæ fortunæ vultus ita animum *adversitate*
 immutaret, ut in seipsum sæviret? Atqui tot illum *fortes man-*
 viri fortes ita perpassi sunt, ut nesciam an non præ- *ferre.*
 stantior in adversitate virtus eorum illuxerit quā
 dum omnia ridenti vultu in sinum illis fortuna
 congerebat. Equidem

Fortuna sævola lata negotio,

Ludum insolentem ludere pertinax,

Transmutat incertos honores,

Nunc mihi, nunc alii benigna,

*Illustratio
per Horatii
sententiam.*

Sed quid interim faciendum erit? Nunquid si
 ludat insolens fortuna, in meipsum sæviendo in-
 solescam?

Si celeres quatit,

Pennas, resigno qua dedit, & mea

Virtute me involuo, probamq;

Paxperiem sine dote quaro.

Sed non ista sapiunt omnes, non ita sapiunt illi,
 qui dum animadvertunt non omnia ad avaritiæ
 suæ, & libidinis nutum fluere, iustissimam mor-

tis esse causam arbitrantur. Sed ô quam sero pœnitent eos! eos inquam:

Qui sibi lethum

Insones peperere manu, lucemq; perosi,

Proiecere animas: quã vellent a there in alto.

Nunc & pauperiem, & duros perferre labores.

Ad 2. argumentum respondet honestiorem virtutem esse illam quam ardua quęq; superat quam mortem. Oppositio exemplorum ex dissimili.

Quamquam, inquit illi Stoici nostri, nunquid turpi vita laudabilior est mors pulchra? Sed dicant illi primum, nunquid honestior, est illa virtus, quę molesta lenit, obliqua dirigit, aspera, arduaq; complanat, quam desperatione mors quęsitā? Dicant iterum, nunquid gloriosius in exilio & egestate quondam vixit Belizarius, quam qui seipsum interfecerunt, Otto, Neroque Imperatores? Nunquid Diogenes laudabilior, qui fortunam ferendo contempsit, quam Chrysippus aut Zeno, qui fugiendo cervicem illi submiserunt? prædica quantum vis Catonem, fortem etiam & generosum appella. Nunquid tamen ita fortunę severioris aspectum perhorruit, ut se virum non agnosceret nisi tandem sese virum destrueret? Attolle Cleomenem Regem illum Spartanorum, dicere magnanimum & in dolore constanterem, nunquid etiam Tyrannum & sui tortorem appellabis? Potuit Porcia carbones haurire, sed non potuit de morte mariti dolorem perferre: potuit mori fortiter Arria, sed non potuit fortius vivere cum dolore. Ita sunt nonnulli nimium molles & delicati, qui cum in gremio fortunę sedent, rident, cum ab eiusdem amplexu remouentur, lachrymantur. Ita timent omnia & perhorrescunt, ut idem expectare fortunę non audeant, qui minis eius ad mortem adiguntur. Et si ita est (ut ad alia etiam iam accedamus) animadvertitis quam nimium sibi complacuerit Orator ille noster, dum in morte tot illorum exponenda qui sibi vitam ademerunt, longo & expolito sermone triumphavit.

Responsio ad 3. argumentum.

vit; sed nequaquam animadverterit nec pauciores nec doctrina minores extitisse, qui quidvis pati maluissent quam crudeliter sibi mortem inferre. Atque ut illud de Stoicis illis affirmem, docti illi alias, nec inficior, fuerunt, sed vere dicam & libere, hac in re desipuerunt. Rursum vero, & fortiori quasi spiritu inelamant, Inutile quandoque corpus esse, non inutilem vero animum, eoque illud esse relinquendum. Magna vox illa maior & ideo quod Senecæ vox esse credatur, Egone vero Senecam arguerim, quem sapientiæ doctorem Orbis admiratur? sit ita. Doctorem etiam & oraculum nondum orbis repurgari libenter agnosco; sed quoniam sequenda veritas est, non homo, tribuamus errores homini, & dum multa bene dixit fateamur hoc maledicto multa benedicta polluisse. Fateamur & illud non inutilem semper animum infirmo & debilitato in corpore versari. Quod si tamen ita dolor nonnunquam augeatur ut animum premat, sic existima ad experientiam datum esse, ut si molestus existat, sit utilius, si intollerabilis, non sit diu duraturus. Adiecit velut extremum forissimumque telum fortitudinis signum esse sibi manus inferre. An obsecro, quoniam viri non est erectis & im-

Ad 4. Argumentum responsio.

motis oculis utramque fortunæ faciem spectare non posse: An idcirco quia mulierum est inde oculos trepidos avertere, unde dolor potest aliquis promanare? Sed non inquis dolorem expavescunt. Si non expavit dolorem Carus, cur non ad Cæsarem confugiendum esse clamitabat? cur non una filium secum occidit, ut cum Torquato tantæ gloriæ societatem adiret? Sed scilicet sint illi Seipsum occidere timides, sint illi vero imbecilles & timidi, qui ferunt eosdem, & ferendo diratus est fortunam occidunt. Videor jam Auditores procellas omnes & fluctus, quos turbo quidam orationis adversæ concitavit, reducta veritatis

Ad 5. Argumentum responsio.

se-

- Confirmatio.* serenitate composuisse, restat illud ut quoniam jam in terra pedem ponimus, non minus ipso veritatis sole fruamur, quam opinionis falsæ nebulis nonnihil fuimus perturbati. Dicamus ergo
- Primum argumentum ab experientia & simili.* & nos aliquid, & si nihil notius experientia certiusque homines arbitrantur, ab hac quoque difficultatis hujus veritatem exquiramus. Profecto si qui solent ab Imperatoribus Orbis huius ad alicuius loci custodiam deputari sine jussu ac mandato ab eo sese remove non possint, credendum est omnino neminem ex hoc corpore liberare sese posse, nisi mandatum accedat cœlestis ? illius Imperatoris, à quo & in hoc corpore constitui- mur, & cui tanto plus obedientiæ debemus, quanto major est homine Deus. Scio jam constrictas rationis huius veritate cogitationes vestras teneri, sed oblivisci non possum militis illius qui sub Stephano Columnensi stipendia merens, singulari fortitudine constantiaque & in omnem posteritatem nomen suum disseminavit, & in orbis universi luce, quanti essent facienda Imperatorum Imperia declaravit. Constitutus ad custodiam cuiusdam turris erat, & jam cuniculis factis ignibusque adnotis ruinam minitabatur ; diffugerant commilitones, discrimen erat & vitæ periculum proximum ; quid ageret ? quo se verteret ? illine hostium impetus urgebat, ut discederet, hinc Ducis imperium, ut maneret. Mansit igitur generosissimi miles animi, nec à statione, in qua tandem vitam reliquit, nisi revocaretur, recedere cogitavit. Et adhuc quisquam erit, qui evolandum sibi ex hac corporis statione putabit, quem non inde cœlestis Imperatoris voluntas revocabit ? Nunquid qui potestatis alicuius imperio in carcerem detruduntur, non prius inde diffugere possunt, quam quæ clausit potestas abire permittat ? Neque enim furtivo poena discesa vitatur, sed crescit. Nunquid mihi invito
- ua-

anquam domino vel auferendum est vel è loco movendum? Et nos in Dei potestate sumus, sub eius tutela respiramus, omnes eius providentia gubernamur? veruntamen ut ab experientia non recedam, unde huius veritatis initium deduxi, si crimine carere non potest, qui mancipio alieno vitam extorquet, reus erit & ille qui domino non iubente violenta sibi manu mortem consciverit. Neque enim, ut etiam supra fulgus aliquid dicamus, anima corpus, sed animam deferere corpus debet, cum scilicet iam expletis annorum suorum numeris ita deficit, ut retinere vitam amplius non possit; cuius ratione veritatis Poeta compulsus prudenter exclamat:

Explebo numerum, reddamq; tenebris.

Quid? quod ita homo in hoc orbe sit constitutus, ut pro viribus operari debeat, & à Creatore mercedem expectare? Quod cum ita sit, non præcipitandus est ad finem labor, sed dum licet urgendus ac deducendus, ut maior mercedis accessio fiat. Quid? quod qui in seipsos sævientes sibi vitam adimunt, & in authorem naturæ & in Rempubl. sunt injuriosi? Neque dubium esse potest, cum & cœlestis Imperatoris subditum sine mandato & Reipubl. membrum sine consensu rescindant. Unde etiam hominibus illis tanquam in Rempubl. injuriosis justissima pœna constituta est, ut eorum scilicet corpora tanquam, quæ comuni sepultura sint indigna, passim inhumata relinquantur. Quid iterum, quod hi homines tantum in se rabie feritateque consurgentes id assequuntur, ut in cœlos pervenire nunquam possint? Neque hoc ita dico, quoniam religionis nostræ veritas id affirmat. Affirmant id Ethnici quoque; Audite M. Tullium in illo præclarissimo Scipionis somno; ubi Paulus Æmilius jam tum agens inter divos ita Scipionem alloquitur: Nisi enim cum Deus istis te corporis custodiis libe-

*Secundum
argumen-
tum ab au-
toritate iuris
communis.
Commutatio*

*3. Argum-
entum ab hominis
fine.*

*Varia argu-
menta per
præteritio-
nem.*

Præteritio.

beraverit : huc tibi (ad cælum putat) aditus pate-
re non potest. Sed cum illud minime sit obscu-
rum, apud nos, quid opus est novam aliquam ra-
tionis faciem in clarissima veritatis luce accende-
re ? prætereamus & illud quod cum Principum
Regumque decretis prohibita sint duella, & huic
Principum voluntati hominum omnium com-
muni auctoritate sit aggregata voluntas, utique &
communi mortalium omnium opinione, & Mo-
narcharum justissimarum auctoritate nefas est o-
mnino sibi manus inferre. Sed fortassis nimis
multa, ubi erroribus discussis satis ipsa jam per se
veritas elucet. Quapropter si recedere ab hac
statione vitæ non possumus, si reus est qui sub-
ditum alienum occidit, si expectandus est vitæ fi-
nis non quærendus, si divina datur autoritas, &
Respublica, cum iniussus quis excedit è vita, nec
optato potiri sine potest unquam, ita credamus &
statuamus, nunquam omnino virum fortem &
generosum violentas sibi manus inferre posse, aut
debere. DIXI.

*Repetitio.**Confirmatio*
*nm.**Explicatio*
sententia.

DELIBERATIO DE PERE- GRINATIONE.

Adolescens Reipubl. Alumnus à
Magistratu, ut peregrinari
possit, continere.

Exorditur ab
officio grati
adolescentis.
Ratio à con-
ditione eius.

SI quid est, quod in terris secundum Deum
amare, inquam oculis habere perpetuo de-
beam, Proceres Ornatissimi, Amplissimique
nostra est humanitas ingens & admirabilis omni-
no munificentia. Etenim cum obscuris oriun-
dum natalibus essem, quorum fortuna condi-

zioq; vitz vix ab egestate distaret, adoptastis me in tutelam curamq; vestram, ut Reipubl. filius videre, eosq; benignitatis vestrz favores hunc in sinum meum effudistis, ut vivere me non tantum honestissimeque vivere velletis, verum etiam artium optimarum studiis adornare. Peregrinaque vestra illa benignitate, Proceres Amplissimi studiorum in hac urbe nostra patriaq; decursum & aliquam, quam in me placere vobis, vehementer laetor, eruditionem sum adeptus. Vnde vobis, quoniam in hunc vestrum aspectum sum admissus, Proceres Amplissimi, & hoc pectus beneficii nostri memoria perfodit, gratias, quos concipere dicereq; possum, habeo dicoq;. Quod si hæreat in gratiis dicendis lingua (nam me vestra humanitas confundit) animus perpetua recordatione linguæ defectum supplebit. Quanquam quid mihi benignus ille vester aspectus promittit? quo rursus invitat humanitas? An ut beneficium iterum aliud exposcam à vobis, qui me muneribus innumeris hætenus cumulavistis? Non possum benignitatis vestrz fontes occludere, quos apertos mihi semper esse vestra humanitas decernit. Permittite igitur, Ornatissimi Prudentissimiq; Proceres, ut qui hætenus vestra in urbe crevi, regiones exteras invisam, & ad vos aliquando collecta prudentia maturior perfectiorque revertar. Non impello petitionis meæ rationes; loquor apud eos, qui mihi parentum dominorumque sunt loco tantum oro, obtestorque.

DIXI.

☞) : (☞

*Gratias agit**Petit peregrinandi facultatem*

DELI.

DELIBERATIO MAGISTRATVS.

ORATIO I.

Præsidis.

*Exorditur à
laudatione
gratitudinis
eius.*

*Laudat pe-
titionem eius.*

*Dubiam ra-
men facit il-
lam.*

*Exquirat
sententias
Senatorum.*

Generositatem illam tuam, & excitatam indolem iuvat intueri, O Adolescens, hæc tibi verecundiam istam gratitudinemque suppeditat, illa tuum animum honestissimæ petitionis ardore succendit. Age igitur, gratum est, quod erga nos te gratum intueamur. Placet animus iam spei magnæ conscius ad maximæ sublimiaque contendens. Nimirum imitari cupis iuvenes illos Romanos, qui ut ad Rempub. pararentur in Græciam Massiliamque tanquam ad Emporia scientiarum à parentibus ablegabantur, ut inde aliquando ad Rempub. idonei reverterentur. Nimirum multa videndo ipse, & audiendo sapere supra vulgus exoptas, & quies à Rep. ad Reip. spem educatus patriæ tuæ præstare te virum peregrinando contendis. Nescio, an quod veterum quidam dixit, audiveris aliquando. Cui peregrinatio dulcis, patriam non amat; si dulcis patria, amara peregrinatio est. Certe quemadmodum nascuntur in patria patriæ conservatores, ita crescunt in illa. Quam multi varias adeunt regiones, & exoticos peregrinosque secum mores exportant? Nondum tamen tuum animum deponere, retine affectum tuum, ibo per singulos, & magistratus, pro te voluntatem exquiram. Si quid ergo iudicii sit in te, qui Princeps es Magistratus, quoniam iam adolescentem audivisti, deprome.

ORA-

ORATIO II.
PRIMI DELIBE-
RANTIS.

Suscipiendam esse adolescenti peregrinationem.

Non ignoratis, Amplissimi Viri, cum qui aliquando in Reipub. gubernaculis, inque quorum vestigiis maiorum versari cupit, ut in eo tanquam in fortissimo praesidio ac tutela Patriæ spes, una recumbat, & à quo in angustiis auxilium, atque in adversitatibus salus certa petatur, eruditum & multarum rerum peritum esse oportere. Equis vero, qui perpetuo domi delitescer, nullas externas regiones adibit, nullas Academiæ alias atque urbes frequentabit, eam sibi in patria promitter eruditionem, peritiamque præclarorum virorum vestigia premere cum honore & gloria, ac deinde cum utilitate Rempub. possit administrare? Ne ego nullam adeo felicem in terris regionem esse puto, cui non aliquid vel ad necessitatem, vel ad cultum desit.

Hic segetes, illic veniunt felicius uva:

India mittit ebur, molles sua thura Sabai.

Neque etiam adeo beata est ulla regio, quæ felicissima omnia ingenia includat, sinuque suo sapientiæ stirpes omnes comprehendat: sparsa illa sunt per orbem, & varias diversissimasque terras illustrent. Habet Italia, quos admiramur; habet Hispania, quos suspicimus; vivunt in Germania qui immortalitate sunt digni; vivunt, in Gallia, qui cum aliquando morientur, semper tamen vivunt immortales. Quantum profuit Ciceroni in

Rho-

*Exorditur
à conditione
eius, qui pa-
tria utilis est
futurus.*

*Eruditionem
peregrinando
acquiri.*

Exempla.

*Sententia
qua petitio
ni adolescen-
tibus annuit.*

Rhodo insula Moloni recoquendum, refingen-
dumque sese dedisse? Quam gloriosum Anacharsi
fuit, ab extrema Scythi in Græciam Philosophiæ
causa ad Solonem contendisse? Quam Romanis
utile fuit è Græcia mores ac leges accessivisse? Quam
ad sempiternam sæculorum omnium me-
moriæ illustræ Sabæorum reginæ, vel ex locis re-
motissimas Salomonem petivisse? Placet mihi A-
dolescentis huius nostri desiderium; expediat ali-
quando sese è patriæ sinu, & in lucem regionum
cæterarum irrumpat; crescat in Academiis urbi-
busque aliis; à doctis doctrinam, ab urbibus bene
constitutis morum disciplinam reportet, & ad no-
stram aliquando Remp. prudentior revertatur.
Ita sentio, & ut publico sumptu dimittatur, om-
nino iudico DIXI.

O R A T I O III. S E C V N D I D E L I B E - R A N T I S.

*Suscipiendam esse adolescenti pere-
grinationem.*

*Exorditur
assentiendo
dictæ senten-
tiæ.
Peregrinan-
do authori-
tatem ac-
quiri.
Ratio per
similitudinem.*

EQuidem aliud in adolescente requiram,
sed non tamen, à sententia jam dicta disce-
dam. Aspirat igitur ad Remp. adolescens,
& aliquando prodesse patriæ suæ gubernando con-
tendit? In eo sit oportet authoritas & gratia.
Quid est vero authoritas illa, nisi quædam con-
sentiens bonorum omnium de virtute ac erudi-
tione æstimatio? Et quotusquisque æstimatio-
nem illam sui per diversas dispergit oras, qui
non secus in patria, quam in concha testudo deli-
tescit? qui vix plures perambulat regiones, quam
anno

uno solari die Limax pererrat? qui vix ulterius a domo paterna pedem, ponit, quam ab antro suo formica recedit? Ille, ille authoritatem sibi perquisit, qui plures perlustrat regiones, quam alii pictas unquam viderunt; cum pluribus nationib. familiarissime conversatus est, quam alii loquentes audiverunt; plures callet linguas, quam alii legerunt plurium gentium instituta moresque didicit, quã alii per rumores, intellexerunt. Ille, inquam, ille sibi virtutem istam comparat, quam authoritatem appellam, qui nulla pericula reformidat, qui tales sibi opes ac thesauros acquirit, quos nullus fortunæ casus evertet, cui nihil iucundius, quam peregrinari, quam exterorum mores ac consuetudines observare; quem nulla patriæ parentumque blandimenta domi tenent, aut voluptatum illecebræ remorantur. Quis est qui non talem deprædicet? in oculis habeat? sermone circumferat, quis est qui non amet, admirandum? admiretur colendum? colat Reipub. utilissimum? Nemo illos reveretur, qui cochlearum instar in patria delitescunt, nulla illi sunt in authoritate, qui patrios tantum caret viderunt; nullam gratiam obtinent apud probos, qui suæ tantum urbis mores corruptos sæpe moverunt. Vale, Adolescens nam fiesentio, & si gratiam patriæ tuæ referre cupis, non hic sed alibi præstare virum, ut ad Rempubl. aliquando cum authoritate gratiaque vir accedas.

Sumptus etiam fortasse desideras? Vtere benignitate nostra, concedo.

DIXI.



ORA-

Conduplicatio.

Translatio.

Effectus peregrinationis.

Gradatio.

Sententia qua annuit petitioni adolescentis.

ORATIO IV.
TERTII DELIBERANTIS.

*Suscipiendam non esse adolescenti
peregrinationem.*

*Exorditur
excusando se
& laudan-
do adolescen-
tem.*

*Proponit pe-
regrinandi
non esse.
Probat ex-
emplis.*

*Item dictio
praesidis.*

*Praoccupatio ex sen-
tentia iam
dicta.*

Videri soleat odisse nonnunquam, quæ petita non concedunt. Non odi te, quem multum amo, Adolescens, Germen es Reipubl. nostræ manu confitum, cura exculrum, fauore irrigatum, & si iam furculus es aliquis, in arborem aliquam tandem evades. Ego vero è Reipubl. sinu te eiiciam? in exteraste regiones ablegem? Veneror illam Lacedæmoniorum disciplinam, quam illi ita diligenter observarunt, ut nemini foras progredi, vel à patria sua peregrinando recedere fas esse vellent. Laudo semper præclarissimum Atheniensium institutum, qui suos cives à Mari tanquam ab improbitatis magistro semper abduxerunt. Ita enim veteres illi peregrinationem improbarunt ut Rerumpub. pestem esse arbitrarentur. Dixit paulo ante Præses Cui peregrinatio dulcis, patriam non amat; Si dulcis patria, amara peregrinatio est. Si patriam amas cur peregrinationis te tantopere desiderium invasit? Audio, eruditionem reportabis, & prudentior maturiorque redibis. Nescio an non etiam corruptior, sed tibi cur huius urbis iam collegia doctique vilescunt? Si in huius Academiae horto scientiarum omnium tibi flores colligere licet, cur tot sumptibus tantisque periculis, quod habere hic potes, aliunde reportare contendis? Ad authoritatem colligendam abi-
bis,

his; Nimirum non apud alios æstimari cupis, qui nobiscum vivere, & inter nos mori votum habes. Ibi quaerenda est authoritas, ubi imperandum; ibi concilianda sibi gratia, ubi vivendum. *Sententia qua retinendum adolescentem in-* *dis at.* Videntis, quid Proceres contendam, amo adolescentem & adolescentem cupio retinere; crescat in oculis nostris, discat mores nostras, ita nobis semper placebit; ita nostram urbem discet à nobis gubernare, DIXI.

ORATIO V. QUARTI DELIBERANTIS.

Suscipiendam esse adolescenti peregrinationem.

Virtutem cum in omnibus, tum in Magistratibus potissimum requiri, nemo unquam dubitavit, qui vel solem potuit intueri, & necessariam in eo lucem videre, à quo omnia lucem astra mutuantur. *Exorditur à se ipsa & sententia expositione.* Quis est, enim, qui non Magistratum solem esse Reipub. dicat, à cuius luce, hoc est virtute, cives omnes illustrentur? Quod cum ita sit, & virtutem morumque probitatem, qui admonendus est ad Reipub gubernacula requirat, abi, Adolescens, per me licet; recede à Patria tua aliquando, ut ad eam cum virtute gubernandam revertaris, & civibus tuis morum aliquam probitatem reports. *Peregrinando virtutem & probitatem acquiri.* Speciosa est eruditio, & ad ornatum Reipub. sed necessaria est probitas ad salutem Reip. Abi, rursus dico, Adolescens. probitatis & virtutis exempla apud externos illustria reperies, ipso aspectu tuus animus attolletur, & seipso quasi grandior existet, visa-

Probat exemplis.

Vita peregrinando deponuntur.

Concludit repetitione sententia.

visaque toties aliena virtute ac gloria, ipse ad vera virtutis & gloriæ cupiditatem exardescas. Cur obsecro tanto olim sumptum ad Olympica certamina iuvenes dimittebantur, nisi ut omnium virtutum exempla videntes ad imitationem inflammarentur? Ita cum tibi in excellentium virorum familiaritatem venire continget (quæ ipsorum est humanitas) quanta sese tibi proficiendi, virtutumq; discendi variis occasio offerret? Quot ex unius Socratis conversatione ad frugem revocatos non solum doctiores, sed etiam meliores legimus abivisse? Quot ex Lelii Scipionisque consortio? quot ex aliis? Ecquis vero neget externam quandam elegantiam, & laudabilem comitatem apud exteros comparari? Quis Scyta non mitesceret cum Anacharsi? Quis non apud politiores illas gentes animadverteret quid deceat in cultu, quid in vestitu, quid in actionibus? quæ venetes ac lepores in sermone gustuque conveniant? Vere mihi Gymnasium quoddam peregrinatio videtur, in quo vi & via quadam tacita præclarissimæ virtutes accrescunt. Hic illa mollieties animi deponitur, & per diversas itinerum molestias expugnatur hic morositas exiit, humanitas assumitur, affabilitas & placabilitas exercentur. Non plura dicam, eat tamen & publico sumptu peregrinetur adolescens.

DIXI.

* *

ORA.

ORATIO VI.
 QUINTI DELIBERANTIS.

Suscipiendam esse adolescenti peregrinationem.

M Iratus sum persæpe, Prudentissimi Proceres unde prudentiam illam. Civilem Aristoteles unicum naturæ miraculum, haussisset, quam suis politicorum libris perfectissimam & absolutissimam est complexus, verum posteaquam intellexi peregrinando regiones illū quamplurimas obiisse, & ducentas quinquaginta politias accurate descripsisse, desii aliquando mirari atq; ut credidi neminem nisi peregrinando politicum esse posse. Prudenter proinde Plato peregrinationem suscipiendam esse monet, ut aliorum moribus perspectis, patriæ leges corrigantur, augeantur, illustrentur. Prudenter quoque Veneti, quamvis à Rep. sapientissime instituta laudentur ubique, legatos suos apud exteras gentes habent, qui omnia in Rebusp notatu digna diligenter observant, & ad patres accurate perscribunt. Quisquamne Hebræorum duce & legislatore Moyse sapientior unquam fuit? ille tamen administrandæ Reip. judiciorumque obeundorum rationem commodiorem à Tethrone socero suo, homine peregrino non solum audivit, sed etiam cum fructu accepit ac probavit. Nimirum videnda, audienda, conquirenda sunt talia apud exteros, conferenda & diiudicanda. Erunt, quæ discantur ab ævo usuque provectis erunt, quæ notentur de luxu civitatum quarundam ap-

*Exorditur
ab exemplo
Aristotelis.*

*Peregrinando
prudentiam
politicam
acquiri.*

*Item ratio-
ne.*

*Concludit
affertendo.*

ad perniciem, de instituto aliarum ad salutem, de moribus plurimarum ad disciplinam. Docebant in via socii, in exulis hospites, in hospitibus caupones. Novas historias mirari licebit & ad prudentiam annotare; elegantiam subinde novam fas erit ad usum transferre. Non ego te retineam, Adolescens, imitare Lycurgum, qui, ut legibus Remp. suam fundaret, in Cretam & Ægyptum est profectus, Multa invenies apud exteros instituta vitæ, quæ notabis. Ita fac, & nostro sumptu, quem tibi quoque decerno, dignus aliquando redi. DIXI.

ORATIO VII. SEXTI DELIBERANTIS.

Suscipiendam esse adolescenti peregrinationem.

*Exorditur à
refutatione
contraria
sententia.*

*Proposito &
sententia.*

Probat exemplis.

SVnt equidem nulli, qui magnis, ut arbitrantur, exemplis peregrinationem contemnant. Nunquid, inquiunt, Socrates Athenis pedem nunquam extulit? nunquid Ælianus, nunquam Italia? nunquid Pomponius lætus nunquam Roma? Ego vero, Proceres, nondum istis commoveor & vobiscum adhuc adolescentem, hunc nostrum libenter dimitto. Imitetur Vlysses unicum humanæ prudentiæ speculum, & errando per varias oras, varium se cum variis fingendo, fiat nobis alter Vlysses. Non dico imitetur Solonem, Platonem, Pythagoram, Aristotelem, alios ævi illius Gentilis innumeros vel Æroas vel Argonautas: imitetur vero Sanctissimos Patriarchas; Noe, Abrahamum, Isaacum, Iacobum,

ca-

ceterosque quorum peregrinatio tantum fuit. Imitetur fortissimos Duces & Principes, Moysen, Iosuem, Davidem, & hanc Vitam nostram peregrinationem esse perdiscat; hunc mundum non habitandi locum, sed commorandi diversorium esse. Vere tu peregrinatio Lux es vitæ, procreatrix morum honestissimorum, conciliatrix virtutum præstantissimorum. Tu eruditionis ac sapientię conquiendæ viam aperis; tu mecum ac vitæ disciplinam tradis. Sed eos hæc omnia, Proceres Dixistis; ego vero illud affirmo perspectis aliorum moribus legibusque meliores effici cives, cautioreque reddi. Ego, inquam, illud dico peregrinatione rerum omnium usum acquiri, quo neglecto nulla administratio procedet. Habe igitur, O Adolescens, vocem hanc meam petitioni suffragantem, vade peregrinare, viros maximos, & illustrissimos imitare; nihil tibi nostra benignitas neget, quam ista gratitudine tua meruisti. DIXI.

Amplificatio a definitionibus conglobatis.

Concluditur assentiendo.

ORATIO VIII.

Præsidis.

Lætor, O Adolescens tuam illam petitionem honestam iis esse visam, quibus placere debuisti. Ibis ergo, nam & ego tibi suffragari volo; peregrinaberis, ut petis sumptibus nostris uteris, & alibi quoque noster eris. Audi tamen, ut cum fructu peregrineris, Et mansisse diu turpe est, vacuumque reverti. Non cum, Æsthine redeas, qui in Alexandri Magni aula tantum ejus saltationes notarat; Non cum adolescente illo revertaris, qui sylvas, montes, fluvios, campos, peregrinando se vidisse gaudebat, Peregrinaberis cum pugillaribus, instituta ac

Adiungit suam sententiam præses.

Addit mentiones.

Docet modum peregrinandi

N

mo.

mores notabis, illustria quæcunque observabis, ab ore doctorum sæpe dependebas & vestigia premeſ; non cuivis dexteram porriges; vitabis adulatores, reiicies istos commodorum non laborum ſedales. Verbo concludam, ita peregrinare, ut tibi quod cuidam, obſcui non poſſit Angelus Ruſticus in Italiam profeſtus eſt, Urbanus diabolus in patriam reverſus eſt. Vides Reipublicæ in te benignitatem, vive gratus Reipublicæ.

A D O L E S C E N S G R A T I A S A G I T.

NEc veſtra fortuna, Proceres Ampliſſimi, remunerationem deſiderat, nec noſtra ſuggerit remunerandi facultatem. Privatorum iſta copia eſt, inter ſeſe eſſe munificos, Veſtra beneficia, ut magnitudine præcellunt, ita mutuum non re-poſcunt. Quod ſolum igitur noſtræ opis eſt, gratias ago verum ita ut apud Deum fieri ſolet, ſentiendo copioſius, quam loquendo. Veſtri beneficii in ore laudationem, in corde obligationem per petuo geſtabo.



ILLVSTRIS
D. ADAMI KALINOVVSKI
POLONI.
ORATIO
DE IMPERATORE
Sen
BELLI DVCE.

Divus ille Plato, quem Antiquitas veneranda Philosophorum Deum appellavit, Ornatiſſimi & Humaniffimi Auditores, Rempu.
unamquamque, ac præcipuum maximumque Principis alicuius aut, Regis officium duabus rebus conſiſtere, Regibus nimirum & Armis, indicabat. Ac legibus quidem, quæ pacis tempore promulgantur, ut in officio boni contineantur, ad Rempubl. improbi arceantur, condignis honoribus bene meriti afficiantur: Armis vero, ut ab hostis iniuriâ impreſſioneque cum Civitas, tum univerſa Patria ſalus omnium, ac tranquillitas defendatur. Vnde manifeſtum eſt unicuique belli Ducem, ſeu Armorum Moderatorem velut alteram Reipublicæ columnam eſſe, qua ſublata, corruat ipſa omnino neceſſe eſt: imo vero Civitas ac Regni murum, vallumque, nec male fortas Reipublicæ Manum appellandum eſſe. Adeo ut in Imperatore ſupra cæteros homines aliquid amplius ſit, quod animadvertens prudentiſſimus ille Poeta:

*Exordium
authoritate
Platonis ſeu
diſto.*

Applicatio

*Neceſſitas
belli Ducis.*

*Res, inquit gerere & captos oſtendere civibus
hostes,*

Attingit ſolitum Iovis, & cæleſtia tentat.

N. 2

Quid

Quidenim, obsecro, admirabilius est, imo quid divinius, ad æternam posteritatis memoriam, quam unum hominem, cumque, qui exercitui ingenti præsit, medias inter acies invictum stare; virtutis & ignaviæ uniuscuiusque arbitrium se præbere? nunc dextrum lavumque cornu acriter & constanter defendere, nunc fugientibus obsistere, nonnunquam acies turbatas restituere, semper fere voce ac manu singulis adesse, universis vero consilio prodesse, hostem denique profligare, evertere, subiugare? Atque cum ea sit Imperatoris in Rep. dignitas, nemo est, qui non illum Reipublicæ per quam esse necessarium iudicabit, cum profecto nequaquam sit satis innumeros & immensos esse in Republica exercitus, nisi eorundem Dux aliquis sit cum virtute sua illustris, tum Reipublicæ autoritate armatus. Vidit hoc & intellexit Gabrias ille Atheniensis, atque idcirco reformidandum magis cervorum exercitum Leone Duce, quam Leonum cervo Duce affirmabat. Vidit etiam & intellexit Iulius Cæsar, ille Imperatorum Imperator, veræ Virtutis alumnus & Fortunæ delitium, ideoque cum in Hispaniam adversus Petreium proficisceretur, non magni eum se facere aiebat, quod cum exercitu sine Duce conflicturus esset. Et sane quemadmodum sine gubernatore remiges, non nisi in scopulos atque in apertum naufragium navem ipsam suo robore & inconditis luribus impellunt; ita sine Imperatore milites aut ipsam belli molem non permovent, aut in perniciem atq; exitium protrudunt. Sed fortassis iam in ipso dictionis nostræ portu aberro; neque enim de Imperatoris ac Belli Ducis necessitate differendum esse hodierna die constitui, sed eum, si quo possim adolescentis Eloquentiæ penicillo adumbrare tantum, aut profecto, si sperare ausim amplius, vivis coloribus adornatum & per-

*Propositio
cum corre-
ptione.*

perfectum repræsentare. Video iam erectos animos vestros ad hanc nostram de Imperatore vo- *Conciliatio*
cem, Ornatissimi **AVDITORES**, agite vero vos *auditorum.*
ipsi, quemnam tandem, aut ex prisco illo ævo,
aut ex hac nostra ætate, si non oculis coram u-
surpare, ac animis intueri desideratis? An ma-
gnum illum nomine reque ipsa Alexandrum? u-
sinam liceret. An prudentissimum iuxta & for-
rissimum Pyrrhum? Vellem sane. An fulminan-
tem Italiæ terrorem Hannibalem? Eum ipsum o-
ptarem. Concipite tamen quem vultis, Ornatiss.
AVDITORES, ego, quæ in perfectissimo Belli
Duce requiri iudicavero, quantum assequi ora-
tione potero, declarabo. Nolite vero expectare,
ut illi vestræ de me expectationi respondeam,
neque enim nisi summi Oratoris est, summum
Imperatorem describere; enitar tamen, ut quo-
niam tanta animorum benevolentia conantem
aliquid Eloquentiam nostram complecti parati
estis, suscepti oneris magnitudini non succum-
bam.

Leo Imperator, Ornatissimi **AVDITORES**, *Confirmatio*
cum omnia Reipub. momenta in excellenti posita *Adiuncta*
esse Imperatore ac Belli Duce non ignoraret, cum *belli Ducis.*
ralem esse mandabat, qui corpore continens, vi-
ctu temperans, sobrius, vigilans, frugi, in rebus
necessariis minime profusus, in laboriosis nego-
riis assiduus, circumspectus ac prudens, pecuniæ
despiciens, famæ commendatione honestus, ne-
que iuvenis, neque ætate ingravesens, habilis ad
dicendum ex tempore in media hominum fre-
quentiæ, denique generoso tum animo, tum cor-
pore, ac rebus in omnibus magnanimo esset. Quæ
sane omnia etsi non inficias eam tanto in viro
per quam esse necessaria, ut eo hostibus insultan-
tibus opposito tanquam Reipubl. scuto quodam
cæteri omnes communem hanc auram secure re-
spirent, & respirantes de potenti improbitate
N. 3. trium

Virtutes in belli Duce requisita, Partitio orationis. triumphent, ego tamen sic existimo, cum legitimum Belli Ducem esse, in quo Scientia rei Militaris, Virtus egregia. Providentia sagax, Auctoritas absoluta, Fortuna felix & favens: quibus quinque notis ac signis universum dictionis huius ambitum tanquam cancellis quibusdam circumscribam.

Scientia rei militaris in belli Duce. Atque in primis ita rebus in omnibus comparsatum esse videmus, ut qui gloriosam dignitatis alicuius excelsæ molem suppositis numeris sustinere præsumunt, eiusque munus cum laude sua ac fama obire contendunt, illius perfectam primum peritiam ac notitiam sibi debeant comparare. Quo cum in omnibus aliis clarissime usus ipse demonstraret, tum in navium gubernatoribus, quibus nunquam gubernanda in alto mari navis traditur, nisi prius omnem maris ventorum, tempestatum rationem perspectam, atque adeo rei nauticæ universæ perfectissimam cognitionem sine consecuti. Iam ergo cura is sit Imperator, cui aliquando universæ Reipubl. salus est committenda, quis est, qui non talem esse debere iudicabit, qui artis suæ sit gnarus, usuque longo militiam ipsam combiberit? talem, inquam, qui pueritiam militiæ rudimentis imbuerit, adolescentiam belli cursibus atque laboribus exercuerit, ineuntem inventutem susceptis præliis corroborarit, victoriis ac trophæis excitarit? Dicam cum tacendo

Probatur simili.

Ab authoritate Taciti. nunquam Tacito. Qui plures provincias stipendia expleverit: qui noverit, quis ordo sit agminis, quæ cura explorandi, quantus urgendo trahendove bello sit modus; qui cum hostibus sæpe conflixerit, cum inimicis semper concertarit, bella agendo non legendo gesserit, provincias non cogitando, sed perambulando in armis consecerit; adeo ut nullum sit belli genus, non terrestre, non navale, non externum, non internum, non defensorium, non vindicatorium, in quo

quo illum non universæ Patriæ fortuna exercuerit, dico etiam illustrarit. Et vero quanta est universæ Reip. confidentia? quanta securitas? quanta tranquillitas, cum eum se Imperatorem ac belli Ducem non tam scit habere, quam sentit, cuius scientiam nulla res omnino, quæ quidem posita sit in usu militari, fugere potest. Si potentiam ingentem hostis ostendet, scit eludere; si vastationibus ac depopulationibus grassetur, scit reprimere; si maioribus viribus insulget, scit prudentia solertiaque superare. Non ignorat insidiarum modos; astutus est; non terretur eventu nonnunquam adverso; secundatum enim rerum ambiguarumque sciens est, eoque interritus. Vna est rei militaris scientia, quæ verum facit Imperatorem: unus est scientiæ militaris acquirendæ modus militare. Ut enim vetus est verbum summa cum veritate conjunctum, nescire eum recte imperare, qui non didicerit parere, ita plane nec exercitum regere novit, qui militare non prius didicerit. Apage apage istos (quosnam vero dicam?) Ambitionis istos, non Martis alumnos, qui non militare, sed imperare; non sub armis sudare, sed arma jubere; non stipendia mereri, sed dare concupiscunt. O sane non fortunatæ Respublicæ illæ, quæ habent Imperatores, quos milites nunquam viderunt! Non ignorabat hoc exercitissimus ille belli Dux Sertorius, cui etsi Reipublicæ fortuna non favit, eius tamen laudibus nihil posteritas detraxit. Is cum in Hispaniam contra se Cneum Pompeium adhuc pene imberbem & adolescentulum videret, indignatus primo, quod suæ virtuti non par adversarius adesset, contempsit; deinde etiam cum instaret ille, & armis arma ultro provocaret. Ego, inquit, juvenem istum castigatum domum remittam. Nimirum, quem juvenem adhuc intuebatur, ab eo rei militaris scientiam ab-

A confidentia Reipub.

Modus acquirendi scientiam rei militari.

Authoritas Sertorii.

Repetitio.

esse iudicabat, hanc in quo non reperiebat, contemnendum ac reiiciendum esse censebat. Illa est scientia militaris, quæ imperterritum reddit, & adversus casus omnes audacem, ut non immerito dixerit ille apud Livium, non temere adversa casuum eum reputare, quem fortuna nunquam deceperit. Illa est, quæ ubi animum instruxit, ardentior est manus; ubi mentem occupavit, ferventius est pectus. Quot sunt excellentissimi Heroes? quot egregii Imperatores, qui hodie (quid dico hodie?) qui omnium sæculorum atque ætatum famam præclarissima cum laude sua ita impulerunt, ut inter homines supra homines fuerint; ab hominibus ubi recesserunt, Dii potius quam homines sunt visi? Obsecro, an quia potentia præcellentes? Parum potentia potest, si prudentia non regatur; an quia robore ac viribus invicti? etiam validissimum invalidum est, si scientia careat robur. Quamobrem ergo? quia nimirum in re militari nihil omnino ignorabant, adeo ut multo potius sit Ducis ingenium in bello, quam manus. Verum enimvero non eum tantum Imperatorem volo, qui rei militaris scientiam ostenter, sed qui, ut ille apud Livium dicere possit, Facta, non dicta mea vos milites sequi volo, nec disciplinam modo, sed exemplum etiam à me petere. Quid igitur est, Ornatissimi AUDITORES, quod amplius in Imperatore requiro? Requiro virtutem: neque enim egregia illa Imperatoris facta, à scientia tantum rei militaris, sed à Virtute quoque proficiuntur. Bipartitam illam, corporis animique faciamus, & ordine procedamus. Num forte negotium occurrit? adsit laboriosus: num periculum præ foribus est? consistat fortis: num aliquid est agendum? industrius sese ostendat: num aliquid conficiendum? celeritate utatur: num aliquid providendum? consilium promptum habeat, imitetur gloriosissimum illum

*Communicatio.**Virtus in belli Duce.**Transitio. cum distributione.**Subiectio.*

Imperatorem Iulium Cæsarem, qui, si Tranquil- *Illustratio*
lo credam, laboris ultra fidem patiens erat, & *ab exemplis*
in agmine nonnunquam in equo, sæpius pedibus *1. Cæsaris*
anteibat, capite detecto, seu sol, seu imber esset. *Agésilas.*
Audiat Agésilauum, Lacedæmoniorum illum Re-
gem, qui Imperatorem decere potius aiebat, ut
tolerantia, quam mollitie privatis hominibus
præstaret. Atque, ut de illo Xenophon attestatur,
si quandoque usu veniret, ut laborandum exerci-
tui esset, sponte sua supra cæteros laborabat, quod
arbitratur eiusmodi omnia militibus esse solario,
Nimirum

————— *Tum promptius ibunt*

Te socio, cum conspicuus, gratusq; geretur

Sub te teste labor.

Adeo necesse est, ut Dux ipse plerumque in ope-
re, in agmine gregatio militi mixtus sit, incorru-
pto semper Ducis honore, quique ausit

----- *Primus sumpsisse labores,*

Primus iter carpsisse pedes.

Quid dicam nunc de bellandi promptitudine? *Subiectio.*
sed hæc in labore consistit: quid de constantia?
hanc complectitur fortitudo: quid de singulari
rerum omnium. expeditione? in industria hæc
posita est. Quamquam non illa solum bellandi
virtus in summo atque perfecto Imperatore, qua-
renda est, sed multæ sunt partes eximix, huius
administræ comitesque Virtutis. Quanta igitur *Alia virtu-*
(ut Marci Tullii verbis utar) quanta innocentia *tes requisita*
debent esse Imperatores? quanta omnibus in re-
bus temperantia? quanta fide? quanta facilita-
te? quanta humanitate? Quæ certe nisi omnia
aut pleraque habeat, non ego possum Imperato-
rem in aliquo numero putare. Nihil dicamus *Innocentia.*
nunc de innocentia, quam profecto qui in Impe-
ratore negaret, non eum Reipublicæ Ducem, sed
publicum & armatum esse latronem iudicaret.

*Temperan-
tia.*

De Temperantia quis filebit? Iulium Caesarem fortunam sibi fabricantem temperantia addictum fuisse, Suetonius attestatur; idque cum animadverteret Marcus Caro, unum ex omnibus Caesarem ad Rempubl. evertendam sobrium accessisse dicebat. Et vero parsimoniam firmissimum esse penu rerum agendarum Cyrus ille Xenophonteus ex vero affirmabat. Vnde Scanderbegus inclytus militiæ Dux dictare solebat. Belligerandum ita esset hodie, ut cras etiam belligerare possimus.

*Benignitas.
affabilitas.
Probatr
exem Ale-
xandri
Traiani.*

Benignitatem, affabilitatem, facilitatem, humanitatem, an quisquam ab Imperatore abesse debere iudicaret? illa est, quæ Alexandrum Magnum tam gratum militibus universis effecit, qui cum semel frigore pene confectus esset, ignique corpus refovens assideret, gregarium vidit ex suis militem algore prope mortuum ac torpentem; nec mora loco & sede sua exiliens militem illum sua in sede collocavit. Illa est, quæ Traiano Imperatori, civium & militum omnium amorem conciliavit, dum milites in prælio vulneratos curavit. Quaritis qua tandem diligentia? Cum fasciæ, inquit Dion Cassius, & volumina deficerent, nec sua quidem vesti pepercit, sed eam totam in ligamenta & fomenta discidit. Taceo Hermocratem, cuius humanitas, Xenophonte teste, tantum apud milites valuit, ut quotidie mane & vespere circa eius tabernaculum, quid dicendum faciendumve esset sciscitantes, versarentur. Latere Pyrrhum Epirotarum Regem patior, cuius tanta fuit affabilitas, tantaque ars conciliandi sibi homines, ut Italiciæ gentes Regis externi, quam populi Romani tamdiu in ea terra imperium mallent. Quam profecto artem si Imperatorum imo si mortalium ullus, Lucius sane Sulla perno-

Hermocrati

Pyrrhi.

vit, qui cum antea rudis & ignarus esset belli, hac virtute brevissimo tempore omnium solertissimus est factus. Milites benigne appellabar?

Sulla.

mul.

multis rogantibus, aliis per se ipse dabat; beneficia invitus accipiebat, sed ea properantibus, quam mutuum reddebat, ipse ab nullo reperebat; magis id laborabat, ut illi quam plurimi deberent: joca arque seria cum humillimis agebat: in operibus, in agmine, atque ad vigilias multus aderat; neque interim quod ambitio prava solet, Consulis ad cuiusquam boni famam ladebat: tantummodo neque consilio, neque manu priorem alium patiebatur, plerosque anteveniebat. O singularem plane Imperatoris artem! Dicam cum Plinio. Absit ergo Superbia, absit asperitas, nec timueris contemptum. An contemnitur, qui imperium, qui fasces habet? Nisi qui humilis, qui sordidus, qui se primus contemnit? Male suam vim suam potestas aliorum contumeliis experitur, longeque valentior amor ad obtinendum, quod velis, quam timor. At inquiet, nescio quis, istane ergo humanitate, an non potius severitate constare posse disciplinam militarem arbitraris? Bene tu quidem quisquis hoc ais, & mihi jam vox illa Vegetii in auribus. Dux auctoritatem maximam severitate sumat; omnes culpas militares legibus vindicet, nulli errantium credatur ignoscere. Vnde sit ut eam in Imperatore Humanitatem requiram, quæ justitiam non excludat, & in milium cura consistat. Verum enimvero jam in eum locum decurrit oratio, ut providendum Imperatorem considerare jam sit necessum. Delector vestro illo favore, Ornatissimi AUDITORES, & dum sentio vestra illa benevolentia me sublevare, onus, quod maximum humeris meis imposui, vix sentio; adeoque in patentem hunc orationis campum ulterius excurrere, & Imperatoris nostri providentiâ properanti stylo consignare iam lubet. Tradit doctissimus Plutarchus sub Epaminonda Thebanorum præstantissimo Duce nunquam evenisse, ut exercitum Panicus aliquis

*Remotio viti-
orum.*

Praoccupatio.

*Transitio &
Renovatio
attentionis.*

*Providen-
tia belli
Duce.*

tumultus invaderet, etsi præter causam subito nonnunquam soleat oboriri, atque vel idcirco tantum, quod summa esset in præstantissimo illo Duce providentia. Quæritis nunc qualem Imperatorem, & quam providum requiram? Non ignoro eos vulgo placere, qui temeritate quadam concitati, ferociter omnia, & omnia præpropere aggrediuntur; non hostes cavent, sed contemnunt; non quid necessitas cogat, sed quid voluntas imperet, considerant; non quid utile Reipub. sed quid sibi gloriosum decernunt. Ego vero si quid hac in re judicandum est, non cum multis, sed cum prudentibus in eam opinionem discedo, ut Imperatorem cautum ac cunctantem esse debere declarem, adeoque cum augustissimo illo Imperatore Augusto sentio, qui nihil minus in perfecto Duce, quam festinationem temeritatemque convenire judicabat. Etenim si verissimum esse ipsa experientia ubique testata est, Non licere bis in bello peccare, & omnino, quod Cato agebat, Præliorum delicta emendationem non recipere, quis non cum Sertorio solertissimo Imperatore decerneret, oportere Ducem respicere magis quam prospicere? Equidem illi, qui cum vulgo sapiunt, cum cautum Ducem aliquem advertunt, protinus timidum appellant; cum consideratus est, tardum esse dicunt, cum belli peritum honorare deberent, imbellem contemnunt: per me licet, ita sapiant ipsi, dicam cum Livio, malo Imperatorem sapiens hostis metuat, quam stulti cives laudent. Et, obsecro, quemnam tandem sapiens iste hostis reformidabit? Profecto non projecte audaculum, sed circumspectum? non eum qui properat, sed qui maturat; non eum qui celeriter ferit, sed qui tempore suo ferit. Præclarum est in Rhombo Naturæ testimonium. Nam cum Rhombus piscium omnium sit tardissimus, semper tamen eius in utero Mugil repetitur, qui piscium

*Sententia
Augusti.*

*Relictur
vulgaris
opinio.*

*Diffinitio
Livii.*

*Exemplum
à Natura.*

scium omnium est velocissimus; ut vel hinc intelligamus non sapientis esse accelerare, sed lente maturare, semperque cito satisfieri, quod bene fit; neque res magnas corporis, sed ingenii viribus administrari. Placet admodum vetus illud priscorum Emblemata, quo Delphinum anchora alligantes celeritatem cum mora connectebant. Placet Cunctator iste Fabius, non celer & temerarius iste Minutius. Atque ille si adesset, quid aliud cunctando nobis acclamaret, quam, Tutius esse periculum à mora, quam à præcipitantia aut temeritate? quid aliud diceret, quam eum, qui minus properat, sæpenumero serius absolvere? Itaque cunctetur Imperator, sed simul circumspiciat, & ex varietate rerum tempus pro trahens meliori fortunæ exercitum servet. Tandem enim aliquando.

*Emblemata**id explicatur**Testimonium per propositum.**Grata superveniet, quæ non sperabitur hora.**Correctio.*

Quamquam ne severa nimis fronte agere videar, sedatior ero. Qualis est, obsecro, temeritas? Temeritas præterquam quod stulta est, etiam est infelix. Ita si Livius adesset, responderet, Iterum

Subiectio.

tamen quæro? qualis est tandem ista temeritas? quæ ubi primum impetum effudit, sicut quædam animalia, amisso aculeo, torpet. Ita Quintus Curtius, si loqui posset, loqueretur. Mihi vero ita plane videtur, quod quemadmodum, quæ in montibus seder, nubes sollicitata procella in imbrem effunditur; ita temeritas illa cum ambitione

Similitudo.

intumescit, & fortunæ vento vela expandit, de repente in perniciem exitiumque ruit. Quod cum dico jam mihi satis in Imperatore providentiam videor asseruisse. Utinam vero, utinam providentiæ adjuncta sit Auctoritas! Delabor!

Transitio.

AVDITORES, jam in quartum Orationis nostræ locum, & in Imperatore summam insuper Auctoritatem requiro. Audio enim jam Marcum Tullium: Vehementer, inquit, pertinet ad bella ad-

Auctoritas belli Ducu. Testimon. Ciceroni.

ministranda, quid hostes, quid socii, de Imperatoribus existiment.

Et vero si in Imperatore scientia rei Militaris est, nunquid authoritas est? si virtutem habet, nunquid in honore est? si providentia bellum gerit, numquid reformidandus est? Omnino AV-DITORES, neque enim aliud est authoritas, quam præclara de alicuius scientia aut virtute opinio: illa admirandum facit, hæc amandum; illa necessitati succurrit, hæc dignitatem exornat, utraque opinionem & præclaram gignit existimationem. Quod si tamen dicendum est aliquid vel in primis auctoritatem illustris & generosa stirps facere conciliareque videtur. Testis est Agrippa, Si patui pretii hominibus, inquit, Rempublicam committas, mox nobilium viam, propter contemptam eorum fidem in te provocabis, & maximas in rebus clades patieris. Quid enim præclari homo ignavus aut ignobilis gerat? quis eum non despiciet hostis? quis ei socius obtemperet? quis militum non sub eius signis esse dedignetur? Vnde jure mihi reprehensus Vitellius ille Cæsar videtur, quod magnam Imperii partem non nisi consilio & arbitrio vilissimi cujusque histrionum & autigarum, ut testatur Suetonius, administraret. Atque illud temporibus nostris exopto, ut nobilissimi legionibus præficerentur, quorum exemplo ceteri provocati non pravo animo militaris gloriæ famam aspernentur. Nolo tamen, nolo repudiari eos, qui fortitudine & experientia rei bellicæ reliquis præstant: pateat virtuti honor; utinam vero & virtuti generis nobilitas in Imperatore adiungatur, & utraque virtus, hominem tandem plane singularem attollat. Sed & ipsa dicendi peritia, quam Eloquentiam gravissimo nomine appellamus, quantum Imperatori auctoritatem parit? quanto in honore in militum oculis atque animis ponit?

Non

Contentio
cum distri-
butione.

Auctorita-
tem facit
stirps illu-
stra.

Facit etiam
eloquentia.

Non ita, audeo cum illo dicere, non ita auribus percepti tubarum clangores animos ad pugnam acuunt aut irritant, ut hortatrix ad virtutem & gloriam oratio intrepidas expeditæ acie mentes ad opposita pericula erigit, stabilitque; imo & metu conterritos, iacentesque penetrat, & constanti roborat allocutione: Efficax enim Imperatoris eloquutio; inquit Onosander, exercitus strages generose solari ac lenire docta utilior est multo longo vulnerariorum medicorum agmine. Atque idcirco sapienter ille monet, ne ulla Respublica aut exercitum sine Imperatore, aut Imperatorem sine Eloquentia mittat. Illa est Eloquentia, quæ apud Græcos Alexandro Magno media inter arma auctoritatem peperit; apud Thebanos Epaminondam & admirandum militibus & gratum effecit, adeo ut teste Plutarcho, lingua prius, quam armis vicerit. Illa est, quæ apud Romanos Iulium Cæsarem tam potentem reddidit, ut tumultuantes sæpe exercitus sola voce sedaret. Hic cum ad milites à Pompeianis in Thessalia fusos orationem disertissime habuisset, tantus exercitui omni incescit ex incommodo dolor, tantumque studium infamiz sarcindæ, ut nemo aut tribuni, aut Centurionis Imperium desideraret; & sibi quisque etiam præloco graviores imponeret labores, simulque omnes regnandi cupiditate arderent. Possem hic severitatis quoque aliquid in Imperatore ad conciliandam auctoritatem desiderare, nisi iam prope vulgatissimum esset, Imperii & auctoritatis custodiâ esse severitatem. Vno Severi Imperatoris exemplo discitote. Bassianum Severi filium (qui Antoninus Caracalla est appellatus) eo quod pater pedibus ager bellum moraretur, Augustum consulaverant. Intellexit hoc Pater, nec mora ad tribunal se deferri; tribunos omnes, Centuriones, Duces ac cohortes, quibus authoribus idipsum acci-

*Testimon.
Onosandri.*

*Exemplum
Alexandri.*

I. Cæsaris.

*Facit etiam
severitas.*

*Exemplum
Severi Im-
peratoris.*

acci-

*Transitio
ad perorati-
onem.*

*Peroratio
per appreca-
tionem.*

*Felicitas in
belli Duce
requisita.*

acciderat adesse, Filium deinde, qui Augusti no-
men non recusaverat, sisti iubet. Hic cum in o-
mnes eius facti authores, filio uno excepto, ani-
madverti mandavisset, omnesque ante tribunal
prostrati veniam deprecarentur, tum Severus
Imperator, manu caput contingens, Tandem, in-
quit, sentitis caput imperare; non pedes. Ita pla-
ne sumenda severitate nonnunquam est autho-
ritas; puniantur, non foveantur delicta; & cum
optimum sit timoris & amoris vinculum, sit co-
mitate temperata autoritas. Restat nunc illad,
Ornatissimi AUDITORES, ut ei, quem hactenus
Imperatorem, ac verum belli Ducem designavi,
bene apprecer, ac feliciter ritu antiquo acclamem.
Sit felix igitur, sit fortunatus: non equo Seiano,
qui fatalis fessoribus omnibus erat, insideat, sed
Casaris navigio vestitus dicere audeat, Imperato-
rem velis & fortunam eius. Multum sane mi-
litaris scientia potest; quis neger? plurimum
Providentia; quis inficias eat? militarem tamen
Artem multa fortunæ egentem esse cum Platone
constituo. Cur, obsecro, Maximo? cum Marcello?
cur Scipioni? cur Mario? cur cæteris magnis Im-
peratoribus toties imperia mandata, exercitusque
commissi? Equidem in illis virtus admirationi
erat, sed fortuna placebat, cuius favore venti ipsi
& tempestates illis obsecundabant. Alexandri
fortuna celebratur, quod plures prope victorias
reportarit, quam pugnas inierit, plures urbes
ceperit, quam obsederit; plures hostes fuderit,
quam noverit; plura occupavit loca, quam obie-
rit. Sed nimirum quibusdam hominibus pecu-
liarem Natura sortem assignavit, ut quicquid e-
gerint, id omne secundo numine, ac velut qua-
dam virtutis manu tractasse videantur; unde fit,
ut hanc felicitatem ac fortunam, quam præstare
sibi ipse Imperator non potest à Deo ipsi exoptem,
ac aliquando tandem ad portum contendam. Vi-
deo

deo enim jam ex longa hac jactatione terram & collectis velis ad anchoram jaciendam anhelō. *Repetitio partium.*
 Quid est. Ornatissimi AUDITORES, Imperatorēne militaris artis peritum desideravi? tueri aliter nomen hoc non potest. Virtutem in eo experiri? Sine illa esse non potest Imperator. *Confirmatio.*
 Providentiam cupivi? ita bellum exigit. Felicitatem optavi? Eam publica salus exquirat. Bene est igitur, Imperatorem inveni, belli Ducem designavi. Quod si mihi nunc voto aliquo liceat rem universam obsignare, utinam nostri temporibus nunquam alii contingant Imperatores.
 DIXI.

ILLVSTRIS

D. GEORGII KALINOVSKI

POLONI.

ORATIO.

DE CONSILIARIO

Sen

PERFECTO SENATORE.

Quanta sit eorum omnium in Repub. bene *Exordium*
 constituta necessitas, Ornatissimi AUDI- *et necessitate*
 TORES, qui fortissimis consilii pruden- *Consiliario*
 tizque suar humeris gravissimam universae Rei- *seu Senato-*
 publ. molem velut Atlantes quidam sustinent, *rum.*
 & Curiae capita dignissima, urbis lumina, Reipub.
 culmina, omnium in omni occasione necessitate *Ea ostendi-*
 perfugium existunt, nemo est, qui, ut mea quidem *tur exemplo*
 fert opinio, ignoret. Non ignoravit sane Mauri-
 nus, prudentissimus & excellentissimus Andega-
 ven-

*Mauritii
Andega-
vensis Comi-
tis.*

Vensis Comes, qui cum fratri successori sibi futuro plurima Reipub. bene administrandæ documenta darēt, non illud in postremis habuit, ut ante omnia atque initio potissimum gubernationis amicos sibi ac fidos Consiliarios compararet, plurisque quam ingentes quantumlibet opus & diuitias æstimaret. Cuius quidem consilii sūt, non aliunde, quam ab ipsa experientia sua rationem adferebat, quod nimirum toto vitæ suæ tempore omnem curam in eo posuisset, omnem cogitationem illuc convertisset, ut eos haberet fidissimi pectoris, & mentis candidissimæ homines, apud quos arcana sua deponeret, & quorum amicitia se totum concredere; quos cum nactus esset, summa se felicitate regnum suum administravisse, & ad regni vitæque exitum anhelare. Imitabatur videlicet gloriosissimum illum Cyrum Persarum Regem, cuius acta regnando vitæ omnium in administrando Regum est disciplina. Hic cum morti proximus comparatum inprimis tot illustribus facinoribus gloriam immortalem ac famam, deinde vero plurimarum Provinciarum ac Regnorum amplitudinem filio suo relicturus esset, dignam Patre, ac Rege tanto vocem edidit. Fili, inquit, sceptrum verissimum ac firmissimum Amici multi. Sentiebat quippe sine Consiliariis, quos ipse amicos appellabat, nec regni molem stare posse, nec sceptrum florere. Quod cum & ipsi Romani, illi terrarum Domini sentirent, & non aliis, quam orbis limitibus Imperium suum circumscribere desiderarent, id potissimum semper curaverunt, ut quam plurimi essent, qui Curia subsellia occupantes, consilio suo Romanam rem universam moderarentur: quos cum aliquando Pyrrhi Regis Epitotarum Legatus Cynæas ita intuitus esset, ut in confesso gravitatem, in vultu maiestatem, in ore prudentiam videret, Deorum quendam confes-

*Exemplo
Item Cyri.*

*Item Roma-
notum.*

sum

sum esse iudicavit. Atque hinc factum esse nemo dubitabit, ut Romanum illud Imperium ex tantilla origine ad tantum amplitudinis processerit: id quod Marcus Cato ætate sua animadvertens adagio iam tum invaluisse testatur. Romanum sedendo vincere: non alia nimirum ratione magis, quam quod Clarissimorum virorum Consiliis, Senatus ac Magistratum prudentia pro armis regeretur. Adeo plus consilium quam fulmen armorum, plus ingenii dexteritas, quam gladii potentia valere solet. Et vero Carthaginenses, illi Romanorum æmuli, non armis tantum pro orbis imperio, sed & consilio eum illis decertarunt, in quorum Arcano atque intimo Reip. consilio, plures quam quadringenti Senatores belli pacisque tempus singulari prudentia administrabant. Neque profecto qui Imperatores ad regnorum onera, hoc est, ad maximam curarum molem sustinendam accedunt, pares esse possent, nisi sociatis laboribus ac iunctis humeris Consiliarii oneris partem sustinerent. Quamobrem cum eorum tanta sit in omni Republ. necessitas, aperiam hodie vobis Curiam unam Ornatissimi *Propositio Orationis.* AUDITORES, atque in ea tanquam in Arce Rei publicæ Senatorem ac Consiliarium illum ostendam, qui etsi non natura factus, formatus tamen industria & labore sit ad omnem Reipub. utilitatem. Scio quantum oneris imparibus hisce humeris meis imposuerim, quoniam tamen erecta est vestra illa ad me audiendum benignitas non despero. Qui sagum reformidant, favere Togæ solent, cuius ego hodie, etsi rudioris Eloquentiæ penicillo, maximum ornamentum ac præsidium adumbrare representareque contendo. Fredericus Imperator cum sæpenumero fictis quibusdam verborum involucris veritatem in Curia Principumque consilio regi obscurarique videret, tum demum salvam fore Rempubl. affirmavit.

*Testimonium
Catonis.*

Carthaginensium.

*Propositio
Orationis.*

*Captatio atque
tentatio.*

Confirmatio.

ma-

*In Consilia-
rio requiri-
tur primo
Veritas.*

*Testimoniū
Ludovici
XI. Gallia
Regis per A-
postrophē.
Caroli VIII.*

Antiochi.

*Exclamatio
eius de plo-
ratione.*

mabat, cum Senatores ac Consiliarii de Republ. negotiis consultaturi simulationem dissimulationemque in ipso Curia vestibulo deponerent, exanimoque eliminarent. Animadvertebat nimirum prudentissimus Imperator, tum de Republica universa conclamatum esse, cum exclusā exterminataque veritate simulatio Curias intrat, & in Monarcharum consiliis recipitur. Quod cum ita sit, quid prius, obsecro, in Consiliario nostro requiremus, quam studium veritatis, atque eius ubique proponendæ libertatem? O quam multis ab Aulis exulare veritas solet? Quam paucæ Curia eam admittunt & locum concedunt? Te appello, Potentissime Galliarum Rex Ludovice undecime, tu enim dicere solebas tuo te in regno, ac tua potissimum in Aula rebus omnibus, una veritate excepta, abundare. Ecce ubi omnia sunt, nulla veritas est. Te testor Carole Octave: tu enim cum à Pincerna tuo pro tua humanitate petiisses, quid causæ tandem esset, cur tam pauci Principes ac Reges cum hanc vitam cum morte commutassent, Cæli Capitolium intrarent; responsum liberrimum ac verissimum accepisti; paucos esse in Principum ac Regum Aulis veri honestique monitores. Te quoque iam compello Rex Antioche, aliquandone aut in arcanis consiliis, aut in libera consultatione, aut in mensa Aulaque tua veritatem à tuis intellexisti? Sane cum quodam tempore inter venandum aberrando ad rusticum quendam divertisses, ab eoque quis de Regis rumor esset, quævisisses; ipse vero agresti libertate ac singulari cum candore, Regem venationis studio voluptatibusque deditum regni negotia non curare respondisset, tu ipse tum te primum veritatem audivisse confessus es. O vere deplorandæ Reipubl. illæ, in quibus idcirco elingues sunt Curia, quia veritatem dicere ac proponere periculosum est. Aliter mens

len.

sentit, aliter lingua loquitur: videt perniciem & abhorret, consilio tamen suadet & inducit: videt, inquam, veritatem ipsam, at proponere propugnareque reformidat. Et hæc non miseria est, quanquam quid dico miseriam? Et hæc non misera servitus est? Eloqui quod sentis non posse, miserum est; non audere, miserius; etiam contra mentem ac animi sententiam loqui, miserrimum est, servile est. Illæ illæ mihi beatæ ac felices sunt Curie, in quibus veritatis Numen ita colitur, ut summa libertate Senatores ac Consiliarii, quod animo sentiunt lingua depromant. Etenim præclare mihi Philosophorum ille Antesignanus ac Princeps Pythagoras dixisse videtur, duo esse divinitus ab immortali Deo mortalibus data longe pulcherrima, veritatem amplecti, & aliis benefacere; ut umq; cum Deorum immortalium operibus comparari posse. Verum ut extitisse aliquando insignes veritatis hujus præcones ac propugnatores cognoscatis, prodeat celeberrimus ille Philippi II. Burgundionum Ducis Cancellarius, qui cum ceteri in Curia Senatores rem rationi atque aequitati dissentaneam Principi annuendum esse iudicarent? stetit ipse fortianimo contra, reclamavit ac Duci sigillum suum remisit, satius omnino existimans omnem dignitatis splendorem deponere, quam iniquo instituto, eoque conscientiam mordicante vitam transigere: Macte isto honore tuo, quo dignissimus, vixisti dignior deposuisti; Macte, inquam, ista tua integritate, quam ubi vidit, & obstupuit Princeps honore restituto decoravit, & ut magni facere videretur, novæ & maioris dignitatis amplitudine illustravit. Enimvero, dum glorioso illo veritatis studio, & insigni dicendi libertate Consilium hunc nostrum exornatum & armatum contemplet, videre mihi videor Aulicos istos Assentatores (dicere volebam Aulicas istas pestes

*Testimoniū
Pythagoræ.*

*Exemplum
cancellarij
Burgundici.*

Applausus

*Digressiuncula de Aulicis
lactoribus.*

*Gradatio.**Exclamatio**Optatio.**Hypotiposis.**Reditus ad
propositum.*

pestes) qui suo in capite Principum ac Regum mentes habere se fingunt, interim turpissimo adulationis vitio laborantes, nihil minus, quam veritatem proponunt. Illam oderunt: quid dico, oderunt? illam calumniantur: quid dico calumniantur? illam in latebras detrudunt: quid dico in latebras? illam ex Principum Aulis ac Curiis exterminant, inque exilium (etiam si possent in exitium) cogunt ac compellunt. O prodigia! O Reip. portenta! Ab his omne in Rempub est malum. O Curiarum & Aularum pestes! Ab his noxia quædam animorum contagio in omnes serpit. Vtinam etiam hoc ævo nostro viveret ille Sigismundus Imperator, qui cum ab Aulico quodam Assentatore ultra modum ac fidem laudaretur, ei colaphum impexit: cumque ille exclamasset, cur me cædis Imperator, cur, inquit Imperator, ore illo tuo impudentissimo me mordes Adulator? Quanquam subicere, qua potestis cogitatione, vestris oculis homines istos, Dii boni! cum ineundum est pro Repub. consilium, ut hærent? ut circumspiciunt? ut attonito animo verentur ne consilio suo, imo ne voce tantum una, aut gestu Principem offendant? Nimirum non Reip. bonorum, sed suum quærunt; non Principis dignitati consulere, sed voluptati student; non veritatem proponere, sed fucum inspergere laborant; non quid expediat, sed quid Principi placeat sententia sua explicare contendunt. Sed non ego veritatis istos hostes, aut oratione persequi, aut stylo confodere hodie decrevi, proindeque ad Consiliarium nostrum revertor, qui in omnibus consultationibus neque gratiam spectare, neque odia existimare debet, sed eam summo veritatis studio, ac honesta dicendi libertate sententiam dicere, quam optimam ipse iudicabit ita ut veritatem in omnibus sibi propositam habeat, ad eamque solam iudicium suum tanquam

ad lydium lapidem convertat, atque ita conver-
 tat, ut insigni animi constantia roboratus nun-
 quam ab ea aut videterreatur, aut blanditiis ab-
 ducatur. Imitetur Romanum illum invicti animi
 Metellus, qui etsi universus jam Senatus metu
 mortis ingenti perculsus in Apulei verba ac le-
 gum iuravisset, maluit tamen exulare, & charis-
 simorum complexu amicorum privari, quam ini-
 quo tribuni plebis furore contra Rempublicam
 obsecundare. *Exemplum Metelli.* *Thoma*
 Angliæ Cancellarium Thomam Morum, cui citius *Mori.*
 vita ipsa districto gladio est extorta, quam ad im-
 piissima excæcati & effœminati Regis volunta-
 tem confirmandam sententiam. Amanda est ve-
 ritas? Amet eam sane Consiliarius, sed ita amet, *Subiectio.*
 ut ejus amorem nunquam ex animo deponat. Di-
 cenda est veritas? Et quidem dicenda semper, sed
 eam ita dicat Consiliarius, ut à dicta sententia nun-
 quam recedat. Non illum metus percellat, sit Fa- *Constantia*
 britius, quem producti à Pyrrho Elephanti non de- *Senatoris*
 terruerunt. Non illum dona & munera labefa- *sen Consilia-*
 rent; sit Curius, quem aurum Sabinorum, ut Pa- *ris.*
 triæ amorem deponeret, non permouit. Non ire
 huc & illuc, sed gradum figere oportet, non nata-
 re animus debet, sed sibi constare; qui enim ex
 aliena libidine huic illuc fluctuantes agitantur,
 interdum alia, deinde alia decernunt. Neque ta-
 men ita constantem requiro Consiliarium, quin
 cum re ipsa mutare. Consilium quandoque possit,
 atque ad illas temporum inclinationes attende-
 re, quæ minimis fieri momentis nonnunquam
 solent. Quis nescit puncto sæpe temporis maxi-
 marum rerum momenta verti? Pulchrum est, si *Transitio.*
 veritas ignorata fortasse postulet mutare senten-
 tiam: at sententia mutata à veritate discedere
 semper est turpissimum. Verum ne diutius hic
 immorando serius ad portum aliquando pertin-
 gamus, cum illud mihi vehementer arrideat,
 quod

*Silentium in
Consiliario
requisitum.
Probat
testimonis*

*Plutarchi.
Horatii.
Taciti.*

Perfarum.

*Aegyptio-
rum.*

*Romano-
rum.*

Item ratione

*Exemplo
Pompei.*

C. Metelli.

quod Festus Pompeius ait à silentio Consilium esse dictum, tum illud in mentem venit Senatori ac Consiliario, necessariam esse vel maxime taciturnitatem. An non parum est, imo nihil est recte deliberare, recte censere ac consulere, si arcana consilia silentio non obsignentur? Bene tu Plutarche tempestivum silentium rem esse sapientissimam judicavisti. Bene tu Horati, eximiam esse virtutem, præstare silentia rebus, censuisti: Bene tu Corneli Tacite, tam nescire quædam Consiliarios, quam scire oportere, dixisti. Consulamus potentissimam & gloriosissimam olim Persarum gentem apud hanc nemo consiliorum particeps erat, præter fidos ac taciturnos optimates, qui silentii Numen colebant, & arcana Regum vitæ periculo custodiri sanciebant. Consulamus Aegyptios, apud hos ei lingua abscindebatur, qui Reipublicæ testia consilia detexisset. Consulamus Romanos, apud hos consiliorum arcanorum evulgatores aut vivi exurebantur, aut furca suspendebantur. Quorum quidem populorum nemo ut opinor, severam nimis disciplinam accusabit, cum si Reipublicæ, & Regum arcana detegantur, ita fieri plerumque soleat, ut felicem nunquam exitum illa sortiantur, & Reipublicæ objecto ab hostibus impedimento sæpius eludantur. Quid ergo volo? ut Consiliarius ac Senator noster Pompeius sit quidam? Pompeius dum legationis officio jungeretur è Gentio Rege interceptus; cum Senatus consilia proderent juberetur ardenti lucernæ admotum digitum cremandum præbuit, eaque patientia Regi simul & desperationem tormentis quicquam ex se cognoscendi excussit & expetendæ populi Romani amicitiae magnam cupiditatem ingeneravit. Utinam talis existat Senator! Celebris ille ac nunquam satis laudatus Cæcilius Metellus, Si scirem, inquit, hanc vestem mei consilii consciam esse protinus

nus exuerem, inque ignem concremandam con-
iicerem. Utinam ita sententia in ac dicat Senator!
Demosthenes Oratorum ille Græciæ Princeps,
cum illi, nescio quis oris foetorem obiiceret, Be-
ne tu quidem, inquit, multa enim secreta in eo
computruerunt. Utinam & os tale & pectus arca-
norum receptaculum habeat Senator? Quod si
vero amplius liceat mihi optare, utinam singula-
rum Curiarum vestibulis, imo singulorum Sena-
torum pectoribus illa Consistorii Spirensis exara-
ta constitutio foret. In Senatu gesta, dicta, judi-
cata æterno silentio tegantur, nihil iniussu Cæsa-
ris revelante. O utile profecto scitum, & quod
mihi tam inculcasse videtur eruditus ille Saxonum
Præsul Anthemus:

*Demosthe-
nit.*

*Spirensis
Curia.*

Exclamatio.

Lingua suos habeat franos in corde ligatos.

Et quam obrem quæso? nisi quia Sacramentum
Regis abscondere bonum est? nisi quia res ma-
gnæ sustineri ab eo non possunt, cui tacere est
grave? Video vos erectis animis, Auditores Or-
natissimi, jam assentiri, & contento cursu oratio
procedat, efflagitare. Procedamus sane, & iam
ipsum Consilarii nostri animum intueamur. Sa-
lustianus ille Cæsar, quem in sago mundus hor-
ruit, in toga amavit, Omnes, inquit, homines,
quidē rebus dubiis consultant, ab odio, amicitia,
ita, atque misericordia vacuos esse decet. Haud
facile animus verum providet, ubi ista efficiunt;
neque quisquam omnium libidini simul, & usui
paruit: ubi intenderis ingenium, valet; si libi-
do possidet, ea dominatur, animus nihil valet. O
præclaræ, & memoratu dignissimæ voces! Quis
nescit (cum Livio dicam) ex privatis affectioni-
bus fere omnem humanæ vitæ pernitiem nasci?
Sciunt omnes, atque idcirco eum esse Consilarii
nostri animum exopto: qui sui potens legem sibi
dicat, & bullientes quandoque affectus, tanquam
fluctus quosdam, reprimat ac refrœnet. Non il-

*Transitio.
Consiliarius
carere affe-
ctibus debet.*

Ratio.

Exclamatio.

*Temperan-
tia.*

*Benignitas.
affabilitas.
Probatnr
exem Ale-
xandri
Traiani.*

Hermocrati

Pyrri.

Sulla.

De Temperantia quis filebit? Iulium Cæsarem fortunam sibi fabricantem temperantia addictum fuisse, Suetonius attestatur; idque cum animadverteret Marcus Caro, unum ex omnibus Cæsarem ad Rempubl. evertendam sobrium accessisse dicebat. Et vero parsimoniam firmissimum esse penu rerum agendarum Cyrus ille Xenophonteus ex vero affirmabat. Vnde Scanderbegus inclytus militiæ Dux dictatæ solebat. Belligerandum ita esset hodie, ut cras etiam belligerare possimus. Benignitatem, affabilitatem, facilitatem, humanitatem, an quisquam ab Imperatore abesse debere iudicaret? illa est, quæ Alexandrum Magnum tam gratum militibus universis effecit, qui cum semel frigore pene confectus esset, ignique corpus refovens assideret, gregarium vidit ex suis militem algore prope mortuum ac torpentem; nec mora loco & sede sua exiliens militem illum sua in sede collocavit. Illa est, quæ Traiano Imperatori, civium & militum omnium amorem conciliavit, dum milites in prælio vulneratos curavit. Quæritis qua tandem diligentia? Cum fasciæ, inquit Dion Cassius, & volumina deficerent, nec sua quidem vesti pepercit, sed eam totam in ligamenta & fomenta discidit. Taceo Hermocratem, cuius humanitas, Xenophonte teste, tantum apud milites valuit, ut quotidie mane & vesperi circa eius tabernaculum, quid dicendum faciendumve esset sciscitantes, versarentur. Latere Pyrrhum Epirotarum Regem patior, cuius tanta fuit affabilitas, tantaque ars conciliandi sibi homines, ut Italicae gentes Regis externi, quam populi Romani tamdiu in ea terra imperium mallent. Quam profecto artem si Imperatorum imo si mortalium ullus, Lucius sane Sulla pernoctavit, qui cum antea rudis & ignarus esset belli, hac virtute brevissimo tempore omnium solertissimus est factus. Milites benigne appellabat?

mul-

multis rogantibus, aliis per se ipse dabat; beneficia invitus accipiebat, sed ea properantibus, quam mutuum reddebat, ipse ab nullo reperebat; magis id laborabat, ut illi quam plurimi deberent: joca atque seria cum humillimis agebat: in operibus, in agmine, atque ad vigilias multus aderat; neque interim quod ambitio prava solet, Consulis ad cuiusquam boni famam laedebat: tantummodo neque consilio, neque manu priorem alium patiebatur, plerosque anteveniebat. O singularem plane Imperatoris artem! Dicam cum Plinio. Absit ergo Superbia, absit asperitas, nec timueris contemptum. An contemnitur, qui imperium, qui fasces habet? Nisi qui humilis, qui sordidus, qui se primus contemnit? Male suam vim suam potestas aliorum contumeliis experitur, longeque valentior amor ad obtinendum, quod velis, quam timor. At inquiet, nescio quis, istane ergo humanitate, an non potius severitate constare posse disciplinam militarem arbitraris? Bene tu quidem quisquis hoc ais, & mihi jam vox illa Vegetii in auribus. Dux auctoritatem maximam severitate sumat; omnes culpas militares legibus vindicet, nulli errantium credatur ignoscere. Unde sit uteam in Imperatore Humanitatem requiram, quæ justitiam non excludat, & in militum cura consistat. Verum enimvero jam in eum locum decurrit oratio, ut providendum Imperatorem considerare jam sit necessum. Delector vestro illo favore, Ornatissimi AUDITORES, & dum sentio vestra illa benevolentia me sublevare, onus, quod maximum humeris meis imposui, vix sentio; adeoque in patentem hunc orationis campum ulterius excurrere, & Imperatoris nostri providentiâ properanti stylo consignare iam lubet. Tradit doctissimus Plutarchus sub Epaminonda Thebanorum præstantissimo Duce nunquam evenisse, ut exercitû Panicus aliquis

*Remotio viti-
orum.*

Praoccupatio.

*Transitio &
Renovatio
attentionis.*

*Providen-
tia belli
Duce.*

tumultus invaderet, etsi præter causam subito nonnunquam soleat oboriri, atque vel idcirco tantum, quod summa esset in præstantissimo illo Duce providentia. Quæritis nunc qualem Imperatorem, & quam providum requiram? Non ignoro eos vulgo placere, qui temeritate quadam concitati, ferociter omnia, & omnia præpropere aggrediuntur; non hostes cavent, sed contemnunt; non quid necessitas cogat, sed quid voluntas imperet, considerant; non quid utile Reipub. sed quid sibi gloriosum decernunt. Ego vero si quid hac in re judicandum est, non cum multis, sed cum prudentibus in eam opinionem discendo, ut Imperatorem cautum ac cunctantem esse debere declarem, adeoque cum augustissimo illo Imperatore Augusto sentio, qui nihil minus in perfecto Duce, quam festinationem temeritatemque convenire judicabar. Etenim si verissimum esse ipsa experientia ubique testata est, Non licere bis in bello peccare, & omnino, quod Cato agebat, Præliorum delicta emendationem non recipere, quis non cum Sertorio solertissimo Imperatore decerneret, oportere Ducem respicere magis quam prospicere? Equidem illi, qui cum vulgo sapiunt, cum cautum Ducem aliquem advertunt, protinus timidum appellant; cum consideratus est, tardum esse dicunt, cum belli periculum honorare deberent, imbellem contemnunt: per me licet, ita sapiant ipsi, dicam cum Livio, malo Imperatorem sapiens hostis metuat, quam stulti cives laudent. Et, obsecro, quemnam tandem sapiens iste hostis reformidabit? Profecto non projecte audaculum, sed circumspectum; non eum qui properat, sed qui maturat; non eum qui celeriter ferit, sed qui tempore suo ferit. Præclarum est in Rhombo Naturæ testimonium. Nam cum & homibus piscium omnium sit tardissimus, semper tamen eius in utero Mugil repetitur, qui piscium

*Sententia
Augusti.*

*Relinquitur
vulgaris
opinio.*

*Distans
Livii.*

*Exemplum
à Natura.*

scium omnium est velocissimus; ut vel hinc intelligamus non sapientis esse accelerare, sed lente maturare, semperque cito satisfieri, quod bene fit; neque res magnas corporis, sed ingenii viribus administrati. Placet admodum vetus illud piscorum Emblemata, quo Delphinum anchora alligantes celeritatem cum mora connectebant. Placet Cunctator iste Fabius, non celer & temerarius iste Minutius. Atque ille si adesset, quid aliud cunctando nobis acclamaret, quam, Tutius esse periculum à mora, quam à præcipitantia aut temeritate? quid aliud diceret, quam eum, qui minus properat, sæpenumero serius absolvere? Itaque cunctetur Imperator, sed simul circumspiciet, & ex varietate rerum tempus pro trahens meliori fortunæ exercitum servet. Tandem enim aliquando.

*Emblemata**id explicatur**Testimonium per propositum.**Correctio.**Grata superveniet, quæ non sperabitur hora.*

Quamquam ne severa nimis fronte agere videar, sedatior ero. Qualis est, obsecro, temeritas? Temeritas præterquam quod stulta est, etiam est infelix.

Subiectio.

Ita si Livius adesset, responderet, Iterum tamen quæro? qualis est tandem ista temeritas? quæ ubi primum imperum effudit, sicut quædam animalia, amisso aculeo, torpet. Ita Quintus Curtius, si loqui posset, loqueretur. Mihi vero ita plane videtur, quod quemadmodum, quæ in montibus sedet, nubes sollicitata procella in imbrem effunditur; ita temeritas illa cum ambitione intumescit, & fortunæ vento vela expandit, de repente in perniciem exitiumque ruit. Quod cum dico jam mihi satis in Imperatore providentiam videor asseruisse. Utinam vero, utinam providentiæ adjuncta sit Auctoritas! Delabor!

Similitudo.

AVDITORES, jam in quartum Orationis nostræ locum, & in Imperatore summam insuper Auctoritatem requiro. Audio enim jam Marcum Tullium: Vehementer, inquit, pertinet ad bella ad-

*Transitio.**Auctoritas**belli Ducis.**Testimonium.**Ciceronis.*

ministranda, quid hostes, quid socii, de Imperatoribus existiment.

*Contentio
cum distri-
butione.*

*Auctorita-
tem facit
stirps illu-
stris.*

Et vero si in Imperatore scientia rei Militaris est, nunquid authoritas est? si virtutem habet, nunquid in honore est? si providentia bellum gerit, numquid reformidandus est? Omnino AV-
DITORES, neque enim aliud est authoritas, quam præclara de alicuius scientia aut virtute opinio: illa admirandum facit, hæc amandum; illa necessitati succurrit, hæc dignitatem exornat, utraque opinionem & præclaram gignit existimationem. Quod si tamen dicendum est aliquid vel in primis auctoritatem illustri & generosa stirps facere conciliareque videtur. Testis est Agrippa, Si patui pretii hominibus, inquit, Rempublicam committas, mox nobilium viam, propter contemptam eorum fidem in te provocabis, & maximas in rebus clades patieris. Quid enim præclari homo ignavus aut ignobilis gerat? quis eum non despiciet hostis? quis ei socius obtemperet? quis militum non sub eius signis esse dedignetur? Vnde jure mihi reprehensus Vitellius ille Cæsar videtur, quod magnam Imperii partem non nisi consilio & arbitrio vilissimi cujusque histrionum & autigarum, ut testatur Suetonius, administraret. Atque illud temporibus nostris exopto, ut nobilissimi legionibus præficerentur, quorum exemplo ceteri provocati non pravo animo militaris gloriæ famam aspernentur. Nolo tamen, nolo repudiari eos, qui fortitudine & experientia rei bellicæ reliquis præstant: pateat virtuti honor; utinam vero & virtuti generis nobilitas in Imperatore adiungatur, & utraque virtus, hominem tandem plane singularem attollat. Sed & ipsa dicendi peritia, quam Eloquentiam gravissimo nomine appellamus, quantum Imperatori auctoritatem parit? quanto in honore in militum oculis atque animis ponit?

*Facit etiam
eloquentia.*

Non

Non ita, audeo cum illo dicere, non ita auribus percepti tubarum clangores animos ad pugnam acuunt aut irritant, ut hortatrix ad virtutem & gloriam oratio intrepidas expeditæ acie mentes ad opposita pericula erigit, stabilitque; imo & metu contritos, iacentesque penetrat, & constanti roborat allocutione: Efficax enim Imperatoris eloquutio, inquit Onofander, exercitus strages genere se solari ac lenire docta utilior est multo longo vulnerariorum medicorum agmine. Atque idcirco sapienter ille monet, ne ulla Respublica aut exercitum sine Imperatore, aut Imperatorem sine Eloquentia mittat. Illa est Eloquentia, quæ apud Græcos Alexandro Magno media inter arma auctoritatem peperit; apud Thebanos Epaminondam & admirandum militibus & gratum effecit, adeo ut teste Plutarcho, lingua prius, quam armis vicerit. Illa est, quæ apud Romanos Iulium Cæsarem tam potentem reddidit, ut tumultuantes sæpe exercitus sola voce sedaret. Hic cum ad milites à Pompeianis in Thessalia fusos orationem disertissime habuisset, tantus exercitui omni incessit ex incommodo dolor, tantumque studium infamiz sarcientæ, ut nemo aut tribuni, aut Centurionis Imperium desideraret; & sibi quisque etiam pænx loco graviore imponeret labores, simulque omnes regnandi cupiditate arderent. Possem hic severitatis quoque aliquid in Imperatore ad conciliandam auctoritatem desiderare, nisi iam prope vulgarissimum esset, Imperii & auctoritatis custodiã esse severitatem. Vno Severi Imperatoris exemplo discitote. Bassianum Severi filium (qui Antoninus Caracalla est appellatus) eo quod pater pedibus ager bellum moraretur, Augustum consulaverant. Intellexit hoc Pater, nec mora ad tribunal se deferri; tribunos omnes, Centuriones, Duces ac cohortes, quibus authoribus id ipsum acci-

*Testimonium
Onofandri.*

*Exemplum
Alexandri.*

I. Cæsaris.

*Pacit etiam
severitas.*

*Exemplum
Severi Im-
peratoris.*

acciderat adesse, Filium deinde, qui Augusti nomen non recusaverat, sisti iubet. Hic cum in omnes eius facti auctores, filio uno excepto, animadverti mandavisset, omnesque ante tribunal prostrati veniam deprecantur, tum Severus Imperator, manu caput contingens, Tandem, inquit, lenitis caput imperare, non pedes. Ita plane sumenda severitate nonnunquam est auctoritas; puniantur, non foveantur delicta; & cum optimum sit timoris & amoris vinculum, sit comitate temperata auctoritas. Restat nunc illud, Ornatissimi AUDITORES, ut ei, quem hactenus Imperatorem, ac verum belli Ducem designavi, bene apprecer, ac feliciter ritu antiquo acclamem. Sit felix igitur, sit fortunatus: non equo Sciano, qui fatalis fessoribus omnibus erat, insideat, sed Caesaris navigio vestus dicere audeat, Imperatorem vehis & fortunam eius. Multum sane militaris scientia potest; quis neget? plurimum Providentia; quis inficias ear? militarem tamen Artem multa fortunæ egentem esse cum Platone constituo. Cur, obsecro, Maximo? cum Marcello? cur Scipioni? cur Mario? cur cæteris magnis Imperatoribus toties imperia mandata, exercitusque commissi? Equidem in illis virrus admirationi erat, sed fortunâ placebar, cuius favore venti ipsi & tempestates illis obsecundabant. Alexandri fortuna celebratur, quod plures prope victorias reportarit, quam pugnas inierit, plures urbes ceperit, quam obsederit; plures hostes fuderit, quam noverit; plura occupavit loca, quam obiecit. Sed nimirum quibusdam hominibus peculiarem Natura sortem assignavit, ut quicquid egerint, id omne secundo numine, ac velut quadam virtutis manu tractasse videantur; unde fit, ut hanc felicitatem ac fortunam, quam præstare sibi ipse Imperator non potest à Deo ipsi exoptem, ac aliquando tandem ad portum contendam. Video

*Transitio
ad perorati-
onem.*

*Peroratio
per appreca-
tionem.*

*Felicitas in
belli Duce
requisita.*

deo enim jam ex longa hac jactatione terram & collectis velis ad anchoram jaciendam anhelō. *Repetitio partium Confirmatio.*
 Quid est. Ornatissimi AUDITORES, Imperatorumne militaris artis peritum desideravi? tueri aliter nomen hoc non potest. Virtutem in eo expetii? Sine illa esse non potest Imperator. Providentiam cupivi? ita bellum exigit. Felicitatem optavi? Eam publica salus exquirat. Bene est igitur, Imperatorem inveni, belli Ducem designavi. Quod si mihi nunc voto aliquo liceat rem universam obsignare, utinam nostri temporibus nunquam alii contingant Imperatores. DIXI.

ILLVSTRIS

D. GEORGII KALINOVVSKI

POLONI.

ORATIO.

DE CONSILIARIO

Ser

PERFECTO SENATORE.

Quanta sit eorum omnium in Repub. bene constituta necessitas, Ornatissimi AUDITORES, qui fortissimis consilii prudentizque suar humeris gravissimam universae Rei-publ. molem velut Athlantes quidam sustinent, & Curiae capita dignissima, urbis lumina, Reipub. culmina, omnium in omni occasione necessitate perfugium existunt, nemo est, qui, ut mea quidem fert opinio, ignoret. Non ignoravit sane Maurinus, prudentissimus & excellentissimus Andegaven-

Exordium à necessitate Consiliorum seu Senatorum. Ea ostenditur exemplo.

sum esse iudicavit. Atque hinc factum esse nemo dubitabit, ut Romanum illud Imperium ex tantilla origine ad tantum amplitudinis processerit: id quod Marcus Cato ætate sua animadvertens adagio iam tum invaluisse testatur. Romanum sedendo vincere: non alia nimirum ratione magis, quam quod Clarissimorum virorum Consiliis, Senatus ac Magistratum prudentia pro armis regeretur. Adeo plus consilium quam fulmen armorum, plus ingenii dexteritas, quam gladii potentia valere solet. Et vero Carthaginenses, illi Romanorum æmuli, non armis tantum pro orbis imperio, sed & consilio eum illis decertarunt, in quorum Arcano atque intimo Reip. consilio, plures quam quadringenti Senatores belli pacisque tempus singulari prudentia administrabant. Neque profecto qui Imperatores ad regnorum onera, hoc est, ad maximam curarum molem sustinendam accedunt, pares esse possent, nisi sociatis laboribus ac iunctis humeris Consilarii oneris partem sustinerent. Quamobrem cum eorum tanta sit in omni Republ. necessitas, aperiam hodie vobis Curiam unam Ornatissimi **AVDITORES**, atque in ea tanquam in Arce Rei publicæ Senatorem ac Consiliarium illum ostendam, qui etsi non natura factus, formatus tamen industria & labore sit ad omnem Reipub. utilitatem. Scio quantum oneris imparibus hisce humeris meis imposuerim, quoniam tamen erecta est vestra illa ad me audiendum benignitas non despero. Qui sagum reformidant, favere Togæ solent, cuius ego hodie, etsi rudioris Eloquentiæ penicillo, maximum ornamentum ac præsidium adumbrare repræsentareque contendo. Fredericus Imperator cum sæpenumero fictis quibusdam verborum involucris veritatem in Curia Principumque consilio regi obscurarique videret, tum demum salvam fore Rempubl. affirmavit.

*Testimonium
Catonis.*

Carthaginensium.

*Propositio
Orationis.*

Captatio attentionis.

Confirmatio.

ma-

*In Consilia-
rio requiri-
tur primo
Veritas.*

*Testimoniū
Ludovici
XI. Gallia
Regis per A-
postrophē.
Caroli VIII.*

Antiochi.

*Exclamatio
cum deplora-
tione.*

mabat, cum Senatores ac Consiliiarii de Republ. negotiis consultaturi simulationem dissimulationemque in ipso Curia vestibulo deponerent, exanimoque eliminarent. Animadvertebat nimirum prudentissimus Imperator, tum de Republica universa conclamatum esse, cum exclusa exterminataque veritate simulatio Curias intrat, & in Monarcharum consiliis recipitur. Quod cum ita sit, quid prius, obsecro, in Consiliario nostro requiremus, quam studium veritatis, atque eius ubique proponendæ libertatem? O quam multis ab Aulis exulare veritas solet? Quam paucæ Curia eam admittunt & locum concedunt? Te appello, Potentissime Galliarum Rex Ludovice undecime, tu enim dicere solebas tuos te in regno, ac tua potissimum in Aula rebus omnibus, una veritate excepta, abundare. Ecce ubi omnia sunt, nulla veritas est. Te testor Carole Octave: tu enim cum à Pincerna tuo pro tua humanitate petiisses, quid causâ tandem esset, cur tam pauci Principes ac Reges cum hanc vitam cum morte commutassent, Cæli Capitolium intrarent; responsum liberrimum ac verissimum accepisti; paucos esse in Principum ac Regum Aulis veri honestique monitores. Te quoque iam compello Rex Antioche, aliquandone aut in arcanis consiliis, aut in libera consultatione, aut in mensa Aulaque tua veritatem à tuis intellexisti? Sane cum quodam tempore inter venandum aberrando ad rusticum quendam divertisses, ab eoque quis de Rege rumor esset, quævisisses; ipse vero agresti libertate ac singulari cum candore, Regem venationis studio voluptatibusque deditum regni negotia non curare respondisset, tu ipsum te primum veritatem audivisse confessus es. O vere deplorandæ Reipubl. Illæ, in quibus idcirco elingues sunt Curia, quia veritatem dicere ac proponere periculosum est. Aliter mens.

len.

sentit, aliter lingua loquitur: videt perniciem
& abhorret, consilio tamen suadet & inducit: vi-
det, inquam, veritatem ipsam, at proponere pro-
pugnareque reformidat. Et hæc non miseria est,
quanquam quid dico miseriam? Et hæc non mi-
sera servitus est? Eloqui quod sentis non posse,
miserum est; non audere, miserius; etiam con-
tra mentem ac animi sententiam loqui, miserrimi-
um est, servile est. Illæ illæ mihi beatæ ac feli-
ces sunt Curia, in quibus veritatis Numen ita
colitur, ut summa libertate Senatores ac Consi-
liarii, quod animo sentiunt lingua depromant.
Etenim præclare mihi Philosophorum ille Ante-
signatus ac Princeps Pythagoras dixisse videtur,
duo esse divinitus ab immortali Deo mortalibus
data longè pulcherrima, veritatem amplecti, &
aliis benefacere; utrumq; cum Deorum immor-
talium operibus comparari posse. Verum ut ex-
titisse aliquando insignes veritatis hujus præco-
nes ac propugnatores cognoscatis, prodeat cele-
berrimus ille Philippi II. Burgundionum Du-
cis Cancellarius, qui cum ceteri in Curia Sena-
tores rem rationi atque aequitati dissentaneam
Principi annuendum esse iudicarent? stetit ipse
forti animo contra, reclamavit ac Duci sigillum
suum remisit, satius omnino existimans omnem
dignitatis splendorem deponere, quam iniquo
instituto, eoque conscientiam mordicante vitam
transigere: Maeste isto honore tuo, quo dignissi-
mus, vixisti, dignior deposuisti; Maeste, inquam,
ista tua integritate, quam ubi vidit, & obstupuit
Princeps honore restituto decoravit, & ut magni
facere videretur, novæ & maioris dignitatis am-
plitudine illustravit. Enimvero, dum glorioso
illo veritatis studio, & insigni dicendi libertate
Consiliarium hunc nostrum exornatum & arma-
tum contemplet, videre mihi videor Aulicos
istos Assentatores (dicere volebam Aulicas istas
pestes

*Testimoniū
Pythagoræ.*

*Exemplum
cancellarii
Burgundici.*

Applausus

*Digressiun-
cula de Adu-
latoribus.*

*Gradatio.**Exclamatio**Optatio.**Hypotiposis.**Reditus ad
propositum.*

pestes) qui suo in capite Principum ac Regum mentes habere se fingunt, interim turpissimo adulationis vitio laborantes, nihil minus, quam veritatem proponunt. Illam oderunt: quid dico, oderunt? illam calumniantur: quid dico calumniantur? illam in latebras detrudunt: quid dico in latebras? illam ex Principum Aulis ac Curiis exterminant, inque exilium (etiam si possent in exitium) cogunt ac compellunt. O prodigia! O Reip. portenta! Ab his omne in Rempub est malum. O Curiarum & Aularum pestes! Ab his noxia quædam animorum contagio in omnes serpit. Vtinam etiam hoc ævo nostro viveret ille Sigismundus Imperator, qui cum ab Aulico quodam Assentatore ultra modum ac fidem laudaretur, ei colaphum impexit: cumque ille exclamasset, cur me cædis Imperator, cur, inquit Imperator, ore illo tuo impudentissimo me mordes Adulator? Quanquam subiicere, qua potestis cogitatione, vestris oculis homines istos, Dii boni! cum ineundum est pro Repub. consilium, ut hærent? ut circumspiciunt? ut attonito animo verentur ne consilio suo, imo ne voce tantum una, aut gestu Principem offendant? Nimirum non Reip. bonorum, sed suum quærunt; non Principis dignitati consulere, sed voluptati student; non veritatem proponere, sed fucum inspergere laborant; non quid expediat, sed quid Principi placeat sententia sua explicare contendunt. Sed non ego veritatis istos hostes, aut oratione persequi, aut stylo confodere hodie decrevi, proindeque ad Consiliarium nostrum revertor, qui in omnibus consultationibus neque gratiam spectare, neque odia existimare debet, sed eam summo veritatis studio, ac honesta dicendi libertate sententiam dicere, quam optimam ipse iudicabit, ita ut veritatem in omnibus sibi propositam habeat, ad eamque solam iudicium suum tanquam

ad

ad lydium lapidem convertat, atque ita convertat, ut insigni animi constantia roboratus nunquam ab ea aut vi deterreatur, aut blanditiis abducatur. Imitetur Romanum illum invicti animi Metellus, qui etsi universus jam Senatus metu mortis ingenti percussus in Apulei verba ac legum iuravisset, maluit tamen exulare, & charissimorum complexu amicorum privari, quam iniquo tribuni plebis furori contra Rempublicam obsecundare. Emulare gloriosissimum illum Angliæ Cancellarium Thomam Morum, cui citius vita ipsa districto gladio est extorta, quam ad impiissima excæcati & effœminati Regis voluntatem confirmandam sententiam. Amanda est veritas? Amet eam sane Consiliarius, sed ita amet, ut ejus amorem nunquam ex animo deponat. Dicenda est veritas? Et quidem dicenda semper, sed eam ita dicat Consiliarius, ut à dicta sententia nunquam recedat. Non illum metus percellat, sit Fabritius, quem producti à Pyrrho Elephantini non deterruerunt. Non illum dona & munera labefactent; sit Curius, quem aurum Sabinorum, ut Patriæ amorem deponeret, non permouit. Non ire huc & illuc, sed gradum figere oportet, non natare animus debet, sed sibi constare; qui enim ex aliena libidine huic illuc fluctuantes agitantur, interdum alia, deinde alia decernunt. Neque tamen ita constantem requiro Consiliarium, quin cum re ipsa mutare. Consilium quandoque possit, atque ad illas temporum inclinationes attendere, quæ minimis fieri momenti nonnunquam solent. Quis nescit puncto sæpe temporis maximarum rerum momenta verti? Pulchrum est, si veritas ignorata fortasse postulet mutare sententiam: at sententia mutata à veritate discedere semper est turpissimum. Verum ne diutius hic immorando serius ad portum aliquando pertingamus, cum illud mihi vehementer arrideat, quod

*Exemplum
Metelli.*

*Thomas
Mori.*

Subiectio.

*Constantia
Senatoris
sive Consilia-
ris.*

Transitio.

Silentium in Consiliario requisitum. Probatur testimoniis. quod Festus Pompeius ait à silentio Consilium esse dictum, tum illud in mentem venit Senatori ac Consiliario, necessariam esse vel maxime taciturnitatem. An non parum est, imo nihil est recte deliberare, recte censere ac consulere, si arcana consilia silentio non obsignentur? Bene tu Plutarche tempestivum silentium rem esse sapientissimam judicavisti. Bene tu Horati, eximiam esse virtutem, præstare silentia rebus, censuisti: Bene tu Corneli Tacite, tam nescire quædam Consiliarios, quam scire oportere, dixisti. Consulamus potentissimam & gloriosissimam olim Persarum gentem apud hanc nemo consiliorum particeps erat, præter-fidos ac taciturnos optimates, qui silentii Numen colebant, & arcana Regum vitæ periculo custodiri sanciebant. Consulamus Ægyptios, apud hos ei lingua abscindebatur, qui Reipublicæ recta consilia detexisset. Consulamus Romanos, apud hos consiliorum arcanorum evulgatores aut vivi exurebantur, aut furca suspendebantur. Quorum quidem populorum nemo ut opinor, severam nimis disciplinam accusabit, cum si Reipublicæ, & Regum arcana detegantur, ita fieri plerumque soleat, ut felicem nunquam exitum illa sortiantur, & Reipublicæ objecto ab hostibus impedimento sapius eludantur. Quid ergo volo? ut Consiliarius ac Senator noster Pompeius sit quidam? Pompeius dum legationis officio jungeretur è Gentio Rege interceptus; cum Senatus consilia proderet juberetur ardenti lucernæ admotum digitum cremandum præbuit, eaque patientia Regi simul & desperationem tormentis quicquam ex se cognoscendi excussit & expetendæ populi Romani amicitia magnam cupiditatem ingeneravit. Utinam talis existat Senator! Celebris ille ac nunquam satis laudatus Cæcilius Metellus, Si scirem, inquit, hanc vestem mei consilii consciam esse protinus

mus exuerem, inque ignem concremandam conicerem. Utinam ita sententiam ac dicat Senator! Demosthenes Oratorum ille Græciæ Princeps, cum illi, nescio quis oris foetorem obiiceret, Bene tu quidem, inquit, multa enim secreta in eo computruerunt. Utinam & os tale & pectus arcanorum receptaculum habeat Senator? Quod si vero amplius liceat mihi optare, utinam singulorum Curiarum vestibulis, imo singulorum Senatorum pectoribus illa Consistorii Spirensis exarata constitutio forer. In Senatu gesta, dicta, iudicata æterno silentio tegantur, nihil iniussu Cæsaris revelante. O utile profecto scitum, & quod mihi tam inculcasse videtur eruditus ille Saxonum Præsul Anthemus:

Demosthenis.

Spirensis Curia.

Exclamatio.

Lingua suos habeat franos in corde ligatos.

Et quamobrem quæso? nisi quia Sacramentum Regis abscondere bonum est? nisi quia res magnæ sustineri ab eo non possunt, cui tacere est grave? Video vos erectis animis, Auditores Ornatissimi, jam assentiri, & contento cursu oratio procedat, efflagitare. Procedamus sane, & iam ipsum Consiliiarii nostri animum intueamur. Salustianus ille Cæsar, quem in sago mundus horruit, in toga amavit, Omnes, inquit, homines, qui de rebus dubiis consultant, ab odio, amicitia, ita, atque misericordia vacuos esse decet. Haud facile animus verum providet, ubi ista efficiunt; neque quisquam omnium libidini simul, & usui paruit: ubi intenderis ingenium, valet; si libido possidet, ea dominatur, animus nihil valet. O præclaræ, & memoratu dignissimæ voces! Quis nescit (cum Livio dicam) ex privatis affectionibus fere omnem humanæ vitæ pernitiem nasci? Sciunt omnes, atque idcirco eum esse Consiliiarii nostri animum exopto, qui sui potens legem sibi dicat, & bullientes quandoque affectus, tanquam fluctus quosdam, reprimat ac refrenet. Non il-

Transitio.

Consiliarius carere affectionibus debet.

Ratio.

Exclamatio.

- Removentur* lum ita inflammer, non libido emolliat, non odium exacerbet; non amicitia à recto tramite seducat, non misericordia à iustitia & debita severitate revocet. Quot sunt, qui ita aut misericordia impulsu male consuluerunt? quot sunt, qui amicitia & favori aliquid indulgentes iustitiam corruerunt? quot sunt, qui ad misericordiam inclinati improbis ad scelera fenestram aperuerunt? Esto tamen sit in animo Senatoris ira: & quicquam videbit? ira cæca est: si libido, & quicquam intelliget? libido insipiens est: sit odium: & quicquam recte ac iuste volet? Odium omnia contemnit divina & humana, ut se vindicet. Audite Senecam. Etiam si ingeratur oculis veritas, amat & tuetur errorem: coargui non vult, & in male cœptis honestior illi pertinacia videtur, quam pœnitentia. Videmus sane nos ipsi, & experientia ipsa docemur, quod si fumus in oculos assurgat, protinus eos commoveat, dolorem excitet, aspectum perturbet: ita plane evenire solet, cum in animo affectiones illæ consurgunt; animum in primis totum invadunt, tum rationi ac iudicio caliginem quandam infundunt; consulta incon-sulta fiunt, quæ expediunt non expedire videntur, quæ turpissima sunt, honestissima judicantur, unde fit, ut prudentissime Biantem Pyrenzum dixisse putem, Bono consilio duo maxime contraria videri, iracundiam & festinationem quod illa hominis iudicium intervertat, hæc veri disquisitionem impediatur. Nempe:

—— *Dis proximus ille est*
Quem ratio, non ira movet.

- Exemplum* Atque ut quantum rationi iudicioque una iracundia noceat, intelligatis prodeat in hanc arenam Cneus ille Piso, qui dum affectibus ac perturbationibus suis rationem submittit trium gravissimorum criminum uno eodemque iudicio, sed
Tisonis. ini-

iniquo, reus existit. Iratus ipse militem quendam quod ex com meatu sine commilitone rediisset, ac quasi eum interfecisset, ad supplicium more impatiens, & omnis oblitus humanitatis ocyus *Sustentatio.* duci ac rapi iubet. Abducitur, rapitur, & ecce iam miser districtæ securi cervicem porrigebat, cum omnium atque ipsius Pisonis oculis ille, qui occisus credebatur, apparet. Obsecro vos. Auditores, quid factum tum fuisse putatis. Præerat *Testimoniū* tum supplicio Centurio, nec mora, ut Speculator *Alphonse* gladium condar, iubet & damnatum ad Pisonem *regu.* reducit. Ingens erat omnium concursus, complexi alter alterum, magno castrorum omnium gaudio commilitones procedebant. Sed ecce (ô horrendum posteris omnibus facinus!) furens ipse Piso tribunal conscendit, sisti utrumque iubet, & cum iis Centurionem; tum, ut solers iracundia dictabat, Te, inquit, duci iubeo, quia damnatus *Ratio testi-* es; te, quia causa damnationis commilitoni fuis- *moni.* ti, te, quia iussus occidere Imperatori non patuisti. Mirare, ô posteritas, hoc factum, sed simul detestare. Gloriosior ille Arragonum Rex Alphonfus, qui dicere solebat, quod si florente Republica Romana vixisset exstructurum se fuisse Iovi positorio, idque è regione curiæ, templum, ubi Reipub. Senatores & Patres conscripti priusquam in Curiam intrarent privatos animi affectus, iram, odium, amorem deponerent. Animadvertibat prudentissimus Rex Consultores pessimos esse privatos illos affectus, qui frequenter & civitates & regna bellis committerent, ac tandem pessumdarent, proindeque si quid Iupiter potuerit, præstare illud debuisse, ne quid *Transitio.* momenti in Senatibus ac Consiliis in quibus de Republ. consultatur, privati affectus haberent. Verum enimvero, dum iterum hic velut posito pede subsisto, ecce observatur oculis Illustrissimus ille Cardinalis, qui interrogante quodam ab

*Consiliarius
nescit avarus*

Repetitio.

*Testimoniū
Valerii Ma-
ximi.
Subiectio.*

Aula homine, cuiusnam maxime fidele consilium esset. Aurum, inquit contemnentis Verissime sane & prudentissime. Etenim, si Salustio credamus, Avaritia, bellua fera, immanis, intoleranda est, quo intendit, oppida, agros, fana atq; domos vastat; divina cum humanis permiscet: neque exercitus, neque mœnia obstant, quo minus visua penetraret; fama, pudicitia, liberis, patria, parentibus cunctos mortales spoliatur. Et hoc monstrum in Consiliarii nostri ac Senatoris animo sedem reperiret? Apage hinc monstrum. An in eo iudicium esset, qui pecuniis adstupere solet? An expectandum ab eo in deliberationem consilium, cuius animus cumulandus thesauris est accensus? An eius ulla fides esset, qui bonum publicum, ut auro inhiat, aspernatur? Nihil sapit, nihil vult avaritia, quod æquum & fas sit. Dic tu, Valeri Maxime, quodnam tandem æterno in gradu stare regnum potest? Illud, inquis, ubi minimum pecuniæ cupido sibi vendicat. Quamobrem vero? quia nimirum à quibus abest lucri studium, abest etiam peccandi voluntas, & causa fallendi. Agite vero an non is animus Consiliarii esse debet, ut leges sequi, maiorum exempla intueri regni instituta servare, rationem ubique & in omnibus ducem habere velit?

— Sed qua reverentia legum,

Quis metus aut pudor est unquam properantis avari?

*Avarus
fraudulen-
tus.*

Esto, ratiocinandi facultatem habet; sed profecto quam non in capite, sed in pecuniis collocavit. Cave, caue virum istum, venalis est, & venalem Rempublicam circumfert. Cave, inquam, intravit, sed iuramento non stabit; fidem dedit, sed auro adscripsit: Non Regem, sed Reginam pecuniam amat; non Rempublicam, sed rem domesticam augere amplificareque contendit. Quā bene

bene, imo quam veredixit Cato, duo esse vitia *Testimoniū*
 quibus Imperia maxima potentissimaque everte- *Catonu.*
 rentur, luxuriam nimirum & Avaritiam? Quam *Exemplum*
 constanter, imo quam fideliter Fabritius ille Ro- *Fabritii.*
 manus nunquam in hominum posteriorum
 memoria moriturus, dimidiam Epirotarum re-
 gni partem, ut Patria fidelis Senator moreretur,
 Repudiavit? Quam provide nonnullæ gentes. A-
 ristotele teste, caverunt, ne ii, qui agros hostibus
 vicinos haberent, in consilium adhiberentur de
 bello, quod cum finitimis est suscipiendum, quasi
 rei privatae aspectus impediat, quo minus pru-
 dens consilium proferatur! Te compello hic,
 quicumque Princeps & Monarcha, Consiliarium *Communi-*
 fidum ac probum quæris? Elige pecuniæ con- *catio.*
 temptorem: elige, qui commodis suis neglectis
 publicam rem, ac tuam quærat utilitatem: elige
 qui honore & emolumento à te accepto conten-
 tus, ad alienos thesauros non respiciat, tibi uni,
 non Principibus aliis aut Regibus sit obstrictus.
 Valeant & simul valeant Pensionarii illi (ita vul-
 gus appellat, qui honorarias, imo qui stipendia-
 rias pecunias à Principibus aliis clanculum, &
 summa cum perfidia fraudeque recipiunt. Non
 illi Senatores sunt, sed Exploratores, non patriæ
 Consultores, sed proditores. Quapropter, quod
 Iustinianus olim Imperator, Provinciarum Præfi-
 dibus, hoc tibi, ô Princeps, ô Monarcha, singulare
 proflus Imperii arcanum propono? *Descriptio*
 Consiliarium, & quicumque circa te, assumere *veri Consi-*
 virum optimum, & purum undique, & con- *liarii.*
 tentum iis, quæ à fisco dantur, & si quid præter
 spem accesserit, & non in veneris eum custodien-
 tem tibi fidem iustam, illum quidem expelles, a-
 lio vero uteris Consiliario, legem & iustitiam *Transitio.*
 cum puris servante manibus. Quanquam, Ornatissi-
 mi

- Transitio.* simi Auditores, dum ulterius decurrente oratione procedo, & Consiliarium nostrum in luce sisto animadverto me non stellam aliquam, sed Solem ipsum adornare; non hominem aliquem, sed Mercurium aut Palladem describere; non *Alia virtutes Consiliarii ingenium* virum tantum rogatum, sed Nestorem aut Vlysssem repræsentare conari. Multa in hominibus singulis esse debent, omnia in Consiliario perfectoque Senatore requiruntur. Pulchrumne est ingenio excellere? Excellere Consiliarius debet, ut ingenii in eo impetus celeres sint & alacres.
- Eloquentia.* Admirandumne est eloquentiæ facultate cæteris mortalibus præstare; Consiliarius debet, ut homines ratione & oratione ducat; ut imperitiæ multitudinis tumultus sedet; ut cum gravitate quadam ac dicendi maiestate animi sui sensa apud Principes ac Reges depromat. Utillissimumne est linguarum diversarum peritiâ habere? *Linguarum peritiâ.* Habere Consiliarius debet, ut cum iis, quibus Princeps imperat, agere possit. Gloriosumne est historiarum omnium cognitionem animo complecti? Complecti Consiliarius debet, ut omnium sæculorum cognita memoria maiorem negotiorum experientiam possideat. An eximium est Naturæ donum Remp. administrandi rationes tenere, ac Politicum agere? Tenere & agere Consiliarius debet, ut belli pacisque tempora moderetur. Non omnia necessum est recensere; iustum ac bonum esse debere quis neget? Liberallem ac beneficium quis non requirat? Mansuetum ac benignum quis non exoptet? Fortem ac constantem quis non desideret? veracem ac tarde festinum quis non admiretur? O me igitur vel obliviosum, vel imprudentem, qui hæc omnia in Senatore perfecto requiro, oratione non exprimo. Liberum volo, & veritatis amantem Taciturnum desidero, & suis affectibus imperantem; supra pecuniæ studium positum, & contemptæ Domini
- Politica.*
- Iustitia.*
- Liberalitas, Mansuetudo fortitudo seu constantia, Dissimulatio per transitionem.*
- num

num splendidiorē rei exopto : & nondum omnia oratione depromo ? Profecto, Auditores, in eo omnia pono, quem talem ac tantum constituo. Quare, ut ad finem aliquando, quo vestra me vocare benignitas videtur, contendamus, utinam ita comparatum esset, ut augustissimum illum Reip. Romanæ Senatum intueri possetis : aut illam sane severam ^{Senatorem} curiam, aut illud prudentissimum Atheniensis urbis Consilium intropicere liceret. Quanquam quid vetera ista, ac non etiam horum temporum Arcana quædam Regum Principumque multorum Consistoria intrare, oculisque usurpare fas esset ? Videretis profecto, & admiraremini in iis perfectum illum, & numeris omnibus absolutum Senatorem, quem suis coloribus adumbare vobis contendi. Quod si tamen nec illa prisci ævi, nec hæc nostræ huius ætatis intueri Consilia fas est ? utinam saltem audire liceret Catonem aliquem aut Periclem ; illa Curiarum veterum lumina, Rerumpubl. florentissimarum ornamenta ? An non vero ita loquentes auditis ? Arduum Senatoris est ac Consiliarii munus : virum exigit, cuius in animo sit veritas, in ore libertas, in pectore silentium arcanum, quem non amor sui excæcet, sed patriæ ardor inflammet ; non avaritia transuersum agat, sed constantia & integritas invictum sistat. Ille est Rerumpubl. fundamentum, regnorum fulcrum. Principum ac Regum subsidium, omnium solatium. Ille est, cuius vox disciplina est & lex Reip. vultus Sol urbis, animus omnium munimentum. Adeo felices quondam nostræ Respub. quæ tales aliquando Senatores habuerunt, quorum consiliis, plusquam armis debuerunt. Ita illi loquuntur ; utinam vero, Ornatissimi Auditores, tales Rebuspub. nostris ac imperiis (sic enim voveo) Consiliarii ac Senatores contingant. DIXI.

*Peroratio.**Optatio.**Repetitio figurata per prosopopæam.*

ILLVSTRIS
D. MARTINI KALINOVSKI
POLONI.
ORATIO
DE LEGATO
Sive
PERFECTI LEGATI
DOTIBUS.

*Exordium
per compa-
rationem
officii lega-
ti cum alio*

Cum multa sint egregia, divinoque prorsus consilio instituta ad populorum incolumitatem ac salutem Republicæ munia, quæ sane per omnes eius partes variis ac distinctis ordinibus sunt diffusa; tum nullum est, Ornatissimæ & Humanissimi AUDITORES, quod aut rerum amplitudine, aut officii excellentia & dignitate, aut dignitatis denique splendore cum Legati munere accessio possit comparari. Etenim si non obscuram aliquam ac levem sequi coniecturam, sed ipsum intueri ac penitus introspicere Legatum velimus, nihil est ipse aliud profecto, quam, ut cum Poeta dicam:

— — — *Vox Regum, lingua salutis.*

*Descriptio
Legati.*

*Fœderis Orator, Pacis via, terminus ira,
Semen amicitia, Belli fuga, litibus Hastis.*

*Dignitas
eius.*

Vel sane nihil aliud est omnino, quam Principis oculis emollitius, Auris longa, Manus extensa. Quam eius dignitatem cum ille fama & meritis inclytus Persarum Monarcha Cyrus intelligeret, Imperatoris cum artibus à prima ætate instituendum esse dicebat, qui Legationis perfungi munere

Nec non sine laude sua & publici boni emolu-
 mento aliquando deberet; atque vel idcirco tan-
 tum, quod viva ipse Principis sui imago Princi-
 pem suum Gentibus aliis esset exhibiturus. Ne-
 que ipsæ orbis universi Nationis aliam ob causam
 Legatum inviolabilem & ubiq; terrarum sacro-
 sanctum, quem verbo etiam violare nefas esset,
 pronunciaverunt, quam quia ea eius est in Repu-
 blica dignitas, quæ supremæ proxima reveren-
 dum omnibus splendorem admittit. Atque cum
 ea sit dignitas, quem excipere non nisi dire pe-
 ctus, sustinere non nisi magnus animus potest, de
 necessitate nemo, opinor, dubitabit. Quam multa *Necessitas*
 ex intervallo negotia magnis illis Monarchis
 occurrunt, quæ nisi per Legatum expedire ipsi
 commode non possunt? Litterarum ministerio
 omnia omnino committere velle, prolixum est;
 litterarum fidei arcana Rerum publicarum & re-
 gnorum negotia concedere, periculosum est.
 Multa publicum arbitrium fugere debent, multa
 mutuo tantum colloquio constare possunt, mul-
 ta exploranda magis, quam tractanda, ut interim
 nihil de pace dicam, nihil de bello, nihil de in-
 duciis, Religione, fœderibus, nihil de negotiis
 aliis eiusmodi quæ ut peragantur, vicaria quadam *Propositio*
 opera LEGATVS Principis ac Reipublicæ Lin- *Orationum*
 gua est & loquela. Quod cum ita sit, & publicam
 hodie lucem in hoc Academico splendore tenta-
 re sit constitutum, de Legato differamus, & vi-
 rum illum differendo producamus, qui ore fa-
 cundo, pectore fœcundo agere in terris Mercu-
 rium, ac Principem repræsentare possit. Utinam
 tanta sermoni nostro dicendi vis ac facundia in-
 esset, quantam absolutus numeris omnibus Le- *Conciliatio*
 gatus requirit. Sed vos Ornatissimi & Humanis- *auditorum*
 simi AUDITORES, tum ad arduam hanc Pro-
 vinciam plus promptæ voluntatis, quam poten-
 tis facundiæ plus honesti conatus, quam expedi-

Confirmatio.

In Legato requiritur primo eloquentia.

Ratio eloquentiae requisita.

Testimoniū Demosthenis Pyrrhi.

tae facultatis apporto, voluntati & conatui tantum favete, quantum omnes orbis universi gentis legato savendum esse putant. Veneranda illa priscorum saeculorum aetas, quam Antiquitatem appellamus, Mercurium, Deorum illum nuntium ac Legatum, quem Eloquentiae Praesidem nuncupavit, Legatorum Numen esse, atque ut ipsi singulari prorsus nomine Oratores appellarentur, quod non manu, sed ore munus suum exequi deberent, determinavit. Agite ergo quid primum aut potissimum tandem in Legato nostro, nisi illam dicendi vim & facultatem: quam Flexanimam appellamus, requiramus? Sane non ab illis terrarum Dominis Legationes instituantur, ut agendo Legatus, sed ut loquendo Monarchae sui negotia perficiat, non ut vincat, sed facunde persuadeat, non ut Principem alium aut Rempublicam impellat, sed suaviter adducat; non ut quid extorqueat, sed impetret. Atque ea vis est Eloquentiae, quae Legato nostro & Oratori nomen ac munus tribuit: ut artificiosi sermonis sui energia hominum mentes ad nutum lubumque flectat. Ea est haec Diva, cum eam suo pectore Legatus concludit, & ore recludit, qua velut Delphico quodam gladio ad negotia quolibet pertractanda feliciter uti potest. An non ut quisque eloquitur, ita & sapiens & bonus videtur? An non cum quis facundioris linguae thesauro instructus, idem magnorum munerum capax iudicatur? An non illud omnibus est optandum, ut ex illustri animo illustris oratio efflorescat? Non huc Demosthenem testem evocabo, cuius in Atheniensium Republica tanta dicendi facultas fuit, ut bellum esset cum vellet, pax esset cum vellet. Te testor Epirotarum Rex Pyrrhus, qui saepius fateri solitus es, Imperii tui fines magis extendisse ac firmavisse, pluraque oppida tandem occupavisse facundo Cyvea Legati tui eloquio, quam tuorum operosa manu

manu cataphractorum. Et nunquid veteres illi *Verum Gal-*
 Galliæ populi per Herculem illum suum nihil a- *lorum.*
 liud, quam perfectum orbi Legatum repræsentaverunt? Ex eius ore pendentes ex auro electroque catenulas circumfusæ multitudinis auribus alligari voluerunt, ut nimirum summam Eloquentiæ vim in Legato adumbrarent, qua purissimorum & vere aureorum verborum beneficio hominum animos & corda trahit. Pulchrum est ratione & oratione, quibus dotibus homines à brutis animantibus Natura distinxit, singulari quadam eminentia hominibus ipsis aliquem præstare: Pulcherrimum vero unius ab ore Principes viros, & ingentem aliquando multitudinem pendere, adeo ut omnium ille corda sua quodammodo manu versare videatur. Inde lumen illud Græciæ Demosthenes gloriari solebat, quod pro lubitu Iudicium sententias tanquam cereas flectere valeret. Vnde M. Tullius Romani nominis prima gloria, regnare Romæ, etsi non sine multorum invidia, dicebatur. Existat igitur LEGATVS ille noster, sed talis, qui apud Orbis Principes sine claua Herculem agat; talis, inquam, qui spoliis Leonis exutus cum Caduceo Mercurium repræsentet. Ille potenti verborum fulmine bellorum fulmina ac tempestates componat: ille mellis suæ facundiæ suauitate exasperatos Regum animos sedet: ille inducias persuadendo paciscatur: Ille fœdera, junctis animis, ac manibus magna verborum arte percutiat: ille Religionis ac Reipubl. negotia ratione singulari proponat, oratione admiranda perficiat, societates procurer, affinitates confirmet: ille denique sit in omni negotio Principum ac Rerum publicarum loquela plena ponderis ac maiestatis. Vtinam talis (quemnam tandem, aut ex præco illo ævo, aut ex nostro producam?) Vtinam talis, qualis profecto non ita pridem Æneas Syl-

Effectus elo-
quentis Le-
gati.
Repetitio.

Oratio.

*Exemplum
Aene Syl-
vii.*

vius, qui à Friderico Imperatore Legatus saepe missus, quæ sperare ipse vix unquam ausus fuisset, eloquentia perfecit; bellorum excitatus tempestates composuit, discordiarum flammæ extinxit, Civitates plurimas rebelles flexit, conjugia desperata impetravit, & plus lingua, quam quisquam unquam pene manu obrinuit; cuius etiam beneficio factus Episcopus, mox Cardinalis, paulo post, cui serviverat Imperatori, triplici Pontificatus supremi corona decoratus imperavit.

*Obliqua pro-
sopopiaia.*

Quamquam si ex illo vultu, vestro, Ornatissimi **AVDITORES**, de animorum sensu coniecturam facere liceat, ita mihi cogitare videmini. Itane vero Legatum in augustissimo Principum consessu constitutum Eloquentiæ torrentes profundere decebit? Etiamne copiosa illa dicendi ratione occupatissimum Regum tempus implebit, ambitiosi sermonis lenocinia jactabit, fucum faciet, ubi prudentia tantum est opus? Bene cogitatis, **AVDITORES**, neque eo Legatum illum probo, qui scholam redolet & affectationem; qui flores spargit, qui lenocinia jactat, qui auribus verborum copiosa suavitate adulatur; illum volo, illum laudo, qui virilem dicendi maiestatem retinet, qui non pomposam & ad theatrum compositam orationem, sed admirationis, gravitatis, prudentiæ plenam audientibus propinat; qui elegans est, non affectus, qui venustus non fucatus, qui plenus, non turgidus. Apage comptum istum,

Transitio.

quo nihil incomptius, elegantiam istam puerilem, qua nihil ineptius: ubi ostentatio est, deficit morum splendor; ubi jactantia apparet, obsequii & amicitiae gratia recedit. Cum vero ita fieri soleat, ut ad externos plerumque populos à Principibus Legatus mittatur, non Eloquentem tantum illum, sed linguarum etiam peritum, ut non uno, sed plurium, & quasi omnium ore loquatur, requiro. Vnde mihi non errare omnino

*Requiritur
secundo lin-
guarum per-
itia.*

Tur-

Turcæ videntur, qui virum aliquem unum tot
 viris aliis æqualem dicunt, quot ipse diversis
 linguis uti potest. Quis nescit, quam decens &
 utile sit eorum non ignorare linguam, ad quos
 ablegatur, ne multa nescire, & periculosissimis
 uti interpretibus cogatur? Non frustra sane Ca-
 rolus IV. Romanorum Imperator Aurea Bulla
 præcepit, ut Electorum filii præter vernaculam,
 Latinam insuper, Italicam ac Illyricam discer-
 rent, ut cum variis aliquando Gentibus agere,
 ac nonnunquam secretum remotis, arbitris ser-
 monem possent communicare. Quanquam qui
 Legati nostri linguam jam satis instruximus,
 cum ore non tantum dicere, sed corde etiam fa-
 cere eum sit necessum, ipsum quoque pectus eius
 instruamus. Sit Eloquentes Legatus oportet, sed
 & simul sit prudens. Quid? ergone dicet aliquis,
 Eloquentiam in Legato prius exigis, Pruden-
 tiam posterius requiris? Illam sane prius exigo,
 quæ inter omnes Legati perfecti dotes ac virtutes
 eminet, hanc posterius non requiro, sine qua
 ipsa subsistere Eloquentia non potest. Et hæc est
 Prudentia, recta illa ratio, quæ per lumen, quod
 hominum mentibus clarissimum infundit, quid
 fugiendum, quidve sequendum sit sine errore
 præscribit. Illam Aristoteles ingeniorum ille &
 scientiarum Princeps Mentis oculum appellat:
 illam Poetæ homines ingeniosissimi è Iovis ce-
 rebro Vulcani, opera natam esse finxerunt. Est
 ubi magnificentia sit opus, non ubique: est, ubi
 liberalitatem exerceas, non semper: hic te locus
 iustum re poscit, ille fortem: hodie clementiam
 tuam Reipubl. salus efflagitat, cras eadem severi-
 tatem tuam requireret: singulæ illæ virtutes suis
 locis ac suis temporibus profunt: at ubique Pru-
 dentia, at semper Prudentia, sine qua si pedem ef-
 ferre contendas, protinus concides, & errorum
 laqueis involveris. Sit igitur instructus hac vir-

*Ratio requiritur
 sit perita
 linguarum.*

*Autoritas
 Caroli IV.
 Imp.*

Transitio.

*Requiritur
 tertio pruden-
 tia.*

Praoccupatio.

*Descriptio
 prudentia.*

*Ubique ne-
 cessaria pruden-
 tia.*

*Comparatio
 cum aliis
 virtutibus.*

*Quid sua
prudentia
efficere de-
beat.*

*Occasio ne-
gotiorum.*

*Repetitio
cum simili-
tudine.*

Oratio.

ture Legatus, nec tam opinione, quam experien-
tia ipsa prudens; absque hac duce nullum pedem
promoveat, nullum negotium suscipiat, nullum
muneris sui mandatum exequatur. Per eam re-
gionem universam ad quam mittitur, regionis
mores, morum instituta, ac Reipubl. leges for-
mamque cognoscat: per eam regionis aditus ob-
vios, operosos, & inaccessos exploret; per eam de
Magistratuum politia, de Ducum auctoritate, de
militari disciplina inquirat; per eam qua indole
ac natura sit Princeps, quibus potissimum de-
lectetur, qui gratia & auctoritate valeant apud
ipsum attendat; nihil denique sit, quod Pruden-
tia hac Duce (nolim tamen explorator arcana
scrutetur (non penetret, non introspiciat, non in-
telligat. Et vero quam diversa Regum ac Princi-
pum negotia? quam diversi hominum mores &
instituta? quam variae, & quam inconstantes ple-
rumque voluntates? quantæ in rebus, & quam
tectæ dissimulationes? Sane qui cum omnibus om-
nia non sine Principis sui emolumento agere
ac tractare potest, hic mihi prudens esto: qui om-
nium genis & ingeniis aptare se potest, hic
mihi polytropus esto: qui in omnes sese formas
mutare, nec à recto discedere semperque mentem
eandem retinere potest, hic mihi Proteus esto.
Magnum omnino consiliorum ac conatum ful-
crum prudentia, non illa quæ humano tantum
capite & captu stat, infirma est: sed quæ cœle-
stibus quibusdam distincta scintillis à mente bo-
na proficiscitur, & ad Deum tanquam ad Cyno-
suram se flectit: hæc firma est, hæc felicem Le-
gatum fortunatumque reddit. O si patriæ ali-
quando limites excedat, nec transverso tantum,
ut aiunt, foro ambulet, qui ad legationis munus
adspirat! O si talis sit, qui malorum consuetudi-
ne robustior & novercantis aliquando fortunæ
manu sit exercitatus! Non bene semper sapit, qui
deli-

delitias semper sapit; non bene suadet, cui fortuna nihil eripuit; ærumnam quisquis passus est, vitæ regulam habet; & quisquis adversitatum humanarum astrictu protritit est, accutior est & excitatior. Enimvero cum non minimo. Prudentiæ pars solertia sit & astutia, sit sane ita prudens Legatus noster, ut astutus sit simul & solers. Non illum alii captionibus circumveniant; non verborum fraudibus in labyrinthum detrudant; non pactationibus astutis, non arte ingeniosa decipiant, & in damnum ignominiamque deducant. Talis erat solertissimus ille Mutius Scævola, qui cum ad Carthaginienses Legatus à Romanis missus esset, duxque illæ tessera punico ingenio offerrentur, in quarum una pacis, in altera belli symbolum legebatur, utramque ipse arripuit, & optionem illis offerendo: Vtram, inquit, mavultis habetote Carthaginienses. Ita prudentissimus Legatus Reipubl. suæ dignitatem, quam illi astu minuere satagebant, singulari prudentia servavit ac confirmavit. Talis erat Fabius, qui cum ad Antiochum bello victum, ut conditiones pacis certas pacisceretur Legatus missus esset, pactus est, ut dimidiam navium partem salvam haberet; verum ut hostem ipse exarmaret, naves secuit, & dimidiamiam diversarum partem solertissimo ingenio hosti reliquit. Enimvero parum adhuc profecto est bene loqui & sapere, si terror interrim animum occupet, nullaue pectus constantia fulciatur. Non satis est Eloquens sit Legatus, timere potest, non satis est prudens sit Legatus, concidere animo, nec satis sibi fidere potest; sit constans, sit magnanimus, sumptaque ex meritis fiducia intrepido prorsus animo ad Legationis munus accedit. Non agam hic ratione, quam clarissimam videtis; speculum Legato nostro proponam, ut per illud seipsum in Legatis alijs intueatur. Intueatur ergo fortissimum illum M. Man-

*Sententia
morales.*

*Astutia re-
quisita.
Repetitio.*

*Exemplum
Mutii Scæ-
vola.*

Fabii.

*Requiritur
quarto con-
stantia.*

*Probat
exemplo Me-
gacis.*

*Suffentatio
cum subie-
ctione.*

*Exemplo
Pompeii Ma-
gni.*

*Item iuue-
num Vene-
torum.*

in Sicilia civem Megaclem. Hic cum Agathocle
modis omnibus Messaniam oppugnanti quanta vi
poterat, adversaretur, Urbem sibi aut Megaclem
de repente tradi postulavit. Quid agerent Urbis
Senatores? Urbem traderent? actum erat: Me-
gaclem? non licebat: suspensi & anxii huc illuc
ferebantur, tandem, ut deditio fieret, calculos ap-
ponebant, cum ecce paratum se, modo caduceator
mitteretur, Megacles ostendit. Decernunt illi,
abit ipse, & posteaquam ad Agathoclem perve-
nit. Ecce, inquit, ego ad te Rex, & Civitatis Mes-
sanæ nomine, & moriturus, si ita iudicas, acce-
do. Verum priusquam tibi Legationem aperi-
am, æquum ipse apud te statuito: si ad excindendas
Syracusans expeditionem Messenii suscepissent,
an pro Syraculis, an vero pro Messeniis omnia
tentares? Placuit Regi fidelis iste candor, bellum
obdicavit, & Megacle incolum: domum remisso
cum Messeniis amicitiam adfoedus percussit. In-
trineatur Pompeium illum Magnum, qui cum Le-
gatus ab Illyricorum Rege Gentio cum litteris
signisque secretis interceptus esset, nec blandi-
tiis, nec precibus, nec promissis, ut arcana revela-
ret, compelli posset, iamque Rex vincula & atro-
ces equuleos horribilis minaretur, tuum digitum
ardenti lychno cremandum admovens, Pompei,
inquit, prius in pulverem reversurus es, quam Pa-
triam Populumque tuum proditorie prostitues.
Vidit Rex, & territus ingentis animi prodigio-
sa constantia ulterioris quæstionis cogitationem
deposuit, & cum populo Romano ferendi fœde-
ris cupiditatem accepit. Latere hic patior Juve-
nes illos Venetos, qui cum ad Imperatorem Fre-
dericum Legati, quod adolescentes adhuc im-
berbes essent, audiri non possent, magno animo
responderunt, quod si ex menti lanugine ac bar-
ba de sapientia statuendum esset, missurum fuis-
se Senatum Venetum duos hircos egregie barba-

Tos. Sed cum illos latere patior, non possum, *Popilis Ro-*
 quin Popilium Romanum, egregiam omnino in- *mani.*
 trepidi animi imaginem in hoc speculo ostendam.
 Legatus ipse à Senatu populoque Romano ad An-
 tiochum Regem cum litteris, quibus, ut exerci-
 tum ex Ægypto adduceret Rex ille movebatur,
 missus erat. Traditis lectisque Senatus Consulti
 rabulis cum deliberaturum se Antiochus respon-
 deret, confidenti ipse animo & ausu, virgula,
 quam manu tenebat, orbicularem circum Regem
 circulum delineavit, atque ita ait; Hic ergo Rex,
 priusquam abscedis, delibera & responde Pacem
 anbellum cum Romanis malis. Violento hoc *Exclamatio*
 imperio Rex obstupefactus, omnia se ex Roma-
 norum lubitu acturum pronuntiavit, O insignem *Renovatis*
 constantiam! ô animum vere intrepidum! Im- *attentionis*
 morari hic paulisper lubet, ac pedem premere,
 ut composito rursus gradu procedamus. Multæ
 sunt ac periculosæ Aulicorum Artes (dicere pe- *Cautus sit*
 res volebam) multæ ac contagiosæ assentationes. *Legatus.*
 Quam multi sunt, qui tectis quibusdam dolis ap-
 pud Legatos ita agunt, ut eorum prudentiam cir-
 cumveniant, constantiamque labefactent? Cuni-
 culos fodiunt, & tectis benevolentia amicitiaq;
 prætextu dolis id agunt. Ut Principum ac Reipub.
 secreta tacito sensu investigent. Cave, cave Le-
 gate, & insigni animi taciturnitate involutus,
 silentio te vince. Simulant ipsi; dissimula: ver- *Subiectio*
 ba dant? verba redde: benevolentiam osten-
 dunt? tuam reponere. Ita illis satisfacere videberis,
 dum dissimulas; Patriam interim aut Principem
 non prodes, dum arcana non revelas. At at
 suavi quodam influxu munera nonnunquam in
 manus, in sinum, in animum irrepunt quibus ad-
 missis animi repagula rumpuntur, cordis claustra
 solvuntur, arcana deteguntur. Cave iterum, cave
 Legate, & tuo in Principe ac Rege spem omnem
 tuam fige. Quid iterum? dulce ingeniorum
 tor-

Ne inebrietur.

Transitio.

*Requiritur
quinto continetia.*

Probatur exemplo.

*Legatorum
priscorum.*

tormentum ebrietas nonnunquam admovetur, non ut animi opprimantur, sed solvantur, non ut rigescant, sed effluant. Age hic Legate, continentiam hic pone, & sobrietate te defende. At vero quoniam hæc virtus est, quam eminere in Legato nostro oportet, pressum pedem attollamus, & orationem suo cursui reddamus. Ita comparatum est, ut Fortuna, quæ evehere pro arbitrio homines solet, Principes viros excelso in loco ita locet ut ab omnibus suspicantur, & eorum facta ac dicta singulorum arbitrio notentur; unde cum Principis personam vicinia quadam opera Legatus repræsentet, latere ipse in obscuro non potest; quæ dicit, omnium auribus excipiuntur; quæ facit, omnium oculis cernuntur, adeoque judicium effugere, censuramque non potest. Quid ergo? Ita vivat, ut sapientissimi Principis mores repræsentet; ita se gerat, ut præclarissimam in persona sua gentem ostendat. Verbo dicam, Continens sit, ori frænum iniiciat, cupiditati legem ponat, sensibus omnibus imperet. Cum aliquando ad Amyntam Macedonum Regem Legati Persarum appulissent, lauroque & lato convivio, in quo Regis Conjux & Filia, excepti essent, petulantius ipsi procaciusque mulieres contrectarunt, quæ mox egressæ quasi cultiores venustioresque reditura, adolescentes foemineo habitu indutos: & sic sub vestibus armatos immiserunt, quos dum licentius & lascivus complecti Legati conantur, ab iis jam ista turpitudine & justo dolore animatis districtis mox sicis sunt trucidati, atque eos, ubi rem omnem ratione cognovit Megabysus Persarum Præfectus, iustissimas pœnas dedisse pronuntiavit. Tragicum sane, sed quod docet, exemplum, nihil agere Legatum debere, nisi quod honestas ratione defendat, ut non negotiorum tantum, sed etiam morum causa missus esse videatur. Animadverto,

Orna-

Ornatissimi AUDITORES, iam ea me in Legato *Transitio per*
nostro requisivisse, quæ muneri eius necessaria *repetitionem*
sunt, & illud maximâ præclarissimæque laude ex-*ante dictorū*
ornant. Produxi eloquentem, dedi prudentem, *Renouentur*
Constantem constitui, Continentem ostendi; a-*vitia.*
liunde desideratis; Nolo rixosum, qui simulta-
tes vel excitet, vel alat; nolo morosum, sed in
Republ. politice politeque viventem; nolo adu-
latorem, ignavi est animi, inconfidentis, futilis,
abiecti. Volo genere nobilem, aut insigni virtu-
te, ne genere dignitas destituta vilescat, & invi-
diam patiatur: Volo specie ipsa præstantem, ut
decora corporis species latentem virtutis imagi-
nem aliquam repræsentet, & Gentem ipsam co-
mendet: volo opulentum agris fundisq; divitem,
liberorum parentem, ut fidei obsides arctissimos,
rem partam, & opes relinquat, nec in hostium fa-
ctiones tam sequax abducatur: volo munificum,
qui Regio quodam splendore multitudinis ad
mirabundæ oculos in se convertat, qui non sor-
didus, qui non infra dignitatis intuitum sit par-
cus: volo morum patriæ tenacem, qui religioni
adhæreat, qui vestem, qui urbanitatem retineat,
qui exteriorum ritus non ambitiose aut scrupulo-
se affectet. Quid si etiam felicem ac fortunatum
volo? Sane opto. Multum dexteritas potest,
multum prudentia, at quam varii rerum sunt ca-
sus & eventus, qui à Divini Numinis decreto de-
pendent? Omnium in manu voluntas est, non fe-
licitas aut facultas. Quam multi sunt, qui etsi a-
gendo à regula ac scopo deflexerint, omnia tamen
virtutis quodammodo manu versasse ac tractasse
videantur? A cælo hæc felicitas, est. Felix sit
Legatus, sed seipsum virtute felicem efficiat, &
prudentia fortunam inclinet. *Nullum Numen*
abest, si sit Prudentia, Addo etiam, si sit Indu-
stria, si sit pervigil conatus, si blanda voluntatum
conciliatrix comitas, & Elegantia morum,
si ma-

*Sit nobilis.**Speciosus.**Dives.**Parens.**Munificus.**Tenax morum*
*patriæ.**Felix.*

*Peroratio.**Demonstratio seu Hypotyposis.
Figurata.
Repetitio.**Adhortatio*

si masculinum animi robur, Fortunam ipsam sibi desponsabit. Credat se fortunæ suæ fabrum esse debere, & optato eventu Principem suum ac Rempubl. recreabit. Vigilando, nimirum, ut Salustius inquit, agendo, bene consciendo prospere omnia eveniunt: ubi te socordix ignavixque dederis, nequicquam Deorum auxilia implores, irati infestique sunt. Ququam liceat potius perfectum Legatum optare, quam aut videre, aut repræsentare: suis insignibus & coloribus ornare cum Facundia aliqua potest. Fingite tamen, Ornatissimi AUDITORES, quod oculis non potestis, cogitatione vos illum numeris omnibus absolutissimum Legatum intueri. Quanta in ore eius cum suavitate verborum dignitas? quanta in pectore cum eruditione prudentiæ maiestas? quantum in animo constantiæ robur? quanta in ore, in manibus, in actionibus continentia? Ubique cum splendore incedit, cum magnificentia procedit; cum loquitur verax est, cum agit, circumspectus; cum aliis immixtus, rectus; cum omnibus tamen idem ac sui semper similis existit. Vestrum est, quicumque hic Iuvenes adestis, ad hanc gloriam, sed per virtutes aspirare; illis virtutibus animos vestros ornare, ut aliquando sui Reip & ornamento esse possitis. Hæc toties tot ad negotia Legatos postulat, cur ni vos illa etiam accersat: Hæc Oratores querit; cur ni vos vestra facundia illam iuvetis? Iuvabitis, confido, & tales eritis aliquando, ita voveo. DIXI.

F I N I S.

RHE.

R H E T O R V M
COLLEGII
PORCENSIS
INCLYTÆ ACADEMIÆ
LOVANIENSIS,
Orationum
PARS III.

CONTINENS ORATIONES
Generis Indicialis.



COLONIÆ,

Apud IODOCVM KALCOVEN,

ANNO M. DC. XLVIII.

ACTIO IUDICIALIS,
In qua coram MAGNIFICO
DOMINO RECTORI ACADE-
MIÆ, ficto Argumento Studio-
sus Homicida accusatur &
defenditur.

IOANNIS MERCATORIS
FLORIMONTANI
ACCUSATIO
Studiosi Homicidæ.

*Exordium
ab optatione.*

Facerent utinam Divi Coelites, & ipse Cæli
ac Mundi molitor Deus, Magnifice D. RE-
CTOR, ut quæ de iudiciis ac tribunali
famosissimæ & illustrissimæ huius Academiæ
plurimas apud gentes percrebuit opinio, tan-
dem aliquando inveterasceret & obliteraretur:
non amplius invidiam sentiremus, non in-
famiam audiremus, sed pristini recuperata no-
minis libertate, receptoque qui apud alios con-
culcatur honore nostro, felices respiraremus.

*Ratio opta-
tionis.*

*Occasio fru-
endi voto.*

Quamquam age respiravimus si volumus; libera-
ti sumus, si libertatem amamus. Adest, adest
hodierna die deploranda funestaque proh dolor
occasione; sed tale tamen factum, de quo pro-
nunciata à te Iudice ac Quæsitore maximo sen-
tentia omnem in posterum tollere potest iudi-
ciorum Universitatis infamiam: quæ, inquam,
efficere potest, ut non amplius hac in Urbe, non
amplius vicinis in urbibus ac regionibus homi-

nes existiment ac crepant, Studiosum nullum, quamvis nocentissimum, supplicio ac morte posse damnari. Non audeat etiam ullus amplius audaci nimium & impudenti ore effutire, non virtutes ab hac Univerſitate, sed iniuſtitiam vitiaque foveri. Equidem Studioſo diem dixi, & in hoc Magnificentiae tuae tribunal reum adduxi: quem vero? qui, proh nefas! commaculatam Studioſi ſanguine dexteram tuo illo in conſpectu nequaquam dubitat oſtentare; adoleſcens proſecto vita & factis omnium iam fere hominum opinione condemnatus. Ex quanquam mearum potius eſſe partium deberet non Academicum Studioſum aliquem accuſare, ſed in eodem honeſtiſſimarum Artium Circo mecum agentem, & inſudantem propugnare; non in capitis diſcrimen adducere, ſed omnem à capite iniuriam arcere ac propulſare; ita tamen huius temporis fortuna tulit, ut privato deſſe officio debeam, & Academiae iudiciorum tandem aliquando collabenti ſamæ ſuccurrendo amiſſam apud alios exiſtimationem recuperare. Quod quidem ita futurum clare omnes animadvertemus, ſi tu in hac cauſa iudex, Magnifice Domine Rector, ſeveritatis perſonam induens, debita in reum animadvertas: ſin vero benignitas ſeveritatem iterum infringat, clementia juſtitiam retardet, diſſimulatio veritatem obſcuret; periit dignitas, aperta eſt in omne ſcelus via, tua authoritate armata graſſabitur improbitas. Atque ut dum loquor, expoſtulantem in hoc tuo tribunali juſtitiam audire poſſis perſitte ut rem omnem breviter exponam & hac voce, quam à nemine indignantis Academiae dolor extorquet, omnem facti veritatem manifeſtem. Eri-geanimum & fave. Cum ſtatuſſet hic reus omni ſcelere flagitiorumque ſordibus, &

*Excusatio
Oratoris per
pramuniſſio
nem.*

*Tacita monitio, quid
facere Iudex
debeat.*

*Conciliatio
attentionis
ingreſſus in
narrationem
Narratio.*

ſtu-

Consilium.

studiosi sanguine sese coinquinare, socios adiit, in tabernas pertraxit, illis impiæ mentis suæ cogitationem machinationemque detexit. Et quamquam nulla unquam illi cum occiso discordia intercessisset, nullo eius odio inflammaretur, quod ipsum ad hoc facinus instigare, nulla omnino causa subesset sanguinis expetendi & hauriendi (quam improba, quam perversa est simulata sæpe pietas) quamquam, inquam, summa inter eos animorum conjunctio celebraretur, tamen

*Diffusio.**Sociorum
preparatio.*

miseri huius & amici sui meditari se mortem affirmavit, nec tranquillam fore sibi vitam unquam, nisi illi vitam suam ademisset. Atque cum nequaquam reluctantes, sed conniventes voluntati suæ socios comperisset, ne deesset in

Inebriatio.

facto robur, ne magnitudine destitutus animus collaberetur, ne conscientia rationem excitare, mentem stimulare, cogitationem avertere pos-

Apparatus.

set, vino se ingurgitavit, ac tum integra sanaque mente, ardens furore, gladio armatus in forum

Cades.

processit. Hic cum oberrantem fortassis amicum, lætum, inermem, nihil hac de sua cade cogitantem vix oculis hausisset, involat in eum, demersoque in latus ferro quanta vi potuit, frendens simul & vix sibi ipsi in scelere satisfaciens supremum spiritum ademit. Quid obstupescis, Magnifice R E C T O R ? jacebat prolapsus in terra corpus, trepidabant supremo calore membra, perruptæ venæ sanguinem effundebant; ipse (intellige atque audi obsecro inauditam in scelere immani barbariem feritatemque) ipse non hac sanguinis inundatione commotus, nec vitam ex-

Insultatio.

hausisse contentus ultro insilit in corpus, & cada veri insultat abiecto, miseri que & exanimis imaginem amici, vultum illum vitâ spoliatum & cruentum pedibus conculcat. Hæc ut exposui, Magnifice R E C T O R, ita gesta sunt: nunc vero restat illud, ut ostendam facinus hoc tantum, quo

*Narrationis
clausula.*

for-

sordidatus hic reus. Academiæ concitavit tribu-
 nal, & suas ipse manus conscleravit, iusta mor-
 te, iustoque supplicio multandum esse. Et quan-
 quam illud ita iam sit clarum, ac perspicuum, ut
 nequaquam dubitem, quin apud te certissimam
 rei condemnationem conceperis, nec conceperis
 tantum, sed debitam tam abominando & luctuo-
 so sceleri sententiam in hunc legum nostrarum
 everforem, & tuæ contemptorem authoritatis sis
 prolaturus: tamen ne in hac causa meis partibus
 videar defuisse, manifestabo deliberato eum de-
 pravatoque animo, jusque omne violando ad hu-
 jus sanguinem effundendum properasse. Atque
 ita cum de eius voluntate prava constiterit, ne-
 quaquam opus erit velle in eo potestatem facti
 declarare, cum proh dolor, ejus enormitatem
 contra naturam oculis hauriamus. Etenim (vide-
 re adhuc videor, & nondum miseram cadaveris
 effigiem sensus nostri reliquerunt) jacet in ocu-
 lis civitatis, exangue, mutilatum, omni lacera-
 tum crudelitate corpus; omnium oculos atque
 ora deterret, adeo ut nec concisum eius vultum
 ferre oculi, nec undantem omni ex parte sangui-
 nem sustinere sensus queant. Mors ipsa hoc in
 luctu misericordiam indulgeret miseria sua, si
 mortuum excitare cives possent, aut sanguinem
 quo forum, domus locaque vicina redundant,
 suis lacrymis restituere. Quoniam quid lacry-
 mas urgeo? quid effusi sanguinis crudelitatem
 repeto: Accedo Iudex ad accusationem. Volun-
 tatemne tanti sceleris negabit? voluntatis tanto
 in scelere libertatem defuisse conqueretur? So-
 cios novo fœdere novum ad scelus adstrinxit, in
 tabernas pertraxit, rem proposuit, fidem acce-
 pit: & non voluit? non liber fuit? Quid opus
 proponere fuit, si exequi non volebat? quid o-
 pus socios fuit ad homicidium nova fide compa-
 rare & obligare, si homicidii non adfuit patradi-

*Confirmatio.**Transitio.**Propositio**futura pro-
bationis.**Brevis ex-
cursio ad**concitandam**indignita-
tem.**Hypothesis.**Probatum**1. voluntas.**A sociorum**evocatione.**Repetitio.*

- Dissolutio.* voluntas? Itane iudicem sine mente sine ratione, sine iudicio futurum existimasti, ut hac unquam te dicentem audiret? Quin potius vereris, ne ad tui nefandissimi sceleris poenam, nova mendacii poena adiiciatur? Quamquam esto, mihi omnino cogitaveris, nunc quid dixeris consideremus. Tranquillam tibi vitam non fore, nisi illi vitam ademisses. Obsecro dixistine & non voluisti? non voluisti, & fecisti? Cruentam hodie dexteram ostentas, & nunquid innocens? Vide quas in angustias te coniciam, si neges, tibi pudorem inicit reluctans scientia: si neges, tua vox qua necis excusationem, habebit: si neges, tui socii, ministri scelerum tuorum, & tui furoris satellites reclamabunt. O insani improborum animi: quid non agunt & moluntur, ut quod mente furibunda conceperunt, crudeli dextera in lucem educant? Non se capiunt, cum odii facibus accensi, furiis impiæ voluntatis perturbantur, non se norunt in furore suo; extinctum est in cerebro iudicium, sepulta in mente ratio, nulla in corde conscientia, nullus est in animo Deus. Sed animadverto, quid tuo illo contracto vultu, & annuentibus oculis dicas. Nefas esse hominem occidere non ignorabam. Credo non ignorabas, sed impunitatem speravisti. Hæc est illa impunitas, M.R. quæ perversorum animos armas in facinus; quæ audaciam timidis addit; quæ pios facit impios, & sanctos aliquando adolescentes reddit sceleratissimos; quæ omnium scelerum parens est & origo. Cuius si non obliviscaris, dum ea quæ homicidium sunt consequuta, extrema adiicio orationi difficile non erit hac in causa iudicium. Quamquam qua voce tandem utar, ubi vocem apprehensa tantum modo barbaries, & insana crudelitas intercludit? Exspiraverat innocens, latissne? insilit & pedibus calcatabiectum, rider, furit, peractum votum exclamat, & animo suo satisfactum. Ita defatigato
- A dicto.*
- A signo.*
- Exagitatio adversarii.*
- Exclamatio.*
- Brevis digressio de perturbatione improborum.*
- Praoccupata obiectio.*
- Responsio.*
- Qua aliud obicitur.*
- Ab impunitate.*
- Repetitio.*
- Disiectio.*
- Similiter desinens.*
- Ab illa quæ homicidium sunt secuta Hypotyposis.*
- iam

iam furore, laffa & fatiata crudelitate, domum *Similitudo*
 rediit, ad fugam se paravit, satelliti miffo refistit, *cadens.*
 imo etiam vim intulit. Quid exhorrefcis, M. RE- *Apostrophe*
 CTOR? quid vultu perturbato fedes? Crudelia *ad iudicem.*
 ifta quidem, fed deliberatæ tamen figna volunta. *A fignis &*
 zis Vide, ut taceat, ut palpitet? ut exalbefcat? ut *adiunctu.*
 membra omnia concutiat tremor? ut per ora vul-
 tumque totum pallor oberret? Ita dum obmute-
 fcit, loquitur confcientia, & in pallore vultus cri-
 minis confessionem Natura depingit. Ita qui in-
 folitum apparatus inftituit, cadaveri infulta *Obieftio.*
 vit, fugam adornavit, voluntatis vacare culpa non *Apostrophe*
 poteft. Fortaffis ita tribunalis clementiam expo- *ad rem.*
 fcer, Ebrius fui. Sed illud à te Homo audaciffi- *Interrogatio*
 me quæro, quæ lex tandem aut quæ iura in crimi- *Brevis di-*
 nis excufationem admittunt ebrietatem? An fi *gressio de e-*
 ingluviem repleviffi, homicida effe debuiffi? an *brietate.*
 fi te ingurgitaffi, innocentis haurire fanguinem *Quales funt*
 potuiffi? Et quid eft ebrietas aliud, quam infa- *ebriofa.*
 nia, quam furor, quam crudelitas? Ita dico, & qua *Exempla.*
 poffum voce dico, tyrannicum ebriofa omnes fpi- *Effectus.*
 ritum habent, fanguinem fitiunt, clades & mor- *Peroratio.*
 tes anhelant Testis eft Alexander, qui Clitum
 & Parmenionem ebrius occidit. Testis eft Cam-
 byfes, qui Confiliarii fui filium ebrius intere-
 mit. Ita quicquid eft fceleris, perpetrat ebrietas
 iura & leges violat, naturam evertit, Et adhuc e-
 brium te fuiffe, dicere aufus eris? Nimis iam
 multa, & hoc unum fupereft M. RECTOR, ut
 quoniam inftitari crimen non poteft, qua par eft
 iudicii feveritate fententia feras ac pronunties. *Postulat ius.*
 Petit hoc iuftitia, poftulat æquitas, & hac in re *ftitiam.*
 auxilium tuum ac fidem Academia implorat. Cõ-
 fule famæ eius, & infamiam aliquando repelle:
 coerce Iuventutis improbitatem, occlude obtre-
 ftantium ora rigore iuftitiæ. Ita fiet ut uno per-
 eunte falvi fint reliqui, & hoc uno reo punito i-
 ta fempet iudicaffe ac puniviffe videaris. DIXI.

CAROLI MONZÆI
LEODIENSIS.
DEFENSIO.
Studiosi Homicidæ.

*Exordium
per insinua-
tionem à cō-
ditione invi-
dorum.*

Vu invidia.

SI quid est quod usquam stupeant & admi-
rentur non immerito sapientes, Magnifice
Domine RECTOR, una est (neque enim
quod obscurari non potest, celabo) una est, inquā
Invidia, quæ cum aliorum quidam nec pauco-
rum non raro animos occupet atque infestet, tum
inter eos potissimum exsurgit, qui optimarum
studii artium dediti ad res egregias & excellen-
tes enituntur, suosque ita labores omnes animant
atque instituunt, ut ipsa non invita fortuna au-
spice Deo, placido quodam virtutum occurso glo-
riam mereantur, posteritatis amorem concilient,
immortalitatem tandem adipiscantur. Atque
cum hæc insana pestis malevolorum & obrecta-
torum adiuta statu explicare atque extendere se-
se potest, tum illum attingit, quem omnium be-
nevolentia florere eruditionis virtutisque fama
assurgere, votis suis gaudere animadvertit, illum
dico, quem cum facilis ad honorem via, tum ea
iam ætas est complexa, unde excurrere generosa
virtus potest? Et vero qui tunc impetus ac tur-
bines sunt invidorum? quid non agunt ac mo-
liuntur, ut autè culmine sperato honoris ac fa-
mæ deturbent illum: aut illius suam sanguine si-
tim odiumque restinguant? Non pati secum re-
spirare possunt; non aliquod per labores & in-
dustriam nomen mereri, non cæterorum amores
ambire: ringunt, indignantur, omnes odii atque
iræ flammæ oculis, ore, animo concipiunt. & e-
ru-

ructant. At cum maxime suis illis furiis agitan- *Causa & oc-*
 tur ac perturbantur, cum deplorandus aliquis *casus invidia*
 miseræ fortunæ casuseam ipsis attulisse videtur *evomenda.*
 occasionem, qua cum aliorum sanguine suum o-
 dium evomant, & cum innocentis clade suam in-
 vidiam eructent. Cuius rei si cuiusquam ætas nō-
 dum experientiam hætenus agnovit, hauriat ab
 hodierna luce fidem, & ab hoc Univerſitatis tribu- *Præſentatio*
 nali, insolitoque iudicii apparatu experimentum. *Iudici.*
 Ecce ego Studiosus, in oculis illustis Acade-
 miæ, in tuo M. D. conspectu reus, sordidatus,
 accusatus assisto, quem non actæ turpitudine vitæ, *Removet*
 non depravata ætatis malitia, sed invidia, sed fu- *causas.*
 cor malevolorum delicere atque opprimere co-
 natur. Scilicet egregius ille studiosi nominis
 oppugnator & Academiæ defensor ab Academia
 infamiam remove-re contendit, dum illa sua E- *Adversariū*
 loquentiæ vi ac potestate petit, ut sanguine tri- *in odium ad-*
 bunalis subsellia redundent: quid est vero aliud *ducit.*
 hoc ipsum, quam impiam severitatem omnia in-
 famiæ parentem, quam odiosam crudelitatem om-
 nis turpitudinis originem introducere? quid
 est, inquam, aliud, quam præclara illa privilegia,
 quibus à tot iam sæculis hæc Univerſitas gau-
 det, ut scil. à Studiosorum vita & capite gladius
 amoveatur, abrogare? Vbi unquam spectata in iu- *Comparatio*
 diciis crudelitas fuit? quæ tribunalia severitas *ex dissimili.*
 commendavit? Profecto si omnis Antiquitatis
 percurrere cogitatione iudicia placet, si Roma-
 nam Curiam & Rostra, si Atheniensium tribu-
 nal, si Spartanorum sedes consideremus, nihil in
 illis nisi oppressa severitate misericordiam luce-
 re cernemus; neque illam huius nostri tempo-
 ris famam & omnium posteriorum suorum re-
 cordationem haberent, nisi ab iis non lacrymas *Causa timo-*
 & desperationem sed animi sui hilaritatem, & *ri, quod de-*
 vitæ spem reportassent accusati. Quamquam non *stitutus*
 ita me huius inimici mei terret Eloquentia,
 quam

*fit reorum
praesidiis.*

Impedimēta

*Accedit ad
refutationē
Accusatio-
nis.*

Refutatio.

*Ad i. argu-
mentum.*

Responsio.

Repetitio.

Interrogatio.

Epiphonema

quam illud, quod reus ab eo factus praesidiis illis omnibus caream, quae prompta reis universa esse solent. Debilitat vocem dolor, animum opprimat indignatio, lachrymae verba intercludunt, & quod caput est, nudus sum ab Advocato, & dicendi facultate destitutus: quin etiam accusor ab eo qui cum ipse studiosus existat, nec minima pars huius nostrae Universitatis, studiosorum tutari causis deberet, eorum privilegia defendere ab eorum capite ferrum atque omnem iniuriam propulsare. Veruntamen ut intelligas M. Rector, non ex zelo aliquo, iustitiaeque amore, sed odio quodam & invidia omnem hanc adversarii accusationem processisse, tua venia respondere conabor ad illam, & quidem quantum ingenii perturbatio patietur, sperans utique Magnificentiam tuam fortunae huic nostrae perfugium ad futuram, quam horribilem & formidolosam adversarius futuram arbitrabatur. Atque ut ad severissimam inimici nostri criminationem accedam, nullum odium, quo ad facinus instigaret, nullam etiam Inimicitiarum occasionem praecessisse dixit. Quae so ut hoc tibi tanquam verissimum concedam, imo etiam à te accipiam, quid absurdius ad causam tuam dici, quid melius ad nostram potuit excogitari? Si amicus (ita enim ais) illi eram, si nulla inimicitiarum data est unquam causa, cur illi mortem depravata voluntate machinaret? cur ad illius sanguinem hauriendum, arma, socios, vim ipsam ac crudelitatem conquirerem? Profecto ita constitutos improbos omnes à natura videmus, ut ad malum nunquam nisi aut odio impulsu, aut spe aliqua bonorum allecti adducantur. Quid vero tandem ex hac morte sperare boni potuissem, quae mihi amicum meam vitam chariorem, adimebat, & cum ut tu ipse fateris, cum quo mihi summa semper & vitae coniunctio fuit & officiorum? Quin etiam ita semper

per iustitiam verebar, & illam tuam in iudicio
 auctoritatem, Magnifice Rector, extimescebam, *Apostrophe*
 ut veliosa cogitatione ab omni eo abhorrerem,
 cuius enormitate tribunalia concitarentur. Qua-
 re cum ea omnia, quæ de apparatu nostro indi-
 cioque voluntatis sunt prolata, defensionem *ad indicem.*
 hanc nostram tueantur, non ejus corroborent
 criminationem; quod manifestum est, nec igno-
 rare jam amplius tribunal hoc potest, delibera-
 to me quicquam animo fecisse nego, & si quid
 accidit humanitus, id omne contra voluntatem
 opinionemque nostram dico perturbato animo
 contigisse. Sequatur nunc illud, quod ut à
 rae prolatum falso protulit, ita nulla ipsius ac-
 cusationem veritate comprobavit. Quid ergo
 tandem dixi? Tranquillam mihi vitam esse non
 posse, nisi vitam illi prius ademissem. Ita in-
 quis, & quis obsecro tecum? ubi ego tunc etiam?
 ubi illi qui audisse se testantur? Sociosne pro-
 ducis? Tacebo nunc de illis, & ratione te tua
 gladioque convincam. Neque enim inficiabe-
 ris opinoream maxime quietam esse vitam, quæ
 in consuetudine est amicorum: unde cum ille
 mihi amicorum semper optimus maximusque
 extiterit, quamobrem cum illo quietam ac tran-
 quillam habere vitam nequaquam potuissem?
 Vides ut te tuo ferro perimam. O veremise-
 ram Studiosorum conditionem! O calamito-
 sum statum illum, in quo hodie sub Acade-
 mix patrocinio ac tutela labores & animos stu-
 diis artibusque consecramus! Quæ enim con-
 ditionis felicitas, aut quæ vitæ tranquillitas
 studiosis esse poterit, si propter dictum aliquod
 & fictum & falsum in iudicia suppliciaque pro-
 trahantur? Quis in posterum loqui, imo quis
 in posterum prodire audebit, si non tantum, quæ
 non dicta, sed quæ nec cogitata sunt unquam,
 accusantur? Eandem profecto veritatem illud

*Negat vo-
luntatem.*

*Ad 2 Ar-
gumentum.*

*Responsio
per negationem.*

*Retorquet
pro se argu-
mento ad-
versarii.*

*Allegoria.
Exclamatio.*

*Deploratio
conditionis
presentis stu-
diosorum.*

Ad 3. Argumentum.

Responsio.

Exagitatio

adversarii.

habet quoque, quod speratam à me impunitatem & hac impulsam me ad scelus provolasse dixisti. Age discute rationes tuas, crede oculis tuis, si iudicii errore non cares. En adsum in iudicio, tuam audi vi accusationem Magnifici iustitiam & æquitatem exspecto. Cur hæc facio si impunitatem speravi? Non ista fuit opus tibi verborum farragine: non erat quod fulmina nobis & tonitrua tuis verbis ad terrendum potius, quam ad probandum excitares: non inquam, illud à te Iudex postulabat, non Academia, non muneris tui partes requirebant, ut quod ego non inficior manifestare labores. Videt me Iudex clementissimus fatentem, quicquid est intelligit, sed insuper causa me fretum iusta misericordiam exspectare iudicii

Fatetur ad-
dicta causa.

non ignorat. Dicam enim, & quicquid tandem agas, proclamare non erubescam Nunquam, nunquam in illam animi calamitatem processissem, nisi vino correptus, nisi heu pudor! & pro dolor!) intemperantia perturbatus fuisset. Miratisne, & aliter probasse te putas? Testor te omni cogitationum inspectorem Deum, testor lucem illam, quam hodie traho respirans, & quam mihi supremam esse desiderares; testor vos etiam Sodales mei, vidistis me vino correptum, sustinistis perturbatum, imo, addam etiam, doluistis. Adeste, ubi nunc estis? Cur non mihi vox hic vestra testimonium aliquod apportat? Cur patimini, ut qui cogitationes vitam quem meam fideles amici cognovistis, nunc illam perfidi & infideles lacerare videamini? Cur ego sana mente testimonio fuisse vestro dicor, quem ebrietate correptum doluistis? ô detestandam ebrietatem! O abominandam intemperantiam! Itane oculos meos exæcasti, ut amicum nō vderem: Itane mihi rationem omnem ademi-

Invocatio
Dei in te-
stem.

Testatur
socios.

Exclamatio.

Investiva in
ebrietatem
permixta
conquestione.

sti, ut familiarissimum mihi hostem esse iudicarem? itane in hanc me miseriam adduxisti, & amici cruentatus sanguine nunc dicat, accuset,

& præ-

& præter lachrymas ad causam vitamq; tuendam nihil habeam Veruntamen age, Magnifice Domine RECTOR, ut amplius de accusationis falsitate non dicam, & hoc tibi considerandum relinquam, quam iniquum sæpe odium comminiscantur, & quam sceleris nihil relinquant, qui animi perversitate ducti secum alios respirare dolent & ingemiscunt. Age, inquam, sim reus, nihil nostræ valeant rationes, nihil me perturbare fuisse profit. Egone per supplicium mortis extremum Academiæ valedicam? O iniustitiam! ô iniquitatem! Vbi, ubi ergo sunt illa tot insignia studiosorum privilegia? ubi ius illud præclarissimum quod tot pridem Pontifices, Cæsares, Reges, Principes hac urbi & Academiæ concesserunt? Egone ab eorum hodie tutela præsidioque firmissimo depellat, qui Studiosi mihi nomen gloriosissimum assumo? Circumspice Iudex, & illam Magnificentiz tuæ autoritatem attentius perpende. Cur ita solus hic sedes, ut tibi sit in vitam caputque meum autoritatem prima concessa potestas? Cur non in prætorium tribunal abripior? Cur in me civitatis iura nihil possunt? Nimirum, ut dum alia tribunaia severitatem exercent, tu æquitatem quandam leniorem, dum alii rigorem attendunt, tu clementiam præponas & facias. Illam subditis Principes, illam civibus Magistratus concedunt, cum excusat aliqua causa voluntatem; & ego non illam experiar, in quo nulla fuit sceleris ullius voluntas. Quanquã quid ego apud tuam illam Magnificentiam, Clementissime Iudex, rationum pondero momenta? hæc tu ipse iam omnia cogitasti, iustissima iudicasti. Finge ergo quod facere aut velle non potes, sed finge tamen M. R. tua sententia me iam esse condemnatum, perductum ad supplicii locum, morti præsentem & denudatum ferrum iam iam in me distringendum, omnium ora atq; oculos, profu-

*Concessio.**Confirmatio
quæ deprecatoria est.**Exclamatio.**Conquestio.**Apostrophe
ad iudicem.**Ratio cur
ad prætorium
non abripia-
tur.**Per comparationem.**Hypotyposis.
Amplificatio
ab adiunctis.*

*circumstan-
tia.*

sis tamen lacrymis, in me conversos. Quid tandem? quid deinde? quis hoc & quo animo spectaculum videat? quis mortem hanc meam sicis oculis ferat? Illinc cives adstabant & miseram studiosorum conditionem irridebunt, qui in ea causa moriantur; in qua ipsi gratiam assequerentur: hinc vero studiosi flentes omnes & suspirantes, immanem Academiae huius crudelitatem detestabuntur; imo abire cogitabunt, & iam illi Urbi valedicere, in qua facile calamitas aliqua contingat, nulla vero gratia aut misericordia reperiatur, ut abire satius sit, quam casum illum expectare. O te felicem Publi Horati? o fortunatam aetatem tuam? o desideratam dexteram tuam conditionem: tu latitiae elatus olim, ego perturbatione correptus; tu sciens & volens sororis sanguinem hausisti; ego nescius & non volens in malum incidit: tu populi Romani iudicio liberatus fuisti, ego in Academia misericordiam Studiosus requiro & mori debeo. Ubi ergo misericordia? ubi toties hoc in iudicio spectata benignitas? ubi clementia, quae hoc in tribunali sedere solebat? Noli, noli obsecro iudex aequissime, inimici odium ponderare: noli ultricibus illis iratum in me flammis accendi. Te moveant haec ora fletu confusa, hi oculi lacrymis demersi.

*Comparatio
per conten-
tionem.*

*Exoratio ad
commisera-
tionem com-
posita.*

Exclamatio.

haec mea languida & abrupta singultu voces. Commoveat animum tuum miserae aetatis meae conditio; evincant te dolores & lachrymae parentum meorum. O frustra suscepti parentum labores? O spes inanes! O fallaces de me unquam cogitationes moriar? & in hac aetate prima? hoc adolescentiae meae flore? cum mei laboris honorem consequi, cum vigiliarum mearum fructum percipere deberem? Quid dicetis o miseri parentes mei, cum eversum crudelissima tempestate filium audietis; quis erit lachrymarum vestrarum modus aut pudor, cum me mortuum intelli-
getis

getis, cuius vitam vobis olim fore vitam proba- *Prosopopæia*
 tis? Audio, audio etiam in auribus meis vestra *parentum*
 lachrymæ dolores ingeminant. Quid dicetis? quo
 abriperis vita nostra o fili? quod in te tantum esse
 potuit crimen, ut qui vivere nobis debebas, aliis
 tam crudeliter moriaris? hancine spem nobis &
 expectationem pollicebaris? Tunc ille, quem ali-
 quando patriæ columen, reip. ornamentum, pa-
 rentum solatium atque unicum gaudium futu-
 rum existimabamus? O miseri nos parentes tui!
 O nos infelices, qui te genuimus, & educavimus.
 qui pro te tot molestias & labores sustinuimus, ut
 lachrymas hodie, infamiam, mortem ipsam te- *Apostropha*
 cum, (neque enim sine te vivere amplius licebit) *ad iudicem*
 perferre debeamus. Age, age ergo Iudex, tolle se- *cum depre-*
 veritatem, ostende misericordiam, noli filium in- *catione.*
 terimendo, parentes interimere. Cogita nimis
 esse crudelitatis ob levem aliquam perturbatio-
 nem adolescentem ad mortem deprimere. Cogita
 quod à te veniam in posterum tenebo si concesseris,
 & quod omnibus prodesse ferventius studebo,
 si gnoveris. Te igitur oro & obtestor, Magnifi-
 ce Rector. Iudex optime, ut illas, quæ mihi tan-
 tum hac in defensione supersunt, lachrymas at-
 tendas, oro inquam, ita in ferenda sententia sen-
 tias, ut non accepta morte sævitiam, sed vita
 concessa misericordiam possem
 experiri. DIXI.

— (o) —



ANDREÆ à JUBEMA LEOWARDIENSIS FRISII.

ORATIO

*Adversus M. T. Ciceronis Oratoris
Principis Interfectos.*

Mixta ex vituperio & Accusa-
tione.

*Exordium a
miratione
propositi.*

*Propositum
laudare Ci-
ceronem.*

*Causa mi-
rationis iusta
iracundia.*

*Occasio mi-
rationis fuit
reco-*

Cum primum eloquentiæ limen sum ingres-
sus, Eruditi Domini. Humanissimi Ado-
lescentes, confirmato animi iudicio con-
stitueram apud me M. T. Ciceronis egregiam
vitæ laudem, eloquentiam & nominis immorta-
litem non affectu tacito tantum, sed aliqua
publicæ laudationis oratione, prosequi lubenter;
quod & tempus ita faveret, & hic locus Eloquen-
tiæ consecratus postulare videretur, ut in anni
principio Eloquentiæ Alumni Eloquentiæ paren-
rum salutarent: sed nescio quonam tandem
fato accidit, ut ea hoc tempore honestissimi officii
cogitatione deposita suggestum hunc iratus ac
perturbatus conscenderim, quasi impotens animi
commotionem quandam maiorem exulcerato
corde recondam. Est, est iracundia, ne-
que enim insitias ire possum, quæ ab illa cogitata
laudatione, in has me quærelas, sed iustissimas
pertraxit: est iracundia, quæ dum impulit con-
ceptæ voluntatis vela, scopulis quibusdam do-
loris & angoris animum hunc nostrum affixit.
Etenim cum in ea cogitatione Ciceronianæ lau-
dationis occuparet, & illius tanti viri vitam uni-
versam, mortem denique considerarem, occur-
rit

rit animo Marcus Antonius, qui Ciceronem indignissime prolecripsit, & caput illud ingenii, consilii, ac Eloquentiæ plenissimum ignominiosissime ad ludibrium exposuit in Rostris: præsentavit se cogitationi nostræ Popilius, à quo Ciceronis impudenter caput est abscissum: visa quoque Fulvia fuit quasi præsens cruentis manibus & inflammato vultu, quæ Antistitis sapientiæ caput crudeliter laceravit: ita factum est, ut subito impetu justî doloris iracundiæque sim abreptus ad hos, nescio an homines dicam, sed tamen nefandissimos homines aliqua qua possem, oratione perstringendos. Ea enim est iræ justæ natura conditioque, ut injuriam sine mora persequatur, & animum statim abripiat in ultionem: ita etiam facere solent, qui ad aras (ut ita dicam) vivunt amici, qui dum aliorum injuria oppressum animadvertunt amicum, non ad hunc primum, ut solatium ferant, accurrunt, sed insequuntur percussores, ut ulciscantur. Agite ergo B. AUDITORES, concipite mecum iram justumque dolorem, & vindictam tandem aliquam sumendam esse statuitote; ego tria illa monstra, quorum vitam indignissimam factumque detestandam orbis universus adhuc hodie execratur ac condemnat, hac oratione perstringam; ut si non armis possum, voce saltem Ciceroni succurram. Sed ita mihi agendum hic esse animadverto, ut tres quidem invadam, sed non omnes simul oppugnem: in singulis insistendum est orationi nostræ. Atque utinam, in primis Marcum Antonium repræsentare vobis possem velut in tabula depictum; videretis malitiam ipsam adumbratam, omne virium suis coloribus expressum, omne scelus in aliis dispersum; in hoc uno, pene dicam solo nomine fuisse collectum. Quamquam hominem à puero totum consideremus, & hinc tandem ordiamur. Poene puer adhuc prætextam decoxit; en-

*datio. M.
Antonii
proscriptoris.*

*Popilii percussoris.
Fulvia lacerantis.*

*2. Causa
mutationis
rationis confirmatur.
Item simili*

*Excitatio
Auditorum*

Propositio.

Partitio.

*Prima pars
confirmatio-
nis contra M.
Antonium.
Vituperium
à pueritia.*

Ab adolescentia.

Dissolutio.

Compar.

Similiter

desinens.

Ab indigno.

Contraposita

*Adolescens
malus fere
semper vir
pessimus.*

*Divinatio
quædam
Oratoris.*

præclarum insignis aliquando vitæ fundamentum ! E pueris excessit, togamque virilem sumpsit, sed hanc statim muliebrem stolam effecit : en robustioris ætatis initium quam foedum & infame ! Adolescentens erat Marcus Antonius, vulgare scortum factus est primo, & meretricium quæstum suo corpore quæ sivit, ut etiam ab adolescente flagitium emeretur, Mutata tandem conditio vitæ, sed non scelus ; interuenit. Curio, & Antonium vulgare scortum, suum effecit, & stabili sibi matrimonio locavit. Erat in ejus potestate totus Antonius, eiiciebat illum, e domo pater, sed hortante libidine redibat ; dispositi custodes erant ne limen intraret, sed cogente mercede per regulas nocte socia sese demittebat. Et quantum est illud, adolescentem aliquem & Romanum, mulierem impudicam esse & agere meretricem ? Ita nulla florentissimæ familiæ recordatio, ne nomen ipsum avis omnibus & maioribus gloriosum, illius à libidine voluntatem revocabat, nulla propriæ consideratio ætatis, quæ prima solet ad virtutem inflecti & erudiri, ab inhonesto quæstu deterrebat. In eo pudor esse debuisset, hunc vicerat libido, commendare illum modestia debuisset, hanc impudentia superarat ; requirebatur virtutis amor & gloriæ, hunc infamia, & infamis foeda luxuriæ spurcicies extinxerat. Obsecro quid à tali adolescentia potuit aliud expectari, quam illud ipsum quod evenit, ut videlicet qui adolescens esset sceleratissimus, vir fieret ex omni labe nequitiaque conflatus, & Principem populi Romani virum, orbis universi Doctorem, sapientiæ ipsius interpretem contrucidaret ; nec hoc solum, sed cum illo Romanum imperium extincta libertate sepeliret. Credo omnino : invidebant Ciceronem orbi fata, & Antonium adhuc tum Adolescentem ex omnium colluvione scelerum conflare voluerunt, ut ad tantum

nequaquam impar aliquando crimen exstaret. *Ve. Transilio ad*
 runtamen puerum hunc & adolescentulum ne *virilem aca-*
 diutius his in sordibus & ætatis primæ lato tam *tem.*
 attentis oculis consideremus, virum ipsum & im- *Exclamatio.*
 probitatis robustioris hominem quantum possu- *Correctio.*
 mus cogitatione non imbelli perpendamus. O *Comparatio*
 virum nequitia ipsa & omni scelere detestabi- *cum Tarquin-*
 liorem! Quamquam quid virum appello? O *nro.*
 monstrum? O portentum? ita nullus scelera-
 tiorexitit aut amentior unquam. Vixit ali-
 quando Tarquinius Superbus, cuius in omnes li-
 bido crudelitasque fuit in humana, sed tamen
 post eam Populi Romani libertas est secuta.
 Quid vero post Antonii nefandissimam libidi- *Cum Sylla*
 nem crudelitatemque Romana vidit? miseram *& Marius*
 & indignissimam servitutem. Luserunt in san-
 guine populi Romani Sylla quondam Mariusque
 sed ille dictatura se tandem abdicavit; hic au-
 tem moriendo libertatem populo Romano reli- *Transilio à*
 quit. Quid Antonius? ut immanior cæteris vi- *minoribus*
 deretur, nullam in pacem potuit unquam addu- *sceleribus ad-*
 ci; hoc unum vero conatus est semper, ut op- *maiora.*
 primeret Regio dominatu libertatem. Atque
 ut in minoribus illis sceleribus cum ipso non
 ludam, uno verbo scelus omne maximumque
 complectar. Perniciosissimi belli, quod à Cæsa- *Repetitio.*
 re Pompeioque viribus adversis est gestum, con- *Amplifica-*
 stitit in Antonio causa ille est, qui socerum ge- *tio ab affe-*
 nerumque mutua in vulnera armavit: ille est, qui *ctibus.*
 sanguine Romano Pharsalicos campos redunda-
 re fecit, Ille est qui Senatui authoritatem, po-
 pulo libertatem ademit: dicam totum, qui Im-
 perium Romanum extinxit. Ille triumphabat, *Amplifica-*
 cum libertatem amissam victa civitas deplora- *tio per enu-*
 ret; exultabat, cum post tot bonorum civium *merationem*
 sanguinem effusum ceteri sibi vivendum esse non *Alia fasi-*
 iudicarent; regnabat, cum servitutem omnes re- *nore: Anto-*
 diisse lugerent. Quod si illum vidissetis, cum
 im-

*nis indignis
fima.*

*Vituperatio
à Trinuvi-
ratu.*

Dubitatio.

*Resolutio
dubitatiois.*

*Laus Cice-
ronis.*

*Conductio
a-
tio.*

Apostrophe.

Invectiva in

Antonium.

immanē quadam audacia in aedes Pompeii Magni irrupisset? cum ebrios & aleatores scelerum satellites suorum in easdem induxisset? cum hastam pro aede Iovis Statoris, ut Pompeii Magni bona voci acerbissimæ Praconis subicerentur, posuisset? Erat tum quidem direptio nobilissimarum & splendidissimarum ædium, multæ & lauta suppellectilis devastatio, aurī plurimi & argenti dilapidatio; sed erat simul civitatis universæ gemitus, dum omnes dolerent hominem, quo terra nequiores non produxisset, in hominis omnium optimi bonis ac fortunis exultare. Nescio quis orationem rursus affectus impellat, perturbor enim non parum & cogitationem, plures impediunt hominis huius nequitia, quam promere loquendo possum. Vos utimini cogitationibus vestris AUDITORES, & quod deesse dictioni nostræ potest, memori præsentique mente supplere. Factus est Antonius aliquando Triumvir, & Octavio Cæsari coniunctus orbis imperium tanquam opulentissimam quandam prædam est partitus. Quid hic dicam? magnum est scelus, populi totius imperium libidini duntaxat unius inservire: sed illud non queror, non inde dolor hic meus & ira. Ille, ille scelerum omnium machinator, sæculi labes portentum immanissimum, Ciceronem heu qua voce quod superest, dicam) Ciceronem Romane urbis Parentem alterum, orbis lumen, eloquii flumen ferali tabula proscripserit? Proscripsit? & quis tu, qui proscripstisti? fatale monstrum urbis & orbis, libidinum omnium & scelerum satelles. Quem vero proscripstisti? Patriæ patrem, tertium urbis conditorem, imperii & nominis Romani decus eximium, Ciceronem, inquam, virum omnium virorum maximum, præstantissimum, sapientissimum. Nec ista hominum omnium sceleratissime considerasti? non illam tuam mentem cogitatione-

rationemque crudelissimam viri tanti recordatio potuit permovere? Sed erat, erat in re crudelitatis duntaxat ardor solius; erant impietatis furiae, quibus agitated, avunculum fratremque proscribi maluisti, quam resecta Ciceronis ceruice carere. Ita omnem humanitatem exueras; ita totum animum tuum belluarum quaedam feritas occuparat, ita sine sensu sine animo, totus inquam ferreus eras, ut nec avunculi te reverentia moveret, nec affinitas fraterni sanguinis retineret. O te miserum Ciceronem! jam enim peccatus hoc nostrum alto vulnere doloris tu finemoria perfodit; indignor, & quod debeo, pati nequeo; virum te tam illustrem ab homine tam perverso (si tamen hominem appellare possum) proscribi, & hoc tantum scelus impune fecerit Antonius? Nullum in coelo numen, nullus scelerum vindex extitisset? Nolite id opinari AV-DITORES, immaniissimus hic parricida turpissimo tandem vulnere succubuit, & mediis in delictis crudelitatis inveteratae poenas perfolvit. Ut erat sine mente ac totus amens, Cleopatrae mulieris impudicissimae amore inflammatus, Caesaris sororem repudiavit. Quid exspectatis? ut libidines, ut luxum, ut totam denique in hoc matrimonio vitam enarrem? non paterentur aures vestrae, & jam hic animus meus reformidat, cum solam cogitationem assumo; hoc tantum dico, qui tot alios viros illustres vel occiderat: vel occidi curarat, à quo occideretur non invenit, & in seipsum convertere debuit manum ac ferrum, nunquid illa digna viro, digna factis, digna vita mors fuit? Sed jam nimis fortasse multa de Antonio; occurram illi vestrae satietati Audit, & quae super sunt breviter perstringam. Erigite rursus animos mentesque vestras, & Fulviam foeminam omnium sceleratissimam cognoscitote. Illa est enim, quae in hoc tanto scelere & indignissima Cice-

Conduplicatio.

Exagitatio ab omnibus vitiis.

Repetitio.

Exclamatio unus dolor habens.

Indignatio

Oratoris.

Punitio

Antonii.

Suspectatio.

Vituperatio ab obitu.

Qualis vita talis mors.

Transitio & renovatio attentionis.

Cice-

*Secunda
pars confir-
mationis
contra Ful-
viam.*

*Comparatio.
Fulvia cum
aliis crade-
libus fami-
nis.*

*Cum Tomi-
ri.*

*Susentatio.
Cum Tullia.
Dubitatio.*

*Cum Herodi-
ade.*

*Representa-
tio scemina
peſſima.*

*Apoſtrophe
& inveſtiva
in Fulviam.
Synonyma*

Ciceronis morte, non ſatis habuit conſilium crudeliſſimum communicare, ſed ejus quoque ſanguine manus ſuas voluit commaculare. Verum illam ut dixi, cognoscitote, quod ut facilius faciatis, repræſentate, quaſo, vobis cogitatione tacita Tomirim aliquam, quæ manu cruenta regis Cyri caput in utrem ſanguine humano repletum immergat. Sed ſufficere nondum poteſt tanta crudelitas, ut huius ſceminæ crudelitatem cognoscatis. Concipite ruſum Tulliam aliquam quæ maritum primo ſuſtulerit, & hoc maximum ſcelus) poſtea vero per jacentis cadaver patris carpentum egerit Barbarum facinus & inauditum? Quid eſt? an igitur huic ſimilem Fulviam eſſe dicam? non poſſum AVDITORES, crudelior adhuc eſt Fulvia, quæ cadaver non calcavit tantum, ſed impia efferatiſſimaque laceravit. Quam igitur ex omni tandem ævo reperiam, cui parem crudelitate Fulviam eſſe non dubitem affirmare? an Herodiadem illam meretricem, quæ D. Ioannis mellitiſſimam aureamque linguam acu tranſuerberavit, vulneravit, excarnificavit? fateor jam fortaiſſis ſimilem aliquem inveniri, ſed quæ tamen adhuc Fulviæ cedat. Veſtrum eſt AVDITORES, liberæ ſunt enim cogitationes uniuiusque: veſtrum eſt inquam hic ſupplere cogitando, quod explicare loquendo non poſſum. Concipite ergo, & in mente veſtra ſceminam aliquam efformate, in qua omnis nequitia ſit & audacia, omnis inhumanitas & barbaries, omnis crudelitas feritasque belluarum, tum certe Fulviam illam conceperitis, quæ ut talis extirrit, ita digna M. Antonii conjux fuit. Ergone in novi ſcleris inventrix, inaudita magiſtra crudelitatis, opifex inſolita ſcivitrix, Marci Tullii linguam ſtylo ferreo & acu discriminale, qua rabie dicam niſi ferina, pupugiſti, perforaſti, tranſiſti? ergone tu impudico gremio caput complexa

plexa Ciceronis, ut tuum odium sævitiamque
 fatutares, extrahere mortuo linguam potuisti, ut
 configendo, mortuo insulantes, confodiendo
 iam occisum trucidares; transadigendo, vene-
 randos Marci Tullii manes lacerares? O crude-
 lissimam immanissimi viri uxorem! ò rabiem
 feritatemque inauditam! non te mulierem hoc
 in facto crudelissimo agnoscebas? non illud ca-
 put, heu mortui Ciceronis, extinctum; rescissum,
 laceratum cruentum perhorrescebas? non è lin-
 gua illa fulminatrice flammæ, fulgura, tonitrua
 pertimescebas? non illum sinum tuum, tuas ma-
 nus, tuas vestes innocentissimos sanguine cruentare
 dubitabas? Quanquam, quid hic rursus oratio-
 nem exulcerat & simul absorbet? quid mentem
 dolore novo percellit, ac me totum pænè mei obli-
 tum immutat? Videor hic videre sicarium ac per-
 cussorem quendam Popilium puto, qui educta sica
 sanguinem & mortem anhelans, festino cursu, ple-
 nus furore ac scelere Ciceronem persequatur? Ira-
 scor, dolco, misereor tui ò Marce Tulli, & vix vo-
 cem reperio, quæ tuum illum percussorem sustineã
 paulisper. Agedum tamen reprime cursum anhe-
 lantem ò furcifer, mortalium omnium ingratis-
 sime, Ciceronis interfector crudelissime. Et quis tu
 qui sicam intentas? infimæ conditionis homo &
 patricida, à Cicerone causa quondam prope despe-
 rata liberatus. Quem vero tam nefarie contrucida-
 re contendis Ciceronem, id est liberatorem tuum
 à quo vitam accepisti, illum de vita deturbes,
 O audaciam, ò nequitiam intolerandam? Tunc il-
 lud caput liberatoris tui caput canis respersum
 & plenissimum dignitatis amputare potuisti?
 unæ salutis authorem contrucidare, & illam il-
 lam Eloquentiæ Romanæ vocem truncare ausus,
 fuisti? Non te cruenta multo sanguine cæsaries.
 & oris ex sanguis pallor, oculique cadentes

*Comparatio,
 Disiunctio,
 Similiter
 desinens.*

*Exclamatio.
 Interrogatio.
 Dissolutio.*

*Transitio
 per simula-
 tam turba-
 tionem Ora-
 toris.*

*Tertia pars
 confirmatio-
 nis contra
 Popilium.*

*Demonstra-
 tio seu*

*Hypotyposis
 Commotio.
 Oratoris.*

Apostrophe.

*Invectiva.
 Exclamatio.*

*Conduplica-
 tio.*

Repetitio.

Disiunctio.

*Similiter
desinent.*

*Disiunctio.
Comparatio.*

*Digressio de
fato Oratoris
Hiperidis.
M. Antonii
oratoris De-
mosthenis.
Ciceronis.
Exclamatio.*

*Repetitio.
Disiunctio*

ad commiserationem permovebant? non tacitas
suspirantis oris voces, quibus hiantibus ille la-
bris sepulturam efflagitabat, audiebas? nihil te
miserandus aspectus Romano populo tam diu
venerandus; nihil illa manus, quas pro te sup-
plices iudicibus retenderat? nihil vox eius su-
prema, qua suum testatus est in patriam amorem,
deterruit? Obduraverat pectus ad dolorem, claude-
bantur ad lachrymas oculi, miserandis precibus
aures obsurdauerant. Et iam etiam vestros animos
AUDITORES aliquo commotos, & indignatione
quadam exacerbatos animadverto, ut omnino
longiorem de hac tanta crudelitate sermonem re-
fugiatis. Sed est hoc miserum tamen & deploran-
dum oratorum fatum. Sensit Hiperides, cuius
linguam quoque crudelitas post mortem lacera-
vit. Expertus est Marcus Antonius Orator, cuius
caput venerandum in epulis Caii Marii exposita
ludibrio fuit. Non evasit Græciæ lumen Demo-
sthenes, quem ad seipsum enecandum dirum il-
lud fatum adegit. Nimirum eodem illo fato Cice-
ro noster fuit oppressus, cuius caput (ô spectacu-
lum hominibus, feris, saxis ipsis luctuosum!) cu-
ius caput mortuum, pallidum, muliebri crudeli-
tate laceratum, inter ambas manus pro rostris ex-
positum, quid aliud quam gemitum, & populi
Romani lachrymas exiuit? Ibi os sapientiæ taber-
naculum reticebat, ubi Regum, Consulum, & tot
privatorum Civium capita servavit; ibi lingua le-
poris sedes & Eloquentiæ frigeat, ubi tot tela im-
probos cives detorserat aliquando; ibi vultus ille
cruentis rivulis deturbatur, cuius aspectu curia,
forum, universa civitas recreabatur; ibi vox sua-
vissimus Suadæ sonus silebat, ubi aures atque ani-
mos populi Romani iucundæ pariter, & vehemē-
ter exhilarat. Quid dicam amplius?

*Abstulit una dies a vi decus ista q̄, luctu
Conticuit Latia tristis fucundia lingua.*

Itane vero? retexo sermonem. AUDITORES, continere dolorem, reprimite iustissimis mœro-
ris affectum; non obiit Cicero totus; nihil effe-
cit Antonius proscribendo nihil illa Romana fu-
ria Fulvia lacerando, nihil Popilius percutiendo: evolavit in immortalitatem, & in æternitate no-
minis & famæ triumphat. Non recitet vox eius
sed clamat in libris; manus frustra sunt recisæ,
nam immortalis penicillo in posterorum memo-
ria eius imaginem depinxerunt. Audebo ne et-
iam illud affirmare, immixtam idcirco crudelissi-
mam hanc mortem à fati, ut illustrior Cice-
ronis fama foret, qui morte fortissima immensi
in patriam amoris argumentum ostendit? Om-
nino ita est, AUDITORES; sed tamen itane nul-
lam sumere vindictam cupietis? ita Rhetores
vestri Principis & parentis mortem ulcisci refo-
midabitis? Vidistis: si me saltem, ut opinor, men-
te estis affecuri, tria illa monstra, concipite nunc
iras novas, assumite odium tanquam ferrum, &
omnibus eloquentiæ armis pestes illas ac mon-
stra prosequimini, imo vero confodite, si pote-
stis. Profecto, si mihi liceat hic sensa mentis &
animum totum aperire, videte iam mihi videor
redivivum à morte Ciceronem, non sanguine
turpatum, sed pulchrum; non capite truncatum,
sed coronatum, & omnis maiestatis plenissimum
& immortalitatis triumphali, curru, cui Græci o-
mnes & Latini Oratores applaudant, quem omnis
posteritas sequatur. Nihil ne auditis? non illam
vocem, qua vos Rhetores compellat, percipitis?
Quid obstupescitis, & in vobis hæret affectus, Rhe-
tores mei? non me Antonius occidit, sed in im-
mortalitatem evolavi: nunquid enim virum sa-
plentem mori nunquam, non ignoratis? vestris
in

*Correctio.**Repetitio.**Similiter**desinens.**Coniectura**de genere**mortis Cice-**ronis.**Peroratio.**Excitatio ad**vindictam**aliquam**sumendam.**Hypotyposis.**Contentio.**Prosopopæia**Ciceronis.*

Clausula.

in animis iam vivo, vestro loquor in ore, vestris manibus compareo. Ita me amare, ita retinere, ita imitemini & efformare. Credo iam vos audire, ingenui & bene nati Rhetores, proindeque nihil amplius dico, illud rogo tantum & obtestor, amate quem amatis Ciceronem vestrum, & quam vocem auditis, imitari velitis. DIXI.

Actio Iudicialis.

In qua perduellionis reus Dux coram Rege accusatur.

ORATIO I.

Accusatoria.

ÆGIDII BERVRIER

CRISPINIENSIS.

*Exordium à
veneratione
nominis re-
git.*

CVM omni tempore & ætate maiorum & hac nostratēpestate. Sanctissimum Regis nomen vnerandamque maiestatem apud omnes orbis universi gentes ac nationes ita fuisse in honore admirationeque, ut omnes semper populi regem suum tanquam Deum aliquem in terris mortalem, ad quem sit in homines divinitus concessa potestas, venerarentur, attentiormente revoluo, prorsus subita mentis cogitatione perturbor, & scopulo velut adhærens, ignoro, adhunc lucis exortū diem explorare, quo conqueri de Lasa Regis maiestate cogor, an vero de beatam prædicare. quod struſas in Regis vitæ machinationes in auctoris sui caput ac perniciem recidisse animadvertam. Sed tamen congratulare tibi & exulta, Rex invicte hodierni

Dubitatio.

*Apostrophe
qua congra-*

di

die quem natalem esse tibi & tuæ salutis illuxisse voluit Deus, Venerare fortunam illam tuam, cuius hodie beneficio ac felicitate servatus, tuo capite sceptroque potiris. Quamquam egone in augustissimæ supremæ tuæ maiestatis conspectu ita loquor, ut te velut è faucibus mortis extractum fuisse dicam? ita vero tu audis, ut aliquem in perniciem coniurasse tuam cognoscas, cum tot ac tanta sint in omnes beneficia à tua maiestate profecta, ut ab inuitis amorem valeant extorquere? tristis ista profecto oratio mea, & acerbus tanti Regis in hoc tribunali confessus. Sed est tamen hoc dicendum, quod dixisse iuvat, & audiendum aliquando, quod postmodum audivisse prodest. En habes Rex fortunatissime, qui beneficiorum tuorum oblitus sanguinem tuum sitivit, & exuto amoris omnis affectu patriæ everisionem scelerata mente concupivit. Ita testor maiestatem tuam; testor ordines omnes, atque ætates universi regni non est non modo muneris, sed ne voluntatis huius meæ, reos in iudicium citare duces & accusare est vero Regis auctoritatem tueri & iudicii severitate tollendos producere perduelles. Quapropter, Rex Auguste iusto huic officio meo, & coactæ propemodum voluntati tuas istas aures ac mentem concede, ut dum scelus illud expono, quod non in aliquem è plebe sed in ipsam maiestatem tuam est excogitatum, & pro quo hodie conscendisti tribunal, inimicis tuis irasci, tibi vero possis congratulari. Atque ut facilius tanti sceleris indignitas constet, exponam primo breviter quibus gradibus Dux hic reus ad tantam illam dignitatem suam velut protensam regis manu sit perductus. Parente natus ignobili & obscuro cum esset, ac iam in eo corroborata vis adolescentiæ paternæ domus latebras dedignaretur, erupit in lucem, & ad castra exercitumque pervenit: ibi cum à

*inlatum regi
observatum
vitam.*

*Propositio
crimini.*

*Excusatio
Oratoris
quod accusat.*

*Conciliatio
Regis.*

Transitio.

Narratio.

Parentes.

Industria,

natu-

*Beneficia
Regi.*

*Gradus ho-
norum.*

Gradatio.

*Contentio
magnificen-
tia regia &
obsequii du-
ci*

*Ambitio
ducis rei.*

natura singulari quadam industria callidoque ac prudenti consilio donatus esset ; ita virtutem suam ac aetatem exercuit, ut merito & in omnium esset amore, & in sui omnes pertraheret admirationem. Verum cum attollere sese militum sola virtus non possit, nisi Principum ac Regum benignitate accedat ; hunc inprimis, Rex invicte præmiis sæpe numero amplissimis decorasti, ut virtutem pristinam aleres & novam excitates in illo ; postmodum vero cum egregia virtus ejus in arena gloriæ commendationem omnem ac laudem occupasset, ita illum omni honore dignum judicasti. Ut non amplius è milite Centurionem, sed è Centurione Baronem, imo Comitem è Barone, è Comite Ducem esse volueris, & salutaris. In quo profecto quid omnino aut prius admirer, extollamque prorsus ignoro. Egregia virtus ejus, & admirabilis industria famam lacescebat & jam Regum sibi conciliabat amorem : prædicanda vero tua, Rex Augustæ, benignitas munificentia sua virtutis labores adæquabat. E-
tas in ipsum pronus, erat in omne tuum obsequium promptus, favebas, ipse amabat ; præmiis plurimis & maximis excitabas, ipse labore plurimo maximoque mereri conobatur, profundeabas in ipsum omnia, plura ipse non ausus optare fuisset. Sed est hæc naturæ humanæ conditio depravata, ut ambitione mens elata, nunquamque contenta ; semper altius assurgat, itaque cæco furore nonnunquam impellatur, ut audeat tentare per nefas, quod sperare ne quidem perfas, audere deberet. Unde cum tot istis ac tantis honoribus hic à tua maiestate fuisset ornatus, ambitionis insanæ flatu per motus, & furiali vexatus æstu contentus esse non potuit, nisi regiam maiestatem everteret, & in patriâ (cuius ingenita nobis est charitas à natura) impatriæ amantissimæ ruinis dominaretur: proindeque ! Initio nefandissimo consilio

ô quid

& quid non cæci furoris audacia tentat! Com-
 municata sceleratissima voluntate sua cum prin-
 cipibus Regibusque vicinis, de tuo sanguine pro-
 fundendo coniuravit. Quid hic dicam, aut quid
 omnino reticebo? Naturamne? at illa quæ pa-
 rentes ac benefactores vult à nobis honorari,
 nunc à te violata tuum scelus hoc in iudicio me-
 tacente proclamat. Humanitatemne? at illam
 exuisti, ut quandam indueres naturæ perversita-
 tem. Prudentiamne tuam? at omni sensu, omni
 ratione caruisti, & illud effecisti, ut te non modo
 non hominem prudentem, sed ne hominem agno-
 sceremus. O si in teipsum oculos tuos reflexis-
 ses! cogitasses, Ducis personam dignitatemque
 gero, & me propterea abhorre decet à tanti sce-
 leris cogitatione. O si Regiæ maiestatis recorda-
 ri potuisses! Dixisses ita tecum: Tot honori-
 bus sum ornatus à Rege, ut pluribus non potuis-
 sem à parente: & parentis tanti sanguinem si-
 tirem? Veruntamen dum hæc saluberrima cogi-
 tatio pectus tuum furoribus expletum nulla po-
 tuit perfodere affectu, animadverto probationem
 tui sceleris iam pridem expectatam à me requi-
 ri. Neque ego longius recedam, si modo, Rex in-
 victæ, prius illud certissimo iudicio statuas apud
 te perduelles omnes & læsæ maiestatis reos ne-
 fas esse lucem hanc communem intueri. Nam si
 pacis ac tranquillitatis iucundissimum sensum
 nostris animis ingeneravit natura, itaque omnes
 animo feruntur, ut constitutum Reip. statum cæ-
 teris omnibus rebus anteponant: uine tandem
 inter homines communem auram respirarent,
 qui publicam perturbare tranquillitatem, Reip.
 statum optimum labefactare, in cæde sanguineque
 bonorum manus suas lavare moliuntur? Merito
 profecto omnis ætas hos homines ac monstra na-
 turæ quædam non tantum est abominata, sed o-
 mnibus crudelissimis quibus potuit suppliciis
 est

Dubitatio.

Subiectio.

Obliqua præ-

soposita.

Transitio.

Confirmatio.

 1. Argu-
 mentum à
 punitione per
 ductum.

Troposilio. est persecuta. Quid enim fecere Romani, cum aut Gracchorum audacia Senatus auctoritatem evertere machinaretur; aut Catilinæ furibundus error Civitatis incendium restinguere civium sanguine cogitaret, horum in sanguine profuso civitas suam tranquillitatem invenit. Leviter erat à Sciano Tiberius offensus, quid deinde propter offensionem ita discerptus fuit in senatu: ut quod in eo Carnifex amplius laceraret, non inveniret. Venerat apud Iustinianum Belizarius in suspicionem non rectam: quid deinde fortunis omnibus exutus, oculis privatus, ad stipem tandem fuit adactus. Ita semper puniti perduelles omni ætati exempla fuerunt non sedendæ maiestatis: & si amplius est dicendum, lex est à Deo gentibus omnibus & populis dicta, ut qui in reges, quos honorari vult ipse consurgeret, eos intueri lucem hanc communem sit nefas. Iam vero, ut aliquid etiam de reo nostro dicamus; quod tamen esse non potest obscurum, quis non ejus securi caput adiudicabit quem intelliget sceleratissima voluntate, in regem conjurasse? Ita est Rex Invidæ, tuam mortem sibi gradum existimavit ad regnum esse, & cum ambitioni tuæ restitutum solum arbitretur, tollere te potissimum machinabatur. Et quantum non potest in nefariorum hominum animis furor? parum erat odisse Regem, nihil erat irasci regi: erumpere debuit audacia & in luce palam scelus suum non occultare. Quid ergo dixit? tacerem si non omnino dicendum esset, sed qui seipsum manifestavit, non est furor occultandus mutabitur regi status; novum caput corpus induet antiquum, & si fallax non est cœlum, nondum mihi quod servat cœlum sum assecutus, in dextera, in dextera spes omnis est nostra. Quid est? expallescis? turbant istæ te voces tuæ; retices? tibi vocem furor eripuit apertus: tremis? conscientia tui

Probatio ab exemplis.

A iure Gentium.

Assumptio.

Prima probatio assumptionis à diis reip.

Prosopopeia obliqua.

Exagitatio adversarii.

tui sceleris retorquet, & oppressa veritate mens
 tua iudicium debitæ poenæ reformidat. Ita scil.
 tua consilia, tua dicta omnia, tuæ singulæ cogita-
 tiones iam patent. An vere ita destitutum te o-
 mni ope credemus, ut tanti sceleris cogitatio-
 nem non potuisses adimplere? Crederemus e-
 quidem, si non potius familiaritate Regis usus
 fuisses, quam eiusdem deterritus maiestate, & il-
 lam tibi tui sceleris perficiendi futuram oportu-
 nitatem credidisti, ut dum accederes familia-
 ritatem, rupto foedere humanitatis nostræ tan-
 quam hostem obtruncares? Quid occasionem
 opportunam in hac familiaritate, quid temporis
 accommodatum in hac pace dicam? egebas for-
 tassiope? hanc Principes Regesq; vicini pro-
 mittebant. Requirebas facinoris tui nefandis-
 simi satellites? aderant illi in comitatu tuo fre-
 quentes, quos unusquisque mirabatur externos.
 Modum sceleris fortassis ignorabas? at in re-
 gnum hoc nostrum Regum exteriorum copias in-
 duxisses, regem ipse fuisses aggressus, trepidisque
 ac turbatis omnibus regnum omnes simul inva-
 sissetis. Itane vero? & in hoc scelere non men-
 tam omnem amisisses? non omnipotentis furo-
 rem Dei pertinuisses? quis sensus tandem ani-
 mi tui fuisset, cum omnes in eversæ patriæ rui-
 nis latitassent, rex obtruncatus sanguinem evo-
 muisset, tu cum tui furoris sociis, aut amantis-
 simæ patriæ cineres, aut civium toties per te ser-
 vatorum tuique Regis, vere dicam tui parentis
 sanguinem conculcasses? an non hic omnino
 conscientia victus; & aspectu tanti sceleris ex-
 animatus concidisses? Sed non erat humanus
 ille furor tuus, cuius in mente tua Furis
 flammæ excitant. Verum, quid in aperta ve-
 ritate coniecturis utor? quid in clarissima Solis
 luce faces accendo? En adiunt coniurationis in-
 dices Litteræ, quas ad vicinos Principes Re-
 ges-

2. Probatio
 ab opportu-
 nitate.

Subiectio.

Exagitatio
 & amplifi-
 catio ab e-
 ventu.

*Probatio
tertia à litte-
ra.*

gelque conscripsit Paulisper adhuc iustam tuæ
maiestatis iram retine, Rex Inviète, sed agnosce
tamen quanta in periculo tua salus sit versata.
LITTERÆ? quid est? nunquid hanc tuam scri-
pturam agnoscis? nunquid hæc manus tua? nun-
quid hoc signum tuum? bene habet; vicit auda-
ciam conscientia, & impudentiæ frænum iniecit
taciturnitas, loquuntur oculi, color vultus, sed
tamen meditatur oppressus animus excusationem
Cogitavi tantum, inquis, non scelus perfeci, nun-
quid etiam iura omnia perversam puniunt volun-
tatem? Magna regis est clementia; an dignus ille
clementia foret, qui tollere clementiæ voluit au-
ctorem? Vanæ ergo cogitationes sunt excusatio-
nis tuæ, & in spem talem erigis animum, cuius ap-
prehensione perdere deberes animum. Tuum est,
tuum est Rex invietæ, tui periculi recordatione
tuæ salutis amorem in te excitare, & si præsentem
habeas, quem propria confessio perduellionis reū
arguit ac manifestat, vide nunc an te vivere malis,
an vero tuos inimicos, an patriæ oblivisci, an vero
nimium hostium recordari. Si detruseris ad sup-
plicium qui tuæ vitæ potuit insidiari, spem inimi-
cis tuis eripies, & in pacis tranquillitate sempub.
collocabis Generosum est id velle, regium pror-
sus procurare; neque aliud nisi de te bene sperare
Patria potest. Sed tu me Rex Inviète tamen ex-
cusa. Si non debeo duces accusare, patriæ
debeo salutem, tuamque semper tu-
eri auctoritatem. DIXI.

*Peroratio.
qua excitat
Regem ad
supplicium
sumendum.*

ORA-

ORATIO II.

Defensoria.

FRANCISCI van der MEREN
LOVANTIENSIS.

EA est invidorum omnium, quos rerum optimarum præstantissimorumque virorum hostes. Erynnis aliqua produxit, depravata vitæ conditio ac propemodum natura ut cum aliquem magno atque erecto animo per arduam virtutis excelsæ viam ad dignitatis culmen tendere, aut iam certo pervenisse animadvertunt, non prius cessandum arbitrentur sibi quam illum ex eo fastigio in quo sua virtute & applaudente fama triumphat, si omnino possint præcipitem agens ac deturbent. Unde fit ut non pauci timidi quidem, ac pusilli animi ita perterreantur, & istos obrectatorum aculeos reformident, ut egregium nihil attentare, nec ad honoris atque dignitatis arcem audeant eniri, ne ut inquit graviter Poeta:

Exordium & conditio naturæ invidorum.

Tollantur in altum, ut lapsu graviores ruant.

Cuius quidem rei si omnis ætas, ut ignorare nemo potest, certissimam ab experimento fidem hausit, tum hodiernus profecto dies in hoc tribunali atque insolito iudicii apparatu, ubi maiestatem rigore quodam armatam videre sepulant inimici capitis nostri manifestum exemplum manifestiori luce proponit. Adsunt enim hoc in loco Rex invidiæ, & illam sacratissimi vultus tui lucem hauriunt una mecum qui cum excelsæ dignitatis meæ splendorem caligantibus invidia oculis ferre non possint, non modo calumniarum nebulis obscurare, sed meipsum etiam,

Accedit ad propositum.

tuz illius benignitatis admirandæ præclarissimum monumentum, labefactare deturbareque conantur. Atque utinam meipsum tantum, ac non etiam dum hoc latus meum districto calumniarum ense perfodit invidia, tuam quoque Rex invictæ famam, & honorem immortalem fauciarer. Etenim si augusta tantum maiestas tua cogitationem animi tui ad hæc omnia deflectat, quid obsecro postulant aliud, qui ad hoc augustissimum auctoritatis, tuæ tribunal ita me sistunt, ut sanguinem repetant meum, quam omnis originem infamiæ crudelitatem introducere, & eo tam adducere, maiestatem, ut cuius vi-

Assensus ad regem commovendum. tam tot honoribus ornavit, eius sanguine non abhorreat commaculare. Et tu eris ille, scil. qui tueri tantopere soles Regis honorem? quem obsecro futurum tandem Regiæ maiestatis honorem arbitraris, si madeat multo sanguine tribunal univèrsum, & cruentas Rex manus à cæde tollat? quod erit decus illud tantæ auctoritati exoptandum, si corpus hoc meum purpuratus ipse sanguine meo Rex conculcet, & à tanta crudelitate civitas abhorrens oculos avertat? Non est, non est, Rex invictæ, locus hic aliquis crudelitati, non est quod exulceratum foveas animum, iracundiæ faces accendas, & ad sanguinis te profusionem accingas; vivis ac incolumis iudicium hodiernum exerces; in quo maiestas aliquando tuæ benignitatis & clementiæ rivos ita voluit unicuique patere; ut vere fons esses omnium salutis, rogo obtestorque ut ne hos mihi clausos hac luce permittas. Etenim circumspice & intellige Rex invictæ, quanta mihi benignitatis tuæ lux oborietur, quantam exosculer & amplectar misericordiam tuam: ecce coram illa tuæ maiestatis auctoritate & audientibus in hoc tribunali ordinibus

Conciliatio regis.

bus universis lubens profiteor, & quanta voce possum, ut exaudiar contendo: Eram obscurus sine nomine & honore, at ubi tuæ lux effulsit liberalitatis; ita illa splendore suo generis mei obscuritatem illustravit, ut in arce quadam positus dignitatis, cæteris omnibus accepta à te luce prælucere. Tu me Centurionem è milite, Baronem è Centurione, Comitem è Barone, Ducem ex Comite creasti; & amplius etiam dicam, latentem in obscuritate majorum, & sub adversæ fortunæ pede prostratum in lucem nobilitatis, & in fortunæ ridentis exemplum erexisti, atque vel ita erexisti, ut in oculis universi regni gentiumque cæterarum clarissimum, vivumque tuæ gloriæ monumentum existam? Attollant Principes alii mutos lapides, quos in trophæum erexerunt, en habes vivum hominem, tuæ virtutis trophæum. Iactitent cæteri Reges aut Pyramides suas, aut statuas in luce fori curiarumque collocatas, En habes respirantem in me Pyramidem & in orbis universi luce testem tuæ liberalitatis. Prædicent superbo fastu Cæsares, & Imperatores avireos illos currus quibus vestri triumphantesque Capitolia conscenderunt, ego Capitolium sum illud in quo tua triumphat virtus, ego currus ille aureus, sed vivus, quo vestra tua benignitas orbis universi terminos, impellente voce mea pererrat. Tu es præsidium illud & dulce decus meum, in cuius umbra patrocinii felicem respiro vitam. Tu es sol ille meus, à cuius immensæ majestatis luce lucem hanc haurio excellentissimæ dignitatis. Ita prorsus in honore tuo gloriaque tanta Regis mei superbus incedo; ut non mihi famam inde, sed tuam quæram existimationem. An vero ita vivo aut unquam vixi, ut immemorem tanti beneficii & ingratum animum hoc

*Accepta à
rege benefi-
cia faretur.
Allegoria.*

*Comparatio
cum monu-
mentis alie-
rum.*

*Oratum se
semper fuisse
declarat.*

*Commemo-
rat susceptos
à se pro Rege
& regno la-
bores.*

Optatio.

Argutio.

*Responsio ad
allegata à se
dicta.*

corpusculum foveat? An ego ita lucem hanc com-
munem respexi ut magnificentia liberalitatis
tuz elatus nihil unquam rependere cogitarem? tibi animum meum fortuna maiorem, tibi cor-
pusculum hoc morte ipsa pro te venale, tibi me-
ipsum ac totum debui semper Rex invicte, nec
unquam debere recusavi. Recordare paulisper
obsecro, si hanc tamen prateriti temporis cogi-
tationem assumere tua maiestas non recuset: Re-
cordare quoties per invias alpium nives rigente
bruma Legatus tuus Italiz campos intravi, quo-
ties Pannoniz Thracizque fines ita pro te sum
ingressus ut tempore difficillimo potius è cœlo
delapsus, quam è tuo regno venisse viderer? quo-
ties maris oras ac sinus omnes vel invidentibus
tempestatibus ipsis & indignante fortuna tuum
imperium tantum sequens perlustravi? Utinam
universus hic adesset Hispaniz populus, qui to-
tus pro te mihi affurrexit! utinam Germanos
laboris mei tot in expeditionibus suscepti hoc in
tribunali testes audires. Utinam tot Barbaræ gen-
tes aliz vocem hic aliquam emittere possent, qua
me quidem hostem, sed anima tum virtute mea,
admirandum labore magno, vita dignum pro vi-
tæ contemptu proclamarent. Non superbio Rex
invicte, sed fortunatissimam in me tuam maie-
statem extollo: fuerit ille labor meus, tua certe
gloria fuit; fuerit virtutis admiratio mea, tua
fuit exaltatio maiestatis. Et te Regem meum
monarchamque meum odissem? à te unquam a-
lienum animum nutrivissem? tibi hostis ego &
inimicus vixissem? nondum dixerunt? Dicam
tamen & robusta voce si possint proclament quos
sit tanta tenet sanguinis mei, ut quiescere mihi
positis supra corpus hoc meum pedibus non pos-
sint. Adhuc hærent & obmutescunt; tantum ne-
scio quid murmurante à me excogitatum, non
factum. Dictum aliquid forsitan etiam impruden-

ter à me fuit. Sed fuit dictum tantum non ad *Brevis ex-*
 exitum productum. Ignorant opinor homines *cursio.*
 illi, naturæ nostræ fragilitatem, quæ ut aura non-
 nunquam immutatur, ita subinde vacillans ab-
 errat, aut certe si non ignorant, suam hic prædi-
 care voluerunt integritatem, qui nullis unquam
 errorem flatibus impellantur. Quis est vero ita
 sanctitate & integritate vitæ commendatus, in
 cuius animum parum recta cogitatio non ali-
 quando cadat? quis ita prudens auram hanc com-
 munem respirat, cuius ab ore non imprudens di-
 ctum aliquando procedat? O miseram virtutis
 calamitatem! ô acerbam Ducum ac Principum
 conditionem! ô luctuosam & omni morte tri-
 stiores fortunam? nullum est in re crimen, nul-
 la iniuria læsi unquam maiestatem, vivit Rex &
 Tribunal æquitate sua complet. Quid est ergo?
 quia cogitationem admisi, crimen admisisse di-
 cor: quia vocem aliquam emisi, iniuriam intu-
 lisse reprehendor. Itane cogitationis unius Dux *Excusat co-*
 reus ero? Itane quia protuli, aut scripsi verbum *gitationem,*
 unum, ad supplicium deposcar? ô frustra tot o-
 lim tot in bellis suscepti labores! ô inanis in-
 dustria mea ardorque vanus! toties pugnas adii *Removet*
 & restauravi, toties ab interitu patriæ cives libe- *crimen à pa-*
 ravi, toties ab incendiis & hostium depopula- *tris suis.*
 tionibus patriam ipsam vindicavi. Non ignora- *Testimonio*
 tis hæc generosi milites; conspexistis ista Cen- *militum.*
 turiones. Tu Rex Auguste testis ipse esse potes, *Testimonio*
 qui à pulvere me redeuntem totum excepisti, *regis.*
 non minus in sanguine quam sudore natantem;
 cum me nunc hostium terrorem appellares, nunc
 patriæ liberatorem esse diceres, sæpe etiam spem
 armorum tuorum, ac tui regni decus amplectere-
 ris. Sed ô Deus immortalis! ubi tot laborum *Invocatio*
 prædicatio? non auditur. Vbi saltem tot bene- *Dei,*
 ficiorum recordatio? non admittitur. Vbi tot *Subiectio-*
 depulso-
 rum periculorum remuneratio? ô inau-
 ditam

*Offert regi
pectus cicat-
ricibus op-
pletum.*

Permissio.

*Compar-
per contenti-
onem.*

*Demonstra-
tio.*

*Collatio ex
dissimili.*

ditam ingratitude[m] mei sanguinis capitisque
in hoc tribunali postulatio, tot laborum ac peri-
culorum remuneratio, & omnium hostis accu-
satur, qui omnium protector est salutis! Euge
Rex invicte, en habes pectus meum tot pro te ci-
catricibus oppletum, inspicere corpus huius nostri
partes omnes. Illane sunt perduellis facinora?
hæcne tibi crudelitatem vulnera spirant? hæcne
profusi toties sanguinis indicia prodicionem ma-
nifestant? O Regum omnium monarcha Deus!
Itane hodierna die in hoc regno cives aperite
mihi denuo vulnera volunt, quæ pro eorum salu-
te suscepisti meum sanguinem haurire, quam pro
eorum conservatione fudi? Sed sit ita, patiamur
acerbissimam inimicorum nostrorum vocem, ni-
hil valeant labores tot exantlati, sit inutilis san-
guis meus, sint ridenda lacerati corporis vulne-
ra; tamenne Dux ego velut Archipirata sicario-
rumque præfectus pertrahar in tribunal? nulla e-
rit reverentia dignitatis? nulla Ducum privile-
gia? alii veniam in tribunalibus inveniunt: so-
lam ego invenio inimicitiam; alii misericordi-
am implorantes impetrant; ego misericordiam
extinctam deploro. Itane quidem Rex invicte
patientibus auribus auscultas? sed fac iam à tua
me maiestate condemnatam, ad supplicii locum
perductum denudatum, & palo alligatum, iam
iamque distringendam in hoc collum secutum ef-
se; hinc milites, illinc cives, medius omnium
Rex consistas? quis erit omnium in hoc specta-
culo sensus? quæ civium lachrymæ cum sui li-
beratoris sanguinem profundi videbunt? quis
militum tumultus, cum truncatum sui Ducis ca-
daver intuebuntur? Tu vero quomodo siccis cō-
sistes oculis, cum tuum, heu non iam tuum! cum
tuum tamen me subditum in pulvere sangui-
neque natantem aspicias? O fortunate Marcel-
le? o ter beati nobiles Romani cum in Casarem
sum-

sumpsissetis arma, victor vobis Caesar ignovit!
 quid ego? arma sumpsi toties pro rege, nunc apud
 Regem misericordia destitutus poenam exspecto. *Ex abundanti omnia*
 Poenam? nil moror: feram invidiam, & fortunam *resignat Re-*
 per feram insultum. Agedum Rex invicte, si fide *ligi*
 lissimum me subditum tuum punire mens est
 certa, fortunis me meis exue, non sum Baro non *Peyoration*
 Comes, non Dux, amplius; & si è milite me Du-
 cem extulisti, nunc è Duce militem relinque, do-
 le famam nostram omnem nunc latere juvabit.
 Hoc unum concede votis, ut cum abstuleris om- *Solum gla-*
 nia, mihi, gladium hunc unum relinquas, sic etiam *dium sibi re-*
 exul & à tuis Regnis procul ablegatus hoc gladio *lingui petis,*
 in Turcas & Barbaros utar, illic sanguinem pro
 Ecclesia fundere, illic mori tandem liceat, &
 quem patria nequit aspicere liberatorem, sepelire
 barbari dignentur hostem. Sed o miseram hanc vi- *Imploras*
 tam meam rationem! o milites adeste Imperatori ve- *auxilium*
 stro, cujus toties secuti fortunam estis! O Duces, *militum*
 o Principes omnes opem illi ferre à quo toties *Ducum,*
 voluistis accipere salutem. Ita testor magnum il-
 lum Deum, cuius nutu terrarum sola gubernan-
 tur, non me vitæ turpitudine, non scelerum magni-
 tudo, non ætatis infamia: sed inimicorum invidia *Imploras*
 pertraxit in tribunal, in quo Rex invicte, si mei *Regis miseri-*
 capitis iudex sedes & ad tuos me pedes abiectum *cordiam.*
 prostratumque cernis, oro obtestorque supplicem
 agnosce, noli meo sanguine manus tuas commaculare,
 noli perdere quem amasti. Si probrosum
 est inter cruentas carnificis manus vitam amittere,
 fac in prælio pro tuo maiestate
 patriaque occumbam.

DIXI.

ARNOLDI van der HAER INSULENSIS.

ORATIO

In cruentum Christi Domini obitum.

*Exordium
ex abrupto
per exclama-
tionem.*

*Repetitio.
Comparatio
cum fatalib.
aliis dieb.*

*Exclamatio,
& effectus
doloris.
Ab exemplo
& compara-
tione mino-
ri.*

O Luctuosum funestumque diem ! ô diem nocte qualibet obscuriorem, morte qualibet tristiore ! ô diem vere horrendum & tragicum, diem dierum omnium, moestissimum ! Non hodie fulminanti percutientis Angeli gladio exterminatus est è voluptatis innocentis horto primus Adam ; non hodie ruptis cœlis catharactis, & effusus in ultionem maris aquis sepultus est orbis ; hæc audivimus, flevimus, & longo sensu obduruimus. Non hodie Regum omnium & Cæsarum cadavera redolentibus sepulchris includimus ; hæc mortis hæreditariæ ultimæque sunt partes : non hodie, gloriosissimorum Apostolorum, martyrumque purpuratorum crudeles obitus ad lacrymas commiserationemque revocamus, eorum quippe gloria constantiaque victrix à morte resurgens, & ductus in capitolio cœlesti triumphus sensum hunc omnem ademit. Hodie Rex Regum, suprema rerum omnium potestas æterni Dei filius, æternus Christus Iesus affixus est cruci, homo mortuus est, sepultus est. O diem lugubrem, diem lamentabilem, & deplorandum ! Gemitibus agendum est, lachrymisque loquendum, inter suspiria respirandum. Et profecto si quotannis Israelitides puellæ ad lepthes filiæ bustum tristi agmine conveniebant, ut lamentis suis ac gemitibus funestam ac lugubrem

brem eius mortem, quæ innocens manu patris
 Deo fuerat immolata, deplorarent; cur ni nos
 quoque junctis animis congregari illam huma- *Contentio*
 nitatis sacratissimæ Christi Domini sorrem quot-
 annis desleremus, qui innocens, ac nullo suo de-
 fecto, pro hominibus Deus, pro subditis Impera- *Preparatio*
 tor, pro servis Dominus, pro fontibus insons in *Auditoris.*
 Caluariz mente est immolatus? Emittite igitur *Articulus.*
 plorantes animos. Humanissimi AUDITORES,
 & dum cruentæ huius tragœdiæ theatrum ape-
 rio, in quo nihil aliud quam crucem, clavos, fla-
 gella, sentes, lanceas, sanguinem videbitis & au-
 dietis, flebilibus imbuti cogitationibus adstare.
 Equidem Marcus Antonius cum olim crudeli
 conjuratorum manu I. Cæsar in senatu trucidatus
 fuisset eruentem eius tunicam & stillante
 etiamnum cruore tinctam populo Romano com-
 monstrans eiusdem animos ira permovit, ut saxi-
 facibus, armis arreptis necem illam tuam horren-
 dam ulcisceretur. Verum ego non sanguinolen-
 tam dictatoris superbi togam, sed venerandam
 sacramque Christi Iesu humanitatem vulneri-
 bus plenam, sanguine copioso purpuream, plagis
 undique stillantibus deformatam ostendam. *Excitatio ad*
 que utinam concitare vestros animos crudelis hic *dolorem ab*
 posset aspectus, intimos etiam sensus ac volun- *exemplo.*
 tatem penetrare, ut condolere saltem, si non su-
 mere vindictam, desideraretis? Quanquam cu-
 ius opem & auxilium hoc in dramate, in quo vi-
 res omnes eloquentiæ ac naturæ sunt minores,
 implorabo? Quid agam, aut ad quem me tandem *Orationis*
 converram? an ad te æterne pater? sed ardes ira,
 totus ex æstuas fulgure, vindictæque accinctus ul- *Dubitatio*
 tionem ira spiras, ut unigenito tuo ac dilecto fi- *cum subie-*
 lio non parcas. An ad vos cælestes Spiritus An- *risne.*
 geli? sed non minus quam homines afflicti de-
 solatique ingemiscitis. An ad te Virgo Mater?
 sed videre te video lamentis ac suspiriis exhau-
 stam,

*Inuocatio
auxilii S.
Crucis.
Allegoria.*

Laus Iudææ

Metaphora.

*Propositio
totius orati-
onis triparti-
ta.
Præoccupatio.*

Conduplicatio.

*Descriptio
& laus Hierosolymita-
na urbis.*

stam, collapsam, & ad filii morientis aspectum aspirantem. Tu igitur Crux adoranda, crux benedicta & gloriosa, tu mihi in hoc rubri maris oceano portus existe, & dum extincto sole, velato cœlo, commotis mortuorum monumentis tenebras patitur universum, flammam aliquam & lucem splendens pharos emitte. Quod si unquam hominum improbitas, & armata sceleribus nefandissimis libido rabiem aliquam, & execrandam in mundo crudelitatem exercuit, ac sub fide gratitudinis prætextu perfidiæ monstrum peperit, ingrata hodie accusanda est Iudæa, illa Orientis universi gloria, Palæstinæ decus, Princeps Provinciarum, quæ posteaquam Dei filium tot sæculis Messiam expectatum, triginta tribus annis intra suos agros atque urbes hospitio excepisset, scelerato animo in ejus mortem conspiciavit, & sub obedientiæ simulatiquæ obsequii larva in periculum illud & discrimen attraxit, unde mortalium omnium salus est enecata. Verum quoniam ita funestam hanc tragœdiam ingredior, ut occupare atque invadere luctum omnem nondum præsumam, sic agam, A V D I T O R E S humanissimi, ut conspirationem Iudæorum, captumque & abductum primo Christum ostendam; aperiam deinde barbaram illam lacerantium, sævitiumque tyrannorum crudelitatem in urbe, ac tum demum mœsta quadam catastrophe mortem ipsam repræsentem, ac deplem. Quid est vero? locum ipsum ac theatrum intueri prius fortasse desideratis? est, est illa speciosa quondam Hierosolyma, veterum domicilium iustorum, figura cœli, umbra paradisi, schola Prophetarum, sedes æterni Dei, prima Ecclesiæ militantis ara, celeberrimorum cunæ quadam mysteriorum hodie tumulus Salvatoris. In hac rabies humana furialibus armata diris arenam miscuit, ut Christi sanguine imbueretur; in hac infero-
rum

rum mundique vires conspiraverunt, & iniquis- *Repetitio.*
 simum foedus innocenti sanguine sanciverunt :
 in hac saeculorum omnium scelus uno die com-
 paruit, ut ex omnibus omnium hominum de-
 lectis fabricata cruce, vitz dator ad mortem
 suppliciumque protruderetur, O Hierosolyma, vel *Apostrophe*
 potius crudelissima Babylon ! tune ergo civita- *qua in Hie-*
 tum omnino caput fuisti, ut sacratissimum Mes- *rosolyman*
 sia tui caput tam funestra ruina involueres ? ideo- *urbem in ve-*
 ne tuo in sinu, tot annis innocentissimus man- *hiur.*
 suetissimusque conquievit, ut tuis unguibus ac *Expolitio.*
 dentibus, tuis gladiis ac hastis factus præda tan-
 dem laceraretur ? Et hunc animum tam inhumana-
 num, tam efferatum, tam crudelem tuorum è *Contentio.*
 schola Prophetarum tenuisti ? & hanc mentem *gravissima.*
 tam immitem, tam dolosam, tam barbaram tuo
 in templo ad aras præsentasti : Ille, ut ardentissi-
 mum tibi suum amorem testaretur, pro te flevit
 & ingemuit, tu ut odium ipsi tuum acerbissi- *Metaphora.*
 mum declarares, adversus illum fraudulenter risi-
 sti, crudeliter frenduisti : illa suæ misericordiæ
 & benignitatis alas expandit, ut te filiam suam
 amantissimam patrocínio suo complecteretur ;
 tu savitiz tuæ ac furoris portas aperuisti, ut il-
 lum Deum tuum ac parentem contrucidares.
 Ille toties tot ingentibus te beneficiis cumu-
 lavit ; tu omnia eiusdem sanguine uno die de-
 levisti. Loquere, emitte vocem ingrata Sion. *Contrapostio.*
 tibi ne ergo gemitus & lamenta Ieremiæ perie-
 runt, qui tuæ superbiz ruinam lachrymantibus
 oculis & attonita mente prævidit ? Loquere. ite-
 rum, Regem tuum fraudulenta tanto applausu
 triumphoque expectabas, ut non aliter quam
 mancipium ad crucem condemnares ? porrige-
 bas illi præsentabasq; pacis olivam, mortem in-
 terim machinabaris ; sternebas illi ramos venien-
 ti, crucem interim morituro fabricabas ; bene-
 dictum in triumpho appellabas, maledictum in

morte compellabas. O perfidiam! ô infamiam?
 Et quid erat, obsecro, quod in Christo tantopere
 hæc civitas perhorresceret, ut dolosa mente tri-
 umphum in supplicium commutaret? non vene-
 rat ille curru eburneo triumphans ut Cæsar, quem
 elephanti quadraginta trahebant; non intrave-
 rat leonibus investus ut Antonius, non à Cervis
 ductus fuerat, ut Aurelianus; non terruerat mil-
 le rhedis stipatus & argenteis multarum soleis,
 ut Nero; non traxerant carpentum eius quatuor
 sceptris ac diademate superbi Reges, ut Sesostris
 quondam Regis Ægyptiorum, non in millibus
 multis equitum curruumq; splendorem aliquem
 fastuosus ostentarat. Quid ergo? quid? asina
 fuerat investus, ut in hoc vili abiectoque anima-
 li Regis Regum eluceret triumphus. Quamquam
 quænam illa est triumphandi ratio Christe Iesu?
 ubi erant igitur Archangeli tui? quid agebant
 Cherubim? quo abierat universa millia cœle-
 stis? ubi erant ô Daniel militia militum mini-
 strantium ei, & decies centena millia assisten-
 tium ei? ubi erant, ô David, super quas ambu-
 lat Deus, pennæ ventorum? Nimirum pauper &
 humilis in ortu; mansuerus & egenus in hoc
 introitu per flores ad spinas, per ramos ad cru-
 cem, per triumphum ad supplicium perrexit. Cap-
 tus est igitur Christus, ubi vero? in horto;
 proditus est Christus: at à quo? à discipulo &
 Apostolo, abductus est Christus, à quo rursus?
 à populo dilecto, captus est in oratione, prodi-
 tus est osculo, abductus est in catenis. O imma-
 nem duramque terram! ô imitatum nimis hoc
 tempore cœlum! quid agam hic, aut quid tan-
 dem protestabor? unde opem homo pro Deo &
 adversus homines requiram? Si in cælum ocu-
 los attollam, ultionis è cœlo signum apparet; si
 per terram illos agam & intuear universa, in ter-
 ris coniuratio est, & ubique fraus ac dolus, Quis
 est

*Comparatio
in dissimili.*

*Modus triu-
phi Christi
Apostrophæ.*

Confirmatio

*Prima pars
de captivita-
te Christi.*

Subiectio.

Exclamatio.

Dubitatio.

est, qui periculum reformidet in horto orante Deo, dormientibus profunde sesureque discipulis? Et tamen capitur in horto Deus. Quis est, qui non auxilium hoc in discrimine à discipulis expectet? & tamen prodit unus illum, alter negat, cæteri fugientes derelinquunt. Quis est, qui non populi nuper applaudentis sibi polliceatur auxilium? & tamen ille vincula non amoris sed furoris iniicit, captivum adducit, & illudit, ad flagella, ad crucem, ad mortem deposcit. O fallacem rerum humanarum amœnitatem! ô fidem male fidam! ô fraudulentum hominum amorem! in amœnitate periculum est, in fide perfidia, in amore captivitas. Noctis tenebras flammis scelerum depellunt, sceleris flammæ detegit signum amoris, amore fictum vincula injecta declarant. Infœlix parricida; insensate Iuda, ergo tu omnium proditorum caput es & princeps? perfide, fatue, detestande Iuda, ergo tu ex Apostolo proditor, ex principe Ecclesiæ electo hostis, ex doctore sacrilegus factus es & latro? quo te faces furiarum ardentes impellebant? quo furioso præcipitis insanix impetu procedebas? non agnoscebas quam horrendum detestandumque facinus tentares? non amplius convivii illius recordabaris, in quo paulo ante sacratissimum corpus eius ore impurissimo degustatas? ô pestilentissime prædo! ô impiissime ficarie! ô infernalis furia! Ille te blanda voce amicum compellabat; tu armatis circumquaque sceleris tui ministris & emptoribus, tenere eum, acclamabas: ille venerabilem vultum suum inclinabat, ut te oscularetur, tu impudentissimum proditoris osculum offerebas, & inimicorum simul manibus tradebas. Ira non tibi divini oris eius attactus consilium nefandissimum mentemque sceleratissimam immutabat; non ille celestium oculorum coniectus amabilis ardentes furoris

*Locus capiti-
vitati.*

*Proditor
discipulus.*

*Similiter
desinent.*

Agnominatio.

*Invektivam
in Iudam
proditorem.*

Expolitio.

Contentio.

Brevi digressio.

*Apostrophe
ad Christum.
Ad natu-
ram.*

*Ad Magda-
lenam.
Causa sudo-
ris sanguinei
amor.
Transitio ad
secundam
partem de
crudelitate
Iudeorum
in Christum.
Similiter
cadens.*

oris concepti flammæ exstinguebat ; non vocis suavissimus sonus ferreum saxumque cor tuum percellerat, ut ab impia sacrilegaque Domini tui ac Dei venditione abhorreret ? sed erat in te mens obdurata, & agitatus iniquitate tua hoc agebas, ut omnis ætatis labes esses, omnium sæculorum portentum appellareris actandem infami laqueo, iustissima nimirum pœna turpissimam vitam tuam terminares. Quamquam dum ingenti compulsus indignatione iusti imperu doloris abripor, in illo olivarum horto videor mihi exspatiari. Et nunquid, ô Christe, tu illa vitæ arbor insignis, angustiarum doloris, afflictionum fructibus grvida ? Nunquid tu ille rubus ardens, ac non amplius sublimis illa cedrus, non amplius divinitatis alta cyparissus ? ut exhorrescis & artubus omnibus contremiscis ? ut illud clarissimum vultus tui corporisque totius jubar sanguineis nubibus obscuratur ? O natura, quam horrendos perpetreris dolores ? ecce prodigiosi sudores emanant, ecce sanguineus guttatim imber decurrit. O quanta divinæ mentis conturbatio ! confusa in se natura dominante timore lachrymas in sanguinem commutat. Vbi es Magdalena ? Vbi sunt crines tui, lachrymæ tuæ, unguenta tua ? nihil hic nisi ruborem, nisi cruorem conspicio ; nihil hic nisi diluvium sanguinei sudoris intueor. Quid dicam ? amor est, Auditores, amor est, egreditur è corde Dei, rumpit venas, naturam premit, diluvio quodam exandat, ut pœ cogitationis sudario abstergamus, submissæ mentis velamento excipiamus. Enimvero (tempus est enim) quam potestis immanissimæ crudelitatis cogitationem assumite, B. Auditores, Aperiam jam scenam illam quæ non aureis arenis est strata, non ebore prætexta, non varietate colorum adumbrata, non argentatis choraigiis adornata, sed sanguine conspersa, spinis hor-

horrenda, sputis deformata, flagellis concisa, *Proponitur exempla cru-*
 blasphemis convitiisque tota resonans. Concipi *delitatis.*
 te igitur immanem illam Carthaginiensium cru- *1. Carthagi-*
 delitatem, qui ut in Atilio Regulo, carnifican- *nensium in*
 do furorem omnem defatigarent, corpus eius to- *Atilium.*
 tum stimulis, clavisque ferreis, resectis antea *Regulum.*
 palpebris laceraverunt, & quas patri amplius ocu- *2. Romano-*
 li non poterant lacerari cadaveris reliquias in *rum Senato-*
 mare precipitaverunt. Sed illum vicerunt Iudæi *rum in Ro-*
 furorem. Repræsentare vestris animis rabiem *mulum.*
 efferatam Romanorum Senatorum, qui ut odium *3. Cannibal-*
 suum incertatissimum satiant, immanissimo *orum.*
 scelere conditorem suum ac parentem Romu- *Demonstra-*
 lum membratim in curia discerpserunt, sed ad *tio.*
 huc crudeliores in Messiam suum Iudæi extite- *4. Philistæ-*
 runt. Putate vos intueri Cannibales aliquos aut *rum in Sam-*
 Anthropophagos, qui truci vultu, oculis inflam- *sonem.*
 matis, mente barbara, dentibus exertis, manib.
 cruentis spirantem adhuc hominem aliquem in-
 gulent, confodiant, dilanient. Quis talia fando
 temperet à lachrymis! sed adhuc sanguisugas
 istos & barbaros immunitate Iudæi vicerunt, &
 omnino nullo exemplo crudelitatem possem eo-
 rum explicare. Ut aliquid tamen dicamus, sit in-
 mentibus vestris Sampson, cui posteaquam vin-
 cula ac funes. Philistæi iniecerunt, crudeliter ex-
 cæcarunt, irriserunt deinde, & scommatibus pro-
 sciderunt: fortassis hac imbuti cogitatione ali-
 quid in hoc truculentissimo tribunali assequi-
 mini. Quid in hominum tribunali Deus? quam
 obrem ergo Iudæi? Populum ad turbas seditio- *Obliqua*
 sus impellebat? scilicet cum ubique pacem doce- *Prosopopæa*
 ret. Dignitati Cæsaris adversabatur? Nimirum *Amplifica-*
 cum tributa reddi Cæsari iuberet, Regnum am- *tio per remo-*
 bitiosus affectabat? tunc credo cum regnum *tionem cam-*
 suum de hoc mundo non esse fateretur. Vere, ve- *sarum.*
 re Christe insurrexerunt in te testes iniqui, &
 mentita est iniquitas sibi. Confixit iniquitas
 in te

Demonstratio.

in te crimen, audacia evomuit crudelitas poenam inflixit. Scinduntur Iudicum vestes, sed mentes obdurantur; lavantur manus, sed animus sacrilega crudelitate coinquinatur. Obsecro, confirmatis animis hic adstare, & debacchantem barbaram insolentia furorem considerare. Ita æstuant, fervent, ardent, frendent, oculis fulgurant, ore tonant, manibus, flagellis, ferro sæviunt atque insultant. Colaphum sacratissimis Christi genis sceleratissimo ausu impingunt. O sacrilega manus! Dominum servus, Deum homo percutit? Illum vultum, in quem prospicere desiderant Angeli, quem cæli cives honorant proniq; adorant, impia manus attingunt? sacrae illius faciei potentia fætentiaque sputatore ingerunt impudentissimo; æternæ sapientiæ oculos obuelant, verbis lacerant, & maledictis insectantur, virgis corpus totum teterrima audacia concidunt; ut è venis omnibus copiosissimus sanguis emanet; coronam hamatis aculeatisq; contextam spinis divino vertici (ô, ô dolor, ô scelus nefandissimum) divino vertici ad contumeliam ac dolorem intrudere.

Affectus.

*Conquestio
ad cælum
terram.*

Vincor, Auditores, & confuso perturbatus affectu modum ignoro. Non illas flammæ tuas, ô cælum emittebas, ut hæc impia capita cælesti igne conflagrarent? non in vindictam fulgura tonitruaque descendebant? non dehiscebas, ô terra, non illam immanem audaciam inferorum lacunis coercerebas? non volebas ipse, nimium amabat ipse. Egre dimini Angeli, videte igitur Regem vestrum colaphis lividum, sanguine fœdatum flagris concisum. Contemplemini animæ nostræ Creatorem vestrum, à planta pedis usque ad verticem non est in eo sanitas. Cerne sol iubar illud, à quo lucem mutuatis, obscuratum est iam in terris, nec adhuc satiata crudelitas conquiescit. Audio clamores ac minas, condemna, tolle, crucifige, moriatur. Video volitantes lixtores imma-

*Evocatio
Angelorum,
Animarum.*

*Obliqua
Prolepoptia*

affimos, belluasque sanguinarias. Intelligo fe-
 alem mortis acerbissimæ sententiam, prospicio *Demonstra-*
 ocum omnem patibulis; crucibus, totis, axibus *610.*
 lenissimum, cerno Christum cruce onustum,
 toribus stipatum, funesto spectaculo Calvarie
 montem ascendentem. Audio rursus malleo-
 um ictus, carnificum verbera militum expro-
 rantium contumelias, illis membra funibus du-
 issimis extendunt, manus ac pedes clavis obtu-
 istransfigunt, latus crudo lancea: vulnere ape-
 iunt, interim solutis circumquaque vulneribus
 torrentis instar uberrimi, sanguis exundat. Non
 ossum AUDITORES, non possum amplius, &
 lum omnia lacrymas quarunt, vox mihi obmu-
 escit; dum astra lucem admittunt, universum
 concutitur, sanctissima delubra tremunt, viribus
 atera suis destituuntur. Impudentia est hic lo-
 qui, pietatis silere, amoris lachrymari. Quid?
 sed silentium doloremque Christus evincit. Au-
 dite, media in morte reliquias vitæ cogens, ita
 vocem plenissimam amoris emittit Magnus est,
 homines, dolor meus, sed maior est amor meus. *Prosopopæia.*
 Ecce ut exundant vulnera latusque? diluvium
 est hoc amoris. Ut extensa sunt pedes ac manus?
 hoc ego vos amplexu redemptos invito: ut in-
 clinatum est caput meum? sic ego vobis oscu- *Sabbellio.*
 um pacemque præsentio. Ut hianti pectore mix-
 us aqua sanguineque fluvijs erumpit? Unguen-
 tum est hoc meum, & vestrorum medicina pec-
 catorum. Ut affixum clavis immanibus corpus
 meum? ut vobis adhæream, nunquam à vobis re-
 cedam. Videte si dolor est sicut dolor meus, quia
 non est amor sicut amor meus. Sanatum est iam
 vulnus Adami, expurgata est humani generis le-
 ra, placata est æterni patris ira. Venite ergo, in
 hæc vulnera intrate, sub hac cruce conquiescite,
 per hanc mortem meam vitam ac calum possi-
 dete, Quod potui, tuli si quid est ultra, vitam ac
 spi-

spiritum iterum pro vobis emitto. O amor immensus! O incredibilis omnino Charitas! non possumus incorporibus illa pati, AUDITORES at animis compari valemus. Non audemus subire mortem? at flere non reformidemus. Flet a crucem prostrata mater filium; ploremus indignissima cruce multatum salvatorem ac parentem; si non sanguinem at amorem reddamus; illius est ipse prodigus, huius ne simus avari. Simul grati, simus memores, simus eius amantes, hoc ille reposcit. Age vero restitutor vitæ & salutis author vitæ, si pulchrior per te gens humana surrexit, imprime nostris animis tuæ mortis dolorem, tui nominis amorem. A mare te volumus & tecum simul dolere. DIXI.

Actio Iudicialis.

DE HOMICIDIO

Constans Accusatione, Defensione, & Deliberatione Iudicum.

I N D E X.

*Declarat
qua sit felix
Resp.*

Felix ea profecto Respublica est, quæ compositos ita civium animos habet, ut quiescat; ita leges vim suam & authoritatem obtinent, ut legibus omnes optemperent; iudicia exercentur, ut boni præmiis donentur, cum de Republica bene meriti sunt, mali supplicio puniantur, cum Reip. authoritatem violaverunt. Eiusmodi cum Rempublicam nostram votis omnibus exoptem, tum vehementer doleo, cum in ea accidisse aliquid intelligo, quod iudicio

diciorum severitatem requirit. Id cujuscumque sit ut intelligamus, dic tu, qui Accusatorem hic agis, & ad hoc tribunal nos convocavisti.

*Dat accusa-
tori dicendi
veniam.*

NOBILIS JUVENIS
JOANNIS TILINGII
HAGÆCOMITANI.
ACCUSATIO.

Viri Nobilis homicida.

Cum vestros illos vultus intueor, Iudices, perturbatos sane & indignitate quadam confusos, non dubito, quin animos vestros dici illius recordatio subeat, quo hic Reus summa vir audacia in omnium civium conspectu nulla causa miserum urbis huius civem crudelissime contrucidavit. Nam si mihi de vestrorum animorum sensu judicare liceat, adhuc mihi videre videmini abjectum, confossum, sanguinolentumque, calamitosissimi hominis cadaver, omnium tristitiam civium & nescias teneri lachrymas; concurrentes ac complorantes matronas, omnes omnium ordinum homines facinus indignissimum detestantes, poenamque ac vindictam reposcentes. Et vero cum ea cogitatio perfodere vestros animos ingenti dolore possit, tum eosdem excitare omnium civium lætitia debet, qui dum animadvertunt, non licere in hac urbe homicidis impune voltare, inque tribuna-
li eos Iudices sedere, qui tantum scelus in ultum pati nec possint, nec velint, quantum antea perpetrato homicidio doluerunt, tantum hodie iustissimæ poenæ opinione concepta lætantur. Quæ causa est, cur ego hodie ad hanc accusandi provin-

*Exorditur
commovenda
Iudices re-
cordatione
facti.*

*Amplificat
per hypoty-
posin.*

*Excitat ab
opinionem ex-
pectatam in-
stituta.*

*Causa accu-
sationis.*

ciam

Docet quales esse iudices debeant.

Ingressus in narrationem

Narratio.

Conditio occisi.

Bene meritis de homicida.

Petit mercedem opera.

Reiicitur. Dictum homicida.

ciam confurgam, cum & hoc officium exigere à me iure quodam suo tristissimæ civitatis querelæ videantur, & ex mœstissima contrucidati civis nostri coniux, nuper honestissimo marito felix; nunc vidua & multis cum prolibus relicta hoc saltem sibi dari solatium deponat. Sed vestrum est, Iudices, in quorum summa æquitate nostra omnis sita spes est, forti esse in hac causa animo, & qua par est constantia iudicare nihilque huius rei nobilitati tribuere, ne expressa nobilitatis manu iustitia videatur, & ut omnes intelligant in hac urbe cives, nihil ibi furorem armatum posse, ubi iudiciorum severitas facinorosorum audaciam coercet. Quanquam vero rem universam ignorare non possit eam tamen quemadmodum gesta est, vobis, quoniam audire favereque parati estis, exponam.

Erat, Iudices, civis ille cuius hodie mortem deflemus, honestissima natus familia, eaque indole præditus singulari, ut cum honesta arte vitam sustentaret, tum pacifice cum omnibus viveret, adeo ut nullæ unquam de eo querelæ apud magistratum audirentur. Cum vero solitus esset operam suam, ut erat officiosissimus, perlibenter omnibus offerre, tum eandem obtulit huic rei, proque eo multo tempore ita operatus est, ut non tantum gravissimos labores suos conferret, verum etiam magnam profecto facultatum suarum partem impenderet. Vbi operi finem imposuit, pro labore, proque expensis fieri sibi satis ab hoc reo non semel postulavit; ille nunc solutionem in tempus aliud differebat, nunc illum tanquam importunum indignabundus à se reiiciebat. Perlibenter sane vir modestissimus expectavisset, sed cum nuper gravissima necessitate premeretur, rem hunc in foro convenit, comiter salutavit, summa modestia debitum exegit: at ille vehementer primum excandescens illum à se reiiecit.

tum

rum nihil se daturum, aut daturum profecto quod nequaquam expectaret, iurejurando affirmavit. Taceo quæ præterea dixit, ne vestris auribus sum gravis. Quid ageret autem, qui sua modestia submissioneque nihil obtinebat? Aditurum se dicit magistratum: vix dixerat, educit ille gladium, & miserum civem adhuc pene loquentem transformat. Habe, inquit, hanc tui laboris, & importunitatis mercedem, adi nunc magistratum. & me accusa. Mox è foro celerrima fuga, sese proripit, abiectum prostratumque cadaver relinquit; fit populi universi concursus, adsunt ex urbe tota Cives, homicidam requirunt, facinus indignissimum damnant, iustitiam implorant, libertatem amissam clamant, vindictam reposcunt. Hæc quemadmodum exposui, ita gesta sunt. Nunc illud à vobis, Iudices, contendo, considerate miseri huius civis uxorem fletu pene exhaustam, considerate tot parvas ejus proles morte patris pene exanimas, fiet profecto ut quid judicetis hac in causa debeatis, facile intelligatis. Considerate etiam Populum hunc universum; nemo civium omnium est, qui non violatam hodie libertatem deploret, nemo est qui ab hoc iudicio vestro non solatium aliquod expectet. Nolite vero, Iudices, ad huius rei Eloquentiam, multo sane minus ad eius Nobilitatem attendere; quæ profecto si aliquid hic valere deberet, cederem confestim & recederem, cum reum hunc absolvere aliud nihil sit, quam perditorum hominum furori civium optimorum vitam obicere. Sed quoniam me iubetis de vestra iustitia pene sperare, pergam illud à vobis postulare, ut gravissimo homicidam hunc supplicio mastrandum esse judicetis. Cadem factam esse jam constat; factam ab eo, nec ipse negat. Quid igitur restat? Hæc apud omnes nationes lex est non hominum iudicio conscripta, sed naturæ ipsius instinctu consignata eos om-

*Cader.**Fuga homi-
cida.**Clausula
narrationis.**Excursio ad
movendum
post narrati-
onem.**Monet ne
aliquid no-
bilitati tri-
buant.**Confirmatio.**Probat ma-
strandum
homicidam*

à lege Gentium. nes, qui hominem aliquem à se occisum fateantur, lucem intueri fas non esse. Etenim si ferro in hominum quorumcunque vitam grassari licet, quomodo, obsecro, stare illa poterit hominum societas, in qua mutuis auxiliis ita vivimus, ut tueri invicem iuvareque non debeamus? Equidem ita evenire nonnunquam potest, ut quis alteri iustissima causa vitam auferre cogatur, ut eum sui potens non est, cum aliqua vis infertur, cum iniuriam pati necesse est; at vero quid hic tandem fingi eiusmodi potest? injuriamne fecit civis? non fecit: vim intulit? non intulit, potens sui reus non fuit? fuit sane, & libera deliberataque voluntate ad impiissimum hoc facinus processit. Age vero quid hic tu re tandem dices? fuisse illum tibi fortassis importunum? nimirum summa modestia debitum suum exigebat. Iratum te fuisse? Profecto nunquam ira apud æquos iudices in criminis excusationem adfertur. Tibine, quod nobilis sis, ac de Rep. bene meritus, ignoscendum esse? O scilicet optime, de Reip. meritum, qui Reip. libertatem violat, qui cives occidit, qui se miserorum hominum innocentissimo sanguine saturat. Adhuc ne aliquid est? nihil est. Causam Iudices, videtis; civis occisus est, iustitiam omnes petunt, quam cum æquissimi homines negare non velitis, soleo hac de vobis spe concepta mœstissimam miseri civis uxorem consolari, quæ cum ad me quotidie veniat, ad pedes se meos obiciat, tum multis lachrymis, ita iustitiam implorat. Et ille, ille maritus meus itane inultus obibit? non tu eius apud Iudices innocentiam declarabis? non illi sceleratum homicidam debito supplicio coercerunt? aut me ille cum marito, meas proles cum parente trucidet, aut libera ei vita non sit, cuius furore effectum est, ut miseram cum miserrimis prolibus meis senectutem meam viderem.

Removet omnem causam.

Subiectio. Probat à voluntate.

Preoccupat quod obici posset in excusationem.

Transitio.

Péroratio figurata per prosopopæiam uxoris inducta.

rem. Et nullam ubi vivimus, iustitiam inveniemus? Plura sane illa tot illis suis lachrymis, solatur se tamen cum à me vos datos esse. Iudices intelligat homines iustissimos & prudentissimos, qui iustitiam illi miserisque prolibus *Petit iustitiam.* nunquam negabitis, id vero præstabitis, quod à vestra integritate cives omnes expectant. Id facite Iudices, & hominis unius furibundi sanguine libertatem omnium & securitatem sancitote. DIXI.

NOBILIS JUVENIS
IOANNIS de LAITRES
VERTONENSIS
DEFENSIO

Rei Nobilis.

NVnquam ita destitutus animo fui, Iudices ut tribunal ullum aut iudicium reformidarem. Horreant illi, quibus animus male conscius est, ego vestram sententiam & libenter & intrepidus expectabo. Quod si imperita ista multitudo statuere de vita mea deberet, mallem profecto honesta aliqua morte iudicium prævenire, & hic coram universa plebe mihi quocunque etiam ferro vitam adimere, quàm iniquissimam furibundæ multitudinis sententiam expectare. Nunc autem cum vos habeam prudentissimos sanè Iudices, qui & rationem habere meritorum uniuscuiusque possitis, nec eos quorum auxilio stat incolumis civitas nostra, perdere, aliquid etiam concitatæ iracundiæ libenter indulgere velitis, magno animo ad defensionem hanc meam accedam, Rogo interim vos & *Exorditur à constantia sua.* *Conciliat Iudices sibi eos laudando.* *Excusat in obsequio, de.*

*Etiam elo-
quentia.*

*Ex conditio-
ne vita mili-
tari.*

*Abducit ac-
cusatorem in
suspicionem.*

*Fatetur ead-
em.*

Propositio

*Confirmatio
1. Argumē.
à conditione
nobiliū qui
honoris sunt
amantes.*

*Repetitio.
Distributio.
Comparatio.*

obtestor, ut quoniam non ea dicendi facultate, præditus sum, quam accusator reformidare videtur, eius vos in me defectum vestra sapientia supplere velitis, eaque apud animos vestros cogitare, quæ vobis pro dignitate explicare non satis possum. Ego non in foro hætenus vixi, sed in castris; non inter litigantium clamores, sed adversus hostes pro Patria hac nostra meliorem ætatis meæ partem traduxi, non lingua unquam, sed gladio semper pro salute civium nostrorum certavi. Equidem longam ille & artificiosam sane peritus apud vos accusator narrationem adornavit, cædo, ut cum vincere iustitia causæ non posset, orationis elegantia artificioque superaret. Non erat, non erat opus longis illis verborum ambagibus; civem illum iam inter vivos esse desiisse, nemo ignorat. Fatentem me reum omnes agnoscunt, & vident. At vero quemadmodum optime dixit accusator, est est profecto alterius occidendi iustissima nonnunquam causa, quæ mihi cum non tam oblata nuper, quam obiecta fuerit, vere quicquid à me peractum est defendo.

Ita comparatum est, Iudices, ut viri nobiles, quorum in pectoribus generosus sanguis ebullit, amittere vitam millies malint, quam honorem, ideoque cum illum labefactare diminuereque male feriat quidam homines vel impudentis linguæ audacia, vel contemptu maligno contendunt, non aliter illum, quam vitam nostram in discrimen adductam tueri propugnareque solemus. Nimirum non propter hanc hominum consuetudinem vivimus, sed propter honorem; non ut lucem intueamur respiramus, sed ut honore pleni & gloriæ titulis ornari Rempublicam nostram iuvenus. Si quis contemnat, irascimur: hoc, n. est sanguinis non plebei: Si quis importunus sit accendimur, hoc enim est generosi: si quis
con-

contumelia non afficiat, vehementer commove-
mur; hoc enim est animi honorem amantis: si
quis minetur, ad arma provolamus; hoc enim
est nobilis: si quis infamiae maculam illustri
nomini inurere contendat, non ferimus, non pa-
timur, & vivere non debet, qui contendit; hoc
enim est plus honorem, quam vitam amantis.
Quid? contemni sese Nobilis pateretur? non
potest: contumeliam quietis auribus audiret:
nunquam: vibrata in se convitia contortasque
minassentiret? cum infamia viveret? O ô sine
vita potius? Hæc est causa nostra, Iudices, accu-
sor, qui accusare deberem, læsus ille dicitur, qui
læsit, & de me supplicium petitur, qui si alterum
supplicio non affecissem vivere profecto non de-
berem. Ego vos testes appello, quotquot estis hic
cives, egone ferre potui, cum plenissimis contu-
melia verbis vilissimus homo in me consurrexit?
egone cohibere iram animumque potui, cum im-
pudentissima ille lingua convitiatorum in me plu-
stra effunderet? cum me superbum, cum merce-
dis defraudatorem, cum civium oppressorem,
cum publicum latronem appellaret? egone tace-
re ac nihil agere debui cum in omnibus nobi-
lium virorum congressibus, cum in foro, in cu-
ria, in templis, ubique ita me insectaretur, ut
cum aliis agere non permetteret, expectare ipse
non vellet, famam meam apud omnes iniquissi-
mis mendaciis laceraret? Per me equidem li-
cet, nec tanti hæc vita mihi est, de me supplicium
sumatur, moriar profecto libenter, si convitiis
petitus irasci non debui; si cum ille mihi mi-
naretur, & honorem meum, quæ poterat, infami
contumelia pessumdaret, perturbati vehemen-
tius, & commoto nimium fortassis animo ulci-
sci non debui. Feci, Iudices, quod omnes in hoc
discrimine fecissent; feci quod facere me, dum
honorem meum propugno, nescivi. Vixit ille
qui

Articulus

Culpam in
occisum
transfert. &
a se amover.Apostrophe
& probatio
à testimonio

Repetitio.

Amplifica-
tio ab effecti-
bus congloba-
tis.

Permissio.

Probat cau-
sus ira sua.

- Transitio.* qui vivere me sine honore volebat. Quanquam non audiantur illæ à vobis causæ, quæ iustissimam in me iracundiam concitaverunt, at quis ipse sim,
- 2. Argum. à nobilitate sua.* Iudices, videte. Non ego ex illo hominum infimorum ordine, sed Nobilium, quosquæ bene constitutæ civitates fuerunt, servare semper contenderunt. Illos Augustus Cæsar undique in urbem revocabat; illos, si pauperiores essent, novis censibus iuvabat; eorum familias, ne deficerent, quantum poterat ipse, curabat. Quamobrem vero? Quod fideliores Reip. sint Nobiles, quod ubique generosiores, quod ad patriæ defensionem alacriores promptioresque. Et ego in hac Republica illustri maiorum sanguine oriundus, ac tot nobilissimi splendoris titulis ornatus ad supplicium deposcior? Et hæc vitæ mea cum vilissimi hominis vitæ comparatur? Quia ille vitæ excessit, ego vitam dabo? Quod si me mea Nobilitas tueri, Iudices, apud vos non posset, tueri sane tot mea in Remp. merita iam debent. Recordemini, obsecro vos, (neque enim oblivisci unquam potestis) recordemini, per Deum immortalem, quoties meo ac hostium sanguine purpuratus in hanc urbem sum reversus? Quoties tot illa vulnera mea, mihi quidem gloriosa, sed vobis salutaria non siccis sane oculis vidistis? Quoties cum me aut gravissime læsum, aut rumore incerto interfectum audiebatis, ingemuistis? Audiebatur hæc omnium vox in urbe, iam concidit bonorum præsidium, iam Reip. spes est extincta; iam vitam amisimus, cum amissus est ille, per quem vitam tenebamus. Nullus erit amplius, qui hostium à nobis furorem avertet; cecidit ille, per quem vincebamus: nullus erit, cuius sub tutela respiremus; factum est scutum nostrum. Hæc homines de me nuper non usitato cum dolore dicebant: sed respiraui, Iudices, non tunc occubui? an vero maligno tunc fato servatus
- 3. Argum. à meritis suis.*
- Amplificatio ab effectibus conglobatis.*
- Obligua Prosopopæia.*

tus sum, ut qui hostium telis non succubueram, civium mecum sententiis hodie mactaret? Quid? Et nulla erit torfes effusi à me pro Rep. sanguinis gutta, quæ levem aliquem (concedamus profecto aliquid) levem aliquem, si tamen est ullus, sed levem tamen aliquem errorem abluat? Quid dicitis? ô filii mei, quid dicetis? Ego in spem Reipublicæ vos genui; vivite sane illi, & pro illa etiam moriamini; sed tamen quid dicetis, cum pro tot in Remp. meritis adimi vitam Parenti vestro intelligetis? Quem animum in Rempublicam concipietis? Sentio lachrymas vestras, & deprecantem pro me vocem audire videor. Ipsa vos etiam audit Respublica, ita enim illam compellatis. Noli, noli ô patria, eum perdere, qui ne perires toties ipse perire desideravit. Nolite cives eum vita privare, qui ne vitam amitteretis toties ipse suo sanguine perfecit. Parens est noster; & nos vobis, & in spem Reipublicæ genitos orbare tali parente velletis; Servator est vester; & illum ingratiissimi cives mactare velletis? Concedite aliquid ejus sanguini pro vobis effuso: renuitis? aliquid filiorum eius lachrymis indulgere non vultis? Tollite igitur cum parente filios, extinguere familiam universam, exterminate eos, qui, pro quibus hodie supplicium apud vos accipiunt, honores amplissimos apud barbaras etiam nationes reportavissent. Sed satis sit, ô filii, ita vos quidem dicitis, me tamē, iudices, pro patria tot exanthlavisse labores, nunquam pœnitebit. Condemnate si ingrati esse vultis, trahite ad supplicium, si servatorem vestrum odistis; mactate si crudeles esse desideratis, nunquam sane, nunquam me bene vobis fecisse pœnitebit.

DIXI.

*Peroratio.**Apostrophe ad filios.**Eorundem prosopœia.**Repetitio figurata.**Gloriatur in meritis suis.*

J U D E X.

*Sententias
requirit.*

Peroratum est utrimque; dicta est ab illis causa, & à vobis, ut arbitror, intellecta, Quid igitur, Assessores mei, sentitis?

A S S E S S O R I.

*Repetit causam utrimque.
Quid in iudicium veniat.*

Rationes accusatoris.

Merita rei.

Dubium.

Rationes pro pena infligenda.

Nisi fallor, nulla veniunt ponderanda à nobis hujus causæ momenta. Eadem factam Accusator urget, non infititur Reus; Constat igitur. Ex lege poenam Accusator reposcit; veniam Reus deprecatur; An igitur puniendus hic sit, an illi ignoscendum, hoc vero quaeritur. Accusator è re Civitatis esse hominum audacium furorem coercerit, & facinorosorum supplicio civium libertatem securitatemque sanciri debere contendit: reus merita sua in hanc Rempub. nostram sane ingentia velut ex altera parte appendit, & erroris suo præponderare declarat. Si meritis conniveamus, & eorum intuitu ignoscamus, justitiam neglexisse videri possumus; si punimus, merita contemnere dicemur. Rem ambiguum prudentia tua Iudex, determinet, laudare factum, quod factum nollem, non possum: excusare non debeo. Statue ergo poenam mereri. Et vero ubi rigor est justitiæ, ibi vigor est Reipublicæ; cumque maleficia sint, quæ Civitates inrerimunt, tum ea coercere est civitates conservare. Quis erit in penatibus suis tutus ac securus, si homicidia tolerentur? Frustra tot erecta ubique patibula, tot cruces, tot aliorum cruciatuum genera, si supplicio delicta careant. Imo frustra magistratibus gladius est concessus, si legum violatio non cohibeatur. Florebat Spartana olim Resp. sed crucibus, gladiis securibus, omni denique genere tormentorum

Ita-

Itaque dissimulandum hic non esse censeo, pu- *Aliquid me*
 niatur reus. Quoniam vero de Rep. nostra be- *ritu indul-*
 nemeritum esse confitemur, ita puniatur, ut & se *get.*
 male fecisse sentiat, & sua merita non sine gratia
 esse intelligat. Vitam habeat pro meritis suis, mul- *Sententia.*
 ctam sentiat pro delicto. Viduæ ac relictis proli-
 vim pecuniæ persolvat, iustitiam agnoscat, Rei-
 publicæ vivat, Ita iudico.

ASSESSOR II.

Excusat.

VIX sane ullus est ita indolæ semper eve- *Dubium*
 sta excelsaque quem non aliquando er- *causam o-*
 rare contingat, Erravit sic reus culpam *stendit.*
 confitetur, igiturne vita privandus? Privandus
 profecto, si iusti sumus. Ast idem vitam nobis
 non semel servavit, suo periculo periculum à no-
 bis depulit, igiturne conservandus? conservandus
 sane, si grati sumus. Neque enim minus civitas
 bonorum præmiis, quam malorum pænis florere
 solet. Quam multi sunt qui venalem morte vitam
 habent, quod præmium à Rebusp. expectent? *A Benemeritis*
 Iuntur Reip. gratitudine virtutes, & qui sui san- *favendam*
 guinis mercedem videt, perfundere sanguinem *docet.*
 nō reformidat Sane id agamus cum iusti esse de-
 sideramus, ingrati ne simus. Vivimus eius bene-
 ficio, vitæne illi auferamus: ut vivant posteri
 nostri, eos nobis genuit filios, qui parentem imi-
 tati pro Rep. nostra mori, aliquando non recusa-
 bunt: Demus illis parentem, demus ipsum meritis
 suis. Neque ego à iustitia recedendum esse idcirco *Assentitur*
 sentio. In errorem inductus est perturbatus, laces- *sententia an-*
 situs, pœne impulsus. Adeo vim impotenti iracun- *tea dicta.*
 dia & commori iuste animi agnoscimus. Quod
 cum ita sit, ut dictum iudicatumque à colle-
 ga meo est, ita dico iudicioque mul-
 ctetur & vivat.

I V D E X.

*Assentitur
Assessorib.*

Sententia

Cum ambo merita Rei præponderarem hoc iudicio sentiaris, in eandem opinionem abitis, neque ego à vobis discedam, ut & iusta sit Resp. nostra, & grata. Itaque ut ex vestra meaque opinione pronuntiabo. Te Reum cadis factæ iudicamus utque delicti pœnam aliquam des, ad tria nummum millia, quæ pro arbitrio nostro viduz prolibusque persolves, condemnamus. Interim beneficium hoc ego tuis meritis à grata Rep. reportabis, vives, & Reip. amplius prodesse conrendes.

ACCUSATIO FILIORVM
HERODIS APVD CÆSAREM
Augustum & eorum recon-
ciliatio.

Per modum Dramatis.

Herodes Rex Iudæorum,

Alexander & } *Filii Herodis*
Aristobulus }

Cæsar Augustus.

Mœcenas.

Agrippa.

Herodes. Cæsar Augustus.

HERODES.

Miraris fortasse Cæsar, tam remotis è terris Regem tuos ad pedes supplicem intrueri.

Quan-

Quaquam si tuum inde mandatum, evocasset, venissem, nunc tamen indigna me fortuna praesentem sistit, supplicemque constituit. Vix opus esset uti voce, cum filios ante tuum tribunal intrueris, aut abiectum me vides ad tribunal; facit ipsa hæc conditio suspicionem & miseræ se proidentes facies arguit indignitatem. Rogo te tamen, iustissime Imperator, permitte mihi vocem aliquam apud te, & omne, quod premit, infortunium cognosce.

AVGVSTVS. Optandum esset nemo justitiam in imperio violaret, & à tribunalibus, qui regimus, abstinere. Sed impedire quis fraudem potest? doleo, Rex Herodes, tantis se molestiis ac periculis ad tribunal nostrum accessisse; die tamen, non invitus, infortunium tum omne cognoscam.

HERODES. Vtar igitur facilitate tua, Invictè Cæsar, & tuis auribus miseri Regis, miserioris parentis fortunam exponam. Sisto filios; indignum est pro patre; reos facio: miserrimum est. Sed quorum odia eousque processerunt, ut satiari & extingui sine sanguine parentis non possent, eorum vita non potuit à parente tolerari. Vide filios, Cæsar, & crede parenti, Illi, illi (filii tamen mei) in parentis caput conspirantes, ut regno nostro potirentur, tollere è vita Patrem veneno tentaverunt. Nunquid, Cæsar, eam mihi potestatem fecisti, ut successorem illum relinquerem, qui in parentem constantior pietate reperiretur? Non placet hoc filiis, rapere volunt, non expectare Principatum. Imo vero non placeo filiis, & sola sui parentis nece, quamquam Principatus non accedat, sunt contenti. Ita immane, ita scelestum & inveteratum est odium hoc in animis eorum, ut suæ etiam periculo viræ vitam nostram delere contendant. Et hanc quidem calamitatem, toleratam tam diu,

nunc demum tibi cogor aperire Cæsar, & sermonibus hisce meis tuas aures inquinare: Obsecro quo merito tandem? qua injuria? Dicite vos, si parentem intueri me potestis; æquumne esse putatis regnum à me tot periculis partum à vobis occupari? Per vos regni mei Dominus non ero? per vos libera mihi potestas non erit successorem cum relinquendi ejus pietas promerebitur tantum honorem? vos ne salvo naturæ jure de parente deturbando fuis esse putatis cogitarem, Nemo profecto parentis affectare regnum potest, nisi qui parentis optet interitum cum succedere vivo non detur. Sed agite rursus, quid est tandem, quod in parentem tam crudeliter vestros animos attollit? Egone vobis deesse quicquam sum passus? nunquid quæ regis liberis præstari possunt ab amantissimo parente præstiti vobis? nunquid ornamenta, ministeria, delicias, conjugia procuravi? Nunquid tibi Alexander, regis Archelai filiam collocavi? Nunquid tibi Aristobule, sororis meæ filiam? Videte amplius & cognoscite benignitatem in vos meam. Ausi in me estis facinus atrox & immane Quid ego? patria potestate punire debuissim; non punivi: ad communem benefactorem nos adduxi; in Calasius oculis constitui: decessi è jure meo vel violati patris, vel regis per insidias appetiti, ut vobiscum ex æquo, sed apud hunc arbitrum disceptarem. Oro te justissime Cæsar, ne permittes tantum facinus impune sit illis, qui poenam nullam vereri videntur: effice tua illa æquitate, ne vitam in perpetuo metu degere cogar, cum nec illis filiis meis, post nefarios illos in parentem conatus solem amplius expediat intueri. Si pietatis jura omnia præculcarunt, non auferant impunitatem: si vivere parentem non volunt, non vivant ipsi superstites parenti. Obtestor te rursus Cæsar, utere quæ debes filios meos severitate,

tate, vindica patrem adversus liberos ; si vox mihi in atroci hac necessitate desit, loquitur satis fortuna mea, & hac vultus mei, quem videre non possunt, confuso serenitas.

AVGVSTVS. Confusa quoque vestra facies est, O Regii Adolescentes, premitte paulisper dolorem, & pro innocentia vestra, quam potestis, colligite excusationem.

ALEXAN. Quid à nobis vocem quæris Clementissime Cæsar ? Vocem omnem pater accusator interclusit. Etiamne contra patrem tam severe accusantem filii vocem inveniant ? Quis libere se contra parentem defendat ?

AVG. Ipsa vobis innocentia vocem dabit, ego vobis libertatem concedo.

ARIST. Turbatur innocentia lachrymis suis, Clementissime Cæsar, & hæret libertas, ubi indignitas nimium excitat dolorem. Tentemus aliquid dicere ; hærendum erit in gemitu, & cum expedire defensionem non poterimus, rei iudicabimur.

MEC. Iuvenili consternatione, Cæsar, impediuntur regii isti adolescentes. Sic nimirum est comparatum, ut innocentia hæreat in verbis, cum nimia indignitas defensionem omnem lachrymas reservavit.

AGRIP. Ancipites hærent lachrymas inter & vocem ; innocentia defensionem à verbis quærit, indignitas verba lachrymis confundit. Nec dicere causam tutum putant, nec deferere, hinc tacent, & hinc lachrymantur.

AVG. Aude tamen aliquid Alexander, non obest accusator pater, nec tamen etiam satis lachrymarum defendant.

ALEX. Quo nos animo, quam benevolentia. Pater complectaris, iudicium hoc ipsum declarat. Cur in nos fontes pro regia patriaque potestate non animadvertisti ? non istam scyillam.

descendere potuit amor tuis : Romam nos adduxisti, omnium Servatori nos præsentasti; illum testem & arbitrum fecisti. Et nunquid est hoc servare volentis argumentum ? Nemo certe, quos perdere evertereque cupit ad aras & templa Deorum adducit. Quāquam non causam tantum nostram, sed & hanc quoque vitam fortuna gravat, & omnino vita nos indignos censemus, qui læsæ erga parentem, læsæ, inquam pietatis erga te parentem nostrum tam benignum opinionem sustinere debemus. O cur non potius innoxios mori, quam tanti sceleris vivere suspectos contingit ? Sed si tamen veritati satis patrocinari poterimus, felices nos vel tuo iudicio, vel evitato discrimine, quod si vero calumnia vincat, frustra solemus hunc amplius cernemus, cum sceleris suspitione non amota jucunda esse vita non possit. Non inficior suspitionem ætas hæc habet, & in hos annos nostros affectati regni crimen cadere videtur; calamitosiorem quoque conditionem nostram misera matris infelicis fortuna facit. Vixit illa nescio, an ut nos liberi ejus vivere amplius non deberemus; sed vixit & miseræ calamitatis ejus hæredes in iudicium à parente perducimur. Nondum animum depone frater, & mortuæ matris vulnus aut lachrymis ablue, aut constantia tege: ego in clementissimi Cæsaris conspectu tuam meamque causam audiente charissimo parente deducam. Quod est enim crimen illud, cujus arguimur, quod non in quemvis nostri similem torqueri possit ? Quis liberos defunctæ matri superstites Rex habet, qui non in suspitionem vocari possunt, quod insidias struant parenti ? Quāquam in impietatis crimine parum omnino suspicio potest. Agedum proferat, qui potest, tentati facinoris argumentum; adstruat calumniæ fidem qui potest. Quisquamne paratum venenum indicabit ? quisquamne conjurationem aut

cum

cum aequalibus initam ostendet, aut corruptos pretio famulos, aut scriptas contra parentem litteras producet? Gravis omnino res est dissidens inter se Regia; & vere spes illa Principatus ad nefarios saepe conatus prava ingenia propellit. Nos facinoris alicuius convinci non possumus; calumnias autem refellere apud aures obturatas qui possumus? Sed liberius quasdam voces effudimus. Verum non in te pater, quod nefas esset, sed in eos, qui quicquid audiunt, effuriunt. Matrem aliquis nostrum deflevit? An non quod vitam cum morte commutarit, sed quod etiam post mortem, à quibus minime deberet, male debeat audire. Principatum affectamus, quem pater habes; quid ita? Si nobis honores regii contigerunt, & revera contigerunt, an non frustra Principatum affectaremus? Sperare licet, an rapere contenderemus? Te interfectio (sic enim fortasse cogitas) libuit nobis Principatum occupare. O misera conditionis nostrae fortuna! Cum post facinus illud atrox nec maria nos ferrent, nec terrae, Principatus fastigium ascenderemus? Vbi esset subditorum omnium pietas? ubi gentis totius religio? Scilicet scelere parvo nos parricidas regno potiri & sanctissimum à te templum instauratum ingredi permisisset. Quid si ceteros contemneremus, etiamne vivo Casare tui interfectores poenam evaderemus. Non iam impios, ò Pater, nec tam stultos genuisti, sed infortunatos; Tui sumus sed miseri, sed infelices tua voluntate non malitia nostra aut crimine. Quid est igitur quod accusas? Nam indignitas iam vocem intercludit, & miseria tantum lachrymas subministrat.

ARISTOB. Quod si, Pater, quod accuses, non habes, nec quicquam adhuc deprehendisti, quid est tandem quod impietatis tantae fidem sibi facit? An quia mater perii? ò fatum, sed nobis

libe

liberis eius fatum deplorandum ! Crede Pater, cautiore nos potius, quam irritatiores reddere debuit miseræ mors parentis. Sed nunc Clementissime Cæsar, omnium domine, Arbitræquissime, te rogamus, & obtestamur, ut si de nobis ponere suspensiones pater non possit, vivamus tamen infelices, vivamus miseri, siquidem nihil esse miserius potest, quam ficti criminis insinuari.

ALEX. At tu, O Parens, (neque enim hoc nomen unquam plenum amoris, plenum benignitatis, vel in ipso supplicio invocare reformidabo) O Parens, si à nobis timere tibi pergis, tua pietate salva, nostra sententia damnemus ; neque enim usque adeo cara nobis est vita, ut eam cum authoris molestia retinere velimus. Si condemnare filios, Pater, non audes ; ecce tamen parati sumus ; si vivos videre filios pater non potes ; moriamur.

ARISTOB. Moriamur.

AVGVST. Etiamne ille animus vester est Adolescentes ? Etiamne mori conscientia suggerit ?

MOECEN. Generosa indolis conscientia Cæsar, adolescentes vincit, non ut sceleris poenas petant, sed innocentiam turpitudinis nesciam testentur. Nondum à parente criminationis allatæ vident argumenta, & iam mori volunt, ut honesta indolis suspensionem evitet.

AGRIP. Tuum est Cæsar, mœrori consulere, & calumniam ab innocentia, qua potes æquitate, depellere. Non fert ipse iam puer filiorum aspectum tam mœstum, tam abiectum. Qui potuit accusare, defensionem ferre iustam non potest, & iam dolet in dolore filiorum.

AVG. Vt tristes & deiecti estis Adolescentes ? nunquid erigit innocentia bene conscios, deprimit error male conscios ?

MOEC. Illa ætas adolescentum florida Cæsar, illa

illa indoles in hoc flore ætatis æquitatem tuam pro innocentia implorat.

AGRIP. Fac esse reos suspicionis; certe facinus nondum accusatio probavit. Hoc efficere non poterunt qui tantam impietatem ignorant; nec illam evitare.

AVG. Equidem insonites estis Adolescentes peccastis tamen, qui tales vos parenti non præstitistis, ut in vobis nulla suspicio hæreret. Non satis parentem amare videntur, in quos licet insonites, læsa pietatis suspicio cadit. Et ut parva nubecula solem alioquin serenissimum obscurat, ita minima suspicio filiorum in parentes lædit officium. Nihil à vobis factum credo, nihil tentatum arbitror: tamen ecce nata est moribus suspicio, & quod non est, videri potest. Innocentia vera non satis habet carere culpa, careat suspitione oportet. Tu tamen Rex Herodes, desine jam male de filiis tuis suspicari; & qui suum in te amorem nunquam deposuerunt, innocentes tuo non careant. Reconciliare filiis tuis, & in gratiam tecum vel hodie revertantur. Nimis est iniquum talibus calumniis fidem habere. Si offenderunt te filii tui, nondum esse pater desisti medebuntur prioribus offensis in posterum, & pristinum amorem redintegrabunt, si suspensiones illas tuas deleveris. Colatur hinc pietas diligenter, & inde diligenter. Incipite vos & estote primi Iuvenes, ALEX. Amantissime Parens, etiam dum male de nobis suspicaris, amamus te tamen, & in tuo amore, si vis, moriemur.

ARISTOB. Potius tamen, Amantissime Parens, recipe te amantes filios in amorem, & tua pietas non eos dedignetur, quos odisse non potes.

HERODES. Imo vero, vicistis filii parentem, venite rursus in amorem, & hoc pectus pignus amoris habere. Desino suspicari, ut sitis mei, jam imo mei estis cum desu suspicari. Flexerunt calum-

lum-

lumnix quædam iracundiam, sed innocentix vestræ vera pietas permovit amorem.

MOEC. Gratulor vobis, Regii, Iuvenes. Mastræ illa pietate vestra, & generosa pectora nunquam impietatis fraus subintret; vivite rursus digni parente.

AGRIP. Vivite digni servatore vestro Cæsare; multum est sola innocentia defendisse, nec parum iudice Cæsare accusationem evitavisse.

ALEX. Erit hoc beneficium tuum perpetuum apud nos Æquissime Cæsar, nec eius laudationem ulla ætas oblitterabit; Reddidisti parenti filios.

ARISTOB. Reddidisti filii Parentem. Gratias agimus. O Cæsar, siquidem nos tua æquitate, & gratia dignos iudicasti.

AVGVSTVS CÆSAR.

Ita in posterum amate Parentem filii, ita tu Patrens in posterum ama filios. Liberam tibi potestatem concedo; ut aut è filiis successorem eligas, quem voles; aut, si malis, regnum in filios distribuas.

HERODES.

IMO vero, Cæsar nunquam committam, quin in tua quam diu vivam potestate, & regnum meum sit, & filii mei.

F I N . I S.

OG (o) DO



NICOLAI
VERNVLÆI
HISTORIOGRAPHI
REGII ET PVBLCI
Eloquentiæ Professoris.

ORATIONVM SACRARVM
VOLUMEN SINGVLARE.
IN FESTA DEIPARÆ VIR-
GINIS, ET ALIQVORVM
DIVORVM.




COLONIÆ,
Apud IODOCVM KALCOVEN,

ANNO M. DC. XLVIII.

I N D E X

ORATIONVM SACRARVM

I.	<i>In Conceptionem Virginis Deiparae</i>	p. 405
II.	<i>In eandem Conceptionem</i>	418
III.	<i>In Purificationem Beatae Mariae Virginis</i>	430
IV.	<i>In Annuntiationem B. Mariae Virg.</i>	442
V.	<i>In Visitationem B. Mariae Virginis</i>	437
VI.	<i>In Assumptionem B. Mariae Virginis</i>	470
VII.	<i>In Laudem Sodalitatis SS. Rosarii.</i>	483
VIII.	<i>De Triumpho Venerab. Eucharistiae</i>	493
IX.	<i>De Laudibus S. Crucis</i>	503
X.	<i>De Conversione D. Pauli</i>	511
XI.	<i>De eadem Conversione</i>	521
XII.	<i>In Laudem S. Annae</i>	533
XIII.	<i>De Laudibus D. Benedicti</i>	540
XIV.	<i>De Laudibus eiusdem D. Benedicti</i>	551
XV.	<i>In Laudem D. Thomae Aquinatis</i>	560
XVI.	<i>De Laudibus D. Francisci</i>	572
XVII.	<i>De Laudibus Sanctorum omnium,</i>	584
XVIII.	<i>De Pretiosa Margarita</i>	595
XIX.	<i>De Thesauro Abscondito</i>	604
XX.	<i>De Lumbis praeingendis & lucernis ar-</i> <i>dentibus</i>	614
XXI.	<i>De Ambitione coelesti</i>	624
XXII.	<i>De Thesauro coelesti</i>	636
XXIII.	<i>De Perfectione Christiana</i>	647
XXIV.	<i>De Negotiatore Evangelico</i>	659
XXV.	<i>Panegyricus Ioannis Duns Scoti.</i>	672



ORATIO PRIMA

PANEGYRICA

IN

CONCEPTIONE M

VIRG. DEIPARÆ



VM arduum omnino, ac supra
omnem Eloquentiæ humanæ co-
natum esse semper duxerim,
AUDITORES, de excelsa divi-
næ Matris ac Virginis dignitate
vel robustæ facundiæ subsidio
loqui, vel calami disertis officio

*Exordium &
materia
prauitate.*

immortalitati quicquam consignare, tum hodie
omni animi constantia destitutus, & vehementis-
simis insuper perturbationum fluctibus agitatus
volens nolens experior. Etenim dum animum ac
mentem admiratione quadam sopitam excito, ut
arcanam Virginis Deiparæ in utero materno for-
mationem, qua potest cogitatione, complectatur
inardescit ipsa, & ferventissimi amoris cupidita-
te concitata, parum existimat tanti mysterii sub-
limitatem admirari, nisi etiam soluto animo &
ore, quantum fas est, possit evulgare: at vero dum
in secreta illa operantis divinæ Maiestatis adita
introspectere admirationis argumentum sumptu-
ra conatur, & vel hiscere tantum præsumit, quan-
tum amor audet & impellit, tantum formido
detrectat & retrahit. Ita nimirum comparatum
est, ut cum ingenia humana, quantum vis acuta &
subtilia, ad rerum divinarum, quæ omnem Natu-

*Excitatio ad
operu incepti
continuatio-
nem.*

*Extenuatio
ex constitu-
tione naturæ*

*Amplifica-
tio à simili.*

Applicatio.

Propositio.

*Apostrophe
ad B. Virgi-
nem.*

raz vim & modum exsuperant, contemplationem accedunt, inusitata quadam luce subito perstringantur, ac cæcutientia nihil videant, multo minus prædicare quicquam possint: quod earum rerum conditio communes Naturæ vias supergressa nullo hominis ingenio cognosci, nulla vocis humanæ facundia extolli, solis vero æternitatis ipsius oculis comprehendi possit, & usurpari. Accedit etiam quod quemadmodum excellentes ingenio arteq; pictores cum eximium aliquod Artis suæ opus, quod solo propemodum aspectu posteritatis omnis admirationem & invidiam concitet, elaborare perficereq; contendunt, intra veli obducti latebras ipsi pingendo delitescunt, nec prius publicæ luci & multitudinis oculis elaboratam à se tabulam exponunt, quam supremam ab ea manum removerint: ita prorsus in efformanda ea Virgine, quæ omnem pulchritudinem sua venustate complecteretur, Divina Maiestas fecisse videtur. Nam cum eam fingere talem ipsa vellet, quæ omnium divinorum ornamentorum quoddam esset compendium, sapientiæ infinitæ thesaurus, miraculorum omnium miraculum, & divinitatis cuiusdam umbra, non prius in communem hanc orbis universi lucem produxit, quàm eam intra maternum sanctissimæ Annæ uterum, quali intra velum obductum, æternæ sapientiæ suæ penicillo, & cœlestium omnium gratiarum coloribus pulcherrimam perfectissimamque reddidisset. Quod cum ita ait, quid inter hos piæ cupiditatis & iustæ formidinis fluctus agam, dum hinc amor ad dicendum impellit inde timor ab oratione deterret? imo vero quid de Virginis Conceptione eloquar, ubi nihil video, & velum Divina Maiestas obduxit? Permite tamen ô Maria, ita enim te obtestor, permitte hodie curiosum me esse, sed pie; sed sancte; non protinus imprudens vel verius Impudens velum reducam,

cam, & in sacra hæc arcana irrumpam, verum propius tantum adstabo, & quæ pia curiositate velut per rimam aliquam ducta ad efformandum corpus tuum animamque poliendam à divinæ Maiestatis manu lineamenta animadvertam, quantum fas est & permittes Auditoribus meis, ut tui amore inflammentur, manifestabo, vos vero Ornatissimi AUDITORES, curiosam hanc pietatem meam aure inprimis, tum benignissimæ, voluntatis aura excipite: & quanquam non is sim, qui tam eruditæ coronæ splendorem sustinere dicendo possim, dabo tamen operam, ut quod assequi facundia non possum, rerum dicendarum, & sublimis argumenti dignitate videar obtinuisse.

Captatio attentionis,

Sed in primis priusquam ad hæc arcana propius accedam, illud à vobis inquirō, quidnam tantæ præpotentem illum universitatis totius pietorem ac fictorem Deum divina ejus latitante sub velo sapientia providentiaque pinxisse formavisseque existimatis? An famosam illam Noemi Arcam? An evolantem ex ea pacis nuntiam & viridem ore rorum, gestantem columbam? An Iridem versicolorem & pulcherrimum fœderis æterni in cœlo signum? An excelsam illam quæ polum cœlumque tangat, Iacobi scalam? An tabernaculum illud quod Altissimus ipse sanctificavit? An Salomonis ex ebore thronum? Ezechielis portam orientalem? Danielis arborem præcelsam? Non hæc hodie, ista olim nec vivis coloribus, sed umbris duntaxat veteris ævi Patribus, Patriarchis, Prophetis, ut suam illis aliqua in tabula matrem adumbraret, representavit. Quid si formosissimam Iuditham? quid si venustissimam Saram? quid si speciosissimam Estheram? Quid si gratiosam Abigaelem, aut amabilem Susannam? Vmbræ illæ, & huius, quam investigamus, pulchritudinis umbræ fuerunt.

Transitio, ad rem ipsam & primum argumentum.

Repetitio ex avi prioris monumentis.

Alia à veteris testamenti venustissimis personis desumpta.

Nolo

Nolo iam inquirere : quanquam quid inquirerem nolo suspicari vos hic aliquam Helenam Paridis Idolum cogitare, aliquam Ariadnam Bacchi delitium, aliquam Europam Iovis delirium, aliquam Deianiriam Herculis exitium : non Argiam, non Cinthiam, non Lauiniam, non Lucretiam, non Cleopatram, non Cassandram, non alias prius ævi sexcentas, quæ quanquam pulchritudinis quædam inusitatæ portenta fuerunt, vitiorum certe monstra vel virorum charybdes extiterunt.

Amplificatio Mariae pulchritudinis.

Forte Lunam aliquam, forte Solem, forte saltem Auroram. Nolite, nolite id arbitrari, pallescit ad hanc imaginem sol ipse, deficit luna, non apparet Aurora. Mariam, AUDITORES, Mariam hodie cœlestis ille fictor effinxit, quam cum nomino, dico Arcam, per hanc enim ad salutis portum homines appulerunt; dico columbam, hæc enim prima pacem suo exortu nunciavit; dico Iridem fuit enim reconciliatæ nobis divinæ Maiestatis signum; dico scalam, gradum enim nobis ad excelsum illud cœlestis imperii Palatium præbuit; dico tabernaculum & thronum, in hac enim habitavit æternus Imperator, & in ea sedens largitatis infinitæ thesaurum hominibus omnibus & stimolata maiestate communicavit. At vero

Ad exemplum

*Tyriorum
mos regem
creandi.*

ubi tandem tantum hunc & tam admirandum pulchritudinis omnis & venustatis eximie thesaurum præpotens ille Artifex efformavit? Commemorant Historici, quorum calamis ut virtuti suus honor habeatur, sæculorum oblivio debellatur, quod cum Tyriorum servi dominis suis ferro oppressis & occupata Republica de Rege creando consilium inirent, consultantibus hæc regni capefcendi ratio inciderit, ut is, qui die insequenti solem Orientem primus vidisset, Rex ab omnibus salutaretur. Erat inter eos mitioris quidam ingenii, qui dominum suum Scatonem non truci feritate, sed piæ misericordiæ humani-

rate respiciens ab eius vita crudele ferrum removerat, & latentem fovebat. Rem igitur ad illum defert, quod ingenua servilibus ingenia præstare existimaret, moneturque ab eodem, ut cæteris in Orientem spectantibus solus ipse occidentis regionem intueretur. Abit & Domini consilio acquiescens cum cæteris in campum procedit, ubi cum in Occidente solis ortum quærere videretur eiusque stultitiam vel potius, ut existimabant, furorem passim omnes sugillarent, ecce dies adventare cœpit, editissimisque culminibus urbis Oriens splendere, expectantibus aliis ut ipsum solem aspicerent, hic primus solis fulgorem omnibus in summo civitatis fastigio ostendit. O te senem ingeniosum & prudentem, non illa tantum; quam expertus es, commiseratione, sed diademate, quod tibi, ut prudentissimo servi detulerunt dignissimum. Ita sane cum esset quoque ea Patrum ætate Diva Anna virtutum sublimitate mons quidam excelsus; & in ætatis jam inclinantis, Occidente positus, ubi adventare, mortalibus salutis dies & justitiæ sol exoriri cœpit, primi ejus in ea radii terris omnibus per Mariam apparuerunt. In hoc monte tanquam in superbo præclarissimorum ornamentorum fastigio primus nascentis Auroræ fulgor est exceptus, ut cum illum mortales intuerentur, certissimam tandem aliquando orituri solis spem non dubiis animis conciperent. Atque hæc est AUDITO-RES, Sanctissima Anna, cuius castissimum uterum velut tabulam pulcherrimam hodie sibi Deuselegit, ut in ea Matrem suam cœli terræque Reginam efformaret. At quomodo? qua temperie? quibus coloribus? qua venustate? Non quemadmodum Zeuxis olim Helenæ illius famosæ famosam imaginem ad quinque puellarum spectandæ pulchritudinis exemplar, ut quicquid esset in iis admirandæ venustatis, in hanc trans-

Exclamatio.

Comparatio.

Collatio pulchritudinis
Helenæ à
Zeuxæ depi-
cta virginis.

*pulchritudo
præfertur.*

ferret, depinxit, sed ad illud quod æterna mente complectebatur, pulchritudinis infinitæ simulachrum ita effinxit, ut quicquid in omnibus seu terræ seu cœli civibus decoris inusitati gratiæque reperiretur, totum illud & amplius, & amplius in sacratissima hac Genitrice sua congereret atque ita congereret, ut non tantum pulcherrimarum, pulcherrima videretur, sed sola pulchra, sola formosa, sola speciosa diceretur. Et quoniam jam inatdescit animus in vobis, quantum quidem animadverto, hoc excellentissimæ formæ prodigium cognoscendi cupiditate, vestræ illi cupiditati libenter favens, & huic meæ curiositati aliquid indulgens iniiciam jam in tabulam oculos, & pictore ipsum intenta acie considerabo. Quin ecce jam inspicio, & sacratissimæ Virginis sacratissimum corpus tam excellenti temperamento, tam apta membrorum omnium conformatione, tam firma constantique complexione à Deo componi formarique animadverto, ut nulla ei nocere contagio posset, in nullum ipsa incidere morbum, qui quidem morbus esset appellandus, valeret. Ita Galatinus, ita Card. Caietanus, ita plures alii crediderunt, & tradiderunt. Neque tantum ea corporis eius firmitas fuit optimaque compositio, verum etiam tanta præstantia, ut desideratissimum, suavissimi cujusdam odoris ex se fragrantiam exhalaret, ut Divus ipse Dionysius attestatur. Non mihi jam Alexandrum suum Macedonia jactitet, cuius è corpore non insuavis odor efflabatur. Non extollantur veterum quidam Ægyptiorum, qui cum summa victus parsimonia uterentur, nec ullis essent unguentis delibuti, auram quandam suaveolentem emittebant. Fuit hoc Virgini Deiparæ debitum, adeoque etiam divinitus illi concessum, ut odorifero corpore esset, & in suavitatis suæ odorem jam tunc mortales inusitata fragrantia pertraheret. Iam vero
si ca

*Opertitur
B. Virginis
pulchritudo.*

*Testimonium
Galatini &
Caietani.*

*Aliud Dionysii de sua
vis odoris
fragrantia
Virginis.*

si ea fuit tam admiranda, tamque divina corporis
 eius constitutio temperiesque; quā existimatis ele-
 gantem ad venustam totius oris ac vultus eius spe-
 ciem existitisse? Habuerit aurum in comis Gala-*Virginis*
 sea argentum in pedibus Thetis, violas in palpe-*vultus de-*
 bris Venus, rosas in digitis Aurora: fulserit in a-*scriptio.*
 liarum gentis Ostrum, micuerit in fronte narcis-
 sus extinxerint oculi violam, comarum cirri he-
 detis fuerint implicatiores, totius corporis pul-
 chritudo cum prae floribus certaverit: imo et-
 iam fuerint in aliis omnia aurea, argentea, ebur-
 nea, lactea, gemmea, corallina, cuiusmodi in me-
 retriciis illis idolis turpiter ingeniosa luxuria
 insidiosus coloribus comminisci solet: illud di-
 co tantum in sacratissima Virgine totius orbis ac *B. Virgo i-*
 corporis venustatem elegantiamque fuisse, ut vi-*mago Divi-*
 va ac spirans esset non humanae sed divinae pul-*na pulchri-*
 chritudinis imago. Nimis essem curiosus, si ad *tudinis.*
 praecellentis huius formae dignitatem vobis o-
 stendendam comas supercilia, frontem, oculos,
 cervicem, collum, si singula denique membra
 numerando exornandoque confectarer; quod e-
 rant in ea membra, tot erant supremae pulchri-
 tudinis simulachra; quod erant in ea corporis
 partes, tot erant novae caelestis illius pictoris Ar-*Confirmatio*
 tes. Quod si evocandi sint ad fidem testes, pro-*à testimonio*
 deat Gregorius Nazianzenus, hanc Virginem fœ-*Apostrophes*
 minas omnes formae dignitate longe antecel-
 luisse proclamabit. Adsit Andreas Hierosolymi-
 tanus, illam statvam à Deo sculptam, rectè descri-
 ptam, & eximiae pulchritudinis appellabit. Au-
 diasur Richardus, Victorinus, eam vultu Angeli-
 co tam corpore quam mente decoratam fuisse
 protestabitur. Veniat huc Damascenus, & quid
 obsecro dicet: audire videor. O digna Deo Filia, *Definitiones*
 humanae Naturae venustas, primigenae matris Evæ *conglobatae*
 correctio, mulierum ornamentum, pro qua tot inter
 se saecula certaverunt, quodnam tuo tandem ortu

gloriareretur. Citentur huc etiam Alber Mag. & Antoninus, nihil aliud profecto dicent, quam id omne quod summum & perfectissimum esse potuit in formæ dignitate Deo ac Natura in hoc vitæ statu operante, in hac Virgine cumulatissime reperiri, cuius corpus fuit, Dionysio teste, divinæ sapientiæ circino formatum, pulcherrime circumcissum plenissime ac speciosissime operatum. Quanquam dum hæc considero attentius, & ab hac virginæ corporis formositate avelli vix possum, iam in animæ lineamenta festinantes oculi inciderunt. Venio quo me trahunt, & ô bone Deus! si nulla virginæ corpori Eloquentia describendo par esse potest, quæ non hic facundia obmutescit? Rex Sapor, ut Historici referunt, cum in lucem nondum editus intra materni uteri angustias latiraret, & Proceres, quod eius è vivis parere excessisset, de Principe novo consultantes quorundam augurum coniectura masculinum eum esse deprehendissent, posito supra uterum maternum sceptro ac diademate in Regem est coronatus. Ita ille Rex fuit antequam natus, sensit prius coronam, quam lucem. & ubi vitæ initium sumpsit, ibi gloriæ suæ thronum invenit, quique homines nunquam viderat, homines habuit obsequentes & adorantes. Sed nunquid hæc quoque Virgo, cui cæli terræque sceptrum ac diadema debebatur, quæque ab æterno iam erat ordinata priusquam communis auræ beneficio frueretur intra uteri materni compages coronata fuit? Ita ita prorsus existimo: coronam accepit, non illam auream, sed virtutum omnium gemmis intertextam: sceptrum accepit, non illud eburneum vel auro rutilante fabricatum, sed divina quadam arte compositum, & puriori gratiæ cælestis argento vestitum. Audire vultis quarumnam virtutum coloribus Virginis animam cælestis ille Pictor exornet? Modestæ laudem olim

*Anima B.
Virginis de-
scriptio Rex
Sapor ante-
quam natus
Rex creatus
est.*

*Comparatio
huius cum
B. Virgine.*

*Declinatio
virtutum
quibus ex-*

olim Aspasia, prudentiæ Livia, maiestatis & gra-
 vitatis Sulpitia, patientiæ Cornelia, verecundiæ *Maria.*
 Lucretia, fortitudinis Porcia, diligentia Tan-
 quil. frugalitatis Plotina, retulerunt; sed apage-
 errorum istorum & desipientis ævi non miranda
 miracula. Non fucata hic sed vera virtus, non
 umbra, sed lux immensa, non gratiæ rivus, sed
 Oceanus non ornamentum apparens, sed supra
 conditionem humanam exornans. Dico ergo tan-
 tam ac tam copiosam virtutum omnium ac divi-
 norum charismatum vim in hanc virginem non-
 dum natam collatam esse, ut in matris adhuc u-
 tero dignitate superaret quicquid post Deum ad-
 mirandum esset in coelo. Dico iterum, & quia ve-
 re audacter, quia de Maria libenter, ita præpoten-
 tem illum Deum in ea exornanda laboravisse, ut
 cum conferre nihil amplius propemodum pos-
 set, conferret tamen semper amplius, & quod o-
 lim de Protogene celebri pictore celebror Apel-
 les dixit, manum de tabula tollere nec posset nec
 seiret. Adhuc erat in utero, & iam coelo excel-
 sius formabatur; nondum lunam intuita fuerat,
 & iam pulchra ut luna resplendebat? nondum
 solem aspexerat, & iam electa ut sol mundo exo-
 riebatur; nondum infans, & iam regina; nondum
 nata, & iam Dei mater destinata; nondum vi-
 tam ingressa, & iam vitæ ianua constituta. Quid
 dicam de divino eius intellectu? quid de arden-
 tissima promptissimaque voluntate? in illo ratio-
 nis usus singulari Dei providentia fuit accelera-
 tus. in hac divinæ bonitatis charitas inflammata,
 ut Deum in cælo vix concepta in utero cognosce-
 ret, & Deum priusquam homines amaret. Talis *B. Virgo an-*
 quippe iam in utero fuit, *requam na-*
ta castitatē

Contrapof. 23
conglobata.

vovit.

— Cui nienti matris ab aluo
 Protinus inconcussum & ineluctabile votum
 Virginitas fuit una.

Cum enim primo illo suæ Conceptionis instanti Virginitatis decus eximium agnosceret, concepto voto Virginitatem suam divinæ Maiestati obstrinxit. Talis fuit, ut singulari cælestis gratiæ prærogativa non prius vitam susciperet, quam eam divinæ providentiæ custodiam tutelamque, ut delicto aliquo nunquam posset contaminari. O si illam videre qui iam vixerant, veteris ævi Patres, clarissimi eius Maiores potuissent! Vidisset tum in ea fidem suam Abrahamus, obedientiam suam Isaacus, longanimitatem suam Iacob, patientiam suam Iob, castitatem suam Ioseph, Mansuetudinem suam Moyse. Cessisset illi innocentia Abel, fiducia Noe, inimicorum dilectione David, prudentia Abigail, virginitate Sunamitis, magnanimitate Iudith: hæc enim omnia in Virginem nondum natam divinâ quadam munificentia confluxere. Imo vero si qui vitam nondum adspexerant, videre illam tamen in utero adhuc delitescentem orientis rum ætatis novæ Apostoli, Martyres, Confessores, Virgines potuissent, nunquid ab eius puritate puritatis suæ faciem Agnes accendisset, ab ea fortitudinem Apollonia didicisset, constantiam Agatha, sapientiam Catharina, modestiam Cæcilia, zelum Vrsula denique Apostoli charitatem, Martyres invictum robur, cæteri omnes sanctitatis omnis initium ac documentum accepissent? Nihil enim, Bernardo teste, virtutis est, quod ex ea non resplendeat, & quicquid singuli habuere Sancti, id omne sola possedit, ut non immerito gratiæ abyssus à Damasceno, Collegium Sanctitatis à Petro Chysologo nominetur. Sed verborum iam satis, videre curiosa pietas magis exoptat, quam audire, & quæ pulchra sunt non tam explicari, quam oculis aut animis debent usurpari. Erigite animos igitur, AUDITORES, & quam hactenus non ab homine, sed à Deo tam operosè formam

*Amplificatio
virginitatis
B. Virginis.*

Testimonium

Transitio.

nam

tam ac condecoratam intellexistis, animo vos intueri putatore. Ecce enim velum reduco, & ut nō tam audiatis, quam ipsi videatis cortinas aperio. *Exclamatio.*
 O mulierum decus! ô coeleste prodigium! ô vere pulchritudinis omnis, omnis gratiæ, omnis virtutis compendium! Nulla, dicam cum erudito Bernardino:

Nulla fuit tanto mulier redimita decore.

Quæ speciem superet Virgo Mariatuum,

Candidior niveo rutilas Regina colore,

Et radiis cedit clara Diana tuis.

Luna suum perdit tecum sociata nitorem

Atq; comes nullum soltibi lumen habet.

O quas non amoris divini faces illa corporis animæque formositas jaculatur, Illam cum intuitus esset præpotens ipse rerum omnium moderator, tantopere in eius amorem exarsit, ut de ea non tam verbis quam affectu loqueretur, & cum loqui quasi non posset amore victus, nunc illam speciosam suam, nunc formosam suâ, nunc amicâ aut columbam suam tantû appellaret, nonnunquâ etiam in admirationem ejusdem abreptus plenissimâ hanc amoris vocem emitteret. Quam pulchra es amica mea, quam pulchra es. Non ignoratis apud Indorum venatores ita usu arteq; receptum esse, ut cum illaqueare Monocerotem contendunt, formosam aliquam & excellenti decoratam venustate Virginem obviam ei sistant, quæ ubi sinum aperit & expandit, confestim deposita ferocitate Monoceros in eo caput reclinat sequi capiendû prostermit. *Mos Indorum capiendi Monocerotem.*
 Hæc est, hæc est illa virgo, non humana sed divina plane pulchritudine donata, cuius ubi sinû expansum cælestis Imperator aspexit deposita protinus, quam in hominum genus conceperat iracundia, & divinæ propemodum maiestatis oblitus, in eo caput reclinavit. Illa erat formæ eius maiestas, ut cum in divinum eius vultum intentam ocalorum

Deus Mariam pulchritudine capit.

*S. Dionysius
tam ut vidit
aderavit.
Sylvanus ut
tam v. dit
oculo priva-
vit.*

aciem contorquere sanctissimus Iosephus veller, nimio fulgore perstrictus reducere vultum cogeretur. Vidit illam aliquando Divinus ille Dionysius, verum cum nimia eius pulchritudine captus non mulierem, sed Deam existimaret, prolapsus in terram propemodum adoravit. Videre illam voluit aliquando, ut Sylvanus Razzius attestatur, clericorum nescio quis, & ut videret multa precum assiduitate contendit. Annuit eius votis piissima Virgo, sed ita, ut quibus oculis pene divinum eius decorem intuitus esset, usurpare aliud nihil unquam posset. Quam ille conditionem cum accepisset, & jam oculo uno clauso virginæ pulchritudinis plane cœlestis ac divinæ conspectu frueretur, in eoque defixus nunc in se deficeret, nunc extra se raperetur, tandem etiam & alterum oculum aperuit, utriusque oculi iacturam pati potius paratus, quam tam eximiam pulchritudinis inusitatæ gloriam non utroque oculo conspexisse. Hac pulchritudine ita detinebatur Margaretha Dominicam ex illustrissimis Hungariæ Regibus oriunda ut quoties Deiparæ sacram imaginem præteriret, hæreret amore capta, genua flecteret, humi prostrata salutaret. Hac pulchritudine ita animo percellabatur Fredericus III. Princeps Austriacus & Romanorum Imperator, ut quoties de ea cogitaret, ciborum omnium oblivisceretur. Hac pulchritudine ita medullitus sauciabatur Henricus II. Baviaræ Dux & Imperator, ut cum urbem aliquam ingrederetur, primam in templo Deiparæ sacro noctem ejus animo decorem eximium contemplando transigeret. Quid dicam de Ludovico Francorum Rege, cujus animum Deiparæ dignitas ita permovit, ut dato impofterum meridie publico campanarum signo ab eam omnibus toto regno præceperit salutari? Quid de Stephano Hungariæ Rege? Non potuit ille, nisi sub Virgine, quam de-

*Alia exempla aliorum
qui Virginis
pulchritudine capti,
multa &
magna fecerunt.*

peri-

peribat, regnare ideoque tutelæ eius ac potestati Hungariam universam, quam Mariæ familiam appellabat subiecit. Quid de Hedvige Poloniæ Duce sanctissima. Hæc sacratissimam Dei matrem ut parerat, ita ardentem amabat, & in eius pulchritudinis admirationem rapiebatur, ut illius semper imaginem circumferret, oculis usurparet, manibus contrectaret, avelli omnino ab ea non posset. Innumeros alios & alias omitto, ne vos Auditores omittam. Quid? & illæ, illæ emissæ ab hac divina pulchritudine sagittæ non omnium animos, nō alicuius saltem animum suavissimo amoris vulnere sauciabunt? Et illæ, illæ, facies ab oris decore, ab animi splendore vibratæ non omnium pectora, non alicuius pectus inflammabunt? Imo, imo sauciabunt, non ferrea aut ænea sunt hic corda; imo inflammabunt, non saxeæ, nō adamantina sunt hic pectora. Amamus, ô Maria, nec diffitemur, pulchritudinem aliquam excellentem at tu omnis pulchritudinis dignitatem tibi vendicasti; amamus in pulchritudine virtutem, in virtute maiestatem, in maiestate humilitatem; at tu pulchritudini virtutem admiscuisti, & in terro miraculo pulchritudinis & pudicitæ, maiestatis & humilitatis concordia est. Quis ergo ita ferreus repetiretur, qui tuis ardere flammis non optaret? Non non hic amor noster rivales timet aut odit.

*Interrogatio.
ad auditores*

Omibus una potes, simul omnibus una placere.

Omibus una simul plus satis esse potes.

*Invocatio &
conclusio.*

Hoc perimus, ut quæ hodie in utero materno concepta es, hodie quoque in nostris animis ac pectoribus ferventissimi amoris desiderio, concipiaris, ut, inquam, nos ames tuæ pulchritudinis amantissimos, mutuoque amore, tu tuo in nobis, nos in te nostro vivamus. Cuius affectus si testi-

monium ac fidem requiris, en ipsum vide Sodalium tuorum effectum, qui quoniam plus amando dicunt, quam loquendo, suum amoris silentium resigno, & conticescens hoc unum pro omnibus protestor, Te ô Maria amamus. DIXI.

ORATIO II.

In eandem.

CONCEPTIONEM B. MARIE VIRG.

*Exordium à
magnitudi-
ne omni-
potentia divi-
na.*

*Tria maxi-
ma quæ se-
cit Deus.*

Primum.

Secundum.

Tertium.

Veritatis ille Philosophus ingeniorumque Phœnix & Princeps Theologorum Aquinas cum magnitudinem Omnipotentia divina ac operum Conditoris æterni præstantiam dignitatemque, quantum homini fas erat, sollemnemente perscrutaretur, tria reperit Naturæ vim omnem superantia, & excellentiam quandam infinitam spirantia opera, quibus Univerſam hoc illustrare, suamque mortalibus omnipotentiam manifestare testatque Deus desideravit. Est in primis beatitas illa sempiterna, quam oculus non vidit, auris non audivit, in cor hominis non ascendit; summum, inquam, bonum illud, contemplatio fruitioque DEI, qua velut torren- te voluptatis inebriantur, quotquod Curia cælestis æternitatis amplexu recepit. Est homo Deus mortis Dominator, Orbis Reparator Christus Iesus, cuius humanitas unita Verbo hærente Natura cælorum omnem admirationem evicit, & ipsam impulit æternitatem. Est Maria Virgo, amica, sponsa, genitrix hominis & Dei, quæ dum intumescente Virginitate casta intra viscera Dei Filium, Verbum æternum sapientiam Patris con-
clu-

eluxit humanæ vires Naturæ supergressa infinitæ dignitatis opus & omnipotentia cœlestis exemplar admirandum sese manifestavit. Atque hæc est, ut Verbum æternum hic tantum dotem, ad illud vero sempiternæ beatitudinis bonum gestientianimo anhelem: hæc est, quam hodie orbis Architectus atque idem Imperator Deus, dum à terris elati gemitus divinum Amorem impellunt, & clementiam miseriis humanis inclinant, efformavit, ac in qua providentiam omnem deposuisse prudentiam infinitam attrivisse, universos cœlestium gratiarum thesauros consumpsisse Divina Maiestas, exhaustisq; videtur, ut meliorem, digniorem, præstantioremque producere, ne dicam excogitare, non possit. Quod cum ita sit, quo me tandem hodie convertam qui sacri Oratoris officium, tantique operis ac Dei matris præconium suscepi, ut paribus humeris ac iustæ vocis dignitate miraculum illud admirandum aggre-
 gradiar ac deprædicem? Eritne vox ulla aut oratio quæ cœlestis etiam facundia pondere immensam operis illius excellentiam adæquet, quo nihil unquam excellentius factum est à Deo, nihil unquam fieri potest præstantius ab eodem? Sed quoniam premenda vox non est, ubi lucis illius exortum videmus, à cuius aurora cæterorum omnis ævi dierum vesper Solem accepit, quamque geniales inter dies numerare mundus jure potest, nobilissimum pictorem Timanthem imitabor, qui Cyclopi ingentis parva in tabula magnitudinem expressurus, pollicem duntaxat ejus, quem Satyri juxta picti thyrsos metirentur, penicileo adumbravit. Nolo enim facundiam hic ostentare, ubi omne vocis officium rei miraculo Omnipotentia pervicit; mallet quippe pii laboris officium impia taciturnitate detrectare, quam jactantia jungere temeritatem. Designabo igitur Conceptionem hodie Virginem, & si mihi

Amplificatio à præstantia Virginis.

Exemplum Timanthis sequitur.

Propositio cum capta

sione atten-
tionis.

*Apostrophe
ad ipsam
Virginem.*

cogitationum vestrarum usum concedatis, Omax-
tissimi Viri, (neque enim de attentione aut favore
dubitabo, quem iam alias ex hoc loco sum exper-
tus) tantum admirabor, sed vobiscum excellentem
illam Conceptæ Virginis structuram, in qua non
homini, sed Deo habitatio præparabatur. Et vero
mutuari hic lucem aliquam ab illo splendidissimo
utriusque mundi sole, cuius radiis ac fulgore quic-
quid est natum aut creatum illustratur & coruscat,
deberem, sed ne Lunæ luminis magnitudo oculo-
rum aciem perstringat, ad te Maria, Luna nostra,
hodie salutis Aurora recurro: tu, dum mihi de te
sermonis huius principium & exitus erit ille pu-
blicæ felicitatis auspex dies qui te primus anima-
vit, facundiam hodie tibi ancillantem aliqua gra-
tiz derivatione iuva auge, continua. Nam si di-
vinis rebus operantes in eam cœli plagam ora
convertimus, à qua lucis exordium est, iure tibi
præconium hoc soluturus gratiam à te posco, à
qua religionis, libertatis & omnis felicitatis lux
incepit. Equidem qui audent de te dicere, magni-
tudinem tuam ignorant: sed & qui non audent,
humanitatem.

*Confirmatio
à more prin-
cipum huius
sæculi.*

Solent qui lege sua ac nutu fruantur Orbem
Principes ac Monarchæ, cum civitatem aut deli-
tiarum domum aliquam à fundamentis excitare
concupiscunt, in qua aut maiestates suas ab onere
respirantes oblectent, aut ipsi quietem inter ac
voluptatem novis ad gubernationem consiliis a-
nimum adornent, imprimis ex peritissimorum
Architectorum consilio peritiaque futuri operis
typos quosdam ac figuras vel ex cera, vel ligno,
vel gypso conficere; deinde vero locum illum
eligere, qui aeris salubritate conservet, fructuum
ubertate sufficiat, rerum omnium ac præsertim
hortorum, rivulorum, sylvarum amœnitate de-
lectet. Vbi autem iam excitanda moles est uni-
versa, & in auras palatium educendum, ditionis
sue

suæ regni que totius Barones, Comites ac Principes, ut novam hanc domum suis muneribus & donis exornet, invitant. Ita quondam Iudæorum Hercules & delitium omnipotentis Rex David, cum illud æmulum cœlo templum, vere mundi miraculum, non humano, sed divino conceptum consilio in Principe civitate præpararet, voluit & imperavit, ut quotquot suo in populo dignitate iuxta & potentia Principes excellerent, sua dona ac munera hoc in templum inferrent. Equidem non hominum consuetudines, & imbecillæ humanæ mentis prudentiam infinitæ sapientiæ DEVS imitatur; sed tamen non ab hoc Principum ac Regum more hodie recessit, cum illam, quam ab æterno habitationis suæ structuram Matrem, inquam, suam ordinat, Sapientia providentiæque laborante formavit. Vidit & adoravit majorum atque typos eius ac modulos; obstupuit locum electum habitationis huius Natura, structuram omnem, postquam eius compages divina sapientia composuit ac fundavit Sanctorum omnium dignitas adornavit. Quas igitur figuras admirabiles. Æterne Deus, quos obstupescendos mundos typos ostendisti, ut futuram illam domum tuam nascens orbis intueretur & adoraret? Profecto cum in voluptatis innocentis horto scaturientem è medio fontem excitasti, iam tum generis nostri parenti primo Matrem tuam veræ fontem salutis adumbrasti: cum vero occupantibus orbem aquis, & iam imperante Clementia retrocedere gestientibus, ex Arca Noe provolans columba gratissimum illum intulit pacis rami, tandem secundo hominum parenti designasti. Quid erat æterni signum foederis, Arcus in cœlo? Quid erat Rubus ardens & incombustus? Quid erat Moyses Virga serpentes devorans, Aaronis Virga florens; Scala Jacob cœlumque somnumque tangens, Deum loquentem ac discursan-

*Applicatio
ad Deum.*

*Apostrophe
ad Deum.*

*Amplificatio
per applicationem
omnium.*

*prisci saculi
signorum ad
B. Virginem*

tes sustinens Angelos? Quid erat Liber illi gran-
dis Isaia? Arbor illa portentosa Danielis? Aquila
illa excelsa, & Orientalis porta Ezechielis? Nondum illa sunt omnia. Quid erat ergo rursus Salomonis ex ebore thronus? Quid ejusdem de Libani lignis & argenteis columnis ferculum? Quid testimonii tabernaculum? Quid Arca testamenti illa admirabilis, quam solidissima & corruptioni nunquam obnoxia ligna componebant? Erant, ô Deus, tu huius operis ac Matris imagines admirandæ, typi mortalibus omnibus adorandi. Ita Solem præcedit Aurora, fulmen anteit fulgur, fructum flos designat; & quicquid est tandem, quod aut ab æterna mente productum dignitatem quandam infinitam ostentat, aut Naturæ vi secretâ formatum excellentiam rerum superat cæterarum, miraculo semper aliquo, & signo mirabili præcedente suum ortum impellit. Non nascuntur sine tu multu ac fragore tonitrua, audiunt homines & contremiscunt. Non oriuntur sine prævia luce maiora sydera; sentiunt Elephantes & adorant. Enimvero quantæ dignitatis esse debuit illa Mater, quam omnes sæculorum omnium ætates intelligere, videre, sentire debuerunt? Intellexit Patriarcharum ætas ac Prophetarum, & hinc tanto affectu ex puteo viventium aquarum fonteque signato sitim explere desiderabat. Hortum conclusum ac Paradysum intueri. Palma, Rosa, Oliva recreari; Myrrha, Cinnamon, Balsamo perfundi; sub Cedro ac Cupresso quiescere, Davidicæ turris propugnaculo defendi concupiscebat. Vidit Apostolorum ætas, & Virginitatis eius florem obstupescendo fructum eius admirabilem debuit adorare. Sentit ætas hæc nostra, & dum per eam cœlestis in nos gratiæ rivus exundant, vitam, dulcedinem, misericordiæ Matrem appellat. O vere felices illi, quibus in ista senescente per peccatum mundi pueritia Virgini-

*Enumeratio
eorum quot-
quot B. Vir-
ginem vide-
runt.*

*Exclamatio
ob fructum.*

ginis imagines ac typos contigit agnovisse! O nos vero feliciores, quibus in hac iuvenescente per gratiam mundi senectute tantæ Matris amorem ac favorem contingit experiri! Quanquam non in figuris istis, ac umbris oratio tota delitescat; veniamus ad locum, & admirabilis huius ædificii situm omnem agnoscamus. O quam incomprehensibilia sunt iudicia Dei? Quam investigabiles eius viæ! Tot erant pomposo fastu superbia matronæ, tot vivebant opum affluentia numeroque liberorum glorioso, tot triumphabant in oculis orbis radianti sceptro ac diademate spectabiles Reginae non has sed unam eligit Annam Deus. Quam Annam? humilem ac modestam; displicet enim inanibus illa ventis vanitas inflata. Quam Annam? sine magna opulentia divitem & sterilem; neque enim aut opes orbis, aut fecunditas cælum inclinant. Quam Annam? Regum è sanguine oriundam, non Reginae; nam non stirpem Regiarum stemmata, sed insignia virtutum nobilitatem declarant. Hic est ergo locus Honorandi Sodales, uterus Annæ, in quo domus deliciarum omnipotentis acta hodie sunt fundamenta. Neque vero aut orationem, aut affectum continere, quin evager, & ruptis quasi repagulis insolescenti propemodum animo locum hunc omnem percurram. Desideratis amœnitatem? Lachrymarum hic rivuli strepitum edunt quem cælum audit; precum hic Zephyri cœlestem auram impellunt, & divinum recreant amorem. Requisitis ubertatem? hic virtutum omnium plantæ florent ac producunt. Poscitis salubritatem? In Anna tanta fuit, ut eam nulla aut opprobrii contagio, aut invidiæ pestis contaminaret. Audite quid dicam. Nullius esse potuit Anna mater, nisi Mariæ; nullam potuit Maria matrem, nisi Annam, habere. Dicam amplius, non potuit Anna Mariam edere nisi sterilis; non potuit nisi

*Mariana
visionis.*

*Transitio ad
alteram par-
tem confir-
mationem.*

*S. Anna de-
monstratur
locus domus
deliciarum
Dei Ampli-
ficatio à cir-
cumstantiis
domus inea-
nda.*

steri-

*Maria non
potuit nasci
nisi ex sterilis*

*Confirmatio
ab exemplis.*

*Effectus ste-
rilitatis S.
Anna.*

sterilem Annam Maria fecundam efficere. Nimirum, qui ex sterilitate nascuntur, miracula sunt quædam, & dum hæret ac deficit confecta iam ex sanguinisque Natura, vim omnem ac dignitatem hauriunt e celo. Edere debebat Anna Mariam ætate postremam, donis primam, ut Mosæicæ servitutis ævum clauderet ultima, & viam libertatis Evangelicæ prima patefaceret. Nata scilicet est ad serviendum fecunditas ad dominandum sterilitas. Produxerat Sampsonem sterilis; ille officio multitudinem continuit. Produxerat Isaacum sterilitas; ille patris Abrahami progeniem præceptis informavit. Produxerat sterilitas Samuelem; ille Iudæorum clero servitutis calamitatem prædixit sanctitatis leges indixit. Produxerat sterilitas Iosephum; ille consilio suo totam Ægyptum temperavit. Produxit sterilitas MARIAM; illa Serpentis caput contrivit, Iustitiæ Solem peperit, currere nos hodie fecit in odorem unguentorum suorum. Atque utinam (sine voto enim præterire hunc locum non possum) utinam Sodales, steriles essemus & peccatis omnibus exuti! conciperetur in animis nostris illa, quam hodie conceptam in orbe latamur; nasceretur in pectoribus nostris Deus, qui hodie in sterilis utero matronæ habitationem suam præparavit. Utinam etiam humiles essemus, dum sterilis humilitatem Annæ cælestium gratiarum imbribus irrigatam fuisse videmus. Æsopos sciscitanti olim cuidam, quid super æthereos orbes Iupiter ageret, Excelsa, inquit, humiliat, & humilia extollit. Et enim

——— *Celsa graviore casu
Decidunt turres, feriunt quæ summos
Fulmina montes.*

Ite nunc Ixiones superbi, in montibus vanitatum humanarum extruite, Excelsus Dominus hu-

humilia, respicit & alta à longe cognoscit. Inse-
 rite nubibus capita, & sublimi ferire sidera ver-
 tice; superbis Deus resistit, humilibus autem dat
 gratiam. Non in validissimis lacertis, sed in cri-
 nibus vilissimis Sampsonis robur erat; non in
 membrorum immanitate ac proceritate, non in
 armis gravissimis contra Goliath spurium illum
 Gigantem, spem suam David collocarat, sed in
 funda parvisque lapillis. Quanquam ne locum
 hunc tantum, quem in humilitatis valle Deus ele-
 git, structuræ ipsius obliti consideremus, ad stru-
 cturam ipsam accedamus. Quid hic eloquar aut
 admirabor? qua voce dictionem impellam, ubi
 silentium miraculum imponit? qua ratione si-
 lentium tuebor, ubi dignitatis magnitudo dictio-
 nem extorquet? nec loqui licet, nec silere, for-
 tassim admirari licebit. Cum Salomonis toto
 orbe templum celeberrimum, divino imperio,
 humanâ vero opera ædificaretur, quoniam dolati
 jam ac perfecti lapides erant, non malleus, non
 securis, non instrumentum quodvis aliud intra
 consignata templi spatia fuit auditum. Ita etiam
 vel egregii pictores, vel excellentes sculptores
 cum rarum aliquod & admirandum opus moli-
 untur, velis obductis in silentio ac secreto labo-
 rant. Et obsecro quis perscrutetur, qua naturæ vi
 secreta intra alvearium favus existat? quo artifi-
 cio uniones atque aurum intra terræ viscera Na-
 tura producat? quomodo gemmæ ex rore cœle-
 sti intra conchas recepto concrecant? Nihil di-
 co de rosis, nihil omnino de floribus aliis, qui
 cum intra tenerrima vascula tanquam in secretis
 conclavibus Naturæ formentur, ubi prodeunt in
 lucem, gratissimo conspicientium aspectu mentes
 atque oculos oblectant. Igitur Divina Maiestas,
 cum Dolum suum ac Matrem intra Annæ ute-
 rum formaret, non aliquo cum tumultu, sed si-
 lentio summo atque attentione; non apertis ve-
 lis,

*Humilitatis
effectus.*

Sustentatio.

*Comparatio
ædificii huius
cum ædificio
templi Sala-
monis simili-
tudo.*

Applicatio.

*Alia simili-
tudo.*

*Descriptio
pulchritudi-
nis B. Virgi-
nis.*

his, sed obductis, illinc Providentia Gratiarum
coelestium thesauros ministrante, hinc sapientia
consiliis æternis omnia ac singula componente,
cessantibus Naturæ ac senectutis viribus, stupen-
tibus Angelis, est operata; ut omnino quid fece-
rit nesciamus, eloqui etiam nunquam possimus.
Scilicet, qui scrutator est Maiestatis, opprimeretur à
gloria. Vnde quemadmodum nobilissimus pictor
Appelles in Iphigeniæ sacrificio dolorem ingen-
tem Agamemnonis patris expressurus, velo faciem
eius obduxit: ita vobis, Sodales Conceptæ Virgi-
nis structuram omnem silentio testam relinquo,
ut cum eam intelligere atque assequi non poterit-
is, tum prius Naturæ vires excedentem divinam-
que prorsus fuisse cogitetis. Sed tamen si non im-
pia curiositate liceat hic aliquid velut per transen-
nam intueri, videre videor pulchritudinem illam
admirandam, claritatem, & decorem excellentissi-
mum, quem Deus suæ Matris membris omnibus
induxit. Erant capilli eius sicut greges caprarum,
dentes ut greges tonsarum; sicut vitia coccinea la-
bia eius; sicut fragmen mali puniei genæ illius;
collum turris instar Davidicæ, ubera sicut hinnuli
capræ gemelli: Nigra ipsa, sed formosa? electa ut
sol, terribilis ut castrorū acies ordinata. Quid ergo
potuit aliud, cum pulchritudinem hanc tantam
divina Maiestas intueretur, quàm affectu soluto in
vocem illam erumpere: *Quam pulchra es a-
mica mea, quam pulchra es? Quam pulchri sunt
gressus tui in calceamentis filia Principis?* Ipsa
vero quid potuit dulci eloquio suo respondere?
Credo iam intra istas materni uteri angustias sub-
misso vultu atque animo Conditori suo acclama-
bat: *Ecce Ancilla Domini.* Addebat etiam ex-
ultans & subsiliens; *Magnificat anima mea
Dominū. Quia fecit mihi magna qui potens est.*

O Iosephe beatissime, iam ego tuam infirmitatem libenter excuso, qui in Virginis faciem, cum illa Filium uterogestaret, nimio pulchritudinis eius fulgore confusus, oculos intendere non valebas. Tuum errorem, Sanctissime Dionysi, si non amplector, certe non arguo, quicum primum Virginem hanc almam vidisti, corruisti, & nisi fides prohibuisset, tanquam Deam adorasses. Erat enim ipsa pulchritudinis Miraculum; erat imo, ut cum Ignatio loquar, sacratissimum monstrum, & caeleste prodigium. Restat nunc illud, ut qui à fundamentis excitatam hanc domum Altissimi consideravimus, picturam eius omnem atque ornamenta contemplemur. Adeste imprimis ergo Caelestes Spiritus, Angeli purissimi, dona vestra in hoc palatium inferre: confirmavit sua gratia vos Deus, ut peccare non possis: concedendum est illud Mariæ; sed & insuper, quod non potestis, possit mereri. Adeste Patriarchæ & Prophetæ. Depone hic Abrahame fidem tuam, Isaac obedientiam tuam, David mansuetudinem tuam Relinque hic Ezechia iustitiam tuam, Iosia pietatem tuam. Filiæ Sion congregare huc divitias vestras, ut una Maria supergressa sit universas. Adeste Ecclesiæ Principes Apostoli, Religionis Antesignani, ubi vos divini Numen spiritus afflavit, nulla mentem latifera labes potuit contaminare concedendum est amplius Mariæ, ut eam nec culpa venialis invadat. Quid habetis purpurei Martyres, qui tot in tormentis constantes eluxistis? Ecce Maria, Martyr amoris patientiam vestram induit, ut septuplici gladio transuerberatus eius animus non superetur. Quid habetis candidati Confessores? Ecce pietas vestra MARIAM exornat. Quid habetis egregii Virgines? Ecce Virginitatis in MARIA flos pullulat illibatus. Ita Concepta Virgo virtutum est omnium imago; reliqui vero Divi spiritusq;

*Apostrophe
ad Iosephum.*

*Alia ad
Dionysium.*

*Tertia con-
firmationis
pars in qua
recensentur
edificii ex-
tincti.*

*Maria sc.
ornamenta.*

*Perorationē
adhortationē
ad sodales.*

*Laus ab ex-
emplo.*

Applicatio.

*Quid in Ma-
ria V. suspi-
cere debea-
mus.*

coelestes expressiones sunt tantum ad illius similitudinem conformatae. Ita Deus sanctorum omnium excellentias & prerogativas una in Maria cumulavit ac consummavit, ut iure dicere posset *In plenitudine Sanctorum detentio mea.* Hæc est igitur admirabilis illa Conceptæ Virginis structura, quam hactenus, Sodales, aliqua vobis orationis luce demonstravi; nunc vero date mihi cogitationes illas vestras, ut in sacratissimam hanc domum introducam; imo emittite totos animos vestros, ut non ad fores subsistant, sed admissi in penetralia tantæ domus opulentiam venerentur, & non nisi unguentis ac pigmentis Mariæ perfusi recedant. Potens illa Æthiopiz Princeps Regina Saba, cum à Meridie in Iudæam descendens Salomonis regiam intravisset, Regem salutasset, Sapientiam eius & ornatum domus universæ splendorem intuita fuisset, confestim corruit consternata, & animi deliquium aliquandiu passa, tandem simile se nihil vidisse vel audivisse, proclamavit. Eodem modo curruendum est hic animis in tantæ Virginis aspectu; sed ô gratum deliquium in admiratione Mariæ! urinam etiam emori liceret in amore! Relurgamus tamen animis; at vero quid admirabimur? Heroes illi Homerici, qui ad Menelai palatium ad convivium erant invitati, ubi Aulam ingressi fuerunt, interiorem domum totam, quæ regali splendida luxu patebat, prius sunt admirati, aurata tricliniorum laquearia, laboratas omni arte picturaque columnas, multam ac lautam supellectilem, peristromata, sonantes auro thoros, quicquid denique superba Regum magnificentia stupentibus populorum oculis proponit. Sed ista suspiciant, qui vanitate pascere oculos concupiscunt: nos hic animis hauriamus in Maria simplicitatem mentis, cogitationum altitudinem & mundiciam innocentiam vitæ, divini amoris ardo-

ardorem, obedientiam, pudorem, modestiam, humilitatem. Harum omnium in hac aula Dei virtutum insignia, non leones, non leopardi, non expansis dracones alis, non arces excelsæ, non cristatæ galeæ, quibus humana se prodit nobilitas, cernuntur. Ad præsentiam Virginis adhuc in utero latitantis saliant Angeli; & nos, Sodales torpebimus? Pulchritudine eius capitur DEVS ac vulneratur, & nos non movebimur? Licet edere nondum vocem conclusa possit, nos illi tamen acclamemus: *O pulchra ad intueandam, amabilis ad contemplandum, delectabilis ad amandum, vubnera corda nostra tua pulchritudinis amore.* Oleum effusum nomen tuum, ideo adolescentulæ dilexerunt te; trahe nos post te, curremus in odorem unguentorum tuorum. Quanquam quoniam vos Viri Ornatissimi, cæterique Auditores, in hoc splendidissimo Regis Æterni palatio cogitationibus per universas conceptæ Virginis virtutes discurrentibus, occupatos animadverto super sededo tandem, & ab officio tam pii laboris nequaquam delibantes animos abducam. Nondum tamen possum, & prius mihi vestris in animis est acquiescendum, Iuvenes Optimi; vos enim Conceptæ Virginis Sodales estis, & vobiscum participatione quadam meritorum solemnitatis huius lucem veneramur. *Ultima exhortatio ad Sodales.* Mastrigitur, Patronam vobis vestram hodie repræsentō & offero, non Solem aut Lunam, quid oculos subducitis? non castrorum aciem ordinatam, quid exhorrescitis? sed in utero matris Annæ conceptam, tenellam, nondum vagientem, tam tamen pulchris oculis dissuavientem. Et nunquid illis oculis, vestris mentibus subiicit faces amoris? Amate illam tenellam tenelle, sanctam sancte, & Conceptam hodie renovata mente concipite. DIXI.

ORA-

ORATIO III.

In

PURIFICATIONEM
B. MARIE VIRG.

*Exordium
ab exemplo
Eudoxi.*

EVdoux, ut in veterum est Historiarum monumentis, Ornatissimi & Humanissimi AVDITORES; cum intellexisset aliquando tantam esse Solis pulchritudinem lucisq; puritatem, ut nihil universa suo ambitu Natura venustius excellentiusque complecteretur, nec eam tamen positus hic in terra, quenquam irretortis oculis, intueretur, percipere satis posset, nuncupato Diis immortalibus voto paratissimum se fore ardentibus ignibus concremari promisit, si eorum beneficio pulcherrimam solis faciem, & incredibilem radiorum eius puritatem posset intueri. Quod votum stultissimæ temeritatis & vanissimæ curiositatis plenissimum dum probare non possum, tum existimo neminem hic adesse, qui, si inusitatam Deiparæ Virginis sole pulchrioris excellentiam & sanctissimæ vitæ puritatem posset intueri, non illico paratissimus futurus esset ardentissimis suavissimi amoris eius ignibus concremari. Quippe ea demum est iucundissima vitæ iactura in eius augustissimæ Imperatricis amore mori cuius divina formæ præstantia, & nitidissimus purissimi animi candor non tantum hominum omnium animos, verum etiam cælestes illas Mentis, atque adeo divinam ipsam Mariestatem in sui admirationem amoremque convertit. Et ecce quam voto vestro fortunatissimam adesse concupisceretis occasionem, præsens hoc ultro tempus præsentat. Illuxit enim Purificationis illa dies, qua cum Serenissima cæli

Applicatio.

Propositio.

Regi-

Regina inaudito profundissimæ submissionis exemplo jam ad templum quasi purificanda procedat, si erigere placet animos, & mentis aciem intendere, divinam ejus pulchritudinem puritatemque in transitu contemplari licebit. Cogitate vos hic ad spectaculum effusos, & per medium hunc locum divina utrimque corona jam jam futurum illi ad templum iter; ego, quoniam ita visum est, ut hodie Marianæ laudis præconem apud vos agerem, protenso velut digito, quantum quidem fas erit, cœlestis illius pulchritudinis ac puritatis ornamento vobis omnibus commonstrabo. Quod si deficient ac caligent oculi nimia fortasse luce perfusi, ad nos ipsos caligantium oculorum aciem de nostra quoque puritate solliciti convertemus. Tu vero, ô sanctissima Virgo, quoniam difficilius est rectis animis splendicanrem illam purissimæ excellentiæ tuæ dignitatem, quam radiantem irretortis oculis solem intueri

*Invocatio
Virginis.*

— *Circum caput omne micantes*

Deponas radios, propiusq; accedere manda.

Si curiosus est amor hic noster, certe est magnus? quippe unum est oculorum nostrorum desiderium ad fulgentissimos puritatis tuæ radios hebescere, unum est animorum nostrorum votum præstantissima venustatis tuæ specie nunquam satis satiati, Vos Sodales, date locum, & erectis estote animis, jam, jam adest.

Captatio attentionis.

Ingeniosissimi Poetæ, qui fabularum involucri sapientiam quandam arcanam regere semper consueverunt, Auroram Nympham & Deam esse speciosissimam comminiscuntur, quæ aureo vecta curru, quem elatus Pegasus trahit, sparsisque per lacteam cervicem aureis capillis, & ardentem manu tædam gestans universum terrarum Orbem illustrat. Ita quidem fabulantur illi, sed est

*Descriptio
aurora ut à
Poetis fingitur.*

*B Virgo ve-
ra auro-
ra
est.*

est tamen vera salutis Aurora Maria, quæ hodie ab ortu iustitiæ Solis consurgens, tota aurea, & igne charitatis inflammata, intraque vlnas suas non tantum aliquam flammulis quibusdam micantem, sed lumen ad revelationem Gentium, Christum Iesum, complectens, ac primos in terras omnes salutis radios emittens ad templum procedit. Quam profecto dum attentius inspecio, video illam esse, quam mundus olim prope depositus, & in æternis sordibus ingemiscens tot votis ac precibus expetivit. Illam, inquam, quam universæ Naturæ Arbiter quinquaginta prope modum sæculis (tot enim ab incunabulis huius mundi ad eius usque cunas effluerunt) tanta quanta potuit arte & omnipotentia dignam filio suo matrem, dignam mundo Dominam, dignam perditæ vitæ reparatricem efformavit. In cuius venustissima specie non cervatas genas, non vibratos ferro crines, non purpurissam, muernulas, baccataque monilia, non pretiosam ineptiarum scenam, non venum muliebris mundi choragium, sed demissionem cum gravitate, simplicitatem cum Maiestate, constantiam cum facilitate, verecundiam cum venustate videtis. Siquidem ejusmodi est, in quam cœli nunquam antea sic omnium ornamentorum copia disfluens sese totos effuderunt; ut jam omnino persuadere nobis debeamus, summum illum rerum Artificem ac Moderatorem Deum in hac una Virgine conformanda non alio, quam æterno Divinitatis suæ exemplari usum fuisse, ita ut quæ in ipso per naturam sunt, ea Propemodum omnia in hac Virgine per gratiam efformata expressaque videamus. Nam cum inter omnia infinitæ suæ Sapientiæ & Omnipotentis opera, nihil splendore augustius, nihil conditione maius, nihil ornamentis magnificentius esse matre sua vellet, meliori pollice in hoc unum opus efformandum incubuit, & summo illud

*Amplifica-
tio eiusdem
speciei.*

*Confirmatio
à conditione
Matris.*

illud virtutis ac gloriæ fastigio coronavit. Quam *Repetitis*
 Speciosus est & vere divinus in ea color, vivus *et in interro-*
 sane Dei color, quem purissima mentis integritas *gationibus.*
 (sola vera & opzanda pulchritudo) solet adferre ;
 cui cum virtutum omnium integer & illibatus
 decor est adiunctus, dignum est opus, quod in sum-
 ma rerum humanarum arce positum homines o-
 mnes admirentur. Quid illustrius aut purius un-
 quam illa esse posset, cui in lucem prodeunt. Na-
 tura parens, quod eam intueretur è cuius utero
 fons ipse lucis erat emersurus, arripit? Cui, ut cum
 Sanzazario dicam :

— nitenti matris ab aluo

Protinus inconcussam & ineluctabile votum
Virginitas fuit?

Virginitas, inquam, quam amantissima purita-
 tis Virgo tanti fecit, ut si in eius arbitrio posi-
 tum fuisset, aut Virginem esse sine matris honore,
 aut matrem cum virginitatis iactura, (dicam de
 ea confidenter quod ad eius est gloriam) Virgo
 esse, quam Dei mater maluisset. Atque idcirco
 nec concipiendo potuit maculari, quia virum
 non cognoscebat, nec pariendo coinquinari, quia
 sine viro conceperat. Admirabilis est Angelo-
 rum puritas, cui adhærere nulla unquam labes po-
 test, sed admirabilior in hac Virgine puritatis o-
 mnis candor elucet, quæ non tantum nulla po-
 tuit vel naturæ vel vitæ labecula contaminari,
 sed eam etiam divini cuiusdam nitoris speciem
 præ se tulit, ut qui sacrum vultus eius splendo-
 rem oculis usurparet, ab eo virginitatis perpetuæ
 flammam hauriret. Plane ita pura erat, ut intueri
 nemo attentius illam posset, quanquam divini-
 tas ipsa formæ perstringeret aspectum, & dulces
 oculorum faculæ emicarent, quin esse purissimus
 desideraret. Concupiverunt hanc aliquando ve-
 teris ævi Patres intueri, sed umbras tantum ac fi-

A testimo-
nio.

Virginita-
tem antiqui

*Patres in
signum tan-
tum vide-
runt.*

guras viderunt. Rubum aliquem, sed medias in-
ter flammæ (tanta vis est puritatis) incombustum:
Vinam aliquam, in qua cœleste manna re-
condebatur, sed ex auro purissimo, ut huius puri-
tatis esset typus, efformatum; Arcam aliquam,
sed ex lignis Sethim, quæ corrumpi nunquam
poterant, ut inviolatam hanc virginem declara-
rent, compositam; Virgam aliquam, sed flores
germantem; vellus, sed rore plenum; portam
sed clausam, & soli Cœlorum Monarchæ paten-
tem. At vero ubi tandem divina sapientia magnifi-
centissimum hoc opus absoluit, & cum addere ni-
hil amplius ad perfectissimam ejus pulchritudi-
nem posset, manum de tabula sustulit, tantus pu-
ritatis eximiæ splendor affulsit, ut excellentissima
sui operis forma ipse summus rerum Architectus

Similitudo.

caperetur Et quemadmodum cum illaqueare mo-
nocerotem venatores volunt, formosissimam ali-
quam illi puellam obiciunt, cujus aspectu cum
in subitum amorem exardescat, naturæ suæ ac fe-
ritatis oblitus in ejus sinum caput deponit, seque
capiendum venatoribus relinquit; ita ubi virgi-
nis hujus plusquam Angelicam puritatem, & di-
vinam animi pulchritudinem intuitus est, seque
ipsum in perfectissima sui imagine quodammo-
do conspexit magnus ille hujus universi monar-
cha, confestim maiestatis oblitus æternæ, justissi-
moque furore deposito in ejus sinum non caput
tantum, sed se totum insinuavit, & humanæ Na-
turæ se capiendum abiecit. O vere potens puri-
tas! ô efficax intemerati animi pulchritudo! Eu-

*Applicatio
pulchritudi-
nis Virginis
capitur
Deus.*

*Exclamatio.
Delineatio
Virginis ex
S. Ioanne.*

angelista Ioannes, cœlestis illa Aquila, cum toties
præsens ipse augustam hanc Virginem contempla-
tus esset, eamque puritatem ipsam esse non dubi-
taret, ubi illam describere universo terrarum or-
bi debuit, pro cyclade stolaque solem; pro soleis
lunam, pro vitæ stellarum illi duodecim, corona
assignavit. Quod si sole amicta est, nullam pati-

tur

aut ecclipsim, nullam admittit obscuritatem; si lunam sub pedibus habet, iam supra lucem posita est & inconstantiam varietatemque non novit; si stellis est coronata, omnem cæli pulchritudinem splendoremque sibi vendicavit. lætitent quascūq; volunt excellentissimi pictores efformatas luxuriantibus industria suæ lenociniis imagines, suas Thimantes proponat, suas Appelles exhibeat, nullam unquam sine umbra aliqua, nullam sine obscuritate producent. Vna est hæc Virgo divinæ manus penicillo, & cælestibus purissimorum ornamentorum coloribus ita mundo repræsentata, ut tota sit pura, tota lux, tota pulchra, tota aurea ac divina. In illam cum Ecclesia oculorum aciem attollit, tanquam turrini eburneam admiratur; quid ebore nitidius? tanquam Domum auream adorat; quid auro purius? tanquam speculum sine macula contemplatur; quid eiusmodi speculo pulchrius? tanquam solem in quo tabernaculum divina Maiestas posuit, intuerur: quid sole splendidius. Bene igitur sanctissime Hilari benedictam hanc Virginem idcirco proclamasti, quod Angelos puritate superaret. Bene tu quoque D. Anselme, tantam in ea, quæ Deum erat paritura, puritatem esse iudicasti, qua sub Deo nulla maior intelligeretur. Neque vero speciosa tantum est hæc puritas, sed etiam pretiosa, & omnium virtutum gemmis, cælestiumque charismatum auro condecorata. Videte quanta mihi dignitatis gumentum & gloria eius lux oboriatur, dicam & Divorum gloria Vir-
omnium pace, & ipsa audiente veritate dicam, ginis.
minimum cœlestis huius Reginæ ornamentum aliorum est summa sanctitas & perfectio Divorum. Quippe fundamenta eius in montibus sanctis, nimirum in Regibus, in Patriarchis, in Prophetis, in Divis quibuscunque, quorum summum perfectionis fastigium primum fuit, ad secundam in rerum Natura dignitatem huius Sacrosanctæ

*Repetitio cō
distributione*

*Apostrophe
ad S. Hilari-
um. Alia.*

*Tertium ar-
gumentum
gloria Vir-
ginis.*

*Repetitio.**Comparatio.**Natura à**Plinio descri-**pta cum Vir-**gine.**Amplifica-**tio à testimo-**nio D. Dyo-**nyssi.**Transitio.**Virginis pu-**ritas o.*

Virginis fundamentum. Omnes in ea pariter virtutes certabant, & omnes vincebant. Nihil mediocre tantus animus capiebat; quicquid exornabat, summum erat; summa charitas, summa pietas, summa obedientia, summa Virginitas summa omnia. Apud Plinium illum Naturæ à secreta cum Virgine. Plinio descriptis auctorem tanta opali gemmæ dignitas est & pulchritudo, ut eam explicare summa sit difficultas. Parte una fulgentem Amethysti purpuram ostendit, alia splendentem carbunculi flammam; hinc Smaragdi virens mare representat, inde lacteum candidissimi marmoris colorem. Egregium profecto Naturæ opus, quod hæc sanctissima Virgo cum similitudine aliqua referre videatur dico gemmarum, hoc est, perfectionum omnium gloriam ipsam & compendium extitisse; in qua charitatis Smaragdus ardebat, prudentiæ carbunculus scintillabat, spei topazius eminebat, virginitatis chrysolithus affulgebat, obedientiæ atheses sese diffundebat, temperantiæ iaspis rutilabat. Nihil in ea, præter divinitatem, defuisse videtur, ad quam naturæ excellentia tam prope accedebat, ut cum illam Dionysius Areopagita primum intuitus esset, confestim velut exanimis in terram corruerit; ubi vero respiravit, admiratione ingenti victus ita exclamavit. Nisi me ratio fidesque doceret aliam esse Deitatem, præter hanc nullam esse putarem. Quippe inusitados ab eius vultu radios hauriebat, cinctam illam frequentissima Angelorum corona videbat, ac tantam excellentissimæ eius Naturæ cum Deitate similitudinem animadvertibat, ut firma opus esset fide ne Dea quædam crederetur. Sed non possum amplius, Auditores, caligant oculi, & intenta acies ad tantæ puritatis lumen hebescit; cogor vel in terram obturum defigere, vel in hanc mortalitatis nostræ conditionem oculos retorquere. Reflectite vos mecum oculos parumper ab hac Virgine

glacie, & quaqua versus in Naturam universam circumferre, omnia sane mihi puritatem quandam ac nitorem spirare videntur. Purissimus serenissimus radiis sol mundum illustrat: Luna candida est & argentea, Stellæ immaculato splendore fulgentes impuræ noctis obscuritatem depellunt. Quicquid in illo mundi fastigio positum est à Natura, purum est, purissimus est ignis, purissimus aer, purissima cætera omnia inferioris naturæ elementa, quæ ut simplicitatem purissimam retinent, aut propter nos quandoque miscentur. Inter rosas, inter lilia, inter flores alios pulcherrimos & fragrantissimos tam niveus candor reperitur, ut puritatis quendam sensum habere videantur. Ipsa animantia, quæ rationis expertia pronaque ad pactum Natura finxit, sensunt etiam puritatis quendam ab ortu suo hausisse creduntur. Leona si permixta alteri fuerit, sedite ad leonem, nisi lota non audeat, ne aliquo impuritas odore deprehendatur; Cygnus si foemella sociatus fuerit, non prius pactum resumit, quam multis aquæ aspernionibus se expiarit. Elephas ab aliarum congressu foemellarum abstinet, ne fiat impurus. Nihil dico de columbis, de turturibus, de dapibus, de bestiis aliis sexcentis, quæ ad puritatem ab artifice Natura factæ esse videntur. Illud dico, & Natura ipsa teste dico, mortalium omnium animis non tantum sensus quidam, verum etiam puritatis amor ita est ingeneratus, ut ea, quæ pulchra sunt, amemus, & ab istis, quæ inquinata sunt abhorreamus. Quod cum ita sit, fierine posset? (non potest fieri) sed tamen fierine posset, ut homo aliquis, (quid hominem dico) ut Christianus aliquis (quid etiam Christianum dico,) ut purissimæ Virginis alumnus & sodalis de candore puritateque mentis sollicitus, vel inhonestarum voluptatum luto, vel inani ambitionis fumo, vel foedis avaritiæ

nam naturæ puritatem excedit.

Puritas naturæ in brutis.

Testimonium naturæ.

Amplificatio à dignitate & effectu puritatis.

Repetitio cū testimonio & exemplo Sanctorum.

Exclamatio.

Asperitatio.

Attestatio.

sordibus sese coinquinaret? niveum illum innocentiae primæ colorem spurcis delicti alicuius maculis defœdaret? splendidissimam illam castissime mentis lucem turpium cogitationum nubibus obscuraret? Hoc profecto qui facit, aut puritatis nitorem odit, aut vim eius ignorat. Illa tamen est, quæ tyrannorum arma furorēsq; vincit, quæ cruciatus omnes & mortem ridet, quæ horrendas ferarum iras emollit, quæ sulphuris picisque rogos illasa pervadit, quæ adversa omnia fugat, superat, conculcat. An non sanctissimus Laurentius mediis, in flammis exultans effrenatum tyranni furorē irrisit? pura erat. An non Diva Catharina, vera illa virago & Heroïna, insanam fecantium rotarum substructionem effugit? pura erat. An non Cunegundis Imperatrix ardentes nudo pede prunas calcavit? pura erat. An non savissimos Dæmonum impetus D. Antonius superavit? pura erat. An non Hilarion insultantem tergori suo Dæmonem & opprimere se magna vi conantem tandem expugnavit? pura erat. O quam multi sunt, qui sub Augustissimis aliquando diadematis abiectam ad pedes suos multitudinem frenaverunt, aut martiali revincti laurea populorum admirantium plausus in se converterunt! At vero quia vitam impuram duxerunt morte nunquam moritura cruciantur. Quam multi sunt, qui cum inter vivos essent, scientiarum quadam organa, & ipsa Sapientiae Domicilia, nec tam in terris nati homines, quam è cælo delapsi videbantur? at nunc quia vitæ puritate non claruerunt, & æternis mancipati tenebris impuram illam sapientiam suam detestantur. Quanquam quid hæc attinet deplorare? Testor ipsam sceleratorum hominum conscientiam. An non cum male sibi conscii tenebras & umbras expavescunt, cum hominum de se rumores reformidant, cum

— *Affiduis circum volat alis*

Sæva dies animi, scelerumq; in pectore Dira,

Cum furiis quibusdam peccatorum de sanitate mentis deturbati concitantur, an non, inquam, tunc animi puritatem, quam turpissimè defœderunt, mille votis exoptant? Testor iterum & eisdem ipsos puritatis hostes appello, cur cum mi- *Ab effectus*
grandum est è vita & supremi Monarchæ jussu *impuritati*
moriendum, ita oculi ardent? ita dentes collidunt *repellitio.*
tur? ita membra nunc in hanc, nunc in illam partem contorquentur? quid isti tot eiulatus? quid tot suspiria? quid tot lamentationes volunt? ad sunt amici qui solantur, præsto sunt Medici, qui sanare contendunt, quid igitur regredi vult, progredi anima non audet? quid ipsi toties, quid tam trepide? quid exhausto pallore vultu respiciunt, circumspiciunt, multa agunt, nihil agunt? & cum laræ tantum horribiles circumstent, Angelos frustra ductores exoptant? O miseros homines? una est vitæ impuritas, quæ mentem ita turbata in vastat; unum est conscientie fœde scelus, quod æternam secum mortem trahens inusitatis terroribus animam flagellat. Quæ *Peroratio*
omnia cum ita se habeant, & certissimum sit *cum exhortatione ad*
divinæ Maiestatis decretum, neminem un- *vita puritate.*
quam; nisi mundo corde DEVM visurum, non
ad puritatem omni conatu contenderemus? non augustissimæ Virginis huius ac Reginæ vestigiis insisteremus? Sed jam transit, & ingressa templum ad Pontificem & aras accessit. Si placet patumper mecum intrare, Sodales, hic ipsum puritatis fontem & ad illum certissimam viam inveniemus. Non vos hic diu remorabor. Quæritis ubi tandem ille puritatis fons *Interrogatio;*
sit? En illum purissima Virgo luis in ulnis gestat, & mortalibus omnibus ostendit. Ipse fons est IESVS, qui postquam copiosissimo sanguine

in Calvariaz monte fluxit, septem ingentia puritatis & gratiaz flumina in Ecclesiam universam redundaverunt. Hic abluere se, hinc haurire oportet. Quæritis quanam certissima sit ad hunc fontem via? En illa est, in qua cœlestis huius Reginæ vestigia, humilitatis, obedientiæ, charitatis ad sempiternam ejus gloriam nostramque doctrinam impressa videtis. Mater erat Dei. Angelis ipsis excelsior, & supra id omne, quod infra Deum est, humiliavit tamen seipsam, ut ad puritatem nos invitaret. Supra legem erat, nec ullo purificationis edicto astringebatur, obedire tamen legi voluit, ut ad legum observationem nos animaret. Sole splendidior erat, nive candidior, rosas ac liliis pulchrior, stellisque rutilantior, quæ culpam nec origine contraxerat, nec voluntate adsciverat, numerari tamquam inter immundas mulieres ipsa summæ charitatis puerperâ vobis, ut exemplo nobis esset ad charitatem, & nemini scandalo ad perniciem. Nimirum quæ secundâ virginitate salutem orbi pepererat, nihil agere, quo non Orbem ad salutem adipiscendam erudiret, unquam desiderabat. Atque ita non tam mihi subisse templum purificationis, quam non egebat causa, quam scholam quandam, ut in ea mundum universum doceretur, intravisse hodie videtur. Cuius si vocem aliquam ac doctrinam percipere fortasse vultis, ita non tam verbis, quam exemplo loquentem audite. Equidem Clientes mei, ea mihi summa semper cupiditas fuit, ut quam simillima filio meo videretur, cujus profundissima humilitas est & obedientia perfectissima; vobis tamen etiam sum natus, nec peperisse me salutem mundo putarem, nisi quomodo illa vestra esse possit, docerem. Primus ad salutem gradus humilitas est, & obedienti secundus: ut illam filius meus institueret, e cœlo descendit, ut hanc commonstraret, patri usque ad mortem

*Virgo Maria
suo nobis ex-
templo præ-
stavit.*

*Prospexit
qua Virgo
ipsa excitat
fideliter.*

obedivit. Per utramque mentis puritas & animi
 candor exsurgit; neque enim qui humilis est,
 amat culpam, & qui legibus obtemperat im-
 purus esse non potest, à me si exemplum vultis, *Contrapositione*
 en dedit. Cum Regina sim cæli, ut humilis puerpe-
 ra ad templum processi; cum immaculata non
 suscepto virili semine pepererim, ut immunda
 ad purificationem accessi; cum legibus exem-
 pta sim, ut obnoxia me submissi. Hæc mea ad *Apostrophe*
 summam virtutis gloriam est via, eadem aliquan- *ad sedales.*
 do tandem ad salutem sit vestra. Ita agite, ita
 vivite; mei erunt filii ac clientes, qui ita vitæ suæ
 rationes iustitient, ut quam purissimi reperian-
 tur. Sic illa nobiscum agit, sic loquitur. Quid
 æstas, nisi ut voti nostri nos reos confiteamur, &
 purissimos animos exhibeamus? Age igitur, ô *Alia ad ipsam*
 sanctissima Virgo, quoniam eam nobis singulari *Virginem.*
 tua benignitate facultatem concessisti, ut exi-
 miam tuæ puritatis lucem intueremur, ecce tui
 amoris ignibus concremari paratissimi sumus. En
 animos nostros, tu flammam inlice, en mentes, tu
 radios tuæ lucis immitte; en corda, tu charitatem
 accende, en nos totos præsentamus, tu purita-
 tem infunde. Cum vivere tuo in obsequio gra-
 tissimum sit, tum in amore tuo in-

cundissimum est mori. Vti-

nam ita moriamur.

DIXI.

74

T 5

ORA-

ORATIO IV.

In

ANNUNCIATIONEM
B. Mariæ Virg.

*Exordium
desumptum
ab Adriano
Imp.*

ADRIANVS Imperator, cum aliquando concitato curiosæ voluntatis affectu percussus orientem intrueri Auroram desideratus, montem Æthnam, Martiano teste, conscendit, atque inde surgentem tremulis primis radiis velut arcum in cælo pulcherrimum, tum aureum quasi circulum non sine incredibili gestientis animi lætitia conspexit. Imitabor curiosum hunc Imperatorem hodierna die, Ornatissimi & Humanissimi Auditores, Sodales Parthenii, & dum orientem videre iustitæ Solem, visumque vobis demonstrare concupisco, in excelsis Scripturæ sacræ colles verecundò modestæ orationis conatu conscendam; atque inde prodeuntem è cælo primam legatione suscepta Gabrielem, tanquam Auroram, tum exortum iustitiæ solem Iesum Christum, atque in uteri virginæ orbe apparentem; vobiscum intuebor. Quid enim hic assecuturum me sperem, si in Philosophiæ humanæque rationis oceanum vela distionis expandam, cum Salomon admirabilis ille Metaphysicus, & humanæ sapientiæ miraculum *viam viri in adolescentulæ*, hoc est, Verbi æterni ex Virgine generationem ignorare sese penitus fateatur? Quid artium omnium humanarum arcana hinc evoluam, cum Prophetarum linguæ sileant, sapientia ipsa hebescat, summa ingenia tenebris involuantur, ratio nihil videar præter admirationem, eloquentia nihil meditetur

A præstantia rei.

præ-

præter silentium ? Et vero humani ingenii vires
 consulere, cum divina Maiestas submittitur, ar-
 rogantis est : ad rationis argutias confugere,
 cum altitudo deprimitur, & immensitas coarcta-
 tur, temerarii est : facundiæ rivos aperire, cum
 Aternitas tempore concluditur & gloria poënis
 immergitur, nimium est sibi confidentis & stul-
 ti Nam si inter tot rerum naturalium causas, quas
 è Naturæ sinu diligens eruit investigator, reper-
 ta nondum est Rhinocerotis origo, desperat hic
 humana industria, quanquam omnium ingenio-
 rum alis sublata, vel unquam Verbi incarnati ori-
 ginem invenire, vel ejus in tempore generatio-
 nem atque ortum explicare. Quod cum ita sit, &
 plus admirationis, quam Eloquentiæ mysterium
 hoc divinæ legationis cœlis admirandum, terris
 obstupescendum & adorandum requirat, vos me-
 cum quicumque hic adestis, Mariani Sodales, in
 sublimes illos Scripturæ Sacræ montes cogita-
 tione conscendite. Hinc imprimis intueri fas e-
 rit, quanto amore Divina Maiestas sauciata, ar-
 etissimo vinculo, (quidni dicam matrimonio ?)
 cum Natura nostra conjungi copulariq; desidera-
 rit; deinde etiam, nec sine gaudio videre licebit
 venientem è cœlo divini illius sponsi Legatum,
 ut ob tento castissimæ Virginis Mariæ consensu,
 cum Natura nostra matrimonium consummetur.
 Opus est amore, Sodales, Sponsalia, imo nuptias
 Dei Naturæque nostræ celebramus: opus est ani-
 mi puritate, consensum Virgo præbet, nec famam
 lædit: concipit Virgo, nec pudoris jacturam fa-
 cit: mater fit virgo, nec virginitatis candorem
 amittit. Sed tu illum amorem tuis flammis ac
 cende, *Augustissima Cœli Regina*, tu illam
 animi puritatem tuæ Sanctitatis radiis immitte,
Serenissima mundi Advocata, ut & inflam-
 mati Deitatis tuo in utero incarnatæ mysterium,

*Attentionis
 captatio.*

Propositio

*Invocatio
 ipsius Virgi-
 nis.*

*Primum
argumentum
confirmatur
ab amore de
sumpta ab
exemplo a-
mantium
huius seculi.*

qua par est pietate veneremur, & puri ferentis ami-
mis maximam salutaris huius Legationis lxtitiam
hauriamus. Neque enim sine amore fas est Numen
aliquod adorare, & impuris animis sacra trāsire
sacrilegium est, & plusquam nefas. Solent qui ad
regnorum & imperiorum gubernacula Monarchæ
sedent, cum alterius potentissimi Regis filiam sibi
uxorem, imperio Reginam, copulare adsciscereq;
concupiscunt, suum inprimis amorem clarissimis
signis & argumentis manifestare; deinde sponsæ
suz nuptiarumque futurarum effigiem ac tabulas
in oculis ferre, suis amicis ostendere, de iis persæ-
pe colloqui: tum ut conceptum felicibus auspiciis
amorem nutriant, munuscula quadam tanquam
oscula sponsæ suæ futuræ transmittunt: ac tandem
maturo iam amore, confirmatoque conjunctionis
desiderio principem aliquem è nobilitate sua vi-
rum, qui sponsalia contrahat, nuptiasque pacifca-
tur, ablegant: eodem plane modo Rex ille Re-
gum, & universi Monarcha Deus, cum funesta pe-
reuntis Naturæ clade per motus nostram sibi de-
sponsare naturam statuisset, & jam filium decreto
suo Pater Aternus honoraret; suo amore Spiritus
sanctus inflammaret, plurimas futuri sui matri-
monii, futura suæ Incarnationis tabulas universo
mundo, sed suis inprimis amicis ostendit. Osten-
dit Adamo nostri generis ac originis auctori, cum
ex ejus dormientis costâ mulierem viraginem ef-
formavit, proque ea carnem aliam supplevit. Nun-
quid enim Aternus ille Pater proferens è sacrario
sui intellectus tanquam è sinu suo verbum ater-
num, illud carnis nostræ paludamento vestivit,
et sanguine ætæto vinculo copulavit, ut in unam du-
taxat Verbum & Caro personam coalescerent?
Ostendit Moyß Israelitarum Duci ac Legislato-
ri, quando eius educta de sinu dextera visa est le-
pram contagione foeda maculis erumpentibus

applicatio.

*Ab enumer-
atione
Repositio.*

contraxisse: Nunquid enim *hæc mutatio de-
tera excelsi*? Nunquid eductus è sinu Patris
æterni Christus Dominus, carne vestitus, maculis
peccatorum nostrorum notatus, quasi leprosus
apparuit? Ostendit Davidi, Iudæorum Herculi
fortissimo. Regi ac Prophætæ sanctissimo, cum
ille positam medias inter pelles fœderis Arcam
non sine pudore suo conspexit. Nunquid enim
tum medias inter pelles posita est fœderis Arcâ
cum Deitas Humanitatis nostræ pellibus est con-
tecta? Ostendit Elizæo Prophætæ, cum ipse, ut
puerulum exanimem, ac vitam functum rursus ad
vitam revocaret, suos voculos ejus oculis suum
os ejus ori, suas manus ejus manibus, suum cor-
pus ejus corpusculo ita conjunxit, ut æqualis
pueris vir procerus videretur, donec morte fri-
gidum vita reducta calefecit. Nunquid enim di-
vina illa Maiestas, ut mortuæ Naturæ nostræ vitæ
calorem inspiraret, ita sese incurvavit ac depres-
sit, ut ejus Deitatis altitudo humanitatis nostræ
paruitati æqualis videretur? ita membris no-
stris incubuit, ut os hominis os esset Dei, oculi
hominis oculi Dei, manus hominis manus Dei?
En illæ sunt, & quam admirandæ futuræ verbi
incarnationis imagines! En illæ sunt celebra-
ndarum cum Natura nostra nuptiarum Dei ipsius
adumbratæ penicillo tabulæ? Sed nunquid gran-
de hoc arcantum cum aliis quoque communica-
vit? Communicavit cum Noe secundo illo ge-
neris humani conditore, quando ipse vino obru-
tus, & ad ostium tabernaculi sui denudatis ja-
cens membris ludibrium primo fuit, postea filii
sui optimi Iaphet chlamydè est contextus. Erat
nimirum filius hic hominis, qui Naturæ nostræ
peccati vino obrutæ nuditatem fœditatemque
humanitatis suæ velamento contextit. Commu-
nicavit cum electo dilectoquo suo Patriarcha Ia-

Exclamation

Amplifica-
tio imaginis
incarnationis
Dei.

*A testimo-
nium.*

*Descriptio
amoris Dei
erga nos.*

cob quando ille nepotibus suis Iosephi filiis benedictionem moriturus impertiit, & virgæ ejus fastigium adoravit. Nam, ut Beatus inquit Chrysostomus, suo in typo Christum adoravit, qui è radice virgæ Iesæ flos erat ascensurus. Communica-
vit cum Moyse familiari suo, qui cum rubum ardentem & incombustum vidit, quid aliud, quam in vepribus ac spinis humanitatis nostræ, divinitatis ardentem ignem conspexit? Communica-
vit cum Ezechia Rege, qui cum intra fauces mortem anhelans copiosissimis lachrymis Divinam Maiestatem obtestaretur, sanitatem longioremque vitam recepit, atque hoc signo confirmatus est, quod ad decem retrogradus, quos jam erat emensus sol abiret ac reverteretur. Nimirum verus erat hic justitiæ Sol, qui ubi depressæ per mortem jacentisque Naturæ lachrymas & squalorem animadvertit, ut ejus ægritudini medicinam adferret, & gratum mundo jubat exoriretur, per novem illos Angelorum gradus & ordines, quibus universa cœli militia describitur, ad hominem usque retrocessit, & in hac Natura nostra, tanquam in decima linea, salutarem umbram effecit. Ita cœlestis ille prociis Naturæ nostræ moribus, tanquam sagittis quibusdam sauci-
atum animum gerebat, ita illam deperibat, ita totus flammis ejus ardebat, ut in illo suo stellato Pallatio atque Æternitatis delitiis, ubi omnis sincera voluptas sine fastidio, oblectatio sine defatigatione, hilaritas sine fine, his tamen imaginibus ac tabulis, non annis aliquot sed quinque millium annorum intervallo sese recrearet, suos amicos ad novæ dignitatis spem erigeret, languentes tabescentesque consolaretur, & si quandoque ipse loqui vellet, hæc una inflammati ejus animi vox esset, *Delitia mea esse cum filiis hominum.*
Exclamatio. O amorem! ô ardorem! quid dicam? inusitatum, an insolentem? Nec tantus est unquam auditus,
im-

immaturum, an imprudentem? Nec leviter quicquam agit Deus nec imprudenter. Sed tamen permitte, parumper, ô Deus, ut tuum illum sive amorem sive ardorem examinem? quid dico ex-
Contrapositione
 aminem? ut intelligam. Tu Deus & Creator, hæc Creatura, tu Æterni Patris Filius, hæc primi peccatoris Adami filia; tu vita ipsa, hæc mortis rea; tu omnipotens, hæc inops & egena; tu ab æterno prodiens è mente Patris, par illi maiestate, par omnipotentia, par honore, hæc è stirpe
Definitiones conglobatae.
 rebellis Adami peccato deformis, miseriis abiecta, servituti mancipata, sceleribus infamis: cuius è familia quotquot aut rubri maris fluctus obruerunt aut cadentes è caelo flammæ Sodomæ ruinis involuerunt, aut ultricis iustitiæ gladii sustulerunt, cuius fratres homicidæ omnes, sacrilegi, adulterii, perfidi, sicarii, virginum stupratores, idololatæ, venefici, tyranni, cuius è cognatione Herodes, quis ille? persecutor aliquando tuus, & infanticida: Iudas; quis ille? hominum scelestissimus, & tuus proditor: Pilatus, quis ille? Iudex tuus, & qui te posteaquam in crucem sustulerit, lotis manibus innocens erit, Quamquam quid persequi singulos attinet enu-
Transitus,
 merando? Eius affines impii illi & execrandi carnifices, quorum manus, & flagella tuo sanguine innocentissimo maduerunt: eius consanguinei Nerones, Caligulæ, Domitiani, Maximiniani, Diocleriani. Atilæ, & quotquot virgineam nascentis Ecclesiæ tuæ stolam sacratissimo filiorum eius sanguine purpuraverunt. Itane ergo tuæ maiestatis ac tui ipsius obliviscebaris, ut ei non tantum tuos amores consecrares, verum etiam in sponsam illam postulares? Illi te totum communicares? ex te atque ex ipsa unicam duntaxat personam efficeres? Sed quid erat ô Deus? Nimirum quemadmodum fortissimus aliquando Sampson visa muliere Philistina, ita
 vehem-

Comparatio divinita.

maris cum
amore.
Campsonii.

Gradatio.

Signa quib.
Dum testa-
tus est suum
amorem.

vehementi correptus est eius amore, ut uxorem illam sibi dari confestim efflagitares, nec aliam obstupescens & obstantibus parentibus suis causam opposuit; quam quod eius amoribus adderet: ita Deus, ita celestis illæ Naturæ nostræ proci, non aliam ob causam coniungi illi copularique desideravit, proq; illo celesti impetio miseram hunc mundum pro Angelorum consortio hominum consuetudinem, pro immortalitate moriem elegit, quam quia Naturam nostram amabat, amando deperiebat, deperiendo vulnerabatur, vulneratus exclamabat: *Vulnerasti cor meum soror mea sponsa, vulnerasti cor meum in uno oculorum tuorum, & in uno crine colli tui.* Enimvero, quam amplis muneribus, & quam osculis suavis suum illum amorem sponsæ suæ voluit esse testatum! Quid concipitis, Auditores? Annulos fortassis aliquos, gemmas, armillas monilia? hæc hominum sunt dona. An currens auratos, thesauros ingentes, familiam auro argentoque sonantem? hæc regum sunt dona: maiora omnino præstantioraque divinam illam Maiestatem decebant: Tunc munus celeste, misit, cum Israelitas perstantes utrimque rubri maris undas in libertatem eduxit. Tunc divinam omnino donum præsentavit, cum è caelo Manna dimisit, cum è petra salientem aquam excitavit, cum tot victorias depulsis tot hostibus potentissimis concessit. Tunc oscula futuræ illi sponsæ suæ misit; quando per Moysen & Prophetas spem eius abiectam erexit, desiderium penè extinctum rursus inflammavit, infelicias aliquando miseras tanquam plagas quasdam sanavit. Tunc oscula misit, quando fidelem Abrahamum obediens Isaacum, castissimum Iosephum, mansuetum Davidem, alios sibi dilectissimos Patriarchas, Prophetas & Reges dedit. O oscula plena dulcedi-

cinis, plena suavitatis, plena divinæ voluptatis : *Exclamatio.*
 ē oscula, amoris oscula ! sanctitatis oscula ! Sed
 non his, non his tamen Naturæ nostræ concitatus
 affectu explebatur. Quousque inquiebat illa,
 (utar Hieronymi verbis) quousque sponsus meus *Hieronymi*
 mittit oscula, per Moysen, mittit oscula per Pro- *testimonium*
 phetas ? Iam ipse cupio ora contingere, ipse ve-
 niat, ipse descendat, ipse *osculetur me osculo*
oris sui. Non à Moyse, non à Iosepho, non
 à Davide, non à Salomone oscula expetebat : hæc
 ubi tantum erant & promissiones. *Osculetur*
me osculo oris sui. Nimirum ab ore Dei
 osculum expetebat, ut aliquando os ad os coniu-
 cta Deo una cum illo persona efficeretur, & in u-
 na personæ duæ Naturæ conjungerentur. Verum
 quemadmodum cum utrumque *Similitudo,*
 mantium ardor, & inflammatum temporis diu-
 rurnitate desiderium, illum tandem illucescere
 diem votis omnibus exoptant, quo parentum ob-
 sento contentu nuptiis auspiciis coniungantur ; *Quia nuptiis*
 ita cum esse amplius sine Deo Natura nostra non *aspiciuntur*
 posset, & conjungi Naturæ nostræ maturo amore
 Deus anhelaret ; cum, inquam, tot imaginibus fu-
 turæ suæ incarnationis Deus inflammaretur tot
 muneribus & osculis à Deo missis Natura nostra
 concitaretur, quid restabat aliud quam ut illum
 diem cælo jucundum, terris salutem sol ille
 temporum dispensator acceleraret, quo missus &
 cælo legatus Virginis futuræ matris consensum
 obtineret, & ornatissimam in terris Aulam, in
 qua Dei Naturæque nuptiæ peragerentur, inven-
 ret ? Exortus est, exortus est aliquando tandem
 ille dies, dies illè genialis. O Sodales ; & electus
 Nobilitate cælesti Legatus ! cum supremæ Ma-
 jestatis, Sanctissimæ Triadis mandato gestienti
 civium supernorum ordinibus, parentibus
 colorum valuis exultantibus & famulantibus
 syde-

Excitatio.

Auditorum.

syderibus Angelus Gabriel in has usque terras processit. Attollite animos, mentesq; vestras Auditores, & in illud ascendite cogitationum sanctissimarum culmen, unde venientem Divinæ Maiestatis videte Legatum possitis Videte

—— Ille altum Zephyris per inane vocatus
Carpit iter, scindit nebulas, atq; aera tranat
Ima petens, pronusq; leves vix commovet
alas.

Videte iterum, ille est.

—— Cœli alipotens, cui lactea sandi
Copia, diviniq; fluunt à pectore rores
Ambrosia, quibus ille acres mulcere procellas
Possit, & iratos pelago depellere ventos.

Anteoccur-
patis.

Repetitio
cum enume-
ratione.

Quid: an exhorrescitis fortassis, & non oculos tantum, sed & animos cœlestis ille fulgor perstringit? Non hic est Cherubinus ille, qui fulmineum flammantemq; gladium olim ante Paradisum distringebat. Non est exterminator ille spiritus qui primogenitos omnes in Ægypto ferro suo demetebat. Non est Angelus ille furibundus, qui per medium Sennacherib exercitum cadaveribus cadavera cumulabat, & sanguineos ferro rivos educebat. Non ex illis est unus, qui in Sodomam & Gomorrhā ultrices è cœlo flammās proliciebant. Non ille etiam Angelus, qui ense armatus ardenti Davidi totique regno minabatur. Nolite exhorrescere, Angelus est pacis: nolite timere, Legatus est salutis. Illum pax jam è cœlo remissa præcedit, & hominum lacrymas ac suspiria diffusio gaudio præscindit. Illum veritas è cœlo nata comitatur, & Prophetarum vaticiniis finem imponit. Iterum ergo sed recreatis & imperterritis animis videte. Omnium olim nationum Legati cum in externam aliquam provinciam, ut sui Monarchæ vel Reipublicæ mandatum deferrent, proficiscebantur, certum aliquod suæ gentis signum, quo dignoscerentur, circumfere-

Amplifica-
tio à more
mundano-
rum Lega-
torum.

ferebant. & medio in apparatu, qui plerumque
splendidissimus & magnificentissimus erat, o-
stentabant. Chaldæi flammam ardentem Baby-
loni columbam, Scythæ fulmen, Persæ arcum &
sagittas, Romani Aquilam. Plane etiam illustris-
simus hic Legatus, dum è cælo in mundum, An-
gelus ad hominem, à Deo ad Creaturam profi-
ciscitur, sui Monarchæ cælestis Imperatoris si-
gnum ostentat, & Gabrielis nomine, Dei, à quo
mittebatur, fortitudinem potentiamq; designat
in super multa ipse luce circumfusus candida re-
fulgens veste, vultu mansueto gratioseque scie-
nus; diplomate, quod à Divina Maiestate acce-
pit, instructus, in numero Angelorum numero
stipatus procedit.

*Descriptio
huius Legati*

Paciferaq; manu ramum præstendit oliva.

Bone Deus! quonam tandem vel oculorum, vel
animorum aciem circumferemus? Si in cælos
Vultum attollamus pater cæleste palatium, & inde
prospiciens in terras divina illa in Trinitate Ma-
iestas huius suæ Legationis eventum expectat;
Angeli in spectaculum effusi insolitam illam &
inusitatam sui Principis legationem admirantur,
& maximis gaudiis incedentes votis quasi qui-
busdam illam prosequuntur, sydera puriores faces
accendunt, & quod ignorant, præsentare quodam-
modo videntur. Si illud quod cælo terraque clau-
ditur spatium oculis dimeriamur, spirituum dif-
fusorum ordinibus repletur. Si in terram oculi
inciderint, hæc quasi reviviscens ver novum ef-
fundit, & pro lachrymis rorem amabilem, pro
spinis rosas & lilia venienti Legato dispergit.
Quæritis vero quamnam tandem Legatus hic cæ-
lestis accedat? Bene quæritis Auditores, & obse-
cro parumper hic transeunte interim Legato
subsistamus. Audivistis aliquando Unicornem
seu Monocerotem, si naturalium Scriptoribus
rerum credatis, asperam omnino feram esse, sed
quæ

*Eiusdem si-
gnum.
Sustentatio
ob insolentiam
splendorem.*

*Transitio
per interpre-
tationem.*

A simili.

*B. Virgo do-
mus nuptia-
lis Dei.*

*Comparatio
pulchritudi-
nis Virginis
cum forma-
sitate cuius-
cunque.*

quæ capi nisi virginis fortasse sinu non posse.
Nam cum venienti virgo sinum aperit & effun-
dit in eo deposita feritate caput reclinat, & ve-
lut internis captivitur. Ecce hæc est illa Virgo
Maria, ad quam hodie legatus Archangelus acce-
dit, quæ sinum suum illa virginitate expandens
unicornem Deum ipsum iratum antea hominum
delictis, & in eorum poëtas fulminantem depo-
sita feritate capiet, utero virgineo concludet,
partu immaculato in lucem emittet. Hæc illa vir-
go, in cuius utero nuptialis aula tot virtutum pe-
nistromatibus vestita, tot cœlestium charismatum
coloribus depicta, tot sanctorum operum tabulis
& signis adornata, Deo ipsi preparatur: ut in
nuptialem Divinitati suæ vestem circumponat,
& sponsa suæ Naturæ nostræ coniunctus in pu-
blicam mundi lucem tandem aliquando procedat.
Cogitate formosam aliquam Judith, hæc formo-
rior est, quæ non Holofernis sed caput conteret
serpentis. Putatote Esther aliquam dignitate na-
turali decoris præcellentem: hæc amplius præcel-
lit, cuius non Rex Assuerus, sed Deus immortalis
concupiscit decorem. Representate vobis
pulchram illam & amabilem Rebeccam, quam fi-
lio suo Isaac per obedientiam immolato magnus
Abraham uxorem elegit; hæc pulchrior est &
amabilior, quam in sponsam & in matrem im-
molando filio suo cœlestis Pater elegit. Sæpe au-
divistis de Regio illo tabernaculo, in quo Sa-
lomon Rex quievit; en hoc est tabernaculum illud,
in quo Omnipotentis Filius requiescet. Non
raro intellexistis de Davidica illa turri, ex qua
mille clypei, & omnis generis arma dependebant;
en hic est turris illa excelsa, ex qua virtutum o-
mnium ornamenta dependent. Ne mihi arcam
illam Noë cogitate: illa octo duntaxat animas:
hæc Virgo, hæc arca Dei mundum universum ser-
vabit. Ipsa est Virga Aaron, quæ sine ullo exter-

no humore florebit. Ipsa est admirabilis illa porta Ezechielis, per quam gloriæ Princeps ingreditur, & clausa manebit. Ipsa est floridus ille lectulus, qui in Nazareth loco florido Dei filium verum, cœli campique florem suscipiet. Si quæ-
Comparatio eiusdem Virginis sanctitatis.
 ratis quanta virutum dignitate sanctitas eius eniteat? Est ipsa plenitudo Sanctorum; superat Abel innocentia, & Abrahamum, obedientia Isaacum, mansuetudine Davidem, dignitate Prophetas & Apostolos patientia Martyres, puritate Virgines, denique omni sanctitate Sanctos omnes: adeo ut thesaurus sit miraculorum Dei, & abyssus gratiarum. Si petatis quomodo tandem tantopere Altissimo placuerit? Humilitate, inquit Bernardus, placuit, virginitate concepit. Si scire desideretis, quid tum illa fortassis agebat, cum ad eam cælestis ille Legatus penetravit?

Testimoniū D. Bernardi de Virginitate eius.

——— *Pro quanta alti reverentia cœli*

Virgineo in vultu est? oculos deiecit modestos

Suspirat, matremq; Dei venientis adorat.

Felicemq; illam humana nec lege creatam

Sape vocat: necdum ipsa suos iam sentit honores.

Nimirum columba erat in foraminibus petrae, in caverna maceræ: virgo esat, & hinc conclusa privatos intra parietes nullum suæ virginitati periculum metuebat: sancta erat; & hinc sola cum Deo tantum agebat orando, abrepta per cælos discurrebat meditando: pia seipsam adorabat, sed ignara legendo. Quanquam dum his immoramur, pertransiit iam legatus, & ad virginem ingressus cælesti facundia legationis suæ mandatum est exorsus. Irruatus animis & cogitationibus intremus. En hinc flectentem cerno legatum, iam enim Reginam suam adorat; illinc stupore quodam, quem verecundia depinxit, Virginem video confusam & admirantem? hinc Legatus

Transiit.

gatus

Annunciatio Virginis.

gatus Ave, inquit, Gratia plena, & hoc modo ab amore, sancto nimirum Spiritu, à veritate, Filio videlicet, ab æternitate, Patre scilicet æterno, sese missum declarat: illinc Virgo humilitate sua sese involuens, quo altius extollitur, eo profundius sese demittit: hinc Legatus, Dominus, inquit, tecum, benedicta tu in mulieribus; illinc Virgo sese amplius submittit, & verecundi vultus colore laudes istas recusat: hinc Legatus, Ecce concipies in utero, & paries filium; illinc Virgo de pudore suo sollicita turbatur, trepidat, anxia nunc cælum, nunc terram, nunc Legatum ipsum intuetur & quasi Virginitatem suam propugnatura, *Quomodo, inquit, fiet istud, quoniam virum non cognosco?* Vere, vere, ô Virgo, virum non cognoscis,

——— *Cui vel nitenti matris ab alvo
Protinus inconcussum & ineluctabile votum
Virginitas fuit una, nec est cur solvere amata
Iura pudicitie cupias.*

Apostrophe ad B Virginē

Sed tamen da consensum, & Virginitatis non patieris detrimentum. Quid times? Invenisti gratiam apud Deum. Quid trepidas? Sanctum est, quod concipies; Deus est, quem utero concludes. Audi Legatum: Spiritus sanctus supervenit in te & virtus Altissimi obumbrabit tibi. Nulla hic opera viri, securus sit pudor: operatio est tantum Dei Virginitas exulter. Profecto nunquam in te conciperetur Deus, nisi Virgo esses, nunquam ex te nasceretur Deus, nisi Virgo permaneres. Da igitur consensum, ô Virgo. Audite Virginem Sodales audite. Ecce, inquit, Ancilla Domini, fiat mihi secundum verbum tuum Nunquid videre & audire videmini prudentem & formosam Abigail, quæ ad nuptias Regis David vocata, humi prostrata respondit: Ecce fa-

Prosopopæia.

mu

mula tua, sit in Ancillam, ut lavet pedes servorum Domini mei. Non est Abigail, Maria est: sit mater Dei, & se ancillam appellat; sit Regina cœli, & se famulam humillimam reputat. O felix humilitas! ô fortunata Virginitas! vobis duabus tanquam oculis duabus intuens Virgo Deum duplici vulnere cor ejus ita sauciavit, ut è Patris æterni sinu suum in uterum dilectissimum ejus filium attraxerit. Commendabat Humilitatem Virginitas, Virginitatem Humilitas exaltrabat. Sed bene est, abunde est, consummatum est matrimonium, conjunctus est Naturæ Deus, conjuncta est Natura Deo; intra uteri virginalis orbem justitiæ Sol est exortus. Aurora lucem suam jam soli resignat, Legatus re perfecta discedit, Deum hominem in terris re inquit, in cœlis cœli Reginam cum gaudio, Dei matrem cum admiratione deprædicat. Ite nunc ô stellæ, sed facibus novis instructæ, sed crinibus pexis ornatae, & exspectantes in Oriente Reges ad has nuptias vocate, adducite, dirigite. Ite Angeli & morantes in Iudæa Pastores in occursum novi Regis ac Sponsi vestris cantibus attrahit. Ite, inquam, & vel jam cytharis vestris atque organis divinum illud Genethliacum nascituro Deo, Epithalamium cœlesti sponso aptare & præparare, GLORIA IN EXCELSIS DEO, ET IN TERRA PAX HOMINIBVS BONÆ VOLUNTATIS, Nos vero, nos Sodales in hac tanta cœlestium nuptiarum lætitia torpebimus? in hoc tam jucundo tamque festivo Iustitiæ Solis exortu non excitabimur? Si mihi fas sit in animorum vestrorum adita penetrare, & in illis cogitationum vestrarum vela parumper detrahare, videor hoc mihi votum videre, ô utinam ea in me humilitas esset, ut Deo placerem, ea virginitas, ut illum pura mente conciperem! fortassis ab Angelo meo audirè aliquando.

*Exclamatio.**Peroratio
cum triumpho
de victoria.**Apostrophe
alia.**Conversio ad
Sodales.**Allegoria
optato seu
votum sodalium.*

AVE

AVE ANIMA GRATIA PLENA DOMINVS
 TECVM. & ô quanta dignitas esset mea ! fortas-
 sis oscularetur me Deus osculo oris sui, & ô quan-
 ta suavitas dulcedinis eius totum animum meum
 pertentaret ! fortassis in sponsam suam animam
 meam sibi copularet ; & ô me beatum ! ô me feli-
 cem ! Detrahite, detrahite vela, Sodales, erumpat
 votum illud ingens, quod tacitus premit animo-
 rum affectus. Fas est quod optatis : fieri potest,
 quod desideratis. Et nunquid cœlestis ille spon-
 sus nescio quo non amore percitus nostras animas
 procatur ? Perditi eramus, & inferorum cruciatu-
 bus adducti ipse redemit ? infecti peccati lepra viz
 jucundam auram respirabimus, ipse abluit suo
 sanguine, & sua morte sanavit, inopes eramus &
 nudi in hanc lucem exiveramus, ipse præter vitam
 sanitatem addidit, fortunæ bona cumulavit, quic-
 quid quotidie optamus & habemus adiecit. En
 munera, & nunquid respicimus ? Ipse ab altari or-
 biculo inclusus, cum ad sacram Synaxin accedi-
 mus, in os nostrum atque stomachum descendit,
 En osculum oris eius & nunquid sentimus ? Tot
 admonitiones, tot inspirationes sanctissimas, qui-
 bus animas nostras sibi in sponsas deposcit : in cor
 nostrum atque animum immittit. En eius legati.
 Quid restat ergo nisi ut humili voluntate pura que
 mente consentiant, & dicant animæ nostræ Ecce
 ancillæ Domini, fiat nobis secundum verbum
 suum. Ita vos dicite Sodales,
 ego. DIXI.

*Enumeratio
 beneficiorum
 nobis à spon-
 so hæc Chry-
 stocollato-
 rum.*

☩) : (☩

ORATIO V.

In

VISITATIONEM
B. MARIE VIRG.

PRÆCLARE Philosophorum quidam dixit *Exordium &*
 olim. Viri Ornatissimi, Sodales Humanissimi, *præstantia*
 idcirco hominem à Deo conditum & in has *humana, id.*
 abligatum terras esse, ut spectator & ipsius Dei; *que ex autho*
 & operum divinorum esset, neque vero spectator *ritate Philo-*
 solum, sed interpret etiam & celebrator, ut cum *sophorum.*
 Trismegisto loquar. Animadvertit quippe vir
 prudentissimus, ut rem unamquamque ad finem
 alium. Ita hominem orbis huius universi (quem
Templum sanctissimum appellant) Antistitem ab illo
 sapientissimo mundi architecto, & ad intelligen-
 dum & ad agendum (ut Princeps ait Peripatetico-
 rum) procreatum esse. Etenim cum ceteras ani-
 mantes, potens ille Moderator Vniversi prono
 corpore ad passum proiecisset:

Os homini sublime dedit cælumq; videre.

Iussit & erectos ad sydera tollere vultus.

Nos, inquam homines, veluti spectatores pul-
 cherrimæ mundi machinæ, ad cœli syderumque
 conspectum excitavit, & suspicere præclarissimum
 hunc ornatum imperavit, ut admiratione tanta-
 rum rerum ipsius Numen investigare, investiga-
 tum privatim adorare, publice celebrare assuesce-
 remus. Et certe si hæc est nobilissima divini ho-
 minis origo, ut in scena terreni theatri personam
 agens, non ut insanus ille Salmoneus fulgura to-
 nitræque repræsentet, sed, quas fas homini est,
 humili castoque pietatis affectu sempiternæ Ma-
 iestatis

Similitudo. jestatis ornamenta, justitiam, benignitatem, æquitatem imiteretur: quis non eadem cœli providentia Sodales, institutos fuisse diceret, ut Regina suæ, Deiparæ ac Virginis intemeratæ spectatores, Paranympbi, interpretes existant? Quemadmodum enim homines, quos æterna bonitas ad effigiem moderantis cuncta Tonantis effinxit, illum admirantur & imitantur Monarcham suum; ita Mariani Clientes & suspicere Mariam suam, & decora motum imitatione ejus in se conformate virtutum ornamenta debent. Atque utinam ea nostræ vis inesset orationi, ut sicut domitricem illam rerum omnium materiam, ferrum, inquam, trahit ad se & complexu retinet magnes; ita illa vestris animis illapsa, hodiernâ potissimum die ad insequendam per montana Virginem pertrahere valeret. Utinam vel potius incantationes essent verba mea, quæ eo vestros animos inflammarent pietatis ardore, ut assumptis amoris alis jam jam evolantes è corporibus Patronam insequeremini. Veruntamen id efficite per vos ipsos, Sodales date mihi cogitationes vestras, ut dum Regina & Patrona nostra

Optatio.

Captatio attentionis.

——— *Afflatu divini Numinis aucta*

*Exsurgit, mortesq; procul contendit in altos
Festinans -----*

Propositio. alacri & expedito voluntatis amore comitemini: imo dum hoc iter cursumque Virginis ad cognatam Elisabetham abeuntis, (ita postulante Visitationis, quam veneramur, recordatione) prosequor brevi dictionis intervallo, vestros animos verbis meis velut catenis quibusdam alligate, ut dum in sacro tantæ Virginis comitatu vobis audientibus & comitantibus simul sermonem habeo, facilius Visitationis significationem non amabilem tantum, sed admirabilem, nec admirabilem simpliciter, sed adorandam percipiatis.

Etc.

Et enim si heliotropion, solaris herba, ita cum Sole circumagitur, ut eius ortum manè spectet, & omne per diem iter ita persequatur ad occasum, ut ad cum floris sui faciem convertat assidue, quidni etiam Sodales Virginis velut herbae quædam in sacro eius crescentes horto, Virginem, amabilem illum Solem suum perpetuo spectarent, comitarentur, adorarent? Age ergo, ô Diva potens cæli, quæ velut potentissimus Magnes olim, tuæ castitatis vi admiranda Maiestatis Divinæ Numen in arcum tui sacratissimi uteri pertraxisti, ponderosum Naturæ nostræ nunc evince ferrum, & attrahe nos post te: immo Sol verus & Sole pulchrior dum abis in montana, Sodales tuos, tuos flosculos circumage tecum, ut alacres & afflati numine tuo curramus in odorem suavitatis tuæ. Abeamus ergo, Sodales, &

*Apostrophe
ad B. Virginem.*

————— *Dum aura sacri iucunda favoris
Nos super irradiat* —————

Dum Regina nostra indefesso passu montes ascendit, accincti voluntate prompta sequamur euntem. O viam admirabilem! O æternæ felicitatis iter! Valles deserit Virgo pia, & arcano concludens uterò Deum festinat ad montes. Quo enim abire posset illa tandem, quæ cæli Monarcham conceperat, nisi ad montes & superiora? quo volaret hæc Aquila cælestis, nisi ad ardua & sublime cacumen orbis? Vbi estis generosæ animæ? Vbi estis Marianæ mentes? Ecce hoc iter est eorum, qui pleni Deo cælestis afflatum gratiæ hauserunt, ima deserunt, terrena contemnunt, suprema petunt, cælestia ambiunt. Ecce hæc est via, quam omnis anima verbo plena Dei sequitur, virtutum celsa cacuminagressu conscendens amoris. Et si lubet semitam ipsam considerare, quod hic sunt vestigia & insignia sanctorum? quâ multa beatissimorum signa pedum in hac arena refulgent

*Incitatio Sodalium ad
sequendam
Virginem.*

*Amplificatio
vie quâ
B. Virgo cal-
cavit.*

*Primum
argumentum
confirmatur
ab amore de
sumpta ab
exemplo a-
mantium
huius seculi.*

qua par est pietate veneremur, & puri serenis animis maximam salutaris huius Legationis lætitiā hauriamus. Neque enim sine amore fas est Numen aliquod adorare, & impuris animis sacra tractare sacrilegium est, & plusquam nefas. Solent qui ad regnorum & imperiorum gubernacula Monarchæ sedent, cum alterius potentissimi Regis filiam sibi uxorem, imperio Reginam, copulare adsciscereque concupiscunt, suum inprimis amorem clarissimis signis & argumentis manifestare; deinde sponsæ suæ nuptiarumque futurarum effigiem ac tabulas in oculis ferre, suis amicis ostendere, de iis persæpe colloqui: ut ut conceptum felicibus auspiciis amorem nutriant, munuscula quadam tanquam oscula sponsæ suæ futuræ transmittunt: ac tandem maturo iam amore, confirmatoque conjunctionis desiderio principem aliquem è nobilitate sua virum, qui sponsalia contrahat, nuptiasque paciscatur, ablegant; eodem plane modo Rex ille Regum, & universi Monarchæ Deus, cum funesta pereuntis Naturæ clade per motus nostram sibi desponsare naturam statuisset, & jam filium decreto suo Pater Æternus honoraret; suo amore Spiritus sanctus inflammaret, plurimas futuri sui matrimonii, futura suæ Incarnationis tabulas universo

applicatio.

*Ab enumeratione
Repetitio.*

mundo, sed suis inprimis amicis ostendit. Ostendit Adamo nostri generis ac originis auctori, cum ex ejus dormientis costâ mulierem viraginem efformavit, proque ea carnem aliam supplevit. Nunquid enim Æternus ille Pater proferens è sacrario sui intellectus tanquam è sinu suo verbum æternum, illud carnis nostræ paludamento vestivit, namque arcto vinculo copulavit, ut in unam duxaret Verbum & Caro personam coalescerent? Ostendit Moyse Israelitarum Duci ac Legislatore, quando eius educta de sinu dextera visa est lepram contagione foeda maculis erumpentibus

contraxisse. Nunquid enim *hæc mutatio deit-
tera excelsi*? Nunquid eductus è sinu Patris
æterni Christus Dominus, carne vestitus, maculis
peccatorum nostrorum notatus, quasi leprosus
apparuit? Ostendit Davidi, Iudæorum Herculi
fortissimo. Regi ac Propheta sanctissimo, cum
ille positam medias inter pelles fœderis Arcam
non sine pudore suo conspexit. Nunquid enim
tum medias inter pelles posita est fœderis Arca
cum Deitas Humanitatis nostræ pellibus est con-
tecta? Ostendit Elizzo Propheta, cum ipse, ut
puerulum exanimem, ac vitam functum rursus ad
vitam revocaret, suos voculos ejus oculis suum
os ejus ori, suas manus ejus manibus, suum cor-
pus ejus corpusculo ita conjunxit, ut æqualis
puero vir procerus videretur, donec morte fri-
gidum vita reducta calefecit. Nunquid enim di-
vina illa Maiestas, ut mortuæ Naturæ nostræ vitæ
calorem inspiraret, ita sese incurvavit ac depres-
sit, ut ejus Deitatis altitudo humanitatis nostræ
paruitati æqualis videretur? ita membris no-
stris incubuit, ut os hominis os esset Dei, oculi
hominis oculi Dei, manus hominis manus Dei?
En illæ sunt, & quam admirandæ futuræ verbi
incarnationis imagines! En illæ sunt celebra-
ndarum cum Natura nostra nuptiarum Dei ipsius
adumbratæ penicillo tabulæ? Sed nunquid gran-
de hoc arcanum cum aliis quoque communica-
vit? Communicavit cum Noe secundo illo ge-
neris humani conditore, quando ipse vino obru-
tus, & ad ostium tabernaculi sui denudatis ja-
cens membris ludibrium primo fuit, postea filii
sui optimi Iaphet chlamydè est contextus. Erat
nimirum filius hic hominis, qui Naturæ nostræ
peccati vino obrutæ nuditatem fœditatemque
humanitatis suæ velamento contextit. Commu-
nicavit cum electo dilectoquo suo Patriarcha Ia-

Exclamation

Amplificatio
imaginis
incarnationis
Dei.

*A testimo-
nii.*

*Descriptio
amoris Dei
erga nos.*

cob quando ille nepotibus suis Iosephi filiis benedictionem moriturus impertiit, & virgæ ejus fastigium adoravit. Nam, ut Beatus inquit Chrysostomus, suo in typo Christum adoravit, qui è radice virgæ Iessæ flos erat ascensurus. Communica-
vit cum Moyse familiari suo, qui cum tubum ardentem & incombustum vidit, quid aliud, quam in veptibus ac spinis humanitatis nostræ, divinitatis ardentem ignem conspexit? Communica-
vit cum Ezechia Rege, qui cum intra fauces mortem anhelans copiosissimis lachrymis Divinam Maiestatem obtestaretur, sanitatem longioremque vitam recepit, atque hoc signo confirmatus est, quod ad decem retrogradus, quos jam erat emensus sol abiret ac reverteretur. Nimirum verus erat hic justitiæ Sol, qui ubi depressæ per mortem jacentisque Naturæ lachrymas & squalorem animadvertit, ut ejus ægritudini medicinam adferret, & gratum mundo jubar exoreretur, per novem illos Angelorum gradus & ordines, quibus universa cœli militia describitur, ad hominem usque retrocessit, & in hac Natura nostra, tanquam in decima linea, salutarem umbram effecit. Ita cœlestis ille prociis Naturæ nostræ moribus, tanquam sagittis quibusdam sauci-
atum animum gerebat, ita illam deperibat, ita totus flammis eius ardebat, ut in illo suo stellato Pallatio atque Æternitatis delitiis, ubi omnis sincera voluptas sine fastidio, oblectatio sine defatigatione, hilaritas sine fine, his tamen imaginibus ac tabulis, non annis aliquot sed quinque millium annorum intervallo sese recrearet, suos amicos ad novæ dignitatis spem erigeret, languentes tabescentesque consolaretur, & si quandoque ipse loqui vellet, hæc una inflammati ejus animi vox esset, *Delitia mea esse cum filiis hominum.*
O amorem! ô ardorem! quid dicam? inusitatum, an insolentem? Nec tantus est unquam auditus,

im-

Exclamatio.

immaturum, an imprudentem? Nec leviter quicquam agit Deus nec imprudenter. Sed tamen permitte, parumper, ô Deus, ut tuum illum sive amorem sive ardorem examinem? quid dico examinem? ut intelligam. Tu Deus & Creator, hæc Creatura, tu Æterni Patris Filius, hæc primi peccatoris Adami filia; tu vita ipsa, hæc mortis rea; tu omnipotens, hæc inops & egena; tu ab æterno prodiens è mente Patris, par illi maiestate, par omnipotentia, par honore, hæc è stirpe rebellis Adami peccato deformis, miseriis abiecta, servituti mancipata, sceleribus infamis: culus è familia quotquot aut rubri maris fluctus obruerunt aut cadentes è calo flammæ Sodomæ ruinis involuerunt, aut ulticis iustitiæ gladii sustulerunt, cuius fratres homicidæ omnes, sacrilegi, adulterii, perfidi, sicarii, virginum stupratores, idololatæ, venefici, tyranni, cuius è cognatione Herodes, quis ille? persecutor aliquando tuus, & infanticida: Iudas; quis ille? hominum scelestissimus, & tuus proditor: Pilatus, quis ille? Iudeus tuus, & qui te posteaquam in crucem sustulerit, lotis manibus innocens erit, Quamquam quid persequi singulos attrinet enumerando? Eius affines impii illi & execrandi carnifices, quorum manus, & flagella tuo sanguine innocentissimo maduerunt: eius consanguinei Neronæ, Caligulæ, Domitiani, Maximiniani, Diocleriani. Attilæ, & quotquot virgineam nascentis Ecclesiæ tuæ stolam sacratissimo filiorum eius sanguine purpuraverunt. Itane ergo tuæ maiestatis ac tui ipsius obliviscebaris, ut ei non tantum tuos amores consecrares, verum etiam in sponsam illam postulares? Illi te totum communicares? exte atque ex ipsa unicam duntaxat personam efficeres? Sed quid erat ô Deus? Nimirum quemadmodum fortissimus aliquando Sampson visa muliere Philistina, ita

*Contraposition**Definitiones
conglobata.**Transitio,**Comparatio
divinita.*

vehement

*Maris cum
amore.*

Campsonii.

Gradatio.

*Signa quib.
Dum testa-
tus est suum
amorem.*

vehementi correptus est eius amore, ut uxorem illam sibi dari confestim efflagitares, nec aliam obstupescens & obstantibus parentibus suis causam opposuit; quam quod eius amoribus adderet: ita Deus, ita celestis illæ Naturæ nostræ procus, non aliam ob causam contingi illi copularique desideravit, proq; illo celesti imperio miserum hunc mundum pro Angelorum consortio hominum consuetudinem, pro immortalitate moriem elegit, quam quia Naturam nostram amabat, amando deperiebat, deperiendo vulnerabatur, vulneratus exclamabat: *Vulnerasti cor meum soror mea sponsa, vulnerasti cor meum in uno oculorum tuorum, & in uno crine colli tui.* Enimvero, quam amplis muneribus, & quam osculis suavis suum illum amorem sponsæ suæ voluit esse testatum! Quid concipitis, Auditores? Annulos fortassis aliquos, gemmas, armillas monilia? hæc hominum sunt dona. An curus auratos, thesauros ingentes, familiam auro argentoque sonantem? hæc regum sunt dona; maiora omnino præstantioraque divinam illam Maiestatem decebant: Tunc munus celeste, misit, cum Israelitas perstantes utrimque rubri maris undas in libertatem eduxit. Tunc divinum omnino donum præsentavit, cum è caelo Manna dimisit, cum è petra salientem aquam excitavit, cum tot victorias depulsis tot hostibus potentissimis concessit. Tunc oscula futuræ illi sponsæ suæ misit; quando per Moysen & Prophetas sperem eius abiectam erexit, desiderium pene extinctum rursus inflammarit, indictas aliquando miseras tanquam plagas quasdam sanavit. Tunc oscula misit, quando fidelem Abrahamum obedientem Isaacum, castissimum Iosephum, mansuetum Davidem, alios sibi dilectissimos Patriarchas, Prophetas & Reges dedit. O oscula plena dulcedi-

lit.

dinis, plena suavitatis, plena divinæ voluptatis : *Exclamatio.*
 ē oscula, amoris oscula ! sanctitatis oscula ! Sed
 non his, non his tamen Naturæ nostræ concitatus
 affectu explebatur. Quousque inquebat illa,
 (utar Hieronymi verbis) quousque sponsus meus *Hieronymi*
 mittit oscula, per Moysen, mittit oscula per Pro- *testimonium*
 phetas ? Iam ipse cupio ora contingere, ipse ve-
 niat, ipse descendat, ipse *osculetur me osculo*
oris sui. Non à Moysse, non à Iosepho, non
 à Davide, non à Salomone oscula expetebat : hæc
 ubræ tantum erant & promissiones. *Osclē-*
tur me osculo oris sui. Nimirum ab ore Dei
 osculum expetebat, ut aliquando os ad os coniun-
 cta Deo una cum illo persona efficeretur, & in u-
 na personæ duæ Naturæ conjungerentur. Verum
 quemadmodum cum utrinque maturat et a-
 mantium ardor, & inflammatum temporis diu-
 rurnitate desiderium, illum tandem illucescere
 diem votis omnibus exoptant, quo parentum ob-
 tento consensu nuptiis auspiciis coniungantur : *Similitudo.*
 ita cum esse amplius sine Deo Natura nostra non
 posset, & conjungi Naturæ nostræ maturo amore
 Deus anhelaret ; cum, inquam, tot imaginibus fu-
 turæ suæ incarnationis Deus inflammaretur tot
 muneribus & osculis à Deo missis Natura nostra
 concitaretur, quid restabat aliud quam ut illum
 diem cælo jucundum, terris salutarem sol ille
 temporum dispensator acceleraret, quo missus ē
 cælo legatus Virginis futuræ matris consensum
 obtineret, & ornatissimam in terris Aulam, in
 qua Dei Naturæque nuptiæ peragerentur, inveni-
 ret ? Exortus est, exortus est aliquando tandem
 ille dies, dies illē genialis. O Sodales, & electus
 ē Nobilitate cœlesti Legatus ! cum supremæ Ma-
 iestatis, Sanctissimæ Triadis mandato gestienti
 bus civium supernorum ordinibus, parentibus
 cœlorum valvis exultantibus & famulantibus
 syde-

Exclamatio
ob legati præ-
stantiam

Excitatio.

Auditorum.

syderibus Angelus Gabriel in has usque terras processit. Attollite animos, mentesq; vestras Auditores, & in illud ascendite cogitationum sanctissimarum culmen, unde venientem Divinæ Maiestatis videre Legatum possitis Videte

—— Ille altum Zephyris per inane vocatu
Carpit iter, scindit nebulas, atq; aera tranat
Ima petens, pronusq; leves vix commovet
alas.

Videte iterum, ille est.

—— Cæli alipotens, cui lactea sandi
Copia, diviniq; fluunt à pectore rores
Ambrosia, quibus ille acres mulcere procellas
Possit, & iratos pelago depellere ventos.

Anteoccur-
patio.

Quid iam exhorrescitis fortassis, & non oculos tantum, sed & animos cœlestis ille fulgor perstringit? Non hic est Cherubinus ille, qui fulmineum flammantemq; gladium olim ante Paradisum distingebat. Non est exterminator ille spiritus qui primogenitos omnes in Ægypto ferro suo demetebat. Non est Angelus ille furibundus, qui per medium Sennacherib exercitum cadaveribus cadavera cumulat, & sanguineos ferro rivos educebat. Non ex illis est unus, qui in Sodomam & Gomorrham ultrices è cœlo flammam proiciebant. Non ille etiam Angelus, qui ense armatus ardenti Davidi totique regno minabatur, Nolite exhorrescere, Angelus est pacis: nolite timere, Legatus est salutis. Illum pax jam è cœlo remissa præcedit, & hominum lachrymas ac suspiria diffuso gaudio præscindit. Illum veritas è cœlo nata comitatur, & Prophetarum vaticiniis finem imponit. Iterum ergo sed recreatis & impeterritis animis videte. Omnium olim nationum Legati cum in externam aliquam provinciam, ut sui Monarchæ vel Reipublicæ mandatum deferrent, proficiscebantur, certum aliquod suæ gentis signum, quo dignoscerentur, circumfere-

Repetitio
cum enyme-
ratione.Amplifica-
tio à more
mundano-
rum Lega-
torum.

erebant, & medio in apparatu, qui plerumque
splendidissimus & magnificentissimus erat, o-
stentabant. Chaldæi flammam ardentem Baby-
loni columbam, Scythæ fulmen, Persæ arcum &
lagittas, Romani Aquilam. Plane etiam illustris-
simus hic Legatus, dum è cælo in mundum, An-
gelus ad hominem, à Deo ad Creaturam profi-
ciscitur, sui Monarchæ cælestis Imperatoris si-
gnum ostentat, & Gabrielis nomine, Dei, à quo
mittebatur, fortitudinem potentiamq; designat
insuper multa ipse luce circumfusus candida re-
fulgens veste, vultu mansueto gratiosoque seie-
nus; diplomate, quod à Divina Maiestate acce-
pit, instructus, in numero Angelorum numero
stipatus procedit.

Pacisferæq; manus tamum præstendit oliva.

Bone Deus! quonam tandem vel oculorum, vel
animorum aciem circumferemus? Si in cælos
Vultum attollamus pater cæleste palatium, & inde
prospiciens in tetras divina illa in Trinitate Ma-
iestas huius suæ Legationis eventum expectat
Angeli in spectaculum effusi insolitam illam &
inusitatam sui Principis legationem admirantur,
& maximis gaudiis incedentes votis quasi qui-
busdam illam prosequuntur, sydera puriores faces
accendunt, & quod ignorant, præsentare quodam-
modo videntur. Si illud quod cælo terraque clau-
ditur spatium oculis dimeriamur, spirituum dif-
fusorum ordinibus repletur. Si in terram oculi
inciderint, hæc quasi reviviscens ver novum ef-
fundit, & pro lachrymis rorem amabilem, pro
spinis rosas & lilia venienti Legato dispergit.
Quæritis vero quamnam tandem Legatus hic cæ-
lestis accedat? Bene quæritis Auditores, & obse-
cro parumper hic transeunte interim Legato
subsistamus. Audivistis aliquando Unicornem
seu Monocerotem, si naturalium Scriptoris
rerum credatis, asperam omnino feram esse, sed
quæ

*Descriptio
huius Legati*

*Eiusdem si-
gnum.
Sustentatio
ob insolitum
splendorem.*

*Transitio
per interpre-
tationem.*

no humore florebit. Ipsa est admirabilis illa porta Ezechielis, per quam gloriæ Princeps ingreditur, & clausa manebit. Ipsa est floridus ille lectulus, qui in Nazareth loco florido Dei filium verum cœli campique florem suscipiet. Si quæ-
Comparatio eiusdem Virginis sanctitatis.
 ratis quanta virtutum dignitate sanctitas eius eniteat? Est ipsa plenitudo Sanctorum; superat Abel innocentia, iude Abrahamum, obedientia Isaacum, mansuetudine Davidem, dignitate Prophetas & Apostolos patientia Martyres, puritate Virgines, denique omni sanctitate Sanctos omnes: adeo ut thesaurus sit miraculorum Dei, & aby-
Testimoniū D. Bernardi de Virginitate eius.
 sus gratiarum. Si petatis quomodo tandem tantopere Altissimo placuerit? Humilitate, inquit Bernardus, placuit, virginitate concepit. Si scire desideretis, quid tum illa fortassis agebat, cum ad eā celestis ille Legatus penetravit?

——— *Pro quanta altius reverentia cœli*

Virgineo in vultu est? oculos deiecit modestos

Suspirat, matremq; Dei venientis adorat.

Felicemq; illam humana nec lege creatam

Sape vocat: necdum ipsa suos iam sentit honores.

Nimirum columba erat in foraminibus petreæ, in caverna maceræ: virgo erat, & hinc conclusa prævatos intra parietes nullum suæ virginitati periculum metuebat: sancta erat; & hinc sola cum Deo tantum agebat orando, abrepta per cælos discurrebat meditando: pia seipsam adorabat, sed ignara legendo. Quanquam dum his immoramur, pertransiit iam legatus, & ad virginem ingressus cælesti facundia legationis suæ mandatum est exorsus. Irruamus animis & cogitationibus intremus. En hinc flectentem cerno legatum, iam enim Reginam suam adorat; illinc stupore quodam, quem verecundia depinxit, Virginem video confusam & admirantem? hinc Legatus

Transiit.

*Annuncia-
tio Virginis.*

gatus Ave, inquit, Gratia plena, & hoc modo ab amore, sancto nimirum Spiritu, à veritate, Filio videlicet, ab æternitate, Patre scilicet æterno, sese missum declarat: illinc Virgo humilitate sua sese involuens, quo altius extollitur, eo profundius sese demittit: hinc Legatus, Dominus, inquit, tecum, benedicta tu in mulieribus; illinc Virgo sese amplius submittit; & verecundi vultus colore laudes istas recusat: hinc Legatus, Ecce concipies in utero, & paries filium; illinc Virgo de pudore suo sollicita turbatur, trepidat, anxia nunc cælum, nunc terram, nunc Legatum ipsum intuetur & quasi Virginitatem suam propugnatura, *Quomodo*, inquit, *fiet istud, quoniam virum non cognosco?* Vere, vere, ô Virgo, virum non cognoscis,

—— Cui vel nitenti matris abalvo
Protinus inconcussum & ineluctabile votum
Virginitas fuit una, nec est cur solvere amata
Iura pudicitie cupias.

*Apostrophe
ad B Virginē*

Sed tamen da consensum, & Virginitatis non patieris detrimentum. Quid times? Invenisti gratiam apud Deum. Quid trepidas? Sanctum est, quod concipies; Deus est, quem utero concludes. Audi Legatum: Spiritus sanctus supervenit in te & virtus Altissimi obumbrabit tibi. Nulla hic opera viri, securus sit pudor: operatio est tantum Dei Virginitas exulter. Profecto nunquam in te conciperetur Deus, nisi Virgo esses, nunquam ex te nasceretur Deus, nisi Virgo permaneres. Da igitur consensum, ô Virgo. Audite Virginem Sodalēs audite. Ecce, inquit, Ancilla Domini, fiat mihi secundum verbum tuum Nunquid videre & audire videmini prudentem & formosam Abigail, quæ ad nuptias Regis David vocata, humi prostrata respondit; Ecce fa-

mu-

Protopopæia.

mula tua, sit in Ancillam, ut lavet pedes servorum Domini mei. Non est Abigail, Maria est: fit mater Dei, & se ancillam appellat; fit Regina cœli, & se famulam humillimam reputat. O felix humilitas! ô fortunata Virginitas! vobis duabustanquam oculis duabus intuens Virgo Deum duplici vulnere cor ejus ita sauciavit, ut è Patris æterni sinu suum in uterum dilectissimum ejus fissum attraxerit. Commendabat Humilitatem Virginitas, Virginitatem Humilitas exaltabat. Sed bene est, abunde est, consummatum est matrimonium, conjunctus est Natura Deus, conjuncta est Natura Deo; intra uteri virginalis orbem justitiæ Sol est exortus. Aurora lucem suam jam soli resignat, Legatus re perfecta discedit, Deum hominem in terris re inquit, in cœlis cœli Reginam cum gaudio, Dei matrem cum admiratione deprædicat. Ite nunc ô stellæ, sed facibus novis instructæ, sed crinibus pexis ornata, & exspectantes in Oriente Reges ad has nuptias vocate, adducite, dirigite. Ite Angeli & morantes in Iudæa Pastores in occursum novi Regis ac Sponsi vestris cantibus attrahit. Ite, inquam, & vel jam cytharis vestris atque organis divinum illud Genethliacum nascituro Deo, Epithalamium cœlesti sponso aptare & præparare, GLORIA IN EXCELSIS DEO, ET IN TERRA PAX HOMINIBVS BONÆ VOLUNTATIS, Nos vero, nos Sodales in hac tanta cœlestium nuptiarum lætitia torpebimus? in hoc tam jucundo tamque festivo Iustitiæ Solis exortu non excitabimur? Si mihi fas sit in animorum vestrorum adita penetrare, & in illis cogitationum vestrarum vela parumper detrahare, videor hoc mihi votum videre, ô utinam ea in me humilitas esset, ut Deo placerem, ea virginitas, ut illum pura mente conciperem! fortassis ab Angelo meo audirè aliquando.

*Exclamatio.**Peroratio
cum triumpho de victoria.**Apostropha
alia,**Conversio ad
Sodales.**Allegoria
optatio seu
votum sedulium.*

AVE

AVE ANIMA GRATIA PLENA DOMINVS
 TECVM. & ô quanta dignitas esset mea ! fortas-
 sis oscularetur me Deus osculo oris sui, & ô quan-
 ta suavitas dulcedinis eius totum animum meum
 pertentaret ! fortassis in sponsam suam animam
 meam sibi copularet ; & ô me beatum ! ô me feli-
 cem ! Detrahite, detrahite vela, Sodales, erumpat
 votum illud ingens, quod tacitus premit animo-
 rum affectus. Fas est quod optatis : fieri potest,
 quod desideratis. Et nunquid cœlestis ille spon-
 sus nescio quo non amore percitus nostras animas
 procatur ? Perditi eramus, & inferiorum cruciati-
 bus addicti ipse redemit ? infecti peccati lepra vix
 jucundam auram respirabimus, ipse abluit suo
 sanguine, & sua morte sanavit, inopes eramus &
 nudi in hanc lucem exiveramus, ipse præter vitam
 sanitatem addidit, fortunæ bona cumulavit, quic-
 quid quotidie optamus & habemus adjecit. En
 munera, & nunquid resipimus ? Ipse ab altari or-
 biculo inclusus, cum ad sacram Synaxin accedi-
 mus, in os nostrum atque stomachum descendit,
 En osculum oris eius & nunquid sentimus ? Tot
 admonitiones, tot inspirationes sanctissimas, qui-
 bus animas nostras sibi in sponsas deposcit : in cor
 nostrum atque animum immittit. En eius legati.
 Quid restat ergo nisi ut humili voluntate pura que
 mente consentiant, & dicant animæ nostræ Ecce
 ancilla Domini, fiat nobis secundum verbum
 suum. Ita vos dicite Sodales,
 ego. DIXI.

*Enumeratio
 beneficiorum
 nobis à spon-
 so hæc Chry-
 sto. collato-
 rum.*

☩) : ☩

ORATIO V.

In

VISITATIONEM
B. Mariæ Virg.

PRÆCLARE Philosophorum quidam dixit *Exordium d*
 olim. Viri Ornatissimi, Sodales Humanissimi, *præstantia*
 idcirco hominem à Deo conditum & in has *humana, id.*
 abligatum terras esse, ut spectator & ipsius Dei; *que ex autho*
 & operum divinorum esset, neque vero spectator *ritate Philo-*
 solum, sed interpret etiam & celebrator, ut cum *sophorum.*
 Trismegisto loquar. Animadvertit quippe vir
 prudentissimus, ut rem unamquamque ad finem
 alium. Ita hominem orbis huius universi (quem
Templum sanctissimum appellant) Antistitem ab illo
 sapientissimo mundi architecto, & ad intelligend-
 um & ad agendum (ut Princeps ait Peripatetico-
 rum) procreatum esse. Etenim cum ceteras ani-
 mantes, potens ille Moderator Vniversi prono
 corpore ad passum proiecisset:

Os homini sublime dedit cælumq; videre.

Iussit & erectos ad sidera tollere vultus.

Nos, inquam homines, veluti spectatores pul-
 cherrimæ mundi machinæ, ad cœli syderumque
 conspectum excitavit, & suspicere præclarissimum
 hunc ornatum imperavit, ut admiratione tanta-
 rum rerum ipsius Numen investigare, investiga-
 tum privatim adorare, publice celebrare assuesce-
 remus. Et certe si hæc est nobilissima divini ho-
 minis origo, ut in scena terreni theatri personam
 agens, non ut insanus ille Salmoneus fulgura to-
 nitruique repræsentet, sed, quas fas homini est,
 humili castoque pietatis affectu sempiternæ Ma-

Similitudo. jestatis ornamenta, justitiam, benignitatem, æquitatem imiterur: quis non eadem cœli providentia Sodales, institutos fuisse dicet, ut Reginae suæ, Deiparæ ac Virginis intemeratæ spectatores, Paranympbi, interpretes existant? Quemadmodum enim homines, quos æterna bonitas ad effigiem moderantis cuncta Tonantis effinxit, illum admirantur & imitantur Monarcham suum; ita Mariae Clientes & suspicere Mariam suam, & decora morum imitatione ejus in se conformare virtutum ornamenta debent. Atque utinam ea nostræ vis inesset orationi, ut sicut domitricem illam rerum omnium materiam, ferrum, inquam, trahit ad se & complexu retinet magnes; ita illa vestris animis illapsa, hodierna potissimum die ad insequendam per montana Virginem pertrahere valeret. Utinam vel potius incantationes essent verba mea, quæ eo vestros animos inflammarent pietatis ardore, ut assumptis amoris alis jam jam evolantes è corporibus Patronam insequeremini. Veruntamen id efficite per vos ipsos, Sodales date mihi cogitationes vestras, ut dum Regina & Patrona nostra

Optatio.

Captatio attentionis.

—— *Afflatu divini Numinis aucta*
Exsurgit, mortesq; procul contendit in altos
Festinans -----

Propositio. alacri & expedito voluntatis amore comitemini: imo dum hoc iter cursumque Virginis ad cognatam Elisabetham abeuntis, (ita postulante Visitationis, quam veneramur, recordatione) prosequor brevi dictionis intervallo, vestros animos verbis meis velut catenis quibusdam alligate, ut dum in sacro tantæ Virginis comitatu vobis audientibus & comitantibus simul sermonem habeo, facilius Visitationis significationem non amabilem tantum, sed admirabilem, nec admirabilem simpliciter, sed adorandam percipiatis.

Etc.

Et enim si heliotropion, solaris herba, ita cum Sole circumagitur, ut eius ortum manè spectet, & omne per diem iter ita persequatur ad occasum, ut ad eum floris sui faciem convertat assidue, quidni etiam Sodales Virginis velut herbæ quædam in sacro eius crescentes horto, Virginem, amabilem illum Solem suum perpetuo spectarent, comitarentur, adorarent? Age ergo, ô Diva potens cæli, quæ velut potentissimus Magnes olim, tuæ castitatis vi admiranda Maiestatis Divinæ Numen in arcum tui sacratissimi uteri pertraxisti, ponderosum Naturæ nostræ nunc evince ferrum, & attrahe nos post te: imino Sol verus & Sole pulchrior dum abis in montana, Sodales tuos, tuos flosculos circumage tecum, ut alacres & afflati numine tuo curramus in odorem suavitatis tuæ. Abeamus ergo, Sodales, &

Comparatio-

Apostrophe
ad B. Virgi-
nem.

————— *Dum aura sacri iucunda favoris*
Nos super irradiat —————

Dum Regina nostra indefesso passu montes ascendit, accincti voluntate prompta sequamur euntem. O viam admirabilem! O æternæ felicitatis iter! Valles deserit Virgo pia, & arcano concludens utero Deum festinat ad montes. Quo enim abire posset illa tandem, quæ cæli Monarcham conceperat, nisi ad montes & superiora? quo volaret hæc Aquila cælestis, nisi ad ardua & sublime cacumen orbis? Vbi estis generosæ animæ? Vbi estis Marianæ mentes? Ecce hoc iter esteorum, qui pleni Deo cælestis afflatum gratiæ hauserunt, ima deserunt, terrena contemunt, suprema petunt, cælestia ambiunt. Ecce hæc est via, quam omnis anima verbo plena Dei sequitur, virtutum celsa cacumina gressu conscendens amoris. Et si lubet semitam ipsam considerare, quorū hic sunt vestigia & insignia sanctorum? quā multa beatissimorum signa pedum in hac arena refulgent

Incitatio Se-
daliū ad
sequendam
Virginem.Amplifica-
tio viæ quā
B. Virgo cal-
cavit.

Per hanc olim purpurati Martyres properarunt ad laurum, quæ in sublimi posita generosos animos invitabat ad laborem. Per hanc abierunt Candidati Confessores ad vellus æternitatis, quod aliquando terrenæ fecis sublatis contemptu in gloria reportarunt. Per hanc iter arripuerunt Virginum agmina, quæ calcatis mundi voluptatibus ad æterni thalami sponsi properarunt, & pudicitia coronam acceperunt. Quid numerum innumerabilem prosequor? Quotquot olim generosas animas hausto semine de cælis terra progeniuit, & nunc decursu vitæ spatio in æternæ felicitatis Capitolio triumphant, hoc iter ad montana virtutum instructæ talaribus peregerunt. Hunc, inquam, viam in auras, cum mundanus ille Minos terras & matris negaret, assumptis virtutum alis, quas amoris divini cera coniunxerant, arripuerunt, & ex hoc immani calamitatum ergastulo felices animæ avolarunt. Vere, vere felices animæ! Una est enim, ut inquit Cyprianus, placida & fida tranquillitas; una solida, firma, perpetua securitas, si quis ab his inquietantis sæculi turbinibus extractus, salutaris portus statione fundatus, ad cælum oculos tollat à terris, & ad Domini munus admissus ac Deo suo mente iam proximus, quicquid apud cæteros in rebus humanis sublime ac magnum videtur, intra suam iacere conscientiam gloriatur. Nihil appetere iam, nihil desiderare de sæculo potest, qui sæculo maior est. Et si hoc in loco sanctissimo, locum aliquem authoritatis habet scriptor ille, qui in antiquitate cæca vivens, posteritatis illuminatæ sapientiam degustavit, gravissimus Seneca, Ad sapientiam, inquit, (quisquis esse felix voles) te dirige, tranquillissimas res & simul amplissimas pete. Si conscendere hunc verticem libet, cui se fortuna submisit, omnia sub te, quæ pro excelsissimis habentur, aspicias. Sed quomodo verticem illum

*Cypriani testimonium
de hac via.*

Seneca testimonium.

illum arduum conscendimus, ô Seneca? Audite *Modus se-*
 modum: Relinque divitias, periculum & onus *quendi Vir-*
 passidentium: relinque corporis voluptates: *ginem.*
 molliunt & enervant: relinque ambitum, tu-
 mida res est, vana ventosa, nullum habens termi-
 num. O igitur fortunati illi, qui in præmiis hu-
 manis (ut inquit Scipio) spem non ponentes
 rerum humanarum, spectant alte & æternam con-
 stantur aulam! O beatæ animæ, quæ sapientes & *Exhortatio*
 volentes calcata mundi vanitate contendunt ad *ad ipsos Sa-*
 montana! Et nos inter illas non essemus. Soda-
 les? nunquam ex depressis huius terræ locis men-
 tem sursum attolleremus? non in cælum, pa-
 triam illam nostram aliquando redire gestiremus?
 Fugiamus ô tandem valles orbis huius: illic
 hostes nostri, nostræ insidiantur saluti, illic la-
 quei & expansa Dæmonum retia decipiunt incau-
 tos; illicitum libidinum æstuantium flu-
 ctus miseras demergunt animas. Exsurgamus er-
 go, & mente saltem cogitationeque iuga montiū *Montium*
 conscendamus. Quidni in montibus tranquilli *præstantia*
 tas esset & æterna salus? Audebo dicere; omne
 bonum in montibus, & à montibus emanavit in
 orbem. Erigite quæso animos & memori men-
 tis cursu iam pridem elapsa perlustrate sæcula. V-
 bi ille parens innumeræ posteritatis Abraham fi-
 lii sui præparavit immolationem? In monte. V-
 bi tabulas divini legis Moyses accepit? In mon-
 te. Vbi condita Christus humanitate faciem suam
 in æternæ vultum gloriæ transfiguravit? In mon-
 te. Vbi deniq; profusum idem sanguinem suum,
 & extractam laceratis membris animam pro sce-
 lerum nostrorum expiatione commendavit Om-
 nipotenti? In monte. Quid amplius? Nonne et-
 iam cælum non ad latus nostrum, aut sub pedi-
 bus, sed in altum supra capita locatum est, ut eri-
 gentes à terra vultum, oculos in æterni Regis do-
 micilium attolleremus? & anhelantes ad patriam

*Transitio à
montibus ad
vallem eiusq;
descriptio.*

nostram aliquando, procul à vallibus in montana contenderemus? Veruntamen dum aliquouſque iam proceſſimus, reſpiremus parumper ſubſiſtentes, & retro oculos contorquentes relictam à nobis vallem conſideremus: gaudet enim & recreatur non parum deſatigatus viator, cum laborioſo conſectum itinere rürſum viſu decurrit intervallum, aut evitatum feſtinatione periculum agnoſcit. Chriſte bone! quam multiplices in hac mundi valle viarum anfractus? quam itinera multa & diverſa, quorum idem exitus quidem, non ad montana cælumq; ſed in ſclerum voraginem, & ſempiternæ damnationis abyſſum. Quot ſunt enim, qui cum erigere mentem in cælos deberent,

*Divites in
vallibus ha-
gent.*

Obſtupo capite, & fingentes lumine terram
divitias reſpiciunt, & quæ habitant in centro terræ metalla, inexhauſta effodiunt aviditate? Et hi, quid aliud ſunt, quæſo,

*Quàm curvæ in terris anima, & cæleſtium
inanes?*

Quot ſunt alii, quibus eſt modulus vitæ culinæ, nec ullos norunt Deos præter Eduſam & Potinam? Et hi curam aliam nullam habent, quam Epicuri, unicum ventris curare dolium, & fumantis ſtomachi culinam.

Quot ſunt denique, qui inani vanitatis aura ſublati, ſuperbiæ decurrunt iter? Et hi quid aliud ſunt etiam, quam Ixiones ſuperbi, qui cum Iunonis thalamum, id eſt, gloriam, quarant, cum nube vanitatis interim commiſcentur biformium monſtrorum, deformium peccatorum, progenitores? Nolim eorum deplorare viam, qui negotiis humanis velut laqueis quibuſdam ita ſunt irretiti, ut nequeant hanc aſſumere cogitationem.

Transitio.

Quid ſumus, & quidnam victuri gignimur?
ordo

Quis

Quis datus, aut metæ qua mollis fluxus, & unde?

Non eorum etiam prosequar calamitatem, qui
velis & remis, ut ajunt, provolant ad officia di- *Transitis.*
gnitatesque mundi; nec illud perpendunt Regii
vatis, obstante naturæ cæcitate:

Eois coeat viribus occidens,

Coniurent calida cum Boreaplaga,

Frustra divitias, sceptræ, potentiam

Cuiquam concilia verint:

Vnus Rex hominum est, res hominum suo

Versans arbitrio, Deus.

Miseri profecto & infelices omnes: sed ô miseris
miseriores illos, qui non tantum in vanitatis are-
na pedem figunt, sed in spurcissimarum sese vo-
luptatum pelagus demergunt. Quid faciant? aut
quæ his effulgeat aura salutis? Ostende miseris
cælum; non respiciunt. Acclama salutem, vel
intona perditionem; non audiunt. Trude tardos
& impelle, non sentiunt. Trahe tecum & attol-
le; iterum recidunt. Sed quid est, ô miseri ho-
mines, quod ita sub jugo tenet animos vestros, ut
flectere vos ipsos ac respicere non possitis? Vita
festinat, mors adest, & in ipso lucis apparatu desti-
tuit vos vita, non surgitis tamen, imo nec respici-
tis in montana Erigunt sese herbæ, & attollunt in
aerem ramos arbores, vos homines jacetis, & vos-
me. *¶* Vos deprimitis in perditionem ultro Cælos
admiramini solemque, & ignitis distinctum orbi-
bus Omnipotentis domicilium; displicet attamen
virtutis via, quæ trahit ad hoc decus æternitatis
sola suis illecebris irretitos. Quin respicitis natu-
ram vestram, & vos semini è coellis hausisse recot-
damini? Quin intellectum vestrum nobilem illum
coeli civem consideratis? Peregrinus est in corpo-
ribus vestris, cui cum decreto Majestatis æternæ
ductores sint & custodes assignati, sensus ipsum il-
li sua gravitate deprimunt deorsum, & in hoc cor-

*Amplifica-
tio miseria-
rum volu-
ptuositatum.*

*Horum con-
ditio peior
herbarum
conditione.*

*Via quam hi
terunt gra
vitas.*

poris ergastulo ita vexant fraudulentis satellites, ut in cœlum patriam suam erigere sese non possit. Odurum nimis exilium! O longa nimis & ingrata via, in qua labores assidui, otium & voluptates nulla periculum, perditionis præsens, salutis vix spes ulla: progressus in miseriam cum acerbitate, nullus ad felicitatem cum gaudio regressus. Sed satis sit respirasse, Sodales, dum subsistentes retorqueamus in vallem, oculos, abijt Virgo nostra, nec abijt tantum, sed cum festinatione currens abijt:

*Nec moranec requies unquam; nec lumina
flectit,*

*Cœlicolum quamvis sacra circumdata cœtu,
Donec ad optatum pervenit sedula limen.*

*Repetitionis
conglobata.*

Vincit hic Orationem nostram affectus, & exurgens impellit animum pieras. Obsecro enim, si quotquot hic in sancta Parthenii cœtus congregatione sumus, olim occurrissemus festinanti per montana Virgini, aut certe non procul à via latitassimus in dumetis, gressum explorantes abeuntis, & visu sequentes intenso, quis nostrum non animi gestientis exultatione superatus fuisset? cuius non ex oculis lætitiæ lachrymas eduxisset? Quis animum suum protinus avolantem, quis imo seipsum retinere potuisset? Non agnovissemus nos ipsos, non locum, non horam, non conditionem: non vincente mox pudorem lætitiæ, provolassemus è latebris, viam arripissemus, genibus in terram flexis per Virginis vestigia prorepissemus. Hæc tangere summa voluptas; lachrymis nostris irrigare, summa jucunditas; deosculari, sola nobis vita fuisset. O animæ nostræ, cur ea contingere fortunata vobis non potuit felicitas, ut Dei Matrem, cœlorum Dominam, terræ Reginam sequeremini? Cur non ista fuit conditio vestra, ut editæ tum in lucem &

nimio plenæ gaudio velut à mentibus alienatæ, Virginem abeuntem, beatam ac fortunatam prædicaretis? Non erat illa, ut Virgines nostræ, la-
*Virginis cur-
rentis descri-
ptio.*
 sciviuscule atque superbe ornata; non annulis
 armillis, monilibus fulgebat; non cirris & calien-
 dris sese ostentabat; non in vestibus conchyliatis
 aut crocorulis triumphabat; non segmenta & pe-
 niculamenta, non ineptias alias iactitabat. Qualis
 erat ergo?

—— Nullos studiosa paratus

Induitur, nullo disponit pectora cultu.

Tantum albo crimes iniectu vestis inumbrans *Virginis mo-
destia & pie-
tas.*

Omnia modestiam insignem, & admirabilem
 spirabant ubique pietatem: omnia comitantes
 Angelos & æternæ Maiestatis oculos recreabant:
 omnia humilitatem incredibilem significabant.
 Non oculos in se retorquebat amans, non eosdem
 ad latus respiciens agebat; non hærebat, aut le-
 viter immorabatur. Ibat deiectis in terram oculis,
 quos humilitas ducebat, mente semper in cæ-
 los erecta, quam pietas animabat; pedibus ad cur-
 sum impigris, quos charitas impellebat. Et quæ-
 so cui aliud quam cælum intueretur illa anima,
 quæ virtutis ingressa viam festinat ad Deum?
 Quæ virtutis decurrens iter, Chrysostomo teste,
 festinat, & à terra redire concupiscit in cælum,
*S. Chrysosto-
mi testimo-
nium.*
 omnia quæcunque deorsum apparent, relinquit,
 & totum se cur suæ dedit, nec prius subsistit, do-
 nec verticem conscenderit optatum. Cùm oculos
 descederet in latus aut respiciens contemplare-
 tur aspicientes? Scilicet non aspicit cursor egre-
 gius ad spectatores, sed ad præmium: in hoc so-
 lum est, ut currat, ut præmium consequatur. Cur
 dubio passu & deliberante ut sic dicam pede, vi-
 am ingrederetur? In mora periculum est. Audi
 tandem quisquis voles, & virtutis pede tardo se-
 mitam calcas, audi Deum animabus nostris, ami-

cis suis acclamantem; surge, propera amica mea. Audi Prophetam, & imitare diligentiam: viani mandatorum tuorum cucurrit, cum dilatasti cor meum. Audi sapientem & sequere consilium eius. Ne tardes converti ad Dominum, & ne differas de die in diem. Audi Apostolum, & aliquando tandem agnosce mortem tuam: surge qui dormis, exurge à mortuis, & illuminabit te Christus. Immo cum audiveris acclama: Trahe, trahe me post te, O Deus curremus in odorem unguentorum tuorum. Vbi sunt ergo illi, qui nullum Dei percipiunt odorem, & propterea cunctantur, perq; rerum creatarum vanitatem aberrantes in illam terræ lacte melleque manantis quietem non ingrediuntur? Vbi sunt illi, qui virtutis sparsam ubique fragrantiam non sentiunt, & ob hoc non currunt, putridi remanent, mortui iacent? Vbi sunt, inquam, cunctatores illi Fabii, qui rem suam non restituerunt, sed cunctando destituerunt salutem? Nondum Antonios, aut Paulos intellexerunt, quorum audita vox Omnipotentis animos excitavit ad cursum salutis? Nondum Celsos, Bernardos, Alexios, infinitos Heroas alios audiverunt, qui festinantes à mundo felicitatis aeternæ braviū reportarunt? Iterum dico & acclamo, in mora periculum est. O quantas hac olim mora calamitates miseris invexit animabus! O quantos peperit gemitus, & abrupto cursu cursu cumulavit dolores! Non festinarunt proficiscentes ex Aegypto Israelitæ, & in brevi substituerunt itinere. Sed quo tandem pervenerunt? quadraginta per annos totos procul aberraverunt. Non festinavit Dives Epulo: & ubi miser remansit ergo? In ardentibus remansit inferorum flammis, guttam inde miseram reposcens, unde fontem dulcedinis haurire cum festinatione potuisset. Non festinavit Chrysaorius ille Venerens; ubi nunc est autem? O sortem abominandam! O mutationem per-

*Enumeratio
eorum qui
Dei odorem
non percipiunt*

*Exclamatio-
nes ob horū
miseriam ab
exemplis,*

Perhorrescendam? Inducias usque mane subsistens
 Olim petebat à morte, mox in bellum, incidit æ-
 ternum: sentit vivaces in pœnam flammæ, & se-
 ro circumscriptus æternitate suam deplorat tar-
 ditatem. Non festinant, impiorum greges. Non
 festinant? Immo celeri cursu divinæ legis repagu-
 la perfringunt, & in Tartarum delabuntur. Non
 festinant, inquam, impii, & cum honestatis digni-
 tatisque curriculum semel ingressi fuerunt, suam
 Eurydicem, id est, carnem suam & corporis volu-
 ptatem respiciunt, illam omnibus nervis fugacem
 persequuntur, vanam amplectuntur, mortuam
 foveant; & interim verissimam illam atque im-
 mortalem, quam ex virtute sciunt emanare animi
 voluptatem, dimittunt. Non ego hoc dico tan-
 tum, dicunt docti, proclamant & inculcant sapi-
 entes nihil quod retardare quampiam magis queat
 in semita virtutis esse, quam corporis voluptatem.

*Exitus im-
piorum.*

Malitia vo-

Quippe nec ira Deum tantum, nec tela, nec luptatis.
hostes

Quantum sola nocet animis illapsa voluptas.

Apagemonstrum, apage procul à Mariano pectore.
 Non te virus amarulentum mens sincera degustet;
 non aspiciat tenebri cosam te nubem, quisquis ad so-
 lem sempiternæ lucis aspirat; non concipiat te pe-
 stilentiam atrocissimam anima, quæ aliquando re-
 spirare concupiscit in æternitate. Tu sensibus im-
 plicata hominum infides, & dum tui desiderio con-
 tabescunt, paulatim excrucias incautos; cæcos
 amplecteris blanda, & miseros postea demergis se-
 vera; venenis linite soles suavissimis, ut aculeis
 pungas inferorum acerbissimis. Et tamen quam
 multi te mollioribus in stratis suis foveant & ample-
 ctuntur? quam multi te suarum libidinum sapo-
 rem degustant? quam multi te in poculis requi-
 runt, & inesculentis amant? Quam multi

*Amplifica-
tio eisdem.*

(O vanas hominum mentes! ô pectora caca!)

*Visitationis
Marianæ
suavis, &
descriptio.*

te suarum statuunt cogitationum ideam, pectoris
idolum, otii delectationem? Immo; sed occlu-
dit indignitas vocem, & in ipsa festinatione cun-
ctamur, Sodales. Subiit jam Virgo cognita suæ
domum, & ineffabili felicis animæ gessiunt ex-
ultatione. Quantus amor! quam gratus tantæ
Virginis ac Matris adventus? Occurrit Elisabe-
tha cognatæ suæ, & omrem colligit in verba sa-
lutantia vocem; exilit nimio gaudio, & sese vix
agnoscens, Domini sui matrem acclamat; illam
amplectitur, & in amplexu defixa jam jam evo-
lantem recreat animam. Ille major Prophetis o-
mnibus, nondum puer tamen natus, & adhuc u-
teri materni cavea conclusus, Virginis adven-
tis veluti suavissimo philomelæ canu protinus
excitatur; quam non videt Domini Matrem, vo-
cem eius agnoscit; conspecta nondum, in qua vi-
vimus, luce, de luce vera testimonium sonat; qui
ambulare conclusus & alligatus utero non potest,
currere conatur, & officium exercere præcurso-
ris? Omnia laudibus personant & exultationi-
bus; hinc Elizabetha Virginem laudat, inde Vir-
ginis magnificat anima Dominum. O fortun-
tam ter domum illam, quam ingreditur Virgo
parens! O tecta beata, quæ cum matre Christum
recipiunt, & cum utroque Spiritus sanctus com-
plentur afflatu? Ar nos hæremus ubi tandem?
ubi remanemus? Secuti Virginem per montana
sumus, sed non assecuti, illa supra cœlos, nos in
vallibus adhuc mundi respiramus anhelantes.
Cur non evolaris animæ? Cur non elatis supra
terram affectibus per auras viam in cœlos ingre-
dimini? Cur pascendis sensuum gregibus valemus
hanc miseram inhabitatis? Exsurgite tandem a-
nimæ, & in amplexus Reginæ vestræ suavissimos
properate. Quid? corporum ne moles obstat, &
conditionis mortalitas nostræ remoratur eun-
tes? Tu, tu Diva parens, Regina mundi, quæ jam

exce-

*Apostrophe
ad B. Virg.*

excelsis in montibus cœli nectat æternitatis ore *cum supplē-*
 degustas immortalī, quæ virtutum omnium sub *catione;*
 lata pennis, & ardentissimo Divinitatis amore
 supra cœlestes orbes evolasti; Tu, inquam re-
 spice tuos in valle Sodales; imo ipsa descende,
 & tuos Mater filios, Patrona clientes, Regina sub-
 ditos invise. Tuisumus, sed mortalitatis adhuc
 onere gravati penetrare nequimus ad te; Patron-
 nam te colimus & Reginam, sed accedere fragi-
 litas nondum deposita vetat. Tu veni gloriosa
 Mater, & cum à Filio separari nequeas, illum de-
 fer'egenis animis beatissimum fructum tuum. Si
 visitaveris, illico tecum nos una trahes, & imbutæ
 semel tuis unguentis animæ nostræ te cupient so-
 lam, te sequentur unam, & per tua vestigia humili-
 mente, sed erecto prorepent affectu. Sumamus
 ergo, Sodales, animum, & dum Virgo surgit ad
 monstra, surgamus ad virtutem, discedamus ab
 amore mundi, & excussa conditionis nostræ igna-
 via calcatoque peccandi more salutis viam vitæ
 montem, conscendamus: dum festinat illa, festi-
 nemus & nos, ut feruido celerique animo manda-
 torum decurramus iter, & ardente charitate pleni,
 virtutis opus semel inchoatum absolvamus. Vbe-
 riores quippe fructus celerata devotio refert. Non
 annos alios & ætates expectemus non dies aut ho-
 ras: nunc, nunc hora est, cum intelligimus, audi-
 mus, videmus, & adveniēns nondum moram pe-
 riculum occupavit. Submittamus animos ergo,

*Conclusio
cum exstima-
tione
Sodalium
ad virtutes.*

& conceptis mente votis, solutis amantes
 æternæ Virginem Mariam laude-
 mus. cœli Monarcham
 adoremus. DIXI.

☩) : (☩

T 7 ORA-

ORATIO VI.

In

ASSUMPTIONEM
B. MARIE VIRG.

*Exordium à
tribus votis
D. Augusti-
ni.*

*Christi in-
carnati pul-
chritudo.
Pauli pradi-
cantu elo-
quentia.*

*Roma trium-
phantis ma-
iestas.*

Fulgentissimus ille Christianæ Reipublicæ Sol Augustinus, à cuius luce Catholica veritas toto orbe lucem accepit, & cuius radiis dissipata hæreticorum omni ævo nubes evanuerunt affectu tria desideravisse, videre nimirum Christum in carne, Paulum in ore, Romam in flore. Et sane nihil contingere optabilius in terris homini posset; quam formosam illam Divini oris speciem, virginalem vultum, roseas ac nigrantes genas, divinam, inquam, illam atque æternam Maiestatem humana carne indutam, in qua salutis spem omnem fixam atque locatam habeat, coram intueri: nihil jucundius vero, quam Vas illud electionis Gentiumq; Doctorem inusitato divinæ Eloquentiæ fulmine tonantem, Regum ac Tyrannorum efferatissimos animos facunda voce percellentem, barbaras immanesq; gentes ab Idolorum cultu ad Christum potenti verbi virtute avocantem ac convertentem audire: nihil denique admirabilius, quam eam oculis usurpare civitatem, in qua curia templum quoddam, Senatus Deorum quidam confessus esse videatur; cuius potentiam terrarum imperia reformidabant. Virtutem, Prudentiam, Disciplinam admirabantur, leges ac jura recipiebant. Quod si tamen fas sit mihi sanctissimi Doctoris profundius animi sensum, piamque illam curiositatem perferutari, vel idcirco mihi optavisse

visse videtur in flore Romam intueri, ut amplissimum illum triumphum honorem, qui victoribus annuente Senatu decernebatur spectaret. Etenim incredibilem animo & sensibus omnibus voluntatem hausisset, in porta triumphali Romam constitutus vidisset precedentes tubicines, triumphalesque modus occinentes; post hos boves permultos auratis cornibus, vitris sertisque redimitos, & iam ad sacrificia paratos; tum speciosissimam illam manubiarum ac spoliolorum ostentationem, quæ singulari arte composita, partim plaustris vehabantur, partim ab ornatis adolecentibus gestabantur: titulos deinde gentium devictarum, imagines urbium expugnatarum, fluviorum, montium promontoriorum, succedentes hostium inde Duces ac Reges catenis onustos, aut ad currum aliquando religatos, post illos & ante currum Imperatoris coronas aureas ab urbibus ac provinciis honoris causa transmissas: ipsum tandem Imperatorem curru sublimi magnificeque exornato vestum, triumphali veste fulgentem, corona laurea redimitum, ramumque lauri manu gestantem: sequentes exinde currum longo ordine equites peditesque laureatos omnes, & data sibi ob virtutem ab Imperatore dona præ se ferentes, urbe denique tota parentes Deorum ædes, coronisque & suffutibus repletas; cives confestim omnes velut in publica eaque latissima festivitate applaudentes, & triumphum iucundissima aggratulatione cientes. Longum esset universi triumphum invindendum apparatus, quem propius intueri maximæ voluptatis erat, oculis vestris representare; neque sane est opus, cum non illo hodie Augustini voto perculsi triumphantem videre Romam, sed Cœli Terraque Imperatricem Mariam triumphali pompa, & divino prorsus apparatu cœleste Capitolium ingredientem, quantum

*Triumphus
Romani de-
scriptio.*

Comparatio animis ac cogitatione potestis, spectare desiderare-
Spectatorum ris Et vero quemadmodum olim, qui ex urbe &
Romani tri- aliis Italiae locis ad triumphi spectaculum con-
umphi cum fluebant vestitu mundo, eoque ut plurimum albo
huius Mari induti pompam ipsam spectabant, transeuntique
anitriumph Imperatori annis gestientes manibus applau-
de-spectatoribus bant; ita plane confido purissimis animis & can-
 didatis pectoribus huc vos omnes ad divini tri-
 umphi spectaculum convenisse, ut triumphanti

A materia
gravitate.
Invocatio
Virginis.

Imperatrici vestrae profusis latissimi animi desi-
 deriis applaudatis Vnum vero non mediocriter
 me perturbat, & Eloquentiae non satis robustae
 conatum deterret, quod Praeco & Orator tam in-
 firmus, ad pompam tanti triumphi declarandam
 vocatus accedam. Sed nimirum, o Maria, o cae-
 lestis Imperatrix, quicquid humanum est, tua
 gloria minus est, quae naturae dignitate, condi-
 tionis excellentia, virtutum maiestate, omne
 laudis & honoris fastigium excessisti, ideoque
 omnem humanae potentiae & Eloquentiae cona-
 tum deterres. Permite tamen, ut quae caelestes
 in caelis & Angelicos habes triumphi tui Praeco-
 nes, in terris & inter homines humano praconio
 lauderis. Si triumphalem tuum in caelos ingres-
 sum pari Eloquentiae dignitate praedicare non
 possim, ad tuum in terris triumphum me conver-
 tam, in hoc quoque si defecero, pressa voce ceteris
 me iungam, & tibi tantum animo applaudam.

Mos Roma-
ne triumph

Qui amplissimum triumphi honorem apud Ro-
 manos olim perebant, eos extra urbem subsiste-
 re, atque ibi Senatus, quem iam ante laureatis
 litteris de victoria certiore reddiderant, ex-
 spectare decretum oportebat. Tum enim pru-
 dentissimus ille Senatus paucorum intervallo
 dierum victoriae magnitudinem, meritaque vi-
 ctoris, ne qua virtus rebus forsitan non satis pra-
 clare feliciterque gestis summo illo & magnifi-
 centissimo honore ornaretur ponderabat. Cuius

mo-

moris ac consuetudinis præclarissimæ ut aliqua
 festigia sequamur, consistat velut ante cœli por-
 tas Imperatrix nostra, & de triumpho suo San-
 ctissimæ Triadis decretum agente filio præstole-
 rur. Videor enim mihi jam in illa augustissima
 Cœli Curia confidente Æterno Patre sollicitum
 pro triumpho Matris filium, ita agentem ac di-
 centem audire. Si quæ merces est virtutis si quod
 præmium meriti, si quis victoriæ triumphus jam
 aliquando tandem & mercedem, & præmium, &
 triumphum Matris deponco. Illa est, quam cum
 tua gratia præservante labes originalis inquina-
 re non potuerit, virtutis omnis sacrum quoddam
 delubrum existit. Illa est, in quam cum omnem
 cœlestis gratiæ oceanum profuderis, talemque
 feceris, quæ meliorem ac digniorem non possis,
 quicquid dare largiri que potes, meretur. Illa est,
 cui, cum serpentis caput contriverit, inductas ab
 Eva ruinas instaurarit, salutem salutis auctorem
 me gignendo reduxerit, triumphus amplissimus
 & æternus debetur. Latui in eius virginalis uteri
 claustris, sinum ejus & brachia gratissimo pon-
 dere implevi, ubera suxi, & virgineo ejus inpri-
 mis lacte, tum cibo crevi. Cum prodire incepti,
 comitata est; cum ad mortis cruciatus accessi, non
 deseruit; cum hanc animam tuas in manus in
 cruce commendavi ejus animam doloris gladius
 pertransivit. Si virtutem requiris, speculum est
 virtutis, & propositum in sæculis omnibus ex-
 emplar; si innocentiam, nunquam peccavit; si
 integritatem, immaculata est; si meritum, me-
 reri ab ortu suo non destitit; si gratiam, plena
 est; si dignitatem, mater mea est. Atque hæc cum
 in illo cœlesti palatio gloriosissimus Filius ab
 illo suo in dextera solio commota jam universa
 Curia cœlestis corona plenus ipse & concitatus
 amantissimæ voluntatis affectu dixerit, an non
 subito Æternus Pater Candidatæ & Victrici Vir-
 gini.

*Mos hic ser-
 vandus in
 triumpho
 Mariano.*

Prosopopœia.

*Enumeratio
 meritorum
 & Virginis.*

*Enumeratio
 virtutum
 eius.*

*Transitioes
varie.*

*Introductio
Virginis,
Esthra in-
troductio
accommo-
data.*

gini triumphum decrevit ? Decrevit sane, & ut illum intueri animis, triumphalemque sequi currum festinantissimis desideriis possitis, concipite, Sodales, non illam dico fœderis arcam, quæ ex Philistinorum terra ad Bethsamitem, hoc est, ad solis domum reducta. Nimis enim parum est, & est tamen ipsa salutis arca. Non dico tabernaculum illud pulcherrimum, quod posteaquam sub tentoriis diutissime delituit, tandem in magnificentissimum illud totoque orbe famosissimum Salomonis templum est investum. Nimis adhuc parum est, & est tamen ipsa Altissimi Dei tabernaculum. Non dico Bersabeam Salomonis Regis matrem, cujus in occursum ipse Rex assurgens primo eam salutavit, cum in solio thronoque Regio suo dextera collocavit, atque insuper quicquid vellet petendi potestatem concessit. Nondum etiam satis est, & est tamen ipsa veri Salomonis mater. Concipite igitur formosissimam illam Estheram, quæ incredibili pulchritudine ornata omnium oculos atque animos in se converterat, sed ita concipite, ut videre videamini eam in Regis Assueri conclave regalibus indutam vestibus Introduci, à Rege salutari, tristissimo complexu stringi, ejus capiti regni diadema imponi, Reginamque renunciari, nuptias ejus cum Rege celebrari, per magnificum Principibus omnibus ac servis conviviū adornari, populis provinciisque universis dona distribui, ac pacem toti imperio singulari Regis magnificentia concedi. Iam aliquod triumphum hujus simulacrum habetis, (erat enim Maria velut Esthera Regina) nondū tamen triumphum ipsum videris. Repræsentate vobis iterum Reginam Saba, quæ ab ultimis Orientis finibus, ut Salomonem videret, & ejus sapientiam, quam fama perceperat, audiret, Hierosolymam venit. Sed quomodo? Nullo, ut inquit Scriptura, cum corni-

tatu, & divitiis, camelis portantib. aromata & aurum infinitū nimis, & gemmas pretiosas: ad-
ed, ut non sint allata ultra aromata tā multa,
quam ea quæ dedit Regina Saba Regi Salomoni.

Ita nimirum Regina Cæli ad his remotis terra-
rum oris in caelestem illam civitatem, & ad filium
suum verissimum Salomonem multo cum Ange-
lorum comitatu, multis virtutum divitiis, innu-
meris gratiarum aromatibus, infinitis bonorum
operum gemmis pretiosissimis transcendit. Quid
vero amplius exigam à vobis, ut divinum hunc
aliquo modo triumphum intueri possitis? An ut
Auroram pexis capillis & radiante vultu supra
terras mane confurgentem, quam penè Sol admi-
rabili luce perfundat, concipiat? Concipite per
me licet. An ut surgentem è busto Aquilam, sur-
sumque cælos interrupto volatu petentem vide-
re vos fingatis? Fingite equidem. An ut formo-
sissimam illam Saram, quam Principes Ægyptio-
rum tantopere Pharaoni commendaverunt, inque
Regiam perduxerunt, vestris animis obiciatis?
Obiicite sane; sed figuræ sunt, umbræ sunt, & si-
mulachra tantum: neque mea, sed omnium di-
sertissimarum Oratorum facundia verum ipsum
Deiparæ triumphum pari eloquentiæ apparatu
potest representare. Agite tamen quantum
possumus concinimur, & ab umbris illis ac figu-
ris mente ac animo nos ad sacrosanctum illud se-
pulchrum, in quo Regina mundi, velut ante cæ-
li portas præstolabatur, constituamus. Conside-
bat ad hoc sepulchrum sanctissimus duodecim
mundi Antistitum Senatus; aderat Legatus è
Cælo, & decretum concessumque triumphum
nunciabat; sequebantur innumera caelestium
Spirituum legiones, & inter has, ut amantissi-
mæ Matris triumphum decoraret, filius ipse
Christus Dominus, divina æternaque Maiestate

*Virginis ve-
ra introductio.*

Suffragatio.

*Interrogati-
onis ab enis-
meratione.*

*Triumphus
initium.*

resplendens

Definitiones conglobatae. resplendens obviam procedebat, cum ecce celestis illa Aquila, illa vitæ Aurora, illa salutis Arca, Imperatrix nostra, cum in sacros artus iterum anima sese insinuasset, de sepulchro confurrexit, & sese ad triumphum accinxit. O quanta corporis maiestate plenissimi venustas erat? quam ardens divino splendore vultus? quam micantes toto è vertice radii? quantus, quam suavis odor omnibus membris efflabatur? Hærebant attoniti Senatores Apostolici; obstupefcebant & admirabantur inusitatam formæ dignitatem circumfusi Angeli, simulque omnes acclamabant:

*Triumphante
tu Virginis
incessus qua-
lis.*

Qua est ista, qua ascendit de deserto, delitiis affluens, innixa super dilectum suum? Interim procedebat ipsa triumphali vesta curru, quem Virginitas plane singularis, Humilitas profundissima, Charitas ardentissima trahebant. Ipse cohortes Angelicæ insolita lætitia exultantes partim præcedebant, & musicum illud melos suavissimo iubilo certatim ingeminabant, *Ista est speciosa inter filias Hierusalem;* partim sequebantur & appludentes dicebant: *Quam pulchri sunt gressus tui, filia Principis, in calceamentis tuis?* partim comitabantur & circumvolitantes accinebant: *Veni sponsa, veni de Libano, coronaberis.* Ipsæ elementorum commotæ moles transeuntem mundi Reginam consalutabant; ipsi corporum cœlestium Orbes arcuatim sese incurvabant, ut triumphales esse arcus viderentur; Sol ipse triumphantem circumdabat, ut esset *Mulier amicta Sole;* Luna sese ad pedes dimittebat, ut esset *luna sub pedibus eius,* Stellæ omnes faces suas attollebant, & duodecim ex iis maiores inter se connexæ triumphantis vertici coronam invehebant. Nunc vero quid hæc dicam? iam in occursum matris processerat filius

Amplificatio.

filius, iam in amplexum filii mater ascenderat; imo hærebat hic & hærebat illa in amplexu; hinc mater ac sponsa suavissimis & amore plenissimis verbis acclamabat: *Inveni quem diligit anima mea, teneo eum, nec dimittam. Osculetur me osculo oris sui.* Vos verò ô Comites Angeli, *Fulcite me floribus, stipate me malis, quia amore langueo. Dilectus meus mihi, & ego illi:* illinc lius ac sponsus non minori lauciatu amore respondēbat: *Surge propera amica mea, columba mea, formosa mea, & veni, iam enim hiems transiit, imber abiit & recessit.* Asta Regina à dextris meis in vestitu deaurato, circumdata varietate. Coronaberis sponsa mea, Mater mea coronaberis. Ita illa innixa super dilectum suum per medias supernorum civium turmas, inter applausus & festivas Sanctorum omnium aggratulationes Cæli Capitolium ingressa, ibique solium ac thronum in filii dextera sortita, diademate regali ab æterno Patre coronata est. O imperatrix! ô triumphatrix Maria! impudens & temeraria sit Eloquentia, quæ tuæ gloriæ magnitudinem, tui triumphī æternitatem, tuarum deliciarum affluentiam exprimere conetur. Super te Deus solus est, infra te quicquid non est Deus. Mediatrix inter homines & Deum facta, Regina cæli & terræ salutaris, & pene quicquid potest Deus, tu ipsa potes, quia per te vult & facit. Hæres æternum in amplexu filii, ut gravissimo aspectu Pater hinc matris ubera illinc filii vulnera conspiciens nunquam misericordiæ suæ obliuiscatur. Tibi universi Angelorum & Sanctorum Ordines applaudunt, & triumphatrici triumphales modos festivis acclamationibus accinunt. Enimvero quoniam hic impar est omnis Eloquentiæ conatus, fateamur nos æterni illius triumphī magni-

Spiritus Vir

Coronatio Virginis.

A gravitate rei.

Applausus Virginis.

*Secundum
Romanorū
enorem enu-
meratio me-
ritorum Vir-
ginis.*

*B. Virgo pe-
su lucem se-
dat.*

*Dei iram in
homines cō-
posuit.*

*Hæreses pro-
fligat.*

magnitudine obrui, & ad illum, quem ipsa tot
orbe populis omnibus applaudentibus, triu-
phum ducit, orationem converramus. Atque i-
primis ut ab illo Romanorum veterum mor-
non recedamus, constituamus rursus velut an-
portas præstolantem Imperatricem nostram,
eius in orbem universum merita, quantum sa-
est, expendamus. Nolo tamen iam illud comm-
morare, eam esse Imperatricem nostram, quæ
luta auctorem illibata virginitate terris omni-
bus produxerit: Lateat etiam hoc, quod iam
cælo mundi patrona divinæ Maiestatis benigni-
tatem singulari amore in homines omnes infi-
ctat. Alia sunt, alia eius in orbem merita pa-
inclyta, bello admiranda. Quantum est, quod cu-
sæviente per universam Europam circa annu-
Christi sexcentessimum gravissima peste Greg-
rius ille Magnus orbis Pontifex solemnī indi-
supplicatione frequentem iussisset, clerum ac p-
pulum adesse, vir irati Dei furorem patrocina-
Dei para Virgine, cuius ipse peculiarem manu
figiem gestabat, deprecaretur, subito pestis el-
guerit ac sedata fuerit? Quantum est, quod cu-
Fredericus Secundus, nihil non ageret in Ori-
te, ut Pontificis funditus auctoritatem everteret,
Saladinus in Syria Christianos profligaret, cu-
sta passim & ubique ferro inique misceretur,
& iam Oriens Ecclesiæ rebellaret, Imperatrix
stra ante filium prostrata (ut sanctissimus Do-
nicus ipse vidit) furorem eius mitigavit, &
manibus fulmen extorsit? Quantum est, quod
cum Hæresi illa Pauli Samosatani, ut uni-
sum genus humanum inquinaret, ab inferis e-
pisset, piissima Imperatrix nostra sanctissimū
Gregorium Thaumaturgum, edocuerit, qui
veritatis fortissimæ iaculis pestilentissimam
iam hæresim profligaret? Si bella desideretis
ius iussu Mercurius martyr Iulianum inferni

rum Christianorum hostem hasta transfixit. Nactos Gothos Arianos multis praeliis à se victos, dum sanctissimæ hujus Imperatricis consiliis, priusquam cum hostibus signa conferret, obtemperat, in servitutem redegit. Heraclius, cum ob Thocæ Tyranni in suos crudelitatem Persæ cunctas Asiæ regiones occupavissent, accepta à Stephano Metropoli Cyzeno Deiparæ Virginis imagine, in Chosroem Persarum Regem exercitum eduxit, ipsumque profligavit. Arcturus Britannia Rex cum aliquoties ab hostibus fusus esset, & jam sese pene regno exutum videret, in interiore clypei sui parte perpulchram Virginis effigiem depingi curavit, mox cum hoste congressus, sæpiusque elato brachio oculorum aciem in Deiparæ imaginem convertens, ab eaque opem implorans victoriam profligatis hostibus reportavit. Quid dicam, quod Basilius Imperator per Andream Ducem suum Saracenis memorabili prælio debellatis, quorum litteras convitiis in Deiparam Virginem plenissimas, ejusdem imagini opem implorans appenderat, triumphavit? Quid dicam de Copronymo omnium Imperatorum flagitiosissimo? hic cum in Christianos ubique terrarum ferrum atque ignem distrinxisset, cœli igne Virginis opera conflagravit, eoque cruciatu cum mirum in modum torqueretur, inferorum se flammis additum, utque dignis Maria laudibus ornaretur, precari exclamavit. Quid de Leone Armeno? Sensit & ille misere expirans fortissimæ Virginis victtricem manum. Neque vero intra Europæ aut Asiæ, aut Africæ regiones Imperatricis nostræ victoriæ tantum steterunt, sed Orientem Occidentemque Solem indias utraque, atque novum istum orbem illustraverunt. Testis est in Occidente Insula Cuba, in qua regulus quidam vel idcirco victorias permultas ab hostibus suis reportavit, quod

*Hostes in
triumphum
duxit.*

*Victoria in
Occidente
ob Virginis
auxilium
impetrata*

Virgo Constantinopolis triumphavit.

Enumeratio Virginis triumphorum.

quod Christiano quodam suarum copiarum Duce uteretur, qui appensam ad pectus suum virginis imaginem gestans solo pene aspectu hostes suos fugabat, fugatos prosternebat. Testis est Vastus ille Gania, qui cum ad detegendas Indiarum Orientis ab Emanuele Rege missus esset, fassus est se Deiparæ auspiciis aditum ad illas aperuisse. Non omnia commemoro, (quis enim posset?) sed obsecro vos Sodales, an non hæc talia sunt ob quæ merito universus illi mundus triumphum amplissimum decernat? Vos annuitis, triumphet igitur, & toto orbe triumphet. Quid dico triumphet? Imo iam olim triumphavit, cum Ioannes Zemiscus Imperator devictis ejus opibus Bulgaris, Scythis, Turcis Constantinopolim reversus venerandam ejus imaginem Bulgatorum spoliis impositam triumphali per civitatem curru deferri jussit, ipseque candido iuxta equo investus Triumphavit olim cum Ioannes Comnenus Imperator parva ingenti de Persis victoria, & hanc & alias Mariæ acceptas retulit, & imaginem ejus curru triumphali impositam pia demissione ipse pedes antecessit. Imo vero triumphavit olim Maria, triumphat hodie Maria, triumphabit æternum Maria. Percurrite quantum animo potestis universum hunc orbem, quot obsecro triumphales illi arcus ubique terrarum erecti. Tot in Italia sunt, & ille Lauretani templi reliquione sanctissimus. Tot in Hispania sunt, & ille ad aquas Lupias delubri magnificentissimus. Tot in Polonia sunt, & ille Cizentochoviæ pulcherrius & opulentissimus. Tot in Gallia ac Germania, tot in omnibus Orbis universi Provinciis Temples, Oratoria, Sodalities Deiparæ dicata, quotquot sunt, tot mihi arcus esse triumphales videntur. Ipsum hoc Belgium nostrum, ut cetera templa pene innumera taceamus, an non illi triumphales arcus duos Sichemi Hallisque præstan-

tissimi

tissimos consecravit? Si pompam ipsam intueri
 placet, tot illam omni ætate felicissimi maximi-
 que Reges & Imperatores sunt sequuti & sequun-
 tur Constantinus Magnus. Carolus Magnus, Pul-
 cheria Augusta, Henricus II. numeros Sanctorum
 adscriptus. Præterea Alphonsus Castus in Hispa-
 nia, Eduardus in Hungaria, Boleslaus pudicus
 in Polonia. Venceslaus in Bohemia, omnes Ec-
 clesiarum sententia inter Divos relati, & quorum
 nemo non magnificentissimum Imperatori no-
 stræ templum erexit. Taceo turbam innumeram
 piissimorum ubique hominum, qui vitam po-
 tius quam in hanc Martem affectum ponere desi-
 derarunt. Quot etiam toto passim orbe triumphum
 ejus ac gloriæ præcones & hodie & olim exstite-
 runt, quibus voce scriptoque tonantibus terra-
 rum orbis quaqua patet, triumphantis Deiparæ
 Virginis laudibus personuit? Dedit Syria Ephrem,
 Antiochia Chrysostomum, Cappadocia Basi-
 lium & Nazianzenum, Constantinopolis Germa-
 num & Proclum, Dalmatia Hieronymum, Ger-
 mania Rupertum Tuitiensem & Albertum, An-
 glia Bedam, Gallia Bernardum, Hispania Illefon-
 sum, Italia Thomam & Bonaventuram, Africa
 Cyprianum & Augustinum, Ægyptus Originem,
 Hibernia Joannem Duns Philosophorum Cory-
 phæum, Græcia Dionysium Areopagitam; alia
 alios Provinciæ protulerunt, quorum voces nul-
 lo fato obmutescences perpetuo triumphantem
 Imperatricem nostram extollunt. Videte, postre-
 mum triumphum huius agmen, in quo Hæretici,
 qui huius Imperatricis ope aut omnino debella-
 ti, aut pene oppressi, aut fugati sunt, nunc etiam
 triumphali ejus gloriæ curru per orbem univer-
 sum alligati victos sese profitentur, & victricem
 Mariam proclamant. Ille è Germania Lutherus,
 unicam esse personam, ait, Mariam cunctis su-
 perio-

Transitio

Præcones

triumpho-

rum Maria-

notum.

Postremi in

hoc trium-

pho hæretici.

perio-

periores, & cui nemo par sit, quod cum patre
 coelesti filium habeat communem. Oecolampadius, Nunquam, inquit, de me audietur quasi
 a verber Mariam, erga quam minus bene affici
 reprobata mentis certū existimem indicium esse.
 Erasmus suam servatricem ac salutem illam ap-
 pellant: Bulingerus omnia in Maria excellentis-
 sima esse protestatur: Bucerus; pium animum
 non nisi sanctissima de Maria cogitare palam ex-
 clamat: Mohometes Mariam omnibus viris &
 mulieribus splendidiorem solique Deo perseve-
 ranter studentem confitetur. Triumphatur igitur O
 Maria: (jam enim hic quoque deficiens tibi tan-
 tum animo applaudo) triumphatur ô Virgo: habes
 victos & consentientes hostes: triumphatur ô Cœli
 Regina; habes omnes Cœlitum Ordines tibi fa-
 sces dignitatum submittentes: triumphatur, ô mun-
 di Imperatrix, habes Orbem universum tibi fa-
 mulantem & triumphalem gloriæ tuæ currum
 festivis encomiis impellentem. Quid? An vero
 non etiam in nobis, & in Sodalibus tuis trium-
 phabis? Si pyramides requiris, en erectæ omnium
 in te voluntates: si triumphales arcus exis, en
 propensissimi omnium in te affectus; si trium-
 phalem currum exposcis en corda nostra, en animi
 nostri: his inside, in his triumphatur, & triumphan-
 tium more tua dona in nos effunde. Hic imbellis
 est, & ad primum tentationis ictum trepidat, da
 illi fortitudinis hastam; hic sæpe magno animo
 virtutis viam ingreditur, at sæpe facile deficit,
 tribue illi perseverantiæ, armillas; ille in for-
 dibus adhuc quibusdam volutatur, largire illi
 puritatis argentum, hic pro virginitate conser-
 vanda luctatur; habeat ipse auream Virginitatis
 Zonam; ille à gula vehementer impugnatur; So-
 brietatis clypeo donetur: hic confodalem à pec-
 cati periculo subtrahit; Lauream ipse coro-
 nam

*Apostrophe
 ad Virginem
 triumphan-
 tem.*

*Triumphatur
 Virginis apud
 Sodales.*

*Virginis in
 omnibus au-
 xilium im-
 plorandum.*

nam reportet: ille pro tuo honore ubique certat, cultum tuum apud omnes promoveret, tibi se, vitam suam, ac sua omnia consecrat, tecum iste triumphalem currum sequemur, ut praesentes in Capitolio caelesti tibi aliquando applaudamus. DIXI.

ORATIO VII.

In laudem

SODALITATIS SS. ROSARII B. MARIAE VIRGINIS.

NON equidem natalis hic Sanctissimi Rosarii Sodalitatis, sed triumphalis est tamen dies, Ornatissimi Auditores, quo posteaquam potentissimus eius precibus annuente Caelorum Regina Gloriosissima de immanissimarum Turcarum gente Ioanni Austriaco ac Christianis omnibus ad Naupactum concessa victoria est, tum Sanctissimi Romanae Ecclesiae Pontifices, ut publico pietatis cultu gestientibus Sodalium omnium animis celebraretur, iure meritissimo sanciverunt. Nam si iustissimis fundata legibus Romana Respublica Duilium Imperatorem suum, quod primus navalem de Poenis victoriam reportavisset, non uno aliquo die, sed quotidie ac tota vita ad funalem cereum praeunte tibicine fidicineque triumphare voluit; decebat profecto, ut sanctissimi Rosarii Sodalitas, parta illa tam celebri ad Naupactum victoria, quam eius precibus acceptam Pontifices Imperatoresque ferunt, profligatis etiam iam

Exordium ab ipso festo die & in miraculo eodem die factum.

Ab exemplo.

A causa.

*Ex antiquo
more*

*Apostrophe
ad Virginem
cum applau-
su.*

*Falsa Virgi-
nis.*

*A dignitate
rei.*

antea tot hæreticorum perfidissimorum turmis ,
si non diebus singulis , ac singulis saltem annis
atque hac prima mensis Octobris Dominica die
summæ summorum Pontificum autoritate tri-
umpharet. Et vero cum omnia triumphali die
festis personare vocibus , ac faustis perstreperet
acclamationibus plausibusque debeant ; cum in-
quam , frequentium gratulationum officia audi-
re , gestientium & exultantium animorum indi-
cia cernere , concitati amoris ferventissima stu-
dia in medium proferre fas sit , tum in primis tibi ,
ô Maria , sanctissimi Rosarii , & Dominicanæ fa-
miliz regina gratulor. Tua enim ea victoria fuit ,
quemadmodum tuorum Sodalium preces à benignissi-
mo filio tuo impetravisti , & hostem illum Ec-
clesiæ nostræ infestissimum , tantumque imma-
nissimi belli apparatus non armis aliis , quam
tuæ Familiæ rosariis expugnavisti. Vobis etiam ,
Sodales , ac toti sanctissimi Rosarii Sodalitati ,
quaque versus per universum Orbem propagata
est , hodie dum exultat , dum Reginz suæ applau-
dit , dum triumphat , ex animo gratulor. Ea enim
est , quæ dum assiduis votis suis Deiparam Virgi-
nem ad ferendum auxilium inclinavit , & per eam
Divinæ Maiestatis Omnipotentiam permovit ,
vicerunt armis Christiani Duces , liberata metu
Ecclesia est , profligati hostes , universus , qua la-
te patet , orbis recreatus. Quoniam vero ita pla-
cuit , ut in publica triumphalis huius diei lætitiæ
publicus Orator essem , non eloquentiæ alicuius
emeritæ dignitate , sed pio famulantis obsequio ,
permittite , Ornatisissimi AUDITORES , ut cum
neminem in triumpho nisi triumphantem lau-
dare fas sit , in sanctissimæ huius Sodalitatis lau-
des totam hanc susceptam à me hodie dicendi
provinciam diffundam. Ita fiet , ut cum eius di-
gnitatem intelligitis vestram quoque , qui in ea
vivere morique desideratis , felicitatem agnosca-
tis

is. Ac prima quidem familiarum illustrium
Ordinumque celebrium excellentia cum duci ab
ipso capite authoreque primo soleat, tum Maria-
ni Rosarii Sodalitas non de excellentia cum aliis
decertat, verum familiis omnibus atque Ordini-
bus ejusmodi sacris longe sane præstantia, di-
gnitate, omni denique laudum genere antecellit.

Parentem in cælis habet excelssimam Cæli Re-
ginam, quæ quemadmodum Rosarium suum ad
hominum salutem instituit, ita certam sibi apud
homines ordinum omnium atque ætatum fami-
liam, quæ Rosario tanquam quodam aureo velle-
re decoretur, elegit. Authorem in terris vero
gloriosissimum habet & sanctissimum Patriarcham
Dominicum, qui ut erat vitæ sanctitate optimus,
doctrinæ excellentia maximus, meritorum ma-
gnitudine supra mortales tunc eminentissimus,
ita Rosarium & Rosarii Sodalitatem apud homi-
nes sacra sua facundia publicavit, Mariana au-
thoritate erexit, pulcherrimis virtutum suarum
ornamentis condecoravit. Atque adeo nihil aliud
est Sanctissimi Rosarii Sodalitas, quam electa
quædam in terris Cælorum Reginz Deiparæ Vir-
ginis, & Dominici gloriosissimi Patriarchæ Fa-
milia, in qua vivunt Marianarum virtutum hæ-
redes sunt, tanquam amantissimi filii, in qua qui
moriuntur, desperare de salute non possunt tan-
quam subditi fidelissimi. Nihil aliud, inquam,
est, quam ordinatissima quædam acies, in qua tot
innocentissimarum animarum millia sub vexil-
lo cælestis Reginz militant, & Dominico Duce
ad gloriosissimam de mundo victoriam trium-
phumque contendunt. Ea vero posteaquam tantis
authoribus excitata apparere in terris cepit, &
sanctissimi huius instituti fama regiones omnes
etiam remotissimas est perusgata, tanta derepen-
te hominum omnium ex singulis terræ partibus
facta concursatio est, ut vivere communemque

*Origo Soda-
litis S. Ro-
sarii.*

*Parentes ter-
renus ejusdē.*

Sodalitas: quid sit.

*Preparatio
huius Soda-
litatis.*

Ab enumeratione.

ducere spiritum nemo velle videretur, qui non in sacram hanc Familiam adscriberetur. Concurrerunt ad hanc Sodalitatem inter primos Benedictini, & quasi non satis esset in Divi Benedicti leges iuravisse, Rosarii Sodales esse voluerunt. Concurrerunt Cistercienses, & ut in Marianam militiam inscriberentur, Sodalitati huic nomina dederunt: Concurrerunt Ordinis S. Francisci Religiosi, Carthusiani, Canonici Regulares, alique, qui omnes tum prius, cum in hanc recepti Familiam fuerunt, Deiparæ Virginis obsequio devotos, ac de salute sua certissimos sese existimaverunt. Quid, quod posterioribus temporibus ac nostro etiam sæculo Societatis Iesu Religiosi in eius tabulas suorum nomina referri voluerunt, ac deinde ab hoc fonte Sodalitia quædam nova, tanquam rivos, in sua collegia derivaverunt? Quid, quod integra religionum tot aliorum cænobia in Rosarii Sodalitatem delatis nominibus suis, tanquam ad salutis æram, tanquam ad vitæ rectè instituendæ normam, tanquam ad veræ libertatis asylum transiverunt? Quid, quod amplissima regna, regiones late diffusæ, Respublicæ integræ & civitates Marianæ huic familiæ inscribi summo ardore concupiverunt? Neque sane aliud unquam toti terrarum Orbi hæc Sodalitas est visa, quam Pharus quædam, in qua salutis clarissima lux affulgeret; quam schola quædam, in qua virtutum omnium disciplina ad Deiparæ Virginis imitationem Christiani formarentur; quam Palæstra quædam, in qua Ordines omnes & ætates cælestem in terris militiam salutaribus rudimentis & exercitiis perdiscerent. Non id ignoravit Fredericus tertius Imperator, qui cum Sodalitati huic nomen dedisset, tanta gestientis animi lætitia incedebar, ut cum augustissimo Imperatoris elogio condecoraretur, dici tamen Rosarii Sodales

*Amplificatio.
Sodalitatis
huius definitiones
conglobata.*

Ab exemplis

mil-

mallis, & cum appellaretur, insolitis gaudiis exultaret. Non ignoraverunt Leonora Imperatrix; Maximilianus & Sigismundus Archiduces Austriae; Ioannes & Sigismundus Duces Bavariae; Guillelmus & Catharina Duces Saxoniae; Fredericus Brandenburgicus Princeps Elector, Ludovicus & Henricus Landgravii Hassiae, Henricus & Ioannes Comites Nassoviae sexcenti denique alii Barones, Comites, Principes, qui in ordinem Sodalitatis huius vel idcirco accenseri aliquando voluerunt, ut ejus auspiciis felicius ad aeternae beatitudinis bravium contenderent. Quid dicam quod ex hac Lovanienſi Civitate quatuor hominum mil-^{Concursus ad hanc exva-}lia, ex Brabantia triginta millia quinquaginta sex,^{riis, Provin-}ex Geldria, quatuor millia, ex Hollandia Zelandique septem millia octingenti triginta, ex aliis Europae Provinciis penè innumeri in Colonienſem Sodalitatem, quod alibi ea nondum esset instituta, simul ac longissima velut agmine transiverunt? Quid dicam, quod summi olim Ecclesiae Pontifices in eam recipi desideraverunt, & recepti sponte sua nullisque Praedicatorum precibus sollicitati Christianis eam omnibus commendaverunt? quod eminentissimi dioecesium diversissimarum Antistites tanti illam fecerunt, ut suis nos alienis manibus in ejus tabulas sua nomina referrent? Audebo dicere. Fuit aliquando universus pene Orbis una Mariani Rosarii Sodalitas; fuerunt aliquando Pontifices, Imperatores, Reges, Principes religiosi ordines, integri populi, & vero etiam nunc sunt Mariani Rosarii Sodales. Hæc est vestra gloria nunquam obliteranda. Religiosissimi Praedicatores, hic vester est immortalis honor, quod eundem Ordinis vestri & sanctissimæ huius Sodalitatis conditorem Dominicum habetis; quod Rosarii præcones & custodes à Sacratissima Dei Matre constituti estis; quod intra

*Apostrophe
ad Prædicatores.*

*Laus eorum-
dem.*

*Rosarium
hoc heredi-
tae Prædica-
torum.*

*Divitia
quibus hac
Sodalitas
fratet.*

domos vestras sanctissima Rosarii Sodalitas tan-
quam salutis Aras. Virtutum delubra, veræ sapi-
entiae Domicilia tenetis. Vos enim iressis, qui
Deiparae Virginis honorem insignes & indefessi
præcones amplificatis; qui sacram ejus Rosarii
familiam virtutibus eximiis, admiranda doctri-
na, propositis ad imitationem exemplis illustra-
tis & dirigitis; quibus à summis Ecclesiae Pon-
tificibus ea concessa potestas est, ut soli intra sa-
cros Coenobiorum vestrorum parietes Rosarii
Sodalitatem habere possitis. Ita anno supra mil-
lesimo quingentesimo sexagesimo nono Pius
V. Pontifex maximus severa lege sancivit, & Ma-
rianæ Sodalitatis usurpatores privilegiorum om-
nium et molumento privavit. Quippe hæc sacri
Prædicatorum Ordinis hereditas est; hoc salutis
Palladium ipsi relictum; hoc divini amoris an-
cile cœlitus est ad eum delapsum, propter quod,
ut ipsa quondam B. Alano Diva Virgo prædixit,
scientia sapientia, observantia, miraculorum fa-
ma gloriaque cum apud homines, tum apud De-
um floret, & cæteris, omnibus antecellit. Quan-
quam ad immensam divinarum opum copiam,
qua Mariana hæc Sodalitas abundat, orationem
aliquando convertamus. Ex vero tantæ sunt o-
pes, tanta spiritualium omnium bonorum afflu-
entia, tam certa tamque excellentia privilegia, ut
qui his non moveatur, aut hac vita sit indignus;
aut vitam aliam, quæ contingere post mortem so-
let, ignorare videatur. Atque ut illud præteream,
quod dato in hanc Sodalitatem nomine delicto-
rum omnium certissima sequatur remissio; nec
illud attingam quod sola quandoque Rosarii re-
citatione aut peccatorum expiationem obtine-
ans Sodales, aut aliquam è putgatorii igni-
bus animam educant; alias etiam atque innume-
ras sileri patiar indulgentias, quas qui Rosarii
decretis supplicationibus intersunt qui Prædica-
torum

rorum templa frequentant, qui ad Divæ Virginis aram vota fundunt, consequuntur; quantum est Sodalem aliquem cum de vita periclitatur, dubioque inter mortem ac vitam spiritu agit, vel ore, si loqui possit, vel corde tantum, si voce sit destitutus, sanctissimum Iesu nomen proferendo ad primam quodammodo vitæ innocentiam redire? Quantum est eum, qui in hac Sodalitate Deiparæ Virginis obsequio sese ex animo ac sponte devoverit, ut Michael ab Insula dicebat, perire nunquam posse? Quippe, ut cum Anselmo dicam, *Sicut à te averſus, ô Virgo Maria; neceſſe eſt, ut pereat, ſic ad te converſus impoſſibile eſt, ut pereat.* Est, est & hæc Sodalitas Arca quædam non illa Noë, sed Mariæ, in qua constituti Sodales supra mundi huius eluvionem attolluntur ac conservantur. Est scala quædam, non illa Iacob, sed Mariæ, per quam Rosarii cultores ad reginam suam firmissimis virtutum gradibus ascendunt. Est virtutum omnium officina, donorum caelestium thesaurus, indulgentiarum receptaculum, admirandorum divinæ maiestatis operum quoddam compendium. O si hic adessent & ab illis sepulchris suis in hunc locum prodirent, qui Rosarii Sodales aliquando fuerunt, clarissima illa cælorum luce circumdati, æternitatis purpura induti, venustate immarcescibili decori, an non has plenissimas lætitiæ voces inronarent? Felices nos, qui ut æternum non periremus, in Mariana sanctissimi Rosarii Sodalitate viximus. In hac primam certissimæ salutis spem accepimus. In hac candidissimam innocentie vestem conservantes pulcherrimis illam virtutum coloribus ornavimus. Per eam quicquid sordium vitæ contraxerat affluentium gratiarum undis abluiimus, per eam Deiparæ Virginis primum filii, tum grati acceptique divinæ Maiestati

Rosarii huius cultores nunquam possunt perire

Pro sapientia & recensio fructuum nostræ Sodalitatis perceptarum.

facti sumus. Quod delictorum veniam obtinuerimus eius beneficium est; quod æterna beatitudine perfruiimus, acceptum illi sesimus. Ita profecto sanctissimæ ille animæ, si hic adessent, loquerentur. Iam vero cum ad vitam rectè componendam, ad divinæ Maiestatis amorem conciliandum, ad salutem certissimo consequendam nihil in hac Sodalitate deesse possit, obsecro vos, quantam eius in omni necessitate vim esse putatis? Tanta profecto est, ut cum Sodalibus suis negare nihil eorum Regina velit, tum illa Sodalium suorum permota precibus omnia à Deo obtinet, iratum eius nomen sedat, victorias impetrat, Hæreticorum nefandissimas machinationes dissipat, terrarum orbi iustitiam, fidem, tranquillitatem restituit. Testes sunt inprimis, Albigenes Hæretici, qui cum Franciam pene universam perfidiæ, sævitique sua devastarent, & Catholicæ Religionis perniciem anhelarent, singulari eximiaque D. Dominici virtute, & summa sanctissimi Rosarii potentia sunt prostrati. Testis Generosissimus Montis Fortis Comes, qui cum à Divo Dominico in hanc Rosarii Sodalitatem adscriptus esset, aliquando cum quingentis duntaxat hæreticorum decem millia in fugam convertit; nonnunquam cum viginti tantum tria millia prostravit; semel cum tribus millibus fortissimum viginti millium magni Aragoniæ Regis exercitum debellavit. Nimirum Rosario potentior erat, quam exercitus; pietate, quam fortitudine, in Divam Virginem amore, quam in hostes odio. Atque ut vetera tantum non confectet, testis est Ioannis Austriacus, qui anno supra millesimum quingentesimo septuagesimo primo gloriosissimam illam ad Naupactum victoriam tum obtinuit, cum solitis precibus suis Rosarii Sodales Deiparam Virginem prima mensis Octobris Dominica die sollicitarent. Imo

testis

Efficacia huius Rosarii.

*A testimo-
nis.*

*Alia exem-
pla.*

testis est Ferdinandus secundus hodie Augustissimus Imperator, qui celeberrimam illam Pragensis victoriam non ita pridem tum reportavit, cum Domini à prima Novembris Sanctissimi Rosarii Sodalitas & decretis supplicationibus, & precibus assiduis vacaret. Testes etiam citare hic possem strenuissimos exercitus nostri Belgici Duces, qui nuper, cum prima esset mensis Iunii Dominica dies, & Sodalitas hæc Mariana de more suo Divinæ Majestati & Deiparæ Virgini supplicaret, in colloquium cum hoste Bredano pro Urbis deditione descenderunt, ac tandem occupaverunt. Nimirum cum sanctissimi Rosarii Sodales tanquam novi quidam Moysis manus & animos ad Reginam suam attollunt, vincunt Christiani Duces, & prostrata Hæreticorum immanitas minaces oculos frustra retorquet, ac cum sanguine furorē amittit. Nimirum hæc Mariana Sodalitas turris est, ex qua mille clypei dependent, quibus adversus teterrimas hostium machinationes cum certissima spe victoriæ Sodales armantur. Non exspectatis, opinor, ut adversus Dæmonum infestationes auxilium esse à Rosario demonstrem; vinci à Dæmonibus, qui Rosario sese defendit, non potest; nec illud Petit, ut contra perfidorum quorundam malitiam positum in Rosario Patrocinium esse declarem; notum est sola aliquando Rosarii recitatione impeditam quorundam Iudicum fuisse malitiam, ne conceptam injuste sententiam pronunciarent. Quis nescit plurimos profligatissimæ vitæ homines Sodalium Sanctissimi Rosarii precibus ad frugem esse revocatos? Quis ignorat summa ejusdem virtutis gravissimos morbos curari sterilitatem ab agris depelli, fecunditatem sterilibus foeminis procurari, vehementissimam pestilentiae contagionem cohiberi, pacem &

*Per hoc S.
Rosarium
hostes sternuntur.*

Alia ab enumeratione.

*Apostrophe
ab B. Virg.
cum suppli-
catione.*

amicitiam inter discordes conciliari, bellum periculosissimum reducta tranquillitate componi? Utinam vero ea nostrorum temporum felicitas esset, ut dum undiq; Europam nostram hæreticorum & male sanorum quorundam furor armatis perturbat: dumque latè grassans, per universa poenè Regna pestis deplorandam miserorum hominum stragem edit; certissimum à Sanctissimi Rosarii Sodalitate subsidium peteremus. Nihil illi Cœlorum Regina negabit; quid dubitamus? ultro etiam, si supplices esse velimus, auxilium offert; quid hæremus? curnon etiam hodie, etiam hac hora ita dicimus: O Maria, ô Sanctissimi Rosarii Regina, ecce nos Sodales tui; tui filii, tu clientes, tui subditi jam ante te prostrati tuam opem imploramus, Negare Sodalibus tuis nihil cupis, imo etiam libere dicam, pro tuo amore nihil potes. Age ergo dum tuum tibi Rosarium offerimus; dum hodie per universum orbem tua te Sodalitas obtestatur, benignitatem tuam, misericordiam, & potentiam ostende. Vides furentem undique Hæreticorum insaniam: confunde tu enim cunctas hæreses sola interimisti in universo mundo. Vides miseram afflictam tot morbis Europæ calamitatem; juva & recrea, tu enim es salus, infirmorum. Ita te rogamus, & in hoc Sodalitatis tuæ triumpho benefici-um hoc postulamus.

DIXI.



ORA

ORATIO VIII.

De Triumpho.

VENERABILIS

EUCHARISTIÆ.

ADRIANVS Imperator, Ornatissimi Audito- *Exordium*
 res, cum ad Imperii Romani fastigium non *ab exemplo*
 tam hominum, quam fortunæ suffragio eve- *Adriani*
 nus terrarum orbi supremæ maiestatis authorita- *Imp. mortuus*
 re legem ac jura dictaret, recordatus Trajanum *triumpho*
 Cæsarem Principem optimum, cuius in solium *instituentis*
 purpuramque successerat, gloriosissimam de Par-
 this victoriam reportavisse, nullum vero, quod
 præoccupatus fatis fuisset, triumphum duxisse,
 confestim Traiani imaginem laurea redimitam,
 corona triumphali cultui imponi, perque urbis
 vicos omnes comitante Senatu populoq; applau-
 dente vehi, ne post mortem etiam debiti triumphi
 dignitatem amitteret, imperavit. Eodem autem
 plane modo Christiana Respublica non humano,
 sed divino; (fatendum est enim) instinctu fecisse *Ecclesia*
 videtur, *Romana*
 quæ cum Christum Servatorem suum, *Christo Do-*
 obstupescendam terris omnibus cœlisque victo- *mino etiam*
 riam quam Æternitas nunquam intermorituræ *post mortem*
 sæculorum memoriæ consecravit, subiugato Da- *triumphum*
 monum imperio, & superatis humanæ militiæ *instituit.*
 fraudibus obtinuisse animadverteret, interim ve-
 ro pro triumphali currui crucem infamem, pro
 applausu tortorum immaniſſimorum verbera, pro
 honore amplissimo atq; illi debito, mortem inde-
 bitam omniq; suppliciorum genere crudeliorem
 subiuisse percussa, ut debebat. Iustissimi doloris &
 amoris sensu, triumphum ipsi, etiam post mortem,

Modus triumphi huius

plusquam humanum, & vere divinum toto orbe decrevit. Et quoniam adesse pie in hoc triumpho suo, ea, qua devicta morte redivivus apparuerat, augustissima specie, vel æterna illa radiantis toto cœlo Divinitatis Majestare non poterat, placuit universæ Reipublicæ Christianæ, ut quod amoris sui pignus ac trophæum apud homines reliquerat, sacratissimum corpus ejus veneranda panis specie velatum, aurea argenteaque inclusum, turricula tanquam triumphali curru comitante, & applaudente mortaliū cœtu purissimis sacratissimorum Sacerdotum manibus portaretur. Quod quoniam hodie factum est à vobis, Reverendi PP. Augustiniani, & jam etiam triumphalis illa pompa maximo Christianorum populorum apparatu indictisque supplicationibus per universi terrarum orbis provincias exhibetur, de hoc augustissimo Christi corporis triumpho dicamus sane hodie.

Orationis distributio.

Atque ejus si me præconem esse in hoc vestro amplissimo ornatissimoque consessu patiamini, ita omnem orationem occupabo, ut justissimam triumphi causam inprimis, tum incredibilem triumphantis in mortales affectum: ac denique summam triumphi dignitatem splendoremque cognoscatis. Date veniam, Auditores si balbutientem in hoc tanto conatu aut potius deficientem eloquentiam qualemcunque nostram animadvertatis. Tale enim est, quod suscepi præconium, ut in eo pro dignitate deducendo summa etiam merito eloquentia obmutescat.

Capitatio attentionis.

Conditiones ad Romanorum triumphum quondam requisita.

Summum illud ac magnificentissimum triumphi decus apud Romanos illos rerum dominos iis tantum olim concedebatur, qui de hostibus, non de civibus victoriam reportavissent, hostium millia quinque una acie prostravissent, Romani imperii fines auxissent, ac non nisi cum publica dictatoris aut consulis, aut Prætoris auctoritate res gessissent. Quod cum ita sit, si ad hu-

manæ

manz prudentiæ leges divini triumphi merita ponderare fas sit nobis, obsecro vos, cuius honoris ac triumphi iustiores unquam excitare causæ, quam huius? Si publicæ dignitatis autoritas requiratur, æterni Patris æternus est Filius, Homo Deus, Procerum Beatorum & Immortalium mentium lumen, Angelorum Delitium, Princeps pacis; tanta maiestate, ut omnia in eo membra adorandam spirent divinitatem, tanta auctoritate, ut ad eius nutum universa rerum natura obsecundet. Nec defuerunt mandati publici tabulæ, quas, ne privatus humana salutis rem gerere videretur, ab æterno illo Patre suo tunc accepit, cum in orbis terrarum medio Humana Natura squaloris æterni sordibus deformata crudelissimorum Dæmonum pedibus conculcabatur, veri Numinis timor omnis ac religionis sensus mortalium animis eripiebatur, hominum innumera millia summa crudelitate sub ipsos inferorum specus in arsuras perpetuo flammæ quotidie detrudebantur. Tunc cum rerum potiebantur immanissimi Dæmones, quorum ubique simulachra & aræ, ubique vexilla, trophæa, triumphales arcus fulgebant. Tunc cum inquinatissima voluptas omnia stupris suis foedissimis implebat, avaritia rapinis exhauriebat; luxuria flagitiis contaminabat: gula nocturnis bacchationibus perturbabat; arrogantia fastu suo & infanis honoribus deprimebat. Restare nihil omnino ad tot malorum cumulum videbatur, nisi ut ipsa etiam mortalium audacia ad efficiendum è cælo Deum nefarie conspiraret, & scalas Beatorum domiciliis more Gygantū admoveret. Quid igitur facere cum oportuit, cum tot undique calamitatum tempestas detonaret? Vixit, ultro ipse intrepidus & expeditus in mediâ sese mundi percutatissimi tempestatē cōiecit. Quaritis quæ gaudea insignitus? Amoris: qua lorica, quoque clypeo

*Conditiones
eadem in
Christo repe-
riuntur.*

*Debellatio
hostium à
Christo.*

*Christus se
hostibus oppo-
nit.
Eiusq; armis
qua?*

contectus? Amoris: quæ hasta, quibus sagittis ac iaculis ad pugnandum instructus? Amoris. Erant ceteræ omnes in eo virtutes, verum quæ non arma essent, sed ornamenta, quæ non pugnam promoverent, sed victoris dignitatem augerent. Fortitudo erat, sed amoris; patientia erat, sed amoris; constantia erat, sed amoris; mansuetudo erat, sed amoris. Ita solo amore rem nostram gerere. Dæmonum potentiam infringere, libertati salutem, cælo genus humanum restituere desiderabat. Er vero, ut de savissimis infantia eius laboribus, de egestate, de exilio, de tolerantia nihil dicam, quod periculum unquam

Transitio.

Distributio.

fuit tam magnam, quod genus mortis tam atrox, quod, ut natura nostræ hostes conficeret, reformidavit? Illi intenti in eum flagella vibrabant, ipse promptissimo expeditus amore & profligens in pugnam flagella toto corpore excepit: Illi spinas, & erigentes aculeatasque spinas, obiciebant, ipse spinis venerandum caput suum subiecit: Illi vincula clavosque iaciebant, ipse clavos perfossis manibus ac pedibus sustinuit: crucem opponebant, ipse crucem morti devotus ascendit: illi lanceam protrudebant, ipse lanceam aperto pectore excepit sanguinis undæque profluvio purpuravit: Illi mortem denique intentabant, ipse Mortem, Dæmonem, Mundum moriendo nec indecoro pulvere sordibus superavit. Et adhuc desiderare posset hic aliquis iustam aliquam

Victoria Christi.

triumphi rationem ac causam: Quæritis quos hostium nostrorum millia prostravit? Dæmonum efferacissimorum multitudinem infinitam confregit. Quantum populi Dei fines amplificavit? Orbem universum cælestis Patris imperio subiecit. Quid demum nobis mortalibus omnibus acquisiverit? Naturæ libertatem, malitiæ ac vitiorum proscriptionem, languorum plurimorum expulsiōem, virtutum omnium ubique splendorē,

rem religionis vitæ toto orbe victoriam, Cœlorum Imperii amplissimam & æternam simul hæreditatem. Triumphet igitur, hoc enim ipsi denegate impietatis esset insânæ, triumphet, hoc enim illi concedere, justitiæ est & gratitudinis sempiternæ. Antequam tamen ad huius triumphî splendorem accedamus, triumphantis in nos affectum consideremus.

Veterum quidam, ut prisci testantur authores, cum conjugem suam Debutadis Sycinonii filiam à suo divelli complexu propter nimium amorem non posse videret, profecturus ad bellum, ne interea tanto affectu amantissima mulier contabesceret, umbram illi quandam vultus sui carbone duntaxat rudioribusque lineis in pariete deductam, ut huiusmodi simulachro suum amorem solaretur, reliquit. Quod exemplum cum imitatz essent illo ævo matronæ aliæ honestissimæ præstantissimæque vitorum desiderium pictis imaginibus solantes æquiori animo reditum eorum expectaverunt. Nota est Poetarum encomiis

Fallum Sycinonii.

Protesilæ, conjux Laodamia; noti Historicorum testimoniis Cremanes, qui cum amorem suum fidum illum ac sincerum testari vellent, è frontis suæ vena cultello aliquo sanguinem eliciebant, & hætiendum amicis suis propinabant.

Similium factorum enumeratio.

Quid pensiles illi Semiramidi, Reginæ horti? Quid Colossus ille Rhodius? Quid Cretensis Labyrinthus? Quid illud in Ægypto Mausoleum? Pignora illa sunt & solatio quedam amoris ab amantibus olim relicta. Alii annulum, alii sigillum, nonnulli expressam vel in cera, vel in

auro politissimis lineamentis effigiem apud amicos abituri deponunt. Sed umbræ sunt, & marcescentes duntaxat umbræ, si cum nostri Triumphatoris amore conferantur. Non effigiem hic aliquam, non annulum, non sigillum, sed corpus & sanguinem, Humanitatem suam, & divinitatem

Christus longe alia amoru signa reliquit.

di ssi

diffimulata maiestate sub orbiculo Panis, Ecclesia
sua, à cuius divelli complexu non potest. cum cœ-
lo spolia victor inferre desideraret, reliquit. Ut
nimirum Cœlo triumphator intraret, & terras
hominum amator non desereret; Cœlesti Patri
dilectissimus Filius adesset, ab hominibus aman-
tissimus Servator non abesset. O vim amoris in-
credibilem! Olim amoris sui pignus manna Iu-
dæis, hodie se ipsum Christianis indulget: olim
cum puer esset amantissimæ matris sinum gratissi-
mo pondere implebat, hodie cum triumphat in
sacerdotum sacratissimis manibus exultat: olim
artus humanos induit, hodie in hostiam induitur,
olim virginei lactis rore pascebatur, hodie pur-
pureo cruore nos pascit. Equidem magnus olim
amor fuit Arthemisæ Reginæ, quæ Mausoli Regis
mariti sui cineres vino mixtos epotando vinum
ipsi ac spirans sepulchrum intra sui pectoris augu-
stias adornavit. Magnus etiam Romanæ illius
filiæ, quæ intra carcerem exerto ubere matris fa-
mem lactis sui subsidio lenivit. Magnus & illius
Petrus, quæ patrem suum jam ultimæ senectutis
virum custodiæque traditum velut infantem pe-
ctori suo ad motum aluit. Sed major est amor
Christi profecto, qui non lacte aliquo, sed sangui-
ne pretiosissimo nos nutrit; non reliquias aliquas
corporis sui, sed seipsum totum hominem ac to-
tum Deum in hominum animos insinuat, & ut
possit, in exigui panis speciem sese transmittit. At-
que hæc est hostia illa trophæum Amoris, miracu-
lum Amoris. Thesaurus Amoris. Hæc est hostia
illa, invidiæ ac mundi victrix, inferorum domi-
trix, mortis triumphatrix, Cœli lumen, Terræ co-
lumen, quæ non biduo aut triduo, sed toto natu-
ræ hujus ævo hominibus adorantibus, Cœlestibus
applaudentibus triumphavit, & vero etiamnum
triumphat. Erigite animos & triumphi appa-
ratum, splendoremque videte.

Non

Non expectatis, opinor, ut aut Romam, aut in civitatem aliquam aliam amplissimam, ubi vel in clivo Capitolino, vel in foro, vel ad portam consistentes apparatus triumphi ordinem spectetis, vos deducam. Non enim in urbe aliqua, sed in orbe toto triumphalis hæc pompa peragitur, ubi oppida portæ sunt quædam, civitates fora amplissima, templa vero ac delubra Capitoliorum instar aperiuntur & exornantur. Atque ita fit, ut dum per orbis universi regiones triumphus hic cælestis ducitur, in oppidis magna submissione cernatur, in civitatibus magno apparatu videatur, in templis ac delubris magno omnium cultu honoretur. Ita fit, inquam, ut in omnibus omnino imperii Christiani locis, quæ patet vel in surgentem vel in cadentem solem orbis, apud ipsos etiam extremos Indorum populos sacratissimum Christi corpus triumphet. Et quamquam non hoc tempore Triumphator hic noster quadrigis albis per laureatas militum cohortes vehatur, non religatos ad currum suum debellatos à se Monarchas superbetrahatur, non miserandam captivorum hominum multitudinem ante currum Impellat, adsunt tamen Ecclesiæ Pontifices, qui comitantur, & triumphantem submissis infulis adorant. Adsunt Principes, Reges, Imperatores, qui cum etiam comitentur positis sceptris suis ac diadematibus Triumphatoris sese famulos percussis pectore pronoque corpore consententur. Adest Christiana plebs universa; & stratis verno flore plateis, domibusque vel multa fronde, vel longo tabularum pulcherrimarum ordine velatis triumphantem profundissima submissione Deum suum appellat, & prostrata gestientibus animis adorat. Nihil dico de cætero rerum aliarum apparatu, nihil de sufficientis, nihil de musico concentu, nihil de facium ardentium coruscatione, vos enim qui interesse soletis uni-

*Locus tri-
phi.*

*Comitatus
triumphantis
Christi.*

Transitio

Ab enumeratione exemplorum.

universa hæc non raro videtis. Videre vultis autem procedentes aliquos in hoc triumpho Imperatores. Videte Ferdinandum II. Cæsarem hodie Catholicissimum media in urbe Viennensi spectante populo desilientem e rheda, ut Sacrosanctam Hostiam iter pedibus ingrediens comitetur. Videte Austriacæ Familix caput Imperatorem Rodolphum I. ex equo subito descendentem, equo suo Sacerdotem, qui sacram Hostiam gestabat, imponentem, & velut à pedibus franisque minister esset, triumphantis equum manu sua deducentem. Deesse nunquam in hoc triumpho voluit, quisquis in hac augustissima familia lucem aspexit. Et ille noster, qui iam vixit, Albertus Pius quoties ex equo desilivit? quoties e rheda sua prosiluit, ut huius triumphi sacra portantes Sacerdotes ipse pedes sequeretur? Videte Reges ac Principes ac alios. In Aragonia Siciliaque Regem Alphonsum; hic sacratissimæ cum obviam factus esset hostiæ, confestim ex equo sese in terram abiecit. In Francia Christianissimam verè Reginam Isabellam: hæc ægra quanquam esset, ne transeunte tamen hac pompa parum decore sederet, deponi sese ex vehiculo curavit. In Scotia Davidem Regem; hic cum exhaustis pœnè corporis viribus gressum ægrè figere posset, ne tamen in hoc triumpho desideraretur, medius duos inter sacerdotes eius imbecillitatem sua opes sublevantes procedebat. In Anglia Henricum octavum; hic ut triumphatori nostro debitum exhiberet honorem, quanquam esset iam Apostolicæ sedis inimicus, infra terram abiicere sese posse concupiscebat. In Polonia Vladislaum; hic ut tanti triumphi splendorem augeret sanctissimi Christi corporis titulo templum velut magnificentissimum quendam triumphalem arcum dedicavit. Fecerunt id alii plurimi (neque enim alios enumerare omnes hic possum) fecerunt, inquam

quam, & cum universa plebe triumphum hunc munificentia pietateque sua præses condecoraverunt. Dicant nunc & debacchantes dicant Iudæi, aliquando se corpus hoc in crucem egisse: egerunt sanè, sed quod nunc frementibus ipsis & exilium suum frustra deplorantibus triumphat. Frendeant, & ore impudentissimo blasphement Hæretici; imo etiam, cultris, mucronibus, ferro, flammis, in sacratissimum hoc corpus conspirent, transfodiant, conculcent, in cloacas aut flammæ perditissimi Sicarii, & Dæmonum satellites abiciant triumphat tamen, & frustra eorum invidia tingente, frustra eorum armis sævientibus, frustra eorum animis, debacchantibus ad Ecclesiæ Romanæ summam gloriam, & Hæreticæ pravitatis sempiternam infamiam triumphat. Neque vero in hoc triumpho aut triumphantis liberalitas deest, aut immolanda victima desideratur, aut convivium à quoquam expectatur. Victima est, qui triumphat, & quotidie solemni Ecclesiæ sacrificio (ô inusitata benignitas!) immolatur. Cibum est, qui triumphat, & quotidie magnificentissimo in Ecclesiâ convivio Catholici convivæ (ô divina benevolentia!) recreantur. Iam vero quam multi sunt, qui innumeris maximisque in hoc triumpho donis cumulantur, dum alii corporis afflicti sanitatem recuperant, alii mentis divinæ fervoribus inflamman-
 tur; hic vinculo nexibus expeditur, ille agitato inter fluctus naufragus servatur. non pauci è mortis quasi faucibus singulari triumphantis huius corporis beneficio eripiuntur. Quod si quis triumphi præcones fortasse quærat, quod in Ecclesiâ sunt Scriptores, tot huius triumphi ac Triumphatoris sunt buccinatores: quot in cælo cœlestes sunt spiritus, tot in hac triumphali pompa ad, spectaculum effusi sunt præcones. Quid igitur nunc restat? Faciamus profecto,

*Orationis cō-
 verso in tri-
 umphatoris
 huius inimi-
 cor.*

*Victima in
 hoc trium-
 pho oblata.*

*Dona distri-
 buta in hoc
 triumpho.*

*Præco eius-
 dem trium-
 phi.*

*Apostrophe
et votum ad
Christum.*

*Clausula cū
petitione gra-
tia.*

Et, quod absoluto olim Romani triumpho, qui nuncupatis in Capitolio votis gratiarum actionem Diis suis solemniter persolvebant. Et ecce iam animum subit duorum quondam, ut est apud Platonem, amicorum votum, qui cum in via in Vulcanum incidissent,isque ut quod vellent, postulandi faceret iis potestatem, iniice nos, inquit ipsi, in fornacem tuam, ut ambo inqueamus, aut malleis tuis ita nos contunde, ut è duobus unum efformes. Tibi nim. ita dicimus omnes, ô Christe, ô Triumphator auguste, tu nos in illam charitatis infinitæ fornacem iniice, ut toti in tuum amorem liquefacti resolvamur, imo tuæ misericordiæ ac benignitatis dulcissimis ictibus ita animos nostros contunde, ut nos in te transferas ac totos transformes. Hoc votum est nostrum Gratos animos vero si in hoc tuo triumpho requiris, en offerimus & amantissimos tui, & pro tuo illo in nos beneficio gratissimos. O si quiescere apud nos vel transiens tantum in hoc triumpho desiderares! En tibi cordium nostrorum altaria præparamus. O si remanere perpetuo etiam velles! En animorum nostrorum Capitolia quædam aperimus. Proice saltem, & effunde tua illa tot cælestium gratiarum munera, neque enim non esse liberalis iam potes cum triumphas, & ecce tibi animis applaudimus, ore acclamamus. Triumphæ Catholicorum decus & præsidium, triumphæ terror & domitor Hæreticorum, triumphæ veri amoris triumphum, & miraculorum omnium miraculum. DIXI.



ORA-

ORATIO IX.

DE LAUDIBUS

S. CRUCIS.

SEPTEM illa prodigiosæ magnitudinis opera, *Exordium à*
 quæ mundi miracula nuncupantur, *Reverendi septem mun-*
Patres, Honorandi Domini Sodales, etsi erant va- *di miraculis,*
 nissimæ quædam argumenta jactantiæ, tamen cum
 olim superstitiosa nimium Antiquitas, tum hodie
 vetustatis admirator mundus mirum est quantum
 extollat ac deprædicet. Simulachrū illud Olympi
 Iovis, quod ex ebore atq; auro Phydias supra alio- *Horum enu-*
 rum artificium æmulationem eximius fabricavit, *meratio.*
 Colossū illum in Insula Rhodo tantæ molis, ut
 sub ejus pondere tremere terra ipsa videretur,
 quem Cares Lydius extruxit, ingens illud Ephesæ
 Dianæ templum, in quod Asia universa, & cen-
 tum viginti septem Reges architecto Ctesiphonte
 suas opes congesserunt; superbissimos illos Ba-
 bylonis muros, quos trecenta hominum millia
 imperante Semiramide condiderunt, protentosum
 illud Mausoli Cariz Regis sepulchrum, quod evo-
 cati ex orbe toto præstantissimis artificibus Ar-
 timesiæ in maritum amor elaboravit; memo-
 ratissimas illas Ægypti Pyramides, quarum ma-
 ximam trecenta sexaginta sex hominum millia
 vix annorum viginti spatio perfecerunt; excel-
 sistimam denique turrim illam Pharum, Ptole-
 mæi Regis opus, quæ collucentibus ex alto igni-
 bus maria fere omnia collustrabat. Neque ego
 inficias eo defixam hic hæere potuisse homi-
 num admirationem, & cum opum immensita-
 tem, tum incredibilis substructionis artificium ob-

*Cruz Christi
hu omnibus
præstare o-
stenditur.*

obstupescere: quod si tamen ea omnia, & quæ-
cunque alia esse potuerunt nundi miracula cum
gloriosissima Servatoris nostri Cruce conferamus,
jacebunt illa infra hominum stuporem, & omnem
omnium ætatum admirationem solo Cruz occu-
pabit. Cui proinde merito dicemus:

*Cedant cuncta Cruci, cedant miracula
Christo,*

Vnum pro cunctis fama loquatur opus.

*Proposito
cum atten-
tionis capta-
tione.*

Quippe non ad inanem ostentationem est, sed
ad salutem; non ad temporis longissimi memo-
riam, sed ad æternitatem; non ebore, vel auro,
vel marmore superba, sed pretiosissimo filii Dei
sanguine rubicunda, ut divini in homines amoris
sit signum, partæ per Christum libertatis monu-
mentum, reportatæ de Morte & Dæmonibus vi-
ctoriæ trophæum. Atque illi cum idcirco libe-
rati per eam mortales cultum debeamus, confi-
gemus illi sane hodie debiti officii pignus, Pane-
gyricum aliquem, quem dum voce persolvo, Vos
idem amorem, gratitudinem, obsequium, pro-
pensæ benevolentiae & attentionis calculo nume-
rate. Non immemor ero me de Cruce dicere, cu-
ius verticem cum acutissimarum diadema spina-
rum inumbret, flores dicendo non consecretabor;
& cum tota sacrosancto cruore rubeat, nequa-
quam lenociniis, & pigmentis facundiae oratio no-
stra luxuriabit. Misceamus cum dolore lætitiā,
& cum dolor lætitiæ sit causa, lætitiā sine dolo-
re nullam admittamus.

*Primum
confirmatio-
nis argumen-
tum ab amo-
re Dei.*

Curiosus nimium essem, & temerarius etiam
fortassis, si divinum amorem nunc in hanc, nunc
in rem aliam ponderare conarer; pace tamen
tua, ô Divina Maiestas, & assentiente universo
mihi mundo dicam, nihil unquam tanto amore
prosecutus esse Deus videtur, quanto Crucem.
Vix dum immensam hanc rerum omnium ma-
chi-

chinam omnipotenti manu condiderat, & jam in illo voluptatis paradiso Crucis typum ac symbolum vitæ arborem esse desideravit, illam dilecto suo Patriarcho Jacob ostendit, cum portentosam illam scalam, quæ solum ima parte, superna cælum tangebant, ejus admirantis oculis subjecit. Illam legato suo Moyse demonstravit, cum virgam eam illi dedit, qua tot miracula obstupesciente natura patravit. Illam Aaroni per virgam aliam exhibuit, quæ cum arida esset, repente velut infuso divinitus succo, effloruit. Illam universo Israelitam populo proposuit, cum eremus est æneus ille serpens, cujus aspectu infirmitatis humanæ vulnera curabantur. Vidi illam Ezechiel tanquam arborem supra montem excelsum; vidit Patriarcha Noë, tanquam prodigiosam arcam, in qua universum genus humanum servaretur; vidit Isaias Propheta tanquam clavem domus David, qua clausum prisco ævo cælum referretur; vidit Elizeus tanquam lectulum, in quo posteaquam sese ipse expandit, mortuum puerum ad vitam revocavit. Ita Deus tantopere Crucem etiam cum modum esset, diligebat, ut quibusdam figuræ ejus tabulis sese oblectaret, suis amicis ad spem excitandam eas ostenderet, universo terrarum orbi tanquam signa futuræ libertatis exhiberet. Posteaquam vero revoluta retro tot sæcula fortunatissimum illud tempus adduxerunt, quid inter homines occulta majestate præpotentis Dei filius naturam nostram asserere in libertatem incepit. Deus immortalis! quos non honores in Crucem suam congescit? Cum illustrare mundum universum tanquam lampas fulgentissima desideraret, fuit illi Crux candelabrum: cum offerre sese æterno Patri victimam anhelaret, fuit illi Crux altare: cum mori pro hominum vita vellet, fuit illi Crux lectus: cum appendere mortalium omnium

*Figura qua
crucem hanc
designarunt.*

*Amplificatio
eiusdem
crucis amoris.*

peccata ac sua simul merita in Divinæ Iustitiæ tribunali optaret, fuit illi Crux statera? cum accipere summi Regis in terra ac cælo potestatem deberet, fuit illi Crux thronus & solium regale: cum Ecclesiam deperiret, atque illam sibi carissimam sponsam conjungere festinaret, fuit illi Crux thalamus nuptialis: cum ad victoriam triumphumque de immanissimis naturæ nostræ hostibus properaret, fuit illi Crux gladius quo mortem Dæmonemque debellavit. Vereor ne quod

*Christus sine
cruce nihil
voluit.*

dicturus sum, quemadmodum ipse sentio, fortassis non intelligatis; hoc dico, nihil sine Cruce potuisse, aut certe nihil voluisse Christus videtur. Sed erat ferventissimus amor ejus in Crucem, quo ita animo sauciatus est, ut quodammodo seipsum in Cruce pendendo Crucem effecerit. Et quicquam aut ad dignitatem majus, aut ad gloriam sublimius esse potest? Nondum sermonem hunc retexo, & quia vere, audacter dico, nihil etiam hodie in Ecclesia posse vult Christus sine Cruce. Estne aliquis in Ecclesiam per baptismum recipiendus? Cruce signatur. Estne jam receptus divino quodam robore confirmandus? Cruce signatur. Estne quandoque post divinarum legum prævaricationem expiandus? Cruce signatur. Est Crux, quæ collatarum in Ecclesia dignitatum est signum, quæ matrimoniorum fœdera perficit, quæ morituris spem & animum addit, quæ rebus omnibus Divino numini ac religioni consecrandis adhibetur, quæ adversus Dæmonum vim tanquam machina fortissima

*Ab enumeratione par-
tium.*

admovetur. Atque, ut quod caput est non omit-
tam, sine cruce sisti Christus in altari non vult, atque ibi cum pro immensa sua bonitate præsens est, (ô quam incredibilis est ejus in crucē amor!) cruci iterum, quam repetitis tot vicibus formant sacerdotes, sese submittit. Ita Crucem amat, ut ejus oblivisci non possit, & cum gloriosissimus

Amplificatio eiusdem.

in illa sua æternitate obtemperante univèrsa natura triumphet, ad illam tamen in terris redit, non ut patiatur, (et si vellet si opus esset) sed ut amorem suum contestetur, non ut illam impijssimis & efferatissimis Iudæis exprobet, sed ut Christianis, charissimis filiis suis commendet. Quanti vero, obsecro vos, amoris hoc est signum, in principatus sui argumentum crucem assumere? Præferetur illi crux, si Augustino credimus, cum ad iudicium de universo humano genere faciendum accederet. Quanti est honoris istud signum cælo Crucem inferere? inferetur illa, quemadmodum constans Theologorum est opinio, cum indicta rebus omnibus quietis lege æternus benemeritis triumphus decerneretur. Quamquam non ipse tantum tantos Cruci honores confert, verum etiam mortalium omnium venerationem illi conciliat. Illi lunas suas oriens, illi aquilas suas occidens submittit; huic tyara Persica, & Romana, myrra cedent, hanc ultimi terrarum Indi adorant; huic Regum & Imperatorum poplites sese incurvant, & ad eius oscula totius mundi Magnates procumbunt. Constantinus M. Imperator labarum illud, quod gestari ante Imperatores, & à militibus adorari solebat, in crucis similitudinem efformavit, ut iam inde venerari Crucem milites addicerent; ne facinorosi deinceps, ulli cruci affigerentur gravissimo decreto cavit, ut non amplius crucem mortales horrerent, sed honorarent; imo etiam aureis argenteisque nummis Crucis figuram imprimi mandavit, ut cum homines quodam erga pecuniam amore ferrentur ipsam quoque Crucem amarent; Quid quod Theodosius & Valentinianus Cæsares, quibus diligens admodum cura erat, per omnia superni numinis religionem tueri, severissime sanciverunt, ne in solo, in silice, in marmoribus humi positis aut pingeretur Crux,

Amor & honor quo mundus crucem afficit.

Ab exemplis

*S. Chryso-
sti de hac
crucedictum*

*A testimo-
niis*

Contrapospita

Prosopopeia.

aut sculperetur, ne sacrum humi signum pedibus conculcaretur? Tanto erat apud veteres illos augustissimos Imperatores in honore Crux, ut cruce munire frontem mallet, quam diademate caput ornare; ideoque cum in sacras ædes ingrediebantur, coronas suas deponebant, & Crucem frontibus suis confestim imprimebant. Quis iam cum Chrysostomo non ita exclamet. Hoc maledictum, hoc abominabile, hoc extremi supplicii symbolum, Crux, diadematibus & coronis clarius est factum. Quis non cum Augustino ita dicat, iam in fronte Regum Crux illa fixa est, cui aliquando inimici insultaverunt. Quis non cum Hieronymo ita affirmet, iam regum purpuras, & ardentes diadematum gemmas patibuli salutatis pictura condecorat. Iam vero si potentissimam vim Cruce attendamus, nihil unquam aut efficacius reperiri, aut potentius excogitari posse confitebimur. Testes sunt primi illi duodecim Ecclesie Antistites Apostoli, quibus tam gloriosas de mundo victorias non alia, quam vis Crucis, comparavit. Testes sunt Martyres, quorum invictos adversus tyrannidem animos Crux effecit. Testes sunt Confessores, qui cum impressam animis suis crucem habebant, caelestibus imbuti præceptis mundum irriserunt. Testes sunt Doctores, qui aliunde, quam à Cruce fulgentissimum doctrinæ suæ lumen hausierunt. Testes sunt Virgines, quæ Angelicam vitæ suæ puritatem uni cruci acceptam retulerunt. Quid dicetne aliquis nihil Cruce infirmius esse? fortitudo est infirmitate; nihil vilius? splendor est in vilitate; nihil ignominiosius? decor & honor est in ignominia; nihil molestius? iucunditas est in molestia. Loquatur Divus Laurentius, & craticulam melitensi pluma molliorem sibi fuisse declarabit. Loquatur Diva Cæcilia, & suaviores fuisse sibi laminas ardentes quam Helenæ

unguentum, affirmabit. Loquantur uno ore Martyres omnes, dicent sane Christi Crucem carbonibus suavitatem, eculais dulcedinem, rotis iucunditatem, patibulis lætitiā, tormentis denique quibuscunque aliis gloriam aspersisse. Quippe fuerunt olim omnes in Cruce dolores, ut qui illam postea sequerentur, aut nullos invenirent, aut eos caelesti quadam suavitate permixtos haberent. Placene ut admirandam adversus hostes aliquos Crucis potentiam consideremus? Nolo nimis antiqua in memoriam revocare. Notus est Constantinus Imperator, qui de Maxentio, de Bizantinis, de Scythis beneficio Crucis triumphavit, Taceatur. Notus est Rex Anglorum Osvaldus, qui cum in feralem adversus infideles arenam descensurus esset, erigi Crucis insigne curavit, coram quo cum prostrati milites divitiā opem imploravissent, gloriosissimā de suis hostibus victoriā reportaverunt. De eo nihil dicatur. Notus est Theodosius Imperator, qui adversus Eugenii Tyranni innumerabiles copias parvam manū præeunte Cruce ducens commemorandā apud omnes posteros victoriā est consecutus. Sileamus etiam illam, & posterorū ætatum fidem testemur. An non celeberrimus Astriacæ Familix conditor Rudolphus Imperator, dum exercitui suo sacrosanctā præferri Crucem iubet, rebellem Bohemix Regem Otocorum debellavit? An non illustrissimum eiusdem familix columen Carolus Quintus in expeditione Tunetana sollicitis ac trepidis Ducibus suis pendentis in Cruce Christi vexillum sua ipse manu sustulit, & hoc Duce vincendum esse proclamavit; An non victoriosissimus Ioannes Austriacus, cum acceptum à Pontifice Maximo Crucis vexillum in Prætoria triremi crexisset immanissimos ad Naupactum Turcas profligavit? An non piissimus hodie Imperator Ferdi-

S. Crucis contra hostes potentia.

Amplificatio.

*Oratio.**Cruce omnium
virtutum
schola.**Definitiones
conglobata.*

nandus II. nuperrimam ad Pragæ muros in Bohemia victoriam sanctissimæ Cruci, cuius signum præferebatur, acceptam refert: Vincit, triumphat, invicta est, serenissima illa Principum Austriacorum Familia sed, audeo dicere, tantam incredibilis potentia suæ magnitudinem Cruci debet, & verò etiam agnoscit. Atque utinam dum externa hodie domesticaque bella undique detonant, confundunt, subvertunt, perdunt omnia, dum tumultus, velut undæ vndas, sic alii alios tridunt, dum Hæreticorum rabies vires suas latius in dies & cruenta tyrannidis suæ brachia porrigit, hæc Crucis lorica pectus suum Christiani Principes protegerent, hæc galea caput suum custodirent, hoc gladio manus suas armarent! Enimvero ne de nobis nequaquam solliciti videamur, cum lignum, ut inquit Augustinus, ubi fixa fuerunt membra patientis, etiam cathedra fuerunt magistri docentis, si nos veræ institutis ac doctrinæ studiosi sumus, hæc est schola nostra, Sodales, Crux sancta. Illa nobis amorem explicat, ne arrogantes simus; illa patientiam nobis ostendit, ne ad molestiarum aspectum humeros contrahamus; illa pugnandi modum docet, ut tentati non succumbamus; illa efficacissima remedia suggerit, ut in vitiorum nostrorum morbis non desperemus. Illa depellit ærumnas animi, non inserit; distrahit curas, non seminat, laxat dolores, non intendit: attollit spiritum, non deiecit, Mater est lætitiæ, fidei basis, anchora spei, fomes amoris, patientiæ speculum, elatione globata. vis cæli, polaris viræ stella & lucidissima Cynosura. Tentari sub Cruce quisquam vix potest, vinci non potest. O si faxit Deus, ut ramos tuos apprehendamus, ô felix palma! O si de amaritudinis tuæ fructu comedamus, maioris flosculos decerpamus, fasciculum aliquem myrrhæ tuæ colligamus! Submitte cacumen sublimis arbor in fide.

infleſte ramos, ô nobilis planta, ut, quid dicam manu? imo animo contingamus, ut ſaltem ſub umbra tua cum ſupremi tribunalis Iudex adveniet, ſecuri reſpiremus; ac tecum in campos illos beatorum perenni Maio vernantes abeamus? Hoc optemus, Sodales, & nihil amplius dicamus. DIXI.

*Apoſtrophe
ad ipſum
crucem.*

ORATIO X.

DE CONVERSIONE
D. PAULI APOSTOLI.

Permulta ſunt, quæ cum Divinæ Majeſtatis omnipotentiam clariſſime mortalibus omnibus manifeſtent, tum incredibili contemplantium hominum animos admiratione deſigunt. Vniverſam hanc univerſi machinam, cœlum & terram nulla antegrediente materia creare, rudem poſtea indigeſtamque molem ordinare; Sole, Luna, ſtellis Cœlum: arboribus, plantis allis ac floribus Terram ornare; per medias Oceani rubri aquas fugientibus Ægyptia eam ſervitutem Iſraelitis, ſiccum iter præbere; ſolem ſuo incurſu, fluvios ſuo influxu ſiſtere; ignibus vim adurendi adimere, vita functos effractis mortis repagulis ad hanc lucem communemq; ſpiritum hauriendum revocare, Dæmones in fugam conjicere, ſurdis auditum, cæcis viſum, multis loquelam, agris ſanitatē natura obſtupeſcente ſola voce, aut nutu duntaxat; aut attractu reſtituere; alia denique, quæ cum à cœli ac terræ Monarcha produci poſſint, tum omnium ſapientum acumen, atq; adeo rationis humanæ vim omnē effugiunt, & concitatā ſiſtunt ad-

*Exordium
ab in qua
potentiam
Dei maxi-
me oſten-
dunt.*

*Clarius his
omnibus si-
gnum pecca-
toris conver-
sio.*

*Amor Dei
ad eandem.*

*Orationis
distributio.*

mirationem. Ut hæc tamen maxima sint, admira-
randa sint, divina sint, nihilominus longe ma-
jus, admirabilius, divinius est, & quod solam di-
vinæ Maiestatis vim omnipotentem certissimo
argumento, clarissimoque signo manifestare po-
test, hominem peccatorem à devio in viam, à te-
nebris in lucem, à dæmone ad Deum, quasi sensu
mutatum, mente animoque novum convertere,
allicere, pertrahereque. Neque vero illa hominis
peccatoris conversio divinæ potentia ac benigni-
tatis tantum est opus. verum etiam tale, in quo
assidue laborare ter Opt. Max. Deus concupiscit,
ex quo summam haurit oblectationem, in quo
victoriae suæ trophæum erigere augustissimique
triumphi honorem collocare non desistit. Adeo
jucundius honorificentiusque est omnipotentis
Majestati aberrantem ac perditum hominem ali-
quem saluare, quam universæ naturæ molem è
nihilò creare, hominis peccatoris tenebras di-
vina luce illustrare, quàm cœlum tot illis pul-
cherrimis ac flammantibus syderibus adornare.
Quod cum alias sæpissimè, ex hominibus vilissi-
mis Ecclesiæ Antistites & Reipublicæ suæ Prin-
cipes, ex Publicanis Apostolos, ex incantatoribus
& magis Martyres gloriosissimos, ex idololatri
Ecclesiæ Doctores, luminaque fulgentissima pro-
ducendo declaravit; tum profecto vel maximè,
cum Paulum Christianis tum primum nascenti-
bus exitium nefariè molientem, eorum sangui-
nem ac mortem anhelantem, inita cum eo quo-
dammodo pugna superavit, ad se convertit, ex
lupo rapacissimo ac crudelissimo, agnum mitissi-
mum & mansuetissimum, ex Ecclesiæ persecu-
tore Ecclesiæ Doctorem, propugnatorem, ac
clarissimum lumen effecit. Quæ de re quoniam
ita visum est, ut pro huius diei celebritate, atque
in hoc Divis omnibus sacro loco hodie disscere-
rem, dabo inprimis pugnantem cum Deo Pau-
lum,

lum, ac tum triumphantem de Paulo Deum, ipsū-
 que de seipso, Paulum victoriam reportantem. Co-
 gitare, Sodales, intueri vos in Paulo peccatorem;
 hunc enim per illum represento: in Deo clemē-
 tissimum iudicem, hunc enim designo. Nolite ve-
 ro iam à me vim aliquam humanæ eloquentiæ ex-
 spectare, ubi vox divina fulgurando furorem hu-
 manum confundit; malo quippe in pii Sodalitis a-
 pud vos, quam facundi Oratoris opinionem venire
 Atque; ut à pugna ipsa initium ducentes ad victoriā
 triumphumque procedamus, solent orbis Principes
 ac Reges ac priusquam ad arma castris opposi-
 tis vel cum aliquo rebelli descendant. Legatos ali-
 quos cum mandatis ablegare, qui solenni ritu ac
 caeremonia vel res ab hoste captas repetant, vel de
 iniuria conquærantur, vel rebelles ad Principis sui
 obedientiam revocēt. Quod profecto summa pru-
 dentia Romani Reges lege sanciverunt, ut prius
 pacis & æquitatis viæ, quam armorum inter ho-
 mines tentaverunt. Vbi vero res ablata denegan-
 tur, nulla iniuriæ reparatio fit, nec Principis au-
 thoritatem ac maiestatem subditus rebellis ag-
 noscit, bellum indicitur, miles confcribitur, ad
 pugnam, ad manus, ad victoriam de summa re-
 rum decernendam itur. Eodem prorsus modo
 celestis Imperator Christus Dominus cum Sau-
 lum subditum rebellem, atque Ecclesiæ suæ na-
 scentis hostem acerrimum, multa in discipulos
 nefariè cogitantem, multa crudeliter mohentem
 videret pro sua singulari benignitate & clemen-
 tia monendum illum esse prius existimavit. Mo-
 nuit per Apostolos inprimis, quorum ipse publi-
 cis & celeberrimas de Christo conciones, admi-
 randa virtutum exempla, incredibilem omnino
 patientiam non ignoravit. Quibus sanè modis
 monere delinquentes Divina Maiestas solet, ut
 cum divini verbi præcones audiunt, sui officii re-

*Benevolen-
 tia captatio.*

*Confirmatio
 à more regū
 mundanorū*

*Applicatio
 eiudem mo-
 ris ad Deum.*

*Legatos Dei
Paulus sper-
nit.*

cordationem assumant, cum exempla virtutum intuentur ad virtutem excitentur; cum aliorum patientiam admirantur, ipsi ad perferendum aliquid amentur. Verum cum legationem hanc primam nescio quo furore tandem correptus non audiret; aspernaretur, respueret, benignissimus Imperator graviter animo exulceratus suum illum Athletam sub alienis signis militare, generosissimi martyrum omnium Ducis Stephani oratione rursus illum ad sese vocavit, atque etiam omnium antea illatarum iniuriarum oblivionem, ne ullum ipsi peccatum adscriberetur, proposuit. Quid ille vero? Adhuc spirans minarum & cadis contra stimulum calcitrabat: imo vero surgebat in eo furor, & ferventissimum animum pudebat plus ore posse, quam manu; pudebat in latebras tantum conicere, non etiam in crudelitatis arenam Christianos illos novos catenatos flagellatosque protrahere. Abit igitur ad

*Persecutio
Pauli.*

Pontifices, mandati tabellas, quarum autoritate in Christianorum caedem grassetur, petit, tabellas obtinet, gessit & exultat, armat animum ira furoreque corpori arma circumponit. O vanam humanam audaciae confidentiam! O caeam animi nimium confidentis audaciam! Subsiste parumper hic Saule, & tu cum illo subsiste peccator; temerarii profecto, non prudentis est Ducis, suas tantum, non hostis vires ponderare. Quid agis igitur? quoniam abi? in quem furorem istum, atque ista arma distringes? Si nimium quid discipulorum uni feceris, ipsi Deo facies; & Deum irritabis? Si tetigeris illos, ipsum Dei pupillam tanges, & Deum istu aliquo sauciare praesumes? Nescis illum esse, qui fulgura mittit, & eunt, & reverentia dicunt, adsumus? Qui, nubes extendit quasi tentorium suum, & fulgurat lumine suo desuper? Suspice caelum, altius est; si peccaveris, quid ei nocebis? at si multipli-

*Apostrophe
ad Paulum
& dissuasio
ab incerta
persecutione.*

plicata fuerint iniquitates tuæ, quomodo fulmen
 ejus evitabis? Deus est ultionum, quem petit; si
 pugnam cupis, cades: Deus est virtutum & Ma-
 jestatis, si victoriam speres, de te illam dabis. Est
 ille, quem vestra illa Synagoga diademate spina-
 rum plexili coronatum, nefario consilio in cru-
 cem egit, sed qui devicta morte sepulchro invio-
 lato redivivus triumphavit. Et in eum certare
 cupis, qui mori amplius non potes? Ejus Eccle-
 siam convertere tendis, *qua per damna, per
 cades, ad ipso ducit opes animumque ferro?*
 Nondum ista crudelem animum ab immani cogi-
 tatione deducunt, mitius loquar & agam. Illum
 persequeris; ô Saule, ô peccator, qui ut te redi-
 meret sanguine suo purpuratus vitam exhalavit.
 Vide pedes ejus, vide manus, & impressa passæ ti-
 bi salutis vestigia videbis Pater est misericordia-
 rum, quid opponis crudelitatem? Deus est con-
 solationis, quid turbas? An non satis esse debe-
 ret, quod Stephanum ejus sub crepitantium mo-
 le saxorum fariscentem emori spectasti & risi-
 sti? quod lapides ministrasti? quod omnium
 penes te vestimenta servavisti, ut scelestissimo o-
 mnium officio impios Lictores demereris? Nec
 timore vincitur furor, nec amore; abit, pu-
 gnam vult & cadem, campum ingreditur. Ita
 ruunt, ruunt peccatores, & sæpe corruunt. Quid
 hic vero Christus? Paratus est, certamen non
 detractat, summo gaudio, summa alacritate,
 in arenam, in pugnam; quid hic dicam? Ange-
 lum fortassis aliquem immisit? Satis fuisset,
 nolite tamen expectare? Divorum forsitan
 quempiam? gloriosum id fuisset, sed nec tamen
 expectate: ipse, ipse CHRISTUS in hanc pu-
 gnam & arenam descendit. Pugnam vult, non ut
 sanguinem, sed amorem eliciat: pugnam vult
 non ut solus triumphet, sed victum victorem.

*Certamen
 Christi cum
 Saulo.*

Prosopopæia. efficiat, & suum in Capitolium triumphantem inducat. O incredibilem amorem; ô quanto descriptio peccatorum salutem anhelat & querit Deus! Non dubito quin tum è cœlo illo suo ita dicebat! Nemo, nemo rapere eum de manu mea; tenebo eum nec dimittam, & quia fûnes peccatorum circumplexi sunt me converso tandem obsequio, in funiculis charitatis traham eum. Ecce ego lactabo eum, & loquar ad cor ejus. Saule, in charitate perpetua dilexi te, ideo attraxi te miserans tui. Salve fili, si te lactaverunt peccatores, nec acquiesciseis, ecce ego lactabo te, quin imo jam te redemi, & meus es & sum tuus. Ita quidem amor ille divinus, sed ad pugnam, ad arma parati sunt utrimque pugnatōres; hinc Saulus illinc Christus; hinc homo, illinc Deus; hinc peccator, illinc peccatorum iudex & vindex. Pugnae campus spatium est illud immensum, quod à cœlo in terram, à terra in cœlum usque protenditur. Consistit in terra Saulus, in cœlo Christus. Expeditus in equo, Saulus, lorica clausus, galea testus, gladio fulmineo accinctus comites secum equites alios ducebat, furore ipse plenus, corde crudelitatem, ore minas, manus cædes & sanguinem anhelabat. Christus vero nubium curru vectus, amore, quo Saulum deperibat, armatus, lorica misericordiae, per quam omnium salutem respirat circumdatus, ad hostem & rebellem accedebat. Videte nunc, Sodales, congressum: Medium campum jam Saulus ardens tenebat, cum ecce circumfulsit illum lux de cœlo, jaculum scilicet sed lucis jaculum Christus emisit, quo sauciatus ille in corpore sed sine vulnere ex equo deturbatus ac prostratus, sed sine sanguine victus, sed sine morte fuit. Naturales Philosophi, qui in scrutandis Naturæ arcanis occupantur, tradunt, non retibus aut venabulis ad tygrides capiendas opus esse, sed speculis duntaxat, quæ

Contrapositione

Vivusque beliantis descriptio.

Saulus in terram deiecitur.

quæ ita mediis in viis erigantur, ut oriens ex ad-
verso sol suos in ea radios proiciendo velut ali-
um solem producat. Ad hæc specula cum tigri-
des accedunt, in iisque solem alium, atque scir-
pas intuentur, quasi illaqueatæ subsistunt, nul-
loque negotio capiuntur. Ita plane cum Saulum
tanquam tygridem furentissimam capere atque
irretire cœlestis Imperator concupivit, illi divi-
næ lucis suæ speculum opposuit, in quo cum ju-
stitiæ solem, atque adeo seipsum errantem intui-
tus fuit, è vestigio substitit velut incantatus, seq-
capiendum in terram abjecit. Sed ecce secundum
mox è cœlo jaculum, missile jaculum, & quin-
que duntaxat vocum : SAVLE, SAVLE, QUID *Secundus*
ME PERSEQUERIS ? Potentissimum profecto *ictus*
amoris & misericordiæ jaculum, quo sauciatus
animo Saulus, ex ore minas, ex corde furorem; ex
manibus arma rejecit & acclamans : D OMINE
QVID ME VIS FACERE ? Victoriæ de se *Saulus*
cœlesti Imperatori porrexit. Tua est, inquit, ô *Christo vi-*
Christe victoriæ. Audite victum & prostratum : *Victoriæ con-*
Vicisti Christe, & ô me miserum peccatorem ! *salutis.*
In te armis confurrexi, te amore mecum pugna-
visti; ego furorem objeci, tu misericordiam op-
posuisti : ego imprudens me perdebam, tu mise-
ricors & clemens me salvaisti. Vbi sum ? Lucem
oculis meis ademisti, sed animo salutare lumen
adjecisti : nihil video, & te tamen jam agnosco,
& te cupio ? jaceo, & ad te simul assurgo. O be-
nignissime Christe ! O Iesu Nazarene ! Et me
hostem tuum, in misericordiæ tuæ sinum addu-
cis ; Et me rebellem tuum tua manu excipis. tuæ
benignitatis ulnis amplecteris ? Et me tui San-
guinis inimicum, tui Sanguinis participem facis ?
Actum est, vicit Saulum Christus, & de Saulo tri-
umphat. En ille, qui hostis erat, jam amicus est ;
qui persecutor, jam propugnator est : qui lupo
rapacissimus, jam agnus mitissimus est ; qui Sau-
lus

lus, jam Paulus est. Ita nimirum non vult mortem peccatoris Deus, sed magis ut convertatur & vivat. Ita nimirum, in funiculis charitatis suæ homines trahit, & quos peccatores iniquitatibus suis lactaverunt, ipse benignitatis suæ lacte, & pretiosissimo suæ misericordiæ sanguine nutrit & fovet. Utinam, utinam ita vincantur peccatores omnes à Deo, ut sese libenter submittant; ita immurentur, ut vitam antea actam relinquunt; ita in triumphum à Deo ducantur, ut cum Deo simul ipsi triumphant. Sed qui triumphantem viderimus de Paulo Deum, victoriam de seipso reportantem, triumphantemque Paulum intueamur. Vix erat potentissimo illo divinæ vocis jaculo: Saule, Saule, quid me persequeris, transuerberatus, confestim Ducem suum & Imperatorem agnoscens, illi intellectum suum & voluntatem in obsequium perpetuum profundissima submissione præsentavit; & ut animum suum jam divinæ voluntati plane conformem ostenderet, quot ille inquirendo verba deprompserat, tot ille respondendo subjunxit: Domine quid me vis facere? Fuit illa vox victi, sed in qua esset sui ipsius victoris affectus: etsi enim non plura diceret, plura tamen ipse cogitabat. Cogitabat apud se (& utinam ita peccator cogitaret.) Ecce tu me vocas, ô Christe, præsto sum: alio quam volebam trahis, non resisto: furorem meum perstringis, relinquo. Sed tamen quid me vis facere? An ut hanc immissam in oculos meos caliginem perpetuo circumferam? paratus sum. An ut sim è tuis, qui tuorum eram persecutor? sim tuus. An ut arma in tuos distringenda deponam? depono. An ut tuæ legis sim præco, qui expugnator hæcenus vixi? Ero præco. An ut pro te sanguinem ac vitam effundam? effundam. Sed tamen Domine quid me vis facere? Paratum cor meum Deus, paratum cor meum. Quis mihi dabit pennas sicut

*Secunda
confirmatio
nus part.*

*Paulus tri-
umphans.*

*Apostrophe
ad Christum.*

columbæ & volabo (sed ad te) & requiescam (sed in te:) O insignem victoriæ palmam! Ita, ita peccator cum vocatur à Deo, moras ne trahat; cum celestis Imperatoris vocem audit, ipsi torum sese subiiciat, cum subito admonetur, subito sese offerrebat ac præsenteret; iracundiæ ardorem, si illo inflammetur, extinguat; carnis petulantiam, si illa titilletur refrænet; voluptatis cupiditatem, si peream incitetur, coerceat; non sit amplius suus, sed Dei, qui cum suus esse volebat, sibi peribat. Et nunquid, ô sanctissime Apostole, nihil aliud tuo illa tam prompta submissione voluisti, quam Ecclesiæ, cuius esse Doctor incipiebas, filios, ut sui ipsorum victores esse vellent, docere? sane qui seiplos vincunt, v. cto quodammodo Deo cælum ipsum expugnant: nec alii sunt, Ambrosio teste, violenti illi, qui cælum rapiunt, quam qui sibi ipsis vim inferunt, sibi que illata vi cælorum regnum v. rilitate conquirunt. Audivistis & ipsi legistis aliquando Leonem quendam furibundo impetu in Samsonem irruisse, quem cum illi non aliter; quam hædam suo illo immani robore prostravisset, ac prostratum dilaniavisset, in eius ore apum examen & mellis favum invenit. Hic erat, hic erat ille Leo ferocissimus, Saulus noster, qui cum in Christum concitato furore & impetu cæco ferretur una tantum divinæ lucis scintilla prostratus est, una tantum voce superatus est, at in eius ore mellis quoque, voluntatis nimirum submissæ favus, & celestium desideriorum examen est repertum. O si in te quoque atque in animo tuo, Peccator, posteaquam contra Deum ac legem sed tuam in perniciem rui, ille vero te vel in spiratione sanctissima, vel trepidantis conscientie stimulo percussit, exiguis obedientis & submissæ voluntatis favus reperiretur! Forte etiam à Philosophis illis Naturalibus aliquando didicistis, ita nonnunquam evenire, ut perdicum

*Admonitio
ad peccato-
res.*

*Alia apo-
strophæ.*

Testimonium

*Saulus leo
est à Sam-
sone occisus*

*Exemplum
à perdisci-*

Ova

bus deducit. Ova incubantes alie aves excludant, & enati ex
 iis pulli aves illas tanquam parentes sequantur,
 atque illis adhæreant, ubi vero propriorum illarum
 parentum vocem audiunt, canrumque percipiunt
 impulsu Naturæ quodam instinctu protinus ad-
 volant, parentes agnoscunt, sese illis adiungunt.
 Hic erat, hic erat verissimus illarum Divinæ Maiesta-
 tis pullus Sanctissimus Paulus, sed quem cum
 Synagoga exclusisset, ipsam suo in sinu detine-
 bat, ipse illi adhærebat; at vero ubi intonantem
 de celo Christi vocem & auribus & animo perce-
 pit, protinus verum suum Parentem Deum ipsum
 agnoscens, ad illum celerrimo concitati deside-
 rit volatu contendit, atque illi toto animo se
 iunxit. O si tu quoque Peccator, celestis illius
 Patris tui vocem, qui in Ecclesiæ suæ nido pul-
 lum amantissimum ex ovo cordis sui vix amarissi-
 mæ mortis generavit, audire velles, quam cito
 Mundum nutritum illum parentem tuum, quam
 cito Carnem adulterinam illam matrem tuam,
 quam cito Dæmonem, qui se tuum usurpata au-
 thoritate Dominum mentitur, relinqueres? ad
 Christum advolares? illi adhærere tota vita, imo
 æternum velles? Vidimus igitur trium-
 phantem de se Paulum: Utinam & ipsi de nobis
 triumphemus. Vidimus triumphantem de Pau-
 lo Deum! Utinam & ille de nobis triumphet!
Quæritis fortasse modum? Ecce prosternitur in
terram Paulus, qui ad portandum coram Genti-
bus sanctissimum Dei nomen vocabatur. Nimi-
rum submitteret sese Deo primum & animo &
corpore oportet. Excœcatur, qui Doctor Gen-
tium Gentibus omnibus lumen erat daturus. Ni-
mirum extinguenda est lux illa terrenorum affe-
ctuum, ut affulgere in animo possit lumen cale-
stium desideriorum. Assurgit è terra; qui cum
Deo agere, & divini spiritus virtute replendus
erat. Nimirum in Dei societatem venire non pot-
est,

*Conversio
ad peccatorem.*

Conclusio.

*Modus tri-
umphandi
S. Pauli.*

test, qui terrena assurgendo non relinquit, Hic *Adhortatio*
 modus est, SODALES, prosternamus nos, & Dei *ad Sodales.*
 Maiestatem profunda submissione horreamus. Ex-
 cæcemus affectus hos nostros, ut solum Deum in-
 tueamur: Assurgamus ab his rerum vanarum desi-
 deriis, ut Deum tandem aliquando capiamus. Ita
 nostri victores erimus. & de nobis Deo triumphū
 relinquemus. Triumphā igitur de nobis, ô Christe *Apostropha*
 benignissime, qui tui hostis acerrimi furorem ele- *ad Christum.*
 mentiz tuæ suavitatem vicisti, ideoque tibi applau-
 dimus. Tibi etiam ô sanctissime Paule, qui Deo
 tam promptā voluntate parendo teipsum supera-
 visti: sed effice, effice, sanctissime PAVLE, ut quo-
 niam tuus hodie natalis est dies, tecum Deo rena-
 scamus, tuus hodie conversionis est dies, tecum
 ad Deum convertamur. DIXI.

ORATIO XI.
 DE EADEM CONVER-
 SIONE D. PAULI
 APOSTOLI.

Ingeniosissimus Poëtarum omnium Ovidius, *Exordium*
 Ornatissimi Auditores, cum admirandum illud *à dicto Ovi-*
 Metamorphoseon opus, in quo summæ indu- *dii deduc-*
 striz penicillo divinam ingenii sui imaginem ex- *Hum.*
 pressit, auspicari desideraret, jure merito, si quid
 est in me judicii, eorum implorando Deorum
 opem, qui istarum erat transformationum au-
 ctiores, ita optime accommodatissimeque est
 exorsus:

*In nova fert animus, mutatus dicere formas
 Corpora Dii ceptis (nā vos mutastis & illas)
 Aspirate meis.*

Sed

*Invocatio
Christi.*

Sed & ego, qui hodie sæculis omnibus obstupescendam illam D. Pauli transformationem, quam intelligere cum nulla ætas satis unquam posset omnes tanquam Divinæ Omnipotentis singulare prorsus opus veneratæ sunt, oratione explicare contendo, non immerito sane ejus etiam, quem tantæ actæ incredibile mutationis auctorem confitemur aliquod orationi meæ auxilium implorabo. Tu igitur, IESU, qui Saulum in Paulum mutasti, & infestissimum Religionis tuæ hostem in Pietatis omnis propugnatorem, & Ecclesiæ tuæ Imperatorem transformasti, da, ut quod olim tanto benignitatis & misericordiæ affectu peregisti, hodie submisso tenuis orationis conatu Sanctorum omnium Sodalibus exponam. Nihil hic humana Eloquentia conari aut hiscere quicquam potest, si non aspires. Tua illa vox è nubibus audita dum Pauli animum percellit, hominibus omnibus cum terrore silentium indicit. Tua illa lux è cælo missa, dum Paulum inusitatis radiis circumdas, accingit, omnium oculos cum admiratione perstringit. Adeo sine te nec loqui fas est quicquam, nec videre. Vnum obtestor, ut si non tantæ rei dignitati parem, certè non ingratam tuæ Benignitati orationem absolvam. Videre fortasse vultis, AVDITORES, Saulum in primis ac nondum Paulum? dabo Saulum in primis: inusitatum deinde Metamorphosis hujus admirandæ modum explicabo modum illum deinde, Paulum tandem ac postremo mutatum? Paulum hic sistam postremo mutatum. Tantisper mihi cogitationum vestrarum usum cum benevolentia permittite.

*Orationis
distributio*

*Attentionis
captatio.*

*Henrici adolescentis
descriptio.*

Atque in primis ut auspicemur à Saulo putatore vos hic intueri Iuvenem aliquem insigni & heroicâ præditum indole, cujus in oculis flammæ, in ore minæ, in fronte ac toto vultu horror, in manibus arma, in animo odium, & ita qui cogitatio-

tionibus nefandissimis nihil aliud, quam incendia, devastaciones, sanguinem, mortes anhelet ac spiret. Si vultis etiam, in æquo vobis illum representare, cælum flammato vultu conspicantem, quasi nulla quorumcunque vis divorum conatibus eius posset obstare, terram superbissimo saltitantis æqui gressu prementem, quasi illa non cito satis suorum hostium cadaveribus pateret, dexteram fulmineo armatam gladio nunc turbine insano rotantem, nunc impetu ferocissimo vibrantem quasi certissimam inimicis suis mortem apportaret, & vero etiam, quod nondum mille interfectorum sanguine suum ensen purpuravisset indignaretur. Talis erat, ac eiusmodi indolis, animi, ardoris, & generositatis Saulus. Erat eius indoles alta, & ad omnem quodammodo magnanimitatem ac gloriam erecta; animus virtutis omnis & excellentiæ capax, sed cum in vitium cæco impetu torquebatur, ferox, impatiens, immanis: ardor tantus, ut cum aliquid pro patria Maiorumque Lege defendenda susciperet, quibusdam audaciæ flammis animus eius succenderetur: generositas vero tam ambitiosa, & veri honoris æmula, ut cum Deo se obsequium præstare, Patriæque suæ prodesse putaret, omnes infra virtutem suam labores suam supra pericula omnia fortitudinem æstimaret, nemini cedere vellet, & aut mori ipse, aut iis quos summa animi vehementia persequeretur, mortem inferre, deberet. Ita fiebat, ut primis nascentis cum Ecclesiæ Christianis horror esset Saulus, & illum à Synagoga missum tanquam quoddam abruptum è nube fulmen, cuius ictus omnia prosterneret protereretque, reformidarent Indolem illam familiæ generisque nobilitas erigebat; erat enim ex tribu Benjamin & nobili Iudæorum familia oriundus. Animum illum tam excelsum Græcorum litteræ, liberalesque Disciplinæ, & scientiæ

*Amplificatio
110 eiusdem.*

*Descriptio
hoc Saulo
ac commenda-
data.*

*Sauli Famili-
lia.*

Gen-

Gentilium excitabant; erat enim his omnibus excultus, & sacram insuper à Gamalielē doctrinam Hierosolymis acceperat. Ardorem illum ac tam vehementem generositatem insignis in patriam & instituta Maiorum amor efficiebat, erat enim, præterquam quod Phariseus, ea doctrinæ perfectione, ut alios eiusdem secum ætatis omnes longo intervallo superaret. Sed quemadmodum magna aliqua flamma opprimi cineribus non potest, nec intra nubem fulmen concludi; ita nec parietibus domesticis contineri Saulus, nec in otio conquiescere poterat virtus eius inflammata. Erumpebat ipse ardens odio in Christianos, domus pene singulas, & abditissima loca perscrutabatur, delitescentes multis in angulis viros ac mulieres summa sævitia in catenas carceresque pertraherat. Audebo dicere (nam ipse de se fateatur) persequeretur, devastabat, expugnabat Ecclesiam, & cum gratissimam præstare se Deo rem arbitraretur, imparem iustæ iracundiæ animum suum, & imbecilliorē ad hoc cedere, quod ipse anhela-
bat, dexteram suam ac gladium iudicabat. Non dubito, quin cogitationibus vestris iam obversetur lupus aliquis, qui, (dicam ut Poeta:)

Pleno inflatur ovili

Et fremit ad Caulas ventos perpeffus & im-
bres

Nocte super media, Collecta fatigat edendi
Ex longo rabies, & sicca sanguine fauces.

Applicatio:

Bene sanè cogitatis, rapacissimus erat lupus hic Saulus noster, qui Ecclesiam tanquam ovile quoddam, summo concitatus odio cingebat, omnium exitus ingressusque lustrabat, & dum in animo ignescebant iræ, qua via clausos excuteret, comprehendere, mactare, maxima apud se crudelitatem constituebat. Enimvero iam ecce aliud animo occurrat, & videre mihi videor immanem ali-

Comparatio:

ali-

aliquem Barbarorum Imperatorem, qui civitatem è nostris aliquam innumero propemodum exercitu cingat, muros validissimis machinis concutiat, multos quotidie cives contrucidet, reliquos in urbe propugnatores ad extremam rerum omnium inopiam adiget. Sed aberro, non est *Saulus obsi-*
 Barbarus aliquis Imperator, sed Saulus, qui *det Ecclesiã*
 ecclesiam novam olim Religionis Christianæ Civitatem inflato furore obsidebat, nonnullos ad eadem rapiebat, multorum domos infestabat, plurimos in angustias & rerum extrema compellebat. Neque tamen tot his ac tantis tamque immanibus in Christianos machinationibus furor eius satiebatur; plura nefarie cogitabat, maiora crudeliter moliebatur. Et quemadmodum *Ab exemplo*
 olim Sylla tum de hostibus sibi victoriam pollicebatur, cum parvum quoddam Apollinis simulachrum gestabat, ita Saulus tum demum novum hunc populum & ipsum Christi nomen in terris delaturum sese confidebat, cum mandati tabellas à Pontificibus obtineret, & publica armatus auctoritate liberius in omnium eadem grassaretur. Petiit, obtinuit, data est illi capiendi, vincendi, abducendi potestas. O cæcam hominum insaniam! O stultam audaciam, & cæcam nimium confidentiam! Dedi Saulum *AVDITORES*, *Amplifica-*
 talis erat cum Paulus nondum esset; ita cæco *tio furoris*
 impetu rapiebat, cum nondum esset à Christo *cine.*
 prostratus; ita Christianorum sanguinem & mortem anhelabat, cum nondum esset Christianus. Obsecro vos, an non vestros animos iam quædam commiseratio tenet, & tristiori profectos affectu cæcitatæ humanæ misereri facit? Nunquam animum meum dissimulabo; misereor sane miserorum hominum, qui ita vitiorum suorum caligine nonnunquam excecati, ac nescio qua confidentia estatis animis quasi cælum expugnaturi *Conditio peccatorum & superbiorum.*
 Deo bellum indicunt. Nulla eos divinæ iustitiæ
 me.

memoria à sceleribus deterret ; nullus originis primæ pudor ad mentis puritatem accendit, nulla tot acceptorum tota vitæ beneficiorum recordatio à flagitiis revocat, nec calorū nec astorum, nec universæ huius Naturæ aspectus in susceptis nefariorum consiliorum executionibus vel minimum remoratur. Quasi torrentes præcipiti impetu in peccata devoluuntur ; quasi Gigantes non montes montibus, sed scelera montibus ipsis immaniora sceleribus accumulanti. Quod avaritia somniat, quod ambitio proponit, quod luxuria probat, illud obtinendum, etsi leges ac iura reclamant ; illud perpetrandum, etsi ipse rerum omnium Præses ac Monarcha resistat ; illud gustandum, etsi certissima inter gustandum mors occurrat. Adeo benignissimi Conditoris patientiam lacerare iracundiam provocare, legum tabulas conculcare, divinum amorem aspernari, in omne nefas ruere mortalium est ludus.

*Transitio ad
alteram par-
tem confir-
mationis.*

Quid ludum dico ? impudentia est, insania est. Quamquam dum orationem hic nostram remotari sumus abiit Saulus noster, & Damascum versus fulgentibus accinctus armis, dum illum non pauci eiusdem furoris equites comitantur, iter est ingressus. Sequamur nos cogitationibus expeditis, iam iam illum assequemur. Hic, hic illa excelsa de Libano Cedrus levi vento prosterneatur : hic altus ille Colossus, sed non sine ingenti tumultu cadet, hic furibundus ille leo minas, ac terribiles suos spiritus deponet ; hic Saulus in Paulum (ô incredibilem Divinæ Maiestatis benignitatem !) transformabitur. Modum ipsum explicabo.

*A medico-
rum more.*

Peritissimi, expertissimi que Medici, non prius de medicamentis ægro abiecto que corpori applicandis cogitant quam morbi causas, signa, effectus, vim denique totam intellexerunt ; ut tum prudenter ac pro morbi afflictaque valetudinis conditione de remedio opportuno, & ad sanitatem ægro-

gro-

groto restituendum, accommodatissimo prospiciant. Non ignorabat magnus ille de cœlo mendicus, humani generis Servator. quam afflicta esset, & ab interitu vix distaret Sauli nostri valetudo non illa corporis quidem, sed mentis. Multa in eo signa morbum & agritudinem manifestabant; præceptus ille furor cæcitatem; ardens pro Iudaismo feruor, ignorantiam, utrumque tam inconsultum propositum, tam obstinata pertinaxque voluntas, tam severus in novum illum populum animus, tantus ac tam vehemens contra eos apparatus, qui animis invidi in vinculis ridebant, in supplicii triumphabant, in morte ipsa renascebantur. Quid egitigitur? Inusitatam in eum lucem immisit. En adversus cæcitatem remedium. Hac voce, ego sum Deus, quem tu persequeris, se ac suam illi divinitatem manifestavit. En adversus ignorantiam remedium. Potens sane & efficax utrumque: ut sua ex equo Saulum in terram prostraverunt, & corporis cæcitatem induxerunt, mox vero cum illum totum peruasissent, mentis omnes tenebras expulerunt, desideria omnia perpurgaverunt, voluntatem immutaverunt. Neque tantum ex manibus arma, sed ex ore minæ, ex oculis flammæ, ex vultu toto horror, ex animo odium & ita ceciderunt. Vno divinæ lucis radio ex persecutore factus est propugnator; uno ex equo lapsu ex hoste factus est amicus; una cœlesti voce ex lupo rapacissimo mitissimus factus est agnus. Generosissime Paule, ubi tunc erat am feruens ille spiritus tuus? quid agebant tuæ tam impatientes manus? quis erat sensus armorum tuorum? jacebat spiritus ille tuus; manus armis valedicebant, arma tua militiam aliam postulabant. Quanquam cum illa luce circumfusus nihil videres, quid tamen videbas? Illum, inquit, quem persequabar, conditorem ac redemptorem meum agnoscens videbam, & me rebelle inju-

*Sauli agri-
tudo.*

*Remedium
eiusdem.*

Contraposita.

*Apostrophe
ad Paulum.*

Prosopopœia.

injustumque persecutorem intelligebam. Cum prostratus in terram jaceres, ubi jacere te putabas? In ipso, inquit, misericordiae sinu jacere me putabam, & infinitam erga me peccatorem divinæ majestatis benignitatem sentiebam. Cum vox illa cœlestis tuas aures & animum penetraret quid audire te tandem existimabas? Iesum, inquit, ita loquentem audiebam. Saule, ego sum qui in charitate perpetua dilexi te, & ideo attraxi te miserans tui. Ego te creavi, & redemi, tu meus es, & ego sum tuus; non amplius te peccatorum funes circumplectentur. ego te in funiculis charitatis traham, nec unquam dimittam. At vero cum Deum agnosceres, cum tantam ejus misericordiam experireris, cum illam divini amoris vocem audires, quid dicebas? quid agebas? Animum, inquit, illi meum offerebam, & cum ejus divinæ voluntati consecrare totum me vellem, hoc unum, Domine quid me vis facere, respondebam. En admirabilem illam Sauli nostri transformationem! Quam profecto cum accuratius apud me considero, audeo dicere, neminem unquam tanta misericordia digniorem Saulo extitisse, Deum in nullum alium tanto cum fructu, quam in Saulem benignitatis tantæ gratiam conferre potuisse. O si nos ita, cum divinam iram provocavimus, transformaremur peccatores! Quotumvisque est, qui ubi lux ei divinæ voluntatis est exorta divinæ, voluntati non amplius resistat? Non amplius resistit Saulus. Quis est, qui cum Dei vocem vel conscientiam insusurrante, vel alio quopiam intonante intelligit, confestim à vita pravitatis recedat? Recessit Saulus. Quis est, qui cum adversæ fortunæ ictum aliquem persentiscit, paratum animum divinæ voluntarii subiiciat? Subiecit Saulus. Manifestabat illi se Deus, agnoscebat, alio, quo non existimabat, vocabatur; paratus erat, deponenda erant,

quæ

Alia.

Alia apostrophe.

Ab enumeratione.

Conversio Sauli.

quæ prius induerat, arma deponebat; non amplius Saulus esse debebat; Saulus esse nolebat. Paulum ergo ac non amplius Saulus illum, Sodales, consideremus. Surgat & hic consistat. Per-
vulgata mortalium omnium opinio est, nihil unquam in hoc rerum ambitu tantæ excellentiæ dignitatisque fuisse, quo non majus aliquid & excellentius posterior ætas viderit, aut certe non minus. Ego vero ita existimo (Divorum omnium pace dicam) divini hujus Herois, posteaquam è Saulo in Paulum est transformatus, tantam in omni laude dignitatem exititisse, ut nec summam ejus sapientiam quisquam postea sit assecutus, nec virtutem sanctitatemque superarit. Mens ejus sapientiæ delubrum erat, os divinæ legis Oraculum, Animus excelsum quoddam virtutis Theatrum. Obsecro, cujus hominis sapientia tanta unquam esse potuit, quanta Pauli, qui non eam è terra hausit, sed è cælo; non ab hominibus accepit, sed à Deo; non instructus ad illam fuit, sed ea protinus imbutus? Fuit illi cælum Schola, quo cum esset aliquando raptus Divinæ Maiestatis factus est discipulus, illaque revelante eos in divina sapientia progressus fecit, ut accepta immortali laurea Gentium Doctor & Evangelii Magister renunciaretur. Hic illa, quæ nemo unquam audiverat, audivit, quæ nemo viderat, vidit, quæ nullius cor cogitando conceperat, concepit; quæ hominem nefas est loqui, didicit & intellexit. Ita qui antea novæ potestatis tabulas à Principibus Sacerdotum acceperat, ut Christianorum Gentem profligaret tunc à Deo sapientiæ divinæ tabulas accepit, ut universi terrarum Orbis nationes ad Christum attraheret. Erraverunt equidem illi, qui Paulum promissum illum veritatis à Christo Spiritum crediderunt, sed erat tamen spiritus quidam veritatis Paulus, qui cum in animo Gentilium illabebatur falsitatis

*Amplificatio
conversi
huius Sauli
dignitatis.*

*Schola
Pauli,*

Contrapositione.

*Testimoni-
um.*

*S. Paulus
iustitia a-
quila.*

*Definitiones
D. Pauli.*

*D. Pauli
magister.*

*Virtutes
D. Pauli.*

nebulas omnes depellebat. Non erravit vero Dionysius Arcopagita, qui communem illum Orbis Solem, & sapientiae abyssum appellavit. Non erravit S. Chrysostomus, qui cum ejus satis admirari sapientiam non posset, mare sapientiae putissimum, & profundissimum esse dixit. Ipsa veritas vae ipsum electionis nuncupavit. Angeli Doctorem suum amaverunt, homines suum Magistrum coluerunt. Erat Sol, qui clarissimis Doctrinae verae radiis salutem terris omnibus diem adducebat. Erat mare, ex quo Gentes omnes quae gravissima siti premebantur, salutis aquam hauriebant. Erat Aquila, quae Iustitiae Solem oculis irretortis aspiciebat, & in ipsa Divinae sapientiae arcana penetrabat. Cum loquebatur, atque illud os suum, sanctissimum aperiebat, non ut Pericles tantum fulgurabat, tonabat, omnia permiscebat, sed ut ille Gallicus Hercules, catenulas quasdam aureas, quibus aures & animi multitudinis ligabantur, diffundebat. Ut non immerito sanctissimus Hieronymus illum Evangelii tubam, Leonis nostri rugitum, Eloquentiae Christianae flumen appellet. Iactitent, quicunque volunt & Suadam suis in labris sessitavisse, vel apes in os suum mel intulisse, vel suo Musas sermone locutas, dicam, & ipsa audiente veritate dicam. Divinam Paulo Eloquentiam, non alius, quam ipse Deus infudit, nec alio, si loqui vellet, quam Pauli sermone uteretur. Sed in ejus animum, quoniam quoddam esse virtutis Theatrum jam ante dixi, parumper inspicite. Non illustrius esse tot illis stellarum ignibus Coelum potest, quam animus est Pauli virtutum omnium ornamentis. Quam illustre Charitatis sydus in ejus animi Coelo radiabat, cum nulla fortunae adversitas, nulla mortis violentia nulla cujusquam potentia posset eum a Charitate Dei separare? Quam admirandum humilitatis astrum effulgebat, cum Sanctorum omni-

nium se minimum, & Apostolatu indignum: imo blasphemum, persecutorem ac contumeliosum hominem appellaret? Quam insolita luce temperantiae stella micabat, cum esuriret, sitiret, ac nulum, Baronio teste, vinum gustaret? Quam serenus candidusque Castitatis Planeta splendebat, cum virgineam in calibatu vitam duceret, & ad hunc puritatis amorem ceteros ferè mortaliū inflammaret? Enimvero quemadmodum syde-
rum in cælo numerum inire velle stultæ est, & vanæ curiositatis, ita Pauli virtutes numerare, curiosæ nimium est & superflua pietatis. Citius e-
quidem, sed & verius etiam hoc dicam, nihil aliud in terris Paulum, quam virtutem animatam extitisse. Immo (nescio an dicere audeam, dicam tamen) nihil aliud pene Paulum inter homines, quam Christum fuisse, atque idcirco tanto illum amoris affectu perculsum aliquando exclamavisse: Vivo ego iam non ego, vivit vero in me Christus. Illius ut domesticus esset, toto in cælis animo conversabatur; illius ut servus esset, hominibus placere amplius nolebat; illū ut perfectissimè imitaretur, gloriari nisi in eius cruce nolebat, & eius stigmata suo in corpore portabat, ab illo ut nunquam per insipientiam recederet, corpus suum castigabat, & in servitutem redigebat; Taceo labores eius, nemo plures unquam exanthlavit; si leo verbera & cruciatus, nemo sæpius vim
eorum est passus; nihil dico de carceribus, nemo constantius ac tam sæpe sustinuit, non commemoro pericula, nemo tam audaci, tam excelso, tam interrito unquam animo audivit, pertulit, contempsit. Illud dico, tanta fecit confecitque Paulus, quanta non dicam moliri, sed ne cogitare quisquam unquam auderet. O Sodales! O Sanctorum æmulatores! An non animos vestros iam illud Augustini votum pertentat? Vtinam (nec in ore tantum, sed & in opere) videre Pau-
lum

Similitudo.

Distributio.

Transitio.

Conversio ad
Sodales.

*Descriptio-
nes D. Pauli
ex testimonio*

lum liceret? Videretis, cum virtutum omnium
quandam arcam esse; adeo, inquit Chryso-
stomus, ut etiam si quis totum contra eum iustorum
chorum sigillatim appendat, inveniatur trutinam
virtutum ponderibus à Pauli parte depressam. Vi-
deretis eum quem Melitenses Licanoique Gen-
tiles propter summam virtutis excellentiam & po-
tentissimam facundiam sacræ vim Deum esse puta-
verunt. Videretis eum, quem Christi promptua-
rium esse Cyrillus ait, ex quo dotes & opes Chri-
sti depromere possimus. Videretis eum, cuius fa-
miliaritate etiam cum inter vivos esset; Christus
ipse delectabatur; cuius sudaria vim Dæmonibus
inferebant, umbra mortuos excitabat, illæ sæ ma-
nus viperas excutiebat, lac è cervice recisæ manus
Barbari carnificis animum ad Christum & marty-
rium adduxit.

A simili.

Comparatio

Conclusio.

Quamquam iam mihi id evenire animadverto,
quod quibusdam hominibus qui cum Solem ad-
mirentur & propemodum adorent, manum tan-
tum admirantes ad os suum & oculos attollunt.
Tua est illa sanctissime Paule, dignitatis excellen-
tia, quæ nostros de te sermones in admirationem
convertit, & dum mentem admiratio subit ori si-
lentium indicit. De re difficilius est pro dignitate
loqui, quam, immotis Solem oculis intueri.
Nihil amplius ergo dicamus, & ori manum ad-
moveamus. Laudare Paulum nemo hominum
vix Angelorum quisquam potest, possunt An-
geli, debent homines admirari & i-
mitari. DIXI.

ORATIO XII.
IN LAUDEM
S. ANNÆ.

Ivdæorum ille fermè omnium eruditissimus, *Exordium d*
 idemque eloquentissimus Philo in eo Com- *Philonis fa-*
 mentario, quem de Noemi plantatione diser- *bulam dede-*
 tiſſime, ut cætera, conſcripſit, fabulam narrat, non *rum.*
 minus ſuavitate iucundam, quàm ſapientiæ fru-
 ctu præclaram: Deus, inquit, rerum omnium opi-
 fax, cum admirabilem mundi ſtructuram tanta
 tamque varia partium non modo congerie, ſed
 & compoſitione conſurgentem, divinz mentis
 ſolertia machinatus, oculis ſubieciffet, fertur ab
 iis, quibus in hoc opere adminiſtris uſus fuerat.
 quaſiſſe quidnam de tota univerſi natura vi-
 deretur; tum unum admodum liberè, quod ſen-
 ſiret, reſpondiſſe vocem aliquam grandem, acu-
 tam, elatam, deſiderari, quæ omnes mundi per-
 vagata regiones ſine ulla intermiſſione Dei lau-
 des ac ſapientiam prædicaret. Quæ profeſto ſi
 res eſſet, non hodie in laude Divæ Annæ fortiſſi-
 mæ mulieris, cuius pretium procul & de ultimis
 terræ finibus, laboraremus. Tam enim vox illa,
 quæ in ortum occaſumque diſfuſa, quæ meridiei
 ac ſeptentrionis remotiſſimas oras implens di-
 vinæ maiestatis æternum encomium populis ad-
 mirantibus intonaret, ſimul etiam Beatiffimam *Laud D.*
 Annam, in qua ſumma Dei ſapientia, admirabi- *Anna.*
 lis munificentia, ſingularis providentia cerni-
 tur, hominibus omnibus, locis omnibus ac om-
 nibus temporibus prædicaret. Eſt certe ſanctiſſi-
 ma Anna Dei opus naturæ dignitate præſtans con-
 ditionis excellentia magnificum, virtutis & gra-
 tiæ perfectione abſolutum, ut ſi Deum excipia-
 mus,

*Apostrophe
ad D. Annam.*

Propositio.

*Benevolen-
tia captatio.*

*A factio
Moyſis.*

mus, quo nihil augustius, Virginemque Deipara-
ram, qua nihil sanctius, hæcant humani sensus
nec habeat, quod supra Annam extollat. Eloquen-
tia. Consurge igitur altius diserta pietas Annam
laudatura, quæ naturæ dignitate conditionisque
maiestate assurrexit supra id omne, quod Deus aut
Maria non est. Vincitur equidem à filia mater, à
nepote avia, vincit tamen omnes tantæ filia ma-
ter, tanti nepotis avia. Quapropter salve Heroi-
na augustissima, Diva maxima, quam vulgari ore
laudare pene piaculum est, sed in te, quod in
Deorum simulachris facere homines è vulgo so-
lent, imitabor, qui eum eorum capita redimere
floribus propter altitudinem non possunt, sta-
nuunt ad pedes coronam. Tu vero cum tuarum
virtutum maiestate omne fastigium humanum
exceſſeris, patere tibi corollas istas & flosculos
ad pedes fundi, vel potius nos iube impresso ori
digito silere & te tantum admirari, modo tamen
tuæ huius domus ac Collegii gratum animum
brevis unius laudationis monumentò, quod ego
offerò, accipies. Vos Ornatissimi & Humanissimi
AUDITORES, excitare piam in vobis admi-
rationem, & quod admirabimini animo colite,
affectu desiderate. Cum permultas futuræ Mä-
tris suæ idæas ac figuras Deus prisci avi homi-
nibus adumbrare ostendereque voluerit, tum
nonnullas etiam aviæ suæ Annæ sanctissimæ, in
terra, in cælo, in rebus aliis ita admirandas o-
stendit, ut eam non hominem in terris & fami-
nam, sed Numen quoddam & veluti Deam exti-
tisse propemodum credamus. A terra ipsa inci-
piamus, & hæc eius idæam sanctitate plenissimam
intueamur. Olim Moyſes cum lethronis soceri
sui gregem pascens in montem Horeb secessis-
set, obstupeſcendum sane prodigium eius oculis
est obiectum: ignis enim rubi fruticem depa-
ſcere videbatur, maxima ac flagrantissima un-

aque flamma emicabat; nec frondes interim, nec flores, nec ramos flamma ista lædebat. Ille tam inopinato spectaculo non mediocriter attonitus dum accedere contendit, vocem ab igne emissam non humano sed cœlesti quodam sono percipit, *Locus san.*

Moyſes, Moyſes, ſolve calceamentum de pedibus tuis, locus enim, in quo ſtas, terra ſancta eſt. Qua voce percuſſus ipſe & magis obſtupescens reſeſſit à flamma, & inacceſſum religione locum non calcando ſumma reverentia loquentis à longè Dei juſſa percepit. Quis non admiretur tantum honorem, non dico rubo, qui thronus tum erat ac ſolium Dei, non dico flammæ, quæ fulgore ſuo ac ſplendore Divinæ Maiestatis lucem inacceſſibilem repræſentabat, ſed terræ ipſi, quæ rubum iſtum è gremio ſuo produxerat deferri? Erat, e-B. Virgo, ratille Rubus Deipara Virgo Deo ipſo plena, & *rubus eſt ex* illaſa virginitate circumdata, ſed erat etiam ter- *Anna pro-* ra illa, Anna ſanctiſſima, quæ ſuo è ſinu fœcunda *duſtus.*

ſenectute Dei matrem, Dei thronum ac ſolium, Virginem Mariam maturo ævo produxit. Adeo quisquis ad ſanctiſſimam hanc Heroïnâ contendit, poſito terrenarum rerum affectu, ſubmiſſo animo, pura mente, profundiffima veneratione, terra enim ſancta eſt, accedere debet. Nunc terram ipſam relinquamus, & in cœlum oculorum aciem convertamus; ut hic quoque Annæ noſtræ typum aliquem deprehendamus. Viſa eſt olim in cœlo inuſitata claritate coruſcans ſtella Iacob, quæ ut pulchritudine ſua admirabili ignitos illos ac micantes cœlorum orbes plurimum exornabat, ita diſſuſis quaqua verſus radiis fulgentiſſimis terram univerſam illuſtrabat. Erat ſtella illa Annæ filia, Virgo Deipara, vera maris ac mundi ſtella, cœli decus, orbis ſalus, ſed erat etiam *Typus*

Cœlum ipſum Anna, ex qua tam ſalutare mundo ſydus virgineo lumine mortalibus omnibus aſulſit. Ita ſi terram inſpicias, Annam in terra velut *D. Anna cœlum in quo fulget ſtella Iacob*

in typo videbis, si cœlum intuearis, Annam in cœlo velut in figura deprehendes. Ex hac terra sanctissima salutis arbor pullavit, ex hoc cœlo pulcherrimo reparationis lux prima resplenduit. Quanquam jam ad res alias è cœlo delabamur, & loquentem Prophetam Isaiam audiamus. Egredietur virga de radice Jesse, & flos de radice ejus ascendet. Quod si ea virga, teste Hieronymo ac Leone, Virgo mater est; flos ille, teste Origine ac Clemente Alexandrino, Christus est, an non dicenda est radix Anna; radix salutis, de qua non virga sed virgo processit? Neque vero radix tantum fuit Anna, sed omnino salutis arbor; arbor, inquam, illa; ex qua prodigiosa ista Aaronis virga processit, quæ arida prius germinavit, turgentibus gemmis floruit, floribus conversis amygdala produxit. Nam si virgam illam Aaronis, Deiparam virginem sacrosancti Doctores interpretantur, si fructum illum excellentissimum Christum Dominum Sacerdotem in æternum secundum ordinem Melchisedech intelligunt, jure nos nec immerito sanctissimam Annam arborem illam fuisse dicemus. Et hæc est arbor illa

Typus alius quam occidente jam Synagoga, & nascente propediem Ecclesia, velut in medio constituit Deus, ut cum effloresceret, Synagoga periret; cum fructificaret, Ecclesia nasceretur; ut, inquam, flos ejus Maria, fructus ejus Christus esset. Vidit in somnis aliquando potentissimus ille Chaldeorum Rex Nabuchodonosor arborem, cujus vertex proceritate quasi monstruosa Cœlum attingebat, & universam rami terram obumbrabant; cujus folia pulcherrima, fructus nimius, & esca universorum in ea. Hæc est arbor illa, non illa tamen, sed pulchrior, sed excelsior, sed omni genere fructuum uberior. Quam excelsa est Anna, quæ dignitate Christi aviæ tanquam sublimi vertice cœlos ipsos non attigit tantum, sed penetravit.

Tan-

Tanta est enim aviæ Christi dignitas, ut eam sola matris dignitas excedat: infinita est, & quam eloqui humana eloquentia non potest. Quam excellens est Anna, cuius ramus unus Maria, non terrarum omnium tantum orbem Numinis dignitate obumbravit, sed cælum ipsum Deitatis cuiusdam maiestate replevit? Quam pulchra est Anna, cuius non folia viridantia, sed virtutes cælesti quodam fulgore micantes Divinæ Maiestatis amorem impulerunt, & hominum oculos ac admirationem in se converterunt? Quam varius & quam multiplex est Annæ fructus, in quo mortales omnes divinæ clementiæ suavitatem degustant, & salutis reparatæ participes evadunt? O mulierem fortem? quid dico fortem? O mulierem infinitam & divinam! Ego sane ita existimo, quod quemadmodum Deus non potuit Annæ digniorem Nepotem dare, quam Filium suum; ita nec Annam suæ omnipotentia meliorem sibi ac digniorem auram efficere, quam fecit; adeo ut ipsa divinæ quodammodo omnipotentiae terminos exstiterit. Obsecro vos si attestante Regum historia, cum Obededon Dei arcam intra penates suos recepisset tanta largitate bonis omnibus Deus eum cumulavit, ut in eius domum cecidisse felicitas ex cælo videretur, quid dicemus gloriosissimæ Annæ contigisse, quæ non ligneam istam arcam intra lares suos recepit, sed sacratissimam Virgineam, filiam suam, veram Dei arcam intra uterum concepit, in lucem eduxit, in luce fovit ac nutrit? An non in eam divina bonitas cælestes omnes opes concessit? in eam thesauros omnes gratiarum effudit? in eam sese totam divina omnipotentia profudit? Neque opinor nisi divino consilio factum est, ut ipsa Anna appellaretur, ut cum nomine isto gloriosissimo gratia ipsa significetur, iam omnes intelligerent tantam esse in Anna Dei gratiam, ut gratia ipsa

Amplificatio.
D. Anna dignitatis.

Ab exemplo

Applicatio.

*Sanctitas
SS. Patriar-
charum.*

ipsa iure merito appellari deberet. Veneror equi-
dem, & venerari debent omnes sanctissimos Pa-
triarchas Abrahamum, Isaacum, Iacobum, perlu-
benter honoro dilectissimum Deo regem ac va-
tem sacratissimum Davidem; multis aliis illius
ævi Heroibus insigni virtutum excellentissima-
rum claritate conspicuis & animum & mentem
submitto, quod cum esse maiores & prædecesso-
res Christi Domini ac Deiparæ Virginis deberent
in iis tanta vis sanctitatis effulserit, ut quædam
virtutum omnium exemplaria ac specula sæculis
omnibus proposita fuerint: sed tamen quanto
intervallo ab hac gloriosissimæ Annæ sanctitate
distant; quæ ita prope Mariam & Christum atti-
git, ut huiusavia, illius mater exstiterit? Consti-
tuamus videre nos potentissimum aliquem mo-
narcham, qui in Palatii sui & Aula Regiæ horto
amanissimo fontem aliquem Regiæ prorsus ma-
gnificentia & artificio incredibili adornare con-
cupiscat, iamque ex India Iaspides: Alexandria
porphyrites, Genua alabastrum, aliunde lapides
alios pretiosissimos conquirit: statuat simul ac
decernat ductus illos aquarum & canales, qui sub
terra esse, & à nemine conspici debent, non ex
ferro aut plumbo, sed ex argento purissimo for-
mandos esse, annon omnes ita iudicabimus, fo-
re ut ex Regis illius voluntate & imperio, ex o-
mnibus statuas, quæ circa fontem & in omnium o-
culis collocari debent, ex auro aut pretiosiore
materia alia consentur, & novo inusitatoque pla-
ne artificio elaborentur? Fuit apud Deum, & a-
pud Deum est iam ab æterno fons vitæ Dei filius
& Deus ipse, quem cum in Ecclesiæ horto collo-
care & adornare desideraret, extiterunt aquarum
eius Canales Propheta & Patriarchæ, in quibus
si singularis cuiusdam integritatis argentum es-
se voluit, profecto purissimæ sanctitatis aurum
in Anna effulsit, quæ tam prope fontem ipsum

Contingit. Quantis lætitiis gestiisset? quanto affectu exultasset olim Salomon, si generosam illam mulierem, quam tantopere videre desiderabat suo ævo intueri potuisset? Non toties ingenti affectu confossus, & abreptæ mentis desiderio perculsus exclamavisset: Mulierem fortem quis inveniet? Nos fortunatissimi profecto homines & Salomone multo feliciores, auspiciatissimis temporum nostrorum fatis eam invenimus, quam intueri tot ævi præci Reges, tot sanctissimi Prophetæ, tot dilectissimi Deo Patriarchæ concupiverunt. Ea est Anna nostra mulier fortissima; ea est Amazon nostra bellicosissima, quæ Dei furorem sua integritate in favorem convertit, quæ Dæmonem ad jugum adduxit, tot elapsorum lachrymas, & ærumnas sæculorum sedavit: quæ reparata salutis fortunatissimum initium dedit. Et quisquam eam non dives omnes (excipio filiam, excipio nepotē) non Divos omnes sanctitate dignitateque superavisse faueri auderet? Quid si dicam intra ejus uteri compages sua in conceptione Deiparam Spiritu sancto ita repletam, ut infinita in matrem gratia redundaret? Scitis enim eam esse aromatum naturam, ut thecas quibus includuntur, fragrantissimis odoribus suis afficiant. Quid si dicam ita filiam suam pariendo en lucem produxisse, atq; in templo postea præsentavisse, ut pro excellentissimo illo dono copiosissimam à Deo gratiam reportarit? Quid si dicam ita multis annis multa beneficia sanctissimæ filiæ suæ contulisse, dum anhelantibus eius labellis ubera objiceret, dum ad oscula ridentē attolleret, dum ulnis artissimis foveret, dum omnia vitæ necessaria subministraret, ut infinitam quoq; gratiam ea deprecante receperit? Plane, plane fuit ipsa, ut cum Ecclesiastico loquar. Gratia Dei sicut paradysus in benedictionibus Misit manum suam ad fortia, & inde tot ejus virtutum merita apud Deum exstiterunt, ut merito

*Ab exemplis**Felicitas
nostra est
maior Patriarcharum.**Gratias
S. Anna.**Ecclesiastica
de D. Anna
testimon.*

Sanctorum omnium Ordines cedere illi debeant; quæ supra id omne, quod post Deum est, filiam suam sublimissimo in honore contuetur, & Deum nepotem suum appellat. Manum suam aperuit inopi, & palinas suas extendit ad pauperes, quæ pauperum necessitatibus ac usibus patere semper desideravit, spe semper erecta, oratione semper armata. Sed profecto jam illa, quam initio dixi; voce cœlesti ad prædicandum; aut meo vestroque omnium silentio admirandum opus esse video. Tu nobilissime Diva, Regina Mater, Regina Cœlorum Mater, Dei Aula, age apud filiam, age per filiam apud nepotem, ut qui te mulierem fortissimam colimus & veneramur, fortissimi Viri, fortissimi Adolescentes, tuo favore, filiarum auxilio, nepotis gratia existimus. DIXI.

*Apostrophe
& Conclusio.*

ORATIO XIII.

DE LAUDIBUS S. BENEDICTI.

*Exordium
deductum à
Salomonis
disso.*

MAGNUM illud humanæ sapientiæ miraculum & oraculum Salomon, Israëlitarum Monarcha, cœli discipulus, orbis universi Magister, cuius nō ē tripode vano quodam afflatu, sed ē regio folio sapientiæ ipsa de cœlis afflante responsa Mundus accepit, Ornatisissimi & Humanissimi AUDITORES, cum illam, quam ingredi ac tenere viri iusti solent, regiam ac cœlestem omnino virtutis viam vivis coloribus adumbrare desi-

Dictum hoc dederet. Iustorum, inquit, semina, quasi lux splendens præ-
D. Benedicto cedit, & crescit usque ad perfecti diem. Quod cum mihi
applicatum. Regius ille Sapientiæ præco de omnibus his dixisse videatur, qui posteaquam in hoc orbe tanquam sy-

dera

dera quædam virtutum radiis fulserunt, cœlo tandem insiti Numina mortalibus apparent: tum in primis de sanctissimo BENEDICTO, cujus vita lux quædam fuit splendens, & cum splendore procedens, & cum progressu crescens, donec clarissimo sanctitatis cujusdam die orbem universum illustraret. Nam quemadmodum Sol, temporum ille moderator, & universorum quasi syderum monarcha, cum ab Oriente per gradus veluti quosdam in meridiem contendit, nunc hanc, nunc istam: nunc aliam ulterius regionem diffusis radiis illustrat, lætarique paulatim omnia, & quodammodo ridere facit: ubi vero in Meridie, hoc est, in ipso cœli fastigio consistit, tum valles omnes ac montes in terra, vastissimum maris æquor, spatia aeris immensa fulgentissimo lumine suo sic replet ac perfundit, ut perfectissimus sit dies, ac deesse omnino nihil ipsi videatur: Ita, posteaquam exortus est in terris B E N E D I C T V S tanquam Sol quidam pulcherrimus, & jam iter virtutis ingressus paulatim sanctitatis suæ radiis effudit, in multorum animis luce suæ pietatem accendit, in omnium pectoribus admirationem ac stuporem concitavit: ubi vero perfectionis summæ fastigium attingens, cœlo quodammodo caput inseruit, tum orbem universum ita sanctitate sua permovit, ut omnis ætas, ordo, sexus virtutis Doctorem, sanctitatis Parentem, salutis authorem BENEDICTVM esse fateretur ac proclamaret. Quæ causa est, curego hodie non parum perturbes ac doleam, quod tanto Heroi, tam vilis Præco; tanto Soli tam parua Aurora contingat; verear etiam, ne trepidantis eloquentiæ balburie, & infirmis cum corporis, tum doctrinæ viribus profanasse potius, quam exornasse videar laudes ejus, per quam posteaquam veram virtutem Terra didicit, Cœlum à Terra Divos innumeros accepit. Quo magis equum

Similitudo. *Applicatio.**Causa discendi.*

est.

*Attentionis
& benevo-
lentia capti-
vis.*

est. Ornatissimi & Humanissimi A V D I T O R E S,
ut dum parum diserta pietas mea tantum dicendi
periculum subita quasi dictione subire non teme-
raria, præsumit, sed rogata conatur, vestra facili-
tas promptam attentionem & paratum favorem
apporter; ut, inquam, qui tot angustiis periculû
præsentis, & invadentis circumquaque metus in-
cludor, ab humanitate vestra nequaquam exclu-
dat. Sento enim quam arduum sit ac periculo-
sum non de Maiestate aliqua, quæ vocem obmu-
tescere cogat, sed de Divinitate quadam, quæ cum
voce animum ipsum suo fulgore perstringat, dice-
re vel hiscere potius aliquid conari. Sed quoni-
am refici animum meum ac recreari vestro illo fa-
vore non nihil persentisco, dabo operam, ut admi-
randi huius Solis BENEDICTI ortum in primis,
deinde fulgentissimam in Meridie claritatem
intueri possitis: nullum vero quæremus Occasum
in eo, qui perpetuo fulgere, occidere nunquam
potest.

*Distributio
orationis.*

*Confirmatio
nisi initium à
Solis fabula.*

Solent Poetæ homines ingeniosissimi & face-
tissimi more suo de Sole fabulari, eum priusquam
exoriatur, & illo suo flammante curru lucem ac
diem in orbem inuehat, in Eoi maris undis latere;
ibique vultum suum jubare præfulgido coruscan-
tem lavare, radiantes capillos pectore ac discrimi-
nare, equos ore ac naribus diem spirantes, cur-
rumque totum etsi aurum abluere. Hoc ubi fecit,

*Tunc oritur curruq; suos è gurgite tollit,
Flammiferumq; iubar terraq; poloq; reducit.*

*Fabula hæc
D. Benedicto
applicata.*

Plane eodem modo Benedictus Sol noster pri-
usquam radiantis virtutis eius emicante flamma
mundus illustraretur, & illustratus inflammare-
tur, latuit in Nursia primum filius ipse Nursiæ
Comitis Eutropii Probi, & Abundantiæ Rignar-
dæ, latuit deinde Romæ, ubi primos adolescen-
tiæ crescentis annos primis litterarum discipli-
nis

his informavit. Equidem lucem aliquam familiaritatis claritas ac splendor adferebat, sed quæ in morte occasum inveniret; pollicebatur honor auctoritatem, divitiarum potentiam, otium voluptatem: sed in auctoritate nulla posteritas erat, in potentia nulla æternitas, in voluptate nulla immortalitas. Quid egit ergo nobilissimus adolescens, qui exoriri mundo Sol aliquando debebat? Non ut ille Poetarum Sol vultum suum Oceani undis abluit, sed animum suum mundi irritamentis expedit; non ut ille crines suos pexit ac discriminavit, sed mentem suam innocentia velo obtexit; non ut ille flammiferum iubar, & arduentes circum caput radios assumpsit, sed animum totum divini amoris ardore flammæque redimivit, sicque tandem divitias paupertate, familiaritatis splendorem ignobilitate, voluptatum blandimenta severa quadam vivendi ratione permutans, mundoque valedicens sol exortus est BENEDICTVS. O fortunatus! ò auspicatus tanti Solis exortus! Sed priusquam in Orientem hunc Solem animorum oculos convertatis, AUDITORES, obtestor vos, recordamini parumper hic Moysis infantuli, cui cum in Pharaonis Ægyptiorum regis Aula mulier Ægyptiaca gestienti obsequio ubera præberet indignabundus subito puer oculis ac manibus est averſatus, nec ante lac sugere aut ullius adhærere voluit uberibus, quam Hebræi generis fecunda mater adduceretur. Eundem cum aliquando Pharo Rex divina quadam forma præcellentem intra brachia sua gestare, atque eius capiti diadema suum imposuisset, generosissimus puer iniectâ manu diadema detraxit, detractum abiecit, abiectum pedibus calcavit. Quid hic dicam, aut quid hic tandem cogitabo? Erat hic (cre-

Facti D. Benedicti adolescentis.

Distributio.

A Moysis infantuli facto.

Aliud eiusdem.

Factum hoc Benedicti factum.

deli-

*Benedictus
mundi con-
tempor.*

deliciarum lacte manantia praberet, in otio pul-
villos ac rosas supponeret, omnia fortissimus a-
dolescens respuit, reiecit, repudiavit; Christoque
tantum verissimo parenti adhærens pro lacte san-
guinem, pro blanditiis miseras; pro puluillis ac
rosis cruciatus & dolores elegit. Erat hic BENE-
DICTVS, cui cum non Pharaon, sed mundus ho-
norum omnium ornamenta offerret, fastum ac
pompa præstaret, maiorum fumosas imagi-
nes ostentaret, alta quadam mente præditus ado-
lescens omnia non pede, sed animo calcavit. Non
à familia, sed à virtute ducendam esse nobilita-
tem iudicabat; non ab honoribus officiorum,
sed ab operibus virtutum mutuandum esse splen-
dorem aiebat: imo nihil hic possidere se posse
dicebat, nisi Deum, ac Deum solum possideret.
Agite nunc, erigite animos, convertite oculos, &
exortum hunc solem, iamque ad cæli fastigium
indefesso cursu contendentem intueamini. Vi-
dere vultis, imo excipere vultis animo radios il-
los virtutum, quos in omnem æternitatem im-
mortali cum luce diffudit? Quam præclarus a-
bsinentiæ radius tunc effulsit, cum integro trien-
nio profunda in spelunca delitescens pane tan-
tum per funem sibi demisso victitavit? Quantum
castitatis iubar resplenduit, cum ut titillantem
Venerem cohiberet, carnemque domaret, in fo-
dicantes sese spinas abiecit, corpus suum lacera-
vit, terebravit, dilaniavit? Quanta lux dignitatis
ac prudentiæ tunc apparuit, cum ad vicini cœno-
bii regimen est vocatus, sed recusavit; cum re-
cusantem urserunt, sed invitum se ostendit; cum
invitum impulerunt, sed invitus tandem acce-
pit? Quantum, quam admirandum lumen mo-
destiæ, humilitatis, temperantiæ, candoris, om-
nium denique virtutum sese terras in omnes ef-
fudit, cum semper ita vixit, ut vitæ norma quæ-
dam esset? ita conversatus est, ut exemplo per-
mo-

*Sol virtutis
sui quantum*

Gradatio.

*Amplifica-
tio.*

moveat; ita docuit, ut doctrina sanctos efficeret; ita rexit, ut imperio hominum animos Deo pararet. Sed nimirum, vix est unquam serena aliqua hinc nube dies; surgunt semper nescio qui ex terra vapores, qui ubi frigus aliquod nati in nubeculam coaluerunt, obscurare fulgentissimum in coelo Solem protinus contendunt. Et hic quoque Sol noster BENEDICTVS nubeculas est passus; sed an illum obscurarunt? imo vero ardentissimis ejus radiis dissolutæ perierunt. Nubeculam aliquam obiecerunt quodam tempore religiosi, cum sanctissimo viro venenum propinarunt. Quid deinde vero? efformato crucis signo suæ virtutis radium unum emisit, fractoque protinus vase fraudem omnem patefecit. Nubeculam aliam Florentius presbyter quidam obiecit, cum invalescentem in dies de sanctitate ejus opinionem non ferens infectum veneno panem BENEDICTO transmisit. Quid deinde vero? advolans ad nutum & imperium sanctissimi viri corvus panem abiecit, dolum derexit. Concitavit ille rursus non nubeculam, sed nubem, & in BENEDICTI conspectum meretriculas nudas, quæ lascivia sua libidinem provocarent, libidine viri sancti castitatem labefactarent, produxit. Sed ô sanctitatis vim admirandam! ô virtutis potentiam! Subduxit sese paululum Sol noster locum declinavit, ac statim ruina domus oppressus hostis ille sui odit atque invidiæ poenas acerbissimas dedit. Nimirum nunquam obscurari Sol, nunquam opprimi virtus potest: congregentur nubes, dissipabit Sol illas, & purior nitabit: concitentur odia insanæque machinationes, evincer virtus illas, & potentior evadet. Vere, vere tu Sol eras & ardentissimus & fulgentissimus, ô BENEDICTE! tuarum precum ardorem vita functi non aliter, quam emortuæ plantæ ad vitam revocabantur: tuæ sanctitatis splendore

*Nubes hunc
Solem obscu-
rantes.*

*Benedicto
venenum
propinatur.*

*Tentatio
eiusdem.*

*Apostrophe
ad D. Bene-
dictum, eius-
demq; mira-
cula.*

dore tacti, qui in periculis erant, liberabantur. Tu Apollinis idolum in Cassino monte contrivisti; tu inde Dæmonum cateruas, ut fidei alumnos in fide confirmares, fugavisti. Tibi aquæ obtemperabant, & tuorum supra fluctus vestigia sine periculo ferebant, te Dæmones perhorrescebant, & nutu tuo in imperiò vehementissimo coacti, quæ volebas, restituebant. Tu hominum animos tua luce penetrabas, & secretas in iis cogitationes detegebas. Tu Tyrannorum efferatissimorum crudelissimam maiestatem tuæ sanctitatis coruscante jubare perterrebas, & hinc permotus aliquando tuæ dignitatis existimatione rex Totila tuos ad pedes sese in terram abjecit, ferocientem audaciam deposuit, hortantem & increpantem patienter audivit, Et quæ, obsecro, tantorum in te affectuum causa fuit, nisi illa divini amoris flamma, qua perpetuo ita ardebas & fulgebas, ut non tam homo, quam Deus quidam in terris esse videreris? Refert Plinius, lapidem esse quendam, quem Græci ἀνέσος appellant, qui ubi semel est in ignem coniectus, ita inflammatur, ut nullo amplius extinguit aut vento possit, aut aqua, adeo ut verissimè Poëta quidam de eo cecinerit:

*Qui semel accensus susceptos detinet ignes,
Extinguiq; nequit.*

Subiectio.

Plinii testimonium de lapide quodam.

Lapis hic Benedictus.

Talis erat Benedictus sol noster, quem ubi semel divina flamma corripuit, ita vi ejus exarsit, ut non tantum non extingui amplius valeret, sed omnia etiam diffusa luce collustraret, omnia circumquaque sparsis quibusdam amoris ignibus inflammaret. Quamquam; Ornatissimi AUDITO RES, dum ab Oriente nondum oculorum aciem reduximus, jam in Meridiem, atque adeo in ipsum cœli fastigium BENEDICTVS Sol noster ascendit. Itane vero in Meridie intueri nos pos-

se so-

se solem speramus? non caligarent hic oculi? non perstricta nimio fulgore acies hebesceret. *Amore ho-*
 Faciamus quod facere solent homines, qui ubi *minum solis*
 in meridie Solem intueri concupiscunt, aquam *insipientius*
 in peluim iniiciunt, & per aquam hebescentem
 nequaquam acie Solem intuentur. Si radiantem
 in cæli fastigio Benedictum videre non possumus,
 coruscantem in terris, & in tot religiosissimorum
 hominum ordinibus splendentem contemple-
 mur? Imo ramen erigamus oculos, & quantum
 licet, oculis irretortis meridianam eius clarita-
 tem hauriamus. Bone Deus! Quanta lux per or-
 bem universum ab hoc sole diffusa gentilitatis te-
 nebras dissipavit, clarissimumque fidei Christi-
 anz diem induxit Campaniam universam præ-
 sens ipse Benedictus suo lumine ad Christum ad-
 duxit? ubi è terris excessit, in tetras tamen ful-
 gentissimos radios suos toto ex ordine suo dif-
 fudit. Tunc Anglia per Gregorium Magnum, qui
 Augustini & sociorum eius opera est usus, ad
 Christi iugum accessit. Tunc Hispania per Lean-
 drum Romanos leges accepit: tunc Germania per
 Bonifacium sese fidei nostræ submisit: tunc Bel-
 gium hoc nostrum per Amandum, per VVilibror-
 dum, per alios sanctissimi huius Ordinis Religio-
 sos viros Romanam Ecclesiam agnovit: tunc Po-
 lonia & Hungaria per Adalbertum, Suecia per Ste-
 phanum, Lituania per Brunonem, Gasconia per Al-
 bonem, Sclavonia per Bonifacium partæ Christo-
 fuerunt, & Ecclesiæ adiunctæ Ecclesiæ imperium
 auxerunt. Quin imo ne quis esset orbis angulus,
 quem à Benedicto lux diffusa non illustrasset,
 primi in India Occidentali fidei nostræ præ-
 cones sanctissimi huius Ordinis duodecim viri,
 quos è Monteferrato Pontifex ablegarat, existi-
 terunt. Ita universus propemodum orbis fidem
 suam Benedicto debet, & eidem salutem suam
 (audeo enim dicere) acceptam refert. Verume-

*Soli huius
Benedicti
efficacia.*

*Ab enumera-
tione om-
nium Gentium
qua ab hoc
sole lumen
acceperunt.*

Hypotyposis.

*Quot Mo-
narcha hunc
Benedictum
secuti sint.*

*Amplifica-
tio eiusdem.*

*Quot eiusde
Canobiar.*

nimvero dum à tanti solis claritate, quam pati non possum, patumper oculos in terram deflecto, videre mihi videor prodeuntem in campos è spelunca sua Pantheram, tantamq; fragrantiam, tantumque odorem, tam suavem, tam gratum emittentem, ut feræ aliæ relictis antris suis & cavernis sequi illam cogantur. Ita enim fieri solet, **AVDITORES**; sed tamen credite potius vos intueri Benedictum nostrum: hic enim ubi mundo per sanctitatem suam Numen apparavit, tantum virtutum omnium suarum odorem exhalavit, ut ad Benedictum omnes convolarent & acclamerent: *Benedictus qui venit in nomine Domini.* Convolarunt ad Benedictum, & vitæ eius normam vivendo secuti sunt: quatuor Impp. duodecim Imperatrices, quadraginta sex Reges, quinquaginta & una Regina, centum quadraginta sex Regii Cæsarei que liberi, Ita iucundum illis erat diademata sceptraque repudiare, ut in umbra tutelari Benedicti latitantes respirarent. Ita Maiestas illis vilescibat, purpura gravis erat, sublimis illa fortuna displicebat, acerba voluptas, odiosus honor, ingratum otium erat, ut nihil nisi Benedictus placeret. Nunquid obstupescitis Auditores? Quid si dicam Principes, Duces, Marchiones: Comites ultra ducentos quadraginta tres ad Benedicti vexilla confluxisse, eius militiæ nomina dedisse, in sanctissimos eius leges ac instituta iuravisse? Quid, si enumerem duodecim celeberrimos religiosorum hominum Ordines sub sanctissimis Benedicti legibus in Ecclesia militare? militare dico? Addo etiam militares Ordines sub his legibus ad fidei propugnationem, in Hispania à Regibus esse institutos. Quid si proferam extitisse aliquando huius Ordinis coenobia, virorum quidem triginta millia, virginum vero militiæ quindecim? Sentio quàm hæc à me gloriôsè dicantur ad sempiternam sanctissimi Bene-

Benedicti laudem, sed vere tamen dicuntur, nec cæteris Religiosorum hominum ordinibus suam diminuere aut labefactare gloriam contendo.

Floretis vos florentissimi Prædicatores, maxi- *Comparatio-*
mum omnino Ecclesiæ subsidium & ornamen- *huiuscumq.*
tum: sed nescio an non huic soli Benedicto Do- *Dominico.*

minicum vestrum debeatis, quem sterili parenti vobis sanctissimusex hoc ordine Dominicus suis precibus impetravit. Floretis Religiosissimi Franciscani, & vestris laboribus Ecclesiæ sanctitas elucescit; sed nunquid Franciscus ille vester in Portiunculæ canobio Ordinis huius prima suæ conversionis fundamenta iecit? Floretis & vos celeberrimi Societatis IESV Patres; vestra enim doctrina ac pietate Ecclesia decoratur, hostes Hæ-

Apostrophe
ad Francis-
canos.

retici profligantur, fines ad Antipodas usque pro-
tenduntur: sed tamen Benedicto acceptum re-
ferre vestrum Ignatium debetis, qui in canobio

Alia.

Montis Ferati spiritus primitias accepit. Quan- *Alia ad Ro-*
quam quid hæc minora confessor? Tu Roma, tu *mam D. Be-*
Ecclesia universa maximam tuæ gloriæ, & am- *nedicti in eâ*
plitudinis partem (da veniam veritati, audacter *merita.*

loquor) ab hoc sole Benedicto accepisti, Ille tibi suo ex ordine sanctissimo Pontifices maximos quadraginta sex concessit, Patriarchas quinquaginta duos, Cardinales ducentos, Archiepiscopos mille sexcentos, Episcoporum millia quatuor & sexcentos suppeditavit. Ille tibi Gregorium illum sanctitate doctrinaque magnum, Doctorum penè omnium Doctorem produxit. Ille per suos surgentes in te hæreses delevit, & Scriptorum prope illustrium plusquam millia quindecim suo ex ordine concitavit. Ille per suos Bibliothecas, Scholas, Academias florere fecit, ut tu Ecclesia floreres. Neque enim quisquam ignorat in solis olim huius Ordinis Monasteriis Academias & Scholas tanta cum laude fructuque stetisse, ut intra canobii duntaxat unius parietes aliquan-

Transitio.

*D. Benedictus
calum sua
luce illustra-
uit.*

*Apostrophe
ad D. Bene-
dictum cum
obsecratione*

quando millia quatuor studiosorum erudirentur. Taceo tot in Ecclesia ritus, quibus ipsa decoratur, sed ex hoc ordine eorum inventores ac institutores accepit. Vereor, quomodo, quod dicturus sum sitis accepturi, dicam tamen, obligatum est Benedicto calum, cuius ex ordine Sanctorum quinquaginta quinque millia & septingentos qui quidem omnes Divorum ordinibus adscripti ab Ecclesia coluntur, recepit. Ita non satis Benedicto fuit, mundum universum virtutum omnium diffusa luce collustravisse, nisi etiam suis è mundo fructibus calum ipsum ditaret. Sed non est huius ingenii mei, non est virium harum infirmissimarum tantum solem laudibus predicare; adorare possum, exornare non possum. Age igitur sanctissime BENEDICTE, suscipe præconium hoc leve nequaquam robusti Oratoris, qui tuis laudibus libenter imparem sese fatetur; rogat tamen & obtestatur, ut quoniam tot ac tanti radii tui calum condecorant, ac terras omnes illustrent, tuz lucis scintillam aliquam nostris in pectoribus ardere lucereque patiaris. Sentiamus tuum illum divini amoris fervorem, & Deo pleni incaleamus, experiamur virtutum omnium inclementum, & indies tuo inprimis auxilio, tuo deinde exemplo crescamus, ita rogo, ita te rogant omnes hi Auditores mei, & tibi gestientibus animis acclamant: *Benedictus qui venisti in nomine Domini. DIXI.*

OS (O) OS



ORA-

ORATIO XIV. DE LAUDIBUS

Eiusdem

D. BENEDICTI.

ECHONEM juvenili florentem ætate Nympham, cuius ea singularis modestia fuit, ut ovem, nisi interrogata. Nunquam ederet, quodam die vehementer excanduisse, & ruptis silentii frænis in verba prorupisse facetissimi ingeniosissimique Poëtæ comminiscuntur. Nam cum imperitus quidam pictor ejus effigiem coloribus suis adumbrare nimia artis suæ fiducia tentaret, impatiens ipsa & indoctæ manus temeritatem non ferens, itane, inquit, quod fieri nulla arte potest, tuo penicillo assecuturum te putas? exprimere si me cupis, pingere vocem, nihil aliud, quam vox sum. Non equidem hodie vereor, Ornâtissimi *Exordium ab Echonis fabula.*
AVDITORES, ne dum de D. Benedicti laudibus orationem aggredior, ipse mihi ab illo beatarum mentium domicilio quodammodo manus iniiciat, & famulantis eloquentiæ meæ vocem sistat, quod infantia balbutientis conatum excelsa illa Divorum dignitas nequaquam recusset; esse tamen sine aliquo timore non possum, ne quis conatum hunc nostrum temeritatem potius, quam pietatem interpretando acclamet, si Benedictum repræsentare nobis oratione contendis, sanctitatem ipsam repræsentari nihil enim aliud, quam ipsa sanctitas, Divus fuit Benedictus. Sed me reficit ac recreat admiranda illa tam excellentis Herois animi submissio, qua, quemadmodum inter mortales esset, sui nominis prædicationem omnem contempsit, ita *Fabula hæc in applicatione.*
 jam *Causa ad dicendum incitatur.*

*Imitatio
Lysippi.*

*Attentionis
captatio.*

*Confirmatio
incipit ab
exclamatio-
ne.*

*Contemptus
domus pa-
terne Bene-
dicti.*

jam in illo quam in immortalitatis sinu nullum
vel modestatis probæ, vel obsequentis pietatis
elogium aspernatur. Audebo igitur aliquid, ne-
que Apellem, quanquam nunquam satis lauda-
tum artificem, sed Lysippum imitabor: ille ful-
minantem Alexandrum, hic hastam manu tenen-
tem, quod illi propria esset, effinxit. Dabo Bene-
dictum propriis laudibus clarum, non alienis:
dabo humilem, dabo castum, dabo cæteris omni-
bus virtutum ornamentis illustrem, & si per te-
nuitatem hanc nostram licet sanctitatem ipsam
in ipso repræsentabo. Sublimioris equidem elo-
quentiæ vocem sacrum hoc Oratoris officium po-
stularer, sed quoniam mihi cum illa vestra pie-
tate agendum est, AVDITORES, curiosis auri-
bus nihil hodie indulgendum esse existimabo.
Vos quo singulari estis in Divum Benedictum
amore de eome dicentem benevole & patienter
audite.

Quanquam, o me infelicem! quem institui
laudare, reperire non possum. Si in Eutropii Nur-
sici Comitis parentis ejus Palatium me conver-
tam, hic non est, & inde penepuer excessit, si Ro-
mam, quæ primorum ejus studiorum sedes fuit,
abeam, hic non est, & doctrinæ virtutem antepo-
nens evasit; si inter amicos, ubi tot illustres an-
tiquissimæ ejus familiæ imagines gloriam pro-
mittebant, illum quæram, hic non est, & istis va-
nitatis humanæ retibus sese expedit, si Princi-
pum aulas, illa sollicitæ ambitionis theatra, per-
scruter, hic non est, & verum, non fucatum, ho-
norem ambiendo profugit; si in vicinas Italiæ
regiones, aut si etiam in remotissimas discedam,
hic non est, & Deum ac seipsum tantum noscere
volens latere desideravit. Nimirum, bene qui la-
tuit bene vixit. Effugerat fastuosam Parentum
Aulam, deseruerat famosam Romanæ urbis Aca-
demiæ, calcaverat animo volupratum blandi-

men

menta contempserat superba honorum insignia,
 in solitudinem spe plenus commigravit, & divi-
 no quodam ardore succensus in profundam sese
 speluncam demisit, ibique triennio delitescens
 solo pane, quem illi Romanus quidam Religio-
 sus per funem suppeditabat, victitavit, Vnum il-
 li antrum Aula erat, in qua familiæ claritatem
 obscuritate premens, regis Regum factus Anlicus
 serviebat. Vnum illi antrum Academia erat, in
 qua subtiles curiositatis humanæ nugas contem-
 nens, Deum solum Theologus, virtutem solum
 Philosophus addiscebatur. Vnum illi antrum thea-
 trum erat, imo totus mundus erat, in quo non ab
 hominibus conspici, sed à Deo cognosci deside-
 rabat. Effundebantur, (neque enim dubitari po-
 test,) effundebantur in hoc spectaculum beatissi-
 mæ illæ Angelorum legiones, & in hunc unum
 generosum adolescentem cœlestis admirationis
 obtutum defigebant. Mirabantur humanam in-
 firmitatem nullo pene alimento in eo corrobo-
 rari, nec tam cibis illum, quam divinis contem-
 plationibus nutriri? videbant illum assiduis pre-
 cibus vacare, nec tamen defatigari; cernebant
 tantam in eo animi submissionem, ut cum virtute
 quotidie cresceret, quotidie tamen sibi am-
 pliù vilesceret; suspiciebant fortissimum illum
 animum, quo ad victoriam de seipso reportan-
 dam concitatus in tenerimum corpus suum de-
 scendebat; obstupescabant inusitatum illud pu-
 gnæ genus, quo, ut titillantem insidiosè Venerem
 quam in præcordiis persentiscebatur, superaret, in-
 fodicantes sese spinas abiiciebat, totum sese la-
 cerabat, totum dilaniabat, & sanguine suo purpu-
 ratus de carne sua triumphabat. In hoc spectacu-
 lo cum affectu percussæ cœlestes illæ mentes ve-
 hementer commoverentur, tum ipsa Divina Ma-
 jestas in tam animoso ministro suo recreabatur,
 & ut illi singularem suum amorem testaretur,

*Angelorum
 ad eundem
 accursus.*

*Virtutes
 eius.*

*Factum eius
 contra ten-
 tationes.*

copiosiore ipsi quandoque annonam piissimorum quorundam virorum manibus suppeditabat. O te verè generosissimum Athletam! ô te dignissimum cœlo bellatorem! Itane ergo Sanctitatis arena est solitudo, miseriarum perperssiones rudimenta, flagellationses & pugnae exercitia, humilitas fundamentum, abstinencia robur, castitas

*Conversio ad
voluptuarios*

ornamentum & lumen? Profecto multum aberrant illi, qui per stratam rosas ac liliis viam, per amœnas voluptates semitas, per argenti & auri aceruos ad felicitatem pervenire contendunt. Magnus esse non potest, qui mollis est; felix esse non potest, cui voluptas arridet; sanctus esse non potest, cui opulentia, non paupertas, placet. Amas

Contrapostita,

Aulas & Palatia? Jam in te vix spes est felicitatis. In purpura & fascibus libenter appares? nihil ultra expecta; redimitus sapientiæ humanæ lauro superbis? veram sapientiam ignoras: fumosarum seriem imaginum virtute carens obtrudis? vilis est & ignobilis: in Veneris osculis & amplexu voluptate satur requiescis? periisti. Istas omnes instituendæ vitæ rationes jam ab illa spelunca sua, tanquam è cathedra assidue jejunando, semper orando aut meditando, frequentissime corpus suum lacerando Benedictus condemnavit.

*Benedicti
sanctitatis
fama.*

Et vero quem obsecro ac quantum illum ubique fama deprædicabat? Moysen alterum, qui divinae Maiestatis colloquiis in solitudine frueretur; Eliam alium, qui inter jejunii & abstinentiæ molestias cœlesti contemplatione pasceretur; Baptistam novum, qui in mediis eremi spatiis sanctimonix præcepta non tam docendo, quam vivendo traderet. Angelum quendam, qui vitæ puritate, & virtutum plusquam humanarum ornamentis mortales omnes superaret. Tanta vis est in omnem partem sanctitatis, ut cum omnia aspernetur, tum omnium admirationem excitet, & oculos in se convertat. Atque talis tantusque cum
effec-

esset, latere diutius non potuit, etsi latere semper optavisset. Fiebat ex orbe toto hominum concursus ad illum, quod illum vidisse cuiusdam *Concursus* esset felicitatis, & cum illum viderant, adhuc vi- *hominum* dere requirebant. Aliqui vocem unam duntaxat *ad illum*, excipere ex ore eius optabant, quod quicquid loqueretur magnum esset ad virtutem documentum; nonnulli gravem illam totius oris ac corporis eius compositionem intueri desiderabant, quod ex ore eius amor emicaret, ex oculis mansuetudo scintillaret, ex pectore castitas appareret, ex toto corpore humilitas, patientia, modestia, ceteræ denique virtutes omnes elucerent. *Laudes eius*. Quam ob causam multi illum speculum esse virtutis dicebant, alii sanctitatis arcam appellabant, omnes tanquam hominem à cælo missum observabant. Vitiorum gravissimus Censor erat, virtutum suavissimus instillator; summa severitate superstitionis antiquæ homines persequabatur, maxima charitate Christianos omnes complectebatur. Erant qui Christianæ perfectionis amore succensi, ut in eius disciplinam susciperentur quanta poterant contentione sollicitabant, hos *Accursus* amantissimè suscipiebat, & cælesti quodam studio sanctissimos efficiebat. *Magnorum* Erant illustrissimi *ad eius instructionem*. Nobiles, dico etiam Comites, Duces, Principes, qui eius sanctitatis fama permoti in solitudinem accurrebant, suos illi filios per illustrium germina familiarum, & futura Rerum publicarum columnina, ut sanctis moribus formarentur, commendabant, hos humanissime recipiebat, & ad vitæ sanctioris normam compositos, quædam virtutum miracula, restituebat. O quam pulchrum est, vitæ suæ rationes ad divinæ legis normam dirigere! O quam gloriosum est intaminatis virtutum radiis splendicare! Schola erat ubicunque Benedictus loquebatur; delubrum pietatis erat, ubicunq; morabatur; theatrum virtutis erat.

*Apostrophe
ad speluncas
in quibus la-
tuit.*

ubicunque conspiciebatur: speculum perfectio-
nis erat, ubicunque considerabatur; paradysus vo-
luptatis erat, ubicunque perambulabat. Hic ego
vos ô sanctissimæ speluncæ, ô antra beatissima,
quæ Benedicto sedem præbuitis, appello, an non,
si loqui possetis, angelicam eius fuisse vitam
proclamaretis? Et tu, ô sacra sylvarum solitudo
quoties in illo tuo silentio ferventissimas eius
preces audivisti? quoties manantes ab oculis eius
lachrymarum imbres excepisti? quoties illum
repetitis iterum & iterum osculis terram, com-
munem omnium matrem delibantem aspexisti?
quoties pene, pene a volante eius animo, cum dis-
solvi & esse cum Christo desideraret, expiravisse
putasti? Sed iam nimis profecto diu tantus He-
ros delituit. Quod si expugnari non potuit à Græ-
cis Troia, nili in huius belli societatem Achil-
les, qui inglorius delitescerebat, vocaretur, nec po-
terat tanta rerum prosperitate suarum gloriaque
nascens tum in terris Ecclesia frui, nisi è sylvis
suis in lucem Benedictus addisceretur. Prodiit
igitur è sylva, & iam universa recreari Ecclesia
videbatur; religiosas multis in locis domos ex-
struxit, & nullæ satis magnæ futuræ iudicaban-
tur; administrationem canobii unius factus Ar-
chimandrita suscepit, & nemo pene erat, qui non
vivere moriq; sub eius sanctissima disciplina de-
sideraret. Obsecro vos, AUDITORES, qualem
tandem in communi luce fuisse BENEDICTVM
existimatis? In hoc gloriæ campo inanis super-
bia statu multi animos extulissent, hic Benedi-
ctus sua humilitate sese involuebat; in hoc di-
gnitatis fastigio tanquam in otio multi conquie-
vissent hic Benedictus assiduus sese laboribus de-
fatigabat; in hoc publicæ famæ theatro tanquam
in optata laborum meta multi triumphavissent,
hic Benedictus ad graviolem sese pugnam accin-
gebat; in hac suscepti imperii potestate multi
tan-

*Factus est
Abbas.*

*Labores eius
dem in hoc
officio.*

tantum iura dicere voluissent, hic Benedictus parere servireque omnibus contendebat; rudes & imperitos quousque summa charitate erudiebat, ægros inter vitam mortemque periclitantes incredibili commiseratione iuvabat, raro loquebatur, nunquam oriebatur, hospites profusa quadam benevolentia excipiebat, paupertatem tanquam sororem, pauperes tanquam fratres suos amplectebatur, nullis iniuriis, nullaque invidia commovebatur. Et quemadmodum erat ardens quadam virtutum Pharus suis flammis late cuncta collustrans, ita tanquam immota constantiæ rupes sceleratas cum Dæmonis, tum perditorum quorundam machinationes intrepidus superabat. Venenum illi porrectum est aliquando, uno crucis signo vas oblatum perfregit: dono missus est imbutus veneno panis? non attigit, & dolum reiciendo detexit: in eius conspectum mulierculæ quædam audacia impudentiaque singulari nudæ proruperunt? recessit, & tanti sceleris auctorem unius ruina domus oppressit. Quæ omnia si nondum clarissimis indiciis sanctitatem eius manifestant, testem universam Naturam elementa, animantia rationis expertia, res anima carentes, homines, Dæmones, mortem ipsam appello. An non illi aqua obtemperavit, cum eius iussu Maurus monachus sicco per aquam pede decurrit? An non illi plantæ obsecundaverunt, cum emortuæ ad vitam per eum sunt revocatæ? An non eius sanctitatem aves agnoverunt, cum ad eius imperium, quoties evocabatur, cervus quidam advolebat? An non illi Dæmones paruerunt, cum Apollinis Idolo per eum apud montem Cassinum contrito, subversisque, in quibus habitabant, lucis aufugerunt? An non eius vi sanctitatis victus est Totila Rex, cum ad sanctissimi viri pedes prostratus, & coruscante virtutis eius iubare perculsus ferocientem audaciam deposuit, increpantem illum

Venenum signo crucis tollis.

Testimoniæ sanctitatis eius.

*Mors ei etiā
obedivit.*

illum audivit, sua fata per illum intellexit? An non mors illi tum obedivit, & obediendo sanctitatem eius horruit, cum eius precibus coacta religiosum illum vitæ restituit, quem muri à Dæmonibus deieci ruina penè totum in partes divisum oppresserat? Non possum, ingenuè fateor, non possum tantam divinæ huius sanctitatis vim aut oratione explicare, aut cogitatione complecti. Fateri omnes mecum deberis nihil aliud Divum Benedictum, quàm animatam in terris sanctitatem extitisse. Quæ causa est, cur merito vobis RELIGIOSI PATRES BENEDICTINI, universus Orbis de tanto Patre authoreque vestro gratuletur. Ille fuit, pro cuius sacra veste suscipienda tot Imperatores, Imperatrices, Reges, Principes purpuram in vilem

*Apostrophe
ad Religiosos*

*Ab enumeratione
laus
mim.*

habitum, opulentiam in paupertatem, voluptatem in molestiam commutaverunt. Ille est, cui, si loqui hic universa Ecclesia posset, gratias ageret, quod ex eius sanctissimo Ordine quadraginta sex Pontifices Maximos habuerit, tot Episcopos, Archiepiscopos, Patriarchas, quorum numerum pene innumerum non conlector, acceperit, per tot Doctores & Apostolicos viros, qui sui temporis hæreses omnes profligarunt, de hostibus suis triumpharunt. Ille est, qui tot soles in orbe fulgentissimos reliquit, quot extiterunt ex eius instituto viri sanctitate doctrinaque clarissimi, qui Angliæ, Hispaniæ, Belgio, Germaniæ, Poloniæ, Sueciæ, Hungariæ, sexcentis Provinciis aliis Christianæ Religionis lumen attulerunt, quæ profecto regiones omnes si sese commovere, ac vocem edere aliquam possent, salutem suam Divo Benedicto acceptam referrent. Quanquam nemo satis Divum ullum laudare potest, qui eius in æternitate triumphum non videt. O si ea felicitas nostra foret, ut ubi iam illum intueremur, ubi circumdatus immortalitate

Exclamatio.

tate

tate cœlo lumen, terris Numen resplendet ! Cur non animis saltem si corpore non possumus, illuc evolamus ? Cur non nostræ nos ibi cogitationes jam sistunt ? Videremus ibi quinquaginta quinque millia & septingentos ex ejus Ordine Divos qui hodie illi congratulantur. Videremus universos Ecclesiæ illius triumphantis Ordines pro Benedicto inter se concertantes. Apostoli propter incredibilem lucrandarum animarum zelum suum esse dicunt ; Martyres propter patientiam, & in adversis constantiam sibi illum asserunt ; Confessores in sua subsellia jam illum receperunt, Virgines, quod lilium quoddam Virginitatis extiterit, vindicare sibi illum contendunt. Immo Prophetæ, quod in terris hominum fata prædixerit, Prophetam appellant ; Patriarchæ, quod Gentis innumeræ ac sanctissimæ hodie in terra militantis Pater fuerit suo cætui illum adscribunt. Videremus Divum Dominicum illi applaudentem, quod Dominici cuiusdam ex ejus Ordine Religiosi precibus à Deo sit impetratus ; Divum Franciscum ex animo gestientem, quod in Portiunculæ Cœnobio Benedictinorum prima conversionis suæ fundamenta jecerit ; Divum Ignatium Societatis Iesu conditorem gratias agentem, quod in Cœnobio Montis ferati spiritus primitias acceperit. At vero cum ea tanta sit in Cœlis lætitia, nihil nos in terris agemus ? BENEDICTE, cum tua jam fortuna nullius indigeat, ecce tibi tantum applaudimus ; cum triumphes ; ecce FELICITER, acclamamus, cum tua gloria comprehendere cogitatione, explicari oratione, non possit, te tantum imitari volentes, silemus. DIXI.

*Applausio
& triumphus
D. Benedicti in
cœlis.*

*Apostrophe
ad D. Benedictum.*

ORATIO XV.

*In Laudem.*D. THOMÆ AQUINATIS,
DOCTORIS ANGELICI
Ord. Prædicatorum.

*Exordium
à Phidia
eiusq. elabo-
rata statua
desumptum.*

PHIDIAS, ille Plinio nunquam satis laudatus: Artifex, & Diis melior, quam hominibus efficiendis, dum ad immortalem sui nominis gloriam: victurum aliquod admirabilis industriæ suæ monumentum, in hominum posterorum oculis, atque in hoc potentissimo universæ Naturæ theatro extare desideraret, concitatus hac immortalis gloriæ cupiditate tanto artificio, tantaque ingenii subtilitate ex ebore atque auro Minervæ statuam elaboravit, ut universa pulchritudinis adumbrata lineamenta uno atq; eodem puncto terminarentur. Quid cum satis admiratione complecti, ore deprædicare rerum illa mirandarum procreatrix vetustas non posset, videretq; eo perfectionis illum ascendisse, quo cæteri adspirare non auderent, non tantum excellentissimum illum celeberrimumq; sed artificem citra æmulum appellavit. Eodem plane modo, si mihi fas sit statuarium aliquem cum orbis Architecto, artificem cum Creatore, hominem cum Deo comparare, præpotens ille rerum omnium moderator Deus fecisse videtur, qui cum permultos vitæ innocentia sanctissimos, non paucos virtutis excellentia præstantissimos, plurimos doctrinæ fama celeberrimos diversa variarum ætatum tempestate tanquam Heroas quosdam & iure etiam Semideos in terris singulari prorsus favore constituisset, tum extare voluit aliquando in Ecclesia dilecta illa sua divinaque

*Phidiam
hunc in D.
Thoma pro-
ducendo imi-
tatus est
Deus.*

Re-

Repubblica Heroem illum, in quo tanquam in opere divinæ providentiæ perfectissimo, innocentia, virtutis, sapientiæ momenta omnia lineamenta que reperirentur ac terminarentur. Atque hic excellentissimus Heros Thomas est Aquinas Doctor Angelicus verum omnino religionis Delubrum, prudentiæ Domicilium, Sapientiæ Oraculum, Humilitatis Arx, Virginitatis Ara; uno verbo virtutum omnium Doctrinarumque The-saurus. Quem cum ille cælestis Imperator ad communem hanc, quam respiramus, auram depuravit, non ex ebore vel auro, sed ex ipsa virtute sapientiæque ita conflavit, ut non Divus aliquis, sed Divorum miraculum, non Doctor, sed Doctorum omnium atque universi Magister mundum universum permoveret. Quæ causa est, cur cum ad hanc impostam mihi dicendi provinciam accedo, ut eloquentiæ famulantis obsequium Sanctissimo Doctorum omnium Principi consecrem ac præsentem, multiplex me pavor, & importuna trepidatio in ipso orationis limine deprehendat ac deterreat, ne tantum solem parva face adorem, tantum Oceanum imbelli rate pertentem, tantum miraculum impolitæ dictionis temeritate corrumppam. Quid enim aliud Thomas Aquinas in terris fuit, quam missa è cælo sapientia, quæ assumpto calamo tanquam penicillo in Ecclesiæ oculis divinam Maiestatem, Religionem Romanam, Doctrinam salutarem, clarissimis, pulcherrimisque coloribus adumbravit? quid aliud inquam, fuit, quam Salomon novus, Cæli discipulus, Dei ipsius auditor? quam Augustinus, quam Hieronymus, quam Ambrosius, quam Cyprianus, quam omnes illi antiqui Patres ac Doctores in hoc uno, quam hic unus in omnibus illis antiquis? Sed me reficit ac recreat vester ille nutus, Ornatissimi, Humanissimique

AVDITORES, quo mihi satis indicatis non pos-

*Definitionis
conglobata.*

*Dicendi
causa.*

*Laud. D.
Thoma.*

*Ad audito-
res conversio*

*Apostrophe
ad religiosos.*

*Totius Orati-
onis distribu-
tio.*

*A minori
ad maius.*

se non humanos oculos tantum ad solem caligare & pietatis cuiusdam esse in Divis exornandis eloquentiam potius submittere, quam industria commendanda facundiam ostentare. Quin & vos RELIGIOSISSIMI PATRES, non rogastis me tantum, sed impulistis etiam ad dicendum, cum imbecillis vocis officium admittere maluistis, quam pii silentii redemptionem in hac vestra THOMÆ festivitate probare, quem vobis orbis universus invideret, nisi per vos orbis illum universus haberet. Audebo igitur aliquid, & ut possim, imitabor eos, qui magnas ingressi civitates sacras primum ædes & dicata Numini summo delubra visunt, tum ad Gymnasia, Fora & extenta porticibus suis ambulacra procedunt. Etenim in hac D. THOMÆ laudatione primum eius SANCTITATEM admirandam & priscis æquanda virtutum monumenta venerabor, tum gradum ad illa proferam, quæ in medio constituta sunt SAPIENTIÆ eius ad publicos usus immortalia frigna, nec privatis parietibus, sed publicis Academicis, nec Academicis, sed orbe toto, nec orbe tantum, sed coelo ipso concluduntur. Atque ut in SANCTITATIS eius delubrum intremus, & quæ oculis usurpare non possumus, animo virtutum monumenta complectamur quanquam estis in templo, fingite tamen Benevoli AUDITORES, vos in eo versari templo, in quo virtutum, omnium Sanctissimi THOMÆ insignia cernuntur. Et obsecro, si corpore animoque corrui passa deliquium, & admirationis stupore confusa Regina Saba, cum Venerandam Salomonis Regis in excelso throno Maiestatem, & ordinatissimam circumquaque familiam intueretur, quis in hoc admirando multiplicis eius SANCTITATIS delubro, in quo tot virtutum signa ad imitationem exposita, tot perfectionum tabulæ ad admirationem affixæ, tot laudum vexilla ad sempiternam

iglo-

gloriam pendentia conspiciuntur, non corpore
 concidat, non animo deficiat, non admiratione
 exanimetur ? Sed eamus per singula, & singula
 animi oculis hauriamus. Ecce quam egregia in- *Factum*
 primis mundi contemptus imago nostris oculis *Alexandri*,
 atque animis occurrit ? Alexander ille, quem
 ad omnem virtutis gloriæque magnitudinem e-
 nixa Felicitas universi Dominum præparabat,
 cum aliquando ab Anaxarcho Philosopho non u-
 num hunc tantum; sed plures, sed infinitos alios
 superesse mundos intellexisset, confusus ani-
 mi dolore confestim ingemuit, & qui arma ad
 mundi terrorem manu vibrabat, oculis lachry-
 mas pene ad desperationem effudit. Non ita, non
 ita, noster hic THOMAS, qui posteaquam, etsi
 puer, de immenso Monarchæ cœlestis imperio,
 deque Divorum nunquam finienda felicitate,
 tanquam de novo quodam orbe, disponentibus
 ita satis certior est factus, ingemuit equidem: non *Contraposita*
 ut quicquam sibi optaret, sed quæreret: non ut
 cœlum, stellatam illam tot ignibus tam distin-
 ctis machinam contemplaretur, sed suâ genero-
 sitate sublatus aliquando possideret; non ut ab-
 jectis in sinum brachiis Fortunæ favorem & Dei
 benignitatem expectaret, sed armis assumptis, &
 obtenta à seipso missione in expeditionem, fe-
 stinaret. Egregium sanctitatis futuræ rudimen- *Origo D.*
 tum ! En felix faustumque divinæ illius excel- *Thoma cino-*
 lentix principium Erat Erat LANDVLPHI Co- *que ingressus*
 mitis Aquinatis filius, ut non familiæ fumosis *in religio-*
 imaginibus, sed virtutis splendore fulgeret, fa- *nem,*
 ctus est religiosus : erat dives, & in ipso quasi
 beatæ fortunæ palatio procreatus, ut à seipso opu-
 lentus esset, factus est pauper & egenus: erat il-
 lustris, & antiquæ familiæ stemmata poterat osten-
 tare, ut aliquando illustrior esset in cœlo, & suis
 majoribus virtute præluceret, factus est ignobi-
 lis & obscurus, Nimirum non ignorabat futurus

aliquando Doctor orbis triangulare cor hominis esse, mundum autem hunc rotundum, qui si cordi apponatur, vacuos angulos relinquet, nunquam implebit. Vnus est trinus ille DEVS, triangularis illa atque una TRINITAS, quæ ubi cor hominis atque animum subintrat, totum replet, repletum satiat, satiatum inflammat, inflammatum alit & in seipsum propemodum convertit, ut illi necesse sit exclamare: *Quid mihi est in celo, & à te quid volui super terram? defecit caro mea, & cor meum, Deus cordis mei, & pars mea Deus in æternum.* Hæc erant adolescentis THOMÆ suspiria, hæc cogitationes, hæc voces ut anhelanti animo ad Deum aspiraret, inflammata mente Deum cogitaret, affectu plenissima voce Deum loqueretur. Non jam mihi videre videor mulierem illam amictam Sole, quam illa cœlestis Aquila Ioannes agnovit, cuius sub pedibus Luna, in capite corona stellarum duodecim: sed mihi præsentem intueri videor adolescentem, & hunc THOMAM, non amictum sole, sed gratia cœlesti circumdatum: non stellis ardentibus redimitum, sed virtutum pulcherrimo diademate coronatum: non Lunam elato passu calcantem, sed honores, sed divitias, sed voluptates, atque adeo mundum ipsum ac totum, ut in B. Dominici leges ac instituta juraret, proque purpura Sanctissimi Prædicatorum Ordinis vestem indueret. Quis vestrum non aliquando Pyramidem vidit sublimi culmine sed acuto in cœlum assurgentem, inferiori vero latissima parte terriam prementem? Non ejusmodi cor hominis est, non ejusmodi cor erat sanctissimi THOMÆ, sed acutum ima parte, supèra latum, ut vel nunquam, vel in puncto terrena tantum attingeret, maximo vero ac latissimo affectu virtutem, cœlum, Deum ambiret. Et profecto nunquam (audebo enim affirma-

Gradatio.

*Suspiria
D. Thomæ.*

*Descriptio
D. Thomæ
ornatus.*

*Pyramis
qualis.*

mare, quia vos ipsi cogitatis) nunquam THOMAS AQUINAS tantus vel in mundo vel in Cœlo fuisset, nisi mundum reliquisset, & extra mundum Cœlum ac Deum quæsiuisset. Quamquam non his tantum immoremur & unius imaginis aspectu delectemur : en alia CONSTANTIAE tabula pulchro, solido, victuro colore depicta. Subit mentem Coriolanus ille Romanus, qui, cum Romam patriam suam Volscorum exercitu cinxisset, & legatorum jam ad se missorum preces cum oblata per Pontificumque insulatum religionem cum cæremoniis superbo atque immiti animo repudiavisset, ubi venientis Veturæ Matris aspectum oculis, vocem auribus hausit, VICISTI, inquit, MULIER, & abducto exercitu, fortissimus alias Imperator patriam liberam reliquit. O non ita generosus hic & Cœlestis Athleta ! obsidebat ille cœlum, & in religiosissimorum Prædicatorum castris militans toto animo atque affectu cingebat, venit illustrissima mater ejus imprimis Theodora, suspirantia plenaque lachrymis desideria filio opposuit, sed cum ille constantiæ clypeo repelleret, nec in animum admitteret, VICISTI, inquit illa, FILI, sicque retrocessit. Venerunt generosissimi strenuissimi que fratres ejus Landolphus & Arnoldus, insidias abeunti in Galliam struxerunt, captivum intra rurtim concluderunt, duro & acerbo vultu minas evomuerunt, sacram vestem sacro corpori detraxerunt, & laceraverunt, contumeliis vexaverunt, ac ille insidiis non tersitus, minis non mutatus, carcere non fractus, contumeliis major & excelsior tanquam quædam Marpesia cautes ventos, ictus, procellas, & fluctus, risit, contempsit, superavit. Venit tandem, quid ? Voluptas oblata, Venus quædam intrusa, meretrix libidinis magistra, ut integerrimi adolescentis pudicitiam osculis & amplexibus expugnaret. Scenam ipsam confi-

Factum Coriolani in obsidione Romana.

Generosior hoc Duce D. Thom.

Spernit minas, & vexationes fratrum.

*Tentatio
D. Thomae
à meretrici-
la.*

derate. Penetraverat petulans & procax mulier ad illum, oculi lenocinium, gestus illecebras, verba blanditiæ, totum corpus suavissimæ persuasionis machinam admovebat; & erat temporis oportunitas, solitudo loci, incundissimæ voluptatis præsentia. Quid deinde? O generosum adolescentem! ô egregium virginitatis & pudicitiae propugnatorem! nihil ad tot istas concussiones pectore vacillans, nihil ad istos meretricios istus labans, immobilis, invictus, victor, accepto de cineribus foci semiustulato ligno meretriculam impudicitiae mancipium abegit, fugavit, eiecit. Quanam obsecro vestros animos, AUDITORES, cogitatio pervadit? quis sensus est animorum vestrorum? An non videre vos putatis (nam hic est alia virtutis alterius imago) Davidem aliquem, qui non Goliath, sed Gygantem tamen formidandam Castitatis hostem, non funda, sed virginali audacia constantiaque prosternat? Prostravit sanctissimus Thomas, & dum manus meretrici titiorem intentat, sua pudicitia sese minus involuit. An non obversari vestris oculis Sampsonem aliquem existimatis, qui non Asini maxilla Philistæum, sed meretricem fraudibus ac fallaciis potius, quam pigmentis ac fuco delibutam insigni pudicæ mentis ictu mactavit? O titiorem victricibus hastis celebriorem, triumphalibus honoratiorem! Sed ô te, SANCTISSIME THOMAE, ô te victorem posteritatis memoria prædicandum, æternitatis gloria condecorandum! quid isto tandem tam præclaro facinore ista tandem tam eximia propugnata Virginitatis victoria à DEO TER OPTIMO MAXIMO obtinere meruisti! Nimirum ut absoluto certamine partaque victoria, castitatis occulto cingulo manibus ipsis Angelorum succingeris, & hoc tibi esset fortitudinis argumentum, victoriæ merces, immortalitatis insigne,

Pro-

*Fortitudinis
exempla.*

*Apostrophe
ad D. Tho-
mam.*

procedamus, **AVDITORES**, ecce aliam nec pro-
cul hinc tabulam animadverto; quamnam ve-
ro? humilitatis, an paupertatis? Date vos illi
nomen, rem universam proponam. Archiepisco-
patus illius Neapolitani dignitatem honore ma-
ximam, vectigalibus amplissimam à Clemente
Quarto Pontifice Romano sibi oblatam respuit
humilitatis est. Privata vita & egestate religiosa
contentus nullam unquam lautiores splendi-
dioresque fortunam appetiit; paupertatis est.
Propter ingenii præstantissimi magnitudinem
nunquam superbiit, propter generis clarissimi
dignitatem ac nobilitatem nunquam aut ani-
mum, aut vultum erexit: humilitatis est & pau-
pertatis. Quid dicam quod sollicitis precibus
profusisque lachrymis titulum nomenque Do-
ctoris semper recusavit, nec nisi iubente Deo, &
suis morem gerendo Rectoribus suscepit? iterum
est humilitatis, quam obedientia regebat. Quid
dicam quod ab hospite quodam, sed religioso in
itineris socium adscitus quanquam æger non ex-
roris illum arguerit, non imprudentem admo-
nuerit, non sese excusavit? quod, inquam, ab eo-
dem per agros & per urbem Bononiensem, ubi
notissimus erat ac celeberrimus, nimia quadam
festinatione propemodum raptatus, non exulce-
rati signum animi, non querelæ vocem edide-
rit? humilitatis est, obedientiæ est, mansuetudi-
nis est. Festinemus, & in unam adhuc tabulam,
priusquam ex hoc templo **SANCTITATI** pedem
efferaamus, oculos, si placet, coniciamus. Allicit
illa animos multiplici colore, recreat oculos iu-
cunda varietate. Videte purissimæ & innocentis-
simæ mentis colorem. Cum mulier quædam san-
guinis fluxum immundissimum pateretur, uno
atque solo Doctoris Angelici simbriæ contactu
est mundata. Spectate ferventissimum vehemen-
tissimumque cordis eius ardorem. Cum orationi

*Transitio ad
eius virtutes*

*Dignitates
oblatus con-
tempnit.*

*Humilitatis
eiusdem a-*

*D. Thomas
simbria at-
tacta sanas
agros.*

*Vervor in
Deum.*

Transitio

*Definitiones
conglobata.*

*A Musarū
fabula.*

contemplationique curis omnibus ab animo semotis vacaret, usque adeo pietatis quibusdam alius mens in Deum attollebatur, ut corpus etiam quasi ponderis & gravitatis expers in sublime raperetur. Nolo meminisse, etsi iam animo cernam, quod cum Angelis non raro, cum Divis aliis aliquando velut in privato mentis suae sacratio sermonem colloquiumque suavissimum habuerit. Prætereo, quod cum ad sobriam frugalemque mensam corpus reficeret, ita mente incalis versaretur, ut mensæ, ciborum, & adstantium omnium oblivisceretur. Sileo verecundam eius modestiam, piam taciturnitatem, iucundissimam comitatem & affabilitatem, charitatem in omnes ardentissimam, patientiam infractam & invictam, cæteras omnes denique virtutes, quibus ita condecoratus resplenduit, ut non minus esset Angelus vita, quam Angelicus doctrina. Illud dico, qui fuit rationis nostræ Pædagogus, Deus ac legum interpres, Sacrosanctæ Theologiæ Patrens, universi Præceptor, veræ Sapientiæ Oraculum, idem virtutum omnium ad omnem æternitatem perfectissimum fuit exemplar. Sed tempus iam nos monet, ut ex hoc SANCTITATIS eius delubro excedentes cogitationem ad immortalia Sapientiæ eius monumenta cognoscenda properantibus, animis abducamus. Abeamus igitur, & uno tantum intuitu cursim omnia percurramus. Nescio quodnam tandem mens mea simulachrum intueatur. Videre videor in Helicone novem illas Deas, quas Musas, qui fabulantur, appellant, omnes lyris, cytharis, instrumentis aliis musicis instructas, medium autem inter illas Apollinem aurea cythara decorum, præsidentem, & universæ concentum Musicæ perficientem. Quid hic dicam? quid eloquar; Aberro, AUDITORES, non Apollinem in Helicone, sed THOMAM in Ecclesiâ; non illum inter Musas

fas sed hunc inter Doctores intueor. Hic illam D. Thomae
 Doctrinæ multiplicem varietatem, quam tanquā *Doctorem*
 Musicam pulcherrimam Antiqui illi Doctores suis *præfer.*
 calamis velut organis quibusdam Spiritus sancti
 afflatu repletis ediderunt addito suavissimo con-
 centu perficit, dum ordinat disponendo, explicat
 connectendo, componit docendo. Et nunquid
 etiam ex hoc nostræ Religionis & Ecclesiæ Heli-
 cone fons quidam vocalis & sacerrimus ebullit?
 Ille est sanctissimi THOMÆ saliens in Eccle-
 siam universam Doctrina. Non ille fons, qui a-
 pud Garamantas teste Solino noctu feruet, inter-
 diu friget: sed fons tamen, qui Hæreticos exurit, *fons irrigans Ecclesiam.*
 ambulantes in veritate refrigerat. Non ille fons
 apud Dodonam teste Plinio prodigiosus, qui ar-
 dentes & immerfas in se faces extinguit, extin-
 ctas accendit: sed fons tamen, qui accensas hæ-
 resum libidinumque faces extinguit, extinctas
 fideique lumine & virtutum flamma carentes in-
 cendit & illuminat. Non ille fons apud Faliscos,
 cuius aqua potata candidos reddebat boves: sed
 fons tamen, quem qui avido sitientique pectore
 degustat & haurit, intellectum, voluntatem, ani-
 mam suam candidissimam, formosissimamque *Subiectio.*
 reddit. Quanquam quid fontem appello? Lux
 est Doctrina THOMÆ, sed obsecro quænam Lux
 est? Non ignoratis, quod cum rudem indige-
 ramque mundi molem orbis Architectus ordi-
 naret, prima die lucem quandam per omnia dif-
 fusam creavit, quarta vero Solem, illum mundi
 oculum, diærum parentem, temporum dispensa-
 torem condiderit, à quo lucem Luna cæterique
 Planetæ ac stellæ mutuantur, per quem quicquid
 in terris vegetatur ac crescit, animam haurit ac
 vivit. Profsus eodem modo primis illis Ecclesiæ
 temporibus lucem quandam cæteri Patres ac Do-
 ctiores in Ecclesiam atque orbem universum dif-
 fundebant, sed informem, sed obscuram: tandem
 vero

*D. Thom.
Doctorum
lux.*

*A testimo-
nia.*

*Testimoni-
um Concilio-
rum.*

vero exortus est THOMAS, verus Ecclesiæ Sol ac novus, cæterorum in se lucem contraxit, noctis obscuræ tenebras dispulit, diem clarissimum & serenissimum fulgentissimis sapientiæ suæ radiis effecit. Vidit hanc sapientiæ Angelicæ lucem rerum omnium molitor Deus: & ut bonam approbaret; *Bene, inquit, scripsisti de me Thoma.* Viderunt Pontifices Romani, Vicarii DEI, Ecclesiæ Reges, & hinc Innocentii V. vox illa, *nunquam qui Thomam tenuerit à tramite veritatis deviasse, semper qui Thomam imaginaverit, de veritate suspectum fuisse.* Hinc Gregorius X. *Tot in Sanctissimo Thoma miracula reperiri protesta- tus est, quot articuli reperiuntur in illo.* Hinc Clemens VIII. *Angelicum divina voluntatis interpretem appellavit.* Hic ut amplius suum affectum tanquam Ecclesiæ caput ac rector aperiret, plurimum se suo ac totius Ecclesiæ Christianæ nomine D. Thomæ Angelico Doctore debere confessus est. Hinc Paulus ille Quintus, cuius hodie triplicem infulam purpuramque in Apostolica sede veneramur. *Splendidissimum Catholica fidei athletam appellat, cuius scriptorū clypeo militans Ecclesia hæreticorum tela feliciter eludat.* Viderunt hanc lucem Ecclesiæ CONCILIA, Lateranense, Lugdunense, Tridentinum: & quia è purissimo splendidissimoque sole emitticam non ignorabant, cæteris omnibus anteposuerunt. Vidit, imo videt hanc lucem, ea fruitur universa quæ versus in Orientem Occidentemq; solem Ecclesia propagatur, & quod olim Voluscanus Episcopus de Augustino dixit, Legi Dei deesse quicquid Augustinū contigit ignorasse, hoc Ecclesia de sanctissimo Thoma, Theol. deesse, quicquid Thomā contigit ignorasse, Dicant, & attestent-

tur quotquot in orbe sunt universo Academix, an *Alia testimo-*
 non hodie Gymnasia, Scholæ, Doctrinarum Do- *nia Acade-*
 micilia, religiosorum virorum Canobia, Synodi, *miarum &*
 verba Thomæ tanquam oracula recitant, discunt, *mnium,*
 tradunt ac docent? O felix Colonia, quæ Docto-
 rem tam eximium, tuum sub Alberto Magno di-
 scipulum vidisti, & erudivisti: felicior Parisien-
 sis SORBONA! quæ non tantum doctrinam illi, *Apostrophe*
 sed Lauream etiam Doctoralem contulisti, & in *ad loca in*
 eo Principem Theologorum coronasti. Imo se *quibus flow*
 licissimæ illæ omnes Academix, quæ ab hoc ora- *runt D.*
 culo responsa accipiunt, ab hoc Sole veritatis lu- *Thomæ.*
 cem hauriunt, ab hoc Doctore doctrinam omnem
 & sanctitatem emanare vident. Sed vestra prima
 est ac summa felicitas, RELIGIOSISSIMI PATRES
 quod inter vos atque in illo vestro sanctissimo or-
 dine hic ingens sapientiæ Thesaurus formatus est
 & asservatus, quem profecto si unica hac oratione
 laudare satis possem; magnus omnino non esset.
 Non possum AUDITORES, & ut ingenue fatear,
 solius est Angeli Angelicum laudare Doctorem,
 hominum est imitari. Atque utinam per vitæ pu- *Optatio.*
 ritatem, hæc enim est sapientiæ principium;
 utinam per sapientiæ amorem, hæc enim
 est vitæ omnis ornamentum! Tu utrumque
 SANCTISSIME THOMA, concede, *Invocatio,*
 ut in re ac tuas virtutes ita oculos consuecia-
 mus, ut animos apponamus; ut à te sancto purita-
 tem, à te Doctore eximio sapientiam veram per-
 discamus. Tui enim alumni, sapientiæ discipuli,
 tibi Philosopho veritatis, ingeniorum Phœnici,
 Theologiæ Principi, affectum consecramus &
 æternum acclamamus.

DIXI.

ORA-

ORATIO XVI. DE LAUDIBVS D. FRANCISCI.

*Exordium
A L. Emi-
lio factum*

LVCIVS ÆMILIUS, MAGNIFICE DOMINE, ILLUSTRISSIMI DOMINI AUDITORES ORNATISSIMI, cum olim Polybio teste beatam illam Elæi Iovis imaginem, quam Phidias nunquam satis laudatus artifex expresserat, vidisset, confestim diu attonito similis hæsit quasi ingenti stupore perculsus, ac tandem soluto animo in has voces erupit, Pape, solus Phidiaz Iupiter, Homerici Iovis maiestatem est complexus. Ego vero non minoxi hodie admiratione commotus iure tamen meliori ac maiori cum veritate, dum animo cogitationeque sanctissimum FRANCISCVM complector, & quasi intueor affirmare possum. Vere solus FRANCISCVS divinam quandam in terris maiestatem est complexus. Vere solus FRANCISCVS illustrem celestium omnium virtutum effigiem in corpore mortalium oculis aspiciendam proposuit. Quid igitur? egone tanti Numinis Maiestatem in hoc gravissimo confessu vestro explicare me posse putem? Non puto. Egone tantæ virtutis dignitatem ullo Eloquentiæ etiam Tullianæ subsidio aperire, illustrare, commendare possem? Non possum. Neque enim satis magna sanctitas est, quæ vel ornari verborum floribus potest, vel affluentibus facundiæ opibus augeri; quæ magna vere est adorari potest, non explicari. Atque ea est beata Divorum omnium conditio, ut divino quodam animo plus Deo sanctitatis offerant ad felicitatem, quam hominibus ad dicendum relinquunt dignitatis. Quæ causa est cur ego hodie susce-

Applicatio.

*Arct. pra-
stantia.*

*Dicendæ
causæ.*

susceptum hunc de Beatissimo FRANCISCO
 sermonem non ad artificiosas disertissimorum Ora-
 torum leges adornare velim, sed ad admira-
 tionem efferre, ut quanquam videri possim. Ar-
 tis prævaricator, non sum tamen temerarius ad-
 mirandæ sanctitatis laudator. Vos igitur quot-
 quot hic summa cum benevolentia & attentio- *Attentionis*
 ne adestis ita animis & cogitationibus vestris ad *& benevolē-*
 mirantes beatissimum FRANCISCVM obli- *tia captatio.*
 cite, ut intueri vos cælestem illum Heroem putetis, qui
 quantum homini in hac vita fas est, tantum ipse
 summa virtutum omnium excellentia, & admira-
 bili inusitatæ probitatis specie ad divinæ Maiesta-
 tis Christique Servatoris similitudinem accessit.
 Id ego ostendere non tam dicendo, quam admi- *Subiectio.*
 rando conabor. Atque in primis nescio quis arro-
 gans & superbo animo plenissimus olim Mathema-
 ticus audacia potius quam confidentia sermonis
 asserere audebat, quod si figere extra terram pedē
 posset, omnem terram hinc atq; inde levi negotio
 commoveret. Facilis profecto iactantia, ubi expe-
 rientia difficilis, ac plerumque audaciores homi-
 num animi sunt, ubi omnino nihil possunt, quasi
 fidem confidentia, non rerum eventus apportaret.
 Sed ita tamen evenit, atque ubi non pedem, (quid *Præstantia*
 enim pedem attinet?) sed mentem, sed animum, sed *D. Francisci*
 affectum extra mundum (quid extra mundum?)
 sed in mundo extra rerum terrenarum desideria fi-
 xit FRANCISCVS, non illam terræ molem im-
 mensam (aberro, punctum dicere volebam) sed
 homines & expertes rationis animantes atque
 ipsa Naturæ elementa, adeoque Deum ipsum ita
 commovit, ut si ipse Deus in cælo non fuisset.
 FRANCISCVS in terris esse voluisset. Ne mire-
 mini, minus dixi, quam dicere volebam, ut in-
 quam, cum Deus æterna illa maiestate in cælo
 resplenderet, esset tamen idem quodammodo in
 ter-

Testimonio terris FRANCISCUS. Testem hic sanctissimam
D. Brigitta. Brigittam appello, quæ cum admirandæ cuius-
 dam sanctitatis prærogativa ad divinum collo-
 quium admissa, gratissimam de Francisco men-
 tionem fecisset, ibi Christus, vere inquit, ô Bri-
 gitta, amicus ille mihi fuit, quasi ignitus, quasi
 igneus quidam lapis, quia in se me habuit, qui
 sum ignis. Ecce DEVM in se habuit ac possedit
 Franciscus; an non vero quodammodo Deus ipse
 Franciscus? Sed huius vitam quantum fas est,

Comparatio. cum illius divino in terris manere actionibusque
vita Fran- sacratissimis conferamus. Maxima profecto di-
cisci cum vinx Maieſtatis eæ benignitas ac misericordia
vita Christi. fuit, cœternum sibi ac gloria infinita parem fi-
 lium ex immensæ bonitatis suæ gremio ut homi-
 num genus in libertatem ac salutem simul effere-
 ret, in has terras ablegare, atque illi vitæ auspi-
 cia in stabulo à nuditate, ab egestate, à solitudi-
 ne, à contemptu, à patientia designare. Sed & i-
 dem præpotens ille Deus, cum sacram illam,
 quam in terris authoritate divina sanctissimisque
 legibus, Rempublicam constituerat, depravata
 morum disciplina collabentem, inque suum ru-
 entem exitium animadverteret, ut eam erigeret,
 non tam in terris Divum Franciscum excitavit,
 quam ex cælo numeris omnibus virum absolutis-
 simum, & arcana quadam sancti Spiritus opera
 formatum demisit, ut cum hominum perditio-
 rum Redemptor Christus extitisset, redempto-
 rum restaurator Franciscus extaret. Cogitate
 nunc quantæ fuerit dignitatis in tanti ad homi-
 nes salvandos muneris societatem cum ipso Deo
 quodammodo venire, statuētis apud vos non
 tam illum hominem aliquem, quam cœlestem
 quendam in terris heroem existisse. Atque
 huius vitæ suæ (nolo incunabulorum eius hic
 recordari, nolo pueritiam excutere) an non au-
 spicia à nuditate duxit, rerum omnium con-
 temptu consecravit, patientia constantiaque

Franciscus
mundi con-
temptor fuit

nunquam vincenda confirmavit ? Nimirum, nunquam quisquam virtutis dignitate magnus esse potest, qui non in ea quæ prima apud homines sunt generoso affectu conculcavit. Nimirum Cœlestis Gloriæ purpuram nunquam is induet, qui fucatas illas vanitatis humanæ trabeas & prætextas non exuerit. Videre mihi videor, ac coram hic intueri hinc **FRANCISCVM** nunc *Hypotyposis.* inter pauperes & mendicos delitescentem, nunc leprosum manibus ac pedibus oscula figentem : aliquando ægris humanitatis obsequia summa pietate præstantem, aliquando tenuioribus & egenis sacerdotibus facultates aliquas impertientem, nonnunquam aurum & argentum promptissimo animo manuque à se removentem & aspernantem : inde vero partem iracundia intumescentem, furore excandescentem, avaritiæ stimulis concitatum convitia nefandissima ore impudenti eructantem, ac nihil omnino minusquam se patrem, & illum suum esse filium (quanquam quid dico Patrem ? quid dico filium ?) nihil, inquam, minus, quam se hominem esse, cuius misereri deberet, cogitantem. Hinc verbis omni furore plenissimis pater deto- *Contraposita* nabat, inde summa cum modestia filius tacebat : hinc animi & manuum impotens durissimis verberibus filium pater pertundebat ; inde patris furorem animo gestiens, filius excipiebat : hinc pater verberando defatigatus in vincula carceremque filium pertrahebat, inde filius catenis onustus, quod aliquid propter justitiam patere-
tur, exultabat. Et nunquid ea quoque fuerant *Principia*
Christi Salvatoris vitæ principia, nasci in mise- *vita Christi.* riis, circumcidi doloribus gravissimis, iniquissima Herodis sententia ad mortem deposci, à sicariis crudelissimis ad mortis supplicium quæri, fugere, & exilio patriam commutare ? Is tanquam vestigiis quibusdam non leviter ad gloriam im-
pres-

*Prosepopaia**Subiectio.**Distributio.**S. Franci-
scus imitator
Christi.*

pressis cum insistendum sibi esse statuisset, & esset etiam ad Antistitem suum à parente deductus, cum ut paternis omnibus facultatibus renuntiaret, tum iis quæ possidebat, se abdicaret, nihil cunctatus, habet, inquit, ô pater, tua, habet mea, habet etiam, si ita cupis, hanc vestem. Deus meus, & omnia, in quo, cum & tuis, & meis, & omnibus mundi bonis exutus fuero, satis amplas ac nunquam finituras opes inveniam. Et quoniam cum natura jam parentis animum exuisti, ne inane retine nomen, Deum hodie & patrem solum accipio, & securus appello. O vere animum cœlo dignissimum, & terris omnibus maiorem! Hic ego vos obtestor, Auditores, quo tandem animo fuissetis? quid cogitassetis? quid dixissetis, cum inde patrem filii vestibus onustum abeuntem, hinc filium toto corpore pene nudum, aut certe vix bene palliolo, quod ei dederat Antistes, coniectum in nemora sylvasque properantem vidissetis? Nunquid animis perculsi ingemissetis? Non equidem sane decuisset, cum ille terrenæ vitæ contemptus principium sit æternæ. Nunquid tamen retinere ac patri reconciliare filium studuissetis? Neque istud profecto convenisset, cum non satis æterna illa felicitate iudicandus sit dignus, qui spem suam perituris tantum rebus affixit: dignissimus autem ille Deo discipulus sit, qui ut Dei solius esse possit, opibus omnibus valedicit, & Naturam exsuperando parentes suos derelinquit. Atque hoc primo sanctitatis excellentissimæ gradu tanquam saltu quodam posteaquam FRANCISCUS hominum consortia commerciaque deseruit; id egit potissimum, ut ad cuius imitationem componere vitam suam statuerat, illius actiones omnes ac virtutes suis moribus exprimeret. Si oculos sursum in pulcherrimam illam ac tot syderibus distinctam cœlorum machinam erigeret,angebatur ani-

animo & ibi esse desiderabat, ubi cum Deo omnia esse non ignorabat. Si in terram quandoque oculos deiceret, ingemiscienti similis homines aliquid in ea se dignum arbitrari, suasque in ejus bonis spes omnes collocare, dolebat. Quoniam tamen vivendum esset in ea, hunc exilii locum, virtutis scholam esse volebat, ut in hoc terræ theatro tanquam in publico quodam spectaculo corde, ore, opere homines, quantum quidem fas est, Deum suum repræsentarent. Et vero quid est tandem, quod imitati homines in Deo possunt, & non illud summa cum excellentia in hominum oculis FRANCISCUS expressit? Sciebat benignissimum illum mundi Servatorem humiliasse semetipsum & factum obedientem esse usque ad mortem; nihil erat FRANCISCO humilior. Didicerat mitissimum fuisse: nihil erat FRANCISCO mitius aut mansuetius. Non ignorabat perpetuam illum hic in terris paupertatem coluisse; nihil erat vera paupertate FRANCISCO amabilius. Audiverat ardentissima eum charitate homines omnes complexum fuisse, & ipse cum amore divino arderet, tum hominum salutem ardentissime deperibat. Non eum latebat, quot & quanta hic in terris ille perpeffus fuisset, atque ideo laboribus delectabatur, doloribus reficiebatur, molestiis gravissimis ac durissima vitæ asperitate crescebat. Ita nihil in Deo erat, quod in se, si posset, nollet FRANCISCUS, ut & in Deo FRANCISCUM esse judicares, & in FRANCISCO Deum ipsum cognosceres. Atque in primis tantus divinæ humilitatis æmulator extitit, ut cum esset ex omnium virtutum aggregatione conflatus, nihil se tamen esse proclamaret; cum esset innocentissimus, sceleratum se ac peccatorem nullo favore honoreque dignum reputaret. Tantum esse hominem unumquemque in se dicebat, quantus in oculis Divinæ Maiestatis judi-

*Amplificatio
ito imitatio
nis Christi.*

*Summa eius
humilitas.*

*Contrapofita.**Laudis con-
temptus.**Factum
eiusdem.**Prælaturas
contempfit.*

caretur. Plurimi sunt, qui nihil libentius, quam suarum laudum præconis vocem, ut olim Themistocles audiunt, hic ad suarum laudum prædicationem summo mœrore conficiebatur: multis titulis quibusdam & inanibus hominum favoribus extolluntur, hic opprobriis & coniectis in se convitiis exultabat. Non ignorabat quippe laudem esse, quæ in exitium homines impelleret, vituperium autem; quod ad vitæ emendationem adduceret. Ideoque convocata populi concione robore pudoreque excussio suos ipse defectus audientibus manifestabat, delicta sibi affungebat, se vel maximum peccatorem omnium accusabat. Neminem laudandum atebat, cujus incertus adhuc esset exitus: in humilitate positum esse animæ lucrum. nec aliam ad veræ dignitatis magnitudinem esse viam, quam per ipsam profundissimæ humilitatis submissionem. Quantum est, quod aliquando fune in collum injecto, seminudus, populo spectante, & stupente per urbis Assisii vias tamdiu raptatus sit, donec ad eum lapidem pertractus esset, in quo fures aliique mortis acerbissimæ rei collocabantur? Ita equidem ipse volebat, sed est tantum profecto, ut excogitari major humilitas vix possit, reperiri non possit Summa humilitas summam peperit obedientiam. Quis præesse, quam subesse non malit? Dissimulandum non est, quod obscurari non potest, innata est gloriæ quædam cupiditas singulis & imperandi appetitus, quam qui in se extinguit, jam Naturam vicisse videtur. Ita tamen constitutus animo FRANCISCUS erat, ut non præcipere, sed parere, non jura dare, sed recipere desideraret, cumque ipse Ordini suo præesse, alium tamen sibi præfici imperareque volebat, ut uberrimos obedientiæ fructus obtemperando colligeret, Nec aliam ob causam institutum à se Ordinem Minorum Ordinem appellavit, quam ne ho-

morum ambitu, & dignitatum quadam excellen-
 tia ceteris esse maiores optarent. Iam vero tam
 submisso animo ac tanta obtemperandi virtute *Subiectio.*
 præditus, quid tandem in hoc orbe terrarum vel
 ambire studiosius, vel desiderare ardentius
 potuit? Vultis dicam? Nihil. Quid istud est tandem
 nihil? nihil aurum? nihil argenti? nihil pretiosæ
 supellectilis? nihil possessionum humanarum?
 Nec istud tantum nihil. Quod igitur tandem est *Complexio.*
 præter hoc rerum nostratum nihil? Nihil rerum
 istarum appetitus, nihil desiderii, nihil ullius o-
 mnino voluntatis. Verbo eloquar & aperte,
 veram FRANCISCVS paupertatem amavit pau- *Eius amor*
 pertatem ambivit, paupertatem amplexus est & fo- *paupertatis.*
 vit, ut cum in terra nihil habuisset, totum ali-
 quando Cælum possideret. Hanc esse sui Ordinis
 fundamentum dicebat, hanc certissimam ad salu-
 tem viam appellabat, hanc thesaurum illum esse
 affirmabat, quem qui comparare sibi vellet, ven-
 dere omnia aspernarique deberet. Vis perfectus
 esse? Vade vende quæ habes, & da pauperibus.
 Oraculum est nunquam mentientis veritatis. Vis
 imitari Christum, imo vis æmulari? Filius homi-
 nis ubi caput suum reclinaret non invenit. Nun-
 quam hominem ullæ divitiæ vere magnum fece- *Ab effectui.*
 re, semper autem extulit paupertas, quem depres-
 sit. Quod illa rerum humanarum cupiditas ex-
 poscit in terra est, quod paupertas in cælo est. Tan-
 tus erat paupertatis amor in pauperrimo FRAN-
 CISCO, ut stipem ostiatim colligere ipse mallet,
 quam oblata munera recipere tantus, inquam,
 ut paupertatem unicam Fratribus suis relique-
 rit hereditatem, per quam ipsi nihil possidentes
 divitibus ipsis multo sane sunt opulentiores. Ex *Allegoria.*
 hoc amore tam ardenti paupertatis ardentior ille
 charitatis ignis effulsit, quo ita vir sanctissimus
 medullitus incendebatur, ut totus divini illius
 amoris flammis non absorberi tantum, sed con-

*Repetitio.**Amor in
Deum.**Amplifica-
tio eiusdem.**Translatio.**Transitio*

sumi videretur. Si quis celestis illius amoris mentionem excitaret, commotis ipse visceribus excitabatur si quis sacratissimum Dei nomen proferret, inflammabatur? si quis de acerbissima salutiferaque Christi morte loqueretur, quasi animi deliquium passus ita animo afficiebatur, ut præ amoris nimia suavitate colliquefcere videretur. Quæcunque in hoc ambitu rerum universalium condita sunt à Deo, ea sibi omnia tanquam quædam amoris specula proponebat, ut cum in illis pulchritudinem aliquam & elegantiam intrueretur, ad sui Conditoris pulchritudinis amorem novo amore raperetur. Quæcunque divinæ bonitatis notam aliquam præ se ferunt, ea sibi tanquam gradus quosdam ad divinum amorem erigebat; adeo ut hæc universa naturæ machina, una tantum esset FRANCISCO schola, per quam continuo ad Deum ascendebat, continuo ad illum possidendum anhelabat. Audebo dicere, sapius in Christo FRANCISCI anima divinis absorpta flammis erat, quam in Francisco, quo fiebat, ut quoties sacra synaxi reficeretur, toties non suus, sed spiritu ebrius, ac divinis quodam furore plenus crederetur, illa est divina charitas, quæ eum, ut aliorum martyrum laureas ac triumphos æmularetur, impellebat. Illa est, quæ tantum alienæ salutis in eo cupiditatem excitabat, ut imitari se Christum non posse putaret, nisi quas ille redemisset animas, foveret. Illa est, quæ tantam in eo rerum omnium terrenarum oblivionem inducebat, ut in rerum Divinarum contemplationem abreptus, nec loci, in quo iacebat, nec temporis, quo vivebat, aliqua saltem ratione meminisset. Longum esset cæteras in eo virtutes non dico recensere, sed admirari. Pietatem illam incredibilem, per quam cum protensis in crucis formam brachiis oraret, aliquando toto corpore sursum à terra abripiebatur, & nubecula qua-

quodam, sed splendidissima cingebatur. Misericordiam illam, quam cum in imis præcordiis foveret, in leproforum domos sese ingerebat, eorum pedes lavabat, ulcera ligabat, putredinem ac saniem abstergebat, osculabatur, amplexabatur. Mansuetudinem illam, qua ita præditus erat, ut irasci nemini posset, humanissimus vero erga omnes appareret. Castitatem illam, quam ita sollicitè intactam servavit, ut cum ei strui à Dæmonibus insidias sentiret, in multam senivem concideret, in eaque sese volutando pruritum carnis ardentis extingueret. Atque ut paucissimis omnia contraham, cum omnia dicere non possim, nihil aliud FRANCISCUS erat, quam virtus, nihil aliud virtus, quam FRANCISCUS. Iam illud à vobis inquirō AUDITORES; quantam tantæ virtutis dignitatem, quantam tanti Viri sanctitatem fuisse putatis? Ego sanè ita existimo, tantam in eo innocentie puritatem, ac tantum sanctissimæ vitæ decus extitisse, ut perfectissimam Christi Servatoris similitudinem mortalium omnium oculis exhibuerit. Testis hic non homines, sed bestias ipsas appello. Cum iter quodam tempore susciperet relictis pascuis oves accurrunt, Franciscum intentis in eum oculis motique capitibus salutant; & cum uni inter alias ut divinis intenderet, laudibus imperasset, illa templum ingressa & flexis genibus ad altare abiecta quo poterat balatu, Dei laudes intonabat: imo etiam cum à sacerdote sacrum Christi corpus elevaretur, prona adorare videbatur. Aves ad eum invitæ volabant, iussæ cantillabant, iussæ iterum, ne oranti molestæ essent, silebant. Ab illo separari Phasianus non poterat; illum falco quidam è somnis stata hora excitabat: ad eius imperantis vocem lupi rabiem ponebant, lepuleculi accurrebant, tempestates sedabantur, ægitudines & morbi abcedebant. Et quemadmodum

*Mansuetudo
eius ceterarū
virtutes.*

Subiectio.

*A testimo-
niū bestiarū.*

Avium.

Ab enumeratione miraculorum.

Apostrophe.

Stigmatum impressio in ipsius membra.

Christi imperium creatæ res omnes ita sequebantur, ut promptissime illi obsecundarent, ita Francisci nutum observabant, ut quo vellent, procederent, quod vellent exequerentur. Quantum est, obsecro, aquam in vinum commutavisse? commutavit FRANCISCUS. Quantum est domum, aliquam iam iam ruinam minitantem momento uno instaurare? solo crinium aliquorum suorum tactu instauravit. Franciscus. Quantum est candentis ferri vim ardentissimam suo corpore excipere, nec sentire? Excepit nec sensit FRANCISCUS. O vero incredibilis plusquam humanæ vim sanctitatis! Te etiam, ô Christe, hic testem appello, an deesse Francisco tuo poterat aliquid ad verissimæ laudem sanctitatis? Nihil, inquis. An ad perfectam tuæ vitæ hic in terris similitudinem? unum ais. Et quod unum obsecro? An ut etiam cruci suffixus vitam exhalaret? pro te paratus erat. Vt inquit, non moriendo, aut profecto summo amore moriendo mortis meæ vestigia suis in membris portaret. Quid? ergone non vitæ tantum tuæ, sed etiam mortis imitatores esse debemus? Ita sanè debemus Auditores, & hoc unum cum Francisco deesset, non defuit tamen Francisco. Nam cum eius oculis hominis cruci affixi species, (Seraphinum putarote.) Inter alas obversata fuisset, ubi disparuit, confestim dexterum latus quasi lancea transfixum rubraque cicatrice obductum, manus ac pedes confixi clavis apparuerunt. Stigmata erant, & erant vulnera, vulnera cruenta, vulnera sanguine quotidie stillantia, quo non raro vestis ipsa distillabat. Clavi erant, nec apparentes, sed veri, sed ferreis similes, sed duri, fortes, cuspidati: Quamquam dum iam simillimum Christo FRANCISCUM habemus, & plus hic admiratio, quam oratio potest, illud vobis cogitandum relinquo, quam sancta, quam omnibus virtutum

orna.

ornamentis exornata, quam ad summam Reipublicæ Christianæ utilitatem instituta sit ab eo illa familia, quæ sub ejus vexillis militans & legibus acquiescens ad ipsius vitæ perfectionem contendit, & pro Ecclesia nostra, proque singulorum salute conservanda, nullos omnino labores recusat. Huic ut nomina darent, aliquando duo Orientis Imperatores Ioannes & Xerxes diademata sua & purpuras abiecerunt, duodecim Reges sceptris suis se abdicaverunt, regii juvenes innumeri summorum honorum spem omnem deposuerunt, Duces plurimi ac Principes, quibus provinciarum singulæ tanquam gemmis quibusdam exornatæ fuerunt, voluptatibus suis & honoribus valedixerunt. Ex ea summi Pontifices quatuor extiterunt. Cardinales quadraginta tres clauerunt, Nihil dico de Archiepiscopis, nihil de Episcopis, quorum iniri numerus non potest: ac latere patior eos omnes, qui cum in Ordine sanctissimo viverent, lumina doctrinæ & sanctitatis erant; cum vivere desierunt, numina terrarum in cœlo resplenduerunt. Illud dico, debet FRANCISCO, debet FRANCISCI familiæ, vetus Orbis veteris fidei ac morum restaurationem: Novus fidem & religionem Christianam acceptam. Non ego vobis adulati contendo, Patres Religiosissimi, sed ita veritas, ut dicam, me cogit, non potuistis sanctiorem instituti vestri & Ordinis Authorem habere, nec vestro sanctius, dignius, utilius vitæ genus invenire. Vivite ergo felices, & illi meo iudicio futuri sunt felices, qui ita vivant. Felicitatem illam non invidit vobis, sed vobiscum amavit Potentissimus Hispaniarum Indiarumque Monarcha Philippus III. qui purpuram suam, paulò ante obitum, in Ordinis vestri vestem commutavit, in eaque respiravit & expiravit. Amavit illam serenissimus Archidux idemque Belgarum.

Honor D.
Francisci ab
Ordin
fundatio-
nem.
Enumera-
tio eorum
qui hunc
Ordinem
ingressi sunt.

Apostrophe.

Princeps Albertus Pius, qui nuper in Beatorum
 cœtum evoluturus vestra in veste cadaver suum
 conspici spelixque desideravit. Amat illam Po-
 tentissimus & Catholicissimus Philippus IV. Hi-
 spaniarum Rex, qui cum Carolo Principe fratre
 suo tertii Ordinis sanctissimi Francisci institutum
 gestienti animo suscepit; quasi non felix satis Rex
 futurus, nisi prius Patriarchæ Francisci cliens esset.
 Amat illam Serenissima ISABELLA CLARA EV-
 GENIA infans Hispaniarum, quæ hodie in Bel-
 gio nostro ita summa prudentia Rempublicam
 administrat, ut simul tamen tertium FRANCISCI
 Ordinem, cui nomen dedit, incredibili pietate
 colat. Cæteros hic non commemoro. At de te
 FRANCISCE sanctissime, quid amplius dicam?
 Tua illa divina virtus, & admirabilis vitæ sanctitas
 omnem omnium Oratorum eloquentiam exhaui-
 rit, æternæ vero parest admirationi. Et ecce jam
 te omnes admiramur, admirantes veneramur, ve-
 nerantes amamus, amantes immutamur, volu-
 mus, optamus, utinam; utinam DIXI.

*Apostrophe
 ad D. Fran-
 cis. cum.*

ORATIO XVII.

DE LAUDIBUS SANCTORUM OMNIUM.

*Exorditura
 more Athe-
 niensium.*

LAUDATISSIMVS Atheniensium olim
 mos fuit, Reverendi Patres, Ornatissimi
 SODALES, quo receptum quotannis e-
 rat. ut Februario mense iusta iis omnibus persol-
 verentur, qui pro Republica in armis occubuis-
 sent, communemque patriæ libertatem sua mor-
 te asseruissent, atque in iis vir aliquis publica au-
 thoritate insignis doctrinaque clarus de eorum
 lau-

laudibus audiente universo populo orationem recitaret. Qua quidem consuetudine Athenienses id assequebantur, ut in eorum urbe nullus esset, qui animum ad virtutis studium non applicaret & vitam suam, qua nihil esse charius potest, pro Reipublicæ incolumitate gloriæque in *Præstantia gloria.* gravissimum quodcunque discrimen non libenter offerret. Nimirum ea vis est speratæ gloriæ atque immortalitatis, ut cum sola eius cogitatio in animum benè natum vereque generosum incidit, consistere eum nequaquam patiatur, atque ita extimulet, ut publicam utilitatem propriæ anteponat, proque otio laborem, pro voluptate *Huius moris applicatio.* molestiam, pro vitæ humanæ commodis summas rerum omnium difficultates sibi perferendas esse constituat. Quod cum ita sit, iure sane meritisimo cum in universa Ecclesia, tum in hoc sacro Sanctorum omnium Sodalitio à maioribus nostris institutum est, ut quotannis Calendis Novembris, quo tempore festivis ubique cantibus & solemnî templorum apparatu Divorum omnium laudes celebrantur, eorum præconia publicæ gratulationis officio & faustis acclamationibus decantentur. Cuius quidem instituti causa ratio est, ut opinor, ut quemadmodum olim Themistocles conspectus in Atheniensi foro Milciadistrophæis nullam in animo quietem, nullum in oculis somnum admittebat, & gloriæ eius apud posteros sempiternam æmulatus ad pares pro Republica labores suscipiendos inflammabatur, ita qui præclara Divorum iam in cælo triumphantium facinora, & exanthlatos pro assequenda immortalitate labores, atque illam, quam in optato Æternitatis ipsius sinu perfruuntur, gloriæ audiunt, commotis generoso quodam *A causa & exemplo.* amore mentibus ad eorum imitationem excitentur. Nam si conspecta in Herculis apud Gades templo Alexandri Magni effigie Iulius Cæsar ille

*A minoribus
ad maius.*

*Propositio
cum benevo-
lentiâ capla-
tione.*

*Apostrophe
ad omnes
Caliter.*

Imperatorum ut primus, ita victoriosissimus, tem-
perare sibi à lacrymis non potuit, quod ea ætate
qua Alexander universum propemodum orbem,
subiugarat, nihil dum ipse posteritatis memoria
laudeq; dignum peregerat, ac protinus missionem
à se obtinens ea perfecit, quæ nulla unquam ætas
satis est admirata, quis est, qui si vel animo tantum
non Dico Divorum effigies, sed erecta ab iis in his
mortalitatis nostræ campis æternæ laudis tropæa,
comprehendat, non ilico vehementi perturbatus
affectu ingemiscat, & expedito de repente animo
contemprisque humanæ vitæ periculis ad eorum
immortalem gloriam anhelat? Ego illam iam de
vobis opinionem concipio Ornatissimi SODA-
LES, nullius gratiorem vobis esse posse,
quam eius, qui Divorum omnium, in quorum a-
morem ac vitæ studium iuravistis, laudes ad ani-
morum vestrorum inflammationem repræsentet;
quod etsi præstari à me pro dignitate non possit,
tamen in tam honesto alex iactu contendere im-
becillitatem meam & verecundiam cum temeri-
tate permittam, & aliquid audebo. Vos, ô Divi,
fulgentes cælo faces additæ, quorum splendori-
bus percussa sydera per tenebras & umbras incedunt.
Vos, ô sanctissimi Heroes, quorum divina
virtute inferorum Imperatores profligati sunt, &
proposito ad posteritatem exemplo gentes ac na-
tiones omnes in celeberrimo virtutum omnium
stadio ad veram gloriam & ostensum æterni-
tatis bravium decurrunt, permitte, ut Sodali-
bus & Cultoribus vestris certissimam quam ad
beatissimæ vitæ triumphum, tenuistis, semitam,
& impressa præclarissimarum virtutum ad sempiternam
seculorum omnium memoriam vestigia
protensis velut digitis ostendam. Etenim cum
obstinata quadam hilaritate iam animus ad cul-
tum vestrum assurgat, cum parum esse vos hono-
re prosequi existimamus, si non imitemur.

Videre jam mihi videor, non in illo beatarum
 mentium domicilio, sed hic in terris candidatos *Prosepopia*
 divos omnes profunda cogitatione defixos, & sa-
 lutari consilio, quæ certissima sit salutis via, per-
 quirentes, ac de instituendæ vitæ ratione, de sa-
 lutis summa de æternitate consultantes. Non ii
 placent in primis, qui inexhausta quadam aviditate
 felicitatem in opulentia ponunt, quod, ut Genti-
 um Doctor affirmat; *Qui volunt divites fieri, incedunt* *Contemptus*
in tentationem & laqueum diaboli, & Satyrico teste, *divitiarum.*
 ejusmodi homines sint, curæ in terris animæ, &
 coelestium inanes. Displicet eorum deinde opinio, *Dignitates*
 qui sub purpura & fastuosis sublimium dignitatum *spernuntur.*
 insignibus delitescere. Beatos arbitrantur, quod
 nullus sit tam excelsus in terris honor, qui homi-
 nem non consumat, quoniam, ut Propheta regius
 proclamat, *in imagine pertransit homo, sicut cera fluens*
à facis ignis; atq; illi etiam, qui in his mundanorum
 honorum subselliis omnia aliquando fuerunt, ut
 Severus Imperator, quem per omnes dignitatum *Ab exemplo*
 gradus fortuna extulit, nihil expedire judicave-
 runt. Neq; eorum auditur sententia, qui ut felices
 evadant, tanquam Sardanapali quidam in libidi-
 num ac voluptatum pelagus sese demergunt, *Allegoria*
 quod spurca & salax voluptas homine sit indi-
 gna, nec in eo felicitas esse possit, in quo sceditas
 est, infirmitas, pudenda calamitas. Immo quod
incrassatus, dilatatus, dereliquit Deum factorem *Voluptatis*
rem suam, & recessit à Deo Salutari suo, ut di- *incommoda*
 vine vocis præco attestatur. Vnicum in hac tam
 ardua deliberatione divini Oraculi responsum
 arripit. *Beati pauperes spiritu quorum ipsorum*
est regnum cælorum: & hunc ad immortalita-
 tem primum esse gradum constituunt, nihil eo-
 rum, quæ mundus admiratur, possidere, omnia, quæ *Paupertatis*
studium.

Mundi re-
nunciatio.

apud homines in pretio & delitiis sunt aspernati. Quod nimirum cœlum ac terram simul intueri nemo possit, atque si ad cœlestem gloriam adicere animum non videantur, qui honorem, qui opulentiam, qui voluptatem in terris sollicitâ mente perquirunt. Abeunt igitur, & tanquam gratissimo Senatusconsulto confirmati, omnibus sese exuunt, mundo valedicunt, ac tum prius ad cœlum contendere se putant, si nihil in mundo possideant, ut Guilielmus Burgundix Dux crebro usurpare sermone solebat. Omnium una vox est, quæ sanctissimi Ignatii Societatis IESV conditoris fuit, *O quam sordet mihi terra, cum cœlum aspicio* ! Nonnulli positis imperiorum diadematis & sceptris religiosæ vitæ instituta suscipiunt ; quidam è mediis castris galea loricaque exuti in eremum & mutas solitudines discedunt ; aliqui vix è pueris egressi plorantium, uberaq; ostendentium matrum lachrymas, amplexus, blanditias contemnunt ; plurimi hæreditates opimas & partem à majoribus gloriam aspernantur ; non pauci paratâ in Rerum publicarum subselliis loca, & invidendos in Principum Aulis fascēs ultro oblatos fastidiunt ; ceteri, quorum in sinum auara fortuna nihil congescit, cum quod relinquant non habeant, omnium affectum deponunt, quod præclarum sit nihil appetere, singulare in egestate lætari, exitium pro Christo nihil desiderare. Et vero cum ita comparatum sit, ut nihil sine pretio obtineri apud homines possit, tum apud Deum illa æterna nunquamque peritura bona inopi duntaxat & misero tribuuntur. Addo etiam, unum nihil velle præter Deum, pretium esse salutis ; & cum facultatibus abundare nequaquam sit inhonestum, tum sine paupertatis amore nemo esse felix potest. O prudentissima non humanarum, sed divi-

narum mentium consilia ! O felicissima commu-
 ratio, per quam pro caducis bonis æterna com-
 parantur, pro terra cælum possidetur, pro vita an-
 gustis brevissimi temporis spatiis conclusa Æter-
 nitas obtinetur ! Deserunt voluptates, sed *inebria-*
buntur ab ubertate domus tua, ô Deus ! &
torrente voluptatis potabis eos. Contemnunt
 divitias, sed gloria & divitiæ in domo eius :
 aspernantur honores, sed nimis honorati sunt
 amici tui Deus : respuunt aurum, sed super- *A testimo-*
 na ipsa civitas aurum est mundum : non ad- *nio.*
 mittuntur delectationes, sed *delectationes in*
dextera Dei usq; in finem : nec pacem curant,
 nec securitatem, sed nimirum, inquit De-
 us, *Sedebit populus meus in pulchritudine pacis*
& in tabernaculis fiducia. Enim vero dum illæ
 sanctissimæ animæ rebus omnibus terrenis expe-
 ditæ ita abeunt, & sua mundum habere jubent, in-
 sonat omnium auribus divina illa vox : *Beati mundo*
cordè, quoniam ipsi Deum videbunt, ideoque alterum
 ad beatam immortalitatem gradum esse acce-
 ptam à primis pueritiæ incunabulis animi puri-
 tatem innocentiamque toto vitæ decursu illi-
 batam conservare certo sibi persuadent. Nimi- *Castitatis*
 rum placere Divinæ Majestati non potest, quod *studium.*
 foedis delictorum sordibus est inquinatum. Illa
 cor ab hominibus tantum petit, sed quod inno-
 centia candidissimum sit, puritate mundissimum,
 charitate ardentissimum. Sane si qui olim apud *A more*
 Romanos aut Consulatum aut Præturam ambi- *Romanor-*
 bant, comparere in candida veste, quæ recens erat *rum.*
 à Fullone, debebant, an non æquum est, ut qui ad
 cœlestis imperii magistratus aspirant, candidam
 innocentiae vestem apportent ? Concitatus hac
 ambitione cœlesti aliquando David cum qua-
 teret, *Quis ascendet in montem Domini, aut quis*

Effectus innocentia.

Amplificatio eiusdem.

Accusatio.

Dispositio.

Stabit in loco sancto eius? responsum hoc accepit: *innocens manibus & mundo corde.* Innocentia est, quæ viam ad cœlum sternit, quæ immortalitatis candidato suffragatur, quæ securam inter timores vitam reddit, quæ sub carnificis manu non trepidat, quæ à vigiliis curas, & à somno pavores excludit quæ in solitudine nec anxia nec sollicita est, sed læta, quæ hominum oculos aut aures non vitat, quæ in publico, & ut ita dicam, aperto ostio ita vivere hominem facit, ut nec janitoribus opus habeat, nec satellitibus. Amplius dico, quæ sola Divinæ Maiestati in hominum animis præparare sedem potest. In huius studium ita Divi omnes aliquando cum inter mortales essent, curis omnibus & laboribus incubuerunt, ut solam innocentiam vitæ scopum sibi proposuisse viderentur. Cogitabant sine timore se natos esse, & sine timore mori volebant; unicam hæreditarii sceleris maculam in lucem attulisse, deposuisseque, & nullam è vivis excedendo secum auferre desiderabant, naturam nec perfidiam, nec luxuriam, nec cupiditatem, nec ullum aliud scelus dedisse, sibi etiam nullum inurere, ne naturam in se pervertissent, peroptabant. Optimum esse securius inori, quam nasci, iudicabant. Confugiebant in eremum, sed ut in eremo puritati studerent; virabant hominum consortia, sed ut nullus consuetudine hominis fœdarentur; respuebant mundi blandimenta & voluptatum illecebras, sed ut animi munditiam conservarent; sæviebant pia quadam in corpus suum crudelitate, sed ut candidissimam innocentiae vestem in eo retinerent. Quicquid cogitabant, quicquid optabant, quicquid loquebantur, quicquid moliebantur purum erat; nihil oderant, nisi quod scœdum esset; nihil timebant, nisi quod scelus. Atque cum tales essent non tam homines in terris; quam di-

vni quidam heroes apparebant, quorum con-
 sortium caelestes Spiritus magna aviditate expe-
 rebant, & eorum familiaritate ita ipsa Divi-
 na Maiestas delectabatur, ut libentius cum illis,
 quam in caelo esse videretur. O contra beatissima *Apostrophe*
 ô sanctissimæ speluncæ, quæ innocentissimis illis *adlocutio*
 Heroibus hospitium aliquando præbuis-
 tis! ô for-
 licia recta; quæ fortissimos istos Athletas caele-
 stis beatitudinis candidatos excepistis? utinam
 aut loqui possetis & transactam intra parietes ve-
 stris Divorum omnium vitam nobis enarretis,
 aut saltem in illo vestro silentio sanctissimos eo-
 rum labores nobis repræsenteretis! Quid vole-
 bant, obsecro vos, cum prout toties tot osculis *Repetitione*
 iterum atque iterum reperitis terram magnam il-
 lam matrem suam delibabant? Quid cogitabant,
 cum flammantia illa calorum atra contuentes
 tremulis singulibus anhelabant, fluentibus per-
 petim lachrymis madebant, pene avolantibus a-
 nimis expirabant? Videbatis eos fere semper *Traductio*
 Divinæ Maiestati assurgentes laudando, sese illi *Sanctorum*
 submittentes adorando, cum ea frequenter lo-
 quentes orando, sæpe etiam familiariter cum ea-
 dem agentes contemplando. Tanquam in pu-
 blico quodam theatro spectantibus Angelis, arbi-
 tro & iudice Deo, intuentibus hominibus omni-
 bus versari sibi videbantur, & ut personas suas
 dignè agerent, nullius virtutis exitium omitte-
 bant. Ieiuniis sese macerabant, vigiliis conficie-
 bant, flagellationibus dilaniabant, superbiam *Ab enumer-*
 profunda submissione vincebant, cupiditatem *ratione par-*
 paupertatis amore reprimebant, lasciviam absti-
 nentia domabant; nunc toti divina charitate
 ardebant, nunc expediti sacro quodam zelo, la-
 chrymis & votis aliorum salutem anhelabant;
 hic acriter vitia reprehendebant, ibi suaviter vir-
 tutes instillabant, semper in carnem severi, in *Oris fuga.*
 mundum asperi, in dæmonem violenti. Vnum erat
 & fir-

firmum illis propositum nunquam otiosi sine labore nihil agere sine virtute semper operari & semper mereri; semper pugnare & semper vincere. *Non enim coronabitur, nisi qui legitime certaverit.* Et vero in hac iam gloriosa virtutum exercitatione, in qua non mediocriter quotidie proficiebant, hanc quoque divinam vocem audire sibi semper videbantur. *Beati qui persecutionem patiuntur propter iustitiam, quoniam ipsorum est regnum celorum,* atque idcirco tertium

Tertius gradus ad calum.

Prætermisio

Hypotyposis.

Ad patientiam affectus

ad felicitatis æternæ fruitionem gradum esse statuebant, pati cum Christo, nec iniurias ulla nec contumelias, nec dolores, nec cruciatus, nec ullum supplicii mortisve genus detrectare. Nolite obsecro, expectare, ut celeberrima Divorum pro religione certamina, & magnificentissimam triumphorum, quos reportaverunt, gloriam hic deprædicem; nam præterquam, quod tanti argumenti magnitudine omnis oratio absorbeatur, tum perstrictus tot fulgentissimis inusitatae gloriæ radiis animus hebescit. Vos ipsi vobis illos repræsentare; at ubi? ante Prætorum tribunalia, ubi unius criminis rei accusabantur, quod summum numen colerent, & omnium salutem desiderarent; interim gloriosissimi facinoris cor scientia erecti nec animo nec vultu mutabantur. Iam à tribunalibus ad amphitheatra publicamque lanienam perductos putate vos intueri; hic cum ita lacerarentur, ut in eorum corporibus nullus amplius ferro locus esset, non deerat tamen illis, unde superarent. Si cruces, nervi, virgæ plumbatæ, mucrones ferrei pectines, ungulæ ostenderentur, pro ludo & delitiis reputabant; si bellæ feritate immanes producerentur, id unum dolebant, quod illæ celeritate mortis nimis cito savitiam consumerent; si torcularibus premerentur, suum cruorem tanquam vi-

num Deo Angelisque gratissimum exprimi fundique gaudebant, si exquisitis suppliciorum aliorum instrumentis torquerentur, tot ora ad decantandas Divinæ Maiestatis laudes sibi optabant, quot in corpore vulnera recipiebant. Illis enim erant vulnera margaritæ, galeæ candentes coronæ, stagna cuiusdam voluptatis balnea, prunæ ardentes, rosæ, & cum morentur, properantem in victoria spiritum effundebant. Neque vero existimandum est ullum unquam alio, quam hoc dolorum & cruciatuum pretio sibi felicitatem comparavisse. Ita sacrosancta Dei parens, cuius *Per crucem omnes Sancti* menti nulla unquam labe adhæsit, animum suum doloris gladio penetrari sensit; Illi genero- *Et cælum sibi compa-* sissimi Christi Legati & primi Ecclesiæ Antistites *raverunt.* Apostoli tyrannorum gladiis & secutibus cervi- ces suas subiecerunt; illi gloriosissimi Martyres, quod pro Christo pœnarum victores, & efferatissimorum Regum moriendo triumphatores extiterint, nomen invenerunt; illi Sanctissimi Confessores per cilicia, jejunia, humi cubationes, vigiliæ, flagra, (cum illis tyrannorum crudelitas aut deesset, aut parceret) ad cælum contendunt; & cum vitam in incredibile austeritate traducerent, prius sponte è vivis exiverunt, quam morentur; illæ tenerrimæ sed animosissimæ Virgines virginitatis suæ lilium suo sanguine purpurarunt, aut inter difficillima certamina intactum servaverunt. Adeo nemo unquam propositam cœlestis imperii gloriam est affectus, qui non invicto animo adversa toleravit. *Traductio.* Toleraverunt Divi omnes, & nunc illis tot sunt sepulchra, quot in orbe terrarum regna; tot laudes quot hominum linguæ, tot triumphi, quot virtutum pompæ, tot trophæa, quot ubique religionis monumenta. Et nunc innumeris suppliciis perfuncti contritaque mortalitas tyrannicè Deo perfundatur, & radiatis fulgore capitibus

*Subiectio.**Prosopopœia.**A causa ad effectum.**Conversio
ad munda-
nos.*

bus in æterna beatæ immortalitatis Curia de
mundi regibus aliquando iudicaturi sedent. Quā-
quam quid ago? quid tanta tot verborum conten-
tione Divorum labores repræsentō? pateant illa
mortuorum monumenta; immo prodeant ipsi ab
illo Beatorum Domicilio, & in hunc suggestum
immortalitate gloriæq; circumdati conscendant,
suam ad cœlum viam nobis exponant, ita credo
loquentur. Equidem jam supra mortalium con-
ditionem positi de Deo & in Deo vivimus, sed ni-
mirum divitiarum despicientia ad æternas opes
nos perduxit, honorum contemptus ad gloriam
nos euexit, terrenarum voluptatum despectus
semperiterna delectatione nos implevit. Per labo-
rem ad quietis portum appulimus; per de sævien-
tes adversitatum procellas, & crudelium suppli-
ciorum tolerantiam ad felicissimam immortalita-
tem pertigimus. Illa nostra in hominum diver-
sorio vita, insipientibus stulta, opulentis egenā,
Principibus & dignitate aliqua sublimibus obscu-
ra videbatur, at nunc nostra paupertate nihil di-
tius, nostra obscuritate nihil fulgentius, nostris
molestiis nihil jucundius, nostra miseria nihil be-
atius est. Errant errant illi, qui gradibus aliis ad
cœlum contendunt, & mundana felicitate veram
in æternitate felicitatem assecuturos se putant. Ita
illi, & quoniam id unum opto, ut æternum Divi
illi nobiscum loquantur, qui non tam laudum
speciem, quam factorum præstantiam, nec tam
faustas acclamationes, quam accuratam imi-
tationem à nobis requirunt, eo-
rum sermonibus nihil
addo. DIXI.



ORA-

ORATIO XVIII.
DE PRETIOSA
MARGARITA.

Matth. 13.

CVM multa sint naturæ miracula, in quibus singularem industriam & admirabilem omnino solertiam homines obstupescunt, tum nihil est quod ulla unquam tempestate aut admirabilius novitate rei, aut excellentius dexteritate artificii sit visum, quam ille Pyrrhi Regis Epirotarum annulus, in cuius gemma seu achate novem Musæ cum Apolline cytharam tenente spectabantur, non arte, sed natura ipsa magistra, ita discurrentibus maculis, ut Musis quoque singulis sua insignia redderentur. Et vero si Divina illa Maiestas, cuius infinitam sapientiam natura, naturæ vim admirabilem ars hominum imitatur, singulari bonitate permisit, ut in quibusdam naturæ artisque operibus obstupescenda quadam industria sagacitateque confertim celestium rerum imaginem intueremur: opinor equidem, quod quemadmodum in vitrea illa Archimedis machina, in qua cælos omnes tarditate, celeritateque dissimillimos coniunxerat, Solis, Lunæ, syderum errantium motus illigaverat, diem ac noctem oriri fecerat, representationem aliquam verorum calorū habuit antiquitas, ita in hoc Pyrrhi Regis annulo beatitudinis æternæ simulachrum aliquod apparuisse non immerito dicemus. Etenim quid aliud est obsecro, universa hæc ac rotunda naturæ machina, quam cæli circulus terreno auro longè præstantior, ac nulla unquam iniuria corrumpendus, ambit, in quo æterna illa Sapientia incredibili artificio tot

*Exordium
deductum a
præstantia
Regis Epiro-
tarum.*

Comparatio

Applicatio.

*Denotatio
huius uni-
versi.*

stel-

stellarum ac syderum, ignes, tanquam micantes gemmas insculpsit, illam Zodiaci lineam duodecim distinctam signis, per quam non aliter, quam per annularia quædam horologia, splendente sole momenta rerum & temporum discrimina, horas, hebdomadas, menses, annos cognoscimus, mirabiliter elaboravit, quid, inquam, est aliud quam quidam annulus? In huius vero fastigio, atque in ipso cœlorum culmine nunquid est pretiosa illa gemma atque Margarita beatitudo cœlestis, in qua non Apollo cyrham tenens, sed Deus æterna maiestate immensus, infinitus, omnipotens; non distinctæ suis insignibus novem Musæ, sed distincti pulchro ordine novem Angelorum chori pleni DEO, atque Deum æternis hymnis celebrantes conspiciuntur? Hæc est pretiosa illa MARGARITA, Honorandi Auditores, quam hodie vobis offerre præsentareque contendo, ut illam aureis purissimisque vestrorum animorum annulis includere aliquando, eaque perfrui desideretis. Invito vos, gustate & videte quam suavis est Dominus. Hæc est MARGARITA illa, quæ in abscondito thesauro latebat. Hæc est, quam tanta diligentia negotiator Evangelicis quærit, tanto pretio facultatum omnium divenditarum sibi comparat, ac emit. Hæc est, quæ manus absconditum victoribus promissum, atque aliquando post decursam huius vitæ militantis arenam concedendum includit. Hæc est, inquam, illa pretiosa Margarita, quam Deus illi coronæ affixit, quam beatissimis electorum suorum animabus sponsis suis in æternum præparavit.

*Pulchritudo
virtutis cœ-
parata cum
Margarita*

Marcus Tullius pulchritudinem venustatemque virtutis tantam esse dicebat, ut si oculis cerneretur, mirabiles sui in hominum animis amores excitaret. Sed ô si Margaritæ huius splendorem admirabilem oculis intueri, suavitatem incredi-

more sui desideria voluntatesque nostras inflammaret? quo nos totos nostri oblitos & res humanas pertaxos non abriperet? Ego (fatebore enim) tantam huius Margaritæ pulchritudinem adumbrare repræsentareque non possum, ad eam conquirendam emendamque tantum invitare vos possum.

Quomodo enim possem, cum vas illud electionis, Gentiumque Doctor Paulus, posteaquam in tertium cælum abreptus, per aliquam quasi rimam micantis huius Margaritæ splendorem in concha cæli conspexisset, iamque in terras è cælo reversus esset nihil aliud mortalibus nunciare potuerit, quam nec oculus vidit, nec auris audivit, nec in cor hominis ascendit, quod præparavit DEVS diligentibus se? Quomodo possem, cum Hercules ille Iudæorum David ubi aliqua tantum splendentis huius Margaritæ scintilla percussus esset, duntaxat valuerit exclamare: QVAM MAGNA MULTITUDO DVLCEDDINIS TVÆ, QVAM ABSCONDISTI TIMENTIBVS TE? Quomodo possem, cum Doctorum ille Phænix Thomas Aquinas posteaquam gloriæ cælestis Oceanum ingenii sui velis remigioque tentavisset, sistere cursum, iacere anchoram, atque in tutum silentii portum confugere, profiterique coactus fuerit, nihil unquam excellentius à Deo factum esse, aut ullo unquam tempore fieri posse, illa ipsa gloria, qua beati perfruuntur? Quomodo possem, cum fulgentissimum Ecclesiæ lumen Augustinus affirmet, pretiosam hanc cælestemque MARGARITAM fide non capi, spe non attingi, charitate non apprehendi, desideria & vota transgredi, acquiri tamen posse, æstimari non posse? O igitur pretiosa, ô admirabilis MARGARITA! cuius pulchritudo sermonem omnem atque omnem humanæ mentis sensum excedit! O quam gloriosa dicta sunt de re Civili.

*Confirmatio
eiusdem præ-
stantiæ à te-
stimonio.*

*Amplificatio
eiusdem.*

Hypotyposis.

*Modus hanc
Margaritā
assequendi.*

*Amoris ex-
empla.*

Civitas Dei? sicut latantium omnium habitatio est in te. Quanquam harendum hic erit, & nō nos male fortunati, quid hic agemus? si aures erigamus atque oculos intendamus, nec oculus eam vidit, nec auris audivit: si speremus, spe non attingitur: si fidem ostendamus, fide non capitur: si desideria vota que in celos emittamus, desideria vota que transcendit: si pretium queramus, aestimari non potest: si minimum eius scintillam aliquam singulari benignitate Deo aliquando persentiscamus, hoc tantum hic restat, ut magnam esse dulcedinem eius exclamemus. Quid igitur agemus? quoniam oculos, aures, animos convertemus? bene est, harendum hic non est o Christiani, si videri, si audiri, si apprehendi aestimari que non potest, satis est, acquiri potest. Negotiamini, inquit Christus, usque dum venio. Simile est Regnum Cælorum homini negotiatori querenti bonas Margaritas. Modum igitur videmus acquirendi, negotiando nimirum paulisper ipsum perpendamus. Rerum omnium acquirendarum superandarumque duo mihi instrumenta constituisse natura videtur, amorem & laborem: laborem amor excitat & intendit, amorem labor promovet victoremque reddit. Unde quicunque Christiani negotiatores esse volunt, & ad hanc acquirendam illius Cælestis Margaritæ, quam esse beatitudinem ipsam in annulo calicis dixi, negotiationem accingere sese cupiunt, opus est ut amorem inflammato animo, ut laborem excitata opera diligentiaque apportent. Vultis amoris exempla ut ametis? Videte Moyse Hebræorum Ductoris in hanc MARGARITAM affectum: Domine si inveni gratiam in oculis tuis, offende mihi faciem tuam. Ita ille per dies supplicabat. Audite sponsæ desiderium in Canticis, nam ad huius Margaritæ conspectum anhelans &

iam

um ejus radiis aliquibus perculsa sæpenumero diebat; ostende mihi faciem tuam, facies enim tua decora. Nimirum in huius visione vi-

tam, in huius amissione mortem constituebat. At-

tendite ad suspiria Davidis, spe plenus inprimis vo-

Exemplum

rum edit, FACIEM TVAM DOMINE REQVI-

Davidis.

RAM: anhelat deinde & suspirat altius, QVAN-

DO VENIAM ET APPAREBO ANTE FA-

CIEM DEI? denique ardenti desiderio suppli-

cat, OSTENDE FACIEM TVAM ET SALVI

ERIMVS. SATIABOR CVM APPARVERIT

GLORIA TVA. Ita videre hanc Margaritam

supremæ est felicitatis, ab ea excludi extremæ ca-

lamitatis. Sed expecta David, quid properas, qui

Rexes in terris? quid anhelas ad cælum, cui vi-

vere tam honorificum est & jucundum? HEV

MIHI QVIA INCOLATVS MEVS PROLON-

GATVS EST, MVLTVM INCOLA FVIT

ANIMA MEA! Non expectat amplius David, non

patitur moram, & nimis est longum vita frui, ubi

non datur hac Margarita perfrui. Representate

vobis Apostolum, imo animum ejus introspec-

te, anhelat, suspirat, gestit intueri Deum: hunc

ambit, hunc exoptat, cum hoc exultare, regnare-

que contendit; nulla mors pallorem, nulla tor-

menta terrorem incutiunt, ultro, ultro clamat:

Cupio dissolui, & esse cum Christo; Nostra con-

versatio est in cælis. O amor! ô amor, & un-

de obsecro tantus amor? Nimirum quemadmo-

dum tanta in Salomonis Regis vultu majestas ac

splendor elucescebat, ut occulta quadam ratione

hominum omnium oculos attraheret, adeoque

quodammodo fascinaret, ut ex diversissimis

mundi partibus plurimi Reges ad intuendum

cum Ierosolymam accelerarent, ita tanta est di-

Apostrophe.

*Affectus
D. Pauli.*

Comparatio

*Amplifi-
catio.*

San-

Sanctos in admirationem rapiat, homines occu-
 to quodam amoris attactu ad se pertrahat : nec
 Principes tantum, & Reges, sed ipsi Cherubini,
 Seraphini, Potestates & Throni in ejus conspectum
 exardescant. Est, est IN QVEM DESIDERANT
 ANGELI PROSPICERE. Et nondum nos ama-
 remus? nondum in nobis cœlestis ardor flam-
 mas aliquas, quid dico, flammās? nondum, scin-
 tillas aliquas in nobis excitaret? nondum fri-
 gescunt, rigescuntque multi, & nescio qua mun-
 dana glacie congelatis animis cœlestem ignem
 non admittunt, aut admissum, vanitatum aquis
 extinguunt: nec sine amore vivunt, sed vanitati-
 bus & insanis mundi suum amorem adscribunt.
 Vah filii hominum, usque quo gravi corde, ut quid
 diligitis vanitatem, & queritis mendacium? Au-
 dite non illepidam Historiam. Erant Regum ex-
 ternorum Legati Romæ, hos Augustus cum ani-
 madvertisset catellos meliteus brachiis tenere,
 stringere, delinire, dissuaviari etiam & osculari,
 subridens, audite, inquit, Legati, nunquid apud
 vos fœminæ liberos enituntur? Aculeatum om-
 nino dictum, sed quo prudens Imperator docere
 voluit, affectum illum, quem parentes erga libe-
 ros habere debent, nequaquam ad bestias esse
 transferendum. O stultiores & vesaniores mun-
 di amatores? Illum, illum affectum, quem DEO
 debent, quo res cœlestes amplecti deberent, mun-
 di opibus addicunt, honoribus consecrant, vani-
 tatum idolis amplectendis & dissuaviandis insu-
 munt. Tanquam fascinati quidam Sampsones
 relictis tot filiabus in Israel pulcherrimis ac di-
 tissimis, alienigenam, immo Philisthæam amant.
 Tanquam Israëlita vesani repudiato manna sua-
 vissimo ad Ægyptias ollas adspirant, atque ali-
 um, cæpas, herbas alias pani suavissimo, vanitates
 inquam & insanias mundi, pretiosissimæ MAR-
 GARITÆ anteponunt. Quam verum est Philo-

Allegoria.

*Exemplum
Augusti.*

*Invectio in
contempto-
res huius
margaritæ.*

Sopororum axioma ! sensibile supra sensum pos-
 tum non facit sensationem ? Mundum in oculis
 ferunt, & oculos in mundo, immo mundum in
 animis gerunt, & animos in mundo, adeoque fu-
 catum ejus vultum, foetidum ejus anhelitum, *Optatio.*
 fraudulentum amorem non vident. Quod si vel
 ad punctum temporis cogitationes à mundo redu-
 cerent, ô quam cito fucus ille pateret, & detectæ
 vanitates displicerent ! quam cito foetor ille sen-
 sibus oclusis amoveretur ! quam cito fraus aper-
 ta poenitentes animos in hanc vocem appellaret.
Beatus vir cuius est nomen Domini spes eius, &
non respexit in vanitates & insanias falsas. Sed *Transitio.*
 nec nos amplius in has vanitates & insanias
 falsas respiciamus, si amorem jam agnoscimus, ad
 laborem concitato cursu properemus. Tradunt
 qui arcanorum naturæ participes, ipsi quodam *A partu*
 modo sunt à secretis, in mari conchas esse, quæ *concharum*
 certo anni tempore ubi genitalis hora stimula *in mari.*
 verit, luxuriante conceptu sitiunt rorem tanquam
 maritum, & cum lunares maximè liquuntur a-
 spergines, oscitatione quadam sese pandunt &
 humorem hauriunt concupitum : sicque conce-
 piunt gravaque fiunt, atque earum partus sunt
 Margaritæ. Quod si purus ros influxerit, candi-
 cant orbiculi lapillorum ; si turbidus, pallore lan-
 guescunt, aut rufo innubilantur : itaque magis de
 coelo, quam de mari partus habent, & quo ampli-
 us coelestis roris hauserunt, eo majores existunt
 margaritæ. Si fulguret comprimunt sese conchæ,
 & vitia quædam contrahunt arbortiva scrupu-
 losque tantum enituntur : si dies flagrantioribus
 radiis excanduerit, ne fuscantur solis calore
 margaritæ, subsidunt conchæ, & se profundo in-
 gurgitant, ut ab æstu vindicentur : si piscantium
 insidias reformident, aut inter scopulos, aut in-
 ter marinos canes delitescunt. Caterum dos om-

*Applicatio
huius ad ho-
mines.*

nis earum est in candore, splendore, rotunditateque, reperiunturq; in Indico mari, Persico sinu, Taprobana insula, circa Arabiam etiam & Britanniam. Omnibus est à natura concessum vi quadam occulta sanguinem repurgare. Videtis vim naturæ ac miraculum. Nos in mundi huius Oceano conchæ sumus, nostra autem margarita est in cœlis, quod si hanc concipere & aliquando etiam parturire velimus, dum nos stimulat salutis hora, oscitatione quadam animi, expansis nimirum animi desideriis, cœlestis gratiæ rorem sitire haurireque oportet, ut illo gravidæ tandem animæ divinam illam Margaritam enitantur. Multi sunt in quorum animos purissimus gratiæ cœlestis ros influit, & hi sunt, qui candicant coram Deo; plurimi sunt, qui turbidum illum recipiunt, & hi languescunt in via salutis, & rufo vanitatum humanarum innubilantur. Quo plus divinæ gratiæ fuerit in nobis, eo maiorem aliquando MARGARITAM in cœlis parturiemus. Hic est ros ille cœlestis, qui vitam omnem repurgat. Hic est, qui inter scopulos adversitatum humanarum, atque in ipso fidei profundo, si mundus aut dæmon insidietur, custodiendus est. Hic est, cum flagrantiora carnis desideria exsurrexerint, nec illorum calore obfuscetur sedulo protegendus. Quanquam sic concipitur Margarita, sic invenitur, quomodo autem comparatur? *Abiit & vendidit omnia quæ habuit & emit eam.* Nimirum omnes opes ac facultates in huius Margaritæ commutatione sunt impendendæ, omnia sunt relinquenda, omnia tradenda Deo, qui Margaritam hanc vendit. Adeo pretiosa est; ut nisi omnia dederunt, emere illam comparateque non possimus. Nihil Deus de pretio remittit, omnia petit, seipsum ac tua, & adhuc tamen vili pretio, pretiosissimam Margaritam alienat. Quid est? ne turbo Christiane? tanti emere non placet? relin-

Cœlestis gratiæ effecta.

*Pretium
margaritæ
huius.*

Apostrophe.

linquere omnia non placet? recedis? abis? imo
 adsis, subsiste, verbum unum. Alexander Magnus
 cum multa de regni indici opulencia divitiisque
 intellexisset, tanto eius acquirendi desiderio ex-
 arsit, ut quicquid antea magno labore, summaque
 armorum difficultate paraverat, adeoque regnum
 ipsum paternum purpuratis suis distribueret. Hoc
 cum Hephestion amicorum intimus admiraretur.
 Regisque liberalitatem susciperet, ne sollicitus
 sis o Hephestion, inquit Alexander, solæ enim In-
 dorum opes universo Philippi patris imperio præ-
 valent. Audis igitur Christiane? si totum orbem
 in hac commutatione tradideris, si te ipsum & af-
 fectum illum tuum obtuleris, adhuc sola illa bea-
 titudinis æternæ MARGARITA infinities præva-
 lebit. Pro paucis illis facultatibus tuis cælum ti-
 niversum accipies, pro terrenis bonis cælestia,
 pro temporalibus æterna, pro transitoriis perma-
 nentia, pro teipso Deum ipsum possidebis. Am-
 pliushne igitur offerre dareque placet? video com-
 moveris; iam, iam conveniemus: affectum tan-
 tum aliquem retinere placet? Immo adde etiam
 illum. Nescis Helvetios aliquando audita Italiæ
 fertilitate iniectis flammis patriam suam univer-
 sam delevisse, hocque sacramento se obstrinxisse
 ne redirent? Age ergo tolle illum affectum tuum,
 & divinæ charitatis flamma, quicquid restet, exu-
 re. Vnam hanc MARGARITAM possidendo uni-
 versa possidebis. Satis est, bene est, annuis, ma-
 num porrigis; tua est MARGARITA. Tu vero,
 (nam hoc restat) o sanctissima Anna, quoniam in
 te tanquam in mari concha illa, Virgo MARIA,
 producta est, ex qua pretiosa illa Margarita pro-
 diit in mundum, tu nobis tuis precibus con-
 cham illam aperi, ut per eam frui aliquando Mar-
 garita illa pretiosissima possimus. DIXI.

Ab exemplo

Excitatio
 Christianorū
 ad hanc mar-
 garitam.

Apostrophe
 ad D. Annā

ORATIO XIX.
DE THESAURO IN
AGRO ABSCONDITO.

Matth. 13.

Exordium
dicto Salo-
monis.

MAGNUM illud Sapientia Divinae specu-
lum gloriosissimum Israelitarum Monar-
cha & humanae prudentiae terminus. Sa-
lomon, cum ad aequilibrium stateramque ratio-
nis, sapientiam & universas mundi divitias pon-
deravisset, de praestantia sententiam pronuncia-
turus, *Omnes, inquit, lapidem pretiosum & divi-
tias nihil esse, duxi in comparatione illius,
& omne aurum coram illo arena est exigua, &
tanquam lutum aestimabitur argentum in con-
spectu illius.* Verissimum profecto praeclarissi-
mumque decretum, imo vero sapientiae ipsius
divinae oraculum, à quo quanquam permulti ho-
mines, quarum prona sunt in terram animae &
caelestium inanes, nescio qua tandem mundi de-
mentia ad insanum caecumque vanitatis huma-
nae iudicium provocent, & appellent, nunquam
tamen irritabunt. Etenim si tanti iudicis senten-
tiam liceat hic aliquousque propugnare, & illam
dementis orbis vanitatem veritatis ipsius flagel-
lo discutere; quamobrem non divitias nihil es-
se duxisset, cum attestante Regio Propheta, nihil
invenerint viri divitiarum in manibus suis? Per
medicet, instruat aciem & ordinatum divitia-
rum suarum exercitum vir dives educat, cum in
medium mors prorumpit, & feralem sonante tu-
ba pugnam indicit; sint in procinctu primaque
acie geminae quaecunque rarissimae, purpura; pre-
tiosa suppellex, peristromata, quicquid tandem
ocu-

Inanitas di-
vitiarum.

Enumeratio
divitiarum.

ocu-

oculis hominum humana vanitas obſcudit; conſtituant ſecundam aciem & in principiis conſiſtant, fundi, villæ fundatæ in mari terraque domus, arces in excelsis ſupibus, agri innumeri, & infinitæ quarumlibet rerum poſſeſſiones: claudant agmen, & triariorum fortiffimorum ſtationem occupent argentum & aurum, illæque tam amabili metallo gravidæ ciſtæ, quibus incubet vir ipſe dives: adſit in auxiliis lateraque ſtipent amici, & clientes, volitent in vexillis honores, inſent lituos & tympana pulſent quaſi emptique rumores blanditiæ, adulationes: fortuna dux univerſorum totam aciem impellat, ac promoveat ſucceſſu ſuo. Quid erit tandem, cum ingreſſa mors arenam lethale iaculum vibravit, & fruſtra reluctantibus deſideriis animam evocabit? evolabit hæc omnia ordinata pompe acies ac tum prius nihil eſſe divitiarum ſuas vir divitiarum agnoſcet, cum ab illis moriendo deſtituetur. Iam vero cur non aurum omne arenam exiguam appellaviſſet, cum ita graves ac ponderoſæ ſint mortales divitiæ, totque ab illis corda mortalium indurentur? Coreius (inquit ſapientiæ Iob exemplar) ſtringetur quaſi lapis: Vt enim ille per ſolem ex-

*Inutilitas
divitiarum.*

Comparatio.

aqua & pulvere concoquitur, ita hominum opulentorum animi per ardentia cupiditatis inextincta deſideria, per abundantiam, qui ſtipantur, indureſcunt, callumque ducunt. Denique cur non tanquam lutum æſtimari dixiſſet argentum, cum verè nihil aliud ſine humanæ divitiæ, quam lutum, quam ſordes, quam fumi evanefcentis fuligo? & tamen qui in hac inſipientis ſæculi mortalitate ſapere velle videntur, tanquam Eſau quidam lutea quadam lenticula primogenita ſua vendunt & ſalutem à ſe ſuam alienant.

Quod ſi igitur veriffimo ſapientiæ ipſius oraculo ac decreto nihil omnino ſunt humanæ cupiditatis opes, niſi forſitan umbra quadam &

Propositio.

sumus; non ego hodie, qui thesaurum celestem inquirō, vos in sepulchrum gloriosissimi Davidis inducam, in quo, Iosepho teste, decies octies centena millia talentorum (magnus profecto thesaurus) continebantur. Non Sancta Sanctorum aperiā, ubi totidem centena millia eodem tempore asservabantur; quæque attingere præter unum Crassum Romanorum omnium avarissimum, nemo unquam est ausus; Non perlustrabo Regum Indiæ monumenta, in quibus auro vestita ac, accoronis pretiosissimis redimita Regum cadavera post mortem etiam honorabantur: Non illum admirabilem admirabor triumphum, quem orbe subiugato tertium duxit Pompeius Magnus, quo quidem nihil unquam illustrius, nihil pretiosius, nihil omnino ad omnem memoriam celebrius aut Roma, aut Orbis conspexit. Profecto non in istis vanitatis umbraculis ac tentoriis, non sub istis ambitionis alis, non istum intra ridentis fortunæ sinum caeleste regnum, caelestis, inquam thesaurus reperitur. Absconditus est, & ubi tandem absconditus est? In agro, sed in agro, quem humana vanitas ignorat, humana sapientia vix credit. In laboribus, dico, in adversitatibus & miseriis, in tribulationibus absconditus est hic thesaurus. Quis hic thesaurus? Interna illa dulcedo, felicitatis æternæ particula quædam, quam sub adversitatum mole pressi, qui iusti sunt, mediis in miseriis experiuntur ac prægustant; quæque olim inebriatus propemodum David, Quam magna inquebat, multitudo dulcedinis tuæ Domine, quam abscondisti timentibus te? Illa dulcedo, ac spirituales electorum consolationes thesaurus hic sunt; & ubi illum mens sibi hominum non potest imaginari, ab inquirentibus reperitur. Salomon admirabilis ille Metaphysicus orbis, cum de transitu rubri maris agit,

*Præteritio.**Locus thesauri huius.**Testimoniū de hoc David.*

in

In mari, inquit, rubro via ſine impedimento,
 & campus germinans de profundo nimio per
 quam omnis natio tranſiuit, que regebatur tua
 manu, videntes tua mirabilia, & monſtra: tan-
 quam, ne qui depaverunt eſcam, & tanquam
 agni exultaverunt magnificantes te Domine, qui
 liberaſti illos. Grande hic & arcanum omnino myſte- *Transitus*
 rium, quod ut evoluamus, conſtituamus tranſitu- *Hebræorum*
 ros mare rubrum Hebræos in litore timidos, anxi- *per mare*
 os, & deliberantes. Inde tribus Ruben, Iſaſachar, Za- *rubrum.*
 bulon, Simeon, quoniam vicini erant cum armis
 Ægyptii, & jam in eorum perniciem irruebant;
 ut ſeſe in mare omnes præcipitarent ac ſubmerge-
 rent, ſuadebant. Hinc tribus Gad, Aſer, Dan, Nep-
 thalim faciendam eſſe deditiorem urgebant, ac
 potius, quam extrema illa ac miſera deſperatione
 moriendum, iterum Ægyptiis ſerviendum. Inde
 rurſum tribus Levi, Iudæ, Joſeph Benjamin rapien-
 da arma, deſenſionem inſtaurandam, Deum adfu-
 turum acclamabant. O inopes conſiliorum mortales!
 O cæca atque inania mortalium conſilia! & inter
 vos, ô Hebræi, nemo erat qui tentandas maris a-
 quas ſuaderet? nemo erat, qui ſub aquis pulchram
 aliquam ac facilem viam latere polliceretur? Cer-
 nebant mare rubrum & ſanguinei propemodum
 coloris; inde timor; animis ſuis latitantia ſub aquis
 monſtra repræſentabant; inde novus ſervitutis a-
 mor; contemplantur vaſtatem & altitudinem
 aquarum; inde mortis deſiderium & deſperatio. *Vaſtitas ma-*
 non videbant Deum illum ſuum delicias ſub aquis *ri à tranſitu*
 ſervare, & viam ſine impedimento parare, non ſpe- *deſerret.*
 rabant campum illic eſſe germinantem de profun-
 do nimio, & tamen cum tranſiverunt quaſi per a-
 maniſſima prata, per flores ſuaviſſime redolentes,
 per arbores fructificantes tranſiverunt, quarum et-
 jam delicatiſſimos fructus comederunt; tanquam
 enim equi depaverunt eſcam. Quid deinde tanquam

agni exultaverunt magnificantes te Domine, qui liberaſti eos ; qui illis per viam tam arduam, tamque difficilem, tantas elargitus es conſolationes. Agite nunc o molles & delicatuli mundi

Apoſtrophe noſtri clientes, videtis uſtulantes arenas ? fodicantes ſpinas ? torrentes ſalebrosos ? contrahitis humeros : videtis paupertatem, nuditatem, flagra

Ab exemplo multorum cilicia, vigiliis enecantes ? vultum averſitis. Videtis eremos, exilia, ardentes vultu tyrannos,

Sanctorum carceres, equuleos, cruces, ferrum, ignes ? fugitis. Et tamen ſub illis latet, & abſconditus eſt coeleſtis ille theſaurus. Illum eminus intuebatur ma-

gnus ille Apoſtolice Curiæ Senator Andreas, cū ad crucis ſupplicium contendens crucem diu deſideratam, & jam animo concupiſcenti præparatam ſalutaret. Illum invenerat ac jam poſſidebat generoſus Athleta, tyrannorum domitor & contemptor Laurentius, cum ad prunas ardentes applicatus tanquam in roſis roribusque exultaret. Illum plenis animis amplexabantur glorioſi martyres Marcus & Marcellianus, cum ad ſtipitem alligati pedibusque duriffimo clayo confixis nunquam ſe tam jūcunde epulatos fuiſſe, quam cum hæc tormenta perferrent, teſtarentur. Et quis unquam exiſtimaviſſet in cruce retam viliatque abiecta omnem Chriſti fortitudinem latere ?

Comparatio. *Cornua in manibus eius,* inquit Abacuc Propheta, ibi abſcondita eſt fortitudo eius. Quem admodum enim cum Megarenſibus oraculum reſpondiſſet, duraturum eorum imperium donec arbor peperiſſet, unde ſempiternum illi futurum arbitrabantur ; quidam nescio quo caſu miles ex arbore ſuspendit arma, quæ paulatim cum tenui circum accreſcens cortex involuiſſet, mitarentur autem ac ſtuporem omnes ; ruperunt arborem ; & everſionis futuræ augurium repererunt. Ptoſus ita in illa crucis debilitate viſitateque abſcon-

In cruce latet hic theſaurus.

dita erat fortitudo eius, quæ in cruce apparuit ac se contra mortem manifestavit. Nam

Mors mortua tunc est.

In ligno quando mortua vita fuit.

Verè verè DEVS pretiosissimos thesauros suos abscondit, sed quo pervenire credendo fides humana vix possit. Obsecro vos, AUDITORES, nunquid paradoxum est hoc Christi verbum: *Tollite iugum meum super vos, & invenietis*

Gradatio.

requiem animabus vestris? Si iugum est, nunquid labor? Si labor, nunquid defatigatio? Quomodo ergo requies? nunquid etiam, qui cervicibus suis Christi iugum imposuerunt adversitates, martyria, mortes patiuntur? ubinam igitur requies animorum illorum? Quod sita-

Contraposita

men penitus grande hoc arcanam DEI curiosa, sed non impia mente perferutemur, reperiemus nihil aliud esse adversitates, quam delicias; martyria, quam victorias; mortem, quam vitam. Interrogate Ionam Prophetam, & acclamantem audietis: *Tolle Domine animam meam, melior est mihi mors, quam vita.* Interrogate gentium Doctorem, & hoc eius desiderium intelligetis:

Cupio dissolvi, & esse cum Christo. Interrogate

Atestimonio

Deum ipsum, & hanc eius vocem ad Iosiam regem, qui lucos succiderat, & idola destruxerat audietis: *Flevisti coram me, & ego audiui, idcirco colligam te ad Patres tuos, & colligeris ad sepulchrum tuum in pace.* O verò paradoxum

& quis mortem inter summas felicitates existimavisset? Boetii, quid homini felicissimum in hac vita contingere posset, ab oraculo Delphico sciscitati fuerunt. Quid oraculum? mortem omnium esse rerum beatissimam, nec ullā præter hanc felicitatem quarendam esse respondit. Agam-

Mors beatitudo.

Ab exemplo Agamedis.

des & Trophonius architecti præstantissimi, cum

Delphicum Deo fanum construxissent, & iam operis mercedem ab ipso postularent, id nimirum quod in hac vita optimum hominibus esset, repentina ambo morte septimo post die corruerunt, atque hoc ipsum oraculum prænunciaret. Eodem prorsus modo cum Argiæ sacerdotis filii bovm instar iugo suppositi matrem suam in templum vexissent, & illa dignam à diis mercedem postulavisset, subito matris in oculis diem suum obierunt. Dicam igitur cum Bernardo: *Quomodo non fictus labor ubi non labor, sed requies invenitur.*

Paradoxa.

Apostrophe.

Quomodo non fictus fucatusque mundus, si sub mari rubro horti amœnissimi, sub cortice arboris armorum fortitudo, sub iugo requies? Bone Deus, videor enim tuæ liberalitatis ac munificentiae vocem audire, quid est, quod Athletis tuis in hac arena circoque mundi certantibus tam benigne promittis: *Vincenti, ait, dabo manna absconditum.* Verè, vere manna absconditum, nec unquam visum est à quoquam manna detectum. Priusquam enim, ut Genebrardus annotavit, caderet in terra manna, ros in terram copiosus descendebat, & velut tapes sternebatur, in quem cum iam manna cecidisset, de repente ros alius tanquam caeleste quoddam velamentum descendebat. Et quod homines nunquam satis admirabuntur, nullo ignis calore dissolvebatur; at ubi minimum solis radium perlentiscebatur, confestim colliquefcebat. Hærent hic humani sensus, sed quod in natura obstupescunt, arcana fieri significatione animadvertunt. Dat D E V S manna absconditum vincentibus, cum interna illa spiritus, dulcedine pascit electos, cum spirituales illis consolationes mediis in adversitatibus infundit; quæ si ad vanæ gloriæ solem exponantur, protinus dissolvuntur. O admirabiles & absconditæ omnino consolationes! vos efficitis, ut

Manna emissio eiusque natura.

Premium vincentium.

cat-

cat-

carbones igniti refrigerium existant, persecutiones exercitium, infirmitas medicina: per vos molestia sunt delitiae, infamia honor, tormenta voluptates à vobis habent cruces, ut sint coronae, exilia peregrinationes, mortes triumphi. Nimirum sicut ex amarissimo thymo apes dulcissima mella colligunt, ita iusti ex tribulationum amaritudine gloria aeternae & absconditi thesauri suavitatem decerpunt. Nimirum quemadmodum *Contraposita.*
 in absynthio, aut aliquo Rhebarbaro sanitas, in sale conservatio putredine, in vento flamma continetur: ita in tribulationum vehementia salutis & gratiae coelestis thesaurus asservatur. Non ignoro, haerent hic hominum mundanorum oculi animique, & cum in agro tribulationum aduersitatumque coelestem illum thesaurum ostenderim, nondum vident. Quid, inquiunt, non uret *Alia.*
 igitur ignis amplius? non ferrum lacerabit? non *Similitudo.*
 mortes occident? Quid? quae amarissima sunt aliis, dulcissima Christianis fient? Plinius, qui quodammodo à secretis est naturae Rhinocerotis hanc esse virtutem, ait, ut è fontibus suo cornu venenum expellat. Cum enim ad fluvium ceterae ferae peruenerunt, circumstant & expectant, nec gustare, quanquam ardentissima sit sitis, vel fluvium, vel fontem audent, donec adueniens Rhinoceros cornu suo fluvium attingit & extrahit, venenum. Ille dilectus quemadmodum *Rhinocerotis natura.*
 filius unicornium Christus Dominus, cuius cornua sicut cornua Rhinocerotis, inquit Moyses, venenatam tribulationum & aduersitatum aquam quam omnes amarissimam reperiabant, gustare nullus audebat: ubi cornu suum intinxit in cruce, dulcissimum effecit, ac posteaquam primus degustavit, omnium amorem excitavit. Iam qui veri sunt Christiani, & qui non rem publicam saluam esse volunt, sed animam suam, semetipsos abnegant, tollunt cruces suas & sequuntur illum; atque ita *Amplificatio ad Christum.*

*Apostrophe
ad avaros.*

*Alia ad li-
bidinosos.*

Arefin. o.

*Repetitio.
Inventores
thesauri
huius.*

Optatio.

thesaurum inveniunt coelestem, quem orbis Sal-
vator crucem arduam subeundo, fel & acetum
gustando sub laboribus & adversitatibus abscon-
dit. O igitur quantum aberratis avari, qui cistis
vestris ac loculis incubantes, verum vos possidere
thesaurum existimatis; *Qui volunt divites
fieri, incidunt in tentationem & laqueum dia-
boli.* Apostoli vox est. Quam ab hoc thesauro longè
deflectitis, ô superbi, *Deus superbis resistit, humilibus
autem dat gratiam.* Sic Apostolus Iacobus affirmat.
Non vos illum invenitis, ô Libidinosi: *Fornicatores
enim & adulteros iudicabit Deus.* Oraculū est Gentium
Doctōris. Non illum faucibus istis ardentibus de-
gustatis, ô Ebriosi. *Vae enim, qui potentes estis
ad bibendum vinum, & viri fortes ad miscen-
dam ebrietatem.* Sapiens ipse sic minatur.
Non illum tenetis, ô Molles & delicatuli mundi
clientes, qui vestrum illud voluptatis idolum no-
ctes & dies oculis sollicitatis manibus contrectatis
brachiis amplexamini, animis fovetis & circum-
fertis. Delectatio cecidit & prateriit, vulneravit &
transiit, miserum fecit & abiit, infelicem reddidit
& reliquit. Verissime Ambrosius. Illum, illum
inveniunt ac possident iusti, quorum simplicitas
irridetur; illum tenent, quorum vitam homines
insensati aestimant insaniam, quosque in derisum
habent & in similitudinem opprobrii. Illum de-
gustant, qui paupertatem amplexantur, ciliciis se-
se & crucibus accingunt. Illum accipiunt in hære-
ditatem, qui oblivisci possunt populum suum. &
domum patris sui: ut aliquando cum beatissima
Catharina glorientur, *Regnum mundi & om-
nem ornatum seculi contempsisti, propter amorem
Domini mei IESU Christi, quem vidi, quem a-
maui, in quem credidi, quem dilexi.* Vtinā &
nos

nos invenire eum aliquando possemus! inveniemus, si crucem aliquam portantes Christum fuerimus secuti. Utinam possidere eum aliquando possemus! possidebimus, si laborum victores & adversitatum pro Christo susceptarum domitores extiterimus. Veruntamen quoniam ea prudentia est illorum, qui coelestes thesauros inveniunt, ut eosdem sedulo custodiant & abscondant dum supersunt; vos qui aliquando (ut opinor & opto) thesauros illos reperietis, nolite Regem Ezechiam imitari; qui cum ambitione quadam gloriaque ductus Babylonicis Legatis opes suas ostentasset, illas sepulchra Davidis & Salomonis aperuisset, illas amisit & punientis Dei manum sentiens. *Præcisa est, inquit, velut à texente vita mea, dum adhuc ordire succidit me.* Imitamini vero gloriosissimum Ducem & Italiae fulmen Hannibalem. Hic cum apud Syriae Regem Antiochum esset, ab eoque, ne Romanis traderetur, vereretur, abiit in Cretam insulam & suos secum thesauros exportavit. Vbi cum Cretensium avaritiam non ignoraret, varias ollas plumbo, cui auri aliquid superinduxerat, implevit. Cretensibusque in Dianæ templo custodiendas commisit; aurum interim suum ac verum intra statuas, quæ pedibus manibusque carentes domi abiectæ despiciebantur, abscondit. Vix discesserat, manibus ollas, animis aurum invadunt Cretenses: sed ubi aurum non reperiunt, delusi recedunt. Imitemini dico hunc ducem; nō amat coelestis thesaurus, qui humilitate optimè regitur & conservatur, jactatores illos, qui ubique se Deum possidere gloriantur. Sumus in via peregrini, & in hac via maligni Spiritus thesauris nostris insidiantur. Ego vero in te finio, o sanctissima Patrona nostra Anna Beatissima: tu enim in lachrymis tuis, quibus quotidie madebas, in opprobriis,

*Adhortativ
ad Auditores.*

*Factum
Hannibalis*

*Apostrophe
ad D. An-*

*Clausula
cum preca-
tione.*

quibus te sterilem vulgus insectabatur, in contemptu bonorum, quæ à te rejecisti, in sterilitate tuæ vitæ, propter quam infamiam perferebas; in tristitia deniq; & orationum assiduo labore thesaurum cœlestem, dulcissimam illam consolationem, immensam illam gratiam invenisti, quæ te matrem matris Dei futuram intellexisti, & non multo post veram veri thesauri arcam: Mariam Virg. terris omnibus protulisti. O illam nobis arcam tuarum, clavibus precum aliquando repera! O illa nobis arca tua filia, tuis precibus aperta & amore inclinata thesaurum suum Filium, nimiumne fortassis in hac vita? gratias saltem aliquas & cœlestes animorum consolationes effundat. DIXI.

ORATIO XX.
DE LUMBIS PRÆCIN-
GENDIS & LUCERNIS ARDEN-
tibus in manibus gestan-
dis.

Luc. 12.

*Exordium à
Turcarum
consuetudi-
ne.*

QVANQVAM apud impiissimam crudelissimamque Turcarum Gentem propemodum omnia fæda, immania, detestandaque reperiantur, nec tam quicquam admirandum sit, quam reformidandum; suspiciendum, quam abominandum; una tamen est, quæ ut multis, ita vobis hodie displicere consuetudo non potest, quæ in illa eorum superstitione Religiosi quidam (quos patrio vocabulo Torlaques appellant) victum ostiatim emendicantes, inedia sese magna macerantes, barbam casariamque cute tenus radentes, sola melota circa pudenda recti ita publicas per plateas incedunt, ut bina specula præ-

ter

tereantibus omnibus ostendant, voceque clarissima ingeminent in his se, qui nam sint, & aliquando qui futuri contemplantur, nec rationis extrametam præscriptumque ferri se finant. Etenim cum in duobus his oraculis: *Noscere seipsum, finemque respicere.* Univerſa ſcholarum humanarum ſapientia concludatur: in duobus, inquam, his punctis, lineæ omnes Philoſophicarum Theologicarumque diſputationum terminentur; in hac pupi vitæ humanæ gubernaculum conſiſtat, in hac prora veræ gloriæ vexillum erigatur, nihil eſſe melius, immo divinius nihil eſſe poteſt in hac vita, quam in ea ſpecula conſiderationis humanæ oculorum aciem contorquere, in quibus clariffime videamus, cum *Satyrico* dicam:

Horum religio.

Allegoria.

*Quid ſumus, & quidnam victuri gignimur,
ordo*

*Quis datus, aut meta qua mollis flexus, &
undo.*

Verum enim vero non à Turcis hodierna die ſpecula illa mutuabor, quæ vobis & ex hoc loco & in hac beatiffimi Antonii ſolemnitate proponam, ſed ſi lubet mentis aciem animique ſenſum ad evangelium hodiernum admovere, videbitis in Eccleſiæ manibus tanquam ſpeculum quoddam propoſitum omnibus & apertum, in quo vir præcinctus & ad victoriæ cæleſtis expeditionem præparatus, lucem admirabilem è lucerna ſua in terras omnes cælumque diffundat: audietis vero evangelicum præconem hominibus uniſverſis acclamantem: *Sint lumbi veſtri præcincti & lucerna ardentes in manibus veſtris*, ut omnino quid in hoc vitæ decurſu tanquam in aliqua ad ſalutem comparandam expeditione facere conveniat unumquemque, liceat hic clariffimè tenebrisque remotis intueri. Et certè quemadmo-

Ab occasione Evangelii

Similitudo
dum

dum omnia singulari divinaque prorsus ratione constituta esse in Ecclesia videmus, ita hodierna die divinitus, opinor est factum, ut præcinctos habere lumbos & ardentes gestare lucernas, iuberemus, cum eum recordatione solemniter veneramur, qui præcinctus virtutum omnium hominibus omnibus lucerna fuit. Præcinxit lumbos suos Antonius, qui se rebus omnibus expediens, universa derelinquens; nuntium mundo remittens, eremum, hoc est fortitudinis, patientiæ, humilitatis, arenam est ingressus. Præcinxit lumbos suos Antonius, qui seipsum abnegavit, in se ipsum pugnavit, de seipso victoriam reportavit; in quo turpes omnes cogitationes extinctæ, libido mortua, vanitas sepulta fuit; cui non legem dixit rerum humanarum amore soluta voluntas, sed præcinctum divina ratio gubernavit; quem non effrenata deprossit luxuria, sed præcincta erexit modestia. Quod si apud Romanos cinctus armatum strenuumque; discinctus autem imbellem & effeminatum significabat; non imbellis & effeminatus, sed strenuus & armatus fuit Antonius, qui admirabili quadam & virtutibus omnibus Zona carnis omnem luxuriam, ac se totum coarctavit. Sed & lucerna fuit Antonius; lucerna ardens in corde suo per charitatem, lucerna ardens in manibus suis per bonorum operum exercitationem, lucerna ardens universo mundo per exempla virtutum. In eo erat velut in lucerna celestis gratiæ lumen, & per eum velut per lucernam in terras omnes admirabile lumen exhibit. Quemadmodum vero in Pharo Ægypti insula dies totos ac noctes lucerna ardens fluitantibus in mari nautis, ut ad eam suarum navium cursum dirigerent, proponebatur; ita fuit lucerna ardens in Ægypto Antonius; cuius lumen præcuius radii in calum usque deferebant; virtutum flam-

*Lumbos suos
verè præcin-
xit Antoni-*

Transductio.

*Amplifica-
tio laudis
Antonii.*

*A factis
Pharaonis.*

flamma in terras omnes diffundebant; ad quem per scintillas aliquas evocati ex Ægypto regionibusque remotissimis populi confluebant, ut ad hanc lucernam per imitationem aliquam arderent, per virtutem acquisitam lucerent, per oleum ejusque calorem sanarentur. Fuit Antonius ardentissima illa lacerna, quam inani flatu mundus, vana compressione caro, suscepto frustra impetu Dæmones extinguere tentaverunt: sed sicut nisi effractis laterum compagibus extinguere lucerna non potest, ita prorsus cum Antonii fidem concutere constantiam labefactare, patientiam fatigare terrereque Dæmones non possent, nec humanæ vanitatis aut carnis ventus intraret, illa immotaque sensuum latera, quæ virtutibus muniebantur permanerent, ardens hæc lucerna perseveravit in terris, donec affixa cælo majore lumine terras omnes cælosque ipsos illustraret. Quamquam non ego vos ad theatralem scenam aliquam spectatores adesse volo, sed ad salutis expeditionem cursores requiro, ut non ad cogitationem tantum beatissimum Antonium revocetis, sed ad illum præcincti & expedito cursu contendatis; quæ in re si quid hodie prodesse possim, Zonas vobis aliquas, quibus lumbos vestros ad cursum præcingat, apportabo, & aliquam in manibus vestris lucernam accendam.

*Applicatio
ad Antonium.*

*Constantia
eiusdem.*

Contra posita.

Israelitis olim in Ægyptiaca servitute detentis posita lex à DEO fuit apud Nilum, ut quam ocyssimè recederent ex Ægypto: succinctique lumbos agnū ederent, & supremo Numini Pascha celebrarent. Evoluamus hujus legis ænigma, & obnoxios nos esse legi reperiemus. Sacra littera deliciarum voluptatumque terram ac planitiem, Ægyptum appellant, in qua equus, fallax equus ad salutem homo, nisi frenis catenisque compescatur, perpetuo cupit exultare Nilus autem, Ambrósio teste, unum è quatuor Paradysi fluminibus,

*Confirmatio
à lege Ægyptiorum.*

*Ægyptus
quæ.*

*Nilus castitatis
symbolum.*

bus,

*Lex hac applicata nostro
tempori.*

Libidinosi.

*Præcingere-
quid?*

*A more ve-
terum.*

bus, Geon vocant Hebræi, & puritatem, castimoniam, temperantiam designans universam Ægyptum inundat, ut despiciatissimum corpus illud abluat, & libidinis ardorem extinguat. Nos illi sumus Israelitæ in deliciarum voluptatumque servitute plerumque detenti; nos, nos illi sumus equi salaces ad salutem, effractis temperantiæ repagulis, excussa rationis habena, procurentes in Ægyptum, in Ægypti voluptatibus insultantes, ac tandem voluptatibus pleni ferocientes. Data est lex apud Nilum, lex temperantiæ, ut præcincti lumbos ex Ægypto quam ocysimè recedamus. O quam multi sunt, qui ad Nilum non accedunt, nec audire legem volunt! quam multi sunt, qui Ægyptum carnem hanc suam amantes in miserissima turpissimarum spurcissimarumque voluptatum servitute detineri malunt, quam lumbos præcingere & ad agnum edendum properare? Serviant illi dæmoni Pharaoni suo: jugum ferant peccatorum immiserabiles? at nos qui ad Nilum temperantiæ continentięque flumen accessimus, qui legem audivimus, qui in libertatem vocati, immo vero jam asserti ad salutis expeditionem Christiani properamus, præcingamus lumbos nostros. Quid hoc est verò præcingamus lumbos nostros? Hoc est carnis nostrę luxuriam omnem per continentiam coarctemus, turpes animę nostrę cogitationes extinguamus, infranem appetitum refranemus; ut, quemadmodum Princeps ait Apostolorum, succincti lumbos mentis nostrę, sobrii, perfecti, speremus in eam, quę offertur nobis gratiam, in revelationem Iesu Christi. Sciunt, qui ritus antiquos non ignorant, receptum apud veteres fuisse morem, ut salutarium victimarum renes ac lumbi tanquā impuri, & in quibus libidinis concupiscentia resideret, eximerentur, ignibusque traderentur; ita qui ad vitę puritatem anhelamus & offerre nos

in sacrificiū Deo desideramus, pracingere lum-
 bos nostros inprimis, & advrere debemus. Quid? *Jonathas 115*
 lumbos ita pracingemus, ut minimum gusta- *sus.*
 re liceat voluptatem. Ionathas post stragem Phi-
 listhinorum melle tantum degustato condemna-
 tus est ad mortem: audita sententia cum tristem
 illam vitæ suæ fortunam deploraret Gustans, in-
 quit gustatu in summitate virgæ, quæ erat in ma-
 nu mea, paululum mellis, & ecce ego morior.
 Nimirum mel istud est voluptas, quæ vel tantum *Voluptatis*
 degustata persæpe mortem adfert, semper autem *incommoda,*
 dolorem. Sed & illi mihi pracingere lumbos
 suos optimè videntur, qui ita se rebus omnibus
 humanis expediunt, ut uniuersa diligenter effi-
 ciant, ut expediri mandatorum Dei viam decur-
 rant. Quod si enim oblongæ talaræque togæ iter *Similitudo.*
 agere volentes impediunt, profecto longissimæ
 illæ rerum humanarum affectiones ac cura salu-
 tis cursum non iuvant, attollere illas, & pracin-
 gere debemus; non fluidæ sint, non dissolutæ.
 Veruntamen duos animæ nostræ lumbos facul-
 tates eiusdem animadverto, intellectum & vo-
 luntatem. Quas obsecro non insanias dissolutus *Repetitio.*
 contemplatus intellectus? quos non vagus mean-
 dros sectatur? in quot errorum labyrinthos non
 abit? Miseri & infelices: Hæretici, dum intel-
 lectum pracingere nolunt, non Pontificum vo-
 luntate gubernari, non Conciliorum decretis a-
 stringi, non Doctorum sanctorumque Patrum sen-
 tentiis stare concupiscunt, viam illam errorum
 latissimam ingrediuntur, & in præcipitium dam-
 nationis dissoluti vagique ruunt. Miseri etiam & *Miseria mī*
 infelices illi, qui dum liberum per res humanas *danorum.*
 intellectum emittunt, nescio quos non odores
 fragrantissimos in foetoribus, aurum fulgentissi-
 mum in stercoribus, pompam splendidissimam
 in miseriis comminiscuntur. Placent honores,
 quia magnos illos & auratos fingit intellectus;

coarctetis, zonam, inquam, charitatis & amoris *Zona ad pra-*
 divini, de qua in Apocalypsi celestis Aquila lo- *cingendum.*
 annes: *Vidi similem filio hominis praeinctam ad*
mamillas zona aurea. Ita fiet, ut cum castitas
 lumbos praeingat, intellectum fides constringet.
 voluntatem divinus amor coarctabit, similes san-
 ctæ illi animæ simus, quæ Prov. 35. *Accinxit*
fortitudine lumbos suos, & roboravit brachium
suum, gustavit & vidit, quia bona est negotia-
tio eius, non extinguetur in nocte lucerna eius.

Nondum vobis zonas omnes apportavi: unam ad *Zona pra-*
 hac accipite fortissimam præstantissimamque, sed *stantissima.*
 pelliceam, qua Propheta quondam Elias, qua plus-
 quam Propheta Ioannes Baptista cingebatur. De
 Elia 4. Regum habetis, Zona pellicea accinctis
 renibus. De Ioanne Marc. 1. Zona pellicea circa
 lumbos eius. Nec aliud est zona illa pellicea,
 quam mortis recordatio, quæ hominis cogitatio-
 nes optime cingit animumque coerctet. Admire-
 mini, & obstupefcite quod dicam, Cum Prophe-
 ta sanctissimus Elias moraretur in monte Oreb,
 spiritus grandis & fortis subvertens montes &
 conterens spinas iuxta illum præterit, post spi-
 ritum commotio, post commotionem ignis. Eva-
 sit hæc omnia Propheta, sed in spelunca latens e-
 vasit. Quid hic est? Nonne fuit spiritus ille su-
 perbia? illa commotio, cupiditas? ille ignis, lu-
 xuria? Omnino, nam omne quod est in mundo
 concupiscentia carnis est, & concupiscentia ocu-
 lorum, & superbia vitæ, ut verissime Evangelista
 Ioannes. Quis hæc vero tanta pericula unquam
 evadet? qui mortis recordabitur, qui insurgen-
 tibus concupiscentiæ turbinibus, & ardentibus
 luxuriæ flammis in huius recordationis spelun-
 ca delitescet. Tu homo, qui tantopere te admira-
 ris, superbis & insolescis, applica zonam hanc pel-
 liceam ad lumbos tuos, & aliquando te moritu-
 rum

*A facta
Elia.*

*Ad hominē
superbum
adhortatio.*

rum recordare, cadent illa sinuosa volumina vanitatum tuarum; demittetur ille tuus cristatus apex, sordescet tibi tua opulentia, tua doctrina, tua nobilitas. Profecto non sine causa Deus olim imperavit Levitico, ut avibus in sacrificium offerendis plumæ prius avellerentur, inque locum ubi cineres servabantur, proiicerentur. An non ut honores, dignitates, luxus, divitias, vanitates omnes, quæ plumæ sunt quædam, memoris mortis cinerumque temperaremus? Plura dicerem, nisi Sapiens uno oraculo pronunciaſſe omnia videretur: *Memorare novissima tua, & in aeternum non peccabis.* Assume igitur, ô peccator, pelliceam hanc zonam circa lumbos tuos, recordare mortistuz. Quod si curiosus ille naturæ arcanorum indagator Albertus Magnus verè tradit, nunquam amplius in nidum suum corvos reverti, cum eidem cineres aut vitri pulveres inspersos animadvertunt, nunquam etiam amplius infernalis ille corvus Satanæ suum ad animum redibit, in quo mortis venturæ cineres recordatione quadam conspersos esse videbit. Restat, ut cum vobis zonas hæcenus præsentarim, lucernam aliquam vestris in manibus accendam, ac finiam aliquando, Multæ sunt tenebræ, multis opus est lucernis; in hoc ergastulo fragilitatis humanæ densissima undequaque obscuritas impendet, nisi lucernas præferamus ardentes, impingemus, & in præcipitia faciles corruemus. Agite tamen, si præcincti sint lumbi vestri, iam ardentes, non difficile est lucernas habere: Bona, inquam opera, virtutesque per charitatem exercere, liberalem in pauperes esse, mansuetum ac benignum in omnes, iustum, pium, modestum continentem ubique. Quanquam lucernas in manibus ardentes habere, nihil etiam aliud esse potest, quam ita vivere, quemadmodum qui in

*Attestimonio
Alberti.*

Tertia pars.

*Bona opera
lucerna sunt*

extrema illa hora jamiam animam exhalaturi,
 & accensam tenentes lucernam moriuntur. Re- *Hypotyposis.*
 presentate vobis, si lubet, morientem aliquem,
 & mortem jam intra fauces titubante lingua fri-
 gidisque membris anhelantem, quid agit ran-
 dem, & quid loquitur? Circumstant plorantes
 amici, corpore semimortuo derelicto Medici *Agonizans.*
 discedunt, nulla spes est, moriendum est: ipse ma-
 nibus, ut potest, ambabus lucernam ardentem
 apprehendit ac tenet, interim demissis oculis a-
 nimam suam ardentissime Deo commendat, &
 misericordiam ejus singultibus abruptis implorat
 ignoscit omnibus, & ignosci sibi cum lachrymis
 exposcit; aliena restitui jubet, & distribui pau-
 peribus eleemosynas curat, nullæ in ipso cupidi-
 rates, nulla opum desideria, nulli ultionum appe-
 titus. Hæ sunt cogitationes illæ, quas habere nos
 Deus hac in vita cupit, dum ardentes in manibus
 nostris lucernas requirit. Hæc est imago vitæ,
 quam in speculo venturæ mortis intuemur. Ita
 vivendum est, sicut moriendum; sine cupiditate
 aut vindicta, ignoscendo omnibus & ignosci no-
 bis ab omnibus exoptando, salutem nostram be-
 nignitati divinæ commendando, & promptissi-
 mam ejus misericordiam assiduis precibus im-
 plorando. Alexander Magnus cum aliquam ur-
 bem obsidione cinxisset, publico in loco facem *A. facta*
 accendebat, voceque clarissima per preconem e- *Alexandri.*
 dicebat, incolumes futuros omnes, qui quamdiu
 fax arderet victoris se potestati tradidissent; ex-
 tincta vero face spem nullam amplius superesse
 salutis. Eodem prorsus modo quamdiu vita hu-
 ius fax ardet, clamat Deus. *Convertimini ad*
me, tradite vos, aperite mihi portas vestras,
namque ubi fax erit extincta per mortem, nul-
lus amplius indulgentiæ locus erit. Non in mor-
te sapiendum est sero, sed in vita sapiendum est
cito,

*Conclusio
eum adhor-
tatione.*

*Apostrophe
eum imple-
ratione.*

cito. Inter aves illas quas offerri sibi Deus volebat, olim, cygnus erat. Et cur obsecro avis illa pulcherrima non offerebatur? quoniam non in vita, sed in morte cantat. Neque certe offerentur illi Deo, qui morum vitæque correctionem ad extremum usque vitæ terminum differunt, nec nisi ex hac vita migraturi pœnitentiæ threnos palinodiamque cantant. Non ita nos sapiamus, ita vero sapiamus, ut dum vivimus, sint lumbi nostri præcincti, & lucernæ ardentes in manibus nostris. Non dormire possunt, qui sunt præcincti; non dormire possunt, qui ardentem manu facem tenent, cuius fulgore perturbantur. Nec nos profecto peccati somno indulgebimus, sed in Dei ministerio diligenter vigilabimus, si lumbi nostri sint præcincti, & ardentes in manibus nostris lucernæ. Tu Deus benignissime, qui lux es vera illuminans omnem hominem veniente in hunc mundum, qui ignem venisti mittere in terram, & nihil vis nisi ut ardeat; qui Sol es iustitiæ & lumen æternum, accende in his corporum animorumque nostrorum lucernis lucem aliquam gratiæ tuæ, ut ardeamus in te, & coram te luceamus. Vre etiam igne S. Spiritus repes nostros & cor nostrum, Domine, ut tibi casto corpore serviamus, & mundo corde placeamus. DIXI.

ORATIO XXI.

DE AMBITIONE CÆLESTI.

*Exordium
ab inclina-
tione homi-
num.*

MORTALIVM unumquemque excellentiæ cuiusdam ac præstantiæ studio, gloriaque duci (neque enim, ut Romanus inquit Orator dissimulandum est, quod obscurari non potest, sed præ nobis ferendum) ita notum est

eſt ac manifeſtum univerſis, ut ſi illud argumen-
 tis planum facere conſtituiſſem, non ad ratio-
 nem, ſed ad uniſcuſque cogitationem conſu-
 giendum eſſe putarem. Etenim cupiditatem glo-
 riæ quandam ac principatus, appetitionem bene-
 natis omnibus ac, informatis ita indidit Natura
 parens, ut nulla gens ſit, nullus ordo, nulla ætas,
 quæ non ſtudio honoris inflammetur, atque adeo,
 ut in optimis quibuſcunque etiam virtus quædam
 inſideat, quæ noctes & dies animum gloriæ ſti-
 mulis incitat, atque admonet, non in umbra atq;
 tenebris deliteſcendum; ſed in luce palam appa-
 rendum eſſe; non vitam ſine gloria, & omnibus
 honorum ornamentis ſpoliatam ducendam eſſe,
 ſed ad gloriæ dignitatem, & ad ipſum virtutis
 præmium honorem, contendendum. Atque hæc
 eſt illa gloriæ cupiditas, quæ per oſque mortales
 ad præclara quæcunque facinora ſuſcipienda ita
 vehementer incendit, ut pro honoris dignitate
 vel obtinendâ vel retinendâ graviffimis diſcri-
 minibus vitam opponant, humanæ vitæ commo-
 da virtutis ac ſapientiæ ſtudio poſtponant, omnia
 denique ſpe incitati immortalitatis ſe tanquam
 indigna atque animo ſuo inferiora contemnant.
 Verum quemadmodum olim fortiffimus ille Ro-
 manus Mutius Scævola ſpecie purpuræ oblata
 deceptus eſt, ut, cum Porſennam Regem occupa-
 re ferro cogitat, purpuratum ejus ſcribam occi-
 dat; ita plurimi dum inſito ſibi à Natura gloriæ
 ſtudio ad gloriam ipſam magno animo contem-
 dunt, ſpecie vanitatis obiecta, falluntur, & pro
 vera inanem, pro æterna caducam ac momento
 perituram aucupantur & amplexantur. Quæ cau-
 ſa eſt, cur hodie, cum ſanctiſſimum Iacobum ſum-
 mi in dextera ſiniſtraque DEI honoris cum fra-
 tre candidatum gratiæ memoria pioque obſequio
 veneramur, atque illum quidem huius noſtri So-
 dalitii tutelare Numen colimus, conſtituerim.

*Repetitio.**Gloria cupi-
ditas**A falſo
Scanola.**Cauſa dicen-
di.*

D d

apud

Propositio.

apud Vos, Ornatiſſimi Domini S O D A L E S, hoc in loco tanquam in theatro quodam veræ Gloriæ candidatum Chriſtianum hominem repræſentare, atque eam vere cœleſtem ambitionem deſignare, qua inflammati excitatiq̃e omnes ad obtinendum in immortalitate principatum aliquem contendere aſpirareque debemus. Non patiar vagum aur dubium errare candidatum hunc noſtrū, ſed per ſanctiſſimi Iacobi veſtigia ſecurum ducam, ut iisdem, quibus ille meritis, atque eodem omnino ambitu ad cœleſtem dignitatem aſpiret. Rogo interim & obteſtor unumquemque veſtrum, ut tantisper, dum cœleſtis huius ambitionis officia brevi oratione deſigno, ſeiſpum Candidatum eſſe conſtituat & me dicentem animo cogitationeque comitetur.

*Captatio
attentionis.*

*Finis ad
quem creatus
eſt homo.*

Atque in primis illud contendo, hominem, animal illud præſtantiſſimum, cujus in vertice rationis faciem ardentem Natura collocavit, in animo vero lucentem Divinitatis ipſius imaginem impreſſit, non ad illa dignitatum humanarum faſtigia, quæ prima mundi maximeque creduntur, ſed ad veram æternamq; gloriam, quæ ſola Dei poſſeſſione fruitioneque continetur, omni ſtudio laboreq; contendere oportere. Circumſpiciat, obſecro ſeiſpum homo, & illud corpus ſuum contempletur, an non cum cæteras animantes ille opifex rerum, ille potens moderatur univerſi pro no in terram corpore ad paſtum abieciſſet,

*Os homini ſublime dedit, cœlumq; videre
Iuſſit, & erectos ad ſydera tollere vultus?*

Neque ſane ut ſpectator duntaxat eſſet pulcherrimæ mundi machinæ, & ignitas illas in orbibus ſtellatis faces admiraretur, ſed ut ſe Cœli Candidatum, & ad veram illam æternamque, quæ à Deo fluit, Gloriam natum eſſe meminifſet. Introſpiciat vero etiam ſeiſpum homo, & in ſeiſpu
ſuſu

ſum deſcendat, an non ita compoſitum eſt à Natura cor eius, ut una parte ſit acutum & cuſpidatum, ſuperiore vero latum, & duplici culmine ſurſum aſſurgens? an non inquam, ita formatum eſt à Natura, ut triangularem quandam figuram quæ nulla re rotunda ita unquam repleſi poteſt, quia vacuos angulos relinquat, præſeferat? Nimirum, ut latiffimo, ſemper affectu homo cæſtem illam gloriam ac Deum ipſum Candidatus ambiat, nunquam verò, vel in puncto duntaxat inferiora hæc & terrena contingat. Nimirum, inquam, ut ad Divinam illam Maieſtatem, quæ tria eſt, & in illa ſua unitate quodammodo triangularis, & à qua ſola repleſi ſatiarique cor eius poteſt, inflammata cupiditate contendat, orbem hunc rotundum, qui totum replere cor nunquam poteſt, generoſo affectu contemnat. Conſideret nunc etiam homo ſe in Dei familiam adoptatum, eius imagine & inſignibus ornatum, eius filii profuſo ſanguine in libertatem aſſertum, an non etiam patre eſſe iudicabit, ut ad ampliſſimos familiæ ſuæ honores adſpiret, & pro aliquo apud Deum Conditorum ac Liberatorum ſuum adipiſcendo Principatu ambitioſa pietate ſollicitet? Valeant igitur illi, neque in veræ Gloriæ Candidatorum numero cenſeantur, qui humanarum dignitatum culmina tantum reſpiciunt, de calorum Magiſtratibus nihil ipſi cogitant: valeant, inquam, & hominem Ethnicum Severum Imperatorem audiant, qui omnia, quorum inſano amore ardere homines ſolent, adeptus ipſe, & vana expertus omnia, tandem coactus eſt exclamare: *Omnia fui, nihil expedit.* Non mihi hic adſint etiam illi, qui ut Satyricus:

*Ac cordis hu-
mani conſti-
tutione in-
ducente in
Dei affectu.*

*Alterum
motivum.*

*Renunciatio
mundi.*

Atque monito

Obſtupo capite & ſigentes lumine terram:

Inexhauſta aviditate divitias quærunt, & undique effodiunt, cæleſtium interim bonorum

contemptores. O verè. *Quam curva n̄ terræ anima & cælestium inanes!* Eant, eant illi, & Themistoclem hominem etiam Ethnicum audientes erubescant, qui cum parva ingenti victoria ad maris littus consistens multa cadavera in terram vi fluctuum eiecta, & in quibusdam monilia torquesque conspiceretur, ipse præteriens duci cuidam tum forte sibi adstanti. Aspice, inquit, & *Themistoclis*. accipe ea, tu tibi non es Themistocles. Sane neque tu, quisquis es Anarus, qui tantopere periturus bonis istis inhias & inhæres, Christianuses; cape tamen, congere, accumula, incuba & indormiis, non enim es Christianus. Nolo etiam eos, qui popularem auram & hominem inanem applausum ambitiosi ipsi sectantur fumum ventumque venantes, neque enim esse possunt veræ Gloriæ Candidati; recordentur, si placet, Lucii Romanorum omnium hac re sapientissimi, cui cum Senatus propter celeberrimam de hostibus victoriam reportatam amplissimum triumphi honorem decrevisset, triumphare ipse recusavit, statuum vero suam è cera factam triumphali curru imposuit, & ardentem circumquaque ignem, cuius ipsa paulatim calore consumebatur, ut illo nimirum dignissimo hominum omnium memoria facto declararet, nullam esse tam amplum tam fastuosum, tam excelsum dignitatis cuiusvis honorem, qui non modo hominem ipsum non ornaret, sed consumeret: *Quoniam in imagine pertransit homo, sicut cera fluens à facie ignis*, ut Propheta Regius attestatur. Quanquam delectentur ambitione ista, quorum animus sese mundo maiorem non agnoscit; at tu Christiane, quem ego nunc compello, & in Campum Martium veræ Gloriæ Candidatum appello, age prodi, & ambi; vocat te æternus ille Pater, qui te propter se ac propter suam duntaxat Gloriam

A factō

Themistoclis.

Lucii.

*Testimoniū
Davidis.*

*Apostrophe
ad Christia-
nism.*

iam aliquando creavit, iam vero suffragium promittit. Vocat te & tanquam magnes te trahit benignissimus ille Filius Redemptor tuus, qui te sibi vitæ suæ periculo ac pretio vendicavit, nunc etiam suffragari concupiscit. Vocat te sanctissimus ille Spiritus, qui toties gratiæ suæ rivos in te effundit, & ad tui cordis fores tam amice pulsât; nunc etiam votum suum addicit. Et adhuc hæres? Et tuam illam animam, qua vivis, sentis, intelligis, è cælo tanquam divinx particulam auræ haustam ignoras? Perituris illa caducisque bonis pasci, & inanibus honoribus delectari non potest. Et tuum illum intellectum infinitæ veritatis capacem: tuam illam voluntatem, quam nihil, quod finitum est replere potest, omnino nescis? Profecto, age quod vis, in hoc & illud te mundi latus conuerte, nunquam quiesces, nisi in Deo subsistas; nunquam satiaberis, nisi tibi gloria eius apparuerit. Sed adest, Gloriæ stimulis excitatur, & ambire tandem placet. Non ignoratis apud veteres illos Romanos publico more receptum fuisse, ut qui Magistratum aliquem, putatote Consulatum aut Præturam, ambirent, candida in veste, quam recentem à Fulлоне haberent; aut cere priscis illis temporibus, ut è Catone Plutarchus habet, absque togis & in indusio duntaxat in Campo Martio comparerent. Quamnam igitur Candidato nostro vestem circumponemus? Candidam sanè illam, & omni ni-
A more R^o-
maiorum
Candida ve-
stis. innocen-
tia
ve candidiorem innocentix vestem animi & cordis puritatem. Ita decretum fuit à Divina Majestate supplicante Davide: *Quis ascendet in montem Domini, aut quis stabit in loco sancto eius?* responsum quippe illi fuit, & pro omnibus tunc decretum: *Innocens manibus & mundo corde.* Decretum iterum & alias fuit, cum ipse Deus de vera felicitàte differens sacra-

Repetitio.

*Exemplum
candoris hu-
ius S. Ger-
trudis.*

*Campus ho-
nis. Candi-
datus.*

*Contrapositio
conglobata.*

tissimo ore suo , *Beatos mundo corde* , pronun-
ciavit , *quoniam ipsi Deum videbunt*. Illa est in-
nocentiae vestis , quam à Regni sui Candidatis
Caelestis Imperator reposcit , dum toties accla-
mat : *Fili praebe mihi cor tuum* , cor nimirum
candidissimum , sed innocentiae candore ; cor mun-
dissimum , sed puritatis munditiae , cor ardentissi-
mum , sed charitatis & amoris ardore. Illa est in-
nocentiae vestis , quam cum Diva Gertrudis sum-
ma cum puritate cordi suo circumposuisset , ita
Deo placuit , ut , teste Blosio. Diva Mechthildi eo-
dem in monasterio agenti fassus sit , nullum esse
in terra tota locum , dempto Venerabilis Eucha-
ristiae Sacramento , in quo ageret libentius , quam
in Corde Gertrudis. O immensae dignitatis be-
neficium ! O caelestem ! O Angelicam ! O Divi-
nam omnino puritatem ! Sed iam igitur Candi-
datum habemus , nunc illum in campum Mar-
tium deducamus. Quæritis quemnam ego cam-
pum Martium intelligam ? Mundum hunc uni-
versum , in quo ita constitutus est homo , ut inno-
centia sua Divinae Maiestati placere , præclaris ve-
rò operibus suis caelestem Gloriam , quamdiu
communis auræ beneficio ruitur , debeat prome-
reri. Atque ut ambitioni huic caelesti inodum
aliquem præscribamus , & Candidato nostro iam
campum tenenti sua studia & officia designemus ,
necesse est inprimis , ut qui in calo principatum
aliquem ambit , humanarum dignitatum affe-
ctum omnem deponat , omnia deserat , omnibus
valedicat. Neque enim fieri potest , ut caelura u-
na respiciat , & terram , ut Deum simul sollicitet ,
& homines prensat ; si ad homines respiciat , iam
Deum nolle dicetur , si honorem aliquem in ter-
ris , si plausum , si opulentiam quærat , iam ad cæ-
lestem Gloriam nullum animum adicere cre-
detur. Una esse ambitio , debet , quandoquidem

una

una tantum est vera Gloria, quam ambire Christianus debet, & qua qui possuntur, diademate celesti coronantur, scepro immortalis donantur, gemmis æternis lucent, omnibus omnino bonis affluant & quodammodo redundant. *Ab exemplo.* An non Alexander Magnus, ille Orbis universi Candidatus, & cui unus non sufficebat Orbis cum multa de regni Indici opulentia divitiisque intellexisset, sua omnia, adeoque paternum regnum purpuratis suis distribuit, & sibi solas spes *Amplificatio eiusdem.* suas reservavit? An non Helvetii cum Italiae fertilitatem rumore aliquo percepissent, tanta ejus occupandæ cupiditate exarserunt, ut injectis flammis patriam suam universam delerent? Et coelum non tanti Christianus faceret, quanti Indiam Alexander? non tanti coelestem Gloriam, quanti Italiae fertilitatem Helvetii? Imitare Candidate Christiane Divum Iacobum; ille postquam relictis omnibus secutus est Christum, cum ad excelsum illum in dextera sinistraque DEI honorem aspiravit, ut cum amplius nihil haberet, Deum ipsum summum nempe bonum, possideret. Imitare Serapionem Anachoretam, cujus animum cum illa potens Gloria celestis ambitio occupavisset, relictis omnibus & amicis & bonis, indusio solo textus, & bibliorum sacrorum Codicem sub brachio gestans, non aliter, quam si mente captus ac insanus fuisset, per agros & deserta loca discurrebat; cumque ab eo, cur ita furibundus, vestibus ac rebus omnibus spoliatus vagaretur, quispiam fortasse quæreret codicem suum ostendens, hic inquit, me spoliavit. Indicare nimirum volebat spem sibi ex sacro codice magnæ alicuius & æternæ felicitatis factam esse, cujus cupiditate usque adeo inflammaretur, ut illi libenter mundum universum poneret, & vero etiam aspernaretur, relinqueret, conculcaret. O Generosissimum Candidatum!

Adhortatio ad quemcunque Christianum.

Ab exemplo.

Proſopopœia.

*Ab exemplo
Imperato-
rum rotam
religioſam
amplecten-
tium.*

*Ab enume-
ratione Re-
gum.*

A Ducibus.

O laudandam ambitionem ! Quam verè, Sanctissime Serapion, dicere poteras cum Augustino, *Domine fecisti nos ad te, & ideo inquietum est cor nostrum, donec perveniat ad te.* Videre vultis descendentes alios in hunc Campum Martium Candidatos, honorum desertores, mundi contemptores ? Videte inprimis Candidatos Imperatores, Athanasium, Isacium, Michaellem, Theodosium, Ioannem Erennam, alios quam plurimos, qui spreto Orientis Imperio positis diadematis & sceptris vitæ Monasticæ instituta susceperunt. Quos imitari Lotharius & Hugo Occidentis Imperatores deposita Imperii purpura religioſam vestem induerunt. Nec defuerunt hac ambitione cœlesti percussæ Imperatrices Augusta & Theodora in Oriente ; Agnes, Cunegundis, Elisabetha, Richarda ; in Occidente, quæ omnes, ut cœli Imperium ambirent, terræ Imperio valedixerunt. Videte nunc Candidatos Reges, Rachisium Longobardorum, Lotharium Austrasie, Pipinium Italie, Richardum Angliæ, Carolomannum Sueviæ, Bambam Hispaniæ, Egbertum Nortumbriæ, Trebellium Bulgariæ, Veremondum Castillæ ; non omnes nomino : secutæ sint illos tamen Regina, Etelburga & Seburga, Angliæ, Batildis & Radegunda Franciæ, Nernecia & Terasia Hispaniæ, Cunegundis Poloniæ, Santiadis Siciliæ, aliæ innumeræ ; qui omnes profecto Reges ac Regina, cum pro cœlesti regno sollicitarent, prius terrenorum regnorum voluptatibus ac titulis renunciandum esse judicaverunt. Producere possem vobis in hunc Campum Martium Duces, Marchiones, Comites, Barones, Guilielmum illum Aquitaniæ Ducem, qui duodecim ipsis annis lorica, ferream ad carnem sub veste religioſa gestavit. Arcigradum & Dieclandum Sueviæ Duces, quibus nihil unquam jucun-

inucundius fuit, quam humanis dignitatibus sese
 abdicare: Guilhelmu Burgundiæ Ducem, qui
 tum prius sese ad Cælum contendere putavit,
 cum in mundo nihil possideret. Quanquam quid
 attinet in hanc cælestis ambitionis arenam plu-
 res evocare? credo equidem, iam Candidati no-
 stri animum tot Imperatorum, Regum ac Ducum
 exempla permovent, sed tamen si vel tantum
 oculos in cælum coniiciat, non dubito, quin cum
 B. Ignatio Societatis IESV Conditor, egregio
 sane Candidato protinus exclamabit: *O quam* *Attestimatio*
sordet mihi terra, cum cælum aspicio? Pergam
 igitur, sed ecce videre mihi videor hic ambi-
 tiosum aliquem & terrenæ dignitatis Candida-
 tum. Bone Deus, quam pavidus est? quam atten-
 rus, ne verbo aliquo aut facto offendar? quantam
 affabilitatem exhibet? quantam benignitatem
 ostendit? hos sequitur & obsequitur, illos pro-
 funda submissione salutat & honorat: omnibus
 sese inclinat, nunc Curiam frequentat, nunc ad
 Optimates decurrit, si transeant assurgit; si acce-
 dant, amplexatur & applaudit; verbo uno, nihil
 ipse non agit. Talem, talem esse Candidatum no-
 strum exopto. Principatum cælestem ambit? be-
 ne speret, sed cum timore; faventem sibi Divi-
 nam Maiestatem expetit? caveat ne verbo læ-
 dar, ne cogitatione offendar, ne facto displiceat;
 à Deo taudem aliquando Principatum illum ex-
 pectat? sæpe illi assurgat laudando, sæpe illi se-
 se submittat adorando; cum eo loquatur orando,
 familiariter agat contemplando; cum ille ad
 eum pro sua benignitate in Venerabilis Eucharis-
 tiæ Sacramento accedit, toto illum animo, & ex-
 pansis voluntatis benevolæ brachiis amplexetur.
 Opem aliquam & aliorum favores quærit? Adeat
 potentes illos cælestis Aulæ Optimates, efflagi-
 tet ab iis, ut suorum meritorum commemora-
 tione Dei in se voluntatem inclinent. Talis erat

*Hypotyposis.**Repetitio.**Translatio.*

- Ab exemplo* Sanctissimus Iacobus, cuius genua procumbendi assiduitate instar pellis Camelorum occaſuerant, ita saepe ad Deum recurrerat, à quo peritam dignitatem expectabat; ita illi secreta cordis desideria communicabat, & nova gratia, novo favore ac robore in dies ab illo augebatur. Veniamus nunc ad illud, quod caput est petitionis huius & ambitionis caelestis, inquiramus ab hoc nostro Candidato, quod à sanctissimo Iacobo atque eius fratre
- Transitio.* Christus ipse inquisivit. Age dum, ô Christiane, ô Cæli Candidate, tunc calicem bibere, quem Christus ipse bibit, aliquando potes? Dicam apertius. Tunè calumniis ac convitiis vexari, ab hominibus rideri; famere spe ac sitire, ieiuniis macerari, ciliciis torqueri, flagris discindi, adversitatibus quibuscunque agitari potes; Possam, inquis; laudo generosum & intrepidum animum; sed age rursus: tunè crucem subire, sanguinem dare; vitam per enses, per ignes, per undas, per cruciatus horrendissimos & atrocissimos pro Christo profundere morique potes? Quid dubitas? voluit & potuit, & vero etiam Apostolorum omnium primus vitam auctori vitam, Redemptori sanguinem generoso animo cervicem districto gladio subiiciendo beatissimus Iacobus reddidit, nec nisi suo sanguine purpuratus, quam ambiat, summæ dignitatis gloriam impetravit. Nimirum pati cum Christo oportet, si regnare cum Christo velimus; conformes fieri necesse est illi, si ab illo ad gloriam electos nos esse speremus: ille per crucem ad cæli summum imperium ascendit, nos non alio quam laboris, quam difficultatis, quam afflictionis pretio locum aliquem in eius imperio consequemur. Obambulabat die
- Apostrophe ad Christia-num.*
- Prosopopæia*
- Ab exemplo.*
- A causa ad effectum.*
- Ab exemplo Iulii Cæsar.*
- quadam suo in horto Iulius Cæsar, ille primus Romani Imperii Candidatus, cum forte sedentem in lauri vicinæ ramis columbam palmamque ore gestantem animadvertit, rei novitate non nihil atro-

atro-

attonitus & animo perculsus aruspices exemplo
 convocat, quidque hoc novæ rei miraculum por- *Amplifica-*
 tendat, sciscitatur. Illi futurum illum aliquando *tio ad præ-*
 Romæ, sed post gravissimos labores difficillimas- *sent.*
 que victorias, Imperatorem, respondent. Et vere
 ira evenit; & vere ita eveniet Candidatis omni-
 bus, ut per molestias innumeras, per difficultates
 acerbissimas, per dolores acerrimos, per luctas &
 pugnas adversus carnem mundum, dæmonem gra-
 vissimas expectatum in cœlis Principatum adire
 debeant & obtinere. Date mihi sanctissimam ipsam *Ab enume-*
 Christi matrem, an non ejus animam doloris gla- *ratione ex-*
 dius pertransivit? Date Apostolos, illos Christi *emplorum.*
 Legatos, & Ecclesiæ primos Antistites, an non
 Tyrannorum gladiis & securibus subicere om-
 nes corpus suum debuerunt? Date Martyres, quā-
 quam jam nomine ipso cruciatos casosque intel-
 ligitis. Date Confessores, Paulos, Antonios, Hi-
 lationes, Macharios, Hieronymos, an non per au-
 steritatem incredibilem, per jejunia, per cilicia,
 per humicubationes, per vigiliis, per flagra ad
 cœlum contenderunt? Date Virgines, an non vir-
 ginitatis suæ liliū suo sanguine purpurave-
 runt, aut inter difficillima certamina intactum
 servaverunt? Et sane non aliter agere in hoc hu-
 jus mundi Campo Martio Candidatus noster po-
 test, quam ut difficultatibus variis & adversitati-
 bus expositis magno animo superare contendat,
 & superando propositam sibi Gloriam augeat,
 Quod quoniam jam apud se recepit, & nihil tam
 esse durum potest, quod subire pro Gloria illa
 paratus non sit, superest hoc tantum, ut Comitio-
 rum aliquando dies elucescit, quo difficultati-
 bus omnibus expeditus tandem aliquando perita
 gloria cœlestique Principatu potiatur. At obse-
 cō, quis ille Comitiorum dies? Mortis & judi-
 cii dies; mors ambitioni huic & petitioni finem
 imponet, judicium merita expendet, & laboribus

*Apostrophe
ad ipsum
Deum.*

præmium ac Gloriam reponet. Parum est vitam deponere, plurimum est in vita multum meruisse. Non bene Candidati officio functus erit, qui favorem tantum expectabit, sed qui meritorem vim ostenderit, atque ita dicere poterit. *Æterne Deus, summum Bonum, & infinita Maestas, quoniam me tuam ad Gloriam creavisti, tuæ Gloriæ, quoad vivere licuit, Candidatus existit: ut me tuum esse novisses, candidam innocentiam vestem gessi, & ut potui, servavi: pro te omnia in terris deserui, etiam omnium affectum posui, & servivit tantum mundus necessitati. Nihil mihi extra te placuit, ideo omni studio te quæsi, pro te omnia adversa libenter pertuli, & si virtutis est ac meriti sic mori, pro te morior. Faxit Deus, ita vivere omnes, ita dicere, ita mori possimus.* DIXI.

O R A T I O X X I I . D E T H E S A U R O C Æ L E S T I .

*Exordium
à thesauro-
rum cupiditate.*

Comparatio.

ITA comparatum est à Natura, Ornatissimi & Humanissimi A V D I T O R E S, ut cum thesaurorum, seu auri vel argentialicuius, monilium ac pretiosæ suppellectilis fieri mentionem homines intelligunt, statim erectis animis & auribus effusisque plane desideriis videre contendunt, & tacitis quibusdam votis possidere concupiscant. Verum quemadmodum olim Persarum Regi Dario accidisse, historiarum monumenta testantur, ut cum magna aviditate ad Semiramidis Assyriorum Reginae sepulchrum, in quo thesauros ingentes latere didicerat, accessisset, illudque etiam magno labore aperiri curavisset, nihil tamen in eo præter hanc sententiam inscul-

sculptam, repererit. Si non esses insatiabilis, mortuorum sepulchra non attigisses : ita ple-
rumque cupidis hominibus evenire solet, ut cum magna animi contentione ad res humanas acces-
serunt, atque in iis thesaurum aliquem ingen-
tem, felicitatem, inquam, positam esse putave-
runt, nihil interim nisi vanitatem, nisi umbram,
nisi omnino nihil inveniant. Quæ causa est cur *Causa dicen-*
ego hodie dum regnum cœlorum, summum, *di.*
nempe bonum, & supremam hominis felicitatem thesaurum esse & absconditum intelligamus, constituerim in ejus inquisitione vobiscum versari, & illius aliquando tandem inveniendi modum reperire. Scio enim erectos jam esse animos vestros, & thesauri quoniam à me mentio facta est, jam in illud votum abiuisse, ut si possidere fas non sit, liceat saltem videre ac cognoscere. Vos me cogitatione sequimini, ego oratione præcedam : sed adeste potissimum, *Ad adoles-*
Adolescentes, quorum ætas cupiditatibus innumeris *centes.*
obnoxia, huic uni thesaurorum desiderio & optimæ felicitatis aviditati facile succumbit. Credo *A loco.*
equidem ita vos omnes existimare, non in humilibus agrestium hominum casis, non in egenorum & mendicorum tuguriis, non in perstre-
pentibus multo labore sudantium quotidie opificum ædibus, non in vicis, patentibusque ac nullo muro munitis oppidis, sed in urbibus, in arcibus, in Regum ac Principum Palatiis, in Nobili-
um illustriumque Domiciliis, in opulentorum Mercatorum domibus vim auri magnam vel argenti thesaurosque ingentes reperiri Si ita sane, & nos urbem aliquam ingressi, (fingite quam vultis opulentissimam) num hic, quem quærimus, thesaurus, num hominis optima felicitas delitescat, *Confirma-*
perscrutemur. Atque in primis quid tandem est, *tionu ex-*
quod Principes illi viri, illi Nobiles, illi opulenti *ordium,*

*Voluptati
contemptus.*

*Aliius mala
ab exemplis.*

*Definitiones
conglobata*

*Ab exemplo
Venet luxu-
riosa.*

Negotiatores in delitiis, in oculis, in animis habent, & quo cum potiuntur sese fortunatos ac felices arbitrantur? Voluptas est, opinor, divitiarum sunt, honor est & excelsa in hominum oculis ac veneratione dignitas. Quid? etiamne voluptas, illa est a serpentis, cicura, virtutis; spuma & sperma Veneris, sentina & tædæ turpitudinis thesauriserit hominis & suprema felicitas? Fierine potest, ut Sardanapalus aliquis libidinum ac voluptatum Charybdis felix evadat? Ita quidem porcus ille Aristippus olim existimavit, verum non hominis sed pecudis voce locutus. An non Balthasar ille Babyloniorum Monarcha in ipso mensæ apparatu regioq; convivio confossus fuit? Annon Attila Rex in novæ sponsæ amplexibus expiravit? Annon Galliarum Rex Henricus II. cum Philippo Hisp. Monarchæ in matrimonium filiam dedisset, in ipsa nuptiarum festivitate ex crustulo fractæ lanceæ per oculum in cranium ejus ingesto inopinata morte sua summam lætitiæ in miserabilem luctum ac mœstitiæ convertit? *Vsq; adeo nulla est sincera voluptas, sollicitumque aliquid latet intervenit.* Vsq; adeo quicquid à Baccho est, irritamentum est Veneris; quicquid à Venere, mortis præludium; quicquid à quacunque corporis voluptate, belluinum. Apagatur foeda ingluviens, spurca & salax voluptas, homine indigna mollietis, neque enim esse felicitas in te potest, in qua foeditas est; infirmitas, pudenda calamitas. Do exemplum, vos ut in speculum oculos conicitor. Fuit Ducis cujusdam Venerorum uxor, Damiano teste, quæ usque adeo mollis, delicata, & multo luxu fracta fuit, ut non aquis communibus, sed roribus matutinis, quos colligi labori assidue curabat, lavaret, non cibos ad mensam manu contingeret, sed fuscinulis aureis ori admove-
ret.

Gor-

Corpus suum unguentis quotidie fragrantissimis perfundebat, cubiculum pretiosissimis aromatis vaporabat; quidquid luxus ingenioso genio fuggerebat, id omne in se & circa se consumebar. Quid deinde vero? Divinitus (ita n. opinor, gravi morbo percutitur, ex morbo corporis putredo; ex putredine graveolentia ac fætor tantus exoritur, ut intueri eam nemo posset, adesse illi nemo sustineret. Una erat & fida illi ancilla, quæ aromatum multorum auxilio, & oclusis naribus raptim quotidie cibum illi porrigebat, & festinantius inde recedebat. Fædum profecto, sed verum, lamentabile, sed utile posteris omnibus ac sæculis exemplum, nullam esse in corporis delitiis ac voluptatibus felicitatem. Discutiamus iam divitias, & si quid est felicitatis in illis, excutiamus. Quanquam si nihil aliud sunt aurum & argentum, quam Naturæ stercora, quo omnem in scopulum rapiuntur; si sunt irritamenta malorum, ut appellavit Poeta, qua lege summam in iis felicitatem ponemus, & Cræsos, Mydas, Polycrates beatos dicemus? Illæ Cræsum ad rogam, Mydam ad extremam famem, Polycratem ad crucem perduxerunt. Ita excæcant, illaqueant, perdunt. Perdunt, inquam, & obsecro perditionis horrendæ miseriam: quam aurum inducit, considerate. Refert Niderius fuisse Constantiæ civem quendam, qui aurum suum usq; adeo perdit deperibat, & insano eius amore inflammabatur, ut cum in morbum incidisset ne quid de auro suo detrahare cogeretur, in Xenodochium sese deportari curavit. Hæc cum subeundam esse fatalis horæ legem animadverteret, & iam inter gravissimos cruciatus deficiente paulatim animo mortem ipsam anhelaret, iusculum aliquod ex leguminibus sibi parari, & ad se suum aurum adferri petiit. Paratur iusculum, aurum adfertur, cuius aspectu ille animo vehementissime commotus lacrymari, & abruptis singultibus

*Alterum
argum.*

*Mala divi-
tiarum.*

*Ab exemplo
alicuius Con-
stantiensis.*

cui-

*Tertium Di-
gnitates hu-
mana.*

*Horum in
constantia.*

*Ab exemplo
Philippi II.*

eiulare capitis; tum adnota, ut potuit, manu aurum accipit, iusculo & ossa sua immiscet, arreptoque argenteo cochleari in os aliquoties ingerit, sed ingerendo, dum & ipsum devorare cochlear contendit, devorando suffocatur. En illa, quam ab auto miser avarus reportavit felicitas, imo sanè æterna calamitas. Sed eiusmodi in numeris inhærere nihil attinet, dignitatum humanarum fastigia respiciamus, forte in purpura delitescit felicitas, & Aulae regiarum splendoribus exornatur. Bene quidam regnorum quandam inflexionem grāmatico more complexus est hoc versu:

Regnabo, regno. Regnavi, sum sine regno.

Ita regnorum illa, si dicenda felicitas est, in cursu est, stationem non habet, voluitur ad metam, ad mortem, lubrica est fortunæ scala, unde Cæsar cum pompa, Alexander cum sceptro cecidit. Videre vultis, quem pene novistis? Demus in noto exemplo rem notam: Philippus II. ille Hispaniarum & indiarum monarcha, cum in supremo magnitudinis terrenæ fastigio positus, persolvere extremum naturæ debitum deberet, phœretum, quo componi defuncti corpus oportebat, suo in conspectu collocari coronamque, regni capitis decus, una cum mortui calvaria super imponi iussit, tum ad se filium filiamque acciri, qui ubi ægro adstaret, En, inquit, aspici-
re in hoc afflictissimo corpusculo, quam tenui filo pendeat, pompa & splendor magnitudinis terrenæ. De mortali quidem vita actum est ilicet, sola sepulchri cura restat, vos ex mererum humanarum instabilitatem & miserrimam vitæ conditionem animo reputate. Ita ille inter morbi cruciatus, ut appareret mentem eius tranquilla pace ac securitate conscientiae sustentari. Nimirum & sceptræ & diademata sepulchris invol-
yun

vuntur, & honorum fila, ne qua in iis felicitas ponatur, mortis falce reſcinduntur. Immo vero ne felicitas hic ſit ulla, fortuna eſt, quæ omnia attollendo deprimendoque verſat, & verſando conſumit, & conſumendo odiſſe facit. Ventidii non ignoratis quem, ut inquit Sabellicus, Fortuna luſit & luſit ad deriſum uſque mortalium & vitæ ludibrium: Is puer bis ductus in triumphū eſt, & quidem in matris ſinu ante currum Imperatoris: & adoleſcens tergendis mulis & vehiculis ſordide victum invenit; inde caſaris internuntius, mox tribunus plebis, urbis tandem Prætor. Retrahente ſe fortuna hoſtis cum Antonio iudicatus, eodem redeunte Pontificatum & conſulatum eſt adeptus tanto omnium riſu, & vulgo viis urbis hi verſiculi perſcriberentur. *Concurrite omnes augures, aruſpices portentum inuſitatum conſultatum eſt recens. Nam mulos qui fricabat Conſul factus eſt.* Ita fluxu fallacique ſpecie & volucriorbe reſ humanæ & dignitates circumaguntur. Naves ſunt in procelloſo mari, fluctibus nunc huc, nunc illuc impelluntur, nunc in altum deducantur, nunc in profundum deiiciuntur: felicitatem, quæ ſolida, ſtabilis, æterna eſſe debet, non habent. Nondum igitur veræ felicitatis theſaurum invenimus. Quid ſi in ſplendidis ædificiis, ac portentofis illis ſtultorum hominum ac Regum operibus eſſet? Pudet ſane ſuſpicari. Quid ſi in elegantis corporis formoſitate? Ita ſane: *Sunt apud inferos tot miſſia formoſarum;* inquit ille; & ipſa nunquid

*Exemplum
Ventidii.*

Allegoria

*Quintum
Argumentum.*

Forma bonum fragile eſt, quantumq; accedit ad annos

Fit minor, & ſpatio carpitur ipſa ſuo?

*Scientiarum
inconſtantia.*

Quid ſi in ſcientia ac præclara illa rerum omnium cognitione? At vero ipſa decreſcit, deſluit, præ-

*Transitio ad
contrariam
partem.*

*Regii ac
splendidi
alicuius
Palatii de-
scriptio.*

præterit, labitur dum memoriam vacillat, ingenium deflorescit, prudentia labascit, industria flaccescit. An non Angelus Politianus & Albertus Momnium, quæ scivere, repentina quadam amnesia sunt obliti? An non Origenes. Tertullianus, Hozius (quam Deus bone magni & illustres viri!) nos, non secus ac Salomon, de sua incertos salute reliquerunt? Sed aberramus, AUDITORES, qui in urbibus ac speciosis hominum domiciliis summum hunc Thesaurum, quem in agro absconditum ante dicebamus, perquirimus; efferamus igitur hinc pedem, & in agros abscedamus, Ampla hic omnia, vasta, & in omnes partes diffusa: illic Cælum stellatis ignibus ornatum ac distinctum, hic terra plantis & floribus vestita; illic ær, quem viventes respiramus, hic mare fontes, flumina. Quam ergo nos in partem vertemus? à quo thesauri hujus absconditi locum petemus? Fortunati si quispiam hic adesset, qui digitum intendens monstraret. Agite vero, obsecro vos, si Regis aut Imperatoris alicuius Palatium ingressi in eo aulas omnes inferiores, triclinia, ac conclavia cum arcubus ac porticibus servorum, usibus destinata videretis, sed in quibus laquearia gemmis innumeris & pretiosissimis distincta, ac tabulis quibusdam eburneis versatilia noctes & dies vice mundi circumagerentur, pavimenta vero ex Iaspidibus essent argento purissimo illigaris, & interpositis quibusdam fistulis, ex quibus flores exsilirent, & unguenta emitterentur; mensa interim & subsellia ex solido auro fabrefacta, valvæ ex dentibus elephantis, Aula pulcherrimè picta & smaragdis contexta; nihil non magnificentiam & incredibilem opulentiam ipso tantum aspectu testaretur, quid cogitaretis? quid diceretis? quis tum esset sensus animorum vestrorum? Nonne ita diceretis Admiranda est profecto tantæ Imperatoris magnificentia, incredibilis thesaur-

aurum, infinita opulentia. Si enim tanto appa-
 ratu atque in ipso quodammodo felicitatis, ipsius
 domicilio servos suos homines vilissimos & ob-
 scurissimos habitare cupit, quas non ipse Impera-
 trici filiis, honoratis familiae suae Nobilibus ex-
 nationes? quas non Aulas; quae non conclavia
 omne auri, argenti, gemmarumque pretium, om-
 nem etiam celeberrimorum quorumcunque ar-
 tificum industriam superantia reservavit? Ita sa-
 ne diceretis, & nunquid simul animos curiosa
 quaedam cupiditas incesceret superiorem illam
 Imperatoris Aulam invisendi, omnia attentis o-
 culis perlustrandī, dicamne etiam ibidem habi-
 tandi, Imperatoris conspectu perpetuo fruendi,
 incredibili illa felicitate potiundi? Omnino, o-
 mnino cupidos ac curiosos animos cupiditas in-
 flammaret. Quid? noster hic mundus ea pars est
 magnificentissimi & opulentissimi Regis Regum
 Palatii inferior, in quam nos homines servi vi-
 lissimi & obscurissimi habitamus, & ubi caelum
 tot syderibus tanquam gemmis quibusdam lu-
 centibus ornatum prolaqueari, terra tot & tam
 varii generis floribus picta pro pavimento; Ori-
 ens, Occidens, Meridies, Septentrio pro laterali-
 bus parietibus sunt: interim una argenteo lum-
 ine suo argentea, Sol aureis radiis suis aurea quo-
 dammodo, quaecunque hic sunt, universa facit.
 Iam vero si tanta est magnifici huius in terris ap-
 paratus pulchritudo, quantam existimabitis ef-
 se superioris illius Palatii excellentiam, in quo
 DEVS ipse Imperator est, MARIA Deipara Im-
 peratrix, Divi omnes & Electi filii, Angeli Ephe-
 bialiqui, & aliqui Nobiles honorati? Huc oculos
 ad hoc caeleste Palatium attollebat Moyses, glo-
 riosissimus ille Israelitarum ductor, cum diceret:
 Quam putchra tabernacula tua Iacob, & tento-
 ria tua Israel. Huc respiciebat Iudaeorum ille
 Her-

*Amplifica-
tio.*

Hypotyposis.

*Applicatio
huius ad cae-
lestem splen-
dorem.*

*A variis
testimoniis.*

Her-

Hercules David, cum inflammato perculsus affe-
ctu exclamaret: *Quam pulchra tabernacula tua Domine virtutum, concupiscit & deficit anima mea in atriis tuis Domine.* Ita nimirum res omnes, quotquot vi divinæ Omnipotentiae sunt creatæ, atque ipse mundus universus, si cælum, si terram, si aerem, si ignem, si Solem, Lunam, sydera; si animantia, plantas, reliqua omnia intueamur; thesaurum illum, quem inquirimus, ostendet, & in supremo illo Divinæ Maiestatis Palatio, in arca celestis eius Gloriæ & æternæ felicitatis latere demonstrabit: *Quotiescunque enim, ut verbis Richardi, Doctoris utar, per visibilia ad invisibilem speculationem assurgimus, quid aliud, quam quandam scalam erigimus, per quam ad ea, quæ supra nos sunt, mente assurgimus?* Iovenimus igitur absconditum illum thesaurum, non iliam sane argenti vim & auri, quam admirari homines solent; non illas, quæ nunquam esse possunt sine spurcitie, voluptates, nos fastuosos illos, fluxos, & larvatos tantum mundi honores, sed æternam illam, quæ sola Dei possessione, fruitioneque continetur, felicitatem. Sed ecce videor mihi vestris in animis hanc cogitationem intueri; quid tandem est in isto felicitatis æternæ thesauro? Vultis dicam? quicquid tandem optare cogitando potestis. Optatisne voluptates? *Inebriabuntur ab ubertate domus tuæ, & torrente voluptatis potabis eos.* An divitias? *Gloria & divitiæ in domo eius.* An Honores? *Nimis honorati sunt amici tui Deus.* An aurum? *Ipsa civitas aurum mundum.* An delectationes? *Delectationes in dextera tua usque in finem.* An scientiam? *Scientiam Sanctorum narrent populi.* An libertatem? *Quæ sursum*

Verus the-
saurus quis
scit.

Amplifica-
tio huius ab
enumeratio-
ne partium.

ſum eſt Ieruſalem libera eſt. An pacem & ſecuritatem? Sedebit populus meus in pulchritudine pacis, & in tabernaculis fiducia. An Symphoniam & Muſicam? Cherubim & Seraphim non ceſſant clamare Sanctus, Sanctus, Sanctus, Vultis cubilia & lectos, ut poſt omnem gloriæ oblectationem quieſcatis? Exultabunt Sancti in Gloria latabuntur in cubilibus ſuis? Quid amplius vultis? Veni, inquit Moyſi Dominus & oſtendam tibi omne bonum, in illo ſuo nempe ſalutis æternæ theſauro. Fateor equidem multa etiam eſſe in hoc orbe præclara ac magna, at vero non ut iis cæleſtem illum theſaurum poſtoponamus, ſed ut cum D. Auguſtino ita ratiocinemur: Si tanta tribuis nobis in carcere, quid dabis in patria? Si tanta tribuis amicis & inimicis, quid eſt quod ſervaſti ſolis amicis? Nimis viles, abiecti, ac non etiam generoſi ſunt, qui in hoc orbe tanquam in cæli atrio ſubſiſtentes inventis bonis oblectantur, & contenti ſunt, nullam interim cæleſtis theſauri cogitationem aſſumunt, Datur etiam aliquid ultra, non hic fingendæ ſunt Herculis columnæ. Et ſanè cum illa ſemel potentiſſima cæleſtis theſauri cupiditas generoſos animos invadit, bone Deus! quo non ardore mentem inflammat? quos non vehementiſſimos motus excitat? quo non rapit, & vero etiam totum hominem abripit? Invaſerat illa cæleſtis theſauri cupiditas Rachiſium Longobardorum Regem, cum Peruſiam obſidione cinxiſſet. Quid deinde vero? coronam capitis decus ſubito abiicit, copias relinquit, exercitui valedicit & Paduæ religioſam veſtem aſſumit. Occupaverat animam Margaretæ Belæ Hungariæ Regis filia, cum illam tres Monarchæ potentiſſimi, Poloniæ, Bohemiæ & Siciliæ Reges ad nuptias ſollicitarent

*Abſconditi
theſauri.
virtus.*

Ab exemplis

rent: Quid deinde? Illa se Virginitatis voto Deo obstringit: hi ad Apostolicam sedem confugiunt; voti solutionem petunt, impetrant, & factam ad nuptias celebrandas, potestatem reportant; at illa prius, inquit, mihi & nasum & aures præscindam, quàm à fide Deo data recedam; abiit, & viginti quatuor annos in monasterio traduxit. Impulerat eadem illa cupiditas Iudocum regium, in Scotia adolescentem, cui cum Indacellus frater eius & Scotia Rex sceptrum regnique administrationem cedere paratus esset, ut rerum humanarum impedimentis exutus ad occupandum hunc aliquando thesaurum properaret ille annuere se finxit, & mox omnibus insalutatis fratris sui desideria præveniens religiosæ vitæ institutæ suscepit. Nihil attinet, plures huc evocare, sed interim, quam multi sunt, qui etsi multa de hoc thesauro, non rumore aliquo vano, sed certissima fide percipiant, non excitantur tamen, non moventur, hærent, & torpent? An quia, ut ille in fabulis Gallinaceus gemmam in stercorebus ac fimo inventam, quoniam vim eius ac pretium ignorabat, reiecit; ita ipsi ignorant, negligunt ac contemnunt? Dici sane id non potest. An quia mundum contemnere, quod oportet, nolunt? Suspicor profecto. An quia multo labore est opus? Ab hoc ipsi, ut opinor abhorrent. An quia exigenda est à nobis de peccatis nostris vindicta & pœna? Id ipsum est, tanti, inquiunt, (aut certe cogitant) pœnitere non eminus. Sed non hominum ea vox est, perditorum est, insanorum est, eant ipsi, & pereant. Non vos ii estis, Ingenui & bene nati ADOLESCENTES; vestris enim in animis ingentem cælestis thesauri cupiditatem ardere, videre mihi videor. An non ita est? testor istam vestram hodie pietatem, qua singulari cum ardore Divæ Annæ supplices facti, eius opem ac hunc aliquando thesaurum obtinendum efflagitati

Aliud.

*Adhortatio
ad illis qui
hunc thesaurum
negligunt.*

Translatio.

*Apostrophe
ad Adolescentes.*

tatis. Bene, bene, ADOLESCENTES, illa enim est quæ prisci ævi mortalibus, ad hunc thesaurum magno animo aspirantibus, sed unde haberi posset, ignorantibus, locum ostendit, arcam ipsam protulit, & ex arca filia sua thesaurum ipsum, Iesum Christum sæculis omnibus ostendit. Ite ergo magnis animis ad illam, & per illam ad Arcam Mariam, & per hanc ad ipsum felicitatis omnis thesaurum, quem ut nobis Divina Maiestas concedat ex animo precor & opto. DIXI.

ORATIO XXIII.

DE PERFECTIO NE
CHRISTIANA.

POLEMON nobilis olim apud Athenienses Adolescentes, AUDITORES, cum insolenti ac juvenili quadam audacia comitantibus nonnullis aliis liberioris vitæ juvenibus Collegis suis in Xenocratis Philosophi scholam, qui tum apud suos de temperantia virtutumque dignitate differebat, ebrius, irruisset, ita repente immutatus animo menteque fuit, ut corollam capiti suo detrahens ac conculcans, nuntiumque lascivo isti Sodalitio remittens in Xenocratis sese disciplinam tradiderit, apud quem brevissimo tempore eos in morum Doctrina progressus fecit, ut ejus in schola gubernanda non sine incredibili civium omnium admiratione successor extiterit. Cujus etiam rei gratia tanto virtutis ac doctrinæ suæ stupore singulorum tantum animos defixit, ut ejus domi imaginem publico aliquo in loco retinerent, atque eam filiis suis, si quando ad morum honestatem eos invitare, vel ad vitæ melioris semitam revocare nonnunquā aberrantes vellent, commonstrarent. Admiranda sane dissoluti illius
ado-

*Exordium
ab exemplo
Polemonis,
eiusq; con-
versione.*

- Applicatio.* adolescentis tam repentina mutatio, laudanda vero etiam hominum istorum consuetudo; sed tamen si excitare memoriam ad illius, cujus hodie festum diem solenni pietatis officio celebramus, recordationem libeat, parum aut nihil admirationis in eo fuisse dicemus, quod homines tamen nunquam satis potuerunt admirari.
- Exemplum D. Antonii.* Divus enim Antonius, quem ego jure merito Anachoretarum magistrum, solitudinis splendorem vitæ perfectioris exemplar appello, cum in templum (pietate dicam an consuetudine, aut curiositate foras) motus non satis scio) cum in templum tamen ingressus esset, atque illam Evangelici consilii vocem vacuis auribus & erecto animo percepisset; *Si vis perfectus esse, vade vende quæ habes, da pauperibus & veni, sequere me*, ita divina quadam metamorphosi animum omnem & susceptas vitæ rationes immutavit, ut protinus abdicatis à se facultatibus omnibus patriis & avitis, quarum pretium in pauperes effudit, recisitque corporis voluptatibus, & contempta rerum humanarum dignitate atque opulentia ad Christi Servatoris nostri vestigia non degeneri æmulatione terenda sese contulerit. Et quoniam summa utilitate carere non potest, si ejus non raro imago animi oculis obversetur, id enitar hodie vestra omnium pace ac benevolentia, ut verissimis juxta & excellentissimis D. Antonii coloribus virum numeris omnibus absolutum, perfectumque Christianum vobis repræsentem. Permittite ut hanc effigiem, qua nihil præstantius aut admirabilius esse potest, vestris in animis non tam eloquentiæ fastuosæ, quam pietatis ipsius submissæ penicillo depingam. Animos enim vestros salutari quodam affectu impellere, non auribus phalerata ingerere verba contendo.

Ex-

Exstitit aliquando quidam, Taulero teste, ex *A facto*
 eorum, ut arbitror, numero virorum, qui ad sa- *Theologi*
 crarum disciplinarum studium suam operam o- *cuiusdam.*
 mnem ita contulerunt, ut perfectiorem quan-
 dam vivendi normam profiteri se velle dicant,
 quicum octo jam annorum intervallo multis
 precibus à Divina Majestate contendisset, ut si-
 bi eum aliquando intueri contingeret, à quo ve-
 ritatem ipsam, & absolutam Christianæ vitæ per-
 fectionem edoceretur, divinitus, ita credo, ut ad *Mendici*
 limina templorum exiret, admonetur. Patet ipse *descriptio.*
 divinæ vocis, exit, & quo mittebatur, ad ædium
 sacrarum fores festinat, ubi cum hominem con-
 ditione mendicum, natura agrum, corpore toto
 pene nudum sordidumque repetisset, commise-
 ratione motus inprimis, tum divinæ voce recor-
 datione concitatus, prosperum illi, fortunatum,
 ac felicem diem apprecatur. Quem ille cum au-
 divisset, & vero, inquit, quid ista me apprecatio-
 ne salutas? prosperum semper ego diem sum
 nactus, qui, quæcunque tandem tempestas exsur-
 gat, nunquam à divinis laudibus cesso; semper *Vere perfe-*
 mihi fortunati ac felices dies illucescunt, qui o- *ctio Christia-*
 mnia lætus & alacer à Deo tanquam optima su- *na.*
 scipio, & meam illi voluntatem totumque me-
 ipsum resigno. Atque ut hujus, etiam voluntatis
 meæ affectum cognoscas, si ita fieri posset, ut be-
 nignissimus ille Deus infra ipsam inferorum
 abyssum deturbare, æternumque ignium cru-
 ciatibus adjudicare me vellet, duo mihi sunt
 brachia; humilitatis unum, alterum amoris, il-
 lud ipsi supponerem & humanitati ejus unire,
 hoc vero ipsum amplexarer, divinitati ejus con-
 junctus adhererem; mallet quippe cum Deo a-
 pud inferos esse, quam in cœlis sine Deo. Hoc
 responso cum attonitus alter amplius tamen
 percunctaretur, quis esset, unde venisset, qua via
 ac ratione ad tantam illam vitæ perfectionem

*Via ad di-
ctam perfe-
ctionem.*

Contrapofita.

pervenisset, Rex, inquit, sum ego, tu regnum meum si nosse cupis, in anima mea est, cujus omnes sensus ac facultates rationis sceptro sub imperio contineo. A Deo ipso huc veni, quem ibi jam pridem inveni, ubi creatas res omnes reliqui & affectu generoso contempsisti. Viæ, quibus ad perfectionem hanc vitæ sum perductus, hæ sunt, Silentium meum, sublimes animi cogitationes, & suavissima cum Deo conjunctio in nulla re, quæ quidem minor esset Deo, quietem inveni, hanc in Deo tranquillissimam jucundissimamque possideo. Obsecro jam vos omnes & obtestor, AUDITORES, quisquamne, non dicam ex humanæ Philosophiæ spatiis, sed ex ipsis divinis sapientiæ adytis, quicquam potuit vel ad salutem auspiciandum utilius, vel ad cœlestem illam gloriam, qua Divi omnes perfruuntur, aucupandam potentius pronuntiare? Ea sane omnia talia esse existimo, quæ permovere eorum omnium animos possint, qui in legem sceleratissimæ flagitiosissimæque vitæ juraverunt, ut vel aliquando tandem pro mundo Deum, pro terra cœlum, pro turpitudine honestatem, pro spurcis momentaneisq; voluptatibus, divinas æternasque delicias suo amore complectantur. Atque ex iisdem etiam illis oraculis jam conficere mihi posse videor, cum esse ac vere dicendum perfectione Christiana virum absolutissimum, qui universis sese mundi facultatibus abdicavit procul ab hoc rerum humanarum orbe generosæ voluntatis saltu posiliendo, & ad Christi vitæ imitationem, quantum quidem assequi per naturam homo potest, tanquam ad verissimam instituendarum vitæ rationum disciplinam transiverit. Duo quippe necessaria sunt ei, qui ad perfectionem contendit, omnia relinquere, Christumque sequi; quæ cum à Sanctissimo Antonio, quem perfectissimum fuisse virum nemo dubitabit, præstita sint ambo in u-

troque, sed quasi lento cursu transeuntes, com-
moremur. Atque in primis cum in omnium ho-
minum animis insitus sit quidam à natura huma-
narum rerum amor tam vehemens tamque po-
tens, ut non pauci reperiantur, qui pro nescio
quo; ut appellant, honoris puncto, aut pro paucis
iisque perituris brevi fortunæ bonis, vel etiam
pro fœditissima aliqua voluptate, qua potiri dice-
re volebam defœdari) concupiscunt, vitam suam
in gravissimum discrimen adducant, tum opus
est cælesti illo amore, qui & mentem excæcatam
divina quadam luce illuminet, & ardentes in ea
cupidinis humanæ flammæ extinguat. Opus est,
inquam, ut amoris divini sagittâ sauciatus homi-
nis animus, ita extra mundum ac seipsum velut
abreptus feratur, ut præter Deum nihil amare ni-
hil oprare, nihil omnino possidere possit, aut ve-
lit. Hæc est amoris illa sagitta, quæ cum primos
religionis nostræ Antistites Petrum, Andream,
Matthæum, alios, ac Paulum denique vulneravisset,
eodem ictu rerum omnium contemptores ac
mundi victores effecit. Hæc est illa, qua percus-
sus aliquando Theonas Anachoreta, cum hunc re-
citari e Psalmis versiculum audisset: *Dixi,
custodiam vias meas, ut non delinquam in lingua
mea*, confestim in abditissimam cretum eo
consilio properavit, ut inde non prius, quam
animum solidissima virtutum omnium armatu-
ra munivisset, egrederetur. Hæc est illa, cuius
ictum cum innocentissimo animo Theresia ma-
ter excepisset nondum annum ætatis septimum
egressa, protinus comitante parvulo fratre Mau-
ritianiam versus iter aggreditur, ut sui inter Bar-
baros populos sanguinis profusione morteque
pro Christo suscepta, amoris, quo flagrabat, vim
potentissimam attestaretur. Nimirum candi-
dati illi animi, qui non magistratum in terris

*A perverso
more homi-
num.*

Repetitio.

*Divini a-
moris virtus*

*Ab exemplo
Theresia.*

*Christiana
perfectionis
alacritas.*

aliquem, non regiam, non Imperatoriam dignitatem, sed Cælum, adeoque Deum ipsum ambiunt, ubi inspirationis alicuius divinæ sentiunt impulsum, è vestigio prompti alacresque oculis & affectibus irretortis evolant, quo vocantur. Nulla hic tergiversantis animi consultatio suscipitur, non aliqua temporis exigui mora postulatur, non ad consilium patientes, consanguinei, amici, vel potius ad effectum divinitus impetsum humano effectu minuendum adhibentur: sed quemadmodum audito tubæ vel tympani sono generosi milites promptissimis animis ac pedibus in campum prosiliunt, ita illi, quorum animum ac conscientiam divinæ voluntatis impulsus perculsit, relictis omnibus concitato cursu contendunt. Dilatio, divinorum affectuum

Similitudo.

Virtutis & præstantia divini amoris.

est ruina, & ineptæ timiditatis est argumentum, vocante Deo ratiocinari. Sapiens est divinus Amor, hominum enim animos ab his rebus caducis ac perituris, ad æternas & immortales transfert. Potens est divinus amor, nam affixas terræ mentes una tantum adspiratione divina, cum vult in se convertit. Bonus est divinus amor, quippe detestandæ hominum malitiæ ita frequenter occurrit, ut qui in flagitium exitiumque suum depravata naturæ pondere præcipites ferebantur, eos in spem certissimam salutis erigas, & ad melioris vitæ cursum inflectat. Et vero cum huius amoris flamma hominis alicuius animus est incensus, quid non agit ac molitur, ut facultatibus omnibus humanis sese expediat, omnia fortunæ dona elato pede conculcet, suos ipse affectus, sua desideria & animi cupiditates, suam denique naturam propemodum immutet? Considerate hominem aliquem febricitantem, cuius in visceribus vehementissimi calores excitantur, an non stragulas omnes vestes, quibus antea tegebatur, impatientissimis manibus ad pedibus

A febricitante.

repellit? Considerate domum aliquam quam *Ab ardente*
 tumvis amplam & vastam, cuius vel tectum, vel *domo petitis*
 parietem aliquem flamma corripuit, an non in *argumentum.*
 ea, in quo domestici sunt suppellectilem omnem
 & quicquid esse pretiosum potest de fenestris de-
 turbant & eiiciunt? Ita plane, qui perfectionis
 Christianæ studio ducuntur, omnia à se tanquam
 impedimenta virtutis amoliuntur, voluntatem
 suam ac proprium affectum tanquam obstaculum
 seponunt, & quoniam divinis ardoribus mirum
 quantum inflammanur, pati secum nihil rerum
 cæterarum omnino possunt. Non arbitror vos hic
 temeritatem aliquam aut imprudentem subiti
 caloris impetum cogitare, ne dicam arguere, ni-
 hil enim hic aut iudicio certo, aut consilio divi-
 no caret. De Monocerote referunt Historici, so-
 lere eum nescio qua Naturæ industria cornu su-
 um, quod unicum habet, subito impetu frange-
 re, inque viam abiicere relinquereque, ut inse-
 quentes celerissimo cursu venatores, quos huius
 præstantia ad tot labores exanthlandos invitavit,
 in eo colligendo morentur. Pari solertia instin-
 ctuque Naturæ Cervi cum animadvertant ramo-
 sa illa cornua sua non leve sibi ad cursum impe-
 dimentum esse, certo anni tempore ea deponunt,
 itaque semper memores expediendæ salutis sunt
 ut sedulo caveant, ne cibo nimio onerentur quo
 ad cursum languidi ineptique reddantur. Et nun-
 quid optabilius est caducas aliquas fortunæ exu-
 vias, & leves tantum prosperitatis suspectæ plu-
 mas (ita divitias appello) aspernari eiicereque,
 quam earundem possessione in exitium adduci?
 Non potuit Vlysses inter fluctus commoti maris
 periclitans enatare, nisi pretiosissimam illam Ca-
 lypsus vestem à se removeret. Non potuit castis-
 simus Iosephus in Putiphatis Ægyptiorum Præ-
 fecti domo integritati suæ consulere, nisi clamy-
 de in suam, in quam iam impudica mulier ma-

*A natura
Monoceroti*

*A natura
cervi.*

Vlyssis factio

nus iniecerat, fugiendo defereret. Producere vobis hic possem numerum aliquem innumerum, non dico hominum opulentissimorum aut nobilium generosissimorum, (possum tamen) sed Ducum, sed Regum, sed Imperatorum; aliquos Rachisios, Lotharios, Pipinos, Vibeanos, Indacellos, Carolos, Richardos, sexcentos alios, qui ut perfectionis Christianæ studium amplecterentur regnis & Imperiis sese abdicaverunt, sceptræ & diademata abiecerunt, voluptatibus & honoribus valedixerunt. Nec defuerunt non inferioris animi Reginae & Imperatrices Cunegundes, Agnetes, Augustæ, Batildes, Radegundes, Margaretæ, quarum ea animi persuasio fuit, perfectum esse Christiana virtute cum hominem non posse, qui in rerum humanarum possessiones immersus esset, aut ullo perituræ vitæ desiderio teneretur. At dicet fortassis aliquis, speciosè tu quidem ista commendas, at quam ardua? quàm difficilia? quam ab huius naturæ nostræ sensibus aliena? Virum ego, AUDITORES, perfectum quæro, & repræsentare speciem saltem eius aliquam contendo! sed tamen, quis non potest? Potuit Anaxagoras, qui cum in patriam ex navigatione reversus, quæ reliquerat, dissipata omnia reperisset, non essem, inquit, ego salvus, nisi hæc omnia periissent. Quis non potest? Potuit Zeno, qui cum sua omnia demersa esse intellexisset, iubet, inquit, me fortuna expeditius Philosophari. Quis non potest? potuit Bias, qui præter se nihil ex patria bonorum asportavit. Potuit Crates Thebanus, qui immersum auri pondus in aquas abiecit, ut pessum potius malæ cupiditates abirent, quam ab iis ipse mergeretur. Potuerunt alii quamplurimi gentilitiis tamen erroribus excæcati; & non possent, qui religionis veræ lumen acceperunt? qui ad salutis porrum veteribus ignotum velis remisque contendunt? qui gra-

*Ab exemplis
variorum.*

*Ab exemplo
Reginarum.*

*Antecellens
ratio.]*

Subiunctio.

*A minori
ad maius.*

gratiam à cœlo habent? exempla vident, inspirationibus divinis aguntur & impelluntur? Quamquam, ut quam arduum hoc sit ac difficile; sed ab erro; quam, inquam, nihil omnino difficultatis habent, plurimum vero dignitatis, utilitatis, ac summæ jucunditatis ipsi intelligatis, eos audite, qui experti sunt, & rejectis omnibus ad perfectionis aliquando studium contenderunt; ipsum etiam, si placet, D. Antonium adhuc Anachoretam interrogare. *Ab exemplis & testimonis.* Quæritis cur ab hominum consortio sese substraxit? cur civitatibus solitudinem, hominibus feras. copiarum inopiam, voluptati molestiam, honori opprobrium, opulentiarum egestatem anteposuerunt? Cuncta, inquit, quæ sub sole sunt, vidi, & ecce universa vanitas & afflictio spiritus. Quid mihi est in cœlo & à Deo quid volui super terram? Palatiumne fortassis aliquod regibus ipsis invidendum? Ecce mihi mundus est Aula, in qua cœlum est tectum, terra tabulatum, lectica rupes, pulvinar lapis, herba cibus, aqua potus, interim Deus cordis mater, & pars mea Deus in æternum. *Christiano-ram horum* Regnumne aut fortassis Imperium? Latius regno animum, *pallatium latum im-* hunc meum salutare lege frangendo, quam si *perium,* Africa, Europæ affusos ad genua mea populos diademate triplici coronatus intueor. Ope- ne vel honores? Omnis abundantia, quæ Deus meus non est, egestas est: nec splendidior rerum humanarum dominus est, quam qui alta quadam mente contempsit. An denique voluptates? Nunquam me vitæ suavitas major inuasit, quam cum me voluptatibus substraxi, in quibus eum multum sit occupationis, tum nihil est omnino veræ solidæque delectationis. Ita ille perfectissimus ac sanctissimus vir aliter respondere non potest. Nimirum;

— Illuc postquam se lumine vero

Erexit, vidit quanta sub nocte iaceret.

Nostra dies, risitq; huius ludibria mundi,

*Transitio ad
aliam par-
tem.*

*Fruſtus hu-
ius imitatio-
nis Chriſti.*

Repetitio.

*Amplifica-
tio eiusdem.*

Videamus nunc breviter illud, quod caput est perfectionis huius, & in sincera Christi Servatoris imitatione consistit. Neque enim ad perfectam vitam gloriam contendenti satis esse potest, omnes à se mundi facultates abjudicavisse, nisi etiam ad Christi vitam normam, vitam suam rationes instituatae conformet. Ecce, inquit Apostolorum ille Princeps, reliquimus omnia; quid deinde vero? & secuti sumus te. Et sane tulit ille perfectionis omne punctum, & suo nomine dignissimam vitam egit, qui insigni aliqua morum æmulatione Christi vitam expressit. Videt illum in ipso quasi paupertatis tuguriolo natum? Amat paupertatem. Cernit illum adhuc tenellum ab effusione sanguinis vitam auspicantem? nullos in stadio virtutis labores reformidat, & adversitatibus delectatur. Intuetur cum matris ac nutricii parentis imperio obsequentiſſimum? Non est grave ei, cui debeat; iuste imperanti obsecundare. Animadvertit ubique humilem, ubiq; mansuetum, ubique misericordem? gaudet nulli submissione profundissima cēssisse, omnes comitare superare, erga miseros & abiectos commiseratione commoveri. Intelligit eum docendo, miracula patrando, beneficia ingenia profundendo ad salutis viam unumquemque vel aberrantem revocasse, vel ignorantem adduxisse, vel tardum & negligentem impulisse? Exardisse alienæ salutis zelo, & Christiana quadam negotiatione lucrum animarum quærens à vitiis deterret, virtutem instillat, ad melioris vitam normam suaviter invitat. Audit eum libenter hostibus suis percuisse; Nihil libentius, quam illatas sibi iniurias remittit. Scit eum pro omnibus vitam suam contempnissse, & per gravissimos insuper crucia-

rus animam exhalavisse? Optat vitam vitæ authori reddere, nec ullus est tam necessarius in corpore eius sanguis, quem non pro divini nominis dignitate tuenda, & proximorum salute conservanda profunderet sit paratus. Hic est igitur perfectissimus ille, quem inquirimus, Christianus. Talis erat sanctissimus Malachias Hybernæ Antistes, cui cum mortem Sicarii minarentur, fugam vero amici suaderent, finite, inquit, magistrum me meum imitari, sine causa enim sum Christianus, si Christum non sequor. Talis erat Beatissimus Ignatius Martyr, qui cum Romæ ad bestias damnatus esset, lato vultu ac sermone hoc solum ingeminabat, nunc tandem Christi discipulus esse incipio, nihil de iis quæ videntur desiderans, ut Christum lucrifaciam. Talis erat gloriosissimus Patronus noster Antonius, qui tanquam excellens pictor aliquis perpetuo mentem atque oculos in Christum defigebat, ut illum in se effingeret, & debitis morum ac virtutum coloribus adumbraret, nunc orando, nunc ieiunando, nunc adversa ferendo, nunc mundum ac Dæmones insidiantes repellendo. Tantus est studiosorum perfectionis Christianæ vitorum ardor, ut quam similes esse Christo contendant. Et quemadmodum duo illi apud Platonem amici, cum in via nescio quo casu in Vulcanum incidisset, isque eos, ut quod esset in terris optatissimum, à se efflagitarent, urgeret, nos ambos, inquit, tuam in fornacem, ut liquefiamus, iniice, aut supra incudem ita malleis contunde, ut è duobus unus duntaxat efficiamur: eodem plane modo illi perfectionis Christianæ generosissimi æmulatores nihil aliud in votis habent, quam ut amore supra cuncta, quæ quidem interitu obnoxia, elati, durissimisque molestiarum & adversitatum malleis politi, vel quam maxime Christo fiant conformes; vel in Christum transformentur. Quid

*Ab exemplis
Sanctorum.*

Complexio.

*Comparatio
cum Platonis
amicis.*

ORATIO XXIV. DE NEGOTIATORE EVANGELICO.

Matth. 13.

CVM multæ sint, **AVDITORES**, priscis illis & Heroicis temporibus susceptæ maxima cum gloria & utilitate vel ad victoriam aliquam ab hostibus reportandum, vel ad conquirendum aliud quippiam expeditiones, tum illa mihi nobilissima atque omnem omnis ætatis admirationem occupavisse videtur, quam generosissimus & fortissimus Iason ad vellus aureum ex Colchide reportandum aliquando suscepit. Nam cum in ejus celeberrimo frequentissimoque comitatu universæ Græciæ nobilitas esset, essent Hercules, Castor, Pollux, Orpheus, Telamon, Tiphys, Palæmonius aliq; plures excellentissimi Heroes, tum verò non nisi post devoratas itineris periculosissimi molestias, post superatas Symplegadas & innumeras alias longissimi turbulentissimique maris difficultates, ac tum sapientissimo mentis consilio, quod illi Medæ suggerebat, invictoque plane robore domitis illis, qui è naribus ignem efflabant, tantis prostratisque, qui ex seminati draconis occisi dentibus prosilierant, hominibus armatis, tandem aliquando nobilissimum illud vellus est consecutus. Quod si tamen ab antiquo illo Gentilium ævo ad hominum Christianorum tempora revocare memoriam velimus, & eas animo perpendere expeditiones, quas non ad vellus aliquod aureum, sed ad pretiosam beatitudinis æternæ margaritam obtinendam, nec in Colchi-

*Exordium à
raptu velles
aurei.*

*Eius diffi-
cultas.*

*Applicatio
ad præsens.*

Duces expeditionis Christianæ.

Causa disendi.

Propositio.

Capratio benevolentiæ.

dem, sed in cœlum, vel olim constantissimi athlætæ susceperunt, vel hodie laboriosissimi negotiatores adhuc suscipiunt, profecto nec in laudatissimum Iasonem laudes aliquas congerere, nec gloriosissimam ejus navigationem amplius admirari placebit. Etenim non illustres aliquot ad hanc expeditionem Heroes, sed Principes Reges, Imperatores, & quorquor denique cœlestis gloriæ stimulis excitati Christianæ negotiationi nomina dedere, concurrunt; nec iter per Cyaneas aut Symplegadas; per obstantes agitati maris undas aggrediuntur, sed per vitæ humanæ innumera discrimina, per medias astutissimi Demonis insidias, per formidolosos turbulentissimi mundi fluctus, per obiectos undique adversitatum humanarum scopulos, ac domitis insuper potentissimis animorum affectibus carneque superata & contemptis voluptatis blandimenta incedunt, Quæ causa est cur ego hodie, dum illum in Evangelio negotiatorum ad pretiosissimam sibi margaritam comparandam abire intelligimus, atque eam etiam negociatricem, sanctissimam Annam, celebri festivæ lucis officio, & insigni pietatis affectu veneramur, quæ prima mundo concham illam ostendit, in qua cœlesti rore pretiosissima margarita Christus Iesus concrevit, constituerim hoc tanquam in publico quodam foro Evangelicum ac Christianum vobis negotiatorem representare, atque eam verè cœlestem negotiationem designare, per quam si quid in nobis est divini vigoris & bonorum æternorum cupiditatis, ad opulentiam nunquam exhauriendam aut perituram contendere aspirareque debemus. Illud interim à vobis omnibus contendo, ut tantisper unusquisque se negotiatorem esse, & jam ad nobilissimam expeditionem accingi constituat; neque vos negotiatoris hoc nomen offendant, non enim enim intelligo, qui scœnori

peccat-

pecuniam exponit, sed qui misericordiam exercet; non qui vitiorum irritamenta, sed qui virtutum ornamenta providet; non qui lapidum pondera, sed qui morum gravitatem perfert; non qui luxus, sed qui honestatis monilia gestat; non qui voluptratis pompam, sed qui insignia disciplinæ portat ac præse fert. Eum, inquam, intelligo negotiatorem, non qui ex his, quæ in mundo sunt, rebus lucrum aliquod emendo vendendoque venatur, sed qui omnium commutatione rerum, & assiduo virtutum operum, que bonorum exercitio Deum sibi atque illum solum comparare laborat. Vos ut illum intueri possitis & imitari patienter me dicentem audite.

*Contrapositione**Negotiatoris descriptio.*

Atque illud inprimis contendo, hominem omnem ita à Deo immortalis in hac vite statione constitutum esse, ut negotiari donec ipse veniat, hoc est virtutibus Christianæque perfectioni studere, Christi ac Sanctorum vestigiis insistere, pro salute nullum omnino laborem recusare, animi sui affectionibus legem ponere. Evangelicæ legis jugum libenter subire, omnino debeat. Ita ipse apud Lucam Deus pronuntiavit: *Negotiamini usque dum venio.* Ita idem apud Matthæum præcepit: *Estote perfecti sicut pater vester coelestis perfectus est.*

*Confirmatio-
nis initium
à causa.**Ad negotia-
tionē Christi-
anam invita-
tio.*

Ita per Zachariam aliquando, *Visitasse senos & plebis sua redemptionem fecisse* declaravit, *ut illi in sanctitate ac iustitia serviremus.* Ita rursus apud Matthæum homines omnes vocat, *Venite ad me omnes, tollite iugum meum super vos, & discite à me, quia mitis sum & humilis corde.* Quis igitur otiosi audeat, cum negotiari præcipiat Deus? Quis filiorum coelestis Patris adoptionem tueri velit, qui paternæ sanctitatis imitationem recu-

set ? Quis tanto pretio & à Deo se redemptum gloriari præsumat, qui in sanctitate servire redemptori contemnat ? Quis accedere ad Deum aspernet, & Dei suave jugum rebeli cervice excutiat ? Valeant igitur nec in hoc Christianorum Negotiatorum numero censeantur illi, qui languidi, socordes, otiosi ita vivunt, ut defixis in terram oculis & compressis horrore quodam humeris, nihil aliud, quam culcitram, plumas, pulvillos, in quibus ipsi de salute nihil solliciti jaceant, perquirunt. Punivisset profecto homines illos Atheniensium ille Legislator Draco, qui, ut qui otii damnati forent, capite multarentur, legem ipse sanguine humano scripsit & sancivit. Utinam vero erubescerent recordarentur, ipsas quoque apud Lacedæmonios Deorum statuas in templis armatas extitisse, ne aliquibus Dii otiosi viderentur, & ne probra, quæ ab ignaviam in homines jaciuntur ad Deos, quoque referrentur. Neque sanè sine causa gravissima Deus in antiqua olim lege præcepit, ut à suo ministerio procul ii repellerentur, qui cæci essent, qui claudi, qui fracto pede, qui manu. Verbo dicam, qui ita otiosi sunt, ut carere oculis, pedibus, manibus, videantur, adeoq; quid agere in hac statione vitæ debeant, non vident, quo ire salutis suæ causa deberent, non contendunt; quod moliri eos pro æterna vita fas esset, non agunt. Non mihi hic adsint Negotiatores illi, qui cum multa rectè faciant, & virtutum opera ostendere ipsi possint, interim lucrum aliquod hic in terris caducum, & honoris nescio cujus, perituri tamen, metcedem de cælo nihil cogitantes aucupantur. Excusarem profecto nisi etiam Crates Thebanus immensam auri argentiq; vim in aquas abiiecisset; & Alexander Severus Imperator, cum sexdecim vix dum annos natus esset, & ob eximias virtutes suas magnificis à Senatu titulis decoratus nunquam in

A contrario

A lege Atheniensium.

A præcepto Dei in antiquo Testamento.

Negotiatorum huius mundi virtus.

Contemptus bonorum.

animum induxisset, ut se magnum & patriæ patrem appellari pateretur, Ita ille opes repudiavit, hic honores; ethnici ambo, & nulla, quæ quidem vera esset, religione imbuti. Vtinam eo essent homines illi animo, quo regius quondam Propheta David, procul dubio deposita rerum omnium humanarum cura & affectu, ita cum illo exclamarent: *Quid mihi est in calo, & à te quid volui super terram? Deus cordis mei, & pars mea Deus in aeternum.* Nolo etiam hic eos, qui imbelli fractoque animo vel idcirco ab hac negotiatione recedendum sibi esse statuunt, quod à periculis & adversitatibus abhorreant, pati omnino, etiam pro æterna illa beatitudine, nihil possint, Quibus hominibus quantum, obsecro, ruborem incuteret Anaxarchus, qui cum malleis quondam in dolio contusus esset, non ingemuit, sed doloris patientiæ auxilio victor summa lætitia exiit? Ideo veteres illi Ægyptiorum Sacerdotes Patientiæ Hieroglyphicum Crocodili tergus adumbrarunt, quod quemadmodum usque adeo duritia obrigit, ut nullis quantumvis gravissimis ictibus lædi possit, ita vir patiens nulla omnino adversitate frangatur. Vtinam illi Doctorem Gentium asserentem audirent: *Non sunt condigna passionis huius temporis ad futuram gloriam, qua revelabitur in nobis.* Multæ equidem subeundæ sunt difficultates, sed plurimum propositum est gloriæ, multæ devorandæ molestiæ, & exanthlandi labores, sed æterni per eos adeundi sunt honores, multa superanda pericula discriminaque, sed immortalitas ipsa & æternitas est invadenda. Et quemadmodum Pedaretus olim signa cum hoste collaturus dicenti cuidam magnum esse hostium numerum, tanto, inquit, gloriæ plus referemus, quanto plures interficiemus, ita Cum regnum calo-

Attestimonia

Præteritis.

Ab exemplo

Ab exemplis
Ægyptiorum.A causa ad
effectum.

Similitudo.

Transitio ad alteram partem. *ceclorum vim patiatur, & violenti rapiant illud,*
 quo plus in oppugnatione fuerit laboris, eo plus
 erit in occupatione honoris. Quanquam meticu-
 losos istos & imbelles, istos terræ filios & so-
 lius mundi Candidatos, istos desides & otiosos
 relinquamus, propiusque ad Negociatorem no-
 strum accedamus. Quæritis quemnam isti nego-
 tiationis exercendæ locum assignem? Univerlum
 hunc Orbem. Quodnam tempus? vitæ totius
 tempus. Quem modum? Cogitate vos hic præ-
 sentem Mercatorem aliquem intueri, in quo cum
 ingens sit ac pene incredibilis lucrifaciendi cu-
 piditas, tum periculorum contemptor animus &
 ipsa fortuna maiora. Hic cum ad ultimas Indo-
 rum oras iter aggredi per vastissimum illud mare
 constituerit, rebus suis ac possessionibus magna
 ex parte diuenditis pecuniæ vim aliquam accu-
 mulat, res alias, quarum permutatione negotiari
 cum Indis possit, comparat; uxori, liberis, Patriæ
 valedicit, & se, suam salutem ac navem ventis at-
 que Oceano committit. Non illum reflectere o-
 culos in terram dilectæ coniugis amor facit, non
 liberorum charissimorum suavissima recordatio,
 ut de reditu maturando cogitet, impellit; non
 viarum longinquitas, non dubia maris fortuna,
 non incertus navigationis exitus, non instantia
 & præsentia quotidie pericula ab itinere susce-
 pto deterrent. Trahit illum amor lucri, & tantam
 in animo eius vim exercet, ut pro eo procellas,
 ventos, scopulos, tempestates, adeoque mortem
 ipsam aspernetur, satisque magnum esse solatium
 videatur, quod hæc aliquando meminisse iuva-
 bit. Ingruitne tempestas aliqua & naufragii me-
 tum adfert; vix est, inquit, ut sine tempestate
 navigetur. Circumsonante horribili strepitu ven-
 ti, & circa vela, antennas & anchoram sollicitos
 nautas reddunt? nulla, inquit, sine labore magna
 opulentia paratus. Hæretne in vadis aut ad sco-
 pu-

*A constan-
 tia mercato-
 rum mun-
 danorum.*

*Ab enume-
 ratione peri-
 culorum.*

*Amplifica-
 tio eiusdem*

pulos affixa navis? Nimium, inquit, felices essemus, si tam facile divites & opulenti fieremus. Ita nulla difficultas animum ejus frangit, nulla adversitas propositi poenitere facit, nullus fortunæ conatus aut ictus timorem inducit. Portu tandem optato poritur, res suas exponit, commutat, gemmas, margaritas, & quicquid est rarum, pretiosum, ac apud suos inauditum, ut in patriam ipse revehat, magna cura industriaque sibi procurat. Talem, talem ego Negotiatorem hunc nostrum exopto, qui inflammatus beatitudinis æternæ cupiditate firmissimo apud se proposito constituat nullis ætumnis aut adversitatibus cedere, sed invicto per aspera & dura quævis animo ad eam aliquando pervenire. Quid igitur agat, aut quid tandem moliat? Renunciare cum omnibus oportet, omnia ad cœlestem hanc Negotiationem suscipiendam à se remove, eorum pretio aut commutatione pretiosam illam margaritam sibi comparare, animum terrenis omnibus affectionibus exuere, dies ac noctes de Deo cogitare, & cogitando amare, & ipsum, solum anhelare, ipsum solum reperire velle ac possidere. Deinde vero ubi hæc animo cupiditas insedit firmaque propositi constantia, dare vela ventis oportet, & aspirante gratiæ cœlestis aura eam per medios mundi fluctus ac procellas tenere viam, quæ ad justitiam sanctitatemque per operum bonorum exercitium deducit. Non equidem hic dicam, Audaces fortuna juvat, mirum tamen est quantum generosos & confidentes vis quædam divinæ gratiæ promoveat, ut ubi desperationem difficultas iniicere videretur, ibi vel maximè sperent; ubi periculum moram timore quodam obiciat, ibi potissimum currant. Et quemadmodum Marcus Marcellus clarissimus apud Romanos Imperator, qui primus tergum Hannibalis in acie vidit, interrogatus à quodam, cur ita audax in

*Repetitio**Applicatio ad præsentem negotiatorem.**Requisita ad hunc negotiatorem.**Complexio à factò Marcelli.*

com-

*Pericula sub-
beunda.*

Protopopæia

*Ab enume-
ratione sube-
undarum, in
acquisitione
huius Mar-
garitæ.*

committendo prælio, cur ita in conflictu confi-
dens esset; ego, inquit, Romanus sum, & Dux
Romanorum, itaque singulis me diebus decet
caput discrimini obicere, hæc enim una ad fa-
mam perpetuam est via; ita plane summo ac con-
fidenti animo tot inter mundi adversitates, tot
inter Dæmonum insidiantium laqueos, tot in-
ter impendentes quotidie difficultates Christia-
nus esse debet, ac dicere. Ego Christianus sum
& Christi miles, itaque singulis me diebus decet
adversa forti animo perferre, hæc enim una ad
gloriam æternam est via, & est Christianorum
fortia pati & agere. Si parentum amantissimo-
rum ac familiarium charissimorum ab hac nego-
tiatione suavissimi complexus revocare videan-
tur, vincat amor pretiosissimæ margaritæ cujus
possessione nihil esse potest suavius aut amabi-
lius. Si menti forsitan occurrat, durum esse huma-
narum rerum affectum ponere, & tot se comro-
ditatibus privare, cogitet felicem ac fortunatam
hanc fore commutationem, in qua pro terræ
particula cælum, pro perituris caducisque bonis,
sempiternam beatitudinis æternæ possessionem
obtinebit. Si Dæmonum frequentes insultus &
assidua quotidianaque bella confurgant, reputet
apud se nullam esse posse sine pugna victoriam,
nullum sine victoria triumphum, & jam de ho-
stibus illis tot Christianorum, etiam virginum
tenerrimarum, agmina magna cœlestium om-
nium admiratione triumphasse. Si maria trai-
cienda sint, si tempestates perferendæ, si pericu-
la quævis adeunda, si ferrum jugulo aut pecto-
re excipiendum, si corpus secundum aut exuren-
dum, firmiter apud se constituat, felicissimam,
tutissimam, utilissimam hanc esse negotiatio-
nem, in qua quod comparatur tantæ dignitatis
est, ut sanguine consignari & acquiri quavis et-
jam morte mereatur. Quintus Cicero magni
istius

ius Oratoris frater, & in Republica admini-
 stranda Vir exercitatusissimus, cum fratrem illum
 suum ad Consulatus Romani fasces aspirare non
 sine confidentia aliqua intelligeret, pauca hæc
 ad illum verba exaravit: *Peregrinus es. Roma*
est, Consulatum petis. Ita dicere volebat: Mar-
 ce Tulli, amantissime frater, ne tua te fallat
 ambitio perpende; Consulatum petis, summum
 in urbe & in orbe Principatum; in urbium Prin-
 cipe Roma petis, nec tu Romanus petis; labore
 hic opus magno est, & ingentibus meritis; hæc
 ostende, aut noli ambire. Sed ego retexam ser-
 monem, & Christiano Negotiatori dicam: *Pe-*
regrinus es, Calum est, Felicitatem aternam pe-
tis, Peregrinus es; immo exul & extorris es
 quid speras? *Calum est,* & hic quid peregrino
 ac mortali debetur? *Felicitatem aternam petis*
 non est illa nisi virtute & meritorum ingenti
 pondere venalis. Sola desideria felicem facere
 neminem possunt, laborandum est, negotiandum
 est. Negotiantem igitur intueamur, & obsecro,
 putate vos iam in eius officina versari, quem an-
 tea ad ultimas Indorum oras profectum dice-
 bamus, nunc vero reversum esse congingimus Chri-
 ste bone! quam sollicitus? quot & quantis cura-
 rum æstibus agitur? quomodo in omnem omni-
 no partem inquietos oculos circumfert? quanto-
 pere oculis, manibus, ore, pedibus est impeditus?
 Instructa est omnis generis pannis officina, seric-
 cis, aureis, argenteis, conchyliatis, illic monilia
 sunt & multa & præstantissima, hic gemmæ pluri-
 mæ & pretiosissimæ, uniones, topazii, sardii, ame-
 thysti, carbunculi, adamantes, smaragdi, iaspides.
 Nihil est, quod venale ipse non habeat, imo plura
 habet ipse, quam optate aut fingere quis possit.
 Horis singulis hi & illi, iterum alii, iterumque
 alii in officinam subeunt: hic purpuram ostrinam
 pe-

*A dicto et
 ceronis.*

*Converso
 huius dicti
 ad præsentem.*

*Negotiantis
 mundani in
 officina solli-
 citudo est sine
 diu.*

petit, ille amiculum nigellum, hic gennalia, ille baltheum; hic uncinulos aut petiscelides, ille plumas versicolores; hic torquem, ille discriminale; alius aliud quidpiam vehementer exposcit, omnibus ipse omnia præbet, vendit, pretium ac pecuniam recipit. Si transeuntem quempiam audiat, sollicitus ne quid emere velit, aspicit; si quempiam oculos in officinam conicientem videat, confestim, numquid placeat, interrogat; immo merces suas ultro obtrudit, & ad emendum invitat. Adeo nullam lucri occasionem amittit, rationes suas accuratissimo calculo examinatas diligentissimè conscribit, pecuniam, si quæ otiosa sit, ne fructu careat, vel ad nummularios transmittit, vel ad novas iterum merces consignat. Hæc est hominum in mundo negotiantium importuna pene diligentia. Agite vero Negotiator noster quid tandem? Ibit de virtute in virtutem, & eius animus tanquam instructissima virtutibus omnibus officina patebit, nunc precibus ipse vacabit, nunc stipem egeno porriget, nunc ieiunabit, nunc peregrinum hospitio excipiet, nunc ægrum aliquem, aut ad vincula damnatum inviset: nunc lugentem solabitur. Si quem frigore rigentem & nudum adspiciat, veste aliqua reget; si abiectum eriget, si rudem & ignarum, docebit? si quis iniuriam inferat, æquo animo parietur; si irriserit quispiam, magno animo contemnet; si nescio quis fortunæ casus dolorem apportet, forti & invicto pectore excipiet. Interim in hac eius animi officina videre licebit ardentem in omnes charitatem, singularem morum compositionem, ferventem pietatem amabilem æquitatem, admirandam mansuetudinem profundam submissionem. Adeo ut nulla sit virtus, quæ in hoc animo non reperiat, nullum sit opus bonum, quod non exerceat, nulla sit dies, quæ non aliquid mereatur,

nub

*Florum ad
Christianam
negotiationem
applicatio.*

*Virtutes ne-
gotiatoris.*

nullum virtutis exercendæ tempus, quod non
 arripiatur. Et ut tam fortunatam negotiationem
 novis auspiciis & gratia Deus ipse promoveat,
 quotidie divino interesse sacrificio & opem im-
 plorare, sæpius ad Sacramenta, ad ipsos, inquam,
 gratiæ fontes accedere studebit. Hic est negotia-
 tionis Christianæ modus, hæc margaritæ acqui-
 rendæ ratio, hic unus & assiduus ad æternam il-
 lam beatitudinem aspirantium labor esse debet.
 Producerem huc in medium, & vero etiam di- *Prætermisso*
 cendo sisterem Antonios, Paulos, Franciscos, al-
 ios innumeros Negotiatores verè Christianos,
 & qui pretiosam felicitatis æternæ margaritam
 rerum omnium humanarum contemptu conti-
 nuoque virtutum exercitio sibi comparaverunt,
 nisi una hodie sufficere sanctissima Anna posset
 & deberet: *Gustavit ipsa & vidit, quia bona* *Ab exemplo*
fest negotiatio eius. In hac negotiatione non *D. Anna.*
 vilis & abiecti erat animi, *manum suam misit*
ad fortia: non deses & socors, *digiti eius apprehenderunt fujum, & panem otiosa non comedit:*
 non erat inbellis & ab asperis vultum cum ani-
 mo reducens, *fortitudo & decor indumentum*
eius: Non erat, quæ mundi stultitiæ aures ac-
 commodaret, *Os suum aperuit sapientia:* erat
 vero quæ misericordiæ suæ beneficia apud paupe-
 res & egenos collocando egregie negotiaretur.
Manum suam aperuit inopi, & palmas suas ex-
tendit ad pauperem. Erat eius animus virtu- *Eius virtu-*
 tum omnium quoddam domicilium & officina; in *tes.*
 eo prudentiæ Topazii, iustitiæ Sardii, fortitudinis
 Adamantes, temperantiæ Amethysti, liberalitatis
 Smaragdi, amoris proximi Iaspides, pietatis Chry-
 soliti, vigilantie Carbunculi, castitatis monilia,
 honestatis omnis & sanctitatis insignia. In eo,
 inquam, quicquid exornare animum potest repe-
 rie.

*Apostrophe
ad Adoleſcē-
tes, & adhor-
tatio ad eos-
dem per enu-
merationem*

Complexio.

liebatur, ideo mulier ipsa fortis, cuius procul & de ultimis terrarum finibus pretium; ideo Deipara mater, & Dei avia inusitato prorsus honore est effecta. Sed & vestra iam, Adolēscētes, negotiatio quidam est currentis ætatis, & expeditione suscepta ad obtinendam pretiosam illam margaritam abitis. O quam pulchra est & quam fructuosa cum hac sanctissima Patrona vestra negotiatio, à qua non emendo, sed imitando tot virtutum ornamenta comparare fas est? An expeditos forsan animos socordia detinere? Absit vel ullam in Adolēscētibz bene natis socordiam suspicari. An imbecillitas avocaret? Generosi nunquam animi argui volunt imbecillitatis. An difficultas deterreret? Ignavorum est ad ardua non niti? nec satis est iucundum, quod labore non constat. Ipsa vos ætas vestra, ut comptuli, ut ornati, ut splendidi esse velit adhortatur, non illis dico vitiorum irritamentis, corporum paramētis, superbiæ vexillis, vanitatis quiskiliis, sed virtutum unionibus, morum elegantia, honestatis insignibus. Nec corpora tantum quotidie proceritate aliqua, sed & animi virtute crescant, & in hac assidua negotiatione æmulatio quædam adsit animorum, ut alii aliis sitis opulentiores. Hic pietate vincas, ille modestia sit amabilior, hic verecundia sit illustris, ille insigni pudicitia commendabilis; in hoc mansuetudinem singuli ament, in illo maturam prudentiam admirentur, in omnibus temperantiam fortitudinem, honestatem, morum elegantiam, vigilantiam omnes extollant. Nulla interim dies abeat quin linea virtutis alicuius ducta supersit, nec unquam post Solis occasum dici possit, hodie nihil emimus nobis, hodie nihil Deo vendidimus, hodie amici perdidimus diem. Ita fiet, ut huiusmodi diligenti negotiatione pretiosissima Felicitatis æternæ margarita vobis contingat, quam omnibus ex animo precor, & vehementer exopto, DIXI.

AD

AD LECTOREM.

INter Divos, quorum hoc volumine laudes Panegyricis orationibus recensemus, referre IOANNEM DUNSCOTUM facultatis nequaquam est nostra. Quia tamen viri quamplurimi Doctrina & Virtute Clarissimi Divorum numero sua opinione, quam de eius virtutis & sapientiae excellentia conceperunt, illum abscribunt, ut immortalis viri ac Doctoris memoriam honoremus, Panegyricum aeternae eius Fama dictum, libenter hic post Divorum aliorum Encomia subiungimus. Tu, Lector, non alium, quam Divum iudicabis.

PANE-



PANEGYRICVS

ÆTERNÆ MEMORIÆ

ET FAMÆ

JOANNIS DUNS
SCOTI

DOCTORIS SUBTILIS
Theologorum Principis,
Dictus & dicatus.

*Exordium
à præstantia
viri sapien-
tis.*



OMINE M aliquem inter ho-
mines summæ sapientiæ laudem
promereri multum profecto est;
probitare vitæ singulari inter
cæteros tanquam quendam in-
ter astra solem splendere, am-
plius est, utriusque vero, sapien-
tiæ ac probitatis Laurea decoratum reperiri,

plusquam hominis est. & divini cujusdam He-
rois. Quis obsecro & qualis ille esse potest, vel
ubivis etiam gentium & terrarum. *Vir bonus
& sapiens? Qualem vix repperit ullum.* Poe-
tarum, inquit Princeps, *Millibus è multis ho-
minum consultor Apollo.* Reperi tamen &
millibus è multis, imo multis ex sæculis unum
inveni, IOANNEM DVNS SCOTVM, in quo
si sapientiam aspicio, suspicio; si probitatem ad-
miror, miraculum fuisse dico; si lauream in im-
mortalitate memoriæ quasi ipsius manu contex-

*Laus Ioan-
nis Duns
Scoti.*

tam

tam ostendo, cum eam vitæ sanctitas mereri, &
 summa sapientia obtinere potuerit, hæreo. Mul- *Comparatio*
 ti sunt, qui scientiarum quædam lumina diffusis *ceterorum*
 per orbem radiis claruerunt: non pauci, qui ho- *Doctorem*
 minum vitæ rationes cœlesti quadam vivendi *cum hoc Io-*
 norma transcendunt; vix aliqui, qui ita sapien- *anne Scoto.*
 tes videri voluerunt, ut boni simul essent. No-
 lo sane cuiusquam è Divorum numero gloriam,
 quam immortalitas ipsa æterna gloria decora-
 vit, diminuere labefactareque conari, tot extite-
 runt sanctissimi Christianæ Reipublicæ Docto-
 res, tot claruerunt religionis & veræ eruditionis
 Soles; tot admirandæ sanctitatis exemplaria per-
 fectissima in hominum oculis sunt versata; unus
 tamen hic IOANNES SCOTVS ita omnem æ-
 tatis suæ cum admiratione gloriam duplici quo-
 dam probitatis & eruditionis summæ jure sibi
 vendicavit, ut parem illi nullum ventura sæcula
 datura viderentur. Ejus ingenium cum admirari
 nunquam satis possent quæcunque præstantissima
 obis universi ingenia. *Ingeniorum Phœni-*
cem & Doctorem subtilem eum appellauerunt;
 eius doctrinam cum assequi tantum illi
 possent, qui ingenii quibusdam alia ad veritatis
 culmen attingerent, suspicere verò omnes & ama-
 re possent. Theologorum Principem non muto
 calculo, sed unanimi voce renunciaverunt. Et *A testimo-*
 cum in eo cum admirabili sapientia incredibilem *niis.*
 vitæ modestiam probitatemque animadverterent,
 virum illum esse bonum & sapientem, qualem
 multa sæcula vix unum proferrent, dixerunt. E-
 go vero, si quem etiam in tot de illo iudiciorum
 urnam calculum injicere, & gloriæ ejus trium-
 phalem curram non adulanti manu, sed verita-
 tis ipsius humeris impellere possum, hominem
 illum inter homines invidendum appello. At, ob- *Apostrophe.*
 secro, quibus invidendum? Vobis sane, Religiosi

ad Franciscanos.

Viri quotquot in sacris illis beatissimi Francisci castris sub sanctissimæ militiæ disciplina ad æternam felicitatem contenditis, in quibus ipse ita vixit, ut floreret; ita floruit, ut fructum ingentem universo orbi adferret. In quibus, inquam, ita sapientiæ operam dedit, ut esset sapientissimus; ita vitam suam virtutibus exornavit, ut esset sanctissimus. Sed nimirum jam invidiam illam remittit orbis, cum non illum tantum modo vestrum esse videt, sed suum, perque ejus Doctrinam ad sapientiam instruitur & per virtutes ad vitæ sanctitatem provocatur. Quæ duo dum

Proposito.

admiror, & æternæ ejus memoriæ, si quid in me facultatis est, monumentum aliquod erigere contendo, bonitatem ejus & admirandum omnino sapientiam, si quispiam adhuc ignorare inter homines potest, oratione manifestabo. Tibi sanè

Alia

Apostrophe.

ac tuæ famæ, *Eximie Theologorum Scoti*, alius præco debebatur, qui robusta, & procul resonantis eloquentiæ tuba summas illas laudes tuas auctulante orbe universo intonarere, debebatur potens aliquis patronus, qui gravidam nescio quo veneno invidiam, & ex latebris aliquando erumpentem, auctoritatis & validæ facundiæ subsidio protereret. Sed nimirum jam ipsa æterna fama in ipsius te gloriæ fastigio collocavit, ut latere & ignotus esse orbi non possis; jam ea claritate ac splendore veræ laudis fulges, ut te intuentium oculi caligent, & positus in eo Immortalitatis culmine, ad quod adspirare vix humanum ingenium potest, omnem invidiam superavisti. Adco quicquid de te dixerò, erit infra laudem tuam, & dum coloribus aliquibus exprimere te præsumam, lineamenta tantum aliqua ducam. Verum si ex ungue Leonem, & ex pollice Gygantem metiri licet, metiatur te hinc quisquis volet, dicet profecto te sapientiæ summæ magistrum, te virtutis eximie Pædagogum existisse.

A materia gravitate.

titisse. Et vero quanta esse eius Regionis gloria *Laus regio-*
 potest, quæ tantum virum, tantum inquam, *so nis in qua*
 lem, cuius radiis tot in orbe toto Academia, tot natus hic
 scholæ, tot Sapientiæ sedes ac delubra illustran- *Scotus.*
 tur, produxit? Olim cum is esset Homerus, ut
 eius ingenium, sapientia ac divina vis Poeseos om-
 nem omnium sæculorum laudem occupatum
 videretur, ut ab illo commendationem aliquam
 haberent septem urbes; *Smyrna, Rhodos, Colo-*
phon, Salamin, Ios, Argos, Athena, de eius pa- *Contentio re-*
 tria certaverunt. Illum omnes suum civem esse *gnorum de*
 dicebant omnes ex se natum, & in se lucem pri- *eius ortu.*
 mam aspexisse contendebant, quasi reliquis om-
 nibus ea præferri deberet, quæ Homerum virum
 ex omni antiquitate ingeniosissimum & scientia-
 rum omnium communem quasi parentem ge-
 nuisset. Pari vero ratione certare mihi pro SCO-
 TO non urbes aliquæ, sed regna, sed integræ
 provinciæ videntur; ut tum illa quasi sola sum-
 mam gloriam vindicare sibi possit, quæ SCOTI
 mater novum in orbe solem produxerit. Illum
 Anglia suum esse dicit; illum quæ hodie Scotia
 est vendicat; illum Hibernia alumnum suum &
 lumen asserit. Inter quas si tantam pro unius cæ-
 lestis verè Herois gloria controversiam decidere
 fas sit mihi, nec tuus est, Anglia, quæ nati cunas
 non excepisti; nec tuus Scotia, quæ iam, cum
 communem hunc solem Sol ipse novus aspexit,
 nondum Scotia, nisi fortasse minor, sed Albanis *Vera Patria*
 est. Tuus vero est, ô Hibernia, tuus ille Scotus, *eius,*
 quem tibi celeberrima ac pervetusta urbs tua
 DVN, tanquam æternæ gloriæ pignus quoddam
 & ingeniorum omnium miraculum genuit. Tu
 nimirum es illa olim regio, quæ Scotiæ nomine
 dicebaris, & quam tot amosissima doctrina vi-
 taque viri, quos Scotos non pauca veterum mo-
 numenta appellant, patriam agnoscunt. Provo-

cerat hoc iudicio nostro, qui vult, sententiam nostram ad Antiquissimos Annales, & dignissimos omni fide Historicos examinet calculum ad veritatis ipsius tesseram expendat: condemnabit eum Richardus Stanhurstus Academicus olim Oxoniensis & Historicus, qui Scotiam non

Ab exemplo

ita pridem pro ea Britannia parie, quæ hoc hodie nomen usurpat, dictam attestatur. Condemnabant eum ipsi Angliæ Scotiæque Annales vetustissimi, qui Hibernos Scotorum nomine vicinis omnibus regionibus ac toti orbi cognitos fuisse produnt. Condemnabant eum Capgravius, Paulus Amalteus, Richardus Conveus, Cæsarius, Fulgosius, alii sexcenti, qui ut Hiberniam Scotiam olim appellatam affirmant; ita divinum hunc Scotum natione patriæque Hibernum fuisse proclamant. Quamquam ne hoc nostro iudicio tristem litteram protulisse videamur, nul-

*Ad Angliæ
Apostrophe
alia.*

lam sane provinciam condemnemus, & qui unius est, omnium esse dicamus. Tuus est, ô Anglia, SCOTVS, tu enim illum prima litterarum & Artium instructione tuum esse fecisti, & ille se tuum publica Sacrae Theologiæ professione in tua Oxoniensi Academia est professus. Tuus est, ô Scotia, Scotus; quidni enim eum tibi asserere posses, ex Scotia maiore, hoc est ex Hibernia, oriundum, quæ Scotia tum minor & Albania dicebaris? Tuus est, ô Hibernia, Scotus, qui in te

Alia.

principium accepit, tuos ciues parentes habuit, tuum solum Patriam agnoscit. Immo vero omnium est ac totius orbis calique SCOTVS, qui Doctrina terram omnem, virtute Cælum occupavit. Glorietur Hibernia de alumno, Anglia de discipulo & Doctore, Scotia de propinquo vicinoque cive; omnium gloriam summam ipse facit, qui suorum temporum summa ipse gloria fuit. Et quoniam iam hanc litteram ita composuimus, ut Scotum nostrum non sine Angliæ Scotiæ,

*Transitio ad
alteram par-
tem.*

rizque summa laude Hibernum habeamus, ad
 eius tandem aliquando vitæ sanctitatem, quæ
 veræ sapientiæ fundamentum esse solet, acceda-
 mus. Ita enim arbitror planeque mihi persua-
 deo frustra in eius animo sapientiam expectari.
 in quo probitas domicilium nullum habet, & à
 quo virtus exulat, cum ea tantum sapientia vera
 esse possit, quæ cum probitate virtuteque est con-
 iuncta. Cum vero subtilissimi Doctoris huius a-
 nimum tanquam sacrarium quoddam suum vir-
 tutes omnes ordinatissimo choro possederint,
 splendore suo ad omnem gloriam exornarint,
 potentia sua ad omne robur constantiamque
 contra exsurgentes quascunque in hoc orbis pe-
 lago tempestates corroborarint, cum in primis sin-
 gulari quadam ratione illum eius animum hu-
 militas profundissimaque mentis submissio sibi
 vendicavisse videtur. Non ignorabat quippe vir
 sapientissimus verissimum illud Salomonis ora-
 culum, ibi sapientiam esse, ubi humilitas esset,
 ideoque generosissimo animo, & conatu laborio-
 sissimo ad sapientiam adspirare statuisset, men-
 tem suam quanta potuit submissione ita depres-
 sit, ut nullus in ea arrogantiaævus vel ab invi-
 do oculatissimo videretur. Cum loquebatur, lo-
 qui ipsa humilitas videbatur; cum ageret quip-
 piam, quidquid esset, ordinare illud humilitas
 credebatur. Ita nulla erat in verbis eius arro-
 gantia, nullus in factis eius fastus ita displicere
 humillimi eius sermones non poterant, poterant
 vero etiam, quæcunque tam submisce perage-
 ret, hominibus omnibus placere. Quanquam
 vel ipsa eius vestis ac corporis totius compositio
 quantam non, obsecro, humilitatem spirabat?
 Quam omnem omnino superbiam ac fastum ex-
 cludebat? Trita ipse plerumque, vili, ac centon-
 ibus, nescio quibus, deformata veste regebatur;
 nudis pedibus, quodcunque iter aggrediretur,

*Virtutes Do-
ctoris huius.*

*Humilitas
eius.*

Repetitio.

*Contemptus
cultus corpo-
ris.*

Amplificatio eiusdem.

Paupertatis studium.

Complexio.

Gradatio.

Comparatio cum aliis.

incedebat; curribus veleguis uti pene piaculum ipsi erat. Adeo instituti auctori Beatissimo Francisco similem sese esse cupiebat, & Apostolorum vestigiis insistens ad Christi vitam vitæ suæ rationes dirigere contendebat. Habes hic, quisquis invidere potes, quod admireris invidendo; habes, quisquis eius gloriam ferre non potes, quod probes improbando. Dic arrogantem Scotum: nimirum in veste quæ vix hominis esse poterat dic animi elati Scotum: nimirum cui ad iter conficiendum nec curcus noti, nec equi. Vis humilem intueri? intuere stipem ostiatim precaria voce colligentem, de victu anxium, de hospitio sollicitum. Quoties enim in viâ pertingere ad ordinis sui domum aliquam aut cœnobium non poterat, toties tenuè aliquod sustentandæ vitæ solatium, & hospitium emendicabat. O profundissimam & sæculis omnibus obstupescendam humilitatem; Eum ad stipem manum porrexisset, qui in summarum dignitatum fastigio propter excellentissimas virtutes sedere debuisset? Eum aliquando fores aliorum pro cibo aliquo sollicitavisse, qui sapientiæ in terras omnes ambrosiam diffundebat? Eum hospitium vel rectum aliquod submissis precibus ad pernoctandum quasivisse, qui celeberrimas Academiarum sedes ac pulpita divina quadam voce replebit? Laborabat posteritatis fides, ut credat; credit tamen ut extollat, extollit ut admiretur, admiratur nec fatiscipit. Sed hoc humilitatis eius filium secuti ad eius laboriosissimas lucubrationes penetremus. Plurimi sunt, qui cum scribunt, non calamum, sed stylum stringere sibi videntur; clamant, pugnam cient, instant, & quasi prostraverint hostem, triumphum agunt. Alii sunt, qui cum rem aliquam controversam rationibus suis tanquam machinis quibusdam admotis, ut sibi videntur, ita pervaserunt, ut dissolvere & veritatem

ratem attigisse videri possint, ceteros omnes tan-
 quam cæcos & nocturnas quasdam despiciunt. Non
 ita sane divinus hic Scotus, qui etsi subtilissimi
 sui ingenii ala per ardua quæque volitaret, sub-
 missionis tamen suæ nunquam immemor, non
 plus quam oportebat, sapiebat. *Modestia eius.* Eratne fortassis
 aliquid, quod nulla vi ingenii penetrare attin-
 gereque potuisset? Hic ignorantiam suam li-
 bens fatebatur. Eratne rursus aliquid, in quo
 dubiis rationibus tanquam adversis quibusdam
 ventis mens agitata; statuere decernereque nihil
 omnino valuisset? Hic aut sapienter silebat,
 aut modeste dubitabat. Non ad dubia quæque
 Lectorem vel Auditorem auctoritate, quam ipse
 sibi fingeret, trahebat, sed ad ejus liberrimam
 voluntatem ac iudicium rem omnem deferrebat.
 Non in ambiguis velut ex oraculo loquebatur,
 sed ita videri ac dici posse, nihil asserendo, dice-
 bat: Si quandoque in alterius sententiam erat
 incurrendum, non illum velut hostem ad pugnam
 evocabat, non in illum rationes tanquam tela
 vel potius fulmina vibrabat; non illum com-
 pellabat, ut audito nomine gloriosior tanquam
 de devicto triumphus appareret; quid ergo?
 sententiam in medium cum modestia produce-
 bat; nomen ut plurimum subicebat; errorem,
 nisi in omnium is oculos incurreret, non obiicie-
 bat; rationes ipse suas sine invidia aut fastu
 proponebat; veritatem clarissimæ lucis radiis
 ostendebat. Nimirum expeditus ipse miles in a-
 rena, sed non jactabundus; prudens rerum æsti-
 mator, sed non censor; fortissimus veritatis as-
 sertor, sed non aliorum expugnator; Iudex bo-
 nus, sed non castigator importunus. Vincere
 sciebat, non triumphare, & cum vincebat, vix pu-
 gnasse videbatur, ut non tam refutavisse quem-
 quam diceretur, quam docuisse; non tam erro-
 rem cujusquam depulisse, quam eo suppresso ve-

*Modus eius
disputandi*

Contraposita.

*Qualis cum
D. Thoma
eius disputa-
tio.*

ritatem ostendisse. Vixit & immortalis cum gloria ea aetate vixit fulgentissimum illud Sanctissimi Prædicatorum Ordinis lumen Beatissimus Thomas Aquinas, cujus quanta existit in omni vitæ ratione sanctitas, tanta in omni disciplinarum genere sapientia fuit. Vtraque hominum omnium memoria ac veneratione, illa vero etiam æterno, quo perfruitur, præmio dignissima. An in hunc igitur insolentem aliquam & inusitatam omnino pugnam suscepit? Sane ita credere videtur, qui ignorat: ita sentire, qui nunquam legit. Nimirum, hodie tam proclivis est iudicandi facilitas, ut solo nescio cujus auditu iudicia nitantur, & satis esse possit rumore inter pueros esse, ut viri iudicium ferant ac pronuntient. Sed tamen quodnam inter illos certamen existit, quod non ab ipsa sit ordinatum ratione? An ab ejus aliquando sanctissimi viri sententia recedit? Equidem potest, & cum ipsa ratio ducit, quivis potest. An cum acerbius, quam par esset, compellat? Aut nunquam, aut cum honore semper. An ejus improbat opinionem, & rationes insolenter rejicit? illam modeste proponit, his vero suas opponit. An ejus se iudicem ac censorem constituit? Disputationis aleam in medio, iudicium lectori relinquit. An tanti viri auctoritatem vilipendit? Imo amplectitur cum ratione semper; at, ubi alio ratio fortior trahit, deserit. Erat quippe in verbis parcus & modestus, in scriptis cum doctrina verecundus, in disputando sine acrimonia subtilis, in refutando sine invidia doctus, in respondendo cum prudentia facilis. Quanquam, ut erat vir religiosissimus, non ea tantum erat animi submissione modestiaque, sed insignis omnino, & admirabilis in eo obedientia elucebat. Quam prompte? quam alacriter? quam animo gestienti, quæ quidem impetrabantur, exquebatur? Nolo omnium vitæ ejus dierum ratio-

Subiectio.

Repetitio.

*Transitio ad
terram vir-
tutem.*

riones hic inire, nolo totum vitæ eius spatium
 excutere. Libenter illi omnes propter sapien- *Pratermissio*
 tiam sese submittebant, libentius ipse omnibus
 propter animi submissionem obsecundabat. Il-
 lud sanè omnis ætas & posteritas admirabitur, *Prompta ob-*
 quod cum quodam tempore recreandi animi ac *edientia spe-*
 corporis gratia Lutetia egressus per campos ob- *cimen.*
 ambulare, atque ordinis supremus præfectus
 consignato scriptis mandato Coloniam eum in-
 Germaniam evocaret, id ubi ipse vidit ac cogno-
 vit, confestim iter ingressus in Germaniam con-
 tendit. O admirandam obedientiæ sanctissimæ *Complexio.*
 vim! O dignissimum cælo pectus! Non illum
 Fratrum altorum ab itinere suscipiendo fami-
 liaritas retardavit; non professionis publicæ ne-
 gotium summa cum gloria susceptum moram
 iniecit; non rerum ad iter necessariarum com-
 peratio, ut domum rediret, permovit; abiit
 statim corpore & animo, ut sibi videbatur,
 quia obediebat, expeditus. Sed nos etiam hinc
 abeamus, & in hoc virtutum cursu virtutem
 aliam admiremur; Delectum hic instituo, ne *Dehortatio.*
 que enim omnia dicere possum, quid tamen in
 hoc delectu seligam, cum tot sese offerant, orna-
 menta prorsus ignoro. Magnæ in eo virtutes o-
 mnes fuerunt, maxima vero vis Deum precan-
 di ac contemplandi. Divinus in homine animus
 est, & divinæ auræ particula originem è cælo
 trahit, ideoque, si cælestis patriæ non immemor
 vivit, commercium hominum & terræ domici-
 lium dedignatur. Talis erat divini huius SCO- *Amor Dei*
 TI animus, quem in terris nihil oblectaret, re- *& Cælestium*
 dire ad Deum gestiret, cælestium consortio u-
 teretur, cum divina Maiestate, velut in secreto
 Sacrario sermones misceret, & quasi corporis
 vinculis expeditus, inque libertatem assertus,
 sapius extra, quam in corporeageret, elemen-
 ta ac cælos omnes transcenderet, ibique esset,

*Repetitio.**Fervor S.
Doctoris.**Similiter
sacientia.**Raptus eius.*

ubi se esse nesciret, in terris simul & in cælo esset: Quoties aggredi aliquid fixum erat, eius aspiciam & initium à pia ad Deum precatione faciebat. Quoties arduam aliquam de divinis illis mysteriis dissertationem instituere, vel disputationis arenam calamo aut voce subire propositum erat, cælestem opem suis precibus implorabat. Quoties commentationibus ac lucubrationibus illis suis finem ac coronidem imponebat, pietatis plenissimo sermone gratiarum actionem sapientiæ auctori DEO persolvebat. Ita nihil moliebatur SCOTVS sine Deo, immo cum nihil moliebatur sine Deo non erat, pura illa mens & cælo nata ita aliquando abripiebatur, ut sine sensu, sine vita corpus esse videretur. Indicabant homines iam inter homines eum esse desisse, in cuius corpore otiosi sensus, motus nullus, nullum vitæ indicium apparebat, nec hora una aut brevissimo tempore intervallo, sed longissimo. Tunc nimirum per contemplationem sursum eversa in divina illa penetralia sese insinuabat: tunc cælestium mysteriorum arcana curioso quodam & pio affectu perscrutabatur: tunc ad veritatis ipsius fores consistens fulgentissimis eius radiis illustrabatur: tunc ea perdiscebat quæ quando felici calamo consignavit, & docta in scholis voce publicavit, hausisse eum è cælo nemo non affirmabat. Et sane si dicendum est, quod sentio hic admirabilem & eximiam illam sapientiæ suam expressisse SCOTVS videtur, ut cum plura ipse noverit, quam exiguo non longæ ætatis spatio discere ab hominibus, vel ullo studio ac labore sibi comparare potuerit, necesse sit eum illa omnia divino quodam beneficio consecutum fuisse, planè cum abripiebatur divinus eius animus, scholam illam cælestem intrabat, & divinæ quodammodo sapientiæ discipulus factus, ea percipiebat, quæ præter

Sco-

Scotum nemo omnino sciebat. Hic acuebatur
 ejus ingenium, hic subtilissimis contemplatio-
 nibus mens instruebatur, hic inusitatas perqui-
 rendæ veritatis vias edocebatur, hic verissimum
 divinarum rerum sensum, & certissimam eximæ
 Theologiæ rationem perdiscebat. Atque ita fa-
 ctum est, ut non tantum nullis vitæ cupiditati-
 bus vivendo teneretur, verum etiam corporum
 similitudinibus (cum Bernardo loquor) specu-
 lando non inuolueretur. At, inquires, quantæ *Anteocem-*
 hoc tandem est puritatis? quantæ sanctitatis? *patio.*
 Non ego inficias ibo, neque hic in tanta S C O-
 TI gloria quicquam dissimulabo. Fuit hoc sa-
 ne, fuit Angelicæ puritatis, fuit plusquam huma-
 næ sanctitatis. Cujus rei si quis à me testimoni-
 um requirat; testem ipsum appello D E V M. *A visione*
 An non cum vice quadam ea nocte, quæ natalis *Christi ipse*
 Christo fuit, divinum illud admirandæ incarna- *facta.*
 tionis mysterium attonitâ, & amore plenissima
 mente contemplaretur, benignissimus illi I E-
 S V S apparuit, ejus brachiis dulcissimum onus
 incubuit, in ejus collum iterum atque iterum
 repetitis amplexibus insiluit, ejus animum sua-
 vissimis vocibus solatus est & recreavit? Nihil
 hic fingere me quisquam arbitretur, testis est *A testimo-*
 Marcus Vlisiponensis, testis Gregorius Ruys, te- *nis.*
 stis Paulinus Berti, testis Rebelledus, quorum o-
 mnium fidem sæculorum assentientium consen-
 sus approbavit. Et vero dubitant de ejus sancti-
 tate quisquam posset, quem magno aliquando
 desiderio ipse Deus inuist? cui se gestandum
 puerili specie exhibuit? Non, non amplectitur
 tam suavis osculis quemquam Deus, nisi cu-
 jus animum Angelica puritas, & cœlestes virtu-
 tum radii illustant. Non, non tam blande, non
 tam amice, non tam benevolè solatur quenquam *Dissoluta.*
 Deus, nisi cujus vita nullus ab hac rerum terre-
 narum fece sordes contraxit. Quamquam, quo-

*Scoti sum-
ma sapien-
tia.*

*Eius ingeni-
um ante stu-
dia.*

*A quodam
falso eius.*

*Presopopai-
a.*

niam Scotum jam bonum habemus, sapientem ostendamus: iacta sunt magnæ sapientiæ fundamenta, ubi vitæ integritas sanctitasque innocentem animum occupavit. Audebo dicere, & vere dicam, non poterat non esse sapientissimus Scotus, qui id primum contenderat, ut esset sanctissimus. Dicam iterum & (teste cœlo) dicam, non poterat non omnem animo sapientiam complecti, qui nihil scire, nisi quod è cœlo didicisset, desiderabat. Quæritis cuius tandem ingenij Scotus fuerit, priusquam in scholarum spatiis sapientiæ suos labores consecraret? Videre quomodo nihil ad laudem ejus & gloriam confingit: fuit hebetis, fuit stupidi. Ità non ad scientias natus, sed nec ad eas fieri posse videbatur, ut nimirum quicquid in eo postmodum homines admirarentur, non tam humano partum labore, industriaque quæsitum, quam à Deo è cœlis datum esse crederent ac pronunciarent. Neque ipse hujus suæ naturæ tarditatem ac ruditatem ignorabat, ideoque cum primis illis disciplinis, quæ humanam naturam nostram, tanquam ejus ornamenta excolunt, & ad civilis vitæ rationem informant, operam navaret, animadverteretque nullos se in iis per ingenium facere progressus, quadam die cum sub arbore forte consedisset, sublatis in cœlum oculis vultuque ad pietatem composito multis à Deo precibus ac lachrymis, ut hanc ab ingenio suo ruditatem rolleret, contendit. Nec frustra piissimi & religiosissimi animi preces divinæ Majestatis aures impulerunt. Nam cum exhaustis lachrymis corporeque fatigato in somnum oculi incidissent, videre sibi visus est præsentem & videbat; audire etiam loquentem, & audiebat, gloriosissimam cœli Reginam Deiparamque Mariam: age, inquiriebat illa, quo cepisti animo ac labore disciplinarum stadia decurre; ipsa tibi ab æterna illa sapientia quam

virgineis hisce visceribus conclusi, sapientiam aliquam, nec dubites, impetrabo. Tu obsequio nostro devotum animum gere, & puritatis nostræ, quam nulla unquam macula deturpavit, existe propugnator. O singularem omnino benevolentiam! O incredibilem divinæ matris benignitatem! Excutit fortunatum hunc somnum Scotus, consurgit, gratias Deo & Virgini agit, obsequium æternum vover, futurum se Virginei honoris acerrimum propugnatorem promittit, ad scholas, Disciplinarum illas officinas, redit, gaudio, ac latitia summa plenus omnem laborem molestiamque superare contendit. Deus immortalis! quantos quam subito progressus cœlesti illo Deiparæ favore fecit? Nihil erat, quod ejus ingenii aciem effugere posset; nihil tam arduum, quod non subtilis mentis acumine attingeret; nihil tam obscurum, quod non illustrari ingenii face in lucem attraheret; nihil tam difficile, quod non sibi subiiceret & suum quodammodo faceret. Crescebat indies in eo vis ingenij, sed & simul pietas, & in Divam Matrem amor crescebat, quoque Doctor fiebat, eo sanctior; pari pene eruditionis & probitatis mensura cumulabatur. Quis unquam illo doctior fuit, aut esse potuit? Nullum est scientiarum genus, in quo non fuit versatissimus; nulla sapientiæ pars, quam non accuratissimè cognovit; nulla ars, cujus non ipse perfectissimum sibi notitiam comparavit. Taceo primas illas artes, quæ in limine sapientiæ primam discantis rudiratem expugnant, & ad ipsa sapientiæ adyta positum auditorem, introducunt: hæc enim infra ejus sunt laudes, nec ab his stessis tanti solis splendor exsurgit. Quis subtilius unquam de universa Philosophia disputavit: quis majori cum audientium applausu illam ex celeberrimis Academiæ suggestibus explicavit? quis de ea plenius, perfectius, laudabilius ad

*Ingenii eius
post summum
acumen.*

Complexio-

*Eius in phi-
losophia en-
cellentia.*

omnem posteritatem nunquam intermoritura volumina conscripsit? Differendi ratio suam à Scoto subtilitatem accepit; Naturæ cognitio SCOTI ingenium tanquam facem quandam habuit; Sublimis illa & supra Naturam Doctrina suo in fastigio per Scotum consistit. Quod Philosophia è tenebris excesserit, quod huini amplius non repat, quod ingeniorum excellentissimorum aciem in se convertat, beneficium est SCOTI.

Complexio.

Non iam Democritus veritatem in puteo, cui fundus non sit, demersam conqueratur, illam eruit Scotus; non iam Anaxagoras tenebris septam ac circumfusam esse proclamet, illam ex hiseripuit, & illustravit Scotus; non iam Academici res omnes incertas ac dubias esse dicant, obrutamque ac confusam latere veritatem, rerum omnium certitudinem ostendit, ac iacentem erexit veritatem SCOTVS. Patet via ad ipsa usque Philosophiæ arcana, sed quam aperuit SCOTVS: nulla amplius veritatem indaganti asperitas occurrit, hanc enim sustulit SCOTVS.

Similitudo.

Et quemadmodum cum exoritur sol obducto nubibus cœlo confestim eius radiis dissipatæ nubes cœli serenitatem mortalium oculis proponunt, ita ubi SCOTVS tanquam sol fulgentissimus subtilissimos ingenii sui radios in universa Philosophiæ spatia immisit, profinus omnes cesserunt tenebræ, & veritas ipsa Doctorum mentibus apparuit.

*Prætermis-
sio.*

Nolo hic eorum librorum seriem ac catalogum contexere, quos de singulis Philosophiæ partibus ad hominum admirationem acutissimo suo ingenio posteritati consecravit; noti illi sunt in scholis omnibus, noti in Bibliothecis, noti in discensium ac docentium pulpitis. Neque unquam acutè sapere visus est, qui SCOTI doctrinam non sectaretur; nemo subtiliter scribere iudicatus est, cuius calamus SCOTI subtilitatem non æmuleretur, Ab illo qui dissentit, re-

*Doctrina
sua.*

pit:

pit : cum illo qui loquitur affurgit. Nescit enim
 udam tenere humum, & humanæ sapientiæ litto-
 ra legere, sed supra nubes volitat, & quo aspira-
 re alii vix audent, ibi Scotus felicitis ingenii acu-
 mine triumphat. At vero non Philosophorum il-
 le tantum Princeps exstitit, verum etiam Theo-
 logorum Phœnix. Hic unus librato super ardua *Amplifica-*
 quæque ingenio Prometheum imitatus cælestem *tio.*
 ignem, cælestem inquam sapientiam, non ex so-
 lis rota ut lutum animaret, sed ex ipsis veræ sapien-
 tiæ ac cæli Arcanis, ut hominum mentes illu-
 straret, accepit. Hic unus non divinam illam sci-
 entiam ab hominibus quancquam etiam ab homi-
 nibus, sed ab ipso Deo precibus & ad laborante in-
 genio impetravit. Vidistis unquam Aquilam, quæ *Ab aquila.*
 irretortis oculis Solem intueatur, non caliget,
 non perstringatur? Hæc illa Aquila est Scotus,
 qui ubi ingenium suum ad veritatis Solem con-
 tortit, non nimio famine perstrictus, reduxit, sed
 radios eius excepit, exceptos in magnum lucem
 convertit, lucem ipsam in orbem universum,
 quæque late patet, diffudit. Illum sententiarum *Applicatio.*
 Magister Magistrum invenit, ab eius luce lucem
 accepit, ab eius ingenio cievit, ab eius subtilitate
 plus sibi sapere vitus fuit. Illum Scriptura Sacra
 sacrum summo & accuratissimum Interpretem ag-
 novit; dum sublimia illa religionis Romanæ
 mysteria, quæ Evangeliorum libris, quæ Divini
 Pauli Epistolæ, quæ generationis primæ volumi-
 ne continentur, illustravit. Taceo quæ de Sancto-
 rum gloria gloriosè conscripserit; non dico quæ
 de Dei cognitione, quæ de primo rerum princi-
 pio, quæ de rebus aliis ut sublimibus, ita pene
 ignotis, ad sempiternam nominis sui memoriam
 exaravit. Invideant, ac vero etiam invidia sua
 rumpantur, qui volunt, fuit Scotus sapientiæ *Transitio.*
 Magister, Theologicæ subtilitatis Doctor, recon-
 ditorum arcanorum perscrutator, summarum
 ubi-

Definitiones conglobatae. ubique difficultatem prudentissimus enodator. Et cum omnem veræ Theologiæ sapientiam docendo tradiderit, scribendo asseruerit, disputando propugnauerit, cum vero vel acerrimum se athletam exhibuit, cum immaculatam Deiparæ

Scotus Beatus. Virginis immaculatae Conceptionis propugnator. Virginis Conceptionem frementibus ac fiendentibus adversariis ita disputando in scholarum pulpitis asseruit ac sustinuit, ut stare pene per SCOTVM tantæ Virginis honor existimaretur. Huc omnes ille vigilias suas, omnem operam omnem laborem ac curam referebat: pro eo omnes molestias ipse devorabat, cæterorum inimicitias libenter subibat, invidiam magno animo, & gestienti conscientia contemnebat. Multi eum in hanc de immaculata Conceptione arenam provocabant, provocatus veniebat, multi gravissimorum, ut quidem credebant, argumentorum machinis illum impetebant, impetitus ipse, sed non læsus, eas in illos retorquebat; multi clamoribus inconditis vincere eum contende-
Contraposita bant, ipse modestia sua illos superabat; multi auctoritatem obtrudebant, ipse rationem opponebat. Ita factum est, ut quories de Virgine Matre pugnavit, toties Virgini Matri honorificentissimam victoriam peperit. Testor hic te & te appello, ô cæli ac terræ Regina, (nam hunc animam tuo auxilio, & doctrinam tuis precibus Scoto tuo procuravisti,) an non immaculatæ Conceptionis tuæ honorem in terris per Scotum ipsa defendisti? an non eius gravissimos pro te confictus semper probavisti? Annon pro te pugnatura vires semper & animum addidisti? Nimirum (testor certissimam sæculorum elapsorum famam, testor celeberrimorum Doctorum conscientiam) cum Lutetiæ Parisiorum die quadam in gravissimo amplissimoque famosissimæ Academicæ Doctorum omnium confesso, ac præsentibus Apostolicæ Sedis Legatis, quorum auctori-

tate hæc omnis concertatio fuscipiebatur, de
 Immaculato Magnæ Virginis ortu disputaturus
 esset, jamque ad locum progressus supra januam
 ejus imaginem sublatis modestè oculis animad-
 vertisset, confestim ingenua provolutus magno
 solliciti animi affectu dignare, inquit, me lau-
 dare te Virgo Sacrata, da mihi virtutem contra
 hostes tuos. Vix dum elocutus postrema verba vi-
 debatur (obstupefcite, & miraculum audite) in
 clinato parumper capite sanctissimæ Virginis i-
 mago supplicanti annuere, & promittere victo-
 riam est visa. Quin immo, quod admirari nulla
 ætas satis potest, inclinatum imaginis caput ad
 hæc usque tempora nostra, ne dubitate quis un-
 quam posset? permanet. Testis est Osmensis il-
 le Antistes, cujus auctoritate de immaculata
 Conceptione Luceri libri comprobantur. Testis
 est Ioannes Pineda, testis Baptista Lezana, testis
 Gregorius Ruysensis, testes alii sexcenti, quorum
 fidem nunquam sanus orbis reprobabit. Et sane
 cum hæc ætate victor Scotus recedens æter-
 num immaculati honoris trophæum sanctissimæ
 Virgini erexisset, Deus immortalis! quantus ho-
 minum omnium applausus? quantus ad victo-
 rem hunc conspiciendum ex omnibus partibus
 hominum concursus? quanta in omnium animis
 ob defensam tam generosè Virginem lætitia?
 Audierat (nam fama subito in orbem universum
 provolarat) Coloniensis Academia, & Doctoris
 subtilis nomen, quo jam illum Parisiensis in-
 gniverat, approbavit. Audierat Roma ipsa, & ne
 ingrata in Scotum tanti honoris propugnatorem
 videretur, idem ejus gloriosissimum nomen san-
 ctissimus Pontifex confirmavit. Quancquam ut
 non tam meos, quam doctissimorum omnium
 hominum ore Scotus noster laudetur, prodeant
 in medium ac loquantur. Ac in primis loquatur
 universa illa mundi Historia, nunquid Scotum
 velut

*Amira-
culo
quodam.*

*Testimoni-
um aliorum*

*Applausus
de hac victo-
ria.*

Prophopæia

*A testimo-
niis.*

velut alterum, Apollinem floruisse, & præ cæteris Theologis subtilissima quædam opera edidisse testatur? Loquatur Sabellicus, nunquid neminem Scoto subtilius divinas tractavisse litteras affirmat? Loquatur Antonius, nunquid multa subtilia scripsisse eum, ac jure meritissimo subtilis Doctoris nomen reportavisse scribit? Loquatur Sixtus Senensis, nunquid virum admirandæ eruditionis subtilitate præditum appellat? Etiam hic vocem edat Trithemius, & Scotum virum in divinis Scripturis studiosum & eruditum inque Aristotelis Philosophia doctissimum, adeoque profundum, ut ejus à paucis intelligi penetrarique scripta possint, proclamabit. Audiat summu illud purpuratorum patrum decus Bellarminus, & Scotum virum acutissimo ingenio præditum appellabit. Prodeat Hector Boetius, & Scotum sub sanctissimo D. Francisci instituto tantæ eruditionis Theologum existisse testabitur, ut ejus ingenio sæculum illud censeri possit indignum. Adhuc Antonius Possevinus, fatebitur profecto in Aristotelis Philosophia ita Scotum præstitisse, ut cæteris omnibus disputando palmam præriperet; ita sanam omnem ejus doctrinam fuisse, ut in hanc usque ætatem per annos amplius trecentos, ejus sine ullo erroris novo libri permanerint inuiolati. Evocetur huc Guilielmus Vuorillonius; quanquam quid evocetur? Non, inquit, quenquam in terris putas, ô Scote, laudes dignis celebrare sermonibus posse, quem mater Universitatum Parisiensis suo in flore & pretio tot inter Doctorum turmas Subtilis nomine insignivit, & cui Coloniam adventanti universus obviam clerus processit. Tua dicta communem transcendunt facultatem: tu inquisitor es maximus veritatis, tu redargutor falsitatis, tu veri Arca, tu Legum summa, tu rerum comperta sanctio. Alios innumeros nihil att-

Alia.

*Apostrophe
ad Scotum.*

attinet citare, qui uno omnes ore proclamabunt
 Illustratam à Scoto subtiliter Philosophiam esse
 & Theologiam feliciter auctam. Dicent etiam
 & testatum toti orbi esse volent eruditionis hu-
 manæ non miraculum tantum, sed terminum et-
 iam Scotum existisse. O quot, ô quanti, ô quam *Exclamatio.*
 admirandi ab hoc magistro discipuli prodierunt!
 A tanti Solis luce non potuerunt nisi illustres
 Lunæ procedere. Sed comprimere hic stylum ma-
 lo, quàm in novum dicendi campum excurrere.
 Illud dico, erat in hoc orbe Scotus tanquam A-
 pollo vel Salomon quidam: ad eum videndum
 audiendumque ex omnibus cerratim partibus
 concurrebatur. Nemo satis se doctum existima-
 bat, nisi Scotum magistrum audivisset: nemo
 Doctorem se putabat, nisi Scoti Doctrinam pro-
 fiteretur: multi qui in eius nunquam schola au-
 ditores extiterant, ut discipuli tamen fuisse vi-
 derentur, SCOTI opinionēs ubique iactitabant. *Confusio ad hunc Sco-*
 Tanta eius doctrinæ sapientiæque fama, erat tan- *tum.*
 ta nominis auctoritas, tantus eruditionis ubique
 splendor. O foelices vos & fortunatæ multum A- *Apostrophe*
 cademiæ, quæ tanti viri vocem vestris in pulpitis
 personantem audivistis! Foelix tu in primis O-
 xonium, cui ille primam suam tuis in scholis vo-
 cem, dum Theologiæ sublimioris arcana inter-
 pretatur, consecravit. Felicior tu Lutetia, quæ
 cum illum primo in Academia tua loco donavis-
 ses, illam ipse insolito splendore prorsus illu-
 stravit. Felicissima tu vero, Colonia, quæ ut o-
 lim venienti Platoni Syracusanorum Rex quadri-
 jugis albis & vittata navi; ita tu Scoto adven-
 tanti magna populi frequentia, celebri magna-
 tum tuorum apparatu ita occurristi, ut eum non
 aliter quam Solem aliquem tibi exorientem sus-
 ciperes & amplectereris. Tuam ipse Academiam
 divinæ suæ sapientiæ radiis illustravit, & cum
 morali quando deberet, in tuo sinu moriendo
 con-

*Alia.**Alia.*

*Mors eius
quanta.*

conquievit. Quid? & extinctus est aliquando Sol ille, à cuius æterno lumine scientiæ omnes lucem acceperunt? Extinctus est. Et obiit ille morte superatus, qui omnem immortalitatem sapientiæ opinione promeruit? Obiit. Et excidit ingenium illud, quod explicabat, quicquid erat summa difficultate interceptum: quod illustrabat, quicquid erat densissima caligine involutum? quod penetrabat & eruebat, quicquid infra tenebras ipsas occultum absitusumque erat? quod tanquam Oedipus dissolvebat, quicquid in omni sapientiæ parte nodosum reperiebatur? Excidit, & non est amplius vir ille, qui non tam hominacientis stupendus, quam inter sapientes quidam existeret Deus? ille vir, inquam, (ac ne vir quidem per ætatem) qui in nullo vel tantillo unquam errore fuit deprehensus? Non est amplius. Imo, imo extinctus non est, neque enim extingui Sol potest. Non obiit, neque enim obire potest qui est immortalis. Non excidit, neque enim qui gloriæ fastigium occupat, ulla invidia hominum, aut oblivione temporum potest deturbari. Non esse desit, tam ut semper esset per virtutem & sapientiam suam effecit. Vivit, & vivit immortalis Scotus, docet Scotus, Academias exornat Scotus. At ubi vivit Scotus? In orbis universi scholis & Academiis. Vbi docet? In primis celeberrimarum toto orbe Academiarum cathedris ac pulpitis. Docet in regia Parisiensi Academia, quæ ex conscriptis ab eo libris suos, ut plurimum, articulos toti orbi exposuit, & nunc etiam propugnat. Docet in alma Complutensi Academia, ubi prima sedes SCOTI doctrinam defendit ac tuetur. Docet in Salmanticensi famosissima Universitate, ubi inter cæteras celeberrimas gloriosissima est, quæ SCOTI Theologiam divinamque sapientiam, sedes proficitur. Docet Comimbriçæ, nam & hæc quoque nobilis Academia

*Locus in quibus
Scotus
hic modo ad
huc flores.*

Scot

Scoto sedem ac pulpitu[m] erexit, ut ex eo illustrem eius sapientiam, quæ auditores essent, haberent. Verbo, ut absolvam, docet in orbe universo Scotus, cuius, sententiis ac opinionibus omnium Academiarum, scholarum, canobiorum pulpita suggestusque personant. Immo docet orbem universum Scotus, à quo quicquid est unquam litteris ad posteritatem transmissum purpuratorum Romæ partum seu Cardinalium auctoritate ac decreto typis ad publicam hominum omnium utilitatem commendatur. Non ignoro *Invectio in eos qui Scotum triump-*
ingenia quædam (invidiane dicam, an dicendi libertate commota?) sed ingenia tamen quædam, *rant.*
quæ insolentiæ temeritatique suæ modum ponere nec sciunt nec possunt, suos calamos in hoc sapientiæ miraculum strinxisse. Scio nonnullos etiam nunc esse, qui cum aliquam ab inusitata sapientia, adeoque ab ipsa Eloquentia commendationem quarant, in Scorum debacchantur, stylum armant, commentitiis periodis instruunt, amplificationibus falsissimis extendunt, mordacissimis verbis aciunt, tantum non dentes aut ungues exerunt. Ita (si Diis placet) victoriam petunt, qui porrigere de se herbam palmamque coguntur. Ita triumphum ducere volunt, qui ne pugnare quidem sciunt. Quasi vero satis sit invidere, ut vincatur: satis calumniari, ut triumphetur. Tantus Sol nubeculas istas uno radio dispellit, & Ecclipsin pati non potest. Tanta Aquila dum in aere sublimi volat exsurgentes è terra vapores non sentit. Exiit ætatis senectutem, & æternæ gloriæ famæque iuventutem immortalis induit. Quid invidiam stringunt? Invidere possunt, nocere non possunt. Quid pugnam volunt? Semper à pugna victor Scotus discessit. Quid stylum vibrant? Tangi ne quidem Scotus potest. Quid convitia & calumnias eructant? sua ipsa falsitate iacent. Quanquam ne arenam rursus me-

Transductio,

*Conclusio.**Complexio.**Applausus
ad ipsum
Scotum.*


meditemur, ubi victoriæ certitudo iam triumphum adornavit, iacet, & si frenderet, invidia; ceciderunt calumniæ, reiecta sunt ingeniosa & invidiosa commenta, & iam ex operosis operibus, ex portentosis voluminibus, ex in gloriis illis libris, quicquid in Scotum invidia excogitavit, quicquid calumnia evomit, quicquid armatus livore calamus consignavit, delendum est, exterminandum, & æternæ oblivioni tradendum est. Ita veritas ipsa comprobavit, voluit, præcepit. Adeo iam orbis universus, tibi Scote, libera voce & manu applaudit; tibi, inquam, invidiæ victori, sapientiæ Regi, Theologiæ Principi, trophæum æternæ memoriæ, & immortalis Famæ libenter erigit. Ego vero parvum hoc eloquentiæ tibi devotæ Monumentum sempiternæ laudi tuæ, etsi impar dignitati, merito & ex animo pono.

—S(O)—

F I N I S.







CERTAMEN
ORATORIUM
DE
MILITARI
GLORIA

Inter septem Milites


HISPANUM, GERMANUM,
FRANCUM, ITALUM,
POLONUM, BELGAM,
HUNGARUM.

*Stylo NICOLAI VERNVLÆI
Publici Eloquentiæ Professoris
Lovanii.*



COLONIÆ;
Apud JODOCUM KALCOVIUM,

Anno M,DC,XLVIII.



Illustr^{mo} & Excell^{mo}

H E R O I

AMBROSIO
SPINOLÆ

DUCI SANSEVERINI,
PRINCIPI SARAVALLÆ,
MARCHIONI VENAFRI,
EQUITI AUREI VELLERIS,

PHILIPPO IV.

Hispan. & Indiarum Regi,
Principi Belgarum, &c.

A CONSILIIS BELGICIS,
MAGNO PALATII MAGISTRO,
SUPREMO MILITIÆ PRÆFECTO,
DOMINO SUO

Fœlicitatem & Victoriâ
precatur

NICOLAUS VERNULÆUS,



I permittis, ILLUSTRIS SIME & EXCELLENTIS SIME PRINCEPS, Ecce Castra tua subeunt diversarum Nationum Milites Septem, & ad EXCELLENTIÆ TUÆ Judicium provocant. De Militari Gloria inter se certant, & eam sibi ac suæ Nationi vindicare quisque contendit. Heroicæ sunt altæque Indolis omnes, in quibus generosus sanguis nihil nisi Militarem Laurum concupiscit. Ut autem rationum momentis in hac Arena, non gladiis aut hastis agant, Stylum ferreum ponunt, Oratorium assumunt. Ita fit, ut singuli suorum armorum merita allegent, & supremam Belli Gloriam tanquam sibi debitam deposcant. Omnes verò TE JUDICEM consensu unanimi eligunt, & stare acquiescereque EXCELLENTIÆ TUÆ Arbitrio sunt parati, quod & Te omnium Belli Ducum hoc tempore maximum, & perfectæ Militiæ Miraculum agnoscant. Imò etiam libenter eius Ducis sententiam expectant, cuius ductu & auspiciis gloriosam sanè Militiam sibi ducunt. Adeo non tantum sub SPINOLA semper vincere, sed etiam militare gloriosum est. Id fatentur & deprædicant Hispani, Itali, Germani, Galli, Belgæ, qui cum in Castris tuis tuorum armorum Gloriam admirentur, sapientissima consilia & inusitatam prudentiam quotidie suspiciant, tum EXCELLENTIÆ TUÆ libenter subsunt. Nec satis sanè quisquam Bellicosum se putat, nisi sub SPINOLA Militiæ & Armorum Magistro tyrocinium posuerit. Poloni verò ac Hungari, etsi sub Tuis signis ac vexillis hodie non sint, TUÆ

DEDICATORIA.

tamen EXCELLENTIÆ Illustre Nomen Gloriosissimâ Famâ notum ita benevolo animo venerantur, ut Militiæ Tuæ dare nomen optent, & TE ARBITRUM pro Gloria obtinenda non recusent. Adjunt enim Iudicare de singularum Nationum fortitudine, armis, & militia solum SPINOLAM posse, qui omnem armorum Gloriam insigni animi magnitudine supra Invidiam sibi vendicavit, & sub quo Nationes ferè omnes summâ solent cum laude Militare. Quod cum ita sit, ILLUSTR. DOMINE, submissis parumper EXCELLENTIÆ TUÆ fascibus, audi, obsecro, Milites hos de Gloria Militari tam gloriosè concertantes, & pro tua singulari prudentia, experientiaque, Iudica. Nemo eorum ab Arbitrio sententiaque Tua provocabit, & Gloria sibi quisque tantum assumet, quantum tribueris. Etiam summæ laudi sibi ducent, à Summo Duce laudari. Interea animos suos & arma EXCELLENTIÆ TUÆ, qua possunt promptitudine, consecrant. Ego verò, ut Deus Opt. Maxim. tam gloriosus Armorum Tuorum conatibus aspiret, & de Hostibus pro Religione, Rege, Patriâ victoriam concedat, voce & obtestor, LOVANIUM. Id. August. 1606. XXI.

AD LECTOREM



N, Lector, ad Certamente vocamus, non ut pugnes, sed spectes. Pugnant In-
 genui & Docti Iuvenes, Auditores
 mei & Eloquentia Candidati, non ut
 sanguinem eliciant, sed eloquentia spe-
 cimen exhibeant. Huic ipsi industriam
 & operam suam sub me consecrant, ut Reipublica ali-
 quando profint. Placuit in Nobili Argumento, De Glo-
 ria Militari, vires suas probare, ut tibi in primis materia
 dignitate placerent, tum ut gloriosius sese exercerent.
 Quippe de Gloria Militari certantes Gloriam quasi ve-
 runt, & cum Milites agerent, Oratores videri volue-
 runt. Suam Palladem armatam esse non ignorant, qua
 la vâ librum, dextrâ hastam teneat. Ita verò certave-
 runt, ut cum vincere singuli contenderent, nemo tamen
 sit victus. Gloriam omnes & album calculum reporta-
 verunt, Nemo nigrum. Neq; animus erat suam laudem
 ulli Nationi diminueri, sed sanè augere. Adeo laudare
 placuit, non vituperare. Tu, si vis, iudica de principatu.
 Nec mireris septem tantum in hac Arena Nationes com-
 parere. Inter Europa populos hoc certamen est, in ea verò
 qui præterea populi supremam sibi armorum Gloriam
 vendicent? Britannos scimus strenuissimos, quorum tot
 in Galliis trophæa, validissimos Bohemos & robore usque
 Martio fortissimos. generosos & se vero in hostes animo
 Burgundos, manu animoq; bellicosos Sabaudos, omni
 armorum genere præstantes Lotharingos, alios Martia-
 les omnes populos; sed qui aut septem his Nationibus ad-
 iungantur, aut sanè certare de Gloria cum iis non pos-
 sint. Tu hisce fruiere, Candide Lector, & generosis conati-
 bus fave,

CERTAMEN
HOC ORATORIUM
SUBIERUNT

Ingenui & Eruditi

JUVENES

Eloquentiæ Candidatî.

Hilduardus Daen Teneramundanus , *qui Hispanum militem egit.*

Petrus Berurier Crispiniensis , *qui Germani personam induit.*

Paulus Hermans Lovaniensis , *qui Franci partes suscepit.*

Laurentius Impens Lovaniensis , *qui pro Italo concertavit.*

Joannes Simonius Fleuricensis , *qui pro milite Polono dixit.*

Joannes Franciscus de Uroey Lovaniensis , *miles Belga.*

Georgius Schryverius Thenensis , *qui Hungarum representavit.*

III. Idus Aug. MD. C. C. XXII.


LOVANI
IN PUBLICA
ARTIUM SCHOLA

Speſtante & Audiente Academia.

CENSURA.

O Ratorium hoc de Gloria Militari
Certamen, cùm incruentum sit, sine
mutilationis atque irregularitatis periculo
aniri, & ubi voles, renovari poterit. lectum
sanè non minus elegantia styli, quàm Hi-
storica narratione placebit.

GUIL. FABRICIUS, Apostoli-
cus ac Regius Librorum
Censor,



CERTAMEN
ORATORIUM
DE
GLORIA MILITARI.

ORATIO I.

Hispani Militis.



IN Arenam igitur hodie, si Diis placet, Hispani provocamur. Provocant Germani, Galli, Itali, Poloni, & ne quid pudori desit, etiam alii Populi minores. Sanè dubia esse militaris Laurea nō potest, quæ Hispanorum semper vertices coronavit: quoniam tamen eam nobis invidere, eripere cæteri non possunt, in Arenam, per me equidem licet, descendamus. Hispanorum ea laus est immortalis alios vincere, aliorum gloria est vinci ab Hispanis. Sed pudet hodie linguâ, non gladio certare, neque enim Hispanorum est verbis gloriam quærere, sed armis. Daveniam & ignosce, ô Bellatrix & utriusq; mundi victrix Hispania, ego hodie miles tuus, tuam Gloriâ propugnabo, quam eripere tibi nunquam illa olim Romanorum arma potuerunt, tantum verò ducētis annis tuas provincias utrumq; labefactaverūt.

Nemo unquam Hispanicus est appellatus, quia nemo unquam te vicit. Tuam amicitiam cum per Legatos Magnus Alexander accepisset, tum sibi prius rerum omnium Dominus est visus. Te cum aliquando pacavisset Julius Cæsar, inter præcipua suorum Militum decora connumeravit. In te cum defectionem aliquam Augustus Nero intellexisset animo fracto collapsus, actum esse de se pronunciavit. Unica tantum urbs tua Numantia Imperii Romani terror est appellata. Tanta olim fuisti, tanta hodie, imò maior est, ô Hispania, & tamen quæ te Gentes omni ætate horruerunt, tecum ecce de Militari Gloria certare concupiscunt. Ceremus. Quæritisne, vos Populi, quibus maioribus orti simus Hispani, qui Militaris Gloriæ laurum nobis vendicamus? Iis sanè, quibus militares equi & arma sanguine ipso erant chariora. Qui assueti erant

Non vitam sine Marte pati, quippe omnis in armis

Lucis causa sita, & damnatum vivere Paci.

Quibus corpora ad inediam erant & laborem parata, animi ad mortem. Qui in acie cum essent, tanquam vitâ gloriosè excelluri, exultabant; cum in morbo, tanquam turpiter & miserabiliter perituri, lamentabantur. Quibus cum aliquando Porcius Cato quorundam offensus rebellione arma ademisset, cum nullam ipsi sine armis vitam arbitrentur, ultrò sibi mortem consciverunt. Quis Cantabros (Biscainos hodie appellamus) unquam ignoravit,

—— *Hyemisq; æstusq; famisq;*

In victos, palmamq; ex omni Marte ferentes?

Illi maiores sunt nostri , qui ne servitutem aliquando servirent, igne ferro, veneno à captivitate sese vindicaverunt. Quis Astures, bellicosissimam sanè Gentem, non audivit? Illi maiores sunt nostri, qui Augustum trepidare sub armis fecerunt; qui excusso Maurorum iugo universam continuis bellis Hispaniam recuperaverunt. Quis Viriatarum, qui Romanos quatuordecim annis variâ victoriâ fatigavit, & vincinisi dolo non potuit? quis Lusitanos, qui eorundem Romanorum potentiam sua virtute concusserunt, non omni ævo est admiratus? Hi maiores sunt nostri, tanti illi ac tales Hispaniæ populi, apud quos cæterorum populorum Duces militiæ tyrocinia fecerunt; quorum virtuti cessit Græcia, cessit Asia, cessit Oriens & Septentrio, dum Romanorum arma iuverunt. Nec nos hodie vel animis vel armis ab eorum Bellica virtute degeneramus, quam cum luce nascentes haurimus. Tanti illi ac tales olim extiterunt, tanti hodie ac tales sumus Hispani, ut non immeritò, (audite vos, & audiant posterì) universus credat Orbis Hispanum unum quatuor Germanis, tribus Gallis, duobus Italis æquivalere. Addo etiam plus in unius Hispani manu roboris esse, quàm in Turcarum, aut Indorum, aut Barborum aliorum decem lacertis. Nimirum nos hominum genus sumus robustissimum, & laboris ad arma patientissimum. Nobis inedia, vigiliæ, sitis, fames, sudor, & ad omnem militiæ disciplinam, obsequium ita ludus est, ut præcipuæ virtutis partem esse malis ac periculis non fatigari credamus. Animi nostri graves sunt; ac cum pondere quodam generosi, ut cum ad om-

nia pericula pervicaces existamus, tum ne tēpore
quidem aut tēdio vincimur. Quem semel locum
insedimus, hunc semper ita retinemus, ut amoveri
non possumus. Hæc est Hispanorum constantia.
Modicus plerumq; panis iam assuetis rigidissimæ
virtuti corporibus nostris sufficit. Hæc est Hispa-
norum frugalitas. Mutuò nos ut fratres diligimus,
laceros Commilitones libenter vestimus, ægros
benignissimè iuvamus, novitios & in numerum
nostrum militari sacramento receptos erudimus,
ac peccantes humanissimè corripimus. Hæc est
Hispanorum charitas. Nullæ inter nos sunt turbæ,
nullæ in Regem aut Præfectos seditiones, & extre-
ma pari potius in votis est, quàm tumultuari. Hæc
est Hispanorum fides, qui cū se Ducibus aliqui-
bus devoverunt, non prius fidem apud eos, quàm
vitam relinquunt, unaq; cum iis moriuntur. Ideo
tantopere illis Hannibal fidebat; ideo Pompeius
sui exercitū illos robur constituebat; ideo Nu-
midæ Rex Iuba & Octavius Augustus ad suorum
corporum custodiam adhibebant. Quanta est erga
Deum Hispanorum fides, tanta profectò est er-
ga Reges ac Duces. Quæritis quis sermo sit no-
ster? De officio Milirum ac Ducum, de obsequio,
de honore, de virtute, de armorum gloria, de vi-
ctoriis ac triumphis. Quæritis quātum sit ac quàm
promptum obsequium? Nemo nostrū, quanquā
nobilissimus, minimi etiam imperium detrectat.
Et cū in remotissimas alioque Sole calentes Re-
giones à Regibus nostris ad oppugnandos Barba-
tos quotidie mittamur, ita prompti, ita obsequen-
tes, ita alacres abimus, ut sine sanguine pulvereq;
rem

tem domi non foris gesturi videamur. Atque hæc
cum in nobis Hispanis sint virtutes, tum felicitàs
quædam incredibilis, & suavissimus fortunæ fa-
vor comitatur. Ipsa terra, ipse Oceanus, ipsum
etiam nobis cælum famulari videtur. Nec nos se-
quitur tantum fortuna, sed vota nostra præcedit,
supra vota nostra volitat, & plusquam velimus, li-
beraliter elargitur. Dicam sine fastu, quod sine
admiratione audire Orbis non potest. Nullius un-
quam ætatis, sæculi, Nationis imperium ita ex-
crevit, cuius felicitàtem Hispanorum virtus ac
fortuna non antecellat. Enimvero Duces aliquos
nostros imprimis, tum Milites videte, ut quanti,
qualesque simus Hispani, cognoscatis. Non fabu-
losos hic Annales evolvō, sed nostræ memoriæ
ætatis executio. Hispanorum Dux fuit Gonzalus
Ferdinandus Aquilarius, Dii boni, quantus Vir?
Neapolitanum Francis regnum eripuit, & ab ho-
ste Ludovico duodecimo torquem auream acce-
pit. Hispanorum Dux fuit Ferdinandus Alvarez
Dux Albanus. O noster ille Cæsar! Ab eo territa
Gallia est, defensa Hungaria, pacata Germania, vi-
cta Africa, cōcussum Belgium, castigata Hispania,
superata Lusitania, & illa Mundi Domina Roma,
cum capere eam posset ac noller, contempta. Hi-
spanorum Dux fuit Petrus Enriquez Comes Fon-
tanus, qui in medio belli duplicis ardore oppida
invicta vicit. Hispanorum Duces fuerunt Christo-
phorus Mondragonius, & Alvarus Sandæus: illius
ferre præsentiam nunquam hostes potuerunt; hu-
ius memoriæ etiam nū hodie immanissimi Turcæ
venerantur. Noster fuit Antonius Leva Consilio

Marteque insuperabilis. Noster est Illustrissimus Ludovicus Velascius, Equitum Magister, cuius generositas omnem hostilium armorum vim aspernatur, & dum metum excludit, vinci nequit. Tantum est eius nomen, tanta virtus in armis. Noster fuit Ferdinandus Cortesius, qui omnium post homines natos Imperatorum gloriam superavit, Noster fuit Franciscus Almeida, qui Campsonis Ægyptii Sultani classem profligavit. Noster fuit Alphonfus Albuquerque, qui Goam, Malacam, Calecurum occupavit, Turcas toties & Saracenos non minùs gloriôsè, quàm fœliciter fudit. Nostri fuerunt Suarii, Sequeræ, Menesii, Gamæ, Sampasii, Cugnæ, Norognæ, sexcentialii, Hercules omnes, omnes Hectores, omnes Achilles, Bellorum nuper fulmina, nunc gloriæ æternum victuræ miracula. Et tu noster es, ô victoriosissime Consalves de Cordua, cuius gladium nunquam hostis vidit, quin sanguinem & vitam amiserit, cuius manu totilli frustra suscepti ab Exrege illo Frederico Palatino & Mansfeldio conatus reprimuntur, Cæsarea Regiaq; autoritas asseritur, divina vindicta propagatur. Sed ad Milites nostros veniamus. Profectò quot Hispani sunt Milites, tot esse Duces deberent: tanta virtus est eorum, tanta fortitudo, ut vinci vix unquam possint, vincere semper, etiam contra spem omnium & opinionem soleant. Vos Germani, numquid illos adhuc Hispanos admiramini, qui bello Saxonico vestibus exutis per medios tormentorum ac scloporum iectus, gladios ore transversos deferentes, natando errantes in Albi flumine naves assecuti triginta
quia-

quinque ex hostibus caesis in citeriorem ripam adduxerunt? Vos Franci, numquid illos adhuc bis mille Hispanos laudatis, qui ex clade Ravennatensi iustis ordinibus abeuntes insequentem hostium equitatum vicerunt, & ipsum Gastonem Foxium victorem interfecerunt? Quid quòd Hispanorum quatuor millia Sandæo Duce ab hostium Maurorum viginti millibus sexies viribus omnibus petita media in Barbaria suorum octoginta duntaxat amissis, hostium caesis octingentis victoriam reportaverunt? Quid quòd paucissimi Horuccium Barbarussam Algerii Regem per medias Mauritaniæ solitudines fugientem, ac frustra, ut remoraretur, aurum spargentem fortiter occiderunt? Quid quòd Lusitaniam buccellato tantum victitantes, nullâ urbium prædâ concessâ quinquaginta dierum intervallo subegerunt? Nec immeritò ingeminabant ipsi, eo se modo Lusitaniam cœpisse, quo cœlum acquiritur, aquam bibendo, panem comedendo, ab alienis rebus abstinendo. Obstupefcite sanè, & quæ dicam, audite. Sub Francisco Pizarro quadraginta quinque Equites, & Pedites viginti quinque Hispani, quadraginta Barbarorum armatorum millia profligaverunt. Hic Hispanus unus adversus quadringentos ac plures pugnabat. Sub Ferdinando Cortesio quingenti Pedites & Equites quindecim Hispani, contra Barbarorum millia centum quinquaginta victores nullis suorum amissis extiterunt. Hic unius manus adversus quingentos dimicabat. Sub Odoardo Pacieco septuaginta duntaxat Lusitani quinquaginta septem millia Arabum Indorumque fude-

euderunt. Sub Almcida novendecim Hispanorum
 naves, hostiles centum omni armorum militumq;
 genere instructissimas superaverunt. Sub Ferdi-
 nando Gundisalvo trecenti duntaxat Hispani Al-
 mansarem Africæ Regem & sexaginta cum eo ar-
 matorum millia deleverunt Froila cum parva ma-
 nu Saracenorum millia quatuor & quinquaginta,
 Alphonsus Castus septuaginta, Ranimirus octo-
 ginta prostraverunt. Et verò, (obstupeſce poſteri-
 tas) cum pauciſſimis ac nullis ferè copiis, Mahu-
 metanorum ducenta millia Rex Alphonsus cecidit,
 viginti quinque tantum è ſuis deſideravit. Ita
 Hispanorum ubique conatus victoria coronat, &
 eorum virtus ubique de Fortuna triumphat. Nos
 Africæ compedes iniecimus, nos Aſiam fræno re-
 nemus, nos Europam ferè totam imperio premi-
 mus; nos Indias utraſque, nos Americam & innu-
 meros in ea Reges ſubiugum miſimus; nos Anti-
 podibus alio pene ſub Sole poſitis, & hominibus
 ipſa Barbaria magis Barbaris ius dicimus. Nos Or-
 bem alium à nobis inventum gubernamus, & ſi
 novi exiſtant Anaxagoræ, qui novos atque adeo
 infinitos conſtituant Mundos, dabit noſtra Hiſpa-
 nia novos Alexandros, qui vincant & adminiſtrèt.
 Adeo iam illud in univerſi Mundi conſeſſione po-
 ſitum eſt, omnium fortiſſimos, bellicoſiſſimos, vi-
 ctorioſiſſimos eſſe Hiſpanos, quibus nec fortuna
 dominari poſſit, nec mors. Quippe;

*Prodiga gens animi, & properare facillima mortem,
 Namque ubi transcendit florentes viribus annos
 Impatiens a vi ſpernit noviffe ſenectam,
 Et ſati modum in dextra eſt.*

Cedite igitur, cæteri Populi, & Fortunæ Victores,
Mortis Contemptores, Rerum Dominos Hispanos agnoscite. D I X I.

O R A T I O II.

Germani Militis.

NUnquam sanè virtute ulla reliquis cedere Nationibus Germanorum fuit. Quidquid virtutis est, quidquid virilitatis, animo & ipso nomine induimus. Germani sumus, hoc est, Bellaces viri: Alemanni sumus, hoc est, toti viri. Et erunt aliqui, de fortitudinis Bellicæ Gloria contendere cum Germanis audebunt? Nihil Herculi cum larvis, nihil Leonibus cum formicis. Date Alexandros, date Pyrrhos, date Augustos, murium ac ranarum sunt eorum res gestæ toties inflatis buccis decantatæ, si cum nostris bellis comparentur. Tantas res gessimus, quantas audere vix hominum est, perficere nullorum, nisi Germanorum fuit. Non nostrum equidem est in maioribus nostris gloriari, maiores enim nostros virtutibus adæquamus, & generosi, nunquamque degeneres posterì nova gloria partam ab illis gloriam augemus. Quod si tamen eorum vel repetita tantum mentio silentium cæteris imponere possit nationibus, aliquam sanè parvamq; faciamus. Quinã igitur erant prisce illi Germani? Illi apud quos, Tacito teste, seutum reliquisse, flagitium erat enorme; quorum Principi virtute à quoquã vinci turpe; quorum populo virtutem Principis non adæquare turpissimum: infame verò in oëm vitam ac probrosum superstitem.

Prin-

Principi suo ex acie recessisse : illum defendere, tueri, sua quoque fortia facta gloriæ eius assignare, præcipuum erat Sacramentum. Sed iterum. Quinam igitur ac quanti maiores illi nostri vixerunt? Qui Gallis terribiles essent, Romanis formidabiles. Tanti verò, ut cum de transmittendo Rheno cogitarent, atque in Galliis lamentabili voce ingeminaretur : Adsumt, adsumt Germani, confestim ibi omnes trepidantes fugam arriperent, in speluncas confugerent, atque ibi delitescerent multis lacrymis impendens sibi fatum deprecarentur. Atque ideo provoluti aliquando ad Cæsaris pedes Galli multo fletu, ut se contra Germanos tueri vellet, efflagitaverunt. Tanti, inquam, ut Romani ne vultum quidem Germanorum intueri, ne coeulorum aciem ferre possent. Si quandoq; vel solum nomen audirent, tori timore quodam exhausti mulierum instar lachrymabantur, discedendi veniam à Ducibus suis postulabant, aut si pugnandum tamen esset, in tabernaculis suis abditum primò fatum suum querebantur, tum quia è pugna redeundi nulla spes erat, totis castris testamenta condebant & obsignabant. Nolo hic Antiquitatum ultimarum Reges advocare, Tuisconem, Mannum, Ingævonem, Hermionem, Istævonem, Suevum, Marsum, Vandalum, Gambrinium: de tota ipsa gente nostra loquor. Invicti erant olim Germani, incredibili virtute atque armorum exercitatione robustissimi, ac tales, qui intra annos quatuordecim nullum omnino testum subirent. Tales, inquam, ut nemo se olim cum Germanis virtute compararet : nemo in terris esset,

set, quem superare illi non possent : immò verò iudicium Antiquitatis audite) ne Dii quidem immortales Suevis nostris pares essent. Fuerunt è Germania nostra Normanni illi bellicosissimi, non obsequiis, sed armis semper magni, qui tam late nominis sui terrorem omnibus penè populis impresserunt, ut ad eorum vim avertendam Ecclesia supplicationibus indictis Deum deprecaretur. Prodierunt è nobis Gothi Vandalique, & quicunque unquam bellis formidolosi extiterunt, vel Germani fuerunt, vel à Germanis oriundi. Illi sunt, qui Julio Cæsari in Campis Pharsalicis victoriam pepererunt. Illi sunt, qui Quintilium Varum, & cum eo legiones media in Germania tam gloriose profligarunt, ut vota pro meliori imperii statu ab Augusto Romæ nuncuparentur. Illi sunt, qui à Romanis mundi victoribus vinci nunquam potuerunt, victores eos cæterorum semper vicerunt, eorumq; luxuriantem plerumq; & superbiæ peninis altius evolantem fortunam cohibuerunt. Dicam cum Poëta, illi sunt,

Illi terribiles, quibus otia vendere semper

Mors erat, & requiem, & fœdus mercede pacisci.

Quibus, inquam, ignaviæ inertiaq; dabatur sudore id acquirere velle, quod effuso sanguine poterat gloriosius comparari. Et verò ut non maioribus dumtaxat nostris, sed etiam nobis militarem deberi lauream manifestemus, an non natura ipsa bellicosi sumus Germani, & ad arma capessenda tractandaq; cum primis idonei? Eximia nobis sunt proceraque corpora, oculi minaces, truces vultus, aspera vox, fractumque ad terrorem concitandum mur

murmur. Vis ipsa mentium nostrarum excelsa, & ad æternos labores robusta; adeo nihil est tam arduum, tam durum, quod pertinacem Germanorum patientiam fatiget. Quæcunque in nobis virtutes sunt, viriles sunt & Germanæ. Ignota nobis est perfidia, etsi venali fortitudine stipendia quandoque sub externis mereamur, validum est & vegetum ingenium, sed fraudis nescium, quippe decipere sincera Germanorum simplicitas ignorat. Ut candidi animi sunt, ita virtutes, ita facta; nec alienam gloriam maligno livore delibamus, sed veris sincerisque præconiis extollimus. Audiant ætates meæ omnes & Nationes. Quicumque Germani nascimur, Milites nascimur & bellicosi, quorum in lacertis robur est, in pectoribus fortitudo, in manibus pugna, in gladiis victoria. Imperterriti ad arma sumus, & cum pugnandum est, prima in acie collocamur, cum subsistendum ad machinas, quas nemo prius eripiet nobis, quàm super eas certos amputabit. Aut hostem invadere, aut hostilem impetum sustinere, infringereque eiusdem est Germanorum virtutis: vallum autem transcendere, fossas superare, in muros insilire summam sempiternæ gloriæ ducimus occasionem. Si quis se, si quis suos malè forsan mulètari desiderat, pugnet, vetus inquit Proverbium, cum Germanis. Quamobrem verò? Quoniam nemo unquam Germanorum gladios irritavit, qui non eosdem suo sanguine purpuravit. Nec Ducibus unquam præstantissimis, nec Militibus fortissimis destituta unquam Germania fuit. Glorietur superba illa Græcia in Miltiade, Themistocle, Aristide, Alcibiade, Thra-

Thrasibulo, dedimus maiores illis Ottones, Carolos, Henricos, Harminios, ætatum omnium quædam prodigia. Superbiant ambitiosissimi Romani in Scipionibus suis, in Pompeis, in Cæsaribus; nos Donrados illis & Fridericos opponimus, quorum gladios nunquam illi intueri potuissent. An non ipse de Germanis testatus est Pompeius, Solos illos fide & armis Gentibus omnibus præstare? An non Claudius quoque Imperator nullos mortalium ante Germanos fide aut armis reperiri probavit? Quippe una est Germanorum dextera fidei sedes & instrumentum victoriarum. Quippe soli sunt Germani, qui dolum & astutiam execrantur, frontem ac mentem gerunt apertam: deliberant dum fingere nesciunt, constituunt dum errare non possunt. Existat hic Wilhelmus ille Senior Dux Lunenburgensis, Dii boni! quàm illustris Heros? Nunquam ex prælio nisi partâ victoriâ recessit, & septē victoriis splendidissimis nobilitatus Victoriosi cognomen reportavit. Existat ex Brunsvicensi Familia Senior Dux Ericus. O Illustrissimum Germaniæ decus! Decies collatis signis in acie stetit, conflixit, vicit. Plusquam vigesies pinnacula murosque hostium ipse conscendit, invasit, superavit. Baucrica in pugna Imperatorem Maximilianum clava ferrea graviter percussam, & iam succumbentem sua manu erexit, servavit, suis restituit, ipse lethale pro illo vulnus reportavit. Existat hic Henricus Quartus Imperator, ille Maiestatis Imperii acerrimus sanè vindex. O quis illi unquam ex omni Antiquitate par esse possit! Bis & sexagies acie dimicavit, sæpissimè victor, nunquam alias asper-

asperrimis bellorum & hostium difficultatibus animum despondit. Deficerem hic apud vos profecto, si plures alios è Germania nostra Duces, Othones, Ludovicos, Wolfgangos, Fredericos, Albertos, Maximilianos, alios innumeros commemorarem. Illi inter homines non tam homines existerunt, quàm divini quidem Heroës, qui ante mortem fato æternitatis cõfessionem eripuerunt, & à quibus Virtus Fortunaq; nominis ac famæ æternitatem accepisse videntur. Una velut in Tabula Germanorum Ducum ac militum, obsecro vos, fortitudinem videte. Obsederat elapso sæculo Solymanus Austriæ Viennam nondum propugnaculis, ut hodie, munitam. Trecenta hominum millia aquâ terraque urbem cingebant, interclusa omni ex parte erant itinera, in urbe verò sedecim duntaxat Germanorum millia Philippo Palatino ac Nicolao Comite Salmio Ducibus, qui immanem illam ac Barbaricam molem exciperent. At quis exitus tandem? Turcæ vigesies summa vi muros urbis sunt aggressi, sed & vigesies à muris ita generosè reiecti, ut de fuga summo nominis Othomannici decore cogitare, urbem amplius tentare non ausi, aut Germanorum vires experiri, debuerint. Tales ac tanti sunt Germani, ut eorum millia sexdecim, immanissimorum Turcarum trecenta millia profigent, & in fugam turpissimam convertant. Verè, verè dicere aliquando potuisti, ô Imperatorum Maxime Carole Quinte, id esse Germanos in exercitu, quod pectus est in corpore humano. Utenim ab hoc vis est omnis & vita, ita ab illis omne robur & victoria. Verè tu etiam

Rudolphe, et si magnâ fiduciâ, dixisti, te qualibet in mundi parte cum Equitum Germanorum quatuor millibus & Peditum quadraginta stare invictum posse. Verè tu quoque Stephane Secunde Ingolstadiensis, nullum esse Bavarum, sed ego addo, nullum esse Germanum militem asseveravisti, in cuius sinu solus & inermis dormire tutò non posses. Nimirum ita invicti sunt Germani, ut in eorum sit manu cæterorum salus & tutela. Et quemadmodum reliquæ omnes ab iis Nationes Nobilitatem acceperunt, ita Virtutem, ut quidquid præclare gerunt, debeant acceptum Germanis. Nullæ sine eis sunt expeditiones, nulla sine exercitu Germanico bella, quod intelligant Principes omnes & Reges, vix sine Germanis victoriam ullam esse posse, qui de omnibus ferè Nationibus victoriam aliquam reportaverunt. Ita placet ordo, quem nunquam deserunt; placet incessus, qui gravis est & firmus; placet constantia, quæ nullius audaciæ vi labefactatur; placent Germani Pedites, & illi Suevi, Westphali, Tyrolenses; placent Germani Equites, & illi Brunsvvicenses, Clivenenses, Franconienses. Quorum omnium si quis fortitudinem nondum adhuc satis exploratam habet, recordetur, quòd cum anno supra millesimum quingentesimo Potentissimus Moscoviæ Dux in Livoniam cum Moschovitarum centum, & Tartarorum triginta millibus irruisset, ei Bellicosissimus ille Waltherus à Pertenburgo Summus Theutonicorum Magister obviam prodierit, qui cum sub signis septem tantum Germanorum millia, & quinque Livonicorum haberet, centum hostium mil-

millia una acie prostravit, & uno suorum amillo invidendam omni antiquitati victoriam est consecutus. Non possum immortalia Germanorum facinora his angustiis brevissimi temporis complecti: gaudeo verò, ac mihi gratulor, quòd Germanus sim, eiusque Gentis, quæ quemadmodum Imperii Aquilam & supremæ in terris Maiestatis fastigium habet, ita bellicæ laudis, & militaris fortitudinis lauream possidet. Cedite igitur, Populi omnes, Maioribus vestris ac Parentibus Germanis.

D I X I.

O R A T I O III.

Franci Militis.

Quodd si hodierna die ita Fato quodam eveniret, ut veteres illi Romani Rerum quondam Domini militarem lauream bellicosissimæ Nationi consignare deberent, dubium profectò non est, quin eam eorum iudicio tanquam omnium populorum fortissimi victoriosissimiq; Franci reportarent. Nam cum illi de gloria cum Nationibus cæteris non rarò dimicarent, tum cum Francis de salute certabant. Nimirum belligloriâ Gallos ante Comanos esse, ne ipsi quidem Romani dubitabant; suam verò ab eorum armis salutem vindicare, hoc opus, hic laborerat. Atque idcirco cum exorta aliqua belli Gallici tempestas erat, nulla conditio vel ætas ab armis excusabatur, ipsique sexagenarii de pontaniqu; Senes, & Sacerdotes in militiam conscribebantur. Usque adeo Romanis terribiles erant Galliæ nostræ Populi. Illi, inquam,

quam, illi fortissimi Populi, qui Romam aliquando Brenno Duce suis in cineribus sepeliverunt; qui Græciam & Asiam summa virtute pervaserunt; à quibus olim Reges, etiam non laceffiti, ingenti pecunia pacem emebant; suis autem Regnis exuti pro restitutione ad eos confugiebant. Quasi turba esse Maiestas, vel amissa recuperari sine Gallica virtute non posset. Ita omni ætate pugnaverunt ut fortissimi, vicerunt ut fortunatissimi, bellicæ laudis famâ supra omnes claruerunt ut illustrissimi. Quorum fortitudinem si testari vobis ex veteris memoriæ Annalibus vellem, producerem prius illos Celtas, qui collabentibus ædificiis sese opponebant, Oceanum inundantem sustinebant, fluctuum impetus protensis gladiis & hastis excipiebant. Sed istam summam amentiam ac temeritatem non admiror. Producerem generosos illos Gallos, ex quibus cùm aliquando Alexander Magnus quæsisset, Quidnam tandem in rebus humanis præ cæteris extimescerent? Unum hoc, inquiunt; ne cælum fortassis in nos ruat. Adeo non illam Alexandri magnitudinem formidabant. Sed ista nimis etiam antiqua relinquo. Prodeât potius Orgetorix. Divitiacus, Vercingentorix, qui suis gladiis Cæsaris animum & arma hebetaverunt. Prodeant Brenni, quorum unus Romam expugnavit, alter Europam Asiamq; perterrefecit. Prodeat Bayardus, illè Hostium omnium terror, qui non aliter quàm conversa ad hostem facie mori desideravit. Prodeat Bertrandus Guesquinas, qui Petrum Castellæ non Regem sed Tyrannum Regno privavit. Prodeat Pipinus, qui Italiâ Longobardos

bardos eiecit. Adsit etiam Gasto Foxius, qui campos Ravennatum tam insigni victoria nobilitavit, & victoriæ trophæum fatali sanguine suo irrigavit. Adsit Blasius Monlucius, cuius Gloriæ tantum invidere fortuna non potuit, ut vel semel vinceretur. Adsit Mathurinus Scutus Romegasius, cuius nomen ac dexteram ita universus aliquando Oriens exhorruit, ut hoc etiam tempore pro terriculamento suis infantibus marres ejus nomen inclament. Nihil interim dico de Paulo Thermo, cuius in armis prudentia miraculo fuit; nihil de Ossunio, cuius pugnacitas nunquam est fatigata; nihil de Carolo Cossæo Brissaco, cuius felicitas omnium prudentiam superavit. Hi omnes è Francia nostra ita Duces exsiterunt, ut sua fortitudine facilè Orbi universo bellicosissimos omnium esse Francos probarent. Quanam ætas autem non dico superiorem, sed parem Carolo Martello unquam protulit, qui anno supra septingentesimum trigesimo trecenta & octoginta Saracenorum millia una acie elevit, mille tantum è suis & quingentos, hoc est, pro ducentis ac triginta hostibus unum amisit? In hoc uno gloriari profectò Franci possemus, nisi tot eiusmodi fuissent & essent adhuc apud nos victoriosissimi Heroës, quot optare, nedum sperare ceteræ Nationes auderent. Quanta & quàm admiranda bellorum fulmina, Clodovei, Dagoberti, Philippi Augusti, Roberti, Henrici Secundi? Quàm illustre Franciæ nostræ Decus Carolus Magnus, cui Antiquitas parem dare non potest, posteritas nunquam inveniet superiorem! Enimvero non ea

tantum est virtus Ducum, etiam eximia Militum est virtus. Testis est Italiae fulmen Hannibal, cuius omnes ferè victoriae Gallorum virtute sunt partae. Illi ad Trebiam, ad Trasimenum, ad Cannas spectantibus Carthaginensibus vicerunt. Testes sunt fortissimi illi triginta Galli, qui Mauro- rum Equitum millia duo Africano bello loco suo pepulerunt, inque oppidum summa cum laude sua coegerunt. Testes sunt illi, qui in Alvarici oppugnatione tam gloriosam mortem obierunt. Stabat ante urbis portam unus, inq; ignem è regione turris sevi ac picis glebas proiciebat, sed mox scorpione ab latere dextro traicitur. Vix conciderat, ea proximis unus succedit, occiditur; occisi in locum tertius adest, tertium subito quoque deiectum quartus subsequitur; nec prius vacuus à propugnatoribus relictus est locus, quam submotis omni parte hostibus finis est tandem pugnandi factus. Adeo nec Scævolæ, nec Curtii, nec Horatii Franciæ nostræ unquam defuerunt. Vincere aut mori ea demum est Francorum Gloria, Nec ætatem excusamus, nec accusamus: semper Franci floremus, & in æterno sumus robore, seu iuvenes, seu senes. Etiam in senibus iuventutis est robur, & extremam ætatem vivida virtus in quandam commutat iuventutem. Nec ille profectò dixit malè, qui Francum virtutem Heroicè animatam appellavit. Quis in orbe toto angulus est, in quo non Francorum aliqua sit laurus? quæ Regio, in qua non trophæum? quæ Provincia, in qua non triumphus? Totum orbem nostra sumus virtute complexi, & terram universam victorioso

semper pede tamquam nostræ subiectum virtuti theatrum perambulavimus. Ignea mens Francis est, & in universum omnes armis insuevimus. Si tubarum clangores exaudiantur, stamus impavidi; si hostium pereuntium ac perdentium clamores tollantur, stamus imperterriti; si celorum ac gladiatorum fragores, si terrifici machinarum ignitarum boatus tonent, gestientes lætitiâ exultamus. Loricæ, gladii, hastæ, sclopi, delitiæ sunt nobis.

— Pro Regibus ire

In pugnam & gladios, & morti occumbere dulce est,

Sub Dio ad sydera somnum

Carpere, fuscari Sole & ferrugine pulchrum est.

Pulvere conspergi, gravibus sudare sub armis,

Hoc unum est Francis votum.

Et verò cum Gens nostra armis sit strenua, tum Equestri certamine optima est, ignara perfidiæ & indomitæ intra se virtutis. An non Parthi, cum eos Antonius bello laceggeret, coërceri frangique aliter, quàm nostro Equitatu non potuerunt? An non Carolus Quintus omnium qui extiterunt unquam Belli Ducum maximus ac fortunatissimus cursum illum victoriarum suarum Francorum virtute sisti tum animadvertit, cum in obsidione Metensi, qui antea, Plus ULTRA, iactitabat, metas invenit? Hic ille bellicosissimus Guysius noster tanto Imperatori satis declaravit, plus paucorum Francorum fortitudinem posse, quàm universam Germaniæ potentiam. An non Turcarum immanissimorum Imperator tantopere Francorum nostrorum vires ac virtutem extimescit,

ut aliquando per legatos & literas suas officiorum ac benevolentiae plenissimas à Rege nostro Christianissimo postularit, ut Francos gravissimo edicto suo ab Hungarica militia in Franciam revocaret? Nimirum nihil poterant eius vires, ubi Francorum vires resistebant. Nimirum iam Mercurii Ducis, cuius armis Regalis Alba cessit, virtutem invictam perhorruerant: iam Vaubecourii Baronis & inclyti Ducis potentem dexteram, quam amisso Javarino senserunt, nimium extimuerant. An non ii sunt Franci, qui susceptis tot in Terram Sanctam Expeditionibus Barbarorum multoties effrenatam audaciam refrænarunt, & insultantem Christianis eorum fortunam fregerunt? quæ media in Asia victoriarum suarum trophæa fixerunt? qui Ecclesiæ Dignitatem adversus Barbaros propugnarunt, & eius imperii fines superstitione deleta protulerunt? Dicat hic Magnus ille, & Divus Gregorius, Quinam sunt Francorum Reges? Reges, inquit, Francorum sunt, qui se semper pro populo Christiano tanquam murum inexpugnabilem opposuerunt. Dicat Honorius Tertius Pontifex, imò de toto Regno nostro loquatur: Regnum, inquit, Franciæ est quasi pharetra, quam Christus sibi circa femur accinxit, ex qua sagittas electas extrahens, ipsas, ut sibi Gentes & Regna subiiciat, in arcu brachii potentes emittit. Dicat verò Carolus Quintus Imperator, quanti ac quales sunt viri omnes in Francia militares? Ego, inquit, cum aliquando à Tiercellino, quot diebus Pedemontium Parisiis abesset, quæ sivilsem: Si dies, inquit, singulos pro pugnis accipis, duodecim

omnino sunt: nam tibi duodecies, priusquam Parisios attingas, cum exercitu novo pugnandum erit, nisi primâ fortasse pugna statim occumbas. Atque hoc est, quod dicere Laurentius Medices frequenter solebat, Galliam, si suarum sit generarum virium, totum in angustias cogere posse terrarum orbem. Compescuit noster Merovæus Attilam, vicit noster Clodovæus Gothos, subegit noster Childebertus maiorem Hispaniæ partem, subiecit sibi noster Carolus Octavus non totis quinque mensibus Italiam, redegit sub Imperium suum noster Ludovicus Duodecimus totam non integro mense Lombardiam, devicit noster Franciscus Primus memorabili ad Melenianum pugna Helvetios, domuit noster Clotarius indomitos antea Saxones. Carolum nostrum Magnum Scotiæ, Gallitiæ, aliarumque Provinciarum Reges tanquam subditi coluerunt. Verbo dicam, Franci vicimus Orbem. Dicat nunc Guilielmus Brussus in Hispania se Præsules vidisse, in Polonia Nobiles, in Anglia Agricolas, in Germania Principes, in Italia Palatia & Antiquitatum monumenta, in Francia Milites. Verè enim, verè in Francia Milites sunt, sed quibus aliarum Nationum Belli Duces non sanè palmam eripiant. Verùm ut inter tot militaris Gloriæ nostræ monumenta aliquando conquiescam, vobis, quotquot hic estis certantes Populi, unum oppono Henricum Quartum, & eius meritis supremam pro Francis lauream depono. Ille è tribus iustissimis præliis, è quinque & triginta armatis congressibus, è quadraginta supra centum præliis regiâ pugnatis manu, è trecentis loco-

locorum oppugnationibus totus semper laureatus
discessit. Date superiorem, immò date parem, aut
Gloriæ bellicæ fasces Ducibus Militibusq; Francis
submitтите. D I X I.

O R A T I O IV.

Itali Militis.

CRedideram profectò iam olim satis Romam
docuisse, nihil Italise esse bellicosius, quorùm
virtus non alios potentiæ suæ terminos, quàm O-
rientem Occidentemque constituit, & qui om-
nem Asiæ, Africæ, Europæque florem suo Imperio
complexi terrarum Orbi frænnum iniecerunt. Ni-
hil olim notius orbe toto, quàm Italicorum armo-
rum magnitudo, cui vos Hispani aliquando cessi-
stis, quam vos Germani horruistis, quæ vos Galli
fracti estis, cæteræ concussæ subiugatæq; Natio-
nes. Ter centies & duodecies in principe urbe no-
stra de diversis mundi Provinciis triumphavimus.
Trecentis hominum millionibus uno aliquando
tempore vi armorum imperavimus: supra centum
ac quinquaginta auri milliones in annuis rediti-
bus eorundem armorum potentiâ nobis consti-
tuimus. Adeo ut verè fuerit olim

Terrarum Dea Gentiumq; Roma,

Cui par est nihil, & nihil secundum.

Quæ

Nunquam succubuit damnis, & territa nullo

Vulnere, post Cannas maior Trebiamq; fremebat.

Libuit sanè vobis Maiorum vestrorum in armis
Gloriam non sine iactatione commemorare:
Quid verò, si vobis Duces illos olim nostros vel

ab ipsis inferis excitarem? unum Marcellum igneo
impetu bellantem; unum Papyrium Alexandro
parem; unum Pompeium sua magnitudine Orbe
maiores; unum Cæsarem, supra omnes qui arma
unquam tractarunt aut tractabunt fortunâ, bel-
landi peritia, animi magnitudine ac celeritate?
Quid si innumeros alios producerem, quibus Pyr-
rhi, Hannibales, Mithridates, & omnia populo-
rum omnium arma cesserunt? Umbræ essent, lar-
væ essent illi, quorum vos mentionem ipsi fecistis
& miracula Gentium vestrarum appellatis. Quid
si milites illos sisterem, quorum manibus Orbem
vicimus, in opere militari optimos ad laborem
tolerandum fortissimos, ad vallum & fossas du-
cendas, ad aggerem, testudines, turreſque ſtruen-
das peritissimos & exercitatissimos? Vel unus Si-
cinius Dentatus vestrorum omnium Militum glo-
riam superavit, qui centies & vicies in aciem de-
ſcendit, ſex & triginta ſpolia ex hoſtibus reporta-
vit, octo ex provocatione occidit, quinque &
quadraginta vulnera pectore excepit, tergo nul-
lum. Vel unus Scæva nationum omnium aliarum
milites infra ſuam gloriam poſuit, qui cum Pom-
peiano Bello ad Dyrrachium Caſtello Præpoſitus
eſſet, ſolus in porta conſiſtens adverſus hoſtiles
legiones & copias illud ſervavit; quo tempore ei
oculus eſt effoſus, humeri traiectione & femur, ſcu-
tum centum & triginta ictibus perforatum. Nun-
quam in acie mori Romanis & Italibus Militibus
contigit, quin omnium eſſent vulnera in pecto-
re, enſes in manibus, minæ in vultibus, ira in
morte. Sed veterum temporum gloriam maiori-
bus

bus nostris relinquo, quorum virtutē cū adhuc animis complectamur, nihil sanē attrinet gloriam ab aliis mutuari. Etiam nobis nostræ sunt in armis laudes, nec cedere Itali sciunt, qui semper superare noverunt. Carolus V. ille Imperatorum omnium Maximus, qui omnem Armorum gloriam sui nominis famā complexus est, dicere aliquando solebat, quod ad constituendum iusti exercitus corpus, caput ab Italis assumere oporteret. Ut nimirum indicaret bellicosissimus Princeps, tales Italos esse, qui non tantum milites esse fortissimi possint, verum etiam populorum aliorum Duces, ac tum demum de victoria bene sperandum, cū exercitus Dux est Italus. Et verò numquid Itali sunt, qui divina quadam iudicii bonitate, & operibus immortalibus virtutem militarem ad id culmen maiestatis evexerunt, ut ascendere altius nunquam possit? Illi sunt, qui acutissimo ingenio suo plurimas ingeniosissimasque sanē minutionum formas primi invenerunt, & in artem postea redegerunt. Illi sunt, ut prudentium omnium bellatorum est opinio, qui offensionis in bello defensionisque rationes omnium optimè rectissimèque pernoverunt. In assultibus atque impressionibus palmam omnibus eripiunt; in omni discrimine animum impavidum, in omni negotio præsentissimum habent. Innata illis quædam sagacitas est & solertia, ut non tantum fortes sint ac robusti, verum etiam industrii, prudentes, callidi & astuti. Nec alii sunt ulli populi, qui melius generosos equos domare, artificiosius erudire, accuratius ad decursiones, ad saltus volutates, ad rotationes glomeratis hinc

inde circulis, ad numeros modosq; motionum ac flexuum virgulæ dumtaxat ictu regere, quàm Itali possint. Adeo illos ad militiam Natura quodammodo conformavit, quos industria umbraticis in pace exercitiis ad Martium nobilissimi Spiritus decus præparat & accendit. Si numerare vellem eos belli Duces, quos tempora nostra præscis Heroibus aut pares tulerunt, aut superiores, darem profectò Viros omni ætati invidendos. Darem Sfortias, Braccios, Piccininos, Ursinos, Vitellios, Baleonos. Darem Philippum Scholarium, qui Sarmatas & Turcas viginti præliis superavit. Darem Castruccium Castracanam, qui ex Milite gregario Dux egregius factus pertinaci virtute, ac numquam eius consilia fallente fortuna ad Principatum Lucensem contendit. Darem Marcum Antonium Columnam, qui contra Turcas ad Nauptum prælio magna victoriæ pars fuit. Darem Maconem Corregium, cuius virtuti si pares habuisset decies mille Pedites, & tria strenuissimorum Equitum millia Bartholomæus Livianus, non dubitabat brevissimo tempore totum orbem occupare. Darem fortissimum & audacissimum Alexandrum Spínolam, qui in expugnanda Africæ Guleta primus omnium contemptis ignitis pice resinaq; flagrantibus iaculis, glandiumque plumbearum procellis, correptis murorum pinnis in arcem desiliit. Quo nomine privatim publiceque laudatus ab Imperatore Carolo Quinto muralem gratulantibus omnibus coronam accepit. Quoniam verò in Belgio hodie de Belli Gloria certamus, duo fulmina Belli, duo armorum miracula, duos

duos Belgii Martes , sed ex Italia nostra oriundos, Alexandrum Farnesium Parmæ Ducem , & Ambrosium Spinolam Venafri Marchionem omnium ætatum Imperatoribus vestris oppono. Quantus ille Alexander noster ? profectò non inferior Alexandro Manno, qui rerum hic in Belgio Franciaque fortissimè gestarum laudibus totum orbem admiraculum implevit. In quo tantum iudicii ad exercitum regendum , tantum iustitiæ ad disciplinam conservandam fuit, quantum in ullo unquam Imperatore; ut non immeritò cum Franciscus Lanovius omnium in orbe Christiano Belli Ducum maximum ac primum appeller, qui & acie vincere fortissimus Imperator, & urbes capere dexterimus Expugnator omnium optimè novisset. Cuius animi vim incredibilem Henricus Quartus Franciæ Rex fassus est invictam ; cuius manum Bironius victus exhorruit ; cuius fortitudini Bruxella , Traiectum, Antuerpia, Gandavum , Dunkerka, Brugæ, Ipræ, Teneramonda, & aliæ plures, in Belgio fortissimæ Civitates cesserunt , perque eum ad Regem ac Religionem redierunt. Qui ferè nihil propugnavit, quod non defenderit ; nihil ferè oppugnavit, quod non ceperit ; nullam iniit pugnam, ex qua victor non discesserit. Adeo ut ipse forma quædam & imago extiterit perfectissimi Imperatoris, ipsorum etiam hostium confessione amandus & admirandus. Quantus ille verò etiam Spinola noster , cuius nominis ea claritas est , ut pauci cum eo Gentium aliarum Imperatores comparandi videantur ? In quo vis animi incredibilis, patientia laborum indefessa, fortitu-

do excellens, constantia invicta, consilium paranimi magnitudine, solertia & calliditas tanta, quantam vix Principis cuiusvis capere pectus potest. Et cum tria sint, post pecuniam belli nervum, certissima victoriarum instrumenta, fides, taciturnitas, celeritas, tum hæc in eo sunt admiranda, ut Regi propter fidem sit gratissimus, hosti propter taciturnitatem ubique formidandus, omnibus propter celeritatem admirandus. Qui nihil unquam aggressus est, quod non sit consecutus, qui nullam unquam expeditionem suscepit, à qua non superior redierit. Adeo ubi pedem ponit, ibi Religioni ac Regi victoriosa manu trophæum erigit. Non hic testem appello Oceanum suo in elemento victum, testis est Ostenda; non Rhenum tot urbibus captis frænatum, testes sunt Rhinbergæ & Wesalia; non territam eius magnitudine Frisiam, testes sunt Oldensalia, Linga, Grolla; non concussam Rheni Palatinatum, testes sunt Principes Germaniæ Protestantes, qui de sola eius felicitate incredibileque solertia sunt conquesti, quòd plus ille consilio posset & astuta comitate, quàm armis ipsi & potentissimis exercitibus. Sed nolo hic in ea omnia excurrere loca, in quibus Gloria lauros ipsi immortales, & trophæa quibusvis Heroibus invidenda erexit. Illud dico, Farnesius & Spinola omnem belli Gloriam cæteris omnibus Nationibus eripiunt. Italici verò suis vendicant. Ut non opus iam sit in hanc arenam citare Trivultios, Gonzagas, Farinatas, Stipicianos, Fagiolanos; Carmagnolas, Gattamaleas, Hercules omnes & fortiores, quàm umquam alii extite-

sunt, Italiæ nostræ Achilles. Quamquam dum vos hic *Commilitones*, universæ Patriæ vestræ militarem singuli virtutem extollitis, ego vel unam Italiæ nostræ urbem opponere possum, nec de Gloria obtinenda desperare. Quid si vobis Venetos opponerem, quorum invictum stat Imperium, dolente Turca, invidente Regum aliorum fortuna? Quis est, qui vincere eos non optet, dum nemo potest? Quid si Genuenses producerem, qui toties Oceanum, & in eo tot Insulas frænaverunt? Qui non Milites tantum, sed etiam Nationibus aliis Duces suppeditant victoriosissimos? Quid si Pisanos vobiscum conferrem, qui subiugatis aliquando Sardinia, Carthagine, Maiorica, Carthaginensium Regem victum ad Pontificem Romanum perduxerunt; Maioricæ verò Regem, Reginâ cum filiolo Pisam adductâ, interfecerunt? Quid si statuerem hic Florentinos, quibus cum Carolus Octavus Francorum Rex durissimas fœderis contra libertatem condiciones imponere vellet, easq; de scripto Regius Scriba recitaret, ibi Petrus Caponius ad Regem tum missis chartam à Scribæ manu arripuit, laceravit, & inspectante Rege conculcans: Quandoquidem, inquit, vos Franci, tam iniqua postulatis, agite tubas vestras inflare, nos Campanas nostras pulsabimus. Qua voce verè libera ira Gallos & Regem terruit, ut patriæ suæ libertatem conservavit. Nihil dico de Senensibus, aliisque populis nostris, nihil de militari robore Marforum, Peligniorum, Hernicorum, Samnitarum, Lucanorum. Scit Orbis universus peditatum Italieum omnium optimum esse. Nihil dico de

Neapolitanis, quorum equitatum nemo non omnibus aliis antepōnit. Hæc Italorum est summa Gloria, quod quemadmodum Orbem olim nostrum vicerunt, ita novum alium vincendum per Christophorum Columbum Civem suum invenerunt, & eius armis superari posse ostenderunt. Sed nimis fortasse multa, ubi dubia esse Gloria non potest. Tredecim aliquando Franci cum Italis itidem tredecim in arenam, ut suæ Genti armorum Gloriam assererent, apud Barlettam inspectante magno Consalvo descenderunt, victi illi à nostris sunt & capti. Descendant in eandem arenam quicumque alii volent, vincantur à nobis, & Militem Italis Gloriam relinquent. D I X I.

O R A T I O V.

Poloni Militis.

Polonorum hodie si quis militarem fortasse virtutem ignoret, Sarmatas antiquos cogitet. Sarmatæ olim eramus, qui hodie Poloni: illorum robur & invicta fortitudo, nostra est posterorum infracta virtus. Illi erant, (cogitate Polonos) quos Danubio prohibere Cæsari Augusto tam fœlici tamq; victorioso Imperatori satis fuit; quos tangere ausus non erat, quos ne armis inquietaret, Lentulum Legatum suum admonuit, quòd arma ipsi vellent, pacem non intelligerent. Ita Romanæ fortunæ terminus Sarmatæ, prisca nimirum Poloni, extiterunt. Ita, inquam, nulla Gens unquam Sarmatis, seu Polonis nostris bellior

et fortior aut fuit, aut esse potest, qui omnibus aëris iniuriis, frigoribus, tempestatibus, caloribus, & quibusvis aliis discriminibus maiores perque ipsa incedentes pericula Fortunam ipsam omni ætate superaverunt, Romanorum magnitudinem semper contempserunt. Quod cum non ignoraret Poëtarum ingeniosissimus Ovidius, cum apud Maiores nostros in Polonia nostra exularet, ita de iis ad superbos illos Urbis Romanæ Proceres pro singulari miraculo scribebat:

Maxima pars hominum, nec te pulcherrima curat

Roma, nec Ausonij militis arma timet.

Dant illis animos arcus, plenaq; pharetra,

Quamq; libet longis cursibus aptus equus.

Quodq; sit im didicere diu tolerare, famemq;

Quodq; sequens nullas hostis habebit aquas.

Ea quippe est Polonorum natura, ut dura quadam indole fortes sint, & heroica generositate animosi. Non nos pericula terrent, non voluptates frangunt. Qui mollis ac delicatus est, Polonus non est. Mori honestè ac gloriosè, est apud nos immortalitatem sibi comparare; turpiter verò ac per dedecus vitam retinere, quavis etiam peius est morte, omnes ignominiam fugimus, & armis vindicamus; nostrum nemo mortem fugit, omnes ultrò etiam per arma quærunt. Neque sanè hæc nova vobis videri debent. Ita nascimur Poloni omnes, ut ex matrum nostrarum uteris militares nobiscum animos in lucem adferamus; atque ubi disciplina severior parentum ac popularium accessit, animosq; paulatim firmavit, ita validi & apti ad ardua quæcunque reddimur, ut non magis armorum fre-

fremitus, quàm foliorum strepitum curemus. Et verò quomodo naturâ militares Poloni non essent, qui non tantum patribus verè viris & timoris expertibus, sed bellicosus etiam matribus nascuntur? In Polonia olim nostra nubere fœminæ fas non erat, nisi tres prius hostes in prælio prostravisset. Quam legem, aut certè consuetudinem etsi postea tâquam nimis rigidam sustulit Piaustus, naturam tamen & virtutem non sustulit, quam ita in filios suos parentes transmittunt, ut nemo nascatur Polonus, qui non idem nascatur bellicosus. Magnum hoc sanè Naturæ beneficium. Tot enim hostibus ferocissimis, Turcis, Moschovitis, Tartaris circumsepti ducere hunc spiritum non possemus, nisi & naturâ & arte Milites essemus. Sed quoniam de Belli Gloria hodie certamus, etsi illam, Bellatorum omnium iudicio, teneamus, videte vos tamen illam, cognoscite, iudicate, ac tandem cedit. Una quasi in tabula intueri vos putate ex una parte octoginta strenuissimorum Bellatorum millia, tot aliquando Basilii Moschoviæ Dux adversus Polonos eduxit; ex alterâ Polonorum copias tam exiguas, ut Moschovitæ abacturos se flagris pecudum more Polonos iactitarent. Quid deinde verò? Ventum ad manus est, collata Ducibus Constantino Ostrogio, & I. Suirzovio sunt signa, pugnatum est, ex Moschovitis cæsa quadraginta millia, capta sunt quinque, è nostris desiderati vix aliqui tandem fuerunt. Aliam videre rusus tabulam, & in ea Moschovitarum ducenta millia, Lituorum nostrorum ac Polonorum triginta. Miscetur arma, configitur,

cadunt è Moschovitis millia nonaginta, è nostris Milites tantùm viginti. Supra fidem videri potest; sed huius testis est Tilmannus, alterius Cromerus. Sanè supra hominum omnium opinionem virtute sua nostri Duces excellunt, Ducibus ipsis ceteri qui militant, vix profectò sunt inferiores. Quanta Gloria est Poloniæ virtutis in Ziemovito primo, qui Hungaros, Bohemos, Cassubios, Pomeranos gravissimis bellis attrivit, & tributarios Polonis effecit? Quanta gloria nostrorum armorum est in Boleslao Chrobri, qui Boleslaum Bohemiæ Regem fudit, cepit, exsecuit? qui Jaroslaum Russum subegit? qui Brutenos & Saxones cœrcuit? Quis umquam gloriosior in armis Boleslao Tertio Rege nostro fuit, qui quinquagies collatis cum hoste signis pugnavit, & toties constante fortuna triumphavit? Sensit victoriosam eius manum Henricus Quartus Imperator, qui pro iniquissimis, quas illi proponebat, pacis conditionibus, miserabilem suorum Germanorum stragem accepit. Sed nec in his tantùm stetit nostræ Gentis gloria. In ipsum summæ gloriæ domicilium evasit Sigismundus Primus, qui & acquirere regna potuit & contemnere, Daniæ, Sueciæ, Bohemiæ, Hungariæq; regna contempsit, Prussiam atque Livoniam Provincias ab Imperio Germanico avulsas Coronæ Poloniæ adiecit. Nec illi cum imbellibus aliquibus populis bella fuerunt: cum immanibus Turcis, & vicit; cum ferocissimis Tartaris, & triumphavit; cum potentissimis Moschovitis, & superavit, bella fuerunt. Equidem multoties animus fuit Germanis, pro Prussia Livoniaq; arma in Polonos

movere, verum cum toties tot exercitus suos ab illis frangi repelliq; intelligerent, nihil sane Germanorum Imperatores tentare sunt ausi. Et verò quid adversus Polonicam Nobilitatem tandem sperarent? Sigismundus Augustus cum in Comitibus de Cracovia principe Regni urbe munienda aliquando retulisset, generosè sanè & gloriosè Poloni Nobiles, sua pectora Regno defendendo sufficere, responderunt. Et quisquam adversus huiusmodi Nobilitatem quicquam auderet? Audeo dicere, & vobis omnibus audientibus liberè dicam, quòd si Potentissimus Poloniae Rex solos Regni sui Nobiles, qui privatis sumptibus pro Regno militare sunt adstricti, & qui cògi ad centum quinquaginta millia levioris & gravioris armaturæ possunt, in aciem educeret, nullus in Orbe toto Rex esset, qui eius sustinere impetum auderet. Omnem illi, quantumvis innumerum exercitum fugarent, dissiparent, funderent, confunderent. Neque illis pro Deo, Religione ac Rege animus deest; ideoq; instituit Mieczislaus, ut dum Evangelium operante rebus sacris Sacerdote recitaretur, omnes virilis sexûs gladium è vagina medium stringerent, sicq; omnibus, se pro Christiana Religione mori paratos esse, testarentur. Et verò quis est Catholicorum hodie, qui non Polonos tanquam Romanæ Religionis Propugnatores honoret? Illam Deus in nostram dedisse Clientelam videtur, ut cum ab Oriente ac Septentrione ferocissimæ sint Gentes, & insensissimi Christianorum Hostes, nos in Regno nostro, tanquam in communi propugnaculo eam adversus

Barbarorum omnium immanitatem fulminatricibus & invictis armis nostris propugnaremus. Sint efferatissimi Turcæ, & Orbis Imperium spe sua devorent, ii tamen Polonorum arma reformidant. Sint Tartari plusquam Barbari, & animos armis habeant duriores; ii tamen Polonorum aciem non ferunt. Sint alii quicumque Christiani nominis hostes pugnacissimi, audacissimi, impetuosissimi, ii tamen Martium Poloniæ nostræ Populum exhorrescunt. Quamquam quis ita potens & immanis esse potest, quem Cosaccorum nostrorum invicta virtus non deterreat? ii sunt, qui Turcarum potentiam suis armis sistunt, qui Tartarorum impetus vi sua retundunt, qui Moschis terrorem incutiunt. Ii sunt, qui metus omnis expertes hostium omnium Barbarorum & Hæreticorum arma rident, conatus eludunt, potentiam contemnunt. Ii sunt, qui elapso nuper anno, cum copias suas nostris copiis iunxissent, tres gloriosissimas de Turcis victorias nobiscum reportaverunt, & parva manu de numerosissimis eorum exercitibus triumphaverunt. Senferunt vim eorum Moravi non ira pridem, & serò suam à Cæsare defectionem deploraverunt. Senferunt Silesii, & quorumvis hostium potius, quàm Cosaccorum experiri furorem optarent. Senferunt Bohemi, quo suo ac quanto damno, non ignorant. Habent illi in gladiis suis mortem, quàm certissimam effundunt, in animis mortis contemptum. Prædam volunt & hostium sanguinem, aliud nihil. Supra aurum, argentum & gemmas animos habent. Unde eum Ivoniço bello hostium Dux captus ingentem

tem pro litro summam offerret, nimirum sexies librati in statera corporis pondus, bis auro, ter argento, semel margaritis appensum polliceretur, illos tamen invictos & immobiles Cosaccorum animos non permovit; sanguinem dare & vitam debuit. Cæterorum Poloniae nostræ militum gloriam innumeræ loquuntur ac testantur victoriæ, quarum oblivisci posterorum memoria non potest. Illa sub Lesco Nigro celeberrima, qua à paucissimis nostris Jazigum extinctæ sunt penitus reliquæ, cæsa Lituanorum quatuordecim millia, ne unus è Polonis desideratus Illa sub Wladislao sanè admiranda, qua Crucigerorum quadraginta millia profligavimus, triginta tantum gregarios Milites & Nobiles duodecim amisimus. Illa iterum sub Wladislao atque iterum adversus Crucigeros penè profecto supra fidem, cum hostium quinquaginta millia ceciderunt, quadraginta millia cum signis uno & quinquaginta in potestatem captivitatemque venerunt Quid dicam de Generosissimo Glinfcio, qui septem Equitum Polonorum millibus viginti Barbarorum millia cecidit, totidem in vincula coniecit? Quid de Fortissimo Joanne Tarnovio, qui Valachorum duo & viginti millia quatuor nostrorum millibus profligavit, eorumq; cum omni Nobilitate Palatinatum ad iusiurandum sibi dandum coëgit? Non omnium hic recordari possum, nec omnia opus est commemorare. Unus Samoscus, cuius oblivisci Polonia non potest, unus, inquam, Samoscus, cuius Gloriam Orbis universus honorat, Polonicam in summo honoris fastigio collocavit Hæc verò cum ita se

se habeant , nullius profectò Gentis tanta esse in armis Gloria potest , quanta est Polonorum. Sed quoniam parva nobis tanta Gloria verborum volubilitate non est, sed armorum nostrorum fulmine, supersedeamus verbis aliquando. Qui certare cum Polonis de Armorum Gloria volet , arma parat, non linguam. D I X I.

O R A T I O VI.

Belgæ Militis.

Belgarum est Virtutem in hostibus etiam laudare , & partem per arma Gloriam aliis non invidere. Vestra igitur omnium , ô *Commilitones* , summa sit Armorum Gloria , non invidemus Belgæ , agnoscimus etiam , admiramur , extollimus ; at verò cuiquam cedere numquam sanè solemus. Deprædicare aliorum Gloriam , humanitatis est nostræ, nemini palmam concedere , virtutis. Cùm nascimur in hanc lucem, Germanicum robur & Gallicam mentem induimus : Quippe è Gallis ac Germanis Belgæ sumus , magnum aliquid profectò Orbi daturi, qui ex duobus tam potentibus Populis in generosissimam validissimamque Gentem coaluimus. Neque ulla umquam ætas aut corporum nostrorum robur , aut animorum magnitudinem immutavit. Ille Bellicosissimus olim Cæsar & supra fortunam Imperator Gallorum omnium fortissimos nos Belgas appellavit. Ille verè Magnus Imperator Germanicus ad comprimendos Germaniæ populos , & Romano Nomini succurrendum idoneos ac validos nos Bel

gas esse iudicavit. Quid nostris olim Nervii bellicosius? Adversus hos cum acie dimicaret Julius Cæsar, retrò gradum Veterani dederunt, ipse animum tanta trepidatione percussus habuit, ut de morte manu occupanda cogitaret. Nec sanè vicie ipse virtute sua Cæsar, sed in Cæsare Fortuna Nervios superavit. Ii erant nimirum, qui de suorum cadaveribus tanquam de vallo pugnabant; qui latissima flumina, ut paratum ex adverso hostem invaderent, transgrediebantur; qui altissimas rupes, ut instructum acie hostem deturbarent, adscendebant; qui excepta hostium tela in hostes retorquebant; qui locum iniquissimum, ut loci opportunitate hostem pellerent, subibant; qui validissimum Equitatum pedestribus copiis in effusam ac turpem fugam convertebant. Tales acram ingentes Nerviorum olim nostrorum animi fuerunt, sed & hodie Nerviorum animos in Walonibus nostris habemus. Quid Batavorum olim magnitudine maius? quid eorum fortitudine fortius? Hi quoties pro Romanis in prælium descenderunt, toties Romanis victoriam gloriosissimam pepererunt; ubi verò suis armis Romanos invaserunt, de Romanis semper summa cum laude triumphaverunt. Eorum castra Civili Duce expugnaverunt, cohortes deleverunt, suâ Insulâ Romanum nomen expulerunt. Ab illis superatus terra marique Aquilius, victus Lupercus, fugatus Labeo, cæsus apud Vetera exercitus. Ii erant nimirum, quos frangere nulla vis posset, qui omnium conatus rerundebant, qui integris & armatis equum turmis rapidissima, latissima, altissima flumina

na transnatabant ac per rumpebant : à quorum manibus alii milites victoriam expectabant, quorum custodiæ ac fidei suam Salutem Summi etiam Imperatores credebant. Tales olim ac tanti Batavi nostri, sed & hodie Batavorum ad arma robur & fortitudinem in Hollandis nostris, in Geldris, in Frisiis habemus. Imò veterum omnium Belgarum virtutem & animi magnitudinem nos hodie Belgæ tantorum maiorum non degeneres posteritatem retinemus. Ego testem universam Europam appello An non Belgium hoc nostrum publica quædam est Arena, in qua iam ab annis aliquot supra quadraginta omnes propemodum Europæ populi summa armorum contentione dimicaverunt? Tot exercitus hic ter à marique deleti, tot acies validissimorum populorum cæssæ, ut universa regi Provincia, qua Equitibus, qua Pedibus, omnino posset. Tot in Oceano, sed gemente, sed fremente, vi armorum consumptæ laceratæque classes, ut integrum cooperiri mare potuisse videatur. Atque hæc sanè tot ac tanta Belgii nostri bella, quid aliud testantur & loquuntur, quàm admirandam, invictam, in superabilemque Belgarum virtutem? Audeo profectò dicere, nec sermonem unquam retexam, tantam illam esse, ut si sui Regis auspiciis consilio, auctoritate nixa reliquum Orbem aggrederetur, de reliquo Orbe triumpharet. Ingens Belgarum est Populus, valida ubique & lecta Juventus, animus ad libertatem aut mortem promptissimus. Cum discrimina instant, sumus cunctabundi, cum iam adsunt, sumus in iis ferocissimi, in periculis impavidi, in rebus turbidis intrepidi, in auda-

gas esse iudicavit. Quid nostris olim Nervii bellicosius? Adversus hos cum acie dimicaret Julius Cæsar, retrò gradum Veterani dederunt, ipse animum tanta trepidatione perculsum habuit, ut de morte manu occupanda cogitaret. Nec sanè vicit ipse virtute sua Cæsar, sed in Cæsare Fortuna Nervios superavit. Ii erant nimirum, qui de suorum cadaveribus tanquam de vallo pugnabant; qui latissima flumina, ut paratum ex adverso hostem invaderent, transgrediebantur; qui altissimas ripas, ut instructum acie hostem deturbarent, adscendebant; qui excepta hostium tela in hostes retorquebant; qui locum iniquissimum, ut loci opportunitate hostem pellerent, subibant; qui validissimum Equitatum pedestribus copiis in effusam ac turpem fugam convertebant. Tales ac tam ingentes Nerviorum olim nostrorum animi fuerunt, sed & hodie Nerviorum animos in Wallonibus nostris habemus. Quid Batavorum olim magnitudine maius? quid eorum fortitudine fortius? Hi quoties pro Romanis in prælium descenderunt, toties Romanis victoriam gloriosissimam pepererunt; ubi verò suis armis Romanos invaserunt, de Romanis semper summa cum laude triumphaverunt. Eorum castra Civili Duce expugnaverunt, cohortes deleverunt, suâ Insulâ Romanum nomen expulerunt. Ab illis superatus terra marique Aquilius, victus Lupercus, fugatus Labeo, cæsus apud Vetera exercitus. Ii erant nimirum, quos frangere nulla vis posset, qui omnium conatus retundebant, qui integris & armatis equitum turmis rapidissima, latissima, altissima flumi-

na transfatabant ac per rumpebant : à quorum manibus alii milites victoriam expectabant, quorum custodiæ ac fidei suam Salutem Summi etiam Imperatores credebant. Tales olim ac tanti Batavi nostri, sed & hodie Batavorum ad arma robur & fortitudinem in Hollandis nostris, in Geldris, in Frisiis habemus. Imò veterum omnium Belgarum virtutem & animi magnitudinem nos hodie Belgæ tantorum maiorum non degeneres posteris retinemus. Ego testem universam Europam appello An non Belgium hoc nostrum publica quædam est Arena, in qua iam ab annis aliquot supra quadraginta omnes propemodum Europæ populi summa armorum contentione dimicaverunt? Tot exercitus hic ter à marique deleti, tot acies validissimorum populorum cæsa, ut universa regi Provincia, qua Equitibus, qua Peditibus, omnino posset. Tot in Oceano, sed gemente, sed fremente, vi armorum consumptæ laceratæque classes, ut integrum cooperiri mare potuisse videatur. Atque hæc sanè tot ac tanta Belgii nostri bella, quid aliud testantur & loquuntur, quàm admirandam, invictam, insuperabilemque Belgarum virtutem? Audeo profectò dicere, nec sermonem unquam retexam, tantam illam esse, ut si sui Regis auspiciis consilio, auctoritate nixa reliquum Orbem aggrederetur, de reliquo Orbe triumpharet. Ingens Belgarum est Populus, valida ubique & lecta Juventus, animus ad libertatem aut mortem promptissimus. Cum discrimina instant, sumus cunctabundi, cum iam ad sunt, sumus in iis ferocissimi, in periculis impavidi, in rebus turbidis intrepidi, in auda-

audacia ipsa fortunati. Pro gloria, pro libertate, nihil non Belgæ audemus; & cum ad artes omnes ac scientias Natura nos aptissimos formarit, tum ad consilia danda promptissimi sumus, nec tamen tam lingua, quàm manu factisque valemus. Nimirum una est, quam amamus ac quarimus, Belli & Armorum Gloria. Pro illa toties in Gallia Bellum gessimus, toties in Germania pugnavimus, toties in Anglia, in Italia, in Hungaria certavimus. Et ipsa Asia nostris armis concussa, cum Jerosolymam cepimus, non unum sanè nobis debet triumphum. Non ignoravit virtutem hanc nostram Conradus Imperator, qui Belgarum cum primis fortitudine Ulfissibonam Saracenis eripuit, & ducenta hostium millia cecidit, aut in fugam convertit. Non ignoraverunt Angliæ Reges. Non Eduardus Tertius, qui nostrorum Belgarum manu cum Regnum suum recuperasset, eorundem virtute adversus Aquitanos, Britannos, Normannos, Iberos fortunatissimo cum eventu pugnavit. Non Eduardus alius, cui de Scotis triumphum Belgæ comparaverunt. Non Richardus, qui Aquitaniam per Belgas occupavit. Recensere omnes alios nec opus est, nec possum, nec sane volo. Quantus extitit Carolus ille Quintus, miraculum armorum, & non magnus, sed verè Maximus Imperator? Illum Flandria nostra in lucem edidit, Belga fuit: Qui cum Belli Gloriâ omnium ætatum Imperatores superarit, tum nobis Belgis suis illam Gloriam supra cæteras omnes Nationes asseruit. Quippe eius victoriæ Belgarum potissimum manu sunt partæ, victa Gallia, victa Germania, vi-
cta

Æta Italia , concussa Hungaria , Africa superata. Quantus fuit Carolus ille Pugnax , quem Audacem appellant ? Terror erat & fulmen Europæ, cuius amicitiam potentissimi Principes & Reges ambiebant , victoriosum eius gladium formidabant. Fuit hic Belga , & Belgarum industria, roboreque invidente Fortuna summam sibi Armorum Gloriam , & Belgis suis vendicavit. Quantus fuit Godefridus Bullonius ? O verè alterum Mundi Miraculũ ! Noster fuit, Belga fuit, & Brabantia Principes, qui Belgarum virtute tantas res gessit, quantas nec sperare, nec optare cæteri Duces auderent. Hic est ille , qui postquam Ducatum suum Bullo-niensem Leodiensium Antistiti vendidisset, comparatum è Belgis suis ac vicinis populis Exercitum per Germaniam, Hungariam, Græciam, in Asiam Syriamque nusquam irritò conatu perduxit. Non illum astus & insidiæ Imperatoris Constantinopolitani permoverunt ; non ingentia flumina & inaccessible montes retardaverunt ; non sitis, non famines , non immensa Barbarorum agmina ab incepto revocaverunt. Fuit ille ad insolitum decus, & variis cruentisq; successibus partâ semper victoriâ centies dimicavit. Admiremini, vos obtestor, eius & Belgarum nostrorum gloriam. Nicæam expugnavit , & cùm ad pugnam Barbari ruisent, trecenta & sexaginta Barbarorum millia prostravit. Antiochiam subversis portarum obicibus, captis ascensu munimentis , nudatis omni propugnatore mœnibus sibi subiecit , & cùm illum iam victorem trecenta Turcarum millia obsedis-sent , non aliter quàm paleas ventus omnes illo

suorum gladiis & hastis dissipavit. Taceo Edessam
 taceo tot potentissimas Urbes alias. Nihil dico de
 Solymanno Turcarum Dynasta fugato ; nihil de
 Calypsa Ægyptio superato. Jerosolymam ag-
 gressus est, oppugnavit, expugnavit. Diadema c-
 ius & Sceptrum obtinuit. Aderant paulò post im-
 manissimi Turcæ cum Equitum centum millibus.
 & Peditum supra quadringenta, in quos cum for-
 tissimus Bullonius noster Equitum quinque tan-
 tum millia, & Peditum quindecim eduxisset, tan-
 ta secuta confestim est clades, ut supra centum
 millia nostrorum gladii ceciderint, & trecenta fe-
 rè millia fugientium maris fluctus absorpserint.
 O te tanta gloria immortalem. Bulloni ! verè, ve-
 rè tu veteres omnes insigni pietate, in domito 2-
 nimo, gloriosissimis & numerosissimis victoriis
 superavisti ! Quid nunc dicam de Balduino Bel-
 garum Principe, & Jerosolymorum post Bullo-
 nium Rege ? Delibanda sunt hic aliqua, non o-
 mnia dicenda, vos ipsi numerate. Invaserunt se-
 mel cum quadraginta Barbarorum millia, ipse o-
 cto duntaxat nostrorum millibus delevit. Iterum
 Saracenorum innumera propemodum turba ar-
 mis instructissima consurrexit, ipse (veritatem
 ipsam testor) ipse, inquam, cum Equitibus qua-
 draginta, & Peditibus ducentis Saracenorum vi-
 ginti millia suo in sanguine demersit. Plura sa-
 nè potuissent, sed lassabantur effuso sanguine
 nostri milites tam pauci, & hebetatum iam erat
 tot vulneribus mortibusque ferrum. Nondum a-
 nimos Saraceni posuerant, redeunt, & quindec-
 im millia in aciem deducunt ; Balduinus Peditum

eum millia duo , & Equites quingentos opponit,
 vincunt hostem, prosternunt, triumphant. Tan-
 ta vis erat Belgicæ virtutis. Si mihi hodie dicen-
 dum soli fuisset, produxissem huc vobis Pipinos,
 Henricos, Joannes, Philippos, Maximilianos, Ca-
 rolos , quibus clarissimos de se triumphos Suevi,
 Saxones , Bavari, Dalmatæ, Longobardi, Sclavi,
 Hunni, Angli, Lusitani, nec profectò inviti obtu-
 lerunt. Adeo notum est Orbi universo vinci eum
 Ducem non posse , ac semper vincere , qui Belga-
 rum viribus & animis ad victoriam contendit. Pa-
 riar hic latere Borlotium strenuissimum belli Du-
 cem , cuius nomen nemo audire sine horrore po-
 terat , nemo manum experiri sine clade. O Du-
 cem supra Martem & Mortem ! Ego verò te num-
 quam præteribo, ô maxima Belgarum Gloria , Bu-
 quoie; te enim etsi solum in hanc Atenam produ-
 cerem , adhuc tamen Belgarum summam in ar-
 mis Gloriam esse plus satis declararem. Tu enim,
 cùm Bohemiæ Regis auctoritas exspiraret, tua &
 tuorum Belgarum fortitudine spiritum illi reddi-
 disti , & vindicata Maiestate restaurasti. Tum
 Imperium, cùm sub Hæreticorum armis collaba-
 sceret , tua & tuorum Belgarum manu erexisti.
 Planè nulla erat illi salus , nisi è Belgio nostro
 te strenuissimum Ducem Matthias Imperator e-
 vocavisset , quem Hungari, postquam per do-
 lum tredecim vulneribus confoderunt , Incom-
 parabilem appellaverunt. Tu etiam noster es,
 Illustrissime Comes Henrice BergI, cuius bella-
 sem animum & invictum dexteræ robur depræ-

dicare non satis magnus Spinola potest, horrendus plusquam satis quicumque hostes. Et ut nostra tantum tempora respiciam, Belga est Fortunatissimus Tilius, qui Serenissimi Bavariæ Ducis Maximiliani fortunam tot in Bohemia & Rheni Palatinatu victoriis illustravit. Belga est strenuissimus Verdugo, cuius animus audaciâ ipsâ audacior ad Pragensem victoriam viam aperuit; cuius manus Buquoni magnitudinem egregiè propugnavit; cuius ardor nullum pro Cæsare aut Rege periculum umquam reformidavit. Belga est generosissimus de Fontaine, cuius experientiam in armis, & imperterritum ad omnia pericula animum cum Hostes timeant, tum Flandria suspicit, & suam ab eius manu securitatem amplexatur. Belga est, quem etiam hic honoris causâ nomino, fortissimus & prudentissimus Mauritius Nassovius Princeps Auriacus, cuius victorias ac triumphos summa cum laude posteritas commemorabit. Utinam tam egregius Mars Belgicus pro Deo, proq; Religione suorum armorum fulmen in veros hostes evibraret! Quamquam videre sane Belgarum Virtutem ac Gloriam, quàm audire tantum præstaret. Putatote vos intueri. Quomodo quæritis? Belgas supra ossa cineresque Saracenorum in Asia: Belgas per media Turcarum arma victores in Africa: Belgas supra ipsum Militaris Gloriæ fastigium ubique in Europa. Erant illi Wallones nostri, qui in Bohemia altos triginta pedum Præaditii muros sine ullo adminiculo scanderunt; & quorum in Urbem advenientium intueri vultus nequaquam Cives potuerunt.

uerunt. Erant illi, qui Piscensium muros suis manibus, cum ad irruptionem parum tormentis esset actum, suffoderunt, Urbeque tandem sunt potiti; qui Pragensi prælio in prima acie constituti Ducibus Veidugo ac Hainin victoriæ palmam cæteris omnibus præripuerunt. Erant illi, qui invictam antea Strigoniam in Hungaria validissimo insultu occupaverunt, & quorum unus, cum in supremo Urbis munimento vexillum erectum conspexisset, eò per densissimam glandium ignitarum grandinem ascendit, gladio vexillum reseidit, Turcam quendam accurrentem glande plumbea traiecit, propriâ caput illi machærâ amputavit, victor cum capite ad Excellentissimum Carolum Mansfeldianum Cæsarei Exercitus Ducem Belgam etiam nostrum rediit. Ex hoc uno Belga Belgas omnes metiamini, Nihil amplius dico.. D I X I.

O R A T I O VII.

Hungari Militis.

Quid Hungaria nostra sit, quid Hungari sumus, ignorare profectò videntur, quicunque de Belli Gloria certare nobiscum contendunt. Quid igitur Hungaria nostra est? Hungaria Arx est, Clypeus est, Murus est Christianæ Religionis, quam annos iam ultra ducentos immanissimorum Turcarum arma laceffunt, perfringere superareque non possunt. Quid nos Hungari sumus? Vestri sanè ac totius Europæ Patroni. Sine nobis nihil vestra vobis, Germani, fortitudo

valeret, iam enim vos Turcæ devoravissent. Sine nobis nihil vestra vobis, Hispani, prudentia prodesset; iam enim Madriti suam sedem Magnus Dominus haberet. Sine nobis nihil vester vobis, Galli, impetus adferret; iam enim Franciam universam Turcæ devastavissent. Sine nobis nihil vester, Itali, vigor posset; iam enim in Capitolio Romano Sultrani triumpharent. Sine nobis nihil vestro, Poloni, insultu possetis, iam enim Cracoviam vestram Janissari incendissent. Sine nobis nihil vestra, Belgæ, generositas in armis faceret; iam enim durissimam sub Imperio Turcarum servitutem serviretis. Ita vestra etiam omnium confessione per nostras adversus tam immanem hostem mortes vivitis, per bonorum nostrorum iacturam ditescitis, per nostras calamitates incolumes estis, per nostros labores quiescitis, per arma nostra tuti estis. Quid igitur? Cedite, libenter etiam Hungaris, quorum armis vitam, salutem, libertatem vestram debetis. Concedite palmam iis, quibus eam eripere nulla Turcarum vis potest, cæteræ nullæ Gentes audent. Pannonia priscis temporibus Hungaria nostra dicebatur, & nos Hungari Pannonenses olim eramus. Quid si ergo ex vetere illa Pannonia nostra priscos Pannonenses, terribiles Vandalos, horribiles Gothos, formidabiles Hunnos, effratissimos Ostrogothos producerem? Fuerunt illi Turbines quidam armorum, fulgura quædam & fulmina, portenta Nationum, terrores sæculorum. Tremere etiamnum omnes, si vel unum Totilam, aut Attilam huc advocarem, qui Hungarorum Imperium

rium

rum per universam panè Europam victricibus armis circumtulcrunt. Quippe aliquando nos Hungari gravissimis cladibus & innumeris populationibus ad pendendum nobis tributum Germaniam coëgimus, Italiam & Græciam stipendiariam fecimus, Galliam non semel affiximus, cæteris Gentibus per arma nostra ius posuimus, ut nullus esset tam potens in Orbe Princeps, qui non Hungaros Mundi Domitores formidaret, & Hungarorum Regem tamquam Archiregem coleret. Sed nolo hic cum fastu aliquo gloriari: gloriarer sanè, si ita vellem, quòd Hungaria octo fortissimos & bellicossimos Imperatores terrarum Orbi dedit. Vos eorum legite facinora, pleni sunt omnis memorix Annales. In iis Aurelianus nostrum eum fuisse legitis, qui una die bello Sarmatico quadraginta octo sua manu interfecit pluribus verò ac diversis diebus ultra nongentos & quinquaginta. In iis ab Imperatore Probo Pannonio Sarmatas domitos, varios Tyrannos extinctos, Orbem pacatum reperieris. In iis Andream Secundum Regem nostrum admirabimini, qui bello Syriaco Hungarorum Gloriam inusitatis facinoribus illustravit. In iis animadvertetis à Ladislao Primo victos Polonos, domitos Ruthenos, territòs Saracenos. Sed hodie non commemorentur illi, quorum effugere memoriam immortalem nulla umquam ætas poterit. Nihil etiam dicamus de Carolis, Sigismundis, Ludovicis, Albertis, Belis, Geisis, Emericis, Uladislais, quorum nomina virtutis quædam sunt cognomina, & immortales sempiternæ

Gloriæ tituli. Unus commemoretur hic nobis Matthias Corvinus victoriosissimi Hunniadis filius, quem etsi Oriens Occidensq; aliquando horruerint, hodie tamen eius memoriam gratissima benevolentia complectuntur. Erat ipse, quem, ut eius inscriptum est sepulchro, facta Deum ostendunt, fata hominem. Cuius ad sepulchrum aliquando temperare sibi à lachrymis Maximilianus Imperator non potuit, quòd extinctum ibi iacere Regem intelligeret, qui nihil ferè umquam, quantumvis arduum aggressus est, quin ex voto cesserit. Tantum erat eius consilium, tanta rerum omnium peritia. Qui tantâ dexteritate militum animos tractabat, ut nullo stipendio etiam suam illi operam offerrent. Trophæorum eius ac nostrorum simul Hungarorum si placet recordari, nos Hungaros imprimis aliquando rebelles domuit; illi victa Bohemia trophæum eiecit; illum fracti Valachi superiorem sunt confessi; ab eo sese afflictos Poloni nec iniuria proclamant; in eius aliquando potestatem Austria sese redactam non inficiatur. Unus ipse uno eodemque tempore omnium ferè populorum arma sustinebat, & vincebat. Ab eo Mahometes & Baiazetes Turcarum Imperatores pacem petierunt, pacem dedit; ab eo Hydruntini auxilium efflagitaverunt, auxilium dedit, & obsidione liberavit. Illum non semel innumerabilibus copiis aggressi sunt Sultani, dissipavit, concidit, compressit. Omnia Matthias noster vincebat, cuius ea celeritas fuit, ut penè tam citò belli locum teneret, quàm militem legeret; tam citò hostium terga caderet, quàm eorum

pe-

pectora inveniret, frontesque videret. Illi Hungarorum Achilles fuit, & summam Armorum Gloriam Gentibus omnibus invidendam Hungarorum armis adscripsit. Et verò vel propter hunc solum cedere Nationes omnes Hungaris deberent. Jactitent Græci suum Ulysssem, Agamemnonem, Aiace, Diomedem; ego Ulyssi Emericum Scepuensem, Agamemnoni Stephanum, Aiaci Paulum Cinisium, Diomedem Nicolaum Cyporcæ oppono. Quantum sit Hungarorum robur, unus testari potest Blasius Magærus, qui armatum hominem dentibus subreptum militares inter choreas armatus ipse circumferebat, & salrabat. Quantus sit Hungarorum animus, hæreditarius hostis noster Turca, cui eripere rusticam aliquam casam difficilius sanè est, quàm munitissimam Regibus aliis Civitatem, declarat. Quippe nos Hungari pænè soli cum illo quotidie pugnamus, ab illo æstimamur & timemur, illum vincere superareq; scimus. Ille arma nostra excitat, vigilantiam acuit, vires & robur exercet, laboriosos, contumaces, infractos facit. Et illa indoles nostra ita conformata est à natura, ut quamdam habeamus in hostes ferociam, duri animo & corpore simus, gladios & arma quævis in delitiis ponamus, equitare nulli melius nobis sciant, & Equestres nostræ copię omnibus Nationum omnium Equitibus longè antecellent. Et verò ii omnem in armis Gloriam sibi vindicant, quorum animus supra mortem, & supra vim omnem ardor est invictus. Testes sunt Hungarorum nostrorum animi; Unde cum in Agriz civitatis obsidione Mahometus Bassa deditionem fieri

per tubicinem postularer, erexerunt in muris fere-
trum Hungari nostri, quo tacitè, magno tamen a-
nimo, malle se mortem ac sepulchrum, quàm de-
ditionem respondebant. Repulsus est immanissi-
mus hostis, & maior obsessorum visa virtus est,
quàm furor & armata vis obsidentis. O invicti &
fatis ipsis animi maiores ! Parvum admodum, &
vix munitum oppidulum est apud nos, quod Gun-
zium appellamus. In hoc aliquando vires omnes
suas, quingenta nimirum hominum millia Soly-
mannus convertit, summa vi aggressus, summa vi
oppugnavit; verùm dum illud Hungari nostri Ju-
rischizio Duce maiori animo, etsi paucissimis co-
hortibus, defendunt, tantum immanissimi hostis
apparatum in fugam ignominiosissimam summa
laude convertunt. Quid de illo Hungaro dicam,
qui in Jayzæ obsidione Turcam illum, qui sui Im-
peratoris imponere turri signa contendebat, me-
dium corripuit, & unà se cum eo præcipitem ex al-
to dedit? Quid de Nicolao Serinio, qui cùm in ob-
sidione Sigethi cò redactus angustiarum per famè,
sitim, incendia, ac rerum omnium inopiam esset,
ut sustinere amplius vim hostium non posset, præ-
tiosissimis sese vestibus, annulis, cristis, villoso ga-
lero exornavit, confirmatisq; suorum ad pugnam
animis ante eos districto gladio sumptaq; parmu-
la, cùm aperiri portas iussisset, in medios ac con-
fertifsimos hostes irruit, multos generosissimè
pugnando trucidavit, tandem sanguinem suum
in hostium sanguinem sepelivit? An esse ullibi
terrarum tales ac tantianimi possunt? An eius-
modi

modi quicquam in omni Antiquitatis memoria reperietur? Nulla vi frangi Hungari possunt; si fata urgeant, ultrò gaudentes ac gestientes in mortem irruunt, & in ipsa morte de fatiis triumphât. Etiam cum quandoq; vascuntur Hungari sæviente fortuna, gloriam tamen morientes auferunt, & ignominiam hosti victori relinquunt. Sensit & agnovit hanc Hungarorum nostrorū virtutē Scipio ille Belgicus, & Dux incomparabilis Buquoius, cuius fortitudini cum cedere reliquus Orbis potuisset, cessit ipse Hungaris, & gloriosa morte triumphans plus nobis doloris, quā honoris reliquit. Senserunt alii plures Duces egregii, & sua virtute immortales, quorum sepulchris Hungaria nostra ad sempiternam Gloriam suam exornatur. Nec illam ignoraverunt Poloni, qui Stephanum Batorium Hungariæ nostræ præclarissimum Decus sibi Regē elegerunt. O Marte ipso maiorem Virum! O Bellatorum Gloriam! Stephanum, inquam, Batorium; sed nominasse sit satis, ignorare quippe omnia videtur, qui Gloriam eius ignorat. Fuit enim is tantus, ut Amurathis Tertii Turcarum Imperatoris Legatus, cum eius exercitum & omnem belli apparatus avidis oculis conspiciatus esset, affirmaret, quodd siungere sese & animo & viribus cum Imperatore suo veller, ne Orbem quidem terrarum eorum virtuti magnitudinēq; parem futurū. Libenter in ipso finiam, qui nostræ Gentis summa Gloria est. Quodd si vereretur, ne Hungari adhuc cedere nolletis, fœminas certè nostras aliarum Nationum viris aut pares aut superiores profer-

rem. Illam, quæ in Agriæ obsidione cum marito depugnans, ubi occisum illum animadvertit, non prius, monita tamen ab aliis, sepelire illum voluit, quàm arrepto mortui ense Turcas tres, qui in murum enitebantur, contrucidavit. Illam, quæ cum matrem grande saxum ad muros ferentem machinæ ignitæ globo deiectam vidisset, cohibitis lacrymis saxum arripuit, eoque Turcas duos elisit, plurimos vulneravit. Illas, quæ sua fortitudine eò Mahometum adegerunt, ut solvere in glorius obsidionem deberet, cum nullo ipsæ sanguine, nullis mortibus moverentur. Sed ista mulierum nostrarum fortitudine Gloriam obtinere non contendo. Viri sumus Hungari fortissimi, bellicosissimi, victoriosissimi; qui cum vinci non possimus, superest, ut supremam ac maximam Armarum Gloriam possideamus.

D I X I.



JUDL

JUDICIUM
CAROLI V.
IMPERATORIS.



CAROLUS QUINTUS Imperator dicere solebat, ad instruendum iusti Exercitus corpus, sumendum esse Caput ab Italis, Brachia & Manus ab Hispanis, Pectus à Germanis, Ventrem & Pedes ex reliqua Gentium alicuius Colluvie. Quòd Itali prudentes essent & ingeniosi, Hispani fortes & pugnaces, Germani fideles & constantes, cæteri omnes ad munus aliquod apti & utiles.

QUÆSTIUNCULÆ aliquot Militares.

I.

Quænam res in Bello maximè sint
necessariæ?



RES, inquit Iacobus Trivultius, magnè
nominis Bellator, Pecuniæ, Pecuniæ,
Pecuniæ. Carolus item Quintus
Imperator Nervos Belli Pecuniam,
Commeatus, Milites esse dicebat; ve-
rùm si ex iis unum esset eligendum,
Militem se veteranum electurum, cuius industria & for-
titudine reliqua duo se ex hoste comparaturum confide-
ret.

II.

Quod discrimen inter Rusticos &
Milites?

LUDOVICUS XII. Francia Rex dicebat, Plebem &
Rusticos pascua esse Tyrannorum & Militum, Mi-
les pascua esse Damonum.

III.

Quis finis sit Belli Ducis Christi-
stiani?

CUm apud Carolum Quintum Imperat. Antonius
Leva aliq; Duces Iulium Casarem & Alexan-
dram extollerent, quærerenturq; Imperatorem suis victo-
riis ad sua potentia & magnitudinis amplificationem
quantum posset & deberet, non uti, respondit Imperator,
Alexandro & Iulio Casari in Bellis gerendis unum fuisse
finem Honorem & Gloriam; Christianis autem Ducibus
duos esse propositos, Honorem, & Anima salutem.

IV.

Quantum possum fit in astutia & fortitudine
Ducis?

CUm adversus Albertum Marchionem Brandebur-
gensium Germania superioris Civitates, ut Norim-
bergenfis auxilio essent, numerosissimum exercitum
instruerent, interrogavit quispiam, Vt quid tantum po-
pulum adversus unum Principem nec ita divitem arma-
rent? Cui è primoribus Civitatum unus: Desipis, in-
quit, Homo; nam in Alberti astutia & fortitudine o-
mnium Germania Principum vires opesque continentur.
Nec vana vox fuit: suas enim in partes septemdecim
Principes traxit; & Civitates ad Pacem petendam
coëgit.

V.

An Cæci militare etiam possint?

Ioannes Bohemia Rex, Henrici VII. Imperat. Filius, & Caroli IV. Pater, ita Belli studium amabat, ut cæcus etiam in militiam proficisceretur. Prælio interfuit inter Eduardum Anglia, & Philippum Gallia Reges, manum conseruit armatus, & fortissimè pugnans tandem occubuit. Ziska item Bohemus & cæcus bellum feliciter gessit, Bohemosq; Catholicos & Teutones magnis cladibus affecit. Is moriturus, cum rogaretur, de corpore suo quid fieri mandaret: Pellem, inquit, mortuo detrahite, relictoq; feris cadavere, ex ea tympanum, quo in præliis utamini, conficite. Nam ut hostes viventis aspectum non ferebant, ita mortui sonitum non ferent.

VI.

Quinam potissimum in pugnis committendis laudandi?

Henricus IV. Francia Rex eos vehementer laudabat, qui feriendi prudenter captant occasionem, & dextro Marte cadunt. Illos verò, qui exploratis hostium viribus, si paulò debiliores sint, pugnare non audent, Sapientes Ignavos appellabat: Alios, qui nullo consilio inconfertissimos hostes irruunt, cum repugnare non possint. Fortes Stultos esse dicebat.

VII.

VII.

An Urbium oppugnatio facilè suscipi
debeat?

Scipio Romanus, aut tentare Urbem non oportere, dicebat, aut sic tentare, ut omnibus viribus, quod instituiſti, coneris perficere. Nam bis ad eundem lapidem offendere, simul periculofum eſt, & contemptui obnoxium. Onofander autem duo in Urbium oppugnatione requirit, Ducis virtutem & prudentiam, cum machinarum apparatus. Deinde, ut non minùs occultent ſua conſilia obſidentes, quàm qui obſidione urgentur, volebat Appius Claudius obſidionem non trahendam, ſed premendam eſſe. Quippe per intermiſſiones & intervalla lentiores ſpes noſtras facimus. Et, ut alius dicebat, Multa bella impetis ualida per tadia ac moras evanire.

VIII.

An Belli Dux temporum habere rationem
debeat?

Pyrhus cùm poſitis circa Naupliam caſtris Regem Antigonum in campum pugnamq; provocaret, reſpondit Antigonus ſuam militiam non magis armorum, quàm temporum eſſe, Pyrro, ſi ſua vita tadium illum caperet, ſatis multas ad interitum vias patere.

IX.

Quomodo animandi Milites, ubi prædæ
nulla spes est?

Albertus Austriacus, Belgarum Princeps, in difficili illa longaue Ostendæ obsidione Castra sua in quatuor diversatum Natione acies partitius est, & quæ prima omnium irruptionem in oppidum faceret, ei plurimam auri vim, præter stipendium, addixit, in prædæ nimirum remunerationem, quam ex Vrbe minas sperabant. Vrbe paulò post, per Illustrissimum Spinolam potius est. Magna præmia magnos faciunt animos.

Qualis esse Miles debeat?

Miles, secundum Vegetium, debet esse vigilantibus oculis, erecta ceruice, lato pectore, humeris musculosis, valentibus digitis, longioribus brachiis, ventre modicus, exilior cruribus, suris & pedibus non superflua carne distentis, sed nervorum duritie collectis. Secundum eundem, aptior armis rustica plebs est, quam urbana. Quod, ut dicebat Cato, ex agricolis viri fortissimi & milites strenuissimi gignantur.

XI.

An, & quo pacto Belli Dux quiescere
in Exercitu possit?

Philippus Macedonia Rex, cum in Exercitu multo tempore dormivisset, experges factus tandem, iis qui circa se erant: Tu id, inquit, dormivi, vigilavit enim Antipater. Quo dicto prudentissimus Rex indicavit, tutò Belli Ducem aliquando dormire posse, dum aliquis è præstantissimis, qui secundas teneat partes, interea Exercitui præficiatur.

XII.

An, cum obsessi mulierculas, pueros & senes
dimittunt, remittere debeant obsi-
dentes?

Orozander suadet, ut cibari acitius absument, & hostium magis, quàm sociorum munere fungantur. Alphonsus autem Aragonia Rex, in Caieta obsidione, cum Oppidani impuberes, senes, mulieres urbe pepulissent, miseratione motus summa eos humanitate excepit; & obijcanti cur illos non remitteret, cum ita futurum esset, ut brevi urbs in potestatem veniret: Plures, inquit; facio horum vitas, quàm centum Caietas. Hac humanitate urbem in deditionem redegit.

XIII.

XIII.

An Milites in Exercitu auro & monilibus ornati
esse debeant?

Pescennius nolebat à Milite aurum, gemmas & monilia in aciem asportari, ne alacritas hostis prada cupidine inflammaretur. Romani horridum militem esse volebant, non calatum auro argentoq; , sed animis & ferro fretum. Et Mutius Sfortia Alphonsum Neapolitanum risse dicitur, cuius Exercitu nihil erat videre splendidius.

XIV.

Quantum possit Ducis Exemplum?

Cum Rodolphi Primi Imperatoris in Prælio contra Ottocarum Bohemia Regem Exercitus siti laboraret, animosq; remitteret, ablata est rustico cuidam messoribus potum ferenti hydria sicerâ plena, & Imperatori oblata. Quam cum ille vidisset, Reddite, inquit, homini isti vasculum suum; nam ego Exercitui, non mihi sitiebam. Hac voce omnium sitim extinxit; resumptis mox animis victores evaserunt.

XV.

Quomodo accipiendæ sint à Belli Duce
Civitates deditæ?

Leo Imperator, Si Deo, inquit, annuente subijciatur tibi Civitas, vel ob meum obsidionis, vel aliam ob causam

*causam, clementer ac benevole erga obseſſos afficiaris. Sic
Alexandri Magni clementia plurimas in deditionem
Urbes accepit.*

XVI.

**An Clades accepta addere animum
valeat?**

Conſalvus Fernandes præclarus Militia Dux, cum
Neapolim miſſus adverſus Gallos eſſet, prioris for-
tuna ſua memor in anteaſſum ſibi victoriam polliceba-
tur. Vnde remiſſius ſeſe gerere, hoſtemq; cõtemnere cœpit,
veluti nominis ſui famã percuſſum. Tandem cum Gallis
conſeruit manum, quorum Dux Dominus d' Aubigny,
& ingenti affectus eſt clade. At ille cautior inde factus,
ſic poſtea ſeſe geſſit, ut Gallos diverſis praliis proſli-
garit, ac regni tandem finibus magna
cum ſua laude de-
pulerit.

F I N I S.

10114 ADI 146346







